

**RERUM  
POLONICARUM  
TOMI TRES:  
QUORUM PRIMUS  
OMNIUM...**

---

Alessandro Guagnini




7  
16-D  
19



7-16-D-19







QVORVM PRIMVS OMNIVM POLONIAE REGVM, A LECHO PRIMO GENTIS DVCE, AD STEPHANVM BA-

THOREVM, etiamnum Regem: tum Principum Lituaniae, chronologicam recensionem, ac singulorum res gestas complectitur:

ADIECTA RECENS HISTORIARVM IN NO-  
*stram aetatem incidentium continua narratione.*

II. PROVINCIARVM, QVAE VNO SARMA-  
tiae Europaeae nomine vulgò veniunt, chorog-  
raphicam descriptionem continet.

III. RES SINGVLARITER A POLONIS IN  
Valachia gestas, Orationes item & Epistolas sceptri  
Polonici negocia concernentes habet.

ALEXANDRO GVAGNINO, EQVITE A-  
*rato pedestrumque praefecto auctore.*



FRANCOFVRTI

Excudebat Ioanna. Wechelus, impensis Sigisf. Feyerabendij.

Capacinarum Roma.

G  
II  
24



84.





三





EPISTOLA NVNCVPATORIA,

AD

ILLVSTREM,  
AC GENEROSVM DO-  
MINVM, DN. MARCVM FVG-  
GERVM, DOMINVM IN KIRCH-  
berg, & Weissenhorn, &c. atque vrbi Impe-  
riali Augustę Vindelic. Præfectum in Re-  
pub. spectatissimum : Dominum,  
& Meccenatem suum  
clementem.



*IRTVTEM* omnes  
admirari, illustris, &  
generose vir : etiam  
homines ab ea planè a-  
lienos, constat: tum mi-  
rabiles sui amores excitantem, tum verò  
maleuolos stupore percellètem. Quæ qui-

★ ij



## EPISTOLA

den, si non priuatis modò parietibus deli-  
 tescat: verùm publicā utilitatem potius  
 tueatur, quàm in proprio cōmodo ac quie-  
 scat: vera demum, & genuina virtus dici  
 meretur. Cōmunē enim generis humani,  
 ac potissimùm patriæ salutē cōsiderans, in  
 constituendo quarumlibet Rerum publi-  
 carum statu singularem sapientiam: in ad-  
 ministrando moderatam prudentiam: in  
 conseruando grauem cōstantiam: nec non  
 interdum erga ciues intra officij sui limi-  
 tes retinendos iustā seueritatem: denique  
 eam animi, morumq; compositionem am-  
 plectitur, quæ publicè, priuatimq; prodes-  
 se omnibus velit, obesse nulli. Orarā vir-  
 tutem! ideoq; beata felicitate florentissi-  
 mas Respublicas, quibus ea potiri datum  
 est. Neq; verò quisquam existimet, va-  
 rio, & inenitabili (si dijs placet) philoso-  
 phorum fato eam quoque subijci: itaque  
 modò huic, modò illi magistratui vel ca-  
 su obuenire, vel eripi. Impia hæc, & à  
 Chri-

## NVNCVPATORIA.

*Christianis hominibus reiecta est opinio: diuinitus eam & concedi, & negari pie asserentibus. Testis est Daniel, propheta luculentissimus, qui rerū principatus providenti DEI OPT. MAX. nutu stabiliri, & trāsferri edocet: imperantium effrenem quidvis audendi tyrannidem: & huic sese assimilantem populi proteruiam politiarum periodum statuens. Quemadmodum enim, inquit Demosthenes, exerratis, quæ inter nauigandum cōtingunt, si quis nauta peccet, leue & paruum adfertur damnum: verū si gubernator aberret, omnibus simul nauigantibus cōmune infortunium, ac periculū creatur: sic priuatorum hominum delicta non in plebis, sed in ipsorum capita recidunt: magistratuum autem, & Remp. administrantium peccata in omnes ciues deriuātur. Nōne summa Monarcharum potestas, una extirpata familia ad alterā profapiam: imò de natione in nationem: mutatis subinde*



## EPISTOLA

*personis, & regnis: hac ratione deuoluta est: donec Romani (quorum virtus maxime emicuit) inuersa Reipub. forma, ad Monarchiæ tandem fastigium euecti fuerint: penes quos hodie quoq;, quamuis suis debilitata viribus, consistit? Nonne continua historiarum tam sacrarum, quàm prophanarum series ostēdit, quàm miranda semper, & exitiosa plerunq; tyrannidem, impietatem, seditiones, libidines, & alia eiusdem generis nefaria scelera ubiq; locorum, & in quibusuis imperijs sequatur conuersio? Memorabile, proh dolor, exemplum sese offert, calamitosus regni Constantinopolitani, atq; cæterarum gentium immani Turcarū furori cedētium, status. Luget Græcia, luget Asia, & Africa: nec non plures Europæ provinciæ: sub Christi Iesu seruatoris nostri protectione olim potentissimæ regiones. Nonne etiam nostra hæc secula eiusmodi Rerump. vices nobis exhibent, dum quædā in pristinam*  
*se li-*

## NVNCVPATORIA.

*se libertatem vendicarunt: quædam præter ius, & æquum seruitutis iugo premuntur: quædam verò inter spem, & metum anxie, quò se inclinent, dubitant? Concedis ergò, ni fallor, principes suo exemplo vel comodare vel nocere ciuibus: eaq; re vitæ probitatem, res, & fortunas tu suas, tu ciuium: adeoq; administrationē, ius, & iurisdictionē omnem vel penitus euertere: vel, ne quid detrimēti capiat Resp. in primis curare posse. Concedis etiā, solam virtutē efficere, ut princeps non solum sui amore dicto audientes ciues habeat: sed etiam diuino DEI omnia moderātis fauore, & auxilio nixus, incolumē imperij sedem conseruet. Quanam autem illa virtus sit, quid ve operetur, haud difficile est cōiungere: si quoddam benè cōstitutæ Reip. regimen cum exquisita historiarum lectione cōtulerimus: prudētia nanq; fortitudine, iustitia, & clementia opus est: quæ nimirum fulcra sunt stabiliendi regni, & colu-*

## EPISTOLA

*mnæ. Hac siquidē suis viribus unita vir-  
 tute parcitur ciuibus: iure, & legibus vi-  
 uitur: virtus priuata præmium consecui-  
 tur: vitium pœnis coërcetur: in aduersis  
 rebus fortunæ nō facile ceditur, nec in se-  
 cūdis superbitur: sed insidijs, seditionibus,  
 atq; periculis patriæ undiquaq; imminē-  
 tibus imperterritè obuiam itur: ac deniq;  
 ratione, & iudicio cōstituitur, & guber-  
 natur Respublica. Atqui nō cuius eò aspi-  
 rare licet, heroicæ indolis, atq; excelsi ani-  
 mi munus est: cui præterea longus rerū v-  
 sus, & multarū literarum, præsertim hi-  
 storiarū, cognitio pulchrè respōdeat. Nam  
 eruditio, & plurimarū rerum scientia in-  
 sitā à natura: seu, ut melius dicam, à Ma-  
 ioribus iure quasi hæreditario acceptā in-  
 genij vim magis accendit: &, quod ma-  
 ximū est, vehementem animi generosi im-  
 petū absq; ullius iniuria temperat: qua si  
 destituitur, persæpe in perniciosam Reip.  
 tyrannidem, & exitium desinit. Exemplum  
 huius*



## NVNCVPATORIA.

huius rei apud fide dignos rerū gestarum  
 autores passim obuia sunt, tū eorum, qui  
 ob literarum imperitiam Respublicas per  
 ferocientis spiritus vehementiam tyrannorum  
 more pessundederūt, fœdeq; pericurrunt:  
 tum verò illorum, quibus de patria sua  
 optimè meritis per gloriam virtutis, &  
 eruditionis in perpetuum viuere cōtingit,  
 innumera: unum saltem è millibus ponā,  
 Carolum V. diuæ memoriæ: Imperatorem  
 non minus literatum, & prudentem, quàm  
 iustum, & magnanimū. Qui memor illius  
 Iustiniāni, Imperatoriā Maiestatem nō  
 solum armis decoratam, sed etiam legibus  
 oportere esse armatam: ut utrunq; tēpus  
 & bellorū, & pacis rectè possit gubernari:  
 & princeps Romanus non solum in hostilibus  
 præliis victor existat: sed etiam per legitimos  
 tramites calumniantium iniquitates expellat:  
 & fiat tam iuris religiosissimus, quàm victis hostibus  
 triumphator magnificus: heroicā, & verè

## EPISTOLA

*Imperatoriam mentem frequenti literarum lectione in tantum oblectabat, & informabat, ut iuris, & historiarum maxime scriptores, nec in medio quidem armorum strepitu à manibus deposuisse perhibeatur. Imperij Romani acris defensor, & pacis restaurator: nec non multis regnis ob excellentem cum felicitate iunctam virtutem terror ingens, & formidabilis. Eiusmodi Heroas hoc rerum Polonicarum quoque chronicon plures repræsentat, fortibus ausis, & magnis victorijs insignes: atque sua virtute eo progressos, ut Imperij sui fines longè, lateque extenderent: Boleslaum quoque huius nominis primum Ottho tertius Romanorum Imperator axiomaticè regio dignissimum arbitraretur. Reliquum est, ut (quod more observatur) quæram, cuius patrocínio chronicon hoc, ex recensione tot, tantarumque heroicarum virtutum per se amabile: viris doctis, & bonis cognitu dignius etiam &*  
*incun-*

## NVNCVPATORIA.

*iucundius fiat: te videlicet, illustris, & generose vir, præcipuum Fuggeranae familiae decus, & ornamentum, operi huic multis modis conueniens. Quis enim negarit, quin Fuggerorum familia generoso virtutis stimulo eousque peruenerit, ut iam prorsus ad Reipubl. administrationem nata: prudentia, & omnis generis disciplina instructa: atque usu diuturno assuefacta esse videatur. Illud certum est, eo primum tempore cognitam & perspectam eiusdem virtutem fuisse, quo non ullo clariore, & oportuniori unquam potuisset: patria scilicet sub D. Carolo V. in extremo discrimine constituta. Cum enim Tribunitijs, ut tum tempus & res ferebat publica, aliquandiu furoribus exagitaretur: atque plebs inquieta Tribunorum manu contra Magistratum armaretur: eamq; ob causam graue Imperatoris, alioquin clemētissimi, odium, et indignationē iustam pateretur: mirū est,*



## EPISTOLA

quantus in iuuanda patria, & reconciliandis ciuibus Antonij parentis: nec nò Ioannis Iacobi, & Georgij patruorum tuorum ardor, & indefessa animi constantia apparuerit: ut à DEO OPT. MAX. horũ trium fratrum, Antonij præsertim virtute, ex faucibus Hispanorum prædã spirantium, & quæuis atrociaminantium, Augustam ereptam esse, haud obscure pateat. Hinc proculdubio nemine repugnante, de Antonio Fuggero verè dixerim, quod Xenophon Agesilao suo tribuit: inquiens, eundem, ubi existimasset patriæ profuturum, neq; labores fugisse: neq; à periculis abductũ esse: neq; pecunijs pepercisse: neq; corporis, neq; senectutis imbecillitatẽ obtendisse: patriæ deberi ratum, ut ciues saluis aris, & focus tutò viuerent. Designati me hercule magistratuum honores à D. Carolo V. in Rep. Augustana septem virales Antonio: consulares Ioanni Iacobo: atq; senatorij Georgio publicæ amoris in

patriam

## N V N C V P A T O R I A .

*patriam approbationis instar sunt: eò certè laudabilioris, secundum Imp. Theodosium: quòd nec prèce, nec precio illos ambiuerint: sed ob merita, & vitæ integritatem ultrò oblatos, absq; ulla tergiversatione, subierint: atq; summa cum laude iustitiæ, & fidei ita gesserint, ut amarentur à plurimis, timerentur à paucis: nō priuatim modò admirabiles, sed & publicè apud omnes. Encomium eruditionis, prudentiæ, māsuetudinis, gravitatis, & in omnes, præsertim pauperes, beneficentiæ: quæ peculiaris huic familiæ esse solet: quis nō videt tam Imperatorum, regum, principum, & magnatum gratiam, & amicitias haud pœnitendas: quàm virorū tum doctorum, tum bonorum animos: imò exterarum quoq; nationum: quibus eadem virtus innotuit: fauorē singularem Fuggeris conciliasse. Equidem ut, quanti familiam hanc faciam, quàm ve te Maioribus tuis omninò similem mirer, & admi-*



## EPISTOLA

*rer: licet forsitan non pro rei dignitate, at-  
 tamen ex animi mei affectione, declar em:  
 idcirco præsens hoc opusculum, ducum, &  
 regum Polonorum, atq; rerum ab his ge-  
 starum conspicuum ordinem continens,  
 illustri, & generoso tuo nomini offero, de-  
 dico, consecro: ea lege, & conditione, ut  
 non solum ipse sereno, & clementi vultu  
 dicatum suscipias: sed lectum etiam, &  
 comprobatum tua cōmendatione gratum  
 magis, & acceptum reddas: quæ quātum  
 ponderis apud quosuis habitura sit, mini-  
 mē me fallit. Quò enim doctior quisque,  
 & apertior fuerit, eò æquius & honorifi-  
 centius de tuo iudicio senserit: non igna-  
 rus, te Maiorum tuorum vestigijs inha-  
 rentem, nullum simulationi, nullum affe-  
 ctibus locum relinquere: sed candidè o-  
 mnia, & solerter agere: utpote historia-  
 rum quotquot sunt omnium peritissi-  
 mum, & multa multarum rerum expe-  
 rientia edoctum. Accedit Reipublicæ  
 admi-*

## NVNCVPATORIA.

administratio: cui praefectus, tantus es,  
quantum te tua in capeffenda illa virtus  
ostendit, magnus merito, & clarus: eo  
maximè statu, quo nisi animus praesens &  
fortis prudentia, & vigilantia opitule-  
tur: verendum sit, ne paruo momento res  
magna subuertantur: & cum ciuibus  
Respublica simul ipsa concidat: id, quod  
DEI OPTIMI MAXIMI cle-  
mentia in Christiani sanguinis hostes  
redundet, votis supplicibus precor.  
Gratuletur igitur sibi Augusta de  
te, collegisque tuis rerum iam potiun-  
tibus: viris sapientia, & fide specta-  
tissimis: quibus nihil religiosius, nihil  
antiquius esse ducitur patriæ, ciuium-  
que suorum salute: atque vestrum se-  
quuta consilium, & ductum: fugata  
Ate, quæ nullibi non suo nomini un-  
quam magis respondit, atque hoc de-  
ploratissimo seculo: tranquilla pa-  
ce, & concordia animorum perpetua

EPIST. NVNCVPATORIA.

*fruatur. Quæ quidem, tanquã Rerump.  
incrementum, lucro cuilibet longè præse-  
renda: vera tamen pietate, & assidua ad  
DEVM OPT. MAX. oratione expeten-  
da est: qui solus, & vnus politias consti-  
tuit, & florentes tuetur: Nanque,*

*Te penes, alme DEVS, rerum est dis-  
ponere summam:*

*Te duce, ciuilis iussa capeffit ho-  
mo.*

*Vale, illustris vir, cum tota Fuggerana  
familia, cõinge ac sobole generosa: qui per-  
pensis animi dotibus, excellens: corporis  
bonis, omnibus amabilis: fortuna successi-  
bus dignus esse videris: meq; tibi, meosq;  
commendatos habere digneris. Data  
Francofurti ad Mœnum, Calend.  
Aprilis, anno reparate salutis humanæ  
M. D. LXXXIIII.*


*Tux Illustri generositati  
deuotissimus*

*Sigismundus Feyerabenus  
typographus.*





PANEGYRICVS, AD  
STEPHANVM I. POLONORVM  
regem potentissimum,  
CHRISTOPHORI WARSEVICII  
Equitis Poloni.

 NCREDIBLEM læticiam, STEPHANEREX, quam ex tot, tantisque rebus præclare abs te gestis omnes concipimus, vix aliquis non dicam verbis ornare, sed ne enarrare potest. Neque enim solum calamitatem nobis detraxisti, verum etiam dignitatem auxisti, & noua insignia honoris, & adiumenta felicitatis comparasti. Quo nomine quantum debetur virtuti & fortunæ tuæ, vtinam mihi esset tantundem eloquentiæ? Quis enim dubitaret, & admiratione audientium, & voluptate legentium, & eorum qui commemorantur gratia, nullum mihi dari posse maius argumentum, præstantiusque dicendi? Sed ego quò tibi deberi plura video, & quò minus præstare possim, meum ipse recognosco; eò fugit & reformidat id magis animus, & in angustum mea redigitur oratio. Dicendum enim est de summi & amplissimi REGIS laudibus, dicendum de tot tantisque rebus gestis & victorijs ipsius, quas, sicuti difficile est explicare omnes, sic

## PANEGYRICVS C. WARSEVICII

nefas vel aliquas præterire : quo magis summo ingenio & eloquentia opus est, & nihil nisi eximium solertia, ex cultum diligentia, debet afferri. Verum dum temeritatis notam cuncti vitamus, ne ingrati animi reprehensionem potius incurramus, audendum aliquid esse puto, & præstare ut si minus disertis & sapientes, at saltem non ingrati videamur. Ac primum verba facienda sunt de causis belli; demum de progressu & cursu ipsius, & cum hostis in inferendis iniurijs libido animique impotentia, in omni turpitudinis genere incredibilis luxuria; tum verò summa æquitas in decernendo; considerata tarditas in suscipiendo; admirabilis celeritas & felicitas tua in gerendo bello; & in victoria præclara moderatio, & mansuetudo summam est exponenda. Quam in re ita me, Rex, geram, ne aut veram detraxisse, aut falsam affixisse laudem tibi videar; & ad accusandum eum hostem descendisse, studio aliquo maledicendi vel calumniandi. Quamquam quod facere alicui videtur non turpe, id mihi factum ab eo referre, cur sit turpissimum, & si in mortuorum laudationibus, nisi simul cum virtutibus notentur & vitia, suspecta est omnis oratio : in commemorandis viuis id fieri (ut mea fert opinio) quanto magis debet : partim ut à turpitudine ad honestatem; ab inhonorata & ingloria vita, ad decus & gloriam auocentur; partim ne cum larvis tantum certare & viuorum vitia dissimulare potius videamur; nisi fortè metus nos impediatur aliquis, qui tamen ingenuis & in libertate hominibus natis, nec mentem opprimere, neque linguam obstringere debet, quò minus velint rebus sua nomina dare, & ut ille inquit, Scapham scapham appellare.



# AD STEPH. I. POL. REGEM.

bellare. Nemini ergo est dubium hoc bellum contra  
 Moschum tuum, voluntate setum, necessitate iu-  
 stum, beneficio erga rempub. gratum, fama glorio-  
 sum, exitu maximè vtile & salutare extitisse. Etenim  
 cum omnia bella, quæ pro aris & focis, pro patria,  
 pro tuendis finibus, pro conseruandis libertaribus  
 ulcipiuntur & geruntur, iusta sunt, tum contra  
 Moschum iustissima; qui non princeps sed tyrannus,  
 non homo sed bellua ex fœdissimorum flagitiorum  
 colluuiione conflata, potius diceretur. Legimus o-  
 lim veteres, inter deos locum Herculi non aliunde  
 tribuisse, nisi quòd contra Diomedem regem Thra-  
 cum, qui carnibus hospitum equos pascebat, arma  
 sumserat, & in frustra dissectum patibulo affixerat.  
 Legimus Phylantum non alia de causa celebrari,  
 nisi quòd Dryopum regem Apollinis Delphici fa-  
 tum violare ausum, regno exuerat, illudq; incolen-  
 dum Melitenisibus præbuerat. Legimus deniq; quos  
 honores, quos hymnos, quos cantus, quas & quales  
 statuas, ijs, qui tyrannos occiderant, homines Græci  
 tribuere consueuerat; vt exstaret ad memoriam po-  
 steritatis ara virtutis. At enim Ioanne Basiliade ma-  
 gno Moschorum duce, quis vnquam immanior fuit  
 ut esse potuit? plures ille homines sua manu inter-  
 fecit quàm alij iusserunt, plura genera mortis alijs at-  
 tulit, quàm omnes tyranni excogitauerunt. Non  
 Dionysius, non Claudianus, non Nero, non Caligu-  
 la, non omnes ij quorum aliquando nobilitata est  
 crudelitas, non dicam superiores, sed pares isti fue-  
 runt. Nam quid ego immanitatè, quid ferociam, quid  
 libidines, quid stupra, quid scelera & flagitia ipsius  
 omnia commemorem? Quis ita se & fortunas abdi-

#### 4 PANEGYRICVS C. WARSEVICII

dit, quis domum clausit, quis vitam obsepiuit, quis  
 pudicitiam permuniuit, vt ab istius portenti vi & ra-  
 bie tuta maneret? Quę vnquam fuit, est, aut erit bar-  
 baria quam non istius deterrima crudelitas supera-  
 ret? Et erit qui dubitet ad hunc tantum & tam inau-  
 ditum tyrannum, suę parricidā patrię, hostem ipsius  
 naturę, expertem omnis humanitatis, prædonem  
 alieni iuris, vindicandum datum & destinatum diui-  
 nitus te fuisse. A quo tot & tantis iniurijs & contu-  
 melijs prouocatus, quanta moderatione & patien-  
 tia fueris vsus, quāquam omnibus cognitum & per-  
 spectum est, tamen & ego id tacitus præterire nullo  
 modo possum. Summum enim studium, summa fuit  
 cura & sollicitudo tua, vt omnia prius quàm armis  
 cum eo experire, & vt intentatum nihil relinquere  
 viderere, quod ad Christiani sanguinis profusionem  
 vitandam, & ad pacem concordiamq; ex æquo cum  
 eo constituendam, pertineret. Huc tui toties ad eum  
 missi internūcij, huc literę, huc legationes, huc man-  
 data legatis data, huc postulata semper tendebant.  
 Quibus rebus omnibus profectum est apud eum ni-  
 hil, & tantum abfuit vt superbus & crudelis hostis, ea  
 moderatione animi, & postulatorum tuorum æqui-  
 tate, à libidine ad pudorem, ab audacia ad timorem,  
 ab amentia ad rationem auocaretur: quod etiam il-  
 la ipsa inflammari libidine, ardere amentia, efferri  
 superbia tantò magis cœpit, & ea quę ad pacem &  
 mutuam subiectorum tranquillitatem vergere iam  
 cœperant, turpiter nefarieq; violauit. Nam vt illa quę  
 Sigismundi Augusti temporibus fecit silentio præ-  
 teream, vt insidiosę pacis iniecta spe Polociam occu-  
 patam, vt legatos regis & reip. nomine ad eum mis-  
 sos,

sos, viros graues & præstantes indignissimè tracta-  
 tos; vt Pernauiam sub Henrico rege, ab eo captâ non  
 commemorem; enimvero ignoratur quàm crude-  
 lis & perfidus hostis Moschus erga te fuerit. Cùm e-  
 nim legatis tuis, ad se veniendi potestatem fecisset,  
 securitatemq; promississet, repête vt Prussicis tumultu-  
 bus sedandis occupari & longius abesse te intello-  
 xit, an Liuoniam prouinciam, sepimentum Lituaniz,  
 sociam reipub. antiquæ pietatis vestigium, Balthici  
 maris præsidium non inuasit, & crudelissimè diri-  
 puit? Est autem Liuonia non (vt ipse ait) ipsius hære-  
 ditaria, sed Marianorum militum, Teutonici ordi-  
 nis vetus domicilium, quam ante annos quatuor &  
 viginti inter Guilhelmu Furstenbergium ordinis  
 illius principem, & inter Guilhelmu Marchionem  
 Brandenburgicum, & Rigensem archiepiscopum,  
 bello & dissensione orta, cum religione & liberta-  
 tem simul amisit. Siquidem perfidiam & leuitatem  
 semper manet pœna, & mutatio religionis statum  
 cõmutat libertatis. Quod quomodo euenerit paulo  
 alius repetere me, & auram clementiæ ac benigni-  
 tatis tuæ ad hunc demissum orationis meæ cursum in  
 altum prouehendum, implorare oportebit. ERAT  
 Liuonia in duas diuisa partes, quarum altera magi-  
 stratui ecclesiastico, hoc autem est archiepiscopo Ri-  
 genfi, & quatuor alijs episcopis, magistro Teutonici  
 ordinis altera subiacebat. Itaque cùm antea semper  
 Cruciferorum magistri, archiepiscoporum Rigen-  
 sium, quibus cùm Rigam primariam Liuaniz ciui-  
 tatem imperio tenebant, & omnium adeo ecclesia-  
 rum patrimonio inhiarent; tum verò Furstenbergi-  
 us Guilhelmu archiepiscopum in arce Cocen-



## 6. PANEGYRICVS C. WARSEVICII.

hausen aperta vi inuasit, & captiuum fecit: qui, quoniam Sigismundi Augusti regis Poloniae & magni Ducis Lituaniae cōsobrinus fuerat, & Rigenſium archiepiscoporum patrocinium ad magnos Lituaniae duces, more maiorum pertinebat, nullus est Gasparus Lancius à rege internuncius eo nomine in Liuoniam: quem cum Liuones occidiſſent, bellū est contra eos motum, & florentiſſimus exercitus ab ipſo Sigismundo Auguſto ductus in expeditionem. Cui cum ſe impares viribus & potētia Liuones animaduertiſſent, pacem repente petere, ſupplicesque fieri omnes ei non dubitauerunt, quam facile interponente ſe pro ijs Ferdinādo Caſare ad Pozzuolum obtinuerunt. Huius verò expeditionis contra Liuones exitum, magnus Moſchouiae dux apud ſe admiratus, & eadem ſe praſtare poſſe cōtra Liuones ratus; Derpatenſibus, tanquam viciniſſimis, maiorū ſuorum ius in hac parte cauſatus, pecuniam imperat, & niſi ea vel quamprimum ab ijs ſolueretur, cuncta Liuoniae bellum & exitium denunciat. Fit ea de re inter Liuones conſultatio; communicantur conſilia; dimittuntur in Moſchouiam legati: qui cum initio (vt ferunt) pecuniam ſe attuliſſe affirmatiſſent, demū verò ad rem cum eſſet ventum, eam non reſoluiſſent, barbarus & immanis hoſtis, tantò magis irritatus, legatis redire iuſſis, cum centum & triginta hominum millibus eos inſecutus eſt, ac ſubitam in Liuoniam irruptionem fecit; vſq; adeò, vt mox Wiſſemburgam & Naruam, deinde verò Derpatum, à cuius ciuitatis epifcopo in ſpem futurae gratiae adiutus fuiſſe dicitur: tandem & Mariemburgam occuparet, & incredibilem captiuorum numerum in Moſchouiam re-

cum abduceret. Sic Liuones magnam cladem & vastitatem à Moscho passi, & in rerum suarum desperationem pene abducti, ad Ferdinandum Casarem & ante, & tum cum post inaugurationē suam Francoforti Augustæ comitia celebraret, legatos mittunt; & tam ab eo quàm à cunctis Romani imperij ordinibus auxilium efflagitāt, & nisi celerrimē auxilium eis feratur, sub iugum barbari & crudelis hostis se necessariò ituros esse, nec aliter facere posse testantur. Neq; verò Imperatorem tantum, sed & Danię & Suetiæ reges & multos alios principes eo nomine adeunt & implorant. Sed rarò fit, vt ij, qui sua cōmoda & rationes spectant, alienis difficultatibus & periculis subueniant. Quapropter desperatis omniaum auxilijs, ad Sigismundum Augustum Polonię regem, postremò Liuones confugiunt; apud quem cum semel & iterū coràm, per legatos quàm sapissime auxilium postulassent, cumque & propter Lituania vicinum malum atq; incēdium, & propter regis ipsius gloriam & amplitudinem eam Liuania prouinciæ tutelam vtilem & necessariam ei esse, semperq; fore docuissent; tandem in fidem & clientelam recipiuntur, certis pactis & condicionibus, Liuonibus quidem ipsis quam rei aut reipub. commodioribus; que durarunt certo temporis spatio, & Liuones variam & instabilem fortunam experti sunt, mutationemq; rerum suarum grauissimam pertulerunt. At verò Sigismundus Augustus rex, cum per annos aliquot maximis sumptibus Liunionem defendisset, & Ericum eius nominis quartum decimū Sueciæ regem, præter omnem expectationem arma cōtra Liuones cepisse, & hostes deniq; alios eius prouinciæ auctos es-

se cognouisset, pactis prioribus stare nec posse, neq;  
 debere se dixit. Sed Nicolaum Radiuilum in Olica &  
 Niesujes ducem ac Palatinum Vilnensem, summæ  
 auctoritatis & amplitudinis virum, ad Liuones ea de  
 causa ablegauit; qui in re tanti momēti præstare cūm  
 nihil posset, illud quidem impetrauit, vt Guilielmus  
 archiepiscopus & Gotthardus Kethlerus magister,  
 quem ætate ingrauescente Furstembergicus non ita  
 multo post à Moscho captus, ibidemque mortuus, in  
 locum suum suffecerat, ad regem se venturos esse,  
 Vilnam recipere, & cum Palatini Vilnensis aucto-  
 ritate, tum verò arce Terues munitissima & Liuoni-  
 bus infestissima à Nicolao Radiuilo, tum Trocensi,  
 nunc Vilnensi Palatino, sub Moscho expugnata, ad  
 eam rem magis adducerentur. His ergo Vilnam ad-  
 nuenientibus, cūm post lōgas & multiplices discepta-  
 tiones, euidentissimis rationibus declaratum fuisset,  
 nisi communibus tam Polonorum quàm Lituanor-  
 um viribus Liuonię defensio susciperetur, à tot tan-  
 torumq; hostium rabie & interitu non posse eam  
 prohiberi. Polonorum verò auxilia, nisi deditione,  
 non Lituaniæ tantūm, verūm etiam Poloniæ facta  
 adduci non posse. Tandem ad extremum, cūm per-  
 ditis Liuonum rebus nemo succurreret, & vt fortu-  
 næ suæ præsidia aliunde quærerent, cūm tam Cæsar  
 ipse, quàm imperium non obscurè annueret, Polo-  
 niæ Lituaniæq; pariter deditionē fecerunt, & ea pa-  
 cta cōuenta Grodnæ primūm, deinde verò & Lubli-  
 ni, in maximis totius regni comitijs, quibus Lituania  
 cum Polonia est vnita, per legatos suos iureiurando  
 sanxerunt & confirmauerunt. Ad eum modum ma-  
 gistri Liuoniæ statu, in ducis Curlandiæ permutato,  
 huic



huic regno adhæsit, & est associata Liuonia, quæ Dep-  
opt. max. sic permittente, non secus ac sedes quædam  
belli & dissidiorum facta, graues subinde & varios  
motus, multiplicesq; dominatus experta est, & pecu-  
nias quàm maximas exoruit, & immensis labori-  
bus ac periculis regi & defendi necesse habuit, quo-  
ad tu, STEPHANE rex, in regem eligerere. Quem,  
vt suprâ dixi, Prussicis tumultibus sedandis occupa-  
tum, cùm Moschus animaduertisset, Liuoniam quâ  
spe & cupiditate iam pridem deuorauerat, aperta vi  
& crudelitate inuadere non dubitauit. Atque id qui-  
dem eò fecit libetius, quò certis auctoribus Germa-  
nici magistratus spe & expectatione iniecta, multos  
ad defectionem, & res nouas spectare in Liuonia in-  
tellexit. Fit enim vt homines spe fallaci & opinione  
ducti, sæpe melioribus noua imperia anteponant.  
Verùm posteaquâ Moschus grassari in Liuonia cœ-  
pit, & nihil minus quàm de Germanico magistratu  
cōstituendo cogitare, imò etiam odio Germani no-  
minis flagrare, & in sanguine totiusq; Liuoniæ cine-  
re exultare. Liuones sanè facti mox pœnituit. At ve-  
rò hostis nihil prius habuit quàm vt sine vlla sexus,  
ætatis & conditionis differentia, tot hominum mil-  
lia immanissimè trucidaret, & inauditam crudelita-  
tem atq; tyrannidem suam in Liuonia passim & vbi-  
que exerceret. Iam verò legatis tuis ad eum venien-  
tibus, quàm superbus, quàm contumax fuerit, quàm  
multa arroganter de se, quàm leuiter de alijs coram  
eis dixerit, longum esset commemorare. Principiò  
genus suum explicare est orsus, & à Prussio quodam  
nunquam aliàs lecto vel audito, quem Octauij Cæ-  
saris fratrem, & se ab eo progeniem quartamdecim-

mam dixit esse, originē suam deriuauit. Quem cū in  
 in Prussia & Liuania ciuitates multas exadificasse af-  
 firmasset, in aliquot huius reip. prouincias ius se ha-  
 bere asseruit. Neq; verò hac & tanta uerborū vani-  
 tate cōtentus fuit, verum etiam apertam uim & cru-  
 delitatem statim adhibuit. Nam cū legati tui in ijs  
 pacificationis literis, quas Moscho dederant, nullam  
 mentionē Liuaniae facerent, totā Liuioniam & Cur-  
 landiam vsq; ad fines Pruslię sibi reddi confestim ille  
 postulauit; & nō ad similitudinē literarū legatorum  
 tuorum, sed ad arbitrium suum per scriptas literas su-  
 perbē & minaciter eis obstruīt: tandem verò lega-  
 tionem, qua illas pactas, ne dicam coactas formulas,  
 infirmare, quā cōfirmare potius uoluerat, in Polo-  
 niam amandauit. At enim nihil incōsideratius com-  
 mittitur, nihil periculosius suscipitur, nihil difficilius  
 peragitur, quā legatio. Cū enim legati Moschi  
 legationē exponere suam secus nollent, nisi detecto  
 capite, & in pedes erectus, de tyranni valetudine tu  
 prius interrogares. Postquā id negatum, & legatio-  
 nem ut exponerent suam imperatum eis fuisset, ira  
 perciti & indignati, nō modò nō perfecta, sed ne qui-  
 dem affecta legatione Cracouia exire, & ad Moschū  
 sese referre maluerūt. Qui immisso in Liuioniā exer-  
 citu, Vendenā principū Teutonici ordinis olim do-  
 micilium, præter tuam & omnium opinionē oppu-  
 gnabat. Quod cū per insignē faceret iniuriam, ef-  
 fectū est præpotentis Dei ope & benignitate, & tua,  
 tuorumq; ducū felicitate, Rex, ut ille exercitus ipsius  
 tam magnus, paruis à tuis copijs, Sueticis cum auxilijs  
 cōiunctis, Andrea Sapiha, nobili & egregio duce pro-  
 fligaret, & amplius viginti tormēta bellica prægran-  
 dia,

dia, & admirabilis artificij, tuam in potestaté perug-  
 nirent. Ita tu demum, cum bello vniuersa arderet Li-  
 uonia, & de quiete sua sollicita esset Lituania, cōsum-  
 mistis tot studiis & laboribus tuis, quæ cum magno Mo-  
 schouix duce in cōstituenda pace frustra susceperas:  
 habito Grodnę cōuentu, & amplissimis Lituanorum  
 auxiliis imperatis, non tua tuorumque tecta contra  
 eum amplius defendere, sed armis hostē aggredi a-  
 pud te constituisti, cum iam illud bellum omnibus  
 omnium ordinum sententiis, Warsauiensibus comi-  
 tiis antē decretum, & grandi tributo imperato, ad  
 exteras etiam gētes & nationes perlatū fuisset: quod  
 antequā gererēs, Wenceslaum Lopatinscium cum li-  
 teris, quibus causas & rationes suscepti contra Mo-  
 schum belli explicabas, in Moschouiam ad eū dimi-  
 sisti, demū verò grauem & maturā consultationem  
 cum Senatū alijsq; militarib. viris inire placuit, quo-  
 nam armorū tuorū vim conuertere potissimū debe-  
 res. Quo loco, multa te in vtramq; partē versare ani-  
 mo, & mentis oculis collustrare oportuit, vt ea quæ  
 cōtra eum hostem eras gesturus, non tam impetu &  
 fortuna, quàm consilio & prudētia gessisse magis vi-  
 derere. Est enim patefacto aditu & vestibulo, felicio-  
 res dimidio, & bella geruntur armis & cōsilio. Erat fa-  
 teor nō nemo, qui, relictis arcium & munitionū op-  
 pugnacionib. in ipsa veluti penetralia hostilis ditiōis  
 pñifici operepretiū iudicabat; ppter ea quòd exerci-  
 tui tuo à prelij & dimicatiōis fortuna, quā ille vitaret,  
 periculū esset nullū, & cum oīs bellorū gerēdorū ra-  
 tio, pgressum habeat arduū, tū verò arces & municio-  
 nes capere esset, fuissetq; semp difficillimum; adeoq;  
 Polonis & Lituanis maxime, quorum nō pericquē in



expugnandis munitiõibus, quàm in vincendis prælio hostibus, aliàs viguisset industria: & deniq; quod ijs, qui nouis imperijs studerent, eumq; tyrannum è medio tolli inprimis cuperent, aduētantis exercitus fama, animum & quasi anſam præbitum iri videretur. Polocia verò, quæ oppugnanda ante alias arces ſeſe offerret, manu & natura munitiſſima, & omni apparatu belli inſtructiſſima, vel diuturnâ obſidionem ferre poſſet. Atq; hæc quidem cùm eſſent per ſe magna, tum illud longè maius atq; grauius, quòd Polocia magno Ducatui Lituaniæ, atq; adeò ipſi Vilnæ, nulla alia firmiore munitiõne interiecta, periculoſiſſimè impenderet; ex qua dum in alijs remotioribus regni partibus verſaris, non modò affligendæ Lituaniæ; verùm etiam diripiendæ Vilnæ, poteſtatem eſſet hoſtis habiturus. Et cùm non modò rerum recuperandarũ communis reipub. cauſſa, ſed quoad eius fieri longiſſimè poſſet, remouendi hoſtis gratia bellum illud ſuſciperetur; haud abs re videbatur fore expeditionibus bellicis, propinquiorem ſedem aliquam & quaſi officinam comparare, ex qua integri & recētes milites, in hoſtile ſolum penitus ducerentur, & inſtrumenta impedimenta q; belli ad res cum maiori celeritate & felicitate gerendas, transportarentur. Poſtremò, Polocia (qua munitiorem arcem hoſtis non haberet) expugnata, Moſchos, de alijs retinendis diffidere; tuos verò ſpem concipere oportere: tantumq; abeſſe, vt id, quod locus ille permunitus diceretur, tibi, tuiſq; deberet adeò terrori eſſe, vt etiam in primis in tanto militum ardore, oppugnandus videretur; & vel hæc reliqua gloria capiendarum expugnandarumq; arcium, Polono & Litvano nomini,

mini, duce & auspice te, adiungenda: præsertim cum munitiones à tergo relinquere nullis vnquam bellis gestis, fuerit obseruatum; & commeatu, milite, auxilijs, receptu deniq; ipso vltro se excludere, admodum sit inconsultum. Hæc cum vicisset sententia, extrema Iulij die, Vilna Suirum est itum ad lustrandas percensendasque copias. Deinde per Hlubokie & Postai, Dzisnam, ac demū & Polociam. Quo in itinere quantam & quàm incredibilem difficultatem, quantam viarum asperitatem expertus sis, quantum incommodorum molestiarumq; pertuleris, non facile dicendo explicari potest; & properat mea ad ipsam oppugnationem oratio, quæ, qualis, & quàm ardua fuerit, vix alicui qui rem oculis non subiecit esset credibile. Fuit certè talis vt & propter defensorum fortitudinem, & propter loci naturam, & propter artem apparatusq; belli, & propter iniurias ac tempestates ipsius cæli, cum difficillimis arcum oppugnationibus possit non immerito comparari. Et enim cum aliàs semper, tum eo maximè tempore, palam omnibus fieri Deus opt. max. voluit, & ab eo cunctas peti & ad eum solùm referri debere victorias. Ac per multos continuos dies tantū pluuiarum cælitus demisit, vt & militum operæ impediri, & dum industria languescere & vis ipsa parum aut nihil proficere videretur: Eo accedebat summa præsidiorum cum incredibili mortis contemptu, in defendenda arce obstinatio; vsq; eo, vt non manifesti interitus metus, ad aliquam vel minimā animi consternationem; non sublata auxiliorum spes ad desperationem, non deniq; regiæ clementiæ & mansuetudinis fiducia, ad deditionem eos adduceret. Con-

stabat exercitus tuus, ex tribus quatuorve nationi-  
 bus, eratque & viris, & armis, & equis, & omni ap-  
 paratu ornatuque belli instructissimus. Est autem o-  
 pinio, quo inter se plures nationes coeunt, eò virtu-  
 tis æmulationem, in eis magis excitari. Sed & Polo-  
 norum virtus, & Lituanorum celeritas, & Vngaro-  
 rum audacia, & Germanorum constantia sui dissi-  
 miles fieri iam quodammodo cœperant; & cum ho-  
 stium peruvicacia, tum tempestatum iniuria, expu-  
 gnandæ arcis rationes omnes maximè retardabat.  
 Quibus in angustiis angoribusque animi, cum diu  
 multumque effes versatus, tandem Augusti dies no-  
 na & vigesima, simul cum serenitate iacta etiam at-  
 tulit victoriæ, non magna adeò Christiani sanguinis  
 profusione, & exiguo tuorum interitu parte, summa  
 verò moderationis tuæ laude & admiratione, quæ  
 talis atque tanta fuerat, quòd hostis ipsius præfecti,  
 & perquam plurimi milites, tua vexilla sequi, & tuæ  
 dextræ non modò in præliis, verum etiam in seruan-  
 dis promissis firmissimè se committere non dubita-  
 verunt. Erat porrò eiusdem hostis vicina Polociæ  
 arx, Socolum nuncupata, cui præter vetus præsidium  
 ei arcis impositum, inerant sex millia militum, ex ipsis  
 Prætorianis magni Ducis, selectissimorum. Hanc tu,  
 si non expugnatam relinqueres, nec ex belli susce-  
 pri consilio, neque ex dignitate tua, neque ex rei abs-  
 te gestæ fortuna, futurum iudicavisti. Itaque misso  
 ad eam Nicolao Mielecio Podolia Palatino, & sum-  
 mo copiarum Polonicarum præfecto, viro præstan-  
 ti virtute, ingenio & felicitate prædito, tam citò, tam-  
 que facile in potestatem tuam eam redegisti, ut arx  
 incendio subito orto conflagrasse; hostium ultra  
 quatuor



quatuor millia caesa fuisse vna die memorentur. Iam interea Sythno, Crasno, & Touroulia, hostiles munitiones tres, tuis à militibus occupatae erant. Iam Philo Emite capitaneus Orshanensis in magni Ducis Moschouiae ditiones, longius excurrerat, & duobus millibus hostilium pagorum incensis, Smolensci quae suburbijs ambustis, totam illam regionem quoque versus depopulatus fuerat. Iam Constantinus Ostrogia dux, cum Michaelis Visnieuicio, Braczlauienfi Castellano, & Ianusio filio, Borysthenem transgressus, & in hostilem ditionem turmis Tartarorum aliquot millis, longè lateque omnia peruastarat, & usque ad Starodubum Radohostiam, & Podczepouiam, populationibus prolatis, ingenti cum praeda domum redierat. Iam denique armorum tuorum, non dicam fama, sed terror vniuersam Moschouiam sic peruaserat, vt non ex rumore bellum, sed ex clade nuncium Moschus expectaret. Restabat Sulla, quae quoniam in medio captarum erat posita, eam quoque breui esse futuram tuam, haud vana coniectura praedixisti, eiusque deditione Possesse, nuntium, Vilnam antequam attigisses, accepisti. Ad eum modum hostilibus arcibus sex occupatis, nec multo post duabus etiam alijs Nieszerda, & Coziani captis, & multis hostium millibus occisis, neque adeò multis ex tuis desideratis, cum anni tempus alienum à gerendo bello te excluderet, Vilnam es reuersus, & bello quod media hieme apparatus, ineunte aestate susceptum, exacta confectum, dici potest; tuis te amabilem, hostibus formidabilem, exteris gentibus nationibusque admirabilem reddidisti.

Erat tum cùm hæc gereres magnus Dux ad Plesco-  
uiam, quæ olim libera, sub imperium nunc eius ces-  
sit, & arcium oppugnationem, militumque suorum  
eandem à longe audiebat: & vt tyranni natura super-  
bi & timidi sunt, vtque in prospera fortuna superbos  
& cõtumaces, in aduersa humiles & abiectos se adeò  
præstant, cùm Lopatinscium internuncium tuum  
initio arctius derinuisset, capta demum Polocia, ad se  
eum accersiuir, & humanius multò habuit. Tandem  
verò consiliarios suos (si consiliarij & non mancipia  
ipsius dici potius debent) ad senatores tuos, per Lo-  
patinscium mittere literas voluit, quibus illi vt ad pa-  
cem & concordiam hortarentur te impensissime  
flagitabant. Quorum tu postulatis intellectis, ad co-  
mitia quæ iam pridem indixeras, Warsauiam profe-  
ctus es, & interim dum iter facis, Grodneq; subsistis,  
Gasparum Bekefchium ex maximo & diuturno la-  
bore, quem in expugnanda Polocia susceperat, re-  
pentino morbo correptum, virum admirabili inge-  
nio, & rerum vsu præstantem amisisti. At verò War-  
schauiam postquam esset ventum, & res in delibe-  
rationem posita, vtrum bellum prosequi, an secus  
præstaret: mirum est quàm variæ & multiplices sen-  
tentix, non modò ordinum, sed hominum fuerint.  
Docebat nomine tuo Ioãnes Zamoscius, regni can-  
cellarius, quid ea victoria fructus, quid gloriæ, quid  
emolumentum reipub. attulisset, & quo est ingenio,  
facultateq; dicendi, ad prosequendum eum felicita-  
tis & laudis communis cursum vniuersos hortaba-  
tur. Moschum eum esse, qui Cazonios & Altracanos  
Tartaros sub imperium suum subiugasset: qui Se-  
lymi Turcarum imperatoris per magnum exerci-  
tum

tum decennio ante, aut paulo amplius dissipasset: qui Sueuos, qui Liunos, qui Tartaros sæpius fugasset atque profligasset. Hæc omnia ornamenta illi esse adempta, & nobis haud dubiè restituta: simulque & expugnandarum arcium, qua antea carebamus, gloriam, vel hac sola expeditione cõparatam. Polociam totius propugnaculum Lituaniæ, matrem negotiatorum, receptaculum fortissimorum militum, patriam fidelissimorum ciuium, perfido hosti ereptam, & in pristinam positam libertatem. Sed est huius sæculi labes quædam & veluti macula, vt præsentibus nequaquam faciri, & semper requirere aliquid, sitireque nouitates homines magis videantur. Sic enim præclare abs te gestis & confectis rebus, aderat nihilominus inuidia comes fortunæ, & virtutis perpetua; multi que vt à bello desisteretur, & pax atque tranquillitas reipub. potius restitueretur, non tam ipsius causa reipub. quam priuata nescio qua cupiditate ducti videri volebant auctores. Rem cum eo hoste aiebant esse, qui in vastis & remotissimis regionibus habitaret, & prælij ac dimicationis fortunam nunquam esset experturus, & bellum trahendo, aduentitium exercitum facile victurus, & in angustias redactus. Fortunam vagam esse volubilenque deam, quam, ne sedes mutet reuerenter habere, & pressis manibus tenere oportere. Multorum principum casum ad misericordiam, & ferendam illis opem excitasse quam plurimos, & vnam esse victis ad salutem viam, omnem spem salutis & incolumitatis amittere, & in armis atque dextris eam collocare, neque temere à prudentissimis bellatoribus, fugienti hosti aureum pontem sternendum esse sermonibus vsurpari. Po-



stremò in tanta caritate annonæ, sterilitateque agrorum, bellum sustineri amplius non posse, & in aliud tempus magis opportunum differri potius debere; nedum aliena querimus, nostra exinanire & pessundare videamur. Litvania & Russia nihil esse miserius, quæ à viginti amplius continuis annis, tot bellorum calamitates pertulisset. Sufficere hostem esse longius reiectum, & ut timeat nihilq; in posterum eiusmodi audeat coercitum: belli immensum esse pabulum, & eius neruo pecunia, hostem magis abundare. Summam subditorum illius obediendi promptitudinem esse, eos denique arces & munitiones, præ omnibus alijs gentibus & nationibus fortiter tueri & defendere consuevisse; nec aliquid esse sperandum minus, quàm ut proditorum & transfugarum opera, in hoc bello adiuuemur: propterea quod ut non diuturnas esset magister officij metus: ita coniugum & liberorum carissima pignora, quæ omnium subiectorum ipsius, cum vel minima belli suspicio increbuit, in Tyranni manu restricta & inclusa tenerentur. Atque hæc quidem eorum, quibus aut non geri, aut differre bellum placebat, sententia opinioque fuerat. Verum enimvero maior & potior hominum pars ijs argumentis & rationibus ad suadendum bellum, & persequendam victoriam ducebatur. Primum, quod veteri maiorum suorum exemplo & instituto, magnus Moschouix Dux cum Poloniæ regibus, per magna verborum & fidei vanitate perpetuo laboraret, nec aliquid nisi coactus faceret: & promissis suis credi facile non debere, plurimis & evidentissimis rationibus iam pridem demonstrasset. Hinc inducias eas quas postularet non aliò pertinere,

nere, nisi vt arcibus & munitionibus suis ad omnem obsidionis vim erectis & cōfirmatis demum in longioribus regni partibus, occupato rege, Liunioniam diripiat, & arcibus ciuitatibusque, quas in ea habet securè potiatur: Liunionibus verò socijs & clientibus reipub. deesse, qui fidem & auxilium nostrum perpetuò implorarent, videri indignissimum, simul & periculosissimum. Siquidem vna alteram inuitaret iniuria, & cū incommodis ijs quæ facta sunt, tum verò illis, quæ inferi ei possunt, prudens quisque & cordatus homo maximè moueatur. Iamque eos qui vincunt, & cur, aut quomodo vicerint non intelligunt, vinci que rursus ab hoste se turpiter paterentur, indignos haberi, quibus Deus opt. max. aliquid opis & benignitatis suæ largiatur, & quorum calamitate ac exitio, ad misericordiam aliquis moueatur. Moschum ferū & crudelem hostem, satis superque esse, etiam si verbis quàm reipsa Christianum magis se profiteatur. Hunc si non Christiano, at certè Romano nomini infestissimum, & eum qui loco & occasione nacta inimico pepercisset, esse, fuisseque semper imprudentissimum. Dandam ergo operam, vt non tã de continuando & prosequendo contra eum bello, quàm de continuandi & prosequendi rationibus, haberentur consilia. Etenim non modò bello, sed vel belli metu ac suspicione affligi reipublicam, nemo sanus in dubium vocat. Tibutum & priuatarum rerum iacturam, grauem futuram nunquam, cuius esset merces, spes gloriæ & immortalitatis sempiterna, & quam vt pluuias & tempestates splendor & serenitas; sic tranquillitas & otium & voluptas peracto bello, sequeretur. Pec-

niam denique neruum belli dici quàm esse potius existimandum, & ex Alexandro Magno contra Darium, aut ex Romanis contra Græcos, exemplum documentumque capiendum. His in vtramque partem sententijs cum diu multumque disputatum, & bellum tandem esset decretum, tu, quæ tua prudentia, & in gerendis rebus cura & sollicitudo est, protinus illud apparare, tu militem conscribere, tu arma, tu commeatus disquirere cœpisti. Erat autem superioris belli, non admodum grata & iucunda omnibus memoria. Sic enim fit vt admirari quàm tractare arma sit longè facilius, & cum domi, tum militia multa experiri & perferre miseros mortales oporteat. Itaque præteritarum rerum recordatione vix parem, ne dicam superiorem anni proximi exercitum collecturum esse te aliquis iudicabat: quastu difficultates & hominum opiniones omnes, addo etiam fraudes & proditiones in te, & in reipub. factas, ita omnino peruicisti, vt diuina ope & benignitate fretus, ad expeditionem eam quam susceperas, expeditus ires, & nulla cuiusquam fraude aut machinatione retardatus viderêre. Iam Moschus cum aperta viminus posset, arte & cuniculis fortunam tuam subuertere volebat, & suis ad te non tam oratoribus quàm exploratoribus subinde dimissis, quorundam animos ad proditionem spe & precio sollicitabat. Et cum multo antè id fecisset, tum verò per Nasczekinum quendam suum internuncium longè diligentius fecit. Qui vt erat mente non obtusa præditus, Gregorium Oscikum, furem audacia, scelus anhelantem, pestem patriæ nefariè molientem, quo cum clandestina haberet consilia, reperit,

& cum



& cū legatos pacificationis gratia ad Moschum ve-  
mitteres frustra postulasset, literis & respōsione sta-  
tim accepta, denuo audientiam abs te petijt, ac inse-  
quenti die Vilna ne discederes, utq; legatos sui prin-  
cipis præstolarē, postulauit. Fuit id admirationi om-  
nibus, ut meritò esse potuit, venia discedendi acce-  
pta internūcium hostis ad te redire, & noua mandata  
exponere, omniaque hæc technarum & fallaciarum  
plena, & extrahendi temporis causa comparata vi-  
debantur. Quæ tu nihil magis quàm ferēda dissimu-  
lantissimè, & Nasczekinum speculatoris quàm ora-  
toris partibus potius fungentem, sine vlla acerbitate  
dimittendum, & vel hosti ipsi tempus aliquod cer-  
tum assignandum, quo legatos ad te pacis gratia, si  
vellet mitteret, & interim metueret abs te nihil iu-  
dicauisti. At Oscikum tanquam putidum aliquod &  
sanguine, hoc est, dilectione patriæ carens mem-  
brum, cū nec inficiandi ratio, neque defendendi fa-  
cultas amplius ei esset, instante senatu, iubentibus  
legibus, clamante patria, iustitia socia, vindice pœna  
è medio sustulisti. Atque ita demum rebus omnibus  
quæ ad hanc tantam expeditionem pertinebant ma-  
turè & diligenter prouisis, teque & tuis Deo opt.  
max. suppliciter commendatis, & à Gregorio XIII.  
pont. max. per Paulum Vchanium eximia industria  
& animo virum, sacro enſe & galea accepta, quin-  
tadecima Iulij die Vilna egressus es, & Wczasnikos  
versus, milliaribus quinquaginta inde distantes, vbi  
copiæ omnes tuæ debuerant confluisse, per Min-  
sko, & Borissouo, respectans identidem, & operiens  
alios lentis itineribus contendisti. Quo ut peruen-  
tum erat, habita est deliberatio, quonam belligeran-



di institutum tuum, vim suam & potestatem exere-  
 re ante omnia deberet; & vt improuisum nisi esset,  
 antequam magni Ducis fines & ditiones attingeres.  
 Neque id iniuria. Cùm enim in omnibus alijs rebus,  
 tum maximè in ijs, quæ ferro peraguntur, nefas est  
 dicere, non putaram. Volabat iam pridem fama, te  
 ad oppugnandum Smolenscum, sicuti superiori an-  
 no ad Polociam profecturum; quòd ea via tormen-  
 ta bellica secundo flumine Caspla, ad aliquot saltem  
 à Smolensko milliaria vehi possent: & quod æquum  
 magis esset, recuperare Smolenskum, quod antea  
 erat Lituanorum, quàm appetere alienum, si quid  
 aliud esset quod dici deberet tuū, tenebris antiqui-  
 tatis admodum esse inuolutum, & quod ibi hostem  
 quætere, multò esset melius, vbi & munitionem ex-  
 truxisse (qua expugnata omnia essent peruia) & exer-  
 citum collegisse quàm maximum diceretur. Neque  
 verò Smolensko Moscho adempta, Seueriensẽ di-  
 tionem vniuersam, potestatis tuæ esse futuram ali-  
 quis dubitaret; & hostem ea capta animum vel ma-  
 ximè desponsurum omnes crederent, cùm eius ti-  
 tulo inter alios se insignire, & illam arcem, tanquam  
 propugnaculi loco suarum ditionum habere videretur.  
 Sed enim in consilijs bellicis prima & maxima  
 virtus est silentium. Iam enim augurantibus sic de te  
 cunctis, & ipso Moscho, Smolenscum oppugnatum  
 ne ires, vehementius suspicante, tu Magnam Lukam  
 versus ingressus es iter, quod & senatorum penè o-  
 mnium magna esset eam ad rem consensus, & pro-  
 uinciæ Liuoniæ atque adeò Lituaniæ, si diuertere  
 bellum hostis vellet defendendæ ratio, & vel mini-  
 ma in eam partem Moschi suspicio, ita suaderet, &  
 quod

quod credibile maximè esset, hostem eò, quò exercitum icurum coniecturam faceret, deiectis roboribus, alijsque artibus omnem aditum præclusisse, aut impediturum certè esse: & quod parum interesset, tuum ne quod hostis possedisset, an hostile aggredèrè; & quod denique Magnæ Lucæ agris & regione esset ferax, & opimum magis in tota Mosc houia nihil, ad quam defendendam hostis venturus, & quod in votis maximè omnium fuerat, prælij fortunam tecum experturus, ab ipso Seremeto captiuo tuo, qui apud eum exercitus ductasset, omnibusque alijs diceretur. Neque verò vlla in re est lubricum & fallax magis, quàm de futuris euentibus iudicium. Attamen non tam consilia felici exitu comprobata delectare, quàm veritas in disputatione limata erudire nos consuevit. Stante ergo sententia, vt Magnæ Lucæ oppugnatio potissimum institueretur, iustratis veteranorum militum ad Lukomlam copijs & Georgio Farensbeko, egregio & militari viro, regis Daniæ Marschalco, cum certa equitum Germanorum manu eò loci veniente: itum est primū Vitepscum, vbi Lituanorum copiarum ornatissimarum obuiam tibi sunt progressæ: demum Surasum, apud quam arcem tanquam in confinio hostilis ditionis positam, rapidissimum & maximum flumen, Dhuna, stratis pontibus superandum erat. Tu interea Ioannem Zamoscium regni cancellarium, summi animi & consilij virū, ad expugnandū Vielisum Vitepsko dimisisti. Distabat illud iò. à Vitepsko mill. & vniuersæ eius regionis cernicibus, impositum, ac natura & arte permunitum, à forti etiam præsidio hostili tenebatur. Quā ille arcem vt hosti carissimā ita Russiæ infestissimam, tor-



mentis admotis, diebus quàm paucissimis per dediti-  
tionem cepit, & quasi à dextro latere, tibi, & tuis co-  
pijs excubiarum loco factus, Magnam Lukam con-  
tendit. Tu ipse Vsuatum profectus es, & eam magni  
Ducis munitiorem, Lituaniam ademptam, ac Olgerdi  
magni Ducis Lituanorum olim sedem, Nicolao Radi-  
uilo, amplitudine familiarum, & rebus gestis clarissimo  
imperatore, cum alijs senatoribus & nobilitate Li-  
tuonica, eorumque voluntarijs & prestantibus copijs  
premissis, potestatis tue effecisti. Mittere tum hostis  
ad te literas, & internuncios, & dimissæ iam pridem  
legationis spe distingere te, & ab itinere cæpto, te  
trahere instituit; & suis adeò literis illis iusserit  
versus Davidis, quibus à profusione Christiani san-  
guinis homo videlicet patiens & moderatus te de-  
hortatur. Tu mihi his mouebare, eius artibus & fal-  
lacijs, sed quasi ex composito, & veluti quadam lite  
damni & iniuriæ cõtestata, cum ad VI. Augusti diem,  
sicuti per Naszekinum assignaras oratores, Moschi  
non venissent, insequenti die Vielisum possedisti, &  
breui post Vsuatum, die eiusdem mensis sextadeci-  
ma, cum neque tunc ut literis suis denuo missis pollice-  
batur, legati ipsius aduenissent per deditiorem acce-  
pisti: dimissis omnibus cum fortunis & facultatibus  
qui in præsidio fuerant, saluis, quòd hac clementiæ &  
mansuetudinis tue fama alios quoque ad deditiorem,  
faciliores esse futuros iudicares. Sed in barbaris & in  
seruitute hominibus natis, seueritas quàm placabili-  
tas, multò magis potest. Iam verò dū Surazo, Vsuia-  
tum, & inde Magnam Lukam proficiscebare, quot  
& quanta incommoda ferre, & quantas viarum ac  
siluarum difficultates superare fuerit te necesse (quam-  
quam

quam secunda molestiarum recordatio habet aliquando voluptatem) longum esset percurrere. Summa quod ego quidem sciam fuerunt incōmoda omnia, immensa itineris longitudo, silvarum densitas tanta, per quam via aperiri ferro vix poterat, paludes & torrentes transitu difficiles, regiones ob vastitatem superari incredibiles, ita, ut hæc expeditio tua, cum longissimis & difficillimis omnium regum & ætatum expeditionibus iure ac merito conferatur. Nō Turca in Persidem, non Hispanorum ex ultimis Hispaniæ oris, in Germaniæ interioris provincias, non illa in Syriam quingentos ante annos Christianorum expeditio, longior & difficilior fuerat, non denique Christianorum regum & principum alius post Vitoudum, sua contra Moschum arma longius protulerat. Interea rerum Moschouitica illa tandiu expectata superuenit legatio, verbis & barbaro fastu quàm rebus magis instructa, cuius ego ineptias si percurrere vellem, dies ipsa me deficeret. Principiò negabant legati se madata sui principis expositu-  
 ros, nisi tu etiam ab oppugnanda arce prius recederes, teque in Lituaniam referres; id cum nec licere, neque decere ut postulabant, responsum eis fuisset, in tentoria sua se receperunt, tanquam in viam planè se daturi. Demum verò, cum dies aliquot silentio transigissent, & ardere arce ex rumore accepissent, audientiam repente postulant, & legationem expositu-  
 ros se esse pollicentur. Iam dubitabat nemo, Moschos illos non tam oratores quàm licitatores cense-  
 ri potius debere, & sui dissimiles non esse futuros, quò minus plaustra verborum tantum afferant, & ad extrahendum tempus disquirant tendiculas. Sed

tamen, ne vel in hac parte desiderasse aliquid iure viderentur, denuo ad te honorificè (vt semper aliàs) deducuntur. Fit summum silentium, adest maxima frequentia virorum præstantissimorum, simul verò & illius (si dijs placet) orationis eorum, & tormentorum ad arcem tuorum exauditur sonus. Tum illi nō tam ea quæ ad pacem spectarent, sed quæ animum tuum magis irritarent proferunt: longa serie Principis sui ad te legationes, & rursus ad illum tuas commemorant: damna & iniurias abs te ei factas exaggerant: & nequid tale in posterum fiat, postulant: & omnem iracundiam siue indignationem principem suum, deposuisse ergate testantur, quod etiam si secus fuisset, & ipse legatorum loco venisset, rui ferre non inuitus poteras. Est porrò in more positum & consuetudine Moschorum, vt cū primā quasi partem legationis suæ absoluerint, reliquum exponant senatui, & de fœderibus conditionibusq; pacis cum ijs tractent. Disceditur ergo ex tuo, in aliud tentorium; assident legatis consiliarij; fit de conditionibus disceptatio, quæ erant perquam ridiculæ, nempe Polociam & alias captas per te arces, vt Moscho restitueres, fœdus perpetuum cum eo (si placeret) iceres, & id genus alia. Quæ cū eis non successisset, mox aliam ingrediuntur viam: neque renunt vt Polociam habeas, & in Liuania arces eas, quæ ab ipsius perfidia tibi erant relictæ retineas, vt quæ arce Iezierzyscze & Vsiata iam possessa pro captiuis illius, potiare. Mouere ista stomachum poterant, & oratores vel licitatores illos potius, tot tantisq; cum ineptijs in conspectum tuum admitti amplius videbatur indignissimum: tutamen nec publicè neque priua-



priuatum, ne verbo quidem vlllo violari eos permis-  
 isti: sed cùm dicerent se habere in mandatis, vt si quæ  
 essent, de quibus conuenire tecum minus posset, per  
 literas vel internuncium, ad magnum Duce[m] refer-  
 rent: cum illorum tuum etiam internuncium in Mo-  
 schouiam dimisisti, ad magnum Duce[m] literis datis,  
 quibus perpetuam voluntatem tuam ergo Christia-  
 nam rempub. declarare, & te pacis atque tranquilli-  
 tatis custodem esse significare voluisti. Interim die  
 ac noctu arcis durabat oppugnatio, & vix vnus diei  
 itinere aberant internuncij, cùm magnitudinem  
 ignis conspicati, captam iam arcem esse facilè iudica-  
 uerunt. Erat ea in aperto campo, & post tantam sil-  
 uarum magnitudinem in amœna quadam planicie  
 posita, in quam exusta per ipsosmet hostes, prægran-  
 di & pulcrè extructa ciuitate magnus sese ciuium &  
 agrestium numerus intulerat. Fit ergo ea qua capi-  
 tur die cedes quàm maxima, vix cum aliquo sexus vel  
 ætatis vel etiam conditionis alicuius discrimine, &  
 quamquam pueris & fœminis, & viris adultis aliqui-  
 bus vita fuerit seruata, tamen maxima hostium pars  
 furore militari & impetu cadit. Præfecti arcis quos  
 Palatinos vulgò dicunt, in munitiones cancellarij  
 captiui deducuntur. Vieiko, qui tanquam præses &  
 custos omnium, nuper missus à Moscho fuerat, ho-  
 mo nequissimus & administer voluptatum, tyran-  
 nidisq[ue] ipsius trucidatur; omnia denique fletu, e-  
 iulatu & cadibus complentur. Admonueras eos tu,  
 vt regis clementiæ fidere, quæ nulli vnquam  
 defuisset, quàm supremum diei exitum expectare  
 potius vellent: sed nihil est spe vitæ maius, & ni-  
 hil fallacius, quæ si vix destituit morientes, quid

destituat armis pro victoria contendentes? Quo  
 loco venit mihi in mentem diei illius quo tu electo  
 castrorum loco cum vniuersis copijs tuis sub arcem  
 descendisti. Præibant tot equitum hastatorum mil-  
 lia instructis ordinibus, sequebantur selectissimi pe-  
 dites suis agminibus, ingens erat equorum fremitus,  
 splendorque armorum, & tubarum sonus, tot ar-  
 cium & pugarum victrices bombardæ, & infinita  
 curruum, quadrigarum, & impedimentorum mil-  
 lia, terga claudebant: omnes denique copiarum, viris, e-  
 quis, armis, gemmis, auro & argento ornatarum, & ter-  
 ris quodammodo graues, suis inauratis & pictis ve-  
 xillis distinctæ spectabantur: sic vt terra mugire, tor-  
 rentes sisti, montes & arbores gestire præ admiratione  
 earum viderentur. Quas summum arcis excipit  
 silentium, quale aut deditiois spem facere, aut vero  
 hostium in extremis difficultatibus & periculis per-  
 ferendis obfirmatum animum prænunciare cõsue-  
 uit. Qui certè talis ac tantus exstitit, vt haud scio an  
 obstinatio hostium admiratione, an verò peditum  
 tuorum, maximeque Vngarorum veteranorum vir-  
 tus prædicatione digna magis fuerit: quorum forti-  
 tudo in periculis, labor in operibus, patientia in la-  
 boribus, industria in aggrediendo, constantia in per-  
 sequendo hoste, maxima enituit. Quos utique crudeli-  
 tatis & immanitatis damnari ab aliquibus audio: nec  
 verò & ipse illius diei victoriam secus terminari po-  
 tuisse & debuisse existimo, & illud certè contendo  
 omnes eos qui interfecti sunt, furore Martis occidis-  
 se, non ira tuæ victoriæ: & Vngaros dignos esse lau-  
 de magis quàm conuitio. Qui cum à ducentis penè  
 annis, cõtra Turcas Christiani nominis hostes bella  
 gesse-

ferint, tamen non modò superfint aliqui, sed in his tam longinquis regionibus militent, & pro principis sui, atque huius reipub. gloria à Danubio, à Tibisco, à Saua, à Draua, à Marossa procul, vix non ad Mæotidem lacum, & in vltimas Aquilonis latebras, armorum suorum vim, terroremque extendant. Nō Ungari crudeles sed perfidi Moschi, non illi feroces, sed isti ingrati & immemores beneficiorum sunt censendi. Quod enim est maius beneficium quàm huius lucis vsuram alicui dare? vita & facultatib. cum iure & meritò possis non eum priuare? At Moschos ista expertos esse omnia nemo est qui negare possit. Vita est ijs data, non latronum more, sed victoriæ lege: non sicuti quidā structis insidijs gloriantur, vitam se dedisse ijs quibus nō ademerint, sed iustè ac legitimè bello denūciato & suscepto, & eo iure habito, quod diuina Nemesis armis & victori datur. Facultates postremò eorum sunt ijs restitutæ, si eorum & non tyranni debent potius appellari. Testis est eius rei Polocia, testis Sussà, testis Vielizium, testis Vsuatum, ex quibus arcibus ij qui in præsidio erant cuncti dimissi sunt, & quò volebant cum liberis, coniugibus fortunisque suis turò sese receperunt. Agè porrò, quid est minus hominis quàm ingratū esse beneficiorum, etiam minimorum? Aliter enim exsoluitur gratia, & aliter pecunia. Pecuniam qui retinet non dissoluit, qui reddidit, non habet: gratiam & qui retulit habet, & qui habet dissoluit. At verò in Moschis tam ingrati significatio animi, tam immemor mens beneficij, tam nulla ratio humanitatis & officij deprehensa est quam vix credi potest. Siquidem ij quos dimittere placuit non solum Lucam ingressi sunt, sed



vt confluxisse aliquot eorum turmas audiisti, vt  
 non armorum tuorum vim & formidinem, eò quod  
 que proferres, facere non potuisti. Primum ergo  
 Georgius Barbi Vngarus, veteranus & industrius  
 praefectus, mox & Stephanus Zbarascius, Bracza-  
 lauiensis Palatinus, vigilantissimus & animosissimus  
 dux, cum aliquot equitum millibus est abs te mis-  
 sus. Et distat quidem Turopczum sedecim à Magna  
 Luka miliaribus, ob summamque viarum asperita-  
 tem, & silvarum densitatem aditum habet perdiffi-  
 cilem; ita vt non minus in faciendo itinere laboris  
 quam in confligendo cum hoste periculi inesse vi-  
 deatur. Eò post infinitas molestias & difficultates  
 cum miles tuus peruenisset, ab ipsis hostibus ciuitas  
 exusta est. Moschorum verò & Tartarorum copiae,  
 tuos, quos longè pauciores fuisse suspicabantur, sub  
 ipsis quasi arcis propugnaculis in planicie expecta-  
 bant. At verò vsque eò est terribilis victor exercitus,  
 vt vel sine armis gemit sapiens victoriam. Iam e-  
 nim stante aduersa acie, & militum tuorum ordini-  
 bus instructis, armisque praelucens, persequen-  
 te adhuc nemine, hostes terga vertunt, & nullo vir-  
 tutis argumento edito, repente omnes fugere inci-  
 piunt; quos miles tuus insecutus trucidat, & capit  
 quamplurimos; sic, vt inter illustriores captivos alios  
 Demeczin quidam, cognomine Czeremissa, fauore  
 & gratia sui principis, apud suos clarus, & Naszcze-  
 kin alter, qui postremò Vilnè hostis ipsius internun-  
 cius apud te fuerat, tuam in potestatem peruenierint.  
 Nusquā autē tam dicaces homines reperiuntur quam  
 sunt Moschi, & nunquā tam fit eis malè quin remit-  
 tant animum, & liberius loquantur, pro vt in hac re.

Viderat Nicolaum Olesnicium, familiarem tuum, cum esset internuncius Nasczekin Vilne, quem cum illo in loco, sed dispari fortuna rursus vidisset, quam varia diuersaq; inquit, sunt Olesznici tempora. Nuper cui obuiam progredi cuncti non dubitabatis eum nunc demum victum & captiuum ducitis. Idem abs te Vilna, cum in Moschouiam proficisceretur quendam, qui pro ductore datus ei fuerat ad magnū Ducem viscum rapuerat, & miris tormentis vt subijceretur causa & auctor extiterat, vt consilia tua si qua sciret, omnino explicaret. At enim faciendum non est vt decoro & honestati remittamus nuncium impunitans spe & fiducia. Homines quamlibet locis & regionibus disiuncti, prater voluntatem & opinionem suam aliquando conueniunt, & sui quęque sceleris sua manet pœna. His ita præclare gestis & confectis rebus, nondum quiescebat regalis mens & animus tuus. Oppugnabatur Neuelia à Ioanne Drohostaiscio, Polocenli Palatino, vix non ex eo tempore quo Magnæ Lucæ oppugnationem tu etiam fueras aggressus, quod eam arcem inter Polociam & Lukam relinquere hosti esset inconsultissimum; & quod arx siue munitio altera, lezerziscze nuncupata, perinde atq; anno superiore Sussa sese deditura, capta Neuelia crederetur, vt mox opinionem euentus comprobauit. Verum ea Neuelij oppugnatio paulo erat languidior & propter præsidium quod ei arci inerat fortissimum, & propter tormentorum, & deniq; propter militum tuorum à quibus oppugnari cœpta fuerat paucitatem. Non Palatinorum hortatu qui in Luca capti, & ad Neuelienses vt se dederent missi fuerant, non minis non terroribus, non vicæ & gratiæ

gratię pollicitationibus profectū fuit aliquid: summa erat hostium obstinatio, mira quidē in conquirendis & iaciendis telis in tuos inuentio, incredibiliter insultare tuis, suis verò qui sese dedidissent, perfidiam exprobrare, & præfidere sibi videbantur. Itaque Ioannem Bornemissam, Bornemissa illius clarissimi viri filium, qui contra immensum Solymanni Turcę exercitum sub Fetdinando, Cæsare Agriam defendit cum certo Vngarorū peditum numero & tormentis ad eam arcem expugnandam denuo misisti. Sed omnino est mirabile, quantos tyrannidis metus in animis hominum relinquat aculeos. Iam enim siue fide in principem, siue verò crudelitatis & sauitiæ ipsius metu in defendendis strenuē arcibus sic peruicaces Moschi fuerant, vt periculi nullius vi, nullo metu mortis, nulla gratiæ spe ab instituto dimoueri possent. Erupit simul atq; Bornemissa venit, nō parua eorum manus, & cū in munitionibus liberius vagantes, & nihil tale suspicantes, tuos esset aggressa, non paucos vulnerauit, aliquos etiam interfecit. Bornemissa quidē ipse, & strenui militis, & vigilantis ducis tulit eo die nomen. Nec multo post, suis inuitam ab hoste maculam, subdita arci flamma, eademque per deditionem occupata, egregiē absterfit. Ex qua arce, vt & alibi fecisti, omnes eos qui in præsidio fuerāt, vita & facultatibus eorum saluis dimisisti. Supererat Zauolocia, & Siebiezum, & Opozka, tria hostilia propugnacula, quibus hosti adeptis, per immensa terrarum spacia, imperium tuum prolatum iri, & Russia Lituaniaque tuta futura esse videbatur. Et quantum à Luka, Neuelia, tantum ab vtraq; Zauolocia, veluti in triangulo posita pene di-



stabat. Hanc ad Zauolociam cancellarium mittere, & te ipsum Neuelium proficisci quasi in reditu placet. Philo interim Cmita, post captam Polociam, Palatinatu Smolenscensi auctus, qui certis militum auxilijs coadunatis, primum quidem flate, mox reflante fortuna contra Moschos ad Smolenscum dimicauerat, & à te demum accersitus eò venerat, arci præficitur. Curantur omnia quæ tum ad impetum hostis propulsandum, tum ad obsidionis difficultatem perferendam spectant: miles, tormenta, & id genus alia relinquuntur, & quod antè posuisse debueram, tua cura, tuo studio, tuo diurno nocturnoq; labore, arx ipsa perficitur. At tandem Neuelium iter suscipitur, in qua dum de locorum & temporum rationibus in quibus miles hiemaret habetur consilium, Iezierzilcum sese dedidit. Palatini Vilnensis cuius est summa apud hostes fidei & auctoritatis opinio, & aliorum senatorum Lituaniæ interuentu. Quæ arx siue munitio ut loco & natura munita est, ita arte & structura omnino admiranda. Eò etiam ij, qui ad magnum Ducem ierant reuertuntur internuncij. Iam paulo loqui cœpit Moschus civilis, & Dhunam flumen, cuius argenteas ripas, aureum fundum, apud se esse olim dicebat, cum arcibus cunctis quæ ei adiacent restitutum se esse tibi promisit. Quam deliberationem omnem, tu ad comitia reiecasti. Et quia iam sæuire hiems cœperat, & tam viris quàm equis alimenta defecerant, domum quisque reuerti, & ex horrida regione referre vel quàm primum pedem, nemo non habebat constitutum. Tu avnius in tot tantisq; incommodis ad omnia perferenda incredibilis percalluerat patientia: sed dandum nihilomi-

nus fuerat precibus aliquid, necessitatiq; communi. Quocirca missis ad cācellarium equitum & peditum nouis auxilijs, per maximam, & non solum transitu difficilem, verum etiam aspectu ipso horribilem siluam, Polociam es profectus, eamque vnus aut alterius diei itinere mira celeritate superasti: cum reliqui omnes plures dies in ea hæssissent, & aliqui cum nec regredi, neque progredi possent, currus, equos, arma & supellectilem abiiecissent, suspensos iam tenere cœperat multos Zauolocia oppugnatio, quæ arx vndiquaq; circûfusa aquis, & in colle posita, erat perquam difficilis expugnata, apud quam militum tuorum casum, de quo incerto auctore allatus rumor Polociam fuerat, dolere videbare. Sed tamen quæ tua prudentia & ingerendis rebus experientia est, sine cæde & sanguine illa non fieri posse affirmabas. Imperatoris esse quàm paucissimorum, solius Dei opt, max, interitu nullius constituere victoriam. Ac sic demum Polocia Dzisnam profectus, Zauolociam captam esse audiuisti. Quæ perdiderit sanè aliquos, sed tamen & ipsa hosti tuo periit. At verò hæc nimirum laudanda quæ claudit opus est victoria: & cum apud arces alias non frustra tentasse fortunam fuerit pulcrum, tū apud Zauolociam pulcerrimum. Quamuis non tantum equorum & fortunarum, sed etiam multorum virorum bonorum iactura, hæc tot expugnationes arcium constiterint. Quorum mors naturæ debita, patriæ est potissimum reddita, & quorum vitæ virtus socia, interitus comes gloria fuit. Amisimus quippe superiori anno ad Polociam Michaelem Vadas, peditum Vngarorum præfectum, & Ioannem Curollium equitem Polonum, omni po-

steritatis memoria dignos, & præstantes viros. Amisimus ad Sokolum Kamienscium, Vissocium, & Iacobum Suiecinium, & Iacobum Borukouium & Nicolaum Cloczeuium, vt paucos in multis cōmemorem. Hoc verò anno, Procouitium ad Vsuatium, ad Lukam l'etrum Cloczeuium Castellatum Zauichostensem, & capitaneum Malogostensem, studio in remp. & obeundis legationibus, ad externos commēdatum: Russinium, Drohobuzium, Petrum Gergel Leskiamisum: ad Neucliam Bernhardum Golubicium, & Stanislaum Rucium, nobiles centuriones desiderauimus. Tandem verò & ad Zauolociam Christophorum comitem Rozrazenium, genere, virtute, industria & rerum vsu præditum, & Martinum Veierum, Ernesti illius Veieri, nepotem (qui omnibus ferè bellis, quæ quadraginta annis sunt in Europa gesta, interfuit, & aliquibus præfuit, & qui nunc etiam comitem se tibi præbuerat) eripuit nobis fortuna. Verùm ita se res habet, vt magnæ & memorabiles res nō fiant sine magno & memorabili plurium interitu. Non potest non acerbissimus esse casus illorū, qui sua morte victoriā nobis pepererunt: sed enim pericula vitari queunt, mortem effugit nemo. Maxima incommoda & detrimenta passi & experti sumus: at vel summarum voluptatum capit nos obliuio, nisi amaritudo dulcedini misceatur. Denique danda est opera vt non tam mortē eorum qui eam timuerunt nunquam, lugere & deplorare, quàm virtutē imitari videamur. Tu saluus & incolumis redijsti, in quo nostra omnium spes est reposita; quem conseruatorem patriæ, firmamentum salutis & libertatis, vindicē libertatis suæ cuncti agnoscunt,

& bello



& bello fateatur eximium, & præstantem ducem. Cuius ego in rebus gestis enarrandis non abutor conscientia, cui nullas mea aut veras adiungit, aut falsas annectit laudes oratio: & ad quem prædicandum summa industria aliquem, non secus ac olim Appellem ad pigendum, aut Lyfippum ad fingendum Alexandrum Magnum accedere oporteret. & de cuius excellenti virtute, magnitudine animi, consilio, gravitate, moderatione, clementia, non Græcæ, non Latinæ, non barbaræ literæ conticescent. Quæ cum ita sint STEPHANE REX, fruiere gaudio & lætitia ea, quam tibi præstas regiaq; virtus & felicitas tua comparavit: retine nomen quod habes, bellatoris optimi, moderatissimi que victoris, & te maiora indies manentem summa cum alacritate diuinitus præstolare. Dei opt. max. idem qui fuit semper mos & natura est, ut in dandis beneficijs non sit cōtentus vno, sed cui largiri sua munera cœpit, si gratus fuerit, potiri vel pluribus atq; maioribus cum patiat. Quo per omnes honorum gradus ascenderis nosti, quæ verò in hoc folio fortuna te maneat, quam tum, cum ad illud nondum ascenderas, faciliorem (ut mea fert opinio) coniecturam capis. Atq; ita velim statuas antithesin illam esse, semperq; fuisse verissimam: Maiestatem regum à summis ad media difficilius detrahi, quàm à medijs ad ima præcipitari: & rursus à medijs ad summa, quàm ab imis ad media deduci esse facilius, virtutisq; quàm ætatis cursum multò celerior. Si modò & illa ima, & hæc media dici in te poterūt & debebūt. Et si in rebus tuis fortuna aliquando multum, non minus certè prudentia potuit. Si quidem res abs te gestæ ut à constituto ducuntur ini-

tingit, sic etiam certo terminantur fine, semperq; tu habes, ut incipiendi rationem, sic & desinendi modum: & imperium tuum Oceano, & gloriam nō terminas astris (ut ingeniosus cecinit Poeta) sed pace, cōcordia atq; ocio regni tui, neq; ad immortalitatē & laudem tui nominis sanguine hominū, & corporibus occisorū sternistibi viam: sed cōseruata Dei opt. max. religione, ciuiumq; tuorū ac reip. libertate, pro qua cū bellum geras, & in eo victor & triumphator semper euadas: tamē nemo est qui te alio vultu in bellū euntē, quā ex bello redeuntē cernat. Sic in te nec prudentia cedit fortunę, neq; ipsa fortuna tumet & effertur secūdo rerū & prospero flatu. Quē in rebus modum tenere nō posses, nisi hic sensus, hæc mens, hæc ratio armorum tuorū semper fuisset, ut nō tuum sed Christi imperium, nō tuam, sed Dei immortalis gloriam astris terminares. At verō si C. Iulius Cæsar, qui nō minus moderati animi laudes, quā triumphos, & imperia qua sijn, ut eas gentes quas Cn. Pompeius paulo antē domuerat, paruo negotio se subiungasle demonstraret, dicere de se veritus nō est, veni, vidi, vici, quid ni tu etiā simile aliquid dicere de tā superbo & crudeli hoste parta victoria possis? Et quisquā dubitabit, eo, qui Cazanos & Astracanos Scythas sibi subiecit, qui Austrū versus ad mare vsq; Cæspium, ad Aquilonē, ad fluuiū Obbi, & ad extremos Lappones imperiū suum protulit, qui Danorū, qui Suecorū regibus, qui Liuonibus, qui Tartaris, qui Turcis denique ipsis formidabilis, & toto terrarum orbi admirabilis fuit, coercito, plusculum aliquanto laudis posse te iure ac merito sibi vendicare? Perfectis profecto id quod ante te nemo, ut maius hoc & grauius cū Mo-  
 scho

scho beilum, quàm ferè illa cuncta, quæ Constanti-  
 no Ostrogio ad Orscham, Ioanne Tarnouio ad Sta-  
 rodubum, Nicolao Radiuilo ad Iuanskum, Stani-  
 slao Lesniouolio ad Nenelium, Romano Siengus-  
 ko ad Sussam Ducibus, initæ sunt cum eodem pu-  
 gnæ videatur. Pacem abs te Moschus petit quam  
 semper contemnerat; conditiones eius accipit, quas  
 dare aliàs didicerat; legatos ad te suos mittit quos ex-  
 pectare consueuerat. Hic cum ad Cazanos & Astra-  
 canios Scythas subigendos iturus, semel Polociam  
 oppugnaturus, iterum Sigisimundi Augusti ad Ra-  
 dolzkuicze contra eum exercitum educentis bel-  
 lum à se propulsaturus tertio iurasset, & subditis suis  
 omnia libertatis iura, facta tecta semper fore falso  
 promississet, idem & nunc fecit (vt aiunt) aduentantis  
 exercitus tui terrore, & malefactorum suorum per-  
 motus conscientia; neque factu aliquid prius habuit,  
 quàm vt & subiectorum suorum beneuolentiæ præ-  
 sidia, & tuorum, si qua fraude posset auxilia contra te  
 sibi compararet. Videt siquidem nobilium & præfe-  
 ctorum suorum numerum in potestatem tuam quàm  
 maximum esse redactum. Videt Cyprianum Magnæ  
 Luke archiepiscopum, à quo & Polociæ archiepisco-  
 patum administrari cõiunctim voluit. Videt Basilium  
 Iuanouicz Mikulinski, Telatowski, Demetrium Mi-  
 chaylouicz, Szezerbary Obolinski, Matthæum Iua-  
 noniz Rzowski, Ioannem Hrehorouicz Sussin, Pe-  
 trum Iuanouicz Volinski, Lukianum Trzeciakow, oc-  
 cupata Polocia, in potestatem tuam peruenisse. Videt  
 Seremetum ad Sokolum captum, qui tot & tantis rebus  
 contra Scythas geredis, exercitiis in expeditionem  
 ducendis apud eum præfuerat. Videt in Vieliza Para-



lin BruczoW, & Basilium BasmakoW, in Vsiata Michaelem VieldzeminoW, Ioannem AscaroW, in Magna Luka Theodorum LikoW, Michaellem Kaslin, Georgium AtissakoW, Basilium Ismaelis filium: in Neuelia Ioānem Cramissa, Mindzanum KoliczoW, Ioannem BibikoW, Stephanum Bobron: in Zauolocia Basilium SoboroW, qui Astracanianorum & Kazanianorum Tartarorum subigendorum dux auctorq; fuerat; Ioannem Slobin & Basilium Nazimor qui peditatui præerat, captos & detentos esse. Videt Demeczin Ceremissam, omnium libidinū & consiliorū suorum cōscium, & Naszczekinū, non pacificationis, sed molitionis nunciū, prodromū perfidię, tyrannidis satellitem suā, in milium tuorum manus ad Turopczum incidisse, vt Borisseium Seinum, Andreā Palecium, Michaellem Liciū, Basilium Kriuoborscium, Ignatium BludoW, & Voieico magni nominis duces & præfectos ipsius, multosq; alios occisos, & penē infinitos captos, ac in potestatē tuam, tuorumque redactos; tormenta bellica amplius ducenta illi erepta, magnam comineatus, maximā apparatus bellici vim & copiam ablata, non commorem. Horum ergo morte, illorum captiuitate, & cū tot arcium, tum virorum interitu, cū opum & facultatum, tum nominis & existimationis suę iactura, vehementer commouetur: harum rerum lacerat, harum cruciat eum recordatio: hunc denique eundemq; exitum, qualis & alios tyrannos semper mansit, cum metu & horrore circumspēctat. Liouiniam quomodo restituat atq; reddat tibi, nunc reuoluit secum, nunc hæret animo, & acerba eius rei cognitione penē totus contabescit; nunc cū spe, nūc cum

cum metu configit; nunc imperij augēdi cupiditate  
nunc amittendi formidine cruciatur. Turpe esse dicit  
ea quæ tantis latebris & tenebris obscuritatis suæ  
lucem attulit, quæ navigationem in varias orbis ter-  
rarum partes, quæ cum exteris gentibus nationibus-  
que cōmerita illi aperuit provincia sese priuare: sed  
rursus quibus dolis & fraudibus eam quæsierit, quàm  
perfide tecū, quàm insidiosè cum tuis ciuibus, quàm  
immaniter & tyrannicè cum omnibus egerit recor-  
datur. Hæc ita abire nō posse diurnitatis custodem  
metum infidum esse, semperq; fuisse, genium tuum  
fortiorem illius videri, fortunam superiorem indies  
euadere cogitat, atq; considerat: tot deniq; fraudes &  
periuria, tot mortes & supplicia, non iam adultis, sed  
pueris & infantibus omnium consiliorum experi-  
bus, per se illata tacitus secum recognoscit, & con-  
scientiæ angoribus, scelerumq; cruciatibus, tanquam  
furiarum tædis ardentib; dies noctesq; terretur. Po-  
stremò præterlapsa illa tempora cernit in quibus nō  
bello, sed belli metu calamitatem reipub. afferebat,  
& quib; maximas clades & spoliaciones oppidorum,  
vastitates agrorum, interitum legum, cædē ciuium  
apparabat: reuixisse Vitoudum intuetur, qui non in  
suorum tectis, ruinis & incendijs, sed in alienis agris,  
fortunis, domicilijs, cum eo non dicam hoste quod  
leuius nomen est, sed cum violatore fidei, cum con-  
tentore pacis, cum auctore inauditæ crudelitatis,  
cum patrono nequitæ, cum labe & dedecore pud-  
icitæ bella gerit. Quem quidem Vitoudū adesse iam,  
& tecum sic loqui videre mihi videor, Salue heroum  
præstantissimè, decus & præsidium istius reipub. Ba-  
thorei generis & nominis gloria, cuius eximiam vir-

## 42 PANEGYRICVS C. WARSEVICII

item & ingerendis bellis felicitatem, quam ante  
laudari audiebamus, nunc re ipsa experimur. Tibi e-  
go non statuas auro vel argento nitentes, nō trium-  
phos arefcentibus laureis, sed longè his maiora &  
augustiora insignia, honoris & ornamenta dignita-  
tis decerno, atque tribuo. Te non inter minorum  
gentium populi, rectores aliquos, sed inter summos  
reges & monarchas, qui respub. gubernarunt, orna-  
runt, propagarunt, iure ac meritò collocandum  
puto. Tibi fert acceptam suam Transylvania liber-  
tatem, Lituania pacem, Polonia dignitatem: tui  
ciues amant, hostes timent, socij venerantur, exteræ  
gentes & nationes admirantur. Suscepisti bellum,  
fama & opinione magnum, necessitate iustum, be-  
neficio erga repub. gratum, progressu & conse-  
cutione gloriosum: perfregisti hostem natura bar-  
barum, voluntate perditum, fide & religione va-  
num, superiorum temporum iniuria clarum, tuis  
regnis & prouincijs infestum, inaudita crudelitate  
memorandum: cuius impotentia animi in suppli-  
cijs, libido in stupris, cupiditas in rapinis, superbia in  
contumelijs tanta est, semperque fuit, vt nemo non  
modò augere vel exaggerare eam oratione, sed ne  
enumerare aut consequi possit. Quo cum eum qui  
tibi restat actus, solito animi viriumque robore  
prosequaris. Temeritatem eius consilio, malitiam  
candore regio, fallendi & simulandi artificia perspi-  
caci prudentia, furorem potentia tua superato. Ni-  
hil tibi eorum deest, quibus imperia & regum opes  
continentur. Est felicitas, quæ diuina quadam sorte  
datur, est prudentia quæ bono, nescio quo natu-  
ra comparatur. Quæ quantò maiora & augustiora  
sunt,



sunt, tantò sibi sedem eodẽ in loco rarius quarunt,  
& vix aliquando sociantur. At vtrumque illud quod  
diuinus Plato ad summam perfectionem pertine-  
re ait, in te est vno, summa videlicet potentia &  
sapientia. Quid enim te solertius? quid felicius?  
quid admirabilius dici aut fingi potest? Sit mirum  
C. Iulium Cæsarem, oppressa republica ab imis ad  
suprema adscendisse, te non oppressa, sed expres-  
sa ipsius libertate regno esse positum, quanto est  
magis admirandum? Sit gloriosum Matthiæ Cor-  
uino Hunniadis filio, à Georgio Podebracio Bo-  
hemiæ rege, ex carcere & vinculis extracto, vna die  
& regnum & libertatem, obuénisse: tibi non vnus  
Regis studio, sed multorum hominum iudicio,  
post tot pericula, discriminaque vitæ, delatum et-  
iam regnum esse quanto est, eritque semper glo-  
riosius? præsertim cum non te locus, quàm tu lo-  
cum magis exornes, neque tibi splendoris plus re-  
gnum, quàm & tu regno afferas & concilies: &  
cum in administratione gubernationeque reipub.  
nihil tam arduum & difficile inueniatur, quod tu &  
labore vincere, & fortitudine animi tueri, & felici-  
tate superare, & celeritate tua non possis conficere.  
Nam vt ea quæ in Transyluania gessisti tacitus præ-  
teream, vt quanta omnium cõsensione electus, quan-  
ta constantia defensus sis, quot, quantasq; difficul-  
tates, æmulos, pericula superaris, quàm fortiter & feli-  
citer res contra eos gesseris non cõmemorem, vt de  
ijs quæ ad Lubiescheuium lacum, contra Gedanen-  
loãne Zborouio Castellano Cnesnẽs: aut ad Vende-  
nã cõtra Moschos, Andrea Sapiha, strenuissimis for-  
tunatissimisq; ducib. victorias retuleris non loquar.

posterī obſtupescunt. Quæ cū in omnium opinio-  
 ne magna, tū illa certè maxima, ac omni laude & præ-  
 dicatione dignissima, magnitudo consilij, dicēdi gra-  
 uitas & copia tua, literæ, cura, cogitatio, magnarū re-  
 rum vsus & cognitio, omnes denique artes, tam belli  
 quàm pacis. Gessi & ego res varietate sua magnas, lo-  
 cis diuersas, regionibus infinitas, rara celeritate ad-  
 mirandas, Moschi huius maiores perdomui, Cruci-  
 feros in Prussia & in Liuania vici, cū Scythis sæpius,  
 cum Temeriano eorum duce semel (quo habuit ma-  
 iores copias mortalium nemo) ad flumen Vorkla, li-  
 cèt non feliciter, fortiter tamen signa cōtuli; exhor-  
 ruit ad tubarum mearum sonum, sæpenumero Scy-  
 thia, sensit me virum esse Moschouia, vidit Polonia,  
 audiuit Germania. Verū vt, quod res est, fatear, ea,  
 quæ in te admīror & suspicio, ad perennem immor-  
 talitatis, & gloriæ viam mihi defuerunt: nec tam or-  
 namenta pacis, quàm adiumenta belli curę mihi fue-  
 runt. Tibi verò non modò castrense munus sordet  
 nullum, non solū operibus militum adesse, specu-  
 latum egredi, castra & stationes obire, in sole, in pul-  
 uere quotidie versari, primus inire prælium, postre-  
 mus ex prælio excedere didicisti, verū etiam multas  
 alias habes huius bellicę socias, & beneuolentiæ sub-  
 iectorum tuorum effectrices, regales eximiasq; vir-  
 tutes. Iam humanitas tua ea est, vt quantò te altius ef-  
 fert fortuna, tātò te geras summissius: & qui omnib.  
 dignitate es superior, facilitate rursus & comitate  
 anteire te, vel ab infimis non permittis: mansuetudi-  
 ne & placabilitate est tanta, vt non fortuna inflāma-  
 re indignationem victoris, sed bonitas lenire videat-  
 ur: & nō minus hostes victi, summa cū animi sui vo-

luprate te victorem intuentur, quàm interim dum vincuntur, fortunam fortitudinemque tuam extimescunt. Opes & facultates regni non ad tuum compendium, sed ad reipubl. commodum & ornamentum, non vt auaritiæ prædam, sed vt instrumenta bonitatis conuertis. Ius ita dicis, vt æquitate non precio illud definias; & nec odio, neque gratia in aliquem moueare, neque tenuioribus potentiam, neque potentioribus inuidiam apud te finis obesse. Quòd si duabus maximè rebus fortitudine & iustitia regale solium firmatur, & ipsa respublica continetur. Quid Polonia felicius? quid Lituania beatius te regnante & imperante dici vel haberi potest? cum vtra virtutum earum magis præstes non faciliè dixerim, & an fortitudine, quæ stabile iudicium conseruare, quæ labores suscipere, quæ adire pericula, quæ despicere mortem docet: an iustitia regina virtutum omnium, fidei & æquabilitatis patrona, nominis & laudis auctrice, verecundia socia, magistra officij potius antecellas. Quæ, quoniam non modò in castigandis malis, verùm etiam remunerandis bonis consistit iustitia, videntum est, ne in illam quam in hanc partem magis prolabare. Quòd si in alterutrum vitiorum eorum quæ cum hac virtute pugnant incurrere deberes, neque illam mediam virtutis viam retinere posses (nolle enim te nunquam dixero) non tam seuerus quàm benignus, neque tam in congerendis quàm in bene collocandis facultatibus reipubl. diligens & attentus videri; & vt facis, diligi quàm metui malis. Quòd si ipsum talem non fuisse me aliquis dicat



ear vel sentiat, nã haud ille posteriores quàm priores cogitationes prudentiores esse intelligit, & aſtem gubernanda reipubl: esse vnã, cuius perfectam expletamque cognitionem nemo fuerit affecutus. Tu certè debes esse is, qui & sapientibus ratione, & rudioribus exemplo, de barbaris documento, virtutem tuam probes, & in summa potestate, summa moderatione animi, prudentiaque vtare. Propterea quòd, vt apum, sic & hominum reges debent carere aculeo, & quod non tam est regium malè meritis quàm optimè de se meritis referre quod debeas: & quod à parsimonia, à frugalitate, & ab aliquibus virtutibus generis eiusdem æconomi & patres familias commendantur. Reges certè & principes, à liberalitate, à splendore & magnificentia in primis laudantur, linguis & literis omnium celebrantur, æternitati consecrantur, & quòdenique nihil habet vis animi tui sapientius, nihil amplitudo maius, nihil fortuna præclarius, quàm scire & velle beneficia collocare. Sed quid verbis hoc loco opus est multis? quid currentem incitare necesse est? aut cur hæc tenuis & impolita oratio, laudibus tuis celebrandis non potius finitur & terminatur mea? O felicem Lituaniam patriam, Samogitiam altricem, Russiam adiutricem meam, quæ abste non dicam rege, sed patre, non domino sed patrono gubernatur. Per te est ciuibus meis pax data, per te calamitas detracta, per te dignitas restituta: Tu dum es in negotio, illi fruuntur ocio: tu dum teneris difficultate, illi lætantur tran-

quillitate & pace: tuis postremò occupationibus, laboribus & periculis, illorum rationibus, commodis & ornamentis prouidetur. Tu quemadmodum istas disunctissimas terras, non tam passibus, quàm cursibus, nō tam hostium sternendis cadaueribus, quàm occupandis arcibus superasti, ita vtinam ad hunc plenum siderum & quietis locum, posteaquam & naturæ, & gloriæ, & reipub. satis diu vixeris citius peruoles; & sicuti imperij & instituti nostri fors similis fuit, ita sempiterno æuo vna fruamur. Atque hæc quidem rex Viroudus tecum. Iam verò ego eiusdem insistens vestigijs, te Deus opt. max. quem omnium regnorum conditorem, regiæ auctorem amplitudinis, victoriarum & triumphorum datorem, summa fide & constantia REX STEPHANVS colit, semperque coluit; oro & obtestor, vt quemadmodum hæc resp. tuis auspicijs creuit, sicuti ipse ad gubernacula eius nutu & voluntate tua peruenit, ita illam integram religione vera, stabilitam libertate, opibus firmam, copijs auctam, ocio & tranquillitate florentem efficias. Rei verò nostro vitam quā maximè diuturnam, constantem, æquabilemque; fortunam & victoriam, & denique pro hac caduca & mortali conditione regnandi, in illo animorum concilio & cœtu perpetuum & immortale imperium largiæ.

FINIS.



## COMPENDIVM

## CHRONICORVM PO-

## LONIÆ SECVNDVM SERIEM

& successiones omnium principum regumq;  
gentis, à Lecho primo duce authoreq; Polo-  
norum, vsq; ad modernum regem

Henricum Valesium ordi-  
ne seruato.

LECHVS PRIMVS DVX ET AVTOR  
Polonorum.



**Q**ua modò Sarmatia est, quondā deserta fuerunt  
Iunua, post magnas Dencalionis aquas.

Primus in hac Lechus populum deduxit agrestem,

De patriā pulsus seditione domo:

Dalmata vir, Pharijs claro patre natus in agris,

Quos rapidus curuis Crupa pererrat aquis.

Colle super pulcro properata mœnia Gnezna

Struxit, & à nidis nomen habere dedit.

Omine permotus: multas ibi namq; videbat

Per vicinum aquilas nidificasse nemus.

Exule patre sumus, sed plurima regna per orbem

Principia exulibus dant sua, Romano tho.

D





*Lechus &  
Cechus fra-  
tres germa-  
ni.*

X hac gente bellicosa Slaunonica, siue Sarmatica, cuius deductionem copiosè descripsimus, duo illustres magnanimiq̃ue principes ortum duxerunt, quorū vnus Cechus, alter Lechus appellatur, fratres germani, hi exantlatis superatisq̃ue multis & difficillimis laboribus, miserisq̃; bellicis temporibus illis turbulentis, in Illyrico & Dalmatia, domestica seditionis (quæ ex pace cōpositis bellis oriebatur) pertasi, vegetiora nobilioraq̃; nacti ingenia, viuendi aliam rationē elegerunt, cum exercitibusq̃ue suis à castris suæ tribus Slaunonica, ciuili bello dissidente, ex Croatia Illyrici regione sese subduxerunt. Occidentem versūs in Germaniæ ditiones contendentes, regiones sitas inter fluuios celeberrimos Albim & Veleram occupauerunt, ciuitatemq̃; cum arce munitam in ripa Veleræ condiderunt, cui nomen Bremiæ indiderunt, vt significarent se in ea onus miseriæ deposuisse. *Bremia* enim Slauis, onus sonat, & hucusq̃ue hæc ciuitas Bremen à Germanis appellatur, illiq̃; multa & præclara bella cum Germanis de sedibus decertantes gesserunt, multeq̃; ciuitates & arces terrore eorum perculsæ, libenter se illis dediderunt. Atq̃; ita Cechus ad Danubiū & Albim fluuios in Boëmia antiqua Germanorū colonia, quæ nunc Boëmia dicitur, primum domicilium habuit, incolis regionis priorib. partim expulsis, partim inter suos connumeratis. Deinde Austriam, Lussatiam, Morauiam, Misniā ditioni suæ subegit. Lechus verò frater suus magnanimus heros vltcrius cum suo exercitu, anno quo diuina potestas humana in specie ad salutem nostram calitus sese

*Lechus cum  
Cecho fratre  
in Germa-  
nia ditioni-  
bus Bremen  
adificauit.*

*Cechus in  
Boemia cō-  
sedit.*

*Lechus pri-  
mus Polono-  
rum dux &  
auctor.*

sele demisit 550. processit, inuestigandi eligēdiq; pro  
sui arbitrio caussa sedes cultiores, primoq; ab Occi-  
dente in septentrionalē plagam se conferens, hos in  
campos, vbi nunc Polonia, peruenit, ad Vistulamq;  
fluum, vnde Vandali Sarinatica gens surrexerat,  
consedit: ibiq; cum suis requieuit. Deinde à Vistula  
ad Oderam vsque fluum Orientem & Septētrio-  
nem versus, omnes has prouincias, vbi nunc est Sile-  
sia, Marchinoatus Brandēburgensis, Prussia, Mekel-  
burga, Pomerania, Holsatia, Saxoniaq; armis impe-  
rio suo subegit, quibusdam incolis earum partim cæ-  
sis, partim expullis, cæteris verò in gratiam susceptis.  
Cum igit̃ imperiū suum strenuo Marte sic dilaret,  
Regulus quidam Germanorum Lechū ad duellum  
euocauit, vt secū de imperio ferro decertaret, cui id  
fortuna obtulerit. In primoq; congressu Lechus  
Germanum trucidauit, regnumq; illius cum omni-  
bus maritimis regionibus, quę nunc Pomeranię no-  
men retinent, Marte concedente, occupauit. Paca-  
to itaq; imperio suo, deserta Polonia peragrans, loca  
munitiora ciuitatibus, arcibusq; erigendis idonea  
circumlustrabat, forteq; reperit locū inter lacus pa-  
ludesq; lutosas natura & opportunitate loci muni-  
tum, vbi primam omnium Poloniae ciuitatem & ar-  
cem fundauit, quam Gneznā à nidificantium mul-  
titudine aquilarum appellauit: Nidus enim auium  
Slauis *Gniazdo* dicitur. Ariolorumq; & aruspicum  
consilio aquilam albam cum expansis ad volandum  
alis pro insigni stemmateq; patrio sibi elegit, qua in  
vexillis cæterisque signis bellicis utebatur, & ab hoc  
tempore hoc celebre stemma à regibus Poloniae ge-  
stat. Itaque à Lecho primo duce autoreq; Polono-

*Quidam de  
tempore ad-  
uēns eorū  
dubitant.*

*Imperiū Lei-  
chy promo-  
tio.*

*Lechus Re-  
gium Ger-  
maniae duel-  
lo vicit.*

*Gneznā  
prima Poloa-  
nia ciuitas.*

*Insigne Po-  
lonorum re-  
gum aquila  
alba.*

*Poloni unde  
dicti.*

rum Poloni, à Ruthenis cæterisq; Slauis Lechite, Bo-  
mi verò à Czecho, Czechi appellantur. Hoc verò  
nomen quo Poloni vocantur, à regionis planicie  
campisq; quos incolunt apertis retinent. Campus  
enim, vt diximus, *Pole* significat. Multis itaq; præcla-  
ris gestis exactis, rebusq; in Polonia omnibus rectè  
constitutis; extremum diem feliciter clausit.

Post mortem Lechij nihil cæti de legitimis hære-  
dibus successoribusq; eius reperitur, magnaq; hac  
de re historiographorum Polonorum lis est, sed hic  
testamento moriens legauerat, vt aliquem dignum  
virum ex sua gente de patria & rebus bellicis bene me-  
ritum, summæ rerum præficerent, cui in omnibus  
obtemperarent.

*Poloni Da-  
nos nauali  
prælio supe-  
rant, insu-  
lasq; eorum  
occupant.*

**V**ISIMIRVS ex nepotibus Lechij, princeps Po-  
lonorum, cum ad Danorum fines vsque impe-  
rium suum extenderat, & ob vicinitatem à rege eo-  
rum Syuardo varijs excursionibus infestaretur, vn-  
decunque potuit auxilia coëgit, nauesq; adorna-  
uit, & armato milite compleuit, ex quibus vnā in-  
gētem fabricasse dicitur, cuius solo aspectu Dani per-  
territi fuere. Nauali itaque prælio fortuna auspican-  
te, Syuardum regem cum ingenti classe Danorum  
occurrentem strenuè fudit, fugauitq; & ad interiora  
terræ hostes persequens, has insulas in Dania, Rugi-  
am, Hemeriam, Feondiam, Salendiamq; occupa-  
uit, plurimasq; ciuitates & castra in eis Polonorum  
præfidijs munita, extruxit, vbi ad hæc vsque tempora  
hæc omnes ciuitates nomina à Polonis Slauonico  
idiomate indita retinent, vtpote Wisimer, à Wisimi-  
ro, Lubeca vrbs opulentissima & populosa, Danczik  
siue

*Ciuitates  
à Poloniis  
fundatae.*



siue Gedanum ciuitas celeberrima, ad mare Germanicum à Polonis contra Danorum excursions ascendas in primis condita. Prædictum itaq; Danorum regem filio eius in obsidem sumpto, Wisimirus vegetigalem sibi efficiens, & rebus in Dania rectè dispositis, multimodis spolijs onustus classem in Poloniam reduxit. Hocque primo nauali prælio Poloni quasi quodam tyrocinio instructi cum inimicis nauali prælio bella gerere animosiores effecti sunt. Tandè aliquot annis exactis, Syuardus Polonorum iugū agrè ferens, conspiratione cum Holsatis, Suetijs, Danisque aduersus Polonos facta, exercitum numero sum contra eos eduxit, sed secundò maiori clade cum tota suorum manu in Scania à Polonis prostratus est, ipse verò pernici fuga elapsus mœrore & dolore ob amissum exercitū deploratumque rerum suarum casum consumptus, spiritum exhalauit. Wisimirus verò magnam Daniæ partem imperio suo subegit. Postea multis præclaris gestis editis, finibusque imperij Polonici prolatis absque posteritate decessit.

*Dani iterū  
à Polonis  
prostrantur.*

*Syuardus  
moritur.*

### DVODECIM PALATINI.

CVM itaq; tota domus Lechij decessisset, Poloni libertatem strenuè asserentes, neminemque extraneorum principum sibi imperare patientes, duodecim Palatinos (vt dicitur) viros præcipuos ex sua gente solenni conuentu Gneznæ celebrato, ad rempublicam gubernandam subornant, quam viginti annis administrabant. Sed multis & diuersis imperantibus discordiæ & ambitionis impulsu, bellis civilibus cladibusque mutuis & intestinis sese afficiebant. Finitimæ verò gētes præcipuè Germani discor-

*Multorum  
imperium  
dānosum.*

dia Polonorum considerata rebellare cœperunt, iugumq; excusso suas prouincias ab eis occupatas recuperauerunt. Hoc detrimentum & diminutionē imperij sui Poloni ex pluralitate gubernatorū animaduertētes, comitijs generalibus celebratis, ad Cracum quendā siue Crocum, virū tunc temporis insignē de genere Cechij oriundum, scepra deferunt.

### CRACVS PRINCEPS POLONORVM.

**E** *Luētata in go muliorum patria, CRACVM  
Præfecit rebus leta lubensq; suis.*

*Finibus hic pepulit Gallos, qui nostra ruebant  
In rura, exusta post mala Pannonia.*

*Inuitus regni tenuit quoque scepra Bohēmi,  
Et rexit geminum, carus utriq; solum.*

*Tunc habitasse draco fertur sub rupe Vaneli,  
Dirus vicini depopulator agri.*

*Sulphure farcit ouem CRACVS, monstro obijcit: illo  
Interijt ingens bellua victa cibo.*

*Conditur à CRACO CRACOVIA: fabula Grachi  
Friuola Romani iam mihi, quaso, tace.*

**C** Racus nepos Cechij Boëmorum principis, ad imperij Polonici fasces communibus omnium suffragijs euectus, finitimas gentes iam Polonis rebellantes, iugumq; excutientes cœrcuit, finesque regni ab omni insultu hostium tutauit. Gallorū copias prostrauit, quæ Hūgaria deuastata in Poloniam excurrabant. Tandem pacato armis imperio, desertaloca solitudinesq; agricolis adornauit, ciuitatem celebrem cum arce in scopulo Vanel dicto ad Vistulam fluuium condidit, quam à suo nomine Cracouiam appellauit. In hoc autem scopulo draco ingens tunc

*Cracouia  
Poloniae me-  
tropolis à  
Cra-o fun-  
datur.*

tunc temporis delitescerebat, qui sordido suo anhelitu  
 cum esuriret, de antro prorepēs multos velut pesce  
 quadā inficiebat, per ciuitatemq; & loca circūiacētia  
 grassando, omnia obuia deuorabat. Quā ob causam  
 incolę ciuitatis ordinē tria iumēta per diem ei ad an-  
 trū offerre cogeantur. Cracus igitur Princeps suorū de-  
 ploratū statū videns, cum iam omnibus iumētis expi-  
 larent, pellē vituli excoriati, sulphure, nitro, pice in-  
 farcire iussit. Quod vbi hora cōsuetā ad antrum dra-  
 conis opponeretur, bestia prorepēs, famelica, iu-  
 mentū putans, venaculum illud deglutijt. Cumq; in  
 eo illa materia igne sulphureo accedente accensa et-  
 set, de antro sese proripiens in Vistula aquam tamdiu  
 sorbebat; quousq; medio creparetur. Cracus tandē  
 princeps rebus imperij rectē dispositis, Cracoque &  
 Lecho filijs, filiāq; Vanda relictis ē vita sublatuſ est.

*Draco in  
Cracouia.*

*Draco arti-  
ficioſe per-  
emittit.*

I Vstis Craco gentili ritu persolutis, Poloni cōuentu  
 celebrato, Cracū secundum, natu maiore Craci fi-  
 lium, in solium paternū substituūt, sed Lechus fra-  
 ter iunior ambitione tumens, inuidensq; illi impe-  
 rium, inter venandū eum occidit, dixitq; falsò lācry-  
 mas addens, eum equi lapſu, dum temere persequi-  
 tur ferā, dilaniatū, strangulatūq; esse, atq; hac arte  
 callidus imperium assecutus est: sed paulò post dolo  
 in lucem prodeunte regno pulſus, fugatusq; est.

*Lechus fra-  
trē Cracum  
trucidat.*

#### V A N D A V I R A G O.

**C**onnubij ob crebram virgo formosa repulsam  
 Tentonici bello VANDA petita ducis.

Hosti congreditur: vincit. Magno ille pudore  
 Incumbit gladio, se peremitq; suo.

At victrix: mea virginitas sit victima vobis  
 O superi, per quos est mihi sospes, ait.



*Rotogari effugi thalamos : sic fata, sub alti*

*Se fluuij rapidas precipitauit aquas :*

*Adtra Semiramidē, Tomyrin Scythaq; ornet, utriq;*

*Quam meus anteferat laude P O L O N V S habet.*

*Aquentur regnis, aquentur Marte, licebit,*

*Aquari VANDÆ quæ, rogo, morte potest?*

**A**NNO à nato Christo 730. Vanda filia Craci in ordine ducum Polonia quarta, vnica legitima-  
que hæres regni, omnium acclamatione ad imperij  
fasces euehitur. Hæc summa prudentia, & rara for-  
titudine rempublicam (virginalem cœlibemque vi-  
ram ducens) strenuè gubernabat, non aliter atq; illa  
Penthesilea, Orithiaque. Erat autem formosa & pul-  
cerrima nimis, vt pulcritudine sua plurimos princi-  
pes ad se alliceret, & veluti hamo pisces caperet, vnde  
Vanda vel Venda quæ dictio Slauis hamum quo  
pisces capiuntur sonat, appellata est. Ritagoras igitur  
princeps Germanorum virtute illius, prudētia, atq;  
pulcritudine commotus, procos ad illam destinauit,  
solicitans vt sibi nuberet, illa verò obstinatè connu-  
bium repugnando procos vacuos sæpius dimisit.

*Vanda Ri-  
tagorā Ger-  
manorum  
Principem  
fudit.*

Quapropter Ritagoras putans se ab ea contēptum,  
Polonia bellum indixit, terrore q; & vi ad cōiugium  
eam cogi sperabat. Illa è contra impauida celeriter  
vndecunq; auxilijs coactis, eum in conflictu bis capi-  
tali & cruenta clade fudit: ipse autem pernici fuga  
elapsus, præ pudore quòd virginis manu fusus fuga-  
tusque fuerit, nolens testē sui dedecoris Solem am-  
plius esse, gladio proprio sese interemit. Vanda verò  
memorabili victoria Polonis relictā, prout dijs vir-  
ginitatem deuouerat; volens voti compos esse de

*Vanda in  
Vistulam de  
pōte trium-  
phās defilijt.*

ponte

ponte in Vistulam sese præcipitauit, sicq; aquis obruta interiit. Cadauer illius repertū est in ostijs Dlubie vbi Vistulam influit, atque in scopulo vno milliaria Cracouia in Mogila gentili ritu sepulta est.

Demum post Vandam nullo successore legitimo existente, iterum duodecim Palatinos, vt vnusquisq; prouinciæ suæ præesset, Poloni elegerunt, vnde magnum detrimentum diminutioque regni, velut & prius subsecuta sunt. Quæ enim in inimicos arma essent conuertenda, in se conuertebant: ambitioneq; flagrant, mutuis cladibus inter se dissidebant, quæ de causa Marcomanni, Hunni, & Germani, Poloniam vndiq; angustabant.

*Duodecim  
Palatini  
iterum.*

### P R E M I S L A V S S I V E L E S K O primus.

**R**estituit patria magna virtute ruinam  
 L E S K O sua, miris usus in hoste dolis.  
 Sub nemore hostis erat: Lesko sub nocte silenti  
 Appendi galeas per nemus omne iubet.  
 Sed oritur, galeas accendit: id obuius hostis  
 In nemus, instructi militis arma putans.  
 Nil reperit: species quia Lesco remouerat illas,  
 Sic nostros Morauis terga dedisse putat.  
 Castra mero celebrat, belli securus: in antris  
 Lesco venit tenebris: castra sopita capit.  
 Aeternumq; hosti dat somnum: longa Polonis  
 Otia: finitimis fœdera, iura, metum.

**A**NNO Virginei partus 750. ex his bisfenis Palatinis intestina bella mutuo mouentibus, vnus Premislaus Lesko, non sua, sed patriæ commoda querebat. Cumq; Morauis Poloniam vastarent, ille p tem-

pore coacto instructoq; exercitu, hostes iam spolijs  
 & exuvijs onustos ad sua reuertentes, insecutus est:  
 in quos ad montem, vt dicitur Caluū, vbi nunc tem-  
 plum sanctæ Crucis conditū est, sub altis nemoribus  
 castrametatos impetū fecit: statimq; se in abdita syl-  
 uatum cum suis subduxit. Hostes verò armis arre-  
 ptis, in ea loca vbi Lesco eis se apparuerat venientes,  
 neminem inuenerunt, perterritumq; exercitū Po-  
 lonorum fugere credentes ad sua castra reuersi sunt.  
 Cumq; iam tutissimè omnia agerent Baccho indul-  
 gentes, Premislaus naçta occasione ex abditis sylua-  
 rum cum suo exercitu, intempestiua nocte inopi-  
 natos, somnoq; oppressos Morauios, magna vi, à frō-  
 te, & à tergo inuasit: omnesq; ad vnū cruento prælio  
 funditus trucidauit, & spolia captiuosq; recupera-  
 uit. Qua insigni victoria clarus, omniū suffragijs, spre-  
 ta pluralitate gubernatorum, regni habenis præfici-  
 tur, multisq; egregiè gestis editis, ruinisq; patriæ ma-  
 gna virtute restauratis, absq; posteris è viuis decessit.

LESCO SECVNDVS.

*Atulit huic regnum variorum cursus equorum,  
 Et præter morem, Sors oculata suum.*

*Dignus erat regno, quamuis patre natus agresti  
 Rusticus, & modici iustus arator agri.*

*Non bello quam pace minor: mireris in illo  
 Hoc, qui nulla unquam nouerat arma, vire.*

*Ante oculos voluit monumentum vile prioris  
 Fortune, sagulum, semper habere suos,*

*Et tamen illius non legerat ille poëta,  
 Sarmatico dignum carmen in orbe legi.*

*Fortunam reuerenter habet, quicunq; repente  
 Dines ab exili progrediêre loco.*

*Premislaus  
 Morauios  
 prostrauit.*



**A**NNO à Christo nobis calitus misso 780. Premi-  
 slao Lescione absq; posteris decedente, de ele-  
 ctione monarchæ voces communes, & sententiæ  
 senatorum discrepabant: communiq; omnium con-  
 sensu, post multas litigationes, hunc modum eligen-  
 di principis constituerunt: columnam ante Craco-  
 niam statuerunt, de superq; diadema & sceptrum re-  
 gale posuerunt, ac palam omnibus & singulis præco-  
 nis proclamatione notum fecerunt, vt quicunque à  
 flumine Pradnik dicto, equi sui celeriori cursu ad co-  
 lumnā subordinatam ceteros anteuertet, mo-  
 narcha designaretur. Quidam igitur iuuenis infimæ  
 familiæ, sed astutus & callidus, re diligenter confide-  
 rata, clauos ferreos in via qua currendum erat occul-  
 tē infixit, terraq; occultuit, præsignita sibi ad curren-  
 dum via. Inter currendum autem equi omnium fer-  
 ro subordinato faucij substituerunt, nemoq; ad colu-  
 mnā ex illa multitudine, solummodo ille peruenit:  
 & sic principatu dolo acquisito, potitus est. Sed oc-  
 culta fraus illico innotuit. Paulò enim post duo iu-  
 uenes ex plebe ludentes simbolo iacto, per illa loca  
 cursu pedestri à fluuio Pradnik ad columnam prædi-  
 ctam decertabant, ambobusque faucijs effectis vnus  
 leuius claudicans primus columnam attigit, socius  
 verò suus clauos in terra considerans brauium ei  
 denegabat: caussamq; ad senatum derulit: vbi pa-  
 tet facta est peruersa astutia Lescij: qui dolo supra-  
 dicto, ad regni fascēs euectus erat. Omnes igitur no-  
 biles & magnates de iniuria coram senatu expostu-  
 lantes, Lescionem solio deiectum tractu equorum  
 membratim dilaniari, dilacerariq; fecerunt. Ille  
 verò qui ludendo pedester ad columnam venerat,

*Modus elec-  
 tionis cer-  
 tare equis.*

*Equorum cur-  
 su de impe-  
 rio decerta-  
 tur.*

*Dolus Les-  
 cij.*

*Dolus ap-  
 paretur.*

*Premium  
 fraudis.*

*Lescoplebe-  
ius ad regnū  
euehitur.*

*Mos Lescij.*

Lesco secundus appellatus, communi omnium acclamatione regno præponitur. Hic quamuis plebeius esset, attamen talem se præbuit, ac si regali ortus esset prosapia: idque totis diebus vitæ suæ diligenter obseruabat, quod ornamentis regijs solenniter induturus, vestes quas olim ex vili lana gerebat, desuper indueret; pro monumento prioris vitæ id habens: vtque fortunam instabilem, quæ sursum eleuatos ad ima deijcit, eluderet. Quam cōsuetudinem multi principes Polonorum solenniter obseruabāt. Tandem Lesco plurimis heroicis gestis exactis, filioque huius nominis tertio relicto, vitam cum morte commutauit.

### LESCO TERTIVS.

*Quam fuerit belli cupidus, quam Martis amicus  
Iste, vel hoc signo discere quisq; potest:*

*Cum sub eo patria pax arma quieta teneret,  
Bellandi fieret nullaq; causa domi:*

*Impatiens otij, Græcos contra, atq; Latinos,  
Pannonibus toties auxiliaris erat.*

*Viginti genitor varia de matre nothorum:  
Infamat quantum tanta libido virum?*

*Sæpe licet magna, post multa trophæa legantur  
Et Cypria studijs incubuisse diuos.*

*Quod si defendi exemplo non possit Achillis  
Lesco, & Alexandri, Mars quoque mæchus erat.*

**F**Vnebribus exequijs Lesconi gentiliter persolutis, Lesco filius eius, huius nominis tertius in ordine Principum Poloniae septimus, monarcha saluatur. Hic à moribus paternis minimè degenerauit, omnes finitimos hostes sedauit. Imperiique sui fines  
in

in pace & securitate cicurauit. Postea otij impatiens, Hungaris, Saxonibusq;, aduersus Carolum Magnū in Romanorum imperatorem auxilia suppeditabat. Tandem anno Domini 801. cum Boëmis, Pomeranis, Prutenisque à Carolo in Silesia cruento prælio ad Oderam fluuium prostratus est. Cui filius Popilius ex legitimo thoro natus (viginti enim illegitimos natos ex concubinis, Pomeraniæ duces generarat) successit.

## POPELVS PRIMVS.

**A** *Non tibi lectum tantum, lasciuæ, reliquit,  
Non etiam clypeos, armaq;, dura pater?  
Et Veneri tantum iussit seruire? Gradino  
Non etiam, ô noster Sardanapale, suo?  
Quandoquidem in fratrum tam multa gente tuorum,  
Legitima solus continge natus eras.  
Successisse etiam patrijs te laudibus æquum  
Non tantum vitijs, imperioq;, fuit.  
A genitore tuo felicior, ipse fuisti,  
Hac in tam rari parte, POPELE, boni:  
Quod tibi tu similem genuisti; quiq;, putaret  
A cuculo cuculum degenerare, nefas.*

**P**opelus huius nominis primus Lescij tertij filius, qui à Germanis Offerich dicebatur: patre cedente, regni habenas regendas suscepit, anno Domini 815. Hic à virtute paterna degenerauit: in vrbe Cracouiensi sede spreta, eam in Gneznam, deum in Crusphiciam transtulit: ibiq; arcem in lacu Goplo condidit. Nil amplius de eo scribendum restat: cum nulla egregia gesta memoriæ digna ediderit; semper enim libidinibus delicijsque indulgebat.

*Sedis trans-*  
*latio.*

*Arx Goplo.*



*Mos execrandi  
de se se Popeli.*

Hac verò execrandi particula sc̃pissime vtebatur, dicēns: O utinam à muribus corroderer, quod quamuis non ipsi sed filio eius prout inferius dicitur contigit.

### POPELVS SECVNDVS.

**D**Vm timet hic regno pelli, vir inutilis, & cum  
Coniuge consultat, quid male intis agat.

Vim morbi simulat: patruos accersit, & illis  
(Viginti fuerant) toxica mista dedit.

Orta cadaueribus vis murum erupit: & illum,  
Uxorem, natos, undiq; dente petit:

Dilaniat, frustra medios fugiebat in ignes,  
Frustra in Gopleas perfidius hospes aquas.

Discite iustitiam, qui propter lucra paratas  
Fertis & exertas ad scelus omne manus.

Est Deus, est scelerum vindicta, est pœna malorum,  
Vnde putes minimè posse venire, venit.

**A**Nno salutiferi Virginis partus 830. Popelus secundus, patri in regno succedens, à moribus eius libidinosis minimè degenerauit: postpositisque negotijs reipub. vanis otijs, choreisque, & delictijs domesticis indulgit. Insuper nō ille sed vxor eius, quam infano amore prosequabatur, pro sui peruerso arbitrio imperabat. Quapropter magnates & equites regni, eum vt hominem nihili, Sardanapalum Poloniae appellantes, spreuerunt. Popelus verò re considerata, veritus ne Poloniam aliquem ex patruis suis in locum suum substituerent: vxoris astuto consilio infirmitatem simulauit; patruosque omnes qui viginti numero erant, principes Pomeraniae accersuit, & decumbens in lecto, obnixè ab eis rogauit,

*Astuta simulatio infirmitatis.*

vtrum filium suum ex duobus, regno se deceden-  
 te præficerent, quod libenter patrui se facturos spo-  
 ponderunt, si magnates regni consenserint. Regina  
 verò interea poculum cum veneno mixto adorna-  
 uit, & vnicuique bibendum pro sanitate regis obtu-  
 lit. Egressi illi à rege, maxima corrosione ex veneno  
 hausto excruciat, omnes pariter expirauerunt. Re-  
 gina autem cum læritia dixit: deos in eos quod ma-  
 lum regi, domino suo machinati fuerint, iuste ani-  
 maduertisse. Ideo cadauera eorum inhumata quasi  
 perfidorum, in lacum Goplo reginæ iussu, proiecta  
 sunt. Statimque Deus iustus vindex & ultor nefan-  
 di homicidij, murium vim numerosam, dictuque  
 horrendam, ex illis cadaueribus mira quadam me-  
 tamorphosi, excitauit, quæ regem in arce lautè con-  
 uiuantem, uxoremque & filios eius cum terribili stre-  
 pitu vndiq; inualerunt: & neq; armis, neq; igne se ar-  
 ceri passæ sunt. Rex metu inauditi inusitatiq; pericu-  
 li perturbatus, in arcem quæ est hucusque in lacu  
 Goplo, iuxta Crusphiciam oppidum, cum vxore &  
 filijs profugit: mures verò adhuc plures terram &  
 aquas cooperientes, cum horridis sibilis eum perse-  
 quebantur: Nautæ præsens præ oculis exitium vi-  
 dentes, timentes ne in medio lacus nauem corrode-  
 rent, ad ripam otius appropinquant, aufugerunt.  
 Popilius quoque in turrim natura loci munitam, &  
 aquis opportunè circumfluam cum suis se recepit:  
 ubi cum vxore & liberis à muribus corrosus, con-  
 sumtusque est, vt ne monumentum quidem eorum  
 relictum fuerit.

*Grande tur-  
pe que faci-  
mus.*

*Mira insti-  
tuta diuina.  
Ex cadaue-  
ribus mu-  
res.*

*Popilius à  
muribus cō-  
sumitur & li-  
beris corro-  
ditur.*

O Priscos hominum mores, o nescia fastus  
 Simplicitas, ingens o probitas, & amor!  
 Non puduit proceres homini dare sceptrâ Polonos  
 Qui modo cultior agri Crusphiciensis erat.  
 Ob solas virtutis opes, virtutis honorem,  
 Qua vir in exigua floruit ille casa.  
 Hoc orti de fonte duces, regesq; Poloni  
 Durauere dies, ad Ludouice tuos.  
 Compita Crusphicia veterum, nostro estis in orbe  
 Euentu gemini nobilitata ducis.  
 Regnum ruricola deferri: à mure vorari  
 Regem: res aequè prodigiosa fuit.

A Nno incarnationis diuinæ 842. Popilio secundo à muribus portētosē absumpto, multæ controuersiæ in Chrusphiciensī conuentu de electione principis exortæ sunt. Erat autem tunc temporis in Crusphicia Pyastus quidam vir simplex, virtute tamen & pietate præstans. Huic eodem conuentus tempore filius natus est, cui ad nomen solenniter gentili ritu imponendum, mellis mulsati duo vasa præparauit, propter conuiuas tractandos, porcumq; mactauit. Interdum aiunt ad eum duos viros ignotos venisse peregrino habitu (quos Paulum & Ioannem martyres Romanos ferunt esse:) Hi in palatium ubi electio celebrabatur non sunt admissi, à Pyasto verò humaniter hospitio excepti fuere, infantemque narum gentili more subraferunt, nomenque ei Semoiuiti imposuerunt, & tandem discesserunt. Tunc temporis autem in Crusphicia ob magnum confluxum populi ad comitia electionis plurimi commeatus,



tus, pabulique penuria laborantes, ad Pyastum ut si-  
bi aliquid pro victu venderet, veniebant, qui singu-  
lis gratis necessaria suppeditabat, quantum cuique  
opus fuerat, carnis autem suillæ & mellis, panisq; co-  
pia, apud eum non deficiebat: nam incrementa o-  
mnium rerum à Deo copiosissimo largitore & re-  
muneratore illi procedebāt. Omnes igitur manum  
diuinam cum Pyasto esse videntes, cōmunibus suf-  
fragijs & vocibus, monarcham eum salutant, re-  
gnumque oblatum, quamuis agresti familia natus,  
strenuè cum summa fortitudine, & dexteritate vi-  
ginti annis gubernauit, Postea 120. annis ætatis suæ  
exactis, relicto filio Semouito extremum diem clau-  
sit. Ex huius sanguine duces regesque Polonorum ad  
Ludouicum Hungarum vsq; genus duxerunt.

*Hospitalitas  
largare mu-  
neratur.*

*Pyastus ru-  
ricula regni  
fasces obti-  
net.*

## S E M O V I T V S.

**S**ic & Alexander iuuenis vix illa suarum

Ingressus rerum limina magna perijt:

Vi SEMOVITE peris patriaq; relinquis acerbos

Mœrores, iustam mortuū ante diem.

Ense tuo eiekti de nostro turpiter agro

Vltra Carpathium, Pannonos vsq; iugum.

Tota tibi soluit Pomerania victa tributum:

Fluctibus & nostris accola quisquis erat.

Quattuor annorum sunt, hæc omnia, quid si

Non abrupta tibi tam citò vita foret?

Quamuis, quantumuis modica sub tempore vita

Maxima qui gessit, vixit abunde diu.

**A**nno humanæ redemptionis 895. Semouitus  
patri gentili ritu iultis perfolutis, ad regni fasces  
euehitur. Hic insigni prudentia, fortitudineque, &

*Virtus Se-  
mouiti.*

O Priscos hominum mores, ò nescia fastus  
 Simplicitas, ingens ò probitas, & amor!  
 Non puduit procures homini dare sceptrum Polonos  
 Qui modo cultor agri Crusphiciensis erat.  
 Ob solas virtutis opes, virtutis honorem,  
 Qua vir in exigua floruit ille casa.  
 Hoc orti de fonte duces, regesq; Poloni  
 Durauere dies, ad Ludouice tuos.  
 Compita Crusphicia veterum, nostro estis in orbe  
 Euentu gemini nobilitata ducis.  
 Regnum ruricola deferri: à mure vorari  
 Regem: res aquè prodigiosa fuit.

A Nno incarnationis diuinæ 842. Popilio secundo à muribus portetose absumpto, multæ controuersia in Chrulphiciensi conuentu de electione principis exorta sunt. Erat autem tunc temporis in Crusphicia Pyastus quidam vir simplex, virtute tamen & pietate præstans. Huic eodem conuentus tempore filius natus est, cui ad nomen solenniter gentili ritu imponendum, mellis mulsati duo vasa præparauit, propter conuiuias tractandos, porcumq; mactauit. Interdum aiunt ad eum duos viros ignotos venisse peregrino habitu (quos Paulum & Ioannem martyres Romanos ferunt esse:) Hi in palatium ubi electio celebrabatur non sunt admissi, à Pyasto verò humaniter hospitio excepti fuere, infantemque natum gentili more subraferunt, nomenque ei Semoiiti imposuerunt, & tandem discesserunt. Tunc temporis autem in Crusphicia ob magnum confluxum populi ad comitia electionis plurimi commeatus,

tus,

mus, pabulique penuria laborantes, ad Pyastum ut si-  
bi aliquid pro victu venderet, veniebant, qui singu-  
lis gratis necessaria suppeditabat, quantum cuique  
opus fuerat, carnis autem suillæ & mellis, panisq; co-  
pia, apud eum non deficiebat: nam incrementa o-  
mnium rerum à Deo copiosissimo largitore & re-  
muneratore illi procedebat. Omnes igitur manum  
diuinam cum Pyasto esse videntes, cōmunibus suf-  
fragiis & vocibus, monarcham eum salutant, re-  
gnumque oblatum, quamvis agresti familia natus,  
strenuè cum summa fortitudine, & dexteritate vi-  
ginti annis gubernauit, Postea 120. annis ætatis suæ  
exactis, relicto filio Semouito extremum diem clau-  
sit. Ex huius sanguine duces regesque Polonorum ad  
Ludouicum Hungarum usque, genus duxerunt.

*Hospitalitas  
largare mu-  
neratur.*

*Pyastus ru-  
ricula regni  
fasces obti-  
net.*

## S E M O V I T V S.

**S**ic & Alexander iuuenis vix illa suarum  
Ingressus rerum limina magna perijt:  
Vi SEMOVITE peris patriaq; relinquis acerbos  
Mœrores, iustam mortuus ante diem.  
Ense tuo ciecti de nostro turpiter agro  
Vltra Carpathium, Pannonos usque iugum.  
Tota tibi soluit Pomerania victa tributum:  
Fluctibus & nostris accola quisquis erat.  
Quattuor annorum sunt, hæc omnia, quid si  
Non abrupta tibi tam citò vita foret?  
Quamuis, quantumuis modica sub tempore vita  
Maxima qui gessit, vixit abundè diu.

**A**nno humanæ redemptionis 895. Semouitus  
patri gentili ritu iultis persolutis, ad regni fasces  
euehitur. Hic insigni prudentia, fortitudineque, &

*Virtus Se-  
mouiti.*



prouidentia, populum sibi commissum regebat, omnesque hostes à finibus imperij sui sapissime fugabat, Hungaros, Boëmos, Cassubios, Pomeranosque ad tributum sibi pendendum compulit, multisque præclaris gestis editis, quatuor in regno duntaxat annis exactis. Patria in pace relicta, immatura morte peremptus est, relicto filio Lescone quarto.

### LESCO QVARTVS.

*Q*uam pater inuictis Semonitus fecerat armis  
Pacem, Sauromatis attuleratq; suis:

*Filius est illam miro complexus amore,*

*Et vita summam fouit ad usq; diem:*

*Vir cuius mores nemo reprehendere possit,*

*Aut nisi quem pugna classica bella iuuant.*

*Sed cur bella geras, frueris qui pace? quid optes,*

*Contentus proprio qui potes esse, meum?*

*Gloria ad arma vocat multos, laudumq; cupido,*

*Spes prada multos dines ad arma vocat.*

*Utraq; bellandi causa iniustissima solam*

*Qua pacem querunt praelia, iusta voca.*

**A**nno Virginei partus 702. Lesco quartus patri Semonito iuuenili etate, in principatu successit, sub tutoribusque ad annos competentes erat. Postea imperitum à patre pacificatum relictum, in pace à nemine laceffitus regebat, patrijs & auitis virtutibus correspondens, relictoque filio Semomislao immatura ætate è viuis decessit.

### SEMOMISLAUS,

**V**ltimus iste fuit nostrorum ex ordine regum,  
Ignari falsos qui coluere deos.

*Huic*

*Huic peperit coniunx oculorum luce carentem*

*Hæredem: sterilis cum foret antè diu.*

*Morerat infanti, vitæ ut compleuerat annum,*

*Ludere, quod vellet nomen habere pater.*

*Ergo dies venit simul illa, recepit ocellos,*

*Ostentum dubia plebe stupente puer.*

*Res ea signabat, discussa nocte POLONOS*

*Visuros lucis lumina vera noua:*

*Visuros illo CHRISTVM sub rege negemus,*

*Quod bona præstuat quæque futura DEVS.*

**A**Nno à Christo nato 921. Semomisslaus patre è viuis decedente regni habenis præficitur. Hic etiam ex auitis moribus minimè degenerauit, filium vix in senectute & ipsum cæcum obtinuit, cumque in Gneznam primates & equites regni ad subradendum nomenq; imponendum filio gentili ritu conuocaret, Miesconem eum appellârunt. Postea conuiuium indulgentibus in primo mense accubitu, nunciatum est patri, filium cæcum visum recepisse, omnibusque conuiuiis attonitis, cum clavis apertisq; oculis infans affertur. Cumque rex ab ariolis sciscitare-  
tur quid hoc sibi velit? responderunt, sicut hic infans gratia deorum est illuminatus, sic per eum Polonia in breui illuminabitur, quod & factum est. Tandem Semomisslaus finibus imperij in pace relictis vitam cum morte transmutauit.

*Semomisslaus  
filius cæcus  
nascitur qui  
postea illu-  
minatur fi-  
guram illu-  
minanda  
Polonia per  
Euangelium  
præfagiens.*

## MIESCO PRIMVS

**C**Hriste, sub hoc ad nos venisti principe, ab hoste

*Possessas Stygio commiseratus oues.*

*Cesserunt idola tibi: Mars, Leda, Gemelli,*

*Cynthia, Pluto, Ceres, Jupiter, Aura, Venus.*

E ij

*Fœmina te nobis ostendit prima, Bohemo  
 Sanguine: prima crucem nos docuitq, tuam.  
 Sicut prima quidem nobis es caussa salutis,  
 Ipse DEVS, mulier, caussa secunda fuit.  
 Illatuo tingi Mesconem fonte maritum  
 Fecit: terra suum est tota secuta ducem.  
 Plurima tunc data sunt tibi templa, nouemq, cathedra,  
 Et, quas sacrifici dilapidamus, opes.*

**A**Nno domini 962. Miesco qui erat cæcus natus,  
 patri ex more funebribus exequijs peractis;  
 communi omnium acclamatione in monar-  
 cham Poloniæ eligitur. Hic concubinas septem ha-  
 buit, nullam tamen ex illis fœcundauit, quam obrem  
 maximo mœrore discruciabatur. Quapropter fre-  
 quenter à quibusdam Christianis sollicitabatur, vt  
 Christo cum sua gente nomina daret, si velit earam  
 sobolem à Deo obtinere. Christianorum itaq; per-  
 suasionibus adductus, procos ad regem Bohemię Bo-  
 leslaum, qui fratrem germanū diuini Venceslaui  
 nefariè occiderat, destinauit, matrimonium filię eius  
 expetens: cui rei Boleslaus libenter annuit, hac con-  
 ditione si sacrum baptisma cum suis susciperet. Mie-  
 sco itaque cum vniuersa gente sua alacriter baptisa-  
 tus est anno Domini 965. Miesconisq; priori nomi-  
 ne immutato, *Mieczslaus* appellatus est, quasi gla-  
 dio nomen acquirens clarum. Mandauitque confe-  
 stim omnibus & singulis suo imperio subiacentibus,  
 die septima Martij, idola omnia vanorum deorum  
 comminuere, demolire, igneq; cōsumere. Nam an-  
 tea quaslibet vanas creaturas Solem, Lunā, Auram,  
 quam *PogWisł* appellabant, cultu diuino prosequen-  
 bantur.

*Poloni fidē  
 Christi am-  
 plexantur.*

*idola demo-  
 liantur.*



bantur. Præterea Iouem quem illi *Jessam*, Plutonem *Ritus reli-*  
quem *Lacton*, siue Lactonem, Cererem quã *Niam*, *gionis genti-*  
cuius templum Gneznæ celeberrimum erat, Venē- *lis Polono-*  
rem quam *Marzanam*, & Dianã quam *Zieuoniam* *rum.*  
gentili lingua appellabant, Lælum quoque & Pole-  
tum Romanis Castorem & Pollucẽ appellatos, pro  
dijs colebant. Et adhuc in comotationibus illa gens  
nomine eorum utitur, Lælum Poletum vociferan-  
tes. Solebant autem viri, mulieres, iuuenes, & senes  
horum deorũ suorum, diebus festis ad lusus & cho-  
reas pariter conuenire, maximè verò 25. die Maij, &  
25. Iunij. Quam congregationem populi *Stado*, id est,  
agmen appellabant, quod adhuc apud Ruthenos &  
Lituanos passim in villis obseruari videtur. Post do-  
minicam enim conductus Paschæ ad diui vsq; Ioan-  
nis Baptistæ festum, mulieres & virgines diebus fe-  
stis ad choreas turmatim conuenire solent; Lado-  
nemq; canentes, & *Lado Lado* frequentius ingemi-  
natis manibus, complaudẽtes in gyrum choreas du-  
cunt. In Silesia quoque confini Poloniæ 17. die Mar-  
tij, quo videlicet tempore hæc idola demolita sunt,  
pueri in villis & oppidis ex more recepto simulacrũ  
quoddam, ad similitudinẽ mulieris conficiunt, o-  
pidoque turmatim egressi quandam cantionem in-  
geminantes simulacrum illud de Ponte in flumen  
præcipitant. Expurgata itaque ab idolis Polonia  
Mieczslaus princeps, ad euidentius signum Christia-  
nitatis instituit, vt infra officium Missæ, dum Euan-  
gelium prælegeretur, singuli virorũ ad medium gla-  
dij è vaginis depromerent, quo se testarẽtur propter  
Euangelium Christi ad mortem vsque decertare pa-  
ratos esse. Multas ecclesias, parœcias & episcopatus

*Mos Polono-  
rũ antiquus  
infra lectio-  
nem Euan-  
gelij.*

fundauit, copiosisque prouentibus ditauit. Ex vxore Bohema *Dambrowka* dicta, filium Boleslaum Chabri suscepit, quæ post partum paulò post decessit, Gneznæ sepulta est, alteram verò Mieczslaus in matrimonium accepit, Iuditham filiam Iellæ principis Hungarorum, quæ ei filium Mieczslauum genuit. Tandem multis Christianitatis monumentis in Polonia relictis, è uiuis feliciter inigrauit. Destinauerat quoq; legatos ad summum pontificè Benedictum, diadema regium ab eo postulans, quod illi denegatum est, suspicabantur enim nondū eum perfectum Christianum esse.

BOLESLAUS CHABRI, PRIMVS  
rex Poloniæ.

*V* Ici, deuictos cepi cum rege Bohemos,  
Subieci Moranos, Saxoniosq; mihi.  
Cassubios populosq; freticis litora nostri,  
Et Prussos, dubia teq; Ruthene, fide.  
Imperij fines positis ex ære columnis  
Signavi, Herculeum sic imitatus opus.  
Nec mihi templa minus cura, quam castra fuerunt;  
Hac quoq; laude patri cedere nolo meo.  
Regia ab egregio sortitus stemmata Othone  
Sum Gneznæ (Gneznæ, tunc meus hospes erat)  
Quæ quicumq; fac sis hoc dignus honore,  
Quotunc, magno indice, dignus eram.

**A** NNO à Christo nato 999. Boleslaus huius nominis primus ab heroicis gestis Chabri appellatus, Mieczslai filius natus primus, communi omnium acclamatione in fasces regni euehitur. Corpus diui Alberti episcopi Pragensis, ex Prussia in Gne-

*Diui Alberti corpus è*

Gneznam magno cum labore honorificè tranſtulit, quem gẽriles Pruteni, iuxta Sauum fluium prope oppidum maritimum Feſchiaus, ſalutifera pabula animæ ferentem, crudeliter occiderunt, ad cuius buſta Gneznæ plurima miracula, virtute diuina edita ſunt. Eodem tempore Otto tertius, Romanorum imperator, acerbè inſirmitate preſſus, iamque animam agens, audiens tantà miracula ad ſepulcrum diui Alberti in Polonia fieri, voto vouit ſe buſta illius, ſi de inſirmitate leuaretur, acceſſurum, atq; ſtatim poſt votum promiſſum, ſanitatẽ integram diuinà benignitate recepit. Cumq; vota perſoluturus religioſus imperator ad Poſnaniã vrbeĩ maioris Poloniæ appropinquaret, Boeſlaus ſplendido equitatu nobilium & magnatum Poloniæ cinctus, obuiam ei proceſſit, honoremq; vt Cæſari hoſpiti exhibens, varij coloris pãnos preciosos, ſericeos quoq; & idgenus alios in via per 7. milliaria Polonica, à Poſnania in Gneznam uſque ſternere fecit, & ultro citroque data ſalute, illa inſigniter ſtrata via vterque manibus iunctis, multa inter ſe cõferentes, pedeſtri itinere ad Gneznam uſq; peruenerunt. Ingreſſus itaque deuotus imperator limina templi, pronus proſtratus ad ſepulcrum diui Alberti, ardẽti corde Deo omnipotenti, quod mirabilis ſit in ſanctis ſuis, gratias agit, votoq; perſoluit. Tandem honorificentiffimè ſumptuoſiſſimeque per aliquot dies, à Boeſlao tractatus, multisque & ſplendidis muneribus ab eo donatus eſt, quibus hoſpitalitatis officijs Otto in ſe exhibitis conſideratis, Boeſlaum eodem in templo Gneznæ imperiali diademate ſolenniter coronauit, eumque regem Poloniæ declarauit, & in

*Proſſia in Gneznam tranſtulit.*

*Otto imperator ex voto diuo Alberto ſanatus.*

*Otto imperator in Poloniã venit.*

*Boeſlaus Cæſari ſplendide gloriæ honorem exhibet.*

*Otto Boeſlaũ Poloniæ regẽ creat, ſueq; diademate coronat.*



æternū auctoritate imperiali confirmavit, ab omnibusque tributis & obsequijs Romanis imperatoribus pendēdis, posteros eius omnes in regno sibi succedētes immunes fecit. Deinde in digressu quo euidētius vinculum societatis inter se cōciperent. Otto imperator Boleslao nouo regi lanceā sancti Mauricij, clauumque de cruce Christi donauit. Boleslaus verò vicissim illi brachium sancti Adalberti pro munere hospitalitatis dedit, quod Romæ in templo diui Bartholomæi imperator posuit. Insuper vinculo consanguinitatis sibi iuncti sunt. Otto enim neptam suam, filiam Palatini Rheni, nomine Rischā, in matrimonium locauit. Tandem imperatorem ad sua reuertentem Boleslaus cum insigni pompa, splendidoq; equitum & magnatum Polonię agmine, ad terminos vsq; regni sui, honorificè deduxit.

Hic primus rex Polonia omnia, summa cum prouidētia & fortitudine administravit, supra modumque bellicosus extitit. Marte enim felici omnes finitimos hostes frequenter strauit, regnaq; eorum sapius, nullo repugnāte, peruastrauit; Bohemię regem Boleslaum cum innumeroso exercitu fudit, regnūq; eius, nullo repugnāte infestis armis vastauit; & ipsum captum execrare fecit. Iaroslauum quoq; ducem præcipuum Russiæ validissimo exercitu fretum insidiosè contra se procedentem, memorabili, cruentaque clade, prostrauit; Kiouiam vrbe[m] Russiæ metropolim cepit, indeque thesauros ingentes asportauit, & omnes principes Russiæ tributarios sibi effecit. Prutenos, Saxones, Cassubiosque, & Pomcranos debellauit; cum Ruthenis ad fluuium vsque Tyram, & Borysthenē fines suos posuit; cum Prutenis, Cassubijsque,

*Boleslaus  
Bohemos,  
Russos, Pru-  
tenos & Po-  
meranos  
sternit.*

que, & Saxonibus ad fluvium Albim, vsque ad mare Germanicum siue Balticū imperij sui terminos constituit, Herculemq; imitatus, ad perpetuam rei memoriam columnas æreas illic collocavit. Sicque imperio suo amplissimè dilatato, relicto Miescone filio è viuis decessit.

*Boleslam fin-  
nes imperij  
sui prelatas.*

## MIESCO SECVNDVS.

**D**Egener, imbellis, gula, crapula, sordibus vxor  
*Vxor is totus scemina, lurco nihil.*

*Hic erat: vxor erat, rex, princeps, omnia, nostrum*

*Asperius quoniam angue perosa genus,*

*Tenonibus tantum aqua suis: quam credis ab illa*

*Tractata est miseris terra Polona modis?*

*Tunc Boleslai nobis periére labores,*

*Ruperunt nostrum regna subacta iugum.*

*Virapuit tantum mors fausta phrenitide regem,*

*Pellitur è regno, rixa fugitq; suo.*

*Dant pœnas scelerum: furor hunc, dolor abstulit illam,*

*At longo fato dignus uterq; fuit.*

**A**Nno Virginei partus 1025. Miesco II. patre defuncto, ad regni habenas moderandas euehitur.

Hic ex moribus patrijs degenerat: postpositisq; negotijs reipublice cōiugis consilio utebatur, & imperium à patre amplissimum relictum, suis libidinibus diminuit, debilitavit, laboresque patrios perdidit. Tandem ab omnibus spretus, infirmitate correptus, relicto Casimiro filio, è viuis decessit.

Mortuo igitur Miescone, multæ controuersie circa electionem principis exortæ sunt. Quidā enim ad Casimirū filium eius sceptrā deferenda volebant: ceteri verò timentes ne mores paternos peruersos

*Miesco dege-  
neratur.*

*Regina cum  
filio Casimis-  
re exulat.*

*Debitum  
S. Petri.*

sequeretur, huic sententiæ acerrimè repugnabant. Tandè regina Miesconis regis relicta, vidēs se à Polonis spretam, ad fratrem Cæsarem in Saxoniam, accepto Casimiro filio, coronaque regni & ingentibus thesauris regalibus sublatis profecta est. Interim filium Casimirum studendi gratia Parisios misit: vbi tandem in monasterium Cluniacense ingressus, sacris initiatus est. Poloni verò multis annis hærede legitimo orbat, cum sui & reipublicæ ingenti detrimento, in Gallia cum quærere coacti sunt, qui eis multis de causis denegabatur ab Abbate Monasterij. Tandem vix magno cum labore impensisque Polonorum, per Benedictum nonum pontificem à professione absolutus est, pœnitentia Polonis indicta, pro eo quod dominum suum heredemq; legitimum expulerint, vt ab vna quaque persona quotannis obulum vnum Romano pontifici penderent, quod vocatur debitum sancti Petri. Item vt singuli viri crines supra aures tonderent. Deinde vt præcipuis festis diebus linteo albo pro cingulo vterentur.

### CAZIMIRVS PRIMVS.

**I**Nnocentius cum matre puer CASIMIRVS eodem  
Exilio, matris crimine, pulsus erat.  
Cluniaci placuit sibi vita monastica: seruus  
Quàm cuiusquam hominis, maluit esse Dei:  
Nos sumus interea sine principe, subdita cunctis  
Terra, dolor fuerit, qua numerare malis.  
Reddimus eiecto regnum, multa ille reuersus  
Restituit melior vix patre, dignus auo.  
Maslaum domuit civili Marte furentem,  
In reliquis mansit pax sibi grata dios.

*Quid*



*Quòd Deus innocuis adsit, quòd corruat insons,  
Maiori ut surgat laude: videre potes.*

**A**Nno Domini 1041. CAZIMIRVS huius nominis primus, è monasterio acceptus, Mielconis secundi filius, tertius rex Poloniae, Gneznæ cõmuni omnium applausu sacro diademate coronatur. Hic primum in latrones depredatoresque qui tunc temporis in regno passim latrocinabantur animaduertit. Demum regiones tributarias à regno deficientes adiugum pristinum redegit. Maslaum ducem Massouiae bello furem in intestino, cum Prutenis & Piecingis conspirantem, ad Vistulam fluvium cruento prælio prostravit, iuxta Plocsko ciuitatem. Tandem Maslaus exercitum coëgit: sed iterum à Casimiro funditus fusus, desperatis suis rebus ad Prutenos profugit, vbi varijs tormentis examinatus laqueo vitam finiuit. Ab hoc Maslao Massouia appellata est. Postea Casimirus pacato vndique regno, relictisq; tribus filijs, Boleslao, Vladislao, Mielcone, & filia Suuatochna, extremum diem feliciter clausit. Monasterium in Tyniec eius Regulæ quam ipse olim profitebatur, regalibus, sumptuosissimisq; immunitatibus & bonis opimis fundatum dotauit.

*Casimirus  
Maslaum  
cum Prutenis bello  
vicit.*

*Massouia  
denominatur.*

## BOLESLAVS AVDAX.

*Quàm bello magnus, quàm magnis strenuus ausis  
Boleslaus erat, tam truculentus erat.  
Vastauit Moranos, Hunnos, te Russe, Bohemos,  
Vastauit patriæ nec minus arua sua.*

*Cuncta libidinibus complebat, cuncta rapinis,  
 Cuncta ignominis, sanguine, cuncta metu.  
 Pontificem secuit frustratum recta monentem:  
 Urbis pontificem, maxime Crace, tua.  
 Os celus, o portentum, o nostri infamia regni,  
 Non tibi sacrilega tunc cecidère manus?  
 Unde, & ubi periit, ne iam dubitate Poloni,  
 Raptum sub Stygijs obruit orcus aquis.*

**A**nno salutiferi Virginei partus 1068. Casimiro Bolelaus filius ab heroico animo Audax appellatus, communibus omnium suffragijs, rex declaratur. Huic statim Vratislaus Bohemiæ rex bellum indixit: infestisque armis in Silesiam vastaturus excurrit. Bolelaus re comperta, armato milite cinctus, celeriter contra eum contendit: cuius aduentu Vratislaus perterritus, relictis castris terga pudenda dedit. Bolelaus verò eum in meditullium Bohemiæ persequens, eam vndique peruastauit: spolijsq; multimodis onustus, ad sua nullo repugnante reuersus est.

*Boleslam  
 Bohemiam  
 vastat.*

*Iterum Bo-  
 hemiam in-  
 festat.*

*Pruteni cū  
 Pomeranis  
 victi Vecti-  
 gales Bole-  
 laus sunt.*

Postea anno sequenti, Bolelaus validioribus copijs coactis, Morauiam, Bohemiamque iterum infestis armis peruastauit: donec eū Vratislaus Bohemiæ rex, maius periculum timens reconciliauit. Perdomitis igitur ab vna parte Bohemis, & Morauis, à Prutenis tandem & Pomeranis infestatur: quos Bolelaus ad fluuium Ossa vndiq; circumuentos, ad internecionem prostrauit, & deleuit: Pomeraniamq; & plurimas munitiones Prussiar, ditioni suæ subegit: & ipsos Prutenos sub iugum compulit, anno domini 1059. Interea Bela hæres regni Hungariæ, ad Bolelaum

leslaum exulans profugit: auxilium contra fratrem Andream (à quo regno pulsus erat) implorans. Boleslaus itaque infestis armis in Hungariam cum Bela cōtendit: Henriciq; imperatoris copias, Bohemose & Teutones, partes Andree defendentes profligauit: vbi & ipse Andreas rex interemptus est. Sicque Bela auxilio Boleslai ad regnum peruenit. Boleslaus verò rex in Poloniam reuersus, vnicam heredem ducum Russiæ, Visesslauam nomine, in matrimonium accepit, iureq; dotis Ducatus quosdā Russiæ acquisiuit. Kiouiam quoque metropolim Russiæ vicepit, vbi hybernū tempus transegit, vniuersamque Russiam terrore suo compleuit, & cōcussit, adeò vt complures duces (parum se tutos in Russiā putantes) fugā in Græciam adornauerint. ciuitates omnes oppidaq; & munitiones plurimæ, vltro se ei dediderunt. Postea Præmissiam ciuitatem celebrē, vnam ex Ducatibus Russiæ expugnauit, & exussit, sed arcem propter exundationem fluiuiorum, capere non potuit: quæ ei postea certis sub conditionibus dedita est. Tandem in Hungariam cum exercitu profectus, inimicitias inter Belæ hæredes, & Salomonem Hungariæ regem composuit: exinde rectā in Russiam reuersus, Volodimiriam & Chelmiā ciuitates cum suis prouincijs occupauit: postea totum Ducatum Volhinię cepit. Inde rectā in Kiouiam exercitum duxit, vbi Suuatoslaum principem Russiæ cum ingentibus copijs sibi insidiantem cruento prælio profligauit, fugauitq; , ac omnes vires Russorum prorsus debilitauit, multumq; temporis in Kiouia transegit, vbi in delicias libidinesq; venereos, & cætera vitia prolapsus est. Postea septennio in castris exacto in Polo-

*Boleslaus in Hungaria triumphat.*

*Russiā captat Kiouiamque capit.*

*Præmissia dedita.*

*Hungariam petit.*

*Voliniā expugnat. Suuatoslaum fugat, subditque.*



*Episcopum  
Craconia di-  
uum Stani-  
slau occidit.*

*Boleslaus  
exulat Go-  
lantarie.*

niam reuersus, diuum Stanislaum episcopum Cra-  
couiensem occidit, membratimque dissecare fecit:  
cuius postea corpus diuina prouidentia insimul com-  
pactum coactumque, & honorificè sepultum, mul-  
tis miraculis claret, prout latius in Polonorum Chro-  
nicis patet. Conscius itaque Boleslaus perpetrati fa-  
cinoris poenitentia adactus, cum filio Mieczslao re-  
gno relicto in ignotas regiones profectus est: ubi in  
habitu peregrino vitam clausit. Filius verò Miecz-  
slaus postea in patriam reuersus est.

### VLADISLAUS HERMANNVS.

**P**urimare scidit fratris decreta tyranni  
Hermannus, Latio par pietate Numa.  
Hunc spurius vetitis vexauit filius armis,  
Sed pius arma tulit propietate Deus.  
Vincitur impietas Goplea ad stagna paludis,  
Induit inq; feras debita vincla manus.  
Dic, qui multa legis, quot dignos laude, piosq;  
Legeris, historia per genus omne nothos?  
Telogonus, qui pisce patrem obtruncavit Ulysses,  
De turpi Circes natus amoris fuit.  
Proditor Aeneas patria est, ne crede Maroni:  
Romulus occisor fratris: vierq; nothus.

**A**nno à Christo nato 1082. Vladislaus Herman-  
nus fratri Boleslao in regno successit. Hic ex Lu-  
ditha Vratislai regis Bohemorum filia, filium Bole-  
slauum tertium suscepit, Krziuuousti ab ore recuruo  
appellatum. Ex secunda verò vxore, Henrici 4. Ro-  
manorum imperatoris filia, tres filias produxit: mul-  
tas ecclesias monasteriaque construxit & ditauit.  
Prussos, Pomeranosq; rebelles cruento prelio penes  
fluuium

fluvium Druuācza profligauit, ad deditionemq; coëgit. Interea Bratislaus, Bohemorū princeps vidēs regē bello in Prussia occupatū, magna damna Poloniae intulit. Rex itaq; Siecziechum Palatinū Cracouiensem cum filio suo Boleslao nouē annos habēte, contra hostes destinauit, quos vnā cū principe Bratislao strenuē fuderunt: & Morauiam vndiq; ferro & igne vastātes peragrarunt: spolijsq; multis onusti, in pace ad regē reuersi sunt. Tandem nunciatū est Hermannoregi, Pomeranos fœdis fragos Miedzirzecz arcem munitissimā in finibus Saxonię interceptisse. Boleslaus igitur 12. annorū iuuenis patrē obnixē cum lacrymis sollicitat, vt sibi cōpias propter recuperandam arcem cōmitteret, cuius audacię, prouidētię, animositatiq; rex admirās, legionem vnā cum certis rectoribus illi cōmisit. cetero exercitui Siecziechū Palatinū Cracouiensem præfecit. Arcem itaq; obsessā fortiter oppugnarūt: sed quia in loco natura munitissimo sita erat, ideo incassum laborabāt. Qua de caussa dux exercitus obsidionē soluere suadebat: sed Boleslaus regius filius à proposito eū retraxit, & militibus confirmatis domos & tuguriola circa arcem, hyemis tempore imminente, erigere iussit, vt videretur arcem se per hyemem oppugnare velle. Qua re conspecta, Pomerani obsessi ad Boleslaum cum muneribus supplices veniunt, se & sua ei offerentes: Quos ille liberos dimittens, arcem recuperat: prudentiaque sua omnia damna à Pomeranis illata resarciit; ad patremque ingenti cū prada ouans, reuertitur. Postea Hermannus senio confectus, multis fortibus, præclarisq; gestis exactis, vitam cum morte feliciter commutauit.

*Prussos Hermannus & Pomeranos domat. Bohemia à Polonis statuitur.*

*Miedzirzecze intercepit.*

*Astutia oppugnationis.*

*Miedzirzecze à Polonis recuperatur prudentia Boleslai.*

## BOLESŁAVS KRZIVOVSTI.

**H**ic quinquaginta pugnavit praelia, signis  
Collatis, casu non variante fidem.

Pugnavit quot es, toties & vicit: eorum

Nomina quos vicit, quod breve claudat opus?

Cesaris Henrici magnas fuisse cohortes,

Sat sibi, si deessent cetera, laudis erat.

Mœrore interijt: quod prorsus inermis ab hoste

Fœdi frago victus fraude, doloq; semel.

¶ modo Pompeij numeram mihi Roma, triumphos,

Nos Boleslai praelia: maior uter?

Pompeium Caesar bello prostravit aperto:

Fraus potuit nostrum vincere sola ducem.

**A**Nno domini 1103. Boleslaus Krziuousti ab ore  
recurso siue retorto (quod ex morbo contra-  
xerat) appellatus, patre è viuis sublato, communi o-  
mnium applausu, regni habenis præficitur. Hunc  
Zbigneuius monachus, frater illegitimus sceptrum sibi  
inuidens, in primis lacessivit: Boriuoiumque Bohe-  
miæ regem, & Suatopolkum ducem Moraviæ, con-  
tra eum commovit: quos Boleslaus egregiè per Ze-  
lislauum ducem exercitus sui profligavit. Anno dein-  
de sequenti validioribus copijs coactis, in Moraviam  
excurrit, quam nullo repugnante, ferro, & igne, per-  
vastavit. Terriò Boleslaus exercitum in Bohemiam  
& Moraviam duxit: dumque agrum hostilem vndi-  
que armis & flamma peragraret, Bohemi ex insidijs  
in loco arctissimo in eum impressionem fecerunt.  
Rex verò strenui militis & imperatoris officium a-  
gens, vnum ex hostibus primus gladio interemit.  
Dersniak quoque eques Polonus, secundum hasta

trans-

*Zbigneuius  
monachus.*

*Zelislauus  
Bohemus  
Moravosq;  
profligavit.*

*Boleslaus  
Moraviam  
Bohemiãq;  
vastat.*



transfixit. cæteri Poloni animosiores effecti, Bohemos fugientes insigni clade profligârunt. Tandem Boleslaus Pomeraniâ armato milite aggressus, eam vndiq; peruaſtauit: plurimisque oppidis & munitio-  
 nibus occupatis, ſpolijs onuſtus, ad ſuos reuerſus eſt. Accidit autem dum, poſt hæc inſignem victoriam, in feſto dedicationis templi apud quendam nobilem conuiuium celebraret, recreationis gratia, centum duntaxat equitibus cinctus, venatum proceſſit: vbi tria millia Pomeranorum inſidiantium incidit, in quos ipſe rex veluti leo rugiēs, primâ impreſſionem fecit: tribusque interfectis, ſuos animosiores reddidit. Quidam verò Pomeranus in ipſum regem colli-  
 mans, equū ſub eo tranſfixit: attamen à perſequen-  
 dis hoſtibus equo altero naſto, haud deſtitit: donec multo cum labore à tanta obſtinata audacia vix re-  
 tractus fuerit: victorque ad ſuos conuiuantem, pro-  
 fligatis hoſtibus redijt. Interea Boriuogius rex Bohe-  
 miæ exulans ad eum venit, auxilium contra Siuato-  
 polgum nepotem ſuum implorans, quem Boleslaus in regnum reduxit, Boemiamque peruaſtauit. Tan-  
 dem in Pomeraniâ expeditionem adornauit, qua vndiq; peruaſtata, Bielgradū arcem munitiſſimam cum ciuitate, & multitudine Pomeranorum, expu-  
 gnauit: cætera autem ciuitates & munitiones, vtpo-  
 te Camenecia, Golimberg, Vielim, Czarnkouia, li-  
 benter ſeſe ei dederunt. Poſtea Boleslaus irritatus Bohemiam deuſtauit: Zbigneuiumque & Gueuo-  
 nium Pomeraniæ Duces rebelles, & ſœdifiagos, fudit cepitque.

*Bohemipra-  
 ſtigantur.  
 Pomerania  
 vaſtatur à  
 Boeſſao.*

*Boeſſaus  
 ſrenue di-  
 micat.*

*Bohemus  
 auxilium  
 impetrat.*

*Expediſio  
 Boeſſai in  
 Pome-  
 raniâ.*

Henricus 4. Romanorum imperator, Boeſſao ob damna Bohemis ſæpiſſime illata inſenſus, cõiun-

*Henricus 4.  
 Caſar in Bo-  
 eſſaum ar-  
 ma extollit.*

*Boleslaus  
repugnat.*

*Conditiones  
datur à Bo-  
leslao, si quis  
Bohemiare-  
gē occiderit.  
Bohemia  
rex occide-  
tur.*

*Arma Oxa.*

*Acceſſu me-  
morabile  
certamē Bo-  
leslai cum  
Henrico Ca-  
ſare.  
Henricus  
Caſar fudi-  
tur & fuga-  
tur.*

Etis viribus cum Suuatopolgo rege Boemiæ, validiſ-  
ſimas copias contra eunt in Sileſiam duxit, Lubuſa-  
que ciuitate expugnata, Glogouiam urbem Glogo-  
uienſis Ducatus ſedem, acerrimè, fruſtra tamen op-  
pugnauit: magna & crudeli ſtrage in militibus acce-  
pta. Boleslaus quoque valida Polonorum manu ſti-  
patus, contra imperatorem & Bohemos proceſſit:  
& in exercitu ſuo proclamari fecit, vt quicumque ſe  
talem virum præbuerit, qui Suuatopolgum Bohe-  
miæ regem occiderit, ille dono inſigni in ſempiter-  
num cum poſteris ſuis remuneraretur. Vnus igitur  
Bobemus in caſtris Polonicis militans conditionem  
datam accepit, explorataq; habens caſtra Bohemo-  
rum ad tentorium vſq; regium peruenit, & horribi-  
liter in vocē prorupit dicens, Fuge, fuge ô rex. Mul-  
titudine enim Polonorum nos vndique inuaſit: re-  
gem itaque ex tentorio proſilientem lancea tranſfi-  
xit, & ad Polonos fruſtra inſecutus auſugit, ac mu-  
nera promiſſa ſtemmaque Oxa dictum ſecurim vi-  
delicet accepit, & in magnam familiam Poloniae ex-  
creuit. Henricus tamen imperator magna damna  
Poloniſ in Sileſia exercuit, quem cum Boleslaus ad  
amicitiam iuſtis conditionibus perducere non poſ-  
ſet, armato Polonorum milite accinctus, in aurora  
imperum in Caſarianos fecit, diſtancia vnus millia-  
ris à Vratiſlauiæ vrbe Sileſiæ, ſicque ad vesp̄eram vſ-  
que acriter decertabant. Boleslaus autem cum for-  
tiori agmine Polonorum & Sileſianorum in acies  
Ceſarianas à latere irruit, totumq; exercitum diſper-  
ſit, fugauit & ad internitionem proſtrauit, vt ipſe im-  
perator fuga ſibi conſulens vno duntaxat ſeruo co-  
mitatus vix eualeſcit. Poloni verò ſpolijs exuijsque  
occi-

occisorum ditati victoriæ palmam obtinuerunt, adhuc locus in quo conflictus erat Polonicè, *Psie pole*, *Psie pole*. id est, caninus campus appellatur: nam illic multitudine canum ad cadauera humana confluerat, ut multo tempore vix prætereuntes tuti transire possint. *Poloni triumphant.*

Tandem anno sequenti Henricus imperator expeditionem Romam versus obuiam summo pontifici adornabat, timensque ne Boleslaus se absente prouincias suas vastaret, legatos ad eum destinauit, rogans eum sub certis conditionibus habita dignitate imperatoria, ut ad se Bambergum veniret, promittens illum huius conditionis nequaquam pœnituisse. Vbi Boleslaus veniens imperatori omnia obsequia ad quæ præstanda attrahebatur, in perpetuum renunciauit, abdixitque & consanguinitatis vinculo (ut fit inter pacificantes principes) sibi iuncti sunt. Boleslaus enim sororem imperatoris Adchleydam nomine, Vladislaus verò filius eius Christinā filiam eiusdem imperatoris in matrimonium accepit, sicque pace composita captiuos vtrinq; restituerunt.

Anno deinde Christi 1113. Pomerani & Pruteni *Pruteni & Pomerani* postposito iuramento inopinate in Massouia Ducatum excurrerunt, regionemque totam infestis armis peruastauerunt, sed eius oræ præfectus hostes cum spolijs reuertentes inopinate aggressus, omnes trucidauit & spolia abegit. Hac perfidia Pomeranorum Boleslaus exacerbat, instructis copijs contra eos processit, Nakloque arcem in qua erant 10000. *Naklo obsideatur.* Pomeranorum graui obsidione cinxit, sed obsessi ad quindecim dies inducias impetrauerunt, hac conditione, ut si intra concessum tempus nullum auxilium à suis haberent. Interea verò nunciatur Bole-



flao, Pomeranorum & Prutenorum quinquaginta millia in subsidium obsessis clanculum per sylvas aduentare. Quorum castra Boleslaus explorata habēs, à fronte & à tergo in eos impetum fecit, omnesque inopinatos funditus prostravit, quorum 4000. caesa sunt, cæteri capti & fugati. Naklocenses verò se & arcem cum cæteris ciuitatibus regni ultro dediderunt.

*Pomerani  
vincuntur.*

Postea Pomerani cū Prutenis vires magnas insimul coniunxerunt, omnes tamen à Boleslao velut à leone fortissimo iugulati, princepsq; eorum perpetuis carceribus mancipatus est. Rex itaque rebus in Pomerania & Prussia rectè constitutis, expeditionem in Daniam regionem trāsmarinam navali classe adornavit, anno Domini 1124. vnde thesauros ingentes abstulit, regnum verò ultro oblatum respuit, & thesaurarium regni Danici cum tota familia in Poloniam transtulit, cuius posterii hucusque in Polonia & Prussia celebres restant. Duniniq; à Dania vocantur.

*Boleslaus in  
Daniam na-  
vigat.*

*Rutheni in  
Boleslaum  
concitantur.*

Boleslaum itaque è Dania in Poloniam reuerrentem principes Russiæ seditiosi bello appetierunt, & quo magis eum irritarent, principem Haliciensensem consanguineum regis expulerunt. Quos Boleslaus egregiè vltus est, Præmissiensensemque ducem cū ingenti exercitu prostravit, vbi tres duces Russiæ in conflictu occubuerunt. Postea Iaropolhi ducis Kiouia consilio astuto omnes principes Russiæ aduersus Boleslaum regem conspirauerunt, utq; eum facilius sub prætextu amicitiae obruere possent, legatos ad eum destinauerunt, obstringentes se omnes tributarios, ac subditos Poloniae regno fore, utque ducem Haliciensensem in locum pristinum reduceret optabant. Rex igitur nihil mali suspicans expeditio-

*Insidia Bo-  
leslao pa-  
rantur.*

nem

nem in Russiâ paruis copijs cinctus adornauit, cum-  
 que ad Halaciam ciuitatem appropinquaret, ecce  
 principes Russiæ cum auxiliarijs copijs Hungarorum  
 quali congratulantes ei ex insidijs eruperunt, regem-  
 que vndiquaque circumdederunt. Rex autem astu-  
 tiam Ruthenorum cōsiderans, milites suos qui pau-  
 cierant, ad resistendum hosti fœdifrago fœcunda o-  
 ratione confirmauit. Sed Palatinus Cracouiensis ad  
 monitione regia minimè morus cum præcipua ala  
 equitum, cui præfectus erat, inter primū tumultum  
 aufugit. Rex verò rem aliter non posse fieri videns,  
 strenui militis & imperatoris officium agens, primo  
 cum suæ aulæ equitatu Hungaros aggressus est, quos  
 strenuè repressit & prostrauit. Viribusque resumptis  
 cum validis Ruthenorum copijs manus acriter conse-  
 ruit, iamque Ruthenorum acies inclinabantur, dum  
 recentes legiones auxiliares validiores, Polonos vn-  
 dique circumderunt, viresque eorum perfregerunt,  
 equus sub rege ipso confossus vt intestina ex eo pro-  
 fluxerint, alium tamen eques ei suppeditaui, sicque  
 vix à suis ad fugiendum cōpulsus illesus euasit. Qua-  
 propter in cæstus animo angebatur, non tam Ruth-  
 enorum fœdifragorum insidias, sed Palatini Craco-  
 uienſis perfidiam turpissimā execrans, cui pelliceum  
 leporinum, & colum instrumentum quo mulieres  
 fuso fila ducunt, linique fasciculum, & cordam misit,  
 indicans eum lepori in fugiendo similē esse, & quod  
 indignus sit vir, sed mulier haberi: resque muliebres  
 & non viriles potius tractare, suspendique dignum.  
 Palatinus itaq; ille, in desperatione adactus, in cam-  
 panili oratorij sui fune campanæ sese suspendit, cuius  
 nomē propter posterorum dedecorem in Chroni-

*Boleslaus  
circumue-  
nitur.*

*Palatinus  
fugit consti-  
tum.*

*Boleslaus  
strenue sese  
defendit.*

*Donum Pa-  
latino pro-  
fugo à Bole-  
slao dignum  
misit.*

*Castellanus  
Palatino  
Cracouensis  
dignior is-  
tulo.*

*47. cōstitutus  
Boleslaus &  
Arabijt.*

cis reticetur, ab hocq; tempore Castellanus Cracouien-  
sis, Palatinum auctoritate dignitateq; antecellit. Boleslaus autem quotidie aduersam fortunam ex-  
crando tristitia consumptus, sumptis sacrosanctis Sa-  
cramentis extremum diem clausit, annos ætatis suæ  
54. regno 36. annos præfuit, in ecclesia cathedrali Plo-  
censi sepultus. Porro nullus rex Poloniae ad hæc vsq;  
tempora illo felicior bellicosiorque exiit. Omnes  
enim reges & monarchæ finitimi vndiq; in eum ir-  
ruebant: ille verò eos strenuè casu non variante, fi-  
dem propugnabat, & regna eorum secundum arbi-  
trium suum militis strenui & imperatoris mœnia  
obiens peragrabat. Conflictus cum hostibus princi-  
pales & memorabiles ac publicos 47. commisit, ex-  
ceptis congressibus excursionibusq; paruis, qui sæ-  
pissime eueniebant, excepto quoq; hoc ultimo cer-  
tamine, quod cum eo Rutheni astutè commiserant,  
ex quo ille nō secus atq; ille Hector Troianus, Han-  
nibalque Carthaginensis suo Marte sese strenuè de-  
fendens, aciesq; hostiū instructas fortitudine, disper-  
gens euasit. Adhuc vitæ superstes filijs suis imperium  
disposuit, Vladislao natu maiori Cracouensem, Si-  
radiensem, Silesiæq; & Pomeraniæ Ducatus legauit.  
Boleslao Crispo Massouiam, Dobriniam Cuiauiam-  
que. Mieslao Gnesnensem, Posnaniensem, Calisien-  
semq;. Henrico verò Lublinensem, Casimiriensemq;  
tractum testamento ordinauit. Casimiro autem o-  
mnium iuniori quicquam reliquit. Admonentibus-  
que se de eius sorte senatoribus, respondit: An igno-  
ratis, inquit, quod in curru quatuor rotæ currentes  
necesse habent, vt aliquis eis insideret, quod & fa-  
ctum est, vt inferius dicetur.



## VLADISLAVS SECVNDVS.

*Quattuor in natos regnum diuiserat aquis  
 Partibus, egregia cum ratione, pater.  
 Ladislai, tibi cessit Cracouia nati  
 Maxime: auaritia maxime, Marte nihil.  
 Fratribus electis, solus dum quæris habere  
 Omnia, possessis pelleris ipse bonis,  
 Coniuge cumq; iua, qua rem tibi suavit iniquam,  
 Victus in externam profugis exul humum.  
 Ignorata tibi fuit alea? discere in illa,  
 Contentus proprio vivere quisq; potest.  
 Namq; aliena petens perdit sua lusor, & aurum  
 Dum cupit, amisso flens abit are domum.*

**A** Nno Domini 1140. Vladislaus secundus, Boleslao patri in regno successit. Hic ex moribus patris degenerauit, vxorisq; impulsu sorte sua non contentus, fratres suos Ducatibus exuendos proposuit, eosque bello appetijt, auxiliariis copiis à principe Russiæ acceptis. Henricus itaque, Boleslaus & Crispus, cum Mieczlao in arcem Posnaniensem fratris metu sese receperunt: quos Vladislaus oblitus fraternæ caritatis, grauiter obsedit. Iamq; obsessi penuria victus coacti deditiōe moliebantur: sed veteratorū militū persuasione confirmati, aleam bellitente proposuerunt: nactaque occasione, cum hostes choreis temulenti indulgerent, intempesta nocte ex arce cum ingenti vociferatione vnusquisque faciem accensam manibus gestando, eruperunt, castraque hostium incenderunt, & ipsos hostes ferro protriuerunt. Vladislaus vix turpi fuga elapsus est: quem fratres victores Cracouiam vsque insequuti sunt.

*Vladislaus  
 degener.*

*Vladislaus  
 fratres op-  
 pugnas ipse  
 fugatur re-  
 gnū exi-  
 tur.*

Sed postea in Germaniam ad cognatos vxoris suæ aufugit: quem postea vxor cum filijs secuta est. sicque proprio viuere non contentus, alienis inhians, sua amisit.

## BOLESLAUS QUARTUS

Crispus.

**D**um cogit Prussos ad Christi dogma Polonos,  
Amisso euertit milite Crispus, opes.

Transfuga ducebat nostros malefidus, iniquum

Transgressos Ossam pertrahit inq̃ locum,

In conuestitum viridanti cespue cœnum,

(Atergo in siluis abditus hostis erat)

In silu: inclusos cœno suffocat in illo,

Vix pauci incolumes se eripuerunt fuga.

Mens generosa dolo, quia nil agn, ipsa malignis

Opportuna dolis, insidiisq̃ capi est.

Et quia metitur proprijs virtutibus omnes

Est in perniciem credula sape suam.

**A**nno domini 1146. Boleslaus Crispus, à capillis contortis dictus, fratre Vladislao seditioso expulso, habenas regni suscepit. A Conrado imperatore frequenter sollicitabatur, vt aliquam regionem exulanti fratri concederet, quod ille strenuè repugnabat. qua de causâ imperator in Silesiam exercitum duxit: sed pluribus damnis à Polonis affectus, re infecta discessit. Eadem de causâ cum Friderico Barbarossa imperatore, Boleslaus bella gessit. Inimicitijsque vtrinque compositis, Vladislauum fratrem ex Germania reuocatum, in gratiam accepit: qui postquam aduenit, in Ploczko ciuitate non sine veneni suspitione, spiritum exhalauit. Tandem anno Do-

mini

Cum Conrado imperatore & Friderico Barbarossa belligeratur. Vladislauus in Polonia reuertitur.

mini 1164. rex cum fratribus triplici exercitu instructus, in Prussiam descendit, quam ferro & igne latè peruastauit, ad Christianismum Prutenos sollicitans, donec se baptisari sponderent: sed demum baptismo spreto, contra Polonos in Mallouiam excurrerunt: contra quos denuo Boleslaus cum fratribus exercitum duxit. Interea verò, ad Polonos duo Pruteni, sub prætextu exulū astutè defecerunt, qui se totius Prussie sitū exploratissimè nosse affirmabant: ideo eos Poloni, duces belli sibi delegerunt: qui exercitum perfidè inter densissimas palustrosasq; syluas induxerunt, vbi in palude quadam cespite viridanti contexta, tanquam muscæ in pice hæterunt: vt nec vltèrius progredi, nec retrògredi potuerint. Pruteni autem ex insidijs prorepentes, Polonos ingenti clade affecerunt, vbi Henricus Lublinitis, & Sendomitiensis dux, frater Boleslai, strenuè dimicando occubuit. Princeps verò Boleslaus in Poloniam reuersus est, qui postea multis gestis extrenuè peractis, extremum diem clausit. Anno Domini 1171. ætatis suæ 29. in arcis ecclesiæ templo, Cracouiæ sepultus.

*Pruteni à  
Boleslao op-  
pugnantur.  
Profugus è  
Prussia fran-  
dulentis.*

*Profugus nō  
credendum.*

*Poloni fun-  
duntur.*

## MIECZLAUS SIVE MIESCO

tertius.

*S. Ape dies oritur nitida face, nec tamen illi  
Credideris: subito nubilus esse potest:  
Grandine messorum lapidare: tonitribus orbem  
Concutere: & rapidis frangere fulminibus.  
Ecce senex noster, regni cum cepit habenas,  
Vir bonus, & placidi fratris imago fuit.  
Mox sobole ingenti generis, affinibus, auro  
Inflatus: cœptam destitit ire viam.*



*Nil illo peius, nil & crudelius illo,  
 (Audace excepto) patria nostratulit.  
 Sed tamen est pulsus: Nunquam impunita tyrannic  
 Sarmaticis feritas scilicet ulla fuit.*

*Mieczslaw  
 tyrannus  
 regno exiit.*

**A**nno Domini 1174. Mieczslaus senex, fratri Boleslao Crispo in monarchia successit. Hic rapax, crudelis, seuerusq; in subditos extitit, & tyrannidem ingentem exercuit: qua propter ab omnibus diris execrationibus maledicebatur. Episcopus itaq; Cracouiensis Gedeon nomine, cum ceteris senatoribus consilium occultè iniit, de Casimiro in locum eius substituendo: & naçta occasione temporis, cum Mieczslaus rex in maiorem Poloniam discessisset, ad Casimirum fratrem eius iuniorem, quamuis inuitum, scepra detulerunt.

### CASIMIRVS SECVNDVS IVSTVS cognominatus.

**T**raçtus ad imperiũ precibus, lacrymisq; suorum,  
*Imperij fractas surgere fecit opes.*  
*Percussit scelerum fratris in sto ense ministros,*  
*Sacrificis pacem, ruricolisq; dedit.*  
*Qui modo calcati sub direptore iacebant,*  
*Inq; suis rebus nil habuere sui.*  
*Intulit in patriam corpus, Roma usq; petiitum,*  
*Diuique floris nobile nomen habet.*  
*Mista dedit domino scelerati aconita ministri,*  
*Inter solennes perfida dextra dapes.*  
*Trusit & in subitum, patriâ plangente, sepulcrum,*  
*Delicias hominum, deliciasq; deũ.*

Anno

**A**Nno salutiferi Virginei partus 1104. Casimirus facinus fratris aboleuit, in comitijsq; generalibus Lancitiæ celebratis, omnes qui erant causa intestinae dissensionis dignis supplicijs affecit. Fratrem postea Mieczslauum in gratiam accepit, Gnesnensemq; tractum & Polnaniensem ei concessit. Tandem Pruteni & Pomerani Casimiri regis clementia considerata, ultro se ei obtulerunt. Interea verò Lituaniæ ciuitas Brestia, à Polonis defecit. Eò itaq; rex cum exercitu profectus, ciuitatem cum arce cepit: eosq; qui erant causa defectionis, dignis supplicijs affecit. Inde rectà in Russiam profectus, Seiboldū & Volodimirū duces rebelles, cruento prælio fudit. Rege autem in Russia militante, Mieczslaus senex priorem dignitatem affectans, Cracouia potitus est, arcem tamen capere non potuit, ciuitate verò suis præsidijs firmata, ad comparandum maiorem exercitum, profectus est. Casimirus autem ex Russia exercitum reducens Cracouiam libenter intromissus, de seditionis seminatoribus, dignas accepit poenas. Postea non oblitus cædis Henrici fratris cladisque Polonorum, in Prussiam exercitum duxit: quam vndique armis peragravit, Prutenosq; & Pomeranos tributarios sibi effecit: Cracouiamq; reuersus, anno Domini 1194. extremū diem clausit: non sine veneni suspitione. Eius cura & impensis corpus sancti Floriani Roma Cracouiam allatum est, anno Domini 1184.

### LESCO QVARTVS.

**C***Vm sene beuani patruo, sed an impius isto  
Sic factò, iusti discutitote viri.*

*Esset uter rerum dominus, certauimus: at me  
Id velle in patriam, nudus adexit amor.*

*Ne paterer regnare lupum, maiore petentem,  
A quo pulsus erat, cum feritate gregem.*

*Dum labor inuadit Pomeranus balnea, inermem,  
Dat non sperata, meq; meosq; neci.*

*Quanto igitur rerum dominus securius animum  
(Quod quidam scripsit) cernite pauper agit?*

*Tempora sunt, loca sunt quæuis metuenda potenti,  
Quod viuît, totum est cura pericla, metus.*

**I**Vstis Casimiro persolutis, Lesco filius eius à crinibus Albus cognominatus, ab omnibus rex salutatur; anno Domini 1194. Mieczslaus tamen senex, patruus eius monarchiam regebat: pro qua postea, vario Marte cum eo Lesco bella gessit. Tandem comitia generalia in Zueyman ciuitate celebrauit, ad quæ pluriimi magnates, & principes Poloniae conuenerunt, vbi citatus est mandato regio Suantopolus, capitaneus Pomeraniae, qui tributum 10000. marcarum argenti per aliquot annos iuxta pacta regi non pendebat, qui, occasione per exploratores nacta, armata manu ad ciuitatem prædictam inopinatè accelerauit, diuersoriaque obruens, qui se defendere volebant, interfecit. Regi statim tumultus causâ qui in balneo tunc temporis erat, significatur. Ex balneo itaq; exiliens, cum paucis famulis equis conscensis, aufugit. Suantopolus verò eum insequutus, vt fœdistragus, & nequissimus sine vlla dignitatis ratione, trucidauit. Henricum quoq; Vratisslauiæ principem, letali vulnere affecit, & plures alios trucidauit: anno Domini 1227. Cadauer Lesconis per suos relatum

*Lesco cum  
Mieslao pa-  
truo demo-  
narchiacer-  
tat.*

*Lesco nefa-  
rie occidi-  
tur à Pome-  
rano fœdi-  
fago.*



Relatum, in Basilica Craconiensi cum maximo luctu  
Terra mandatum est.

## BOLES LAVS QVINTVS

Pudicus.

**T** Artaricus furor, in cineres regnante Pudico,  
Sarmatia tota penè redegit opes:

Inflammas abijt Craconia: quicquid & agris,  
Porrigitur ripas, Odera, ad vsq; tuas.

Egerat ad Ingros princeps, quia viribus impar  
Ad confligendum cum subito hoste fuit:

Stanislac, tuos cineres tellure leuauit:

Et sacrum in fastis fecit habere locum.

Coniuge consenui cum virgine, virgo maritus:

Addictus studijs, casta Diana tuis.

Bochnenses reperit thesauros primus: & inde

Sarcij a diris damna recepta Getis.

**A** Nno Domini 1243. Boleslaus Pudicus, patri crudeliter occiso, in regimine succedit. Eo regnante multa mala Poloniam premebant: id verò ob principū pluralitatem, qui tunc temporis 24. erāt. Quod malum tādē peius redintegratum est. Tartarorum enim 100000. Poloniam Russiamq; popu- labundi venientes, vtramque regionem crudeliter vastabant: ciuitatibus, villisq; succensis, captiuos educebant. Rex igitur Boleslaus cum Henrico duce maioris Poloniae, ceterisque principibus cōtra Tartaros vnanimiter progressi, prēlium cū eis acre commiserunt. Iamq; Tartari inclinabantur: sed quidam vexillifer Tartarorum, cum vexillo, in quo erat scripta litera Græca tali modo, X, processit, superius verò in cuspide hastæ, erat caput quoddam terribile in-

*Tartari in  
Polonia cru-  
deliter gras-  
santur.*

*Poloni cum  
Tartaris de-  
micant.*

*Incantatio-  
nis vis.*

*Poloni à  
Tartaris  
funduntur.  
Auricula-  
rum nouem  
sacci imple-  
ntur.*

fixum, arte magica confectum, ore fumū vaporemq;  
sordidum in Polonos euomēs: quo velut peste qua-  
dā infecti, & incantationum vi fascinati, vires amī-  
ferunt. Sicq; funditus à Tartaris nō secus, atq; à gran-  
dinibus frumenta, prostrati sunt. Cupientesq; Bar-  
bari numerum occisorum peruestigare, auriculam  
vnicuique dextram amputantes, nouem saccos ma-  
gnos eis impleuerunt, vbi diminuta est multitudo  
principum Poloniae, Silesiae, atq; Russiae. Tunc tem-  
poris Tartari totā ferē Russiam, & Poloniam, Hun-  
gariāq; & Germaniā partem, flamma ferroque per-  
uastauerūt, terroreque inaudito omnia cōpleuerunt.

Anno Domini 1269. visus est in cælo exercitus  
equestris, inter se acerrimē confligens.

*Miracula,  
monstraq;  
in Polonia.*

Eodem anno mulier quædā nobilis, in terra Cra-  
couiensi triginta sex pueros vno partu edidit.

Eodem anno in Calissia ciuitate vitulus duo  
capita, septemque pedes habens enixus est, cuius ca-  
dauer nec à canibus, nec auibus comestum, per-  
mansit.

Boleslaus postea rex exactis in regno 37. annis, è  
vitiis decessit absq; prole: calibem enim vitam (vnde  
Pudicus appellatus est) duxisse fertur.

## LESCO SEXTVS NIGER.

**Q**uanta locustarum, quo nos hæc scripsimus anno,  
Appulsi in nostros agmina, ventus, agros:  
Agmina tanta ferunt in nos venisse Getarum  
Sub Nigro, & primum congeminasse malum.  
Fis cessit solis, alioqui semper in hoste  
Cum quocūq; iniit praelia, victor erat.

*Arma*

*Arma Ruthenorum, ductore superba Leone*

*Et magna, exigua contudit ille manu.*

*Obiit quoties Lituani & Iazygas (hoc iam*

*Interijt nostro funditus ense genus.)*

*Multa in Christicolis nullandum habituura fuerunt*

*Bella: laceffitus sed quia vicij, habent.*

**A**nno Domini 1279. Lescio Niger dux Siradiensis, mortuo fratre Boleslao Pudico, habenis regni praeficitur. Quem statim pericula insecuta sunt. Tartari enim validis copijs Russiam, & Poloniae iterum crudeliter peruastrauerunt.

*Tartari Poloniae vastant.*

Tandem anno Domini 1280. Lescio rex meliori fortuna usus, Leonem principem Russiae superbum, cum ingenti exercitu Tartarorum & Russorum cruenta clade prostravit, Russiaeque provincias fugato hoste, infestis armis peruastravit, ex quibus multis trucidatis, sex millia captiuorum abduxit.

*Lescio Niger Leonem Russiae ducem prostravit.*

Postea anno à Christo nato 1282. Lituani in terram Lublinensem valida manu excurrerunt, ingentemque captiuitatem hominum eduxerunt: quos Lescio collectis vndecunque pro tempore copijs persequutus, ad Nemen & Narew fluuios insecutos, clade cruenta prostravit, captiuosque liberauit. Cæsa sunt tunc temporis 14000. Lituorum infidelium.

*Lituanorum 14000. caduntur. Iterum Lituani fuduntur.*

Demum anno Domini 1285. Lituani collectis maioribus copijs, per abdita sylvarum in Lucouiensem tractum excurrerunt: quos Lescio simili modo affecutos fudit, & fugauit, spoliaque & captiuos ademit. Tandem multis gestis strenue editis à viuis decessit: Cracouiae terrae mandatus est.



**T** Eutonibus solis clauēs permiserat vrbis,  
 Quaregni titulum possidet vna, Niger:  
 Illi Silesium furum sub nocte silenti  
 Mœnibus accipiunt, cui studuere, ducem:  
 Nobilium contra, contra decreta senatus,  
 Nam cui legitime sceptrā darentur, erat.  
 Perfida pars vicit: regnat Probus, exulat hæres,  
 Sed res parta dolo non diuturna fuit.  
 Silesij Henricum dubio rapuere veneno:  
 Quod factis alter, nomine & alter erat.  
 Qui fraudem in vita coluit, rem fraude parauit,  
 Qua perijt: dignus fraude perire fuit.

*Discordia  
 principum  
 Poloniae de  
 monarchia.*

*Craconia  
 bis capitur.*

**A** Nno à Christo nato 1290. Henricus Probus  
 dux Vratislauie, Lesconi Nigro in regimine suc-  
 cessit. Episcopus quoq; Cracouiensis cum cæ-  
 teris proceribus, Boleslaum, Massouia ducem ad re-  
 gnum vocauerant: sed ab Henrico eiectus est. Tan-  
 dem Vladislaus Cubitalis (ad quem etiam monarchia  
 iure naturali competebat) dux Siradiensis, adiunctis  
 sibi in auxilium maioris Poloniae equitibus, cū Hen-  
 rico de regno acriter contendebat, exercitumque  
 eius cruenta clade in Silesia ad Sienuerā ciuitatem,  
 prostrauit: vbi ducis Glogouiensis filium, & Sprotā-  
 uia principem occidit. Vnusquisque eodem tempo-  
 re ex Silesijs insignem victoriam reportauit: & vi-  
 ctor Cracouiam ultro deditam occupauit. Sed Hen-  
 ricus denuo ad expugnandam Cracouiam, exerci-  
 tum duxit: quem Teutones ciues clandestino noctu  
 in ciuitatem immiserunt: adeo vt Vladislaus vix cu-  
 culla monastica indutus, effugerit. Et sic Hæricus re-

gnopotitus est. Sed paulo post, anno in regimine nõ  
exacto, è viuis decessit: non sine veneni suspicione:  
Vratislaviae terræ mandatus.

### PREMISLAUS SECVNDVS.

**O** Bscelus Audacis, raptum diadema Polonis,  
Retulu istius gloria, luxq; viri.  
Magnus erat, tantum peperit qui primus honorem  
Nobis: munus & hic qui renocauit, erat.  
Splendidus, antiquis certans heroibus omni  
Virtute, in summo quam decet esse viro.  
Caditur insidijs, celebrans solenne Lijci,  
Inuidiam virtus dat sibi, & illa necem.  
Et caute, & immodè, genio seruite potentes:  
Exitio multis lux genialis erat.  
Hac Cyrus interijt, Macedo interijtq; Philippus,  
Hac est Argolicis, Troia cremata, rogis.

**A** Nno Domini 1295. Premislaus princeps maio-  
ris Poloniae & Pomeraniae, regni habenis prae-  
fitur. Hic omnibus principibus finitimis terro-  
rem incusserat: ideo Marchiones Brandenburgenses,  
impulsu regis Bohemiae Venceslai, naeta occasio-  
ne, cum rex ipse die S. Dorotheae cum suis conuiua-  
ret, ex improviso in eum irruerunt: multisq; vulneri-  
bus affectum (quamuis sese strenue cum suis aulicis  
defenderet) occiderunt. Septem tantum menses re-  
gnopraefuit.

*Premislaus  
rex occidi-  
tur.*

### VENCESLAUS BOHEMIAE REX.

**A** D Venceslai usq; dies, Auguste, Bohemi,  
Scortea Sauromatis tota moneta fuit.  
Nummus erat pellis, detracta animantibus illis,  
Quas aspergulos patria nostra vocat.

*Hoc ego dum cuidam narro, qui strangulat amplo  
Arcas argento, semper egenus ait:*

*Ego putrescebant tunc nummi? O dura priorum  
Tempora: tunc nasci res miseranda fuit.*

*Gratia magna Deo, quod homo sum natus in isto  
Seclo: cum pelles non nisi futor habet.*

*Quod si quando Deus mala vult secla illa reuerſi,  
Tunc ego, tunc superi, miluius eſſe precor.*

**A**Nno Virginei partus 1300. Vladislaus rex Bohemix ad regnum Poloniæ vocatur. Cum Vladislao Cubitali de regno acriter contendebat, omnesque possessiones & arces ei ademit, quibus non Polonos sed Bohemos præfecit. Vladislaus vero omnibus spoliatus (ad quem monarchia iuste compete-  
bat) in Hungariam exulans perrexit, inde Romam petijt. Demum Roma in Hungariam reuerſus, sumptis ab Hungaris auxiliariis copiis, varijs excursionibus Bohemos in Polonia infestabat. Postea Pelcen, Viſliciam, & Lelouiam arces occupauit. Tandem post nebulam (vt dicitur) Phœbo illucescente, Venceslao Bohemo è viuis sublato, Vladislaus Cubitalis regno multis ab annis expectato potitur. Hic Venceslaus Bohemus, primus monetam argenteam, grossos videlicet Bohemicos, in Poloniam intulit: qui adhuc in vsu Cracouiæ passim habentur. Primò verò frustulis quibusdam argenti, pel-  
libusque aspreolorum, & cæterarum rerum transmutatione, necessaria comparabant. Eo quoque re-  
gnante, Cracouia muro cincta est.

*Peregrina-  
tio Vladislaus  
exulis.*

*Vladislaus  
regno poti-  
tur.*

*Argentea  
moneta in  
Polonia.*



## VLADISLAUS CUBITALIS VVLGO

Lokietek.

**C**orpore paruum eram, cubito vix altior vno:  
 Sed tamen in paruo corpore magnus eram.  
 Non ego Prussorumq<sup>3</sup>, Bohemorumq<sup>3</sup>, cruorem  
 Factabo, cladem nec Gedimine tuam:  
 Fortunam vici, cum qua mihi bella fuerunt,  
 Vi niger è terris triste volârat iter.  
 Ter cecidi regno: per te Rhamnusia semper  
 Post lapsum erexi maius ad arma caput.  
 Corde viris opus est magno, non corpore: magnum  
 Qui strauit Goliath, nonne pusillus erat?  
 Igentem paruum Polyphemum vicit Vlysses.  
 Sed tamen ille hominem: tam graue numen ego?

**A**nno Domini 1306. Vladislaus Cubitalis, post  
 multa pericula perpeſſa, frequētibusq<sup>3</sup> repulſis  
 exantlatis, monarchiam Polonię ſe gerere cœpit. Hic  
 eodem anno, collecto exercitu, contra Henricum  
 ducem Glogouię, in Sileſiam proceſſit: quã flamma, *Vladislaus*  
 ferroq<sup>3</sup>; nullo repugnante peruastaui. Poſtea anno *Sileſiam*  
 Domini 1320. Vladislaus præfatus dux, in verum *vaſtauit.*  
 regem & monarchã Polonię coronatur cum Hedui-  
 gi conſorte ſua: ab eoq<sup>3</sup>; tempore eccleſia Cracoui-enſis *Cracouia*  
 iure coronãdi Polonię reges primũ dotata, & pri- *pro corona-*  
 uilegiata eſt. Primò enim in loco minimè tuto Gne- *tionere gum*  
 znę coronabantur. Demum anno Domini 1326. *delecta.*  
 validioribus copijs ex Lituanis, Ruthenis, & Polo-  
 nis conſcriptis, rex Vladislaus, cædem fratris Præ-  
 miſlai vlturus, in prouincias Marchionum Brande- *In Marchia*  
 burgenſium infeſtis armis excurrit: omniaq<sup>3</sup>; ab O- *Caſtabudus*  
 dera fluuiio & à Brandeburga, Francofordiam vſque *contendit.*

in latitudinem & longitudinem igne, & gladio per-  
uastauit: multisque spolijs onustus, cum sex millibus  
captiuorum, ad sua in pace reuersus est. Cum Cruci-  
geris Prussiensibus plurima bella gessit. Postea cum  
præfati Crucigeri iniuste in Polonia grassarentur,  
eorum iniuria rex prouocatus, exercitum in Prus-  
siam duxit, cum validissimisq; Teutonicis copijs, an-  
no Domini 1331. mense Septembri, ingenti armo-  
rum fragore acerrime confligit, ac primas acies Po-  
lono milite protriuit, fugauit & disper sit. Postea viri-  
bus recentes phalanges Teutonicorum (quibus præ-  
erant Commendatores Russler de Plauno Comes,  
& Otto magnus de Brunsdorff) contra Polonos  
processerunt, bellumque redintegrauerunt: omnes  
tamen à Polonis prostrati sunt. Cæsa sunt in eo cõfli-  
ctu 4000. Crucigerorum Prussiensium, cum pluri-  
mis Commendatoribus. Postea Vladislaus Cubita-  
lis infirmitate correptus, extremum diem vitæ Cra-  
couiæ clausit, anno Domini 1333.

*Cum Cruci-  
geris acce-  
certamen.*

*Crucigeri  
prostratur.*

### CASIMIRVS MAGNVS.

**N**il hoc splendidius, nil magnificentius vno est,  
*Quodcumq; illius respiciatur opus.*

*Legibus armau patriam placidumq; sub illo  
Libertas ad nos protulit alma caput.*

*Oppida tot cinxit muris, quot pane per omne  
Hoc regnum muris oppida cincta vides.*

*Tres simul hospicio excepit cum Casare reges,  
Cum tibi dat neptem, Carole quarte suam.*

*Rex ingens opibus, bello pietate: quid illum,  
Quia premis infami Cypria soia notha?*

*Hunc dici Magnum, est iniuria magna Poloni,  
Iure suum nomen, Maximus, esse potest.*

**A**nno Domini 1333. Casimirus Magnus, patri iustis persolutis, rex cōmuni omnium acclamatione salutatur. Regnum oblatum ex omni parte in primis pacificatur: in seditiososque, & passim latrocinantes animaduertit. Postea anno Domini 1339. Ludouicum nepotem ex sorore, Caroli regis Hungariæ filium, successorem post se in regno Poloniæ assignauit, & declarauit, constituitq;. Tandem 1340. Casimirus armata manu in Russiam progressus Leopolum regionis metropolim cepit: vnde thesauros ingentes asportauit. Deinde ad Volodimiriam contendit: quia expugnata, Cracouiam triumphās exercitum reduxit. Denuo in Russiam validioribus copijs cinctus descendit: hasq; prouincias, cum ciuitatibus ad ditionē compulit, Premisliam, Haliciam, Leopolum, Sanociam, Luconiam, Volodimiriam, Lubaczouiam, Treblouiam, Tustaniam, & complures alias, quæ hucusque à regno Poloniæ non separantur. Tertio Casimirus anno Domini 1349. exercitum in Russiam duxit, arcesque quas nondum possederat, suæ ditioni subegit.

*Casimirus  
Leopolum  
cepit.*

*Volodimi-  
riam expu-  
gnauit.*

*Casimirus  
Russia pro-  
uincias tri-  
butarias red-  
didit subin-  
gaustq;.*

*Ad nuptia-  
rum solēnia  
tres reges im-  
perator, &  
multi prin-  
cipes à Casti-  
mirus inuit-  
antur.*

Postea anno Domini 1363. Casimirus rex Carolo 4. Romanorum imperatori, neptim suam Elisabetham, ducis Stolpensis filiam in matrimonium dedit: ad nuptiarumque solennia ipse Carolus imperator, Ludouicus quoque Hungariæ, Petrus Cypriæ, Sigismundus Daniæ reges, Otto Bauariæ, Semouirus Massouiæ, Boleslaus Suidniciæ, Vladislaus Opoliæ duces, satis splendido apparatu Cracouiam con-



uenerunt, absolutoq; nuptiarum conuiuio, quidam  
ciuis Cracouiensis, Vierinok nomine, à Rheno ori-  
undus, thesaurarius regius, hos omnes reges & prin-  
cipes cum imperatore, lautissimo conuiuio aliquot  
diebus excepit, muneraq; insignia singulis obtulit.

*Casimirus à  
pedis fractu-  
ra mortuus.*

Anno tandem Domini 1370. Casimirus rex, iu-  
xta Przedboriam ciuitatem, inter venandum, cer-  
uum insequens, equo succumbente pedem fregit: à  
quo vulnere spiritum exhalauit Cracouiæ: ibidem-  
que sepultus. Hic omnes ferè ciuitates & arces, in Po-  
lonia muro cinxit: plurimasq; arces & Basilicas con-  
didit. Legibus quoque tam equestribus, quàm ciuili-  
bus patriam locupletauit, quæ hucusq; vigent; & o-  
mnes reges antecessores suos, summa dexteritate in  
promouendis thesauris & prouentibus regni supe-  
rauit: ideo Magnusiure appellatus est.

*Casimirus  
bonus pater  
familias.*

### LVDOVICVS HVNGARVS.

**N**on quia vir fuerit, nequaquã Ludouicus, & vltior  
*(Crudelis nostras non bene rexit opes.*

*Sed quia Pannonia, dum plus amat arua paterna,  
Linquebat senis istud ouile lupis.*

*Qui nouit quid agant famuli, si longius absit  
(Præsertim fuerit qui minus asper) herus.*

*Hic videt arumnas, quas multa absentia veri  
Pastoris nostrum tum cumulat ab aus.*

*Illo rege quidem leges crenère: sed illo  
Rege tamen, robur non habuère suum.*

*Lex nisi tutores habeat, contra arma potentum:  
Est quod araneolus sub trabe necit opus.*

**D**Ecedente Casimiro Magno absq; hærede ma-  
sculino legitimo Ludouicus rex Hungariæ nè-  
pos

pos eius, anno Domini 1370. sacrum diadema Polonicum suscepit. Eo in Polonia regnante nihil memoria dignum gerebatur: sed homicidia, latrociniaque passim exercebantur, propter absentiam illius. Qui verò de iniuria sibi illata in Hungariam ad regē proficiscebantur, hi à rege ad reginā: à regina verò ad factores regios, & à factoribus ad gubernatores in Poloniā cum literis relegabantur, plurimisq; iniurijs, & angustijs Polonia tunc temporis, premebatur.

Postea anno Domini 1381. Ludouicus filiā suam Mariam, Sigismundo Marchioni Caroli quarti Romanorum imperatoris regis Bohemiæ filio, desponsauit, regemque Poloniæ post se, futurum declarauit. Qui in Poloniam armata manu veniens, quasdam rebelles puniuit: rectaque contra Massouię ducem exercitum duxit, qui etiam sceptrā iure propinquitatis affectabat. Massouia itaque flamma & ferro peruastata Polniam maioris Poloniæ metropolim profectus, ab omnibus honorificè promonarchā agnoscitur. Interea verò Ludouicus Hungariæ & Poloniæ rex è viuis decedens, Albæ regiæ sepelitur, anno à Christo nato 1382. Regno Polonię 12. annis præfuit. Poloni itaque Ludouici regis morte audita, consilium clandestinum inierunt, vt Sigismundo relicto pro hærede regni, Ludouici regis filiam ad se reciperent: eamque in matrimonium tali principi, qui rempub. rectè gubernaret, ab hostibusque vindicaret, locarent. Regina itaque Hungariæ Ludouici coniunx, filiam Heduigim in Poloniam misit, quæ honorificentissimè à Polonis proceribus accepta, sacro diademate solenniter Cracouiæ ex more coronata est.

*Sigismundus  
Caroli filius  
regnum Po-  
loniæ sibi ob-  
tinere sen-  
tat.*

*Poloni Si-  
gismundo  
spretæ pro  
hærede re-  
gni filiam  
Ludouici  
accipiunt.*

*Iagielo Li-  
tuanius.*

*Heduigim  
Polonia ha-  
r dem cum  
regno sub  
conditions-  
bus petis.*

*Oratores in  
Lituaniam  
pro Iagielo-  
ne.*

*Wilhelmus  
Austriacus  
Cracouiam  
venit.*

Anno igitur Domini 1385. Iagielo magnus Dux Lituaniae certior factus de Hedwigis reginae ex Hungaria in Poloniam aduentu, pulcritudine, moribusque eius honestis commotus, oratores ad eam fratres suos, Skiergielonem, & Borissum cum peramplis muneribus destinauit: coniugium regnumq; dotale expetens, promittens se cum vniuersa gente sua baptisaturum, omnesque ciuitates & arces cum suis prouincijs, quas Lituanii a regno abstraxerunt, & etiam captiuos liberaturum: insuper etiam Magnum ducatum Lituaniae cum regno Poloniae vniturum, & incorporaturum; Silesiam, Prussiam, Pomeraniam armis recuperaturum, thesaurosque omnes in vsum regni Poloniae conuersurum; omnia denique quae ad amplitudinem reipub. Poloniae, & ad incrementum totius Christianitatis spectarent, acturum curaturumque. Haec legatio Lituanorum, grata periuicundaque Polonis erat: sed regina eam detractabat: a barbari enim matrimonio abhorrebat. Nam adhuc patre viuente, Wilhelmo Austriae duci desponsata erat: ideo illum priorem sponsum ardenti animo complectebatur. Quae de causa oratores Polonorum legationem Iagielonis Lituanii, ad reginam Helisabetham in Hungariam detulerunt, quae in omnibus se contentam esse respondit, quidcunque boni procures regni constituerint. Legati igitur Polonorum in Lituaniam profecti, ut Iagielonem in Poloniam cum promissis muneribus, Hedwigi reginae maritum, adduxerunt. Interea vero Wilhelmus Austriae dux, certior rerum Polonicarum factus, Cracouiam splendido aulicorum equitatu stipatus eum ingentibus muneribus, ad praecipendum matrimo-

nium



nium venit, à reginaq; alacriter acceptus, multa con-  
uiuia quotidie alterutrum celebrabant, choreisque  
honestè tamē & modestè indulgebant: qua de causâ  
procures Poloni Wilhelmum Austriacum apud re-  
ginam videntes acceptum, gratumq; hospitem, &  
propensam vtriusq; erga se voluntatem animaduer-  
tentes, in arcem eum deducunt: cum regina delide-  
rato matrimonio copulant. Sed Iagielonem adue-  
nisse audientes Wilhelmum ex arce propellunt, por-  
tasque post eum obserant. Cuius expulsionem regi-  
na animo egrè ferens, suis manibus seras porte fran-  
gere, & contundere cœpit: optatis cum eo nuptiis in  
ciuitate fruitura. Sed per cōsiliarios longa dilatio-  
ne à proposito retracta est. Wilhelmus verò videns  
sibi procures Poloniae apertè & obstinatè aduersari,  
de aduentuq; Iagielonis audiens, è Cracouia cum  
suis (relictis thesauris) clandestinè discessit.

*Wilhelmus  
Austria  
dux, Craco-  
uia eijcitur.*

## IAGIELO SIVE VLADISLAVS

Lituanus.

**H**ic gentilis erat Lituanus de stirpe Jagello,  
Vir bonus, & tantas inter honestus opes.  
Mox est caelesti princeps baptismo tinctus,  
Quem subito est dominum gens imitata suum.  
Hinc dotale capit palcra cum coniuge regnum,  
Et tribuit Lituania signa Polona suis.  
Rege sub hoc memorem suscepit Prussia cladem,  
Sæpius & rigidus concidit ense Getes.  
Quam multa in regno struxit delubra Polono,  
Monstrat Gymnasium sat puto Crocatuum.  
Et linquens gratos ex iusta coniuge natos,  
Lucida fulgentis scandit ad astra poli.

*Lituaniam in  
regnum Po-  
lonie acce-  
ptus.*

*Lituaniam  
Polonia ad-  
iuncta.*

*Expedi-  
tio  
in Lituaniam  
Iagielonis.*

*Lituaniam  
& Samogi-  
tiam ad fidem  
Christi con-  
uertitur.*

**A**Nno à Christo nato 1386. Iagiello magnus Dux  
Lituanie (cuius genealogia in Lituanie descri-  
ptione latius patet) cum fratribus suis Borisso,  
Suidrigielone, & Vitoldo, Cracoviam satis splendide  
12. Februarij venit: ubi ab omnibus ingenti cum læti-  
tia acceptus & in arcē honorificē deductus est. Itaq;  
14. die Februarij, cum fratribus in fide Christiana in-  
structus, sacro baptismi fonte abluitur, & Vladislavus  
appellatur. Eadem die baptismi absoluto matrimo-  
nium cum regina Hedvigi contraxit, magnumque  
Ducatum Lituanie, Samogitie, Russie, sicut promi-  
serat regno Poloniae incorporavit, univit, diploma-  
ribusque, & iureiurando confirmavit. Tandem heb-  
domada elapsa in regem Poloniae solenniter con-  
stituitur, & sacro diademate coronatur. Postea nu-  
ptiarum solennis peractis, Iagiello cum regina in ma-  
iorem Poloniam sub Quadragesimæ tempore pro-  
fectus est, propter pacificandas seditiones, quæ per  
Domaratum capitaneum generalem maioris Polo-  
nie, & Vincentium Palatinum, excitabantur. Rebus  
itaque in Polonia maiori compositis, in Lituaniam  
expeditionem adorna vit, nolens eam amplius cul-  
tui idolorum & demonum vacari: in Comitatu suo  
magnam procerum, & equitum Poloniae cateruam  
habens. Archiepiscopus quoque Gnesnensis, pluri-  
misque ecclesiasticorum, & Semovitus Massoviae,  
Conradusque Olensnicie duces eum secuti sunt.  
Vilnaeque solenniter conventu indicto, sub initium  
Quadragesimæ, de vano idolorum cultu abolendo  
tractare cœperunt, sicquæ illa gens barbara Litua-  
nie, & Samogitie sacro baptismi fonte lauata est.  
Porro turmatim stantes aqua lustrali (nomine uni-  
cuique

cuiq; turmæ, Stanislai vel Petri, &c. imposito) aspergebatur, prout latius in descriptione Lituaniæ pater.

Rebus in Lituania pius rex rectè dispositis, Vitoldum patruelem summæ rerum præfecit, in Poloniãq; reuersus rectà in Silesiam exercitum duxit, arcesque & ciuitates sub Vladislao duce Opoliensi rebellis cepit: Krzepice, Bobolicze, Olstin, Brzeznic, Ostrescuo, & Grabouo dictas, Boleslauiecz arx septem annis obsidebatur, quam postea Ofka ducissâ vidua, penuria cômectus coacta regi subdidit. Dux igitur Opoliensis reliquas arces quadraginta millibus florenorum, videns se eas non posse defendere, Crucigeris Prussiensibus vendidit, quas illi suis præfidijs munierunt: sed rex destinato exercitu cæteras arces ditioni suæ subegit.

*Iagielo arces in Silesia recuperat.*

*Opoliensis dux arces vendit.*

Moritur anno Domini 1399. Hedwigis regina, de cuius vitæ sanctimonia testatur annales Polonorum. Postea anno 1400. regi Ciliciensis Comitis de Hungaria filia Anna Cracouiam allata est.

*Hedwigis moritur.*

Tandem anno Domini 1410. rex armatis copijs cinctus contra Prussientes Crucigeros profectus, superato Vistula fluuio ad Cierniensko oppidum castra metatus est, vbi etiam Vitoldus patruelem regius cum suis Lituanis & Tartaris venit. Semouitus quoque & Ianusius Massouia duces, suas cohortes adduxerunt, viribus itaque coniunctis castra ad Tanebrigum & Grimoaldum oppida mouerunt. Interea verò rege officium missæ manè in tentorio audiente, duo nuncij alterutrum sese antequerrentes venerunt, nūciantes iam iam imminere sibi Prutenos. Attamen rex pius à diuino officio quin prius absolueretur discedere noluit: quo absoluto mili-

*Expediit contra Prussientes Crucigeros.*

*Iagielonis deuotio.*



tem in acies celeriter instruxit, quinquagintaque vexilla Polonorum ordine suo distribuit. Vitoldus similiter copias suas contra hostem rectè direxit, quadragintaque vexilla Lituanorum iusto ordine disposuit: quibus Tartarorum manum ingentem adiunxit. Interea verò magister Crucigerorum Prussiensium, Vlricus Iungingen illudens regi, duos gladios euaginato, totidemq; clypeos ei dono misit, dicens: Quid remoraris prælium ô rex, si tibi desunt gladij, en tibi vnum, fratrique tuo Vitoldo alterum mitto: si verò campum ad ordinandum exercitum arctum habes, ego tibi suo cedam. Rex igitur pius gladios oblato humiliter accipiens ingemuit dicēs: Quamuis armis omni generis abundo, attamen hoc munus per quod mihi signum victoriæ (Deo fauente) datur, libenti animo accipiam. his dictis, signa vtrinque canuntur, inde maximo clamore infestis signis concurritur: Tartari & Lituani arcubus & sagittis assueti, creberrimo telorum iactu æthera obumbrant, à Teutonibus tamen in primo conflictu fugati sunt, in quorū locū Poloni armis & viribus recentes, cum ingentis sonitu, armorumque fragore successerunt, Prutenasq; acies perfregerunt; & vndique circumdatas, ad internecionem funditus prostrauerunt. In hoc cōflictu magister Crucigerorum Prussiensium, Vlricus cum suis Comédatoribus (quos Siluius 300. recenset) occubuit: Duces quoque Stetiniensis & Olesnicensis capti, cum multis alijs præcipuis Germanis equitibus. Cæsa sunt tunc temporis 50000. Prutenorum, Teutonicorum. Siluius verò 40000. testatur. Ingentes exuias ex castris Prutenorum Poloni tulerunt: victoriāque insignem obtinuerunt, & vexilla

*Superbia  
Crucigero-  
rum.*

*Humilitas  
Iagielonis.*

*Certamen  
acre inicitur.*

*Magister  
Crucigero-  
rum casus o-  
mnisq; exer-  
citus suus  
prostratus.*

*Ordinis cō-  
mendatores  
erant quasi  
Palatini  
prouincijs  
cōmendatis  
presidentes.*

& vexilla hostium præcipua 50. ad perpetuam rei memoriam Cracouiæ in Basilica arcis posuerunt. *Poloni triūphant.*

Denuo crucigeri auxiliares copias ex Saxonia, & à Sigismundo Romanorū rege corraferunt, quibus Poloni pro temporis necessitate exercitu conscripto occurrerunt: manusque cum eis conseruerunt. *Alius cōstitutus Polonorum cum Crucigeris.*

Interea quidam eques Polonus Ioannes Missai exercitum Crucigerorum strenuè dimicando, ad vexillum vsque principale pertransiuit. Vexilliferoque trucidato vexillum arripuit, & post tergum sibi infixit, ad suosque acies disuerberans incolumis rediit. *Poloni palmam victoriæ à Crucigeris obtinent.*

Crucigeri itaq; vexillo orbatī, ordinibus solutis, terga verterunt, quos Poloni insequentes per agros & sylvas pallantes passim trucidabant, in quo conflictu 10000. Teutonicorum cæsa sunt.

Eodem anno Hungarorum copias duodecim vexilla habentes, in Poloniam excurrentes, Poloni fuderunt. *Poloni Hungaros trucidant.*

Postea anno Domini 1414. rex cum Vitoldo ingentem in Prussiam exercitum Polonorum & Lituanorum: (quod Crucigeri promissis non starent) duxit, plurimasque ciuitates & munitiones expugnauit. Militibus autem & equitibus Lituanorum in bello bene meritis insignia stemmataque nobilitatis Poloniæ pro donarijs distribuit. *Poloni cum Lituanis Prussiam diripiunt.*

Tandem anno Domini 1432. rex Iagielo senio confectus multis gestis strenuè editis, Vladislao & Casimiro hæredibus relictis, vitam cum morte feliciter cōmutauit. Cracouiæ in Basilica arcis sub marmoreo sacrophago vbi sua imago expressa est, terræ mandatur. *Lituaui insignia nobilitatis Polonorum accipiunt. Iagielo moritur.*

## VLADISLAUS QVINTVS.

**I** Adislaetibi regale Polonia sceptrum  
 Centulis, ob proprijs splendida facta patris.  
 Hinc quoq; & Vngaricus defert diadema senatus,  
 Et qua sunt lati iugera multa soli.  
 Egregia verò tu pradius indole regnas,  
 Ac regis imperio subacta regna tuo.  
 Nec piguit Macedum fines vastare remotos,  
 Nominis vt foret gloria nota tui.  
 Donec inire petuit tecum trux foedera Turca,  
 Quod facis: at latius frangere Papa iubet.  
 Cui tu dum pares, te ad Varniam Marte paludem  
 Fudit Amurates, & tua castra capit.

*Polonus  
 Hungaria  
 rex coro-  
 natur.*

**I** Agielone Vladislao è viuis decedente, Vladislaus filius eius, anno Domini 1434. habenas regni moderandas suscepit. Tandem anno 1437. Sigismundo imperatore Romanorum, rege Hungariae & Bohemiae fatis concedente, Vladislaus, Hungariae procerum assidujs precibus, ad regnum Hungariae suscipiendum vocatus est. Itaq; anno 1440. in eo profectus, Budae coronatur.

*Vladislaus  
 arces Rasciae  
 recuperat à  
 Turcis.  
 Vladislaus  
 Turcas pro-  
 fugat.*

Anno Domini 1443. Vladislaus expeditionem bellicam contra Turcas suscepit, arcesque in Rascia ab eis occupatis recuperauit. Audienst tandem Turcas contra se processisse, Ioānem Hunniadem Palatinum Transilvaniae, cum armatis copijs Polonorum & Hungarorum aduersus eos destinauit, qui absque rumore in Turcas irruens omnes funditus prostrauit & dispersit. 4000. captiuorum & nouem vexilla abduxit, omnesque Slauonicas provincias Macedoniam vsq; Hungaricum Polonis peragrarunt. Turcarum



earum verò imperator exercitum propter Romaniam & Macedoniam defendendam in montibus collocavit. Bassa itaque Turcicus numeroso exercitu frētus, victoriam sperans cum Polonis & Hungaris confligit, sed spe frustratus cum Turcarum viribus ingenti clade à Christianis prostratus est: adeò vt Turcarum imperator Amurates ad regem Vladislaum legatos pro pace impetranda mittere cogeretur, omnes possessiones, arces & ciuitates in Ralcia occupatas restituendo, quibus restitutis, ad decem annos fœdus vtrinque iecerunt, & iureiurando confirmârunt. Interea verò Iulianus cardinalis, legatus Apostolicus ad regem venit: multisque & varijs persuationibus hoc fœdus irritum fecit, regemque summi pontificis potestate à iuramento, quo se Turcis obstrinxerat, absoluit: vtque expeditionem aduersus Turcam Christiani nominis hostem cum vniuersitate Christianorum susceperet, persuasit.

*Turca pro-*  
*fligantur.*

*Turca pa-*  
*cem petit.*  
*Papa fœdus*  
*frangere*  
*suadet.*

Anno igitur 1444. armatis copijs Rex contra Turcarum imperatorem Amuratē processit. Amurates verò re comperta inconstantia, leuitatiq̃ue Christianorum admirabatur, quod Dei sui nomen flocci penderent. exercitu itaq; validissimo ex Asia conscripto, ad Varnam paludem iuxta littus ponti Euxini, prælium acre cum Christianis cōmisit, quos vndiq; circumdatos cruenta clade prostravit, vbi & rex inclitus strenui militis, & imperatoris officium adimplens occubuit cum multitudine Polonorum, quæ clades ingentis mœroris planctusque toto orbi Christiano caussæ extitit.

*Vladislaus*  
*contra Tur-*  
*cas.*

*Hungari &*  
*Poloni cum*  
*rege suo à*  
*Turcu ob fœ-*  
*dus fractum*  
*profligati.*

Præfuit Vladislaus Poloniæ regno decem, Hun-

garia verò quatuor annis. Anno verò ætatis suæ vigesimo primo, ad Varnam à Turcis occisus est, confilio summi pontificis parens, qui eum ad frangendum fœdus barbaro hosti impulerat.

## CASIMIRVS QVARTVS.

**P**ost fratrem Casimirus adest, quem Turca peremit.  
*Sarmaticas iustus qui regit ultor opes.*  
*Eripit & captas Marianis fratribus vrbes,*  
*Æthera terribili discutiente modo.*  
*Hoc duce sacrificij magnas sensere repulsas,*  
*Hic ubi Castaliam Vistula voluit aquam.*  
*Hinc repetit Maria non vi, sed munere castrum,*  
*Prussiæ quod tunc incoluere duces.*  
*Hunc quoq; (hoynitium multis licet inde peremptis)*  
*Sensit, & illius quæ ditionis erant.*  
*Ducem rem reliqua felicia tempora vite,*  
*Fata grauem nobis eripuerunt ducem.*

**A**nno humanæ redemptionis 1447. Casimirus magnus dux Lituaniæ, fratri Vladislao Poloniæ & Hungariæ regi, à Turcis perempto in regimine succedit.

*Homagium  
 Palatini  
 Valachia.  
 Valachi  
 funduntur.*

Anno Domini 1448. Petrus Valachia Palatinus in verba regis iurauit: tributumque debitum & obedientiam se præstiturum obstrinxit, quem Bochdam frater ex illegitimo toro natus dominatu propulsare nitebatur: sed ipse à Polonis cum exercitu pulsus, fugatusque & trucidatus est. Tandem anno Domini 1454. legati à nobilibus, ciuibusque Prutenorum venientes, regi sese in clientelam & patrocinium subijcientes venerant. Crucigeri enim intolerabili

lerabili onere adiuuentitijsq; eos exactionibus premebant, vxores à viris, virginesque teneras vitollabant, possessiones, iumenta colonis abstrahabant, vulgum in seruitutem redigentes, eorum opera velut iumentorum in arcibus, mœnibusque erigendis vtebantur, quos rex certo tributo indicto in clientellam suscepit, & sicut pro temporis breuitate potuit, exercitu conscripto, in Prussiam contra Ludouicum Crucigerorum magistrum infestis armis contendit. Ludouicus quoque ingentem exercitum Teutonicum opposuit, prælium itaque ad ciuitatem Choynicze atrox oboritur. Primam alam Crucigerorum Poloni perfregerunt, funditusque profligauerunt; & Baltazarem ducem Zeganensem occiderunt, Bernardumque Stumbarg ducem exercitus ceperunt: vbi verò ad vnam cohortem Polonorum malè ordinatam peruentum est, Poloni Prutenorum vim sustinere non valentes, solutis ordinibus terga vterunt, quos rex frustra tamen vt conuerterentur admonebat: parumq; absuit quin ipse hostium manuseffugerit, multi Poloni cæsi, 300. verò captiuorum abducti sunt.

*Prussi à Crucigeris ad regem Polonia deficiunt.*

*Tyrānis Crucigerorum. Expeditio in Prussia.*

*Dux Zegānensis occisus.*

*Clades Polonorum à Crucigeris.*

Rex tandem nouis copijs cōscriptis Prussiam infestis armis aggreditur, plurimasque munitiones & ciuitates expugnauit, & occupauit. Prussiae autē magister non habens vnde stipendium suis militibus persolueret, Marienburgam arcem præstantissimam eis in potestatem dedit, quousq; illis stipendium persolueretur. Qui arcem Casimiro regi pro summa 476000. florenorum, anno Domini 1457. vendiderunt, eamque cum omnibus tormentis, instrumentisque bellicis dediderunt. Postea magister Prussiae

*Rex Prussiae am Cassat.*

*Marienburga Polonis venditur.*



*Crucigeri  
funditus  
prostrati.*

iniuriam à rege sibi illatam ulturus, quasdam munitiones regis in Prussia expugnauit: qua de causâ rex armata manu egressus, Crucigeros cum validis copijs cruenta clade ad internitionem prostrauit: ipse verò Ludouicus magister vix elapsus est: sicque Poloni (quamuis magna cum difficultate) omnibus armibus Crucigeros exuerunt.

*Pax cum  
Crucigeris.*

Tandem anno Domini 1466. Casimirus rex ciuitate arceque Choynici vi expugnata, concordiam fœdusque perpetuum, suffragijs multorum principum adductus, cum magistro Prussię & ordine Teutonico iniit. Ab hocque tempore Pomeraniæ Ducatus, Michlouiensis quoque & Culmensis terra, regno Poloniæ adiuncta est, pro quibus Poloni 180. annis, armis cum Crucigeris decertabant.

*Casimirus  
moritur.*

Tandem anno Domini 1490. Casimirus rex multis egregijs gestis exactis, vitam cum morte feliciter Grodnæ in Lituania commutauit, filios sex Vladislaum, Casimirum, Albertum, Sigismundum, Fridericum, Alexandrum: filias verò septem, Hedwigim, Zophiam, Annam, Barbaram, Helisabetham, &c. genuit. Vladislaus post mortem Matchiæ communibus Hungarorum suffragijs, in regnum Hungariæ euehitur, qui etiam postea regnum Bohemiæ in tutelam suscepit. Albertus verò patri in solio successit, Alexander magnum Ducatum Lituaniæ, Sigismundus Glogouiæ, sorte acceperunt. Fridericus episcopatum Craçouiensem & Posnaniensem accepit, postea inter Romanos patres cardinales scilicet connumeratus.

*Casimiri  
proles.*

## IOANNES ALBERTVS.

**D**Vcis Ioannes Alberte binominis agmen  
*Sarmaticum matre idperhibente tua.*  
*Instaurasq; nouo, sed frustra Marte tumultum,*  
*Vlturus patris funera mœsta sui.*  
**N**am Dacus variat primo quod dixerat ore,  
*Te contra Turcam velle iuuare ferum.*  
*Instruit horrendos te contra perfidus hostes,*  
*Ei fudit populos Marte iuuante tuos.*  
**U**nde nemo nostris patuli memorabile fagi,  
*Dum sol syderico tramite currit, erit.*  
*Sic igitur multis non faustis obrutus actis,*  
*Te rapuit inuenem Parca seuera ducem.*

**A**Nno à Christo nato 1492. Casimiro rege è vi- *Legatio ve-*  
 uis ad superos commigrante, Ioannes Albertus *netorum.*  
 filius in locum eius substituitur: sacroque diadema-  
 te solenniter insignitur. Ad quem oratores Veneto- *Oratores*  
 rum venerunt: cuncta prospera, fortunamque con- *Turcarum*  
 tra hostem Christianum propitiam illi exoptantes. *inducias pe-*  
 Postea Turcarum legati inducias petētes venerunt: *tunt.*  
 cum quibus rex fœdus ad certum tempus pepigit.

Tandem anno 1494. Albertus rex cum fratre *Conuentus*  
 Vladislao Bohemiæ & Hungariæ rege, in Liucza *Alberti re-*  
 conuentum habuit: consultantē quomodo cōiun- *gis cum Vla-*  
 ctis viribus, eadem crudelissimam Vladislai patru- *dislao rege*  
 sui, vlcisci possint, propositumque constitutum ne- *Hungaria*  
 mini reuelabant. Sed Turcarum imperator omni- *fratre cōtra*  
 um exploratissimus erat: qua de causā legatum ma- *Turcam.*  
 gnum ad regem Albertum propter confirmandum *Turca indu-*  
 fœdus destinauit. Interea verò Stephanus Palatinus *tias pesis.*

*Expeditio  
Alberti con-  
tra Turca-  
rum impe-  
ratorem in-  
felix.  
Signa ad-  
uersa.*

*Perfidia  
Palatini  
Valachia.*

*Arma in  
Turcas pa-  
rata in Va-  
lachos con-  
uertuntur.*

Valachia, vt feudalís, à rege auxilium contra Turcas implorauit: qua de causſa rex apertam occaſionē vliſcendi barbari hoſtis nactus, ingentē validiſſimum-  
que exercitum ex Polónis, Lituanis, Maſſouitis, Ru-  
thenis, Prutenis que & Sileſijs conſcripſit: expeditionemque in Moldauiam contra Turcas celeriter ad-  
ornauit. Vbi ſtatim ſigna aduerſæ fortunæ apparue-  
runt, equus enim generoſus in quodam paruo tor-  
rente, iuxta Leopoliſm Ruſſiæ ſub rege ſuccubuit,  
pauculoque aque obrutus eſt. Leopolię etiam eques  
quidam Polonus Sropski dictus, inſana mentis cla-  
mabat dice ns: Noſtri in ſuum malum proficiſcuntur.  
Fulmen quoque quendam equitem in tentorio cum  
duodecim equis interemit. Palatinus autem Molda-  
uiæ regi comineatum pabuliq; neceſſaria & vniuerſo  
exercitui, ſe ſuppeditaturum promiſit. Rex itaque  
falsis eius promiſſis fidem adhibēs, vbi in Valachiam  
exercitum induxit, ad Palatinum, vt promiſſis ſtaret,  
contra Turcasque expeditionem ſecum adornaret,  
miſit. Ille verò perfidus reſpondit: Caueat ſibi rex à  
Turcis vel ab alijs, quod auſus ſit in ditiones meas,  
me inſcio venire. Rex verò ſecundo & tertio eum ad-  
monuit, vt promiſſa perſolueret: ſed Palatinus hæc  
floccipendebat: qua de cauſſa Poloni iniuſtè exacer-  
bati arma quæ in Turcas parauerant in ſuos conuer-  
terunt. Soczauamque Valachiæ metropolim obſe-  
derunt: quam grandioribus machinis bellicis admo-  
tis oppugnarunt. Sed Vladislaus rex Hungariæ inter  
regem fratrem ſuum, & Palatinum inimicitias per  
legatos compoſuit. Fœdere itaque alterutrum firma-  
to: rex infirmitate, partim ex aduerſa fortuna, par-  
tim ex nimijs curis correptus, in Poloniam cum vni-  
uerſo



uerso exercitu reuertitur. Cumque in meditullum  
 syluæ amplissimæ (quæ *Bukonia*, à faginis arboribus  
 dicitur) penetrarent: vbi arbores succisæ erant, Ste-  
 phanus Palatinus Valachiaæ fœdifragus, contra ius  
 diuinum & humanum, à fronte & à tergo armata  
 manu in regis copias irruit, ingentiq; & cruëta clade  
 Polonos inopinatos oppressit, captiuorumq; multi-  
 tudinem abduxit. Inter quos insigniores erant, Nico-  
 laus Palatinus Russiæ, Gabriel Comes à Tenczin, Ioã-  
 nes Zpigneuius Capitanei Marienburgensis filius, &  
 alij complures qui sanguine suo vitam regis redime-  
 runt. Vbi adhuc signa huius cladis infelicitis ossa vide-  
 licet albertia in hac sylua ipsemet vidi, cum magni-  
 ficus dominus à Lasko, Palatinus Siradia, Despotam  
 Heraclidem in occupanda Valachia iuuaret, in cuius  
 castris ego peditum præfectus fui: anno Domini  
 1562. Sed ad rem redeo.

*Valachus  
 Polonos fœ-  
 dire fracto  
 sternit.*



Anno Domini 1493. mense Ianuario, & Februa-  
 rio tantus calor, quod in illis regionibus mirum est,  
 in Polonia extiterat, vt pomeria florerent, aues ni-  
 dificarent, graminæq; pulcerrimè virescerent. Postea  
 mense Martio tanta frigora subsequuta sunt, vt hæc  
 omnia gelu arefacta marcescerint.

*Calor in  
 successu*

Anno sequenti iuxta Cracouiam in villa Czarna  
 dicta, mulier quædam puerum cum leporino collo,  
 & auribus peperit: qui ore aperto hiabat. Non mul-  
 tum post altera mulier serpentem cum puero edidit:  
 qui serpens puerum ad intestina vsq; corrosit.

*Monstrana-  
 ta in Polo-  
 nia.*

*Aliud mon-  
 strum.*

Anno Domini 1499. Cracouia ludæa mulier vi-  
 tulum bicipitem peperit, qui vnum caput in cauda,  
 aliud verò in principio habebat: cauda verò in tergo  
 sita erat, pedes septē in dextro latere, in sinistro ve-

*Tertiū mon-  
 strum inter  
 ludæos nā-  
 tum.*

rò nullum habebat: multo tempore extra Cracouiam hoc monstrum, vt ab hominibus videretur expositum erat.

*Ioannis Alberti regis mors.*

Anno Domini 1501. Albertus rex Cracouia in Prussiam profectus, Toruniæ apoplexia correptus extremum diem clausit. Aetatis suæ 41. anno. regnauit octo annis totidemq; mensibus.

### ALEXANDER.

**M** *Vlta laborati hoc recinunt de rege libelli,  
Quam duri promptus Martis ad arma fuit.  
Nil illum morbi, nil frigora seu a mouebant,  
Vt non inceptum perficeretur opus.  
Sapius insano compressit Iazygas arcu,  
Et dedit horrenda millia multa neci.  
Indigna ulciscens seui periuria Moschi,  
Filius constans abstulit ultor opes.  
Nec tantum bello studuit, sed legibus aqvis,  
Subiectam patiens est moderatus humum.  
Illa ducis laus est certò verissima magni,  
Qui sacra, qui iustum cum pietate colit.*

*Perfidia  
Valachorū  
elciscitur.*

**A** Nno à Christo nato 1501. Alexander Magnus dux Lituaniæ, fratri Alberto in regimine successit. Postea anno Domini 1506. expeditionem in Valachiam adornauit, multasq; arces ad Tyram fluium sitas sub Valachis expugnauit. Eodem anno in Lituaniam profectus, Vilnæ infirmitate correptus est. Interea verò Tartarorum 20000. populabundi in Lituaniam excurrerunt, contra quos rex Stanislaus Kiskam Lituaniæ cum armata manu destinauit: ipseq; sua persona semiuiuus ferè exercitum sequutus est, recensitisq; copijs in Lida arce remansit.

*Tartarorū  
à Lituaniis  
fusa 20000*

Lituani

Lituani igitur inopinatè in Tartaros securos, ad Kleczo oppidum ingenti impetu irruerunt, quos ad vnum cruenta clade fuderunt, & spolia, captiuosque abegerunt. Quæ victoria cum regi iam animam agenti nunciaretur, ille, quamuis beneficio linguæ priuatus, manus tamen in altum extollens, suspirasque cum lacrymis Deo gratias egit, omnibusque circumstantibus manum porrigens, ad superos commigravit: anno ætatis suæ 45. Vlnæ vbi & sepultus quiescit: quatuor annis, & mensibus octo Poloniæ regni sceptrâ tenebat. Magno verò Ducatui Lituaniæ 14. annis præfuit.

*Alexander  
moritur.*

## SIGISMUNDVS PRIMVS.

*C*um iurârat atrox deuictò Glinsciûs hoste  
Suspectam, pulsa suspitione, fidem.

*Quicaperet regni post mortem fratris habenas,*

*Tota Sigismundum terra Polona cupit.*

*Hoc, qui magnatum tunc nemo tenacior equi,*

*Maior consilijs, & pietate foret.*

*Dos regum decorabat eum clementia, solus*

*Deq; Iagelona stirpe superstes erat.*

*Prostrauit fretum numeroso milite Moschum,*

*Millia quo bello bis cecidere decem.*

*Quantus amor populoq; suo, externisq; monarchis,*

*Tantus erat Turcis, & tibi Thento, tremor.*

**A**Nno Domini 1507. curato sumptuosè funere Alexandri regis, Sigismundus frater eius dux Glogouiæ, & Opaviæ Capitaneus generalis, magnus dux Lituaniæ regni gubernacula suscepit. Hic lapsam ferè rempub. Polonam humeris suis e-



*Moschouia  
depredatur.*

rexit, qua rectè constituta, & vndique pacata aduersus Moschouia principem Basilium armatas copias dedit Tartaris Pracopensibus in auxilium sibi acceptis: arcesque plurimas expugnauit, & suorum præsidijs muniuit.

*Tartari  
profligati.  
Valachus  
Poloniam  
infectat.*

Eodem anno Tartari in prouincias Russiæ excurrerunt, contra quos Castellanus Leopoliensis, cum quingentis equitibus Polonorum profectus, gentem barbaram auspice Deo inopinatè oppressit, & profligauit, spoliaq; abegit.

*Poloni Gleici  
sentur, Va-  
lachos egre-  
giè.*

Anno 1509. Palatinus Valachiæ fœdistragus in Russiam armata manu excurrit: Leopolimque spoliavit, vnde thesauros plurimos abstulit, Rohatini- am arcem deditione cepit, de Polonorumque contra se expeditione audiens, in Valachiam aufugit, quem Poloni insequuti, damna in Valachia ferro & igne nullo obstante (ipse enim Palatinus in abditis sylvarum latitabat) maxima intulerunt. Hasque munitiones, Dorochiniam, Sczepanowice, Czarnouicze, Botusaniam, Chocimiam ceperunt, Soczauam metropolim regionis grauitè oppugnarunt: sed re infecta multimodis spolijs onusti, vniuersa regione peruastrata, ad sua reuertuntur. Cumque Tyram siue Nestrum fluuium traijcerent, Valachij nacta occasione è syluis ad pugnandum instructi erumpunt, cum quibus equitatus aulae regiae qui adhuc in hostili ripa remanserant, manus acriter commiserunt, à tergoque hostium aliquot cohortibus Polonorum clandestino trāsmissis, omnem exercitum Valachiorum fuderunt.

*Valachi ca-  
duntur à  
Polonis.*

Postea anno Domini 1512. Tartari Pracopenses stipendiarij regis, in 24000. equitum in Russiam ex-  
curre-

currerunt, ad Visniouiciūq; in Podolia castrametati sunt, ad quorum vim reprimendam Poloni & Lituani expeditionem susceperunt: certamenque acre cum eis commiserunt, & dum vna ala Polonorum ad castra hostium vbi captiui Polonorum Lituānorumque erant, penetrarunt: captiuos soluentes, ad arma excitarunt. Statim igitur captiui soluti à tergo, illi à fronte in Tartarorum ordines solutos iruerunt: quos paruo negotio fuderunt, & celebrem victoriam impari Marte obtinuerunt.

*Tartari in  
Rusſiagrassantur.  
Poloni triumphant de  
Tartaris.*

Anno 1514. Sigismundus rex audiens Smolensk arcem munitissimam in ditione Lituānorum à Moschouia duce Basilio captam, exercitum ad vldiscendum hostem duxit. Moschus verò 8000. equitum contra regem destinauit: Polonorum autem, & Lituānorum copiae 35000. non excedebant. Constantinus itaq; Ostrouuski dux exercitus, strato pontepedites vltra Borylthenē iuxta Orsham oppidum transfert. Equitatus verò augustum vallum sub ipso castro Orsha superat. Mox vbi dimidia pars exercitus Borylthenem transiret, nunciatur Ioanni Andreæ Celadin, cui summa rerum à Moscho commissæ erat, vt hanc exercitus partem inuaderet. At ille respondit: si partem hanc exercitus oppresserimus, quid postea faciemus: cum cæteri metu perculsi tergavertent, expectemus tantisper dum totus exercitus transferatur: tantē enim sunt vires nostræ, vt circumuentos hostes Moschouiam vsque velut iumenta agere possimus: tandem quod vnicum restat totam occupemus Lituāniam. signa itaque vtrinque canuntur, Moschouia primi in Lituānos impetum faciunt: illi haud timidi strenuè resistunt. Postremò

*Expeditio  
regis contra  
Moschorum  
ducem.*

*Constantinus  
Ostrouuski.*

*Andreas  
Celadin.*

*Certamen  
acre cum  
Moschouensis.*

maxima vi certatur; Lituani studio cedentes ad collem ubi tormenta collocata erant, ea in Moschos insequentes exonerant: extremamq; aciem eorum in subsidij collocatā feriunt, turbāt, dirimūtq;: hoc nouo belli genere Moschi perterriti terga vertūt, quos Lituani cum Polonis conuersi omnibus copijs effusis insequuntur, fugant, confodiunt, cāduntq;, bellum sola nox diremit. Est inter Orsham & Dubrounam, fluuius Cropsiuna dictus: in cuius dubijs & altis ripis Moschi fugientes, tot submersi, vt cursus fluminis impediretur. Capti sunt in eo conflictu omnes militiae praefecti, & consiliarij, qui ad regē missi sunt. Ioannes verò Celadin supremus dux exercitus, cum duobus praecipuis viris, Vilnae in compedibus ferreis detinebatur. Cæsa sunt tunc temporis Moschorum 42000. capti 2000. exceptis ijs qui in fuga aquis obruti sunt. Ex Polonis & Lituanis 300. duntaxat occubuerunt, ab hoc tempore Moschouie dux campestre prelium nō audet regi Poloniae opponere. Moschouiae principes accepta suorū clade, Smolensko continuo relinquens in Moschouiam fugit: Lituanicus verò exercitus Smolensko obsedit: sed eam capere non potuit, bene enim firmatā Moschus reliquerat: tribusq; alijs castris citra Smolensko occupatis, quibusdam peruastatis præda onusti ad sua reuersi sunt.

*Moschouita  
crudeliter  
profliguntur.*

*Numerus  
Moschorum  
occisorum.*

*Moschus  
fugit.*

*Smolensko  
obsidetur.*

*Conuentus  
regum Po-  
loniae & Hun-  
gariae cum  
imperatore.  
Bona ducis  
Mediolani  
filia Sigi-  
smundo nu-  
pta.*

Anno Domini 1515. mense Iulio, Sigismundus Poloniae, & Vladislaus Hungariae Bohemiaeque reges, fratres germani, cum Maximiliano imperatore Viennae Austriae conuentum insigni splendidoque apparatu habuerunt.

Tandem anno Domini 1518. Bona Ioannis Sfortiae ducis Mediolanensis filia, Sigismundo regi Craeouiam



uiam allata est: cui episcopi, magnates, equitesq; Polonorum, insigni ac splēdido apparatu obuiam processerunt. Hæc anno Domini 1520. filium Sigismundum Augustum Cracouiæ in absentia regis peperit.

Anno 1525. Albertus Marchio Brandenburgensis, magister in Prussia ordinis Teutonici, post plurima bella & simultates cum Polonis susceptas, videns frustra contra stimulum calcitrare, regni Polonię Sigismundo iuramentum Cracouiæ solenniter præstitit, habituq; ordinis abiecto in ducem sæcularem Prussiæ creatus est.

*Magister  
Prussie or-  
dinis Teuto-  
nici regis su-  
gum subit.*

Postea anno Domini 1526. decedentibus immatura ætate Stanislao & Ioanne ducibus Massouiæ: Ducatus Massouiæ regi Poloniæ cessit.

*Massouia  
Polono regi  
cessit.*

Anno Domini 1530. Sigismundus secundus Augustus, patre viuente sacro diademate solenniter Cracouiæ coronatur, decem duntaxat ætatis suę annos habens.

*Sigismundus  
Augustus  
coronatur.*

Anno 1531. Petrilo Palatinus Valachiæ infestis armis in Pokuciam irruit, Snijatinq; & coloniã cum adiacentibus pagis exussit. Rex itaq; sex millibus militum pro stipendio conscriptis, Ioannem de Tarnouia Comitem eis præfecit, contra Valachiosq; destinauit. Poloni igitur ad Obertinã castra metati sunt, in loco munitissimo. Petrilo verò Palatinus Valachię cum quinquaginta millibus Valachiorum, & Turcarum atque Hungarorum in colle editiori sese apparuit: tormenta q; bellica aliquot in Polonos direxit: nihil tamen effecit. Postea vtrinque tormenta exonerantur, plurimosq; Valachiorum Poloni globis glandibusque ferreis trucidant. Inde infestis armis maximo clamore vtrinque concurrunt, gladijs, lan-

*Valachus  
Polonium  
infestat.*

*Acer con-  
fluctus.*

*Poloni Va-  
lachos pro-  
fligant.*

ceis, omniq; telorum genere res geritur. Poloni fortitudine, Valachij multitudine superabant. Postea Poloni tormenta, bombardasq; in Valachos exonerant, exercitumq; eorū sudunt, dissipant, & vndiq; affligunt. Sicq; Valachij ordinibus solutis terga vertunt, quos Poloni omnibus copijs effusis insequuntur, fugant, cadunt, turbant, trucidantq;e. Itaque omnis generis rerum copia ex castris eorum onusti, quinquaginta maioribus tormentis ablatis, milleq; captiuis insignioribus abductis, ad regem reuersi sunt cum insigni victoria.

*Tres soles.*

Anno Domini 1532. in Morauia supra Olomunciam tres soles apparuerunt.

*Moschouita  
Lituaniam  
vastant.  
Poloni in  
Moschouia  
contendunt.*

Anno 1535. Ouczina tutor, gubernatorq;e moderni ducis Moschouia, valida manu in Lituaniam excurrit, quam igne & ferro peruastauit, quindecim milliaribus à Vilna reuersus est. Rex itaque Polonia milites stipendiarios, voluntariosq;e, quibus Ioannem de Tarnou praefecit, in Moschouiam destinauit, cum quibus Lituani vires suas coniunxerunt, finesq;e hostiles ingressi arcem Homel expugnarunt, suisq;e praesidijs munierunt. Inde recta ad Starodub arcem munitissimam, in qua OWczina, Suyiski, & Koluczoꝝ ceteriq;e proceres Moschorum erant, contendunt: eamq;e grauitè tormentis bellicis adactis oppugnant. Moschouita quoque quorum numerosa multitudo in arce fuit strenuè sese defendūt. Arx ex roboribus ædificata terraq; & lapidibus propugnacula, & parietes impletae erant: ideo tormenta incassum exonerabantur. Postea pulueribus, bombardarijs suppositis, arcem incenderunt: thesaurosq;e ingentes quibusdam flamma absumptis asportauerunt.

runt. Owczina gubernator totius Moschouia, Suijski, KoluczoW, ceteriq; magnates & procures Moschouia capti sunt. Vulgi verò multitudo exercitum regium numero 60000. superabat: qua de causa Ioannes Comes de TarnoW, supremus dux exercitus, omnes senes, plebeios, & parum idoneos decollari iussit, iuuenibus, nobilibusque & virginibus relictis.

*Starodub  
capta.*

Anno Domini 1548. Sigismundus rex multis gestis præclaris summa cum laude strenuè editis, imperioq; in pace relictò, & reipub. rebus rectè dispositis, vitam cum morte feliciter commutauit, ipso die solenni Pasche, ætatis suæ 81. annos, menses duos, & dies septem peregit, Cracouia in Basilica arcis honorificè 26. die Iulij sepultus:

*Sigismundus  
moritur.*

Martinus Bielski Polonus, qui annales Polonorum vulgari lingua conscripsit, facit mentionem, in principio imperij huius Sigismundi primi: nobilem quendam Iacobum Melstinski, prætorem de Brezini ciuitate, ex leuitate quadam animi, seu potius desperatione, nomen auctoritatemque Christi sibi assignasse, Petrumq; Zatorski ciuem Cracouiensem, ceterosque sibi similes latrones duodecim, secundum numerum apostolorum elegisse: singulisque nomina apostolorum imposuisse: se verò Iesum Christum appellasse. Qui per villas vbique ambulantes, prodigia morionum, & prestigiatorum more exercebant: sicophantasq; alios, & latrones velut mortuos subornantes suscitabant: pisces in paludes lutosas primò impositos, vbi nunquam eos nasci possibile erat, in nomine Christi sui manibus capiebant: panes in fornaces imponebant: in nomine Christi cum illic an-

*Melstinski  
se Christum  
fore finxit.*



*Latrociniū  
inſigua.*

tē non eſſent, depromebant, cum ingenti ſimpliciſ  
vulgi admiratione. Quodam tempore ad Ceſtocho-  
uiam monaſterium diuæ Virginis imagine celebre,  
prædictus Chriſtus cū ſuis apoſtoliſ ubi adhuc igno-  
tus erat, venit, cumq̃ue illic aliquot diebus moraren-  
tur, vnum ex ſuis quaſi obſeſſum à dæmone ſubor-  
nauerunt, cuius opera victum acquirebant, cum ſua  
coquina carerent: ille enim quaſi dēmorphoretus per  
hoſpitia, diuerſoriaq̃ue ambulans, carnes de coqui-  
niſ rapiebat, in ſuoſq̃; proijciebat, qui cruce illaſ mu-  
nientreſ carneſ comedebant. Illic autem ingeſ erat  
confluxuſ populī tūc temporis ad diuę Virginis ima-  
ginem, quæ ibi perinde, vt apud noſ in Loreto mira-  
culiſ celebriſ eſt. Prædicti itaq̃; ſicophanteſ, illum ob-  
ſeſſum ſuum, ad altare diuę Virginis ducunt: duplici  
veſte ad id ſtudiō præparata indutum, in cuiuſ inter-  
capedinem neceſſaria imponere poſſit: lapilloſ verò  
intra induſium à corpore ei impoſuerunt, cumq̃; ad  
altare deduceretur, ille è manibuſ ducentiſ furi-  
bunduſ, ſeſe proripieſ, in altare oblationibuſ pecu-  
narijſ onuſtum irruit, pecuniaſq̃; de altare rapienſ  
in veſtiſ duplicatę intercapedinem eaſ imponebat.  
Monachuſ verò ab altari diuino officio intermiſſo  
aufugit: cæteri monachi ſtupidi accurrenteſ cingulū  
illiuſ reſoluunt, putanteſ eum pecuniam intra indu-  
ſium poſuiſſe: ſed lapilli duntaxat quoaſ antē ſtudiō  
impoſuerat, in terram exciderunt: pecunia verò in  
veſte duplicata remaſit. Monachi igitur mœſti pe-  
cuniam arte dæmoniſ in lapilloſ transformataſ pu-  
tanteſ, exorcifmoſ, orationeſq̃ue ſupra lapilloſ ſine  
intermiſſione fundunt: vt deinde in priſtinam for-  
mam transformarentur: ſed cum lapilli immutati in  
ſua

*Exorcifmi  
ſupra lapil-  
loſ.*

sua forma perseuerarent, monachus librum Agendam (vt dicitur) indignabundus in terram proiecit dicens: adhuc talem dæmonem nunquam expecti sumus: abite cum eo ad omnes dæmones. Hoc latrocinio prædicti sicophantæ perpetrato, cum illa pecunia rectâ in Silesiam vicinam Poloniæ perrexerunt, simplicem vulgum suis præstigationibus seducen-  
 tes, vbi ad quandam matronam nobilem, in quodam pago diuertentes, dicunt ad illam: Christus tecum suis apostolis visitat ô mulier, ideo te offer illi, & saluabitur anima tua. Illa verò virum domi non adesse, in cuius absentia id sibi non licere, respondit. Cui Apostoli dixerunt: Habesne mappas vel telam ad sacrificandum: mulier verò ligaturam telæ illis obtulit. Qui dixerunt, hanc nobiscum accipiemus, Christusque tibi benedicet, vt tibi linum abundantius crescat, ostende aliam si habes telam: quam cum similiter accipere volebant, mulier dixit: non dabo vobis hanc: maritum enim timeo. Illi autem frustulum fomitis cum in igne telam inuoluentes mulieri reddiderunt: quam illa nihil suspicans in cistam reposuit. Itaque cistâ à tela, à cistâ verò domus accensa in flammam abiit. Vir igitur illius vxoris reuersus, domum conflagentem inueniens: causam sciscitatur, cui vxor se malè Christum cum suis Apostolis tractasse respondit: ideo hanc plagam iniuste in se permisisse. Vir autem ira excandescens, latro hic inquit nequissimus, & non Christus fuit. Ideo cum vicinis malefactores persequitur, quos in quadâ villa insequuti sunt. Ille itaq; pseudochristus re animaduersa ad illum qui vocabatur Petrus dixit: Petre, iam me passio, calixq; quē bibiturus sum appropinquat.

*Aliud latrocinium pseudochristi.*

*Fuga pseu-  
dochristi.*

Cui Petrus: Et mihi vt video Domine imminet. Christus verò dixit: Petre, ego aliter non possum, nisi per fenestram hinc euadere. Ad quem Petrus: Et ego te quoad viuam non derelinquam Domine, sed quocunque tu fugeris, sequar te. Sicque ille Christus per fenestram, Petro sequente, aufugit: ceteri quoque Apostoli quā potuerunt euaserunt. Quos villani vnā cum suo Christo insecutos, & vndique circumuentos baculis, fustibusque prauis cædunt, dicentes: Prophetisa nobis Christe cum tuis Apostolis, qua in sylua hi baculi creuerint. Sicque plagis emendati vitam suam pœnitentiam agentes, postea emendarunt, dicentes: Difficile est nobis Christi passionem, Apostolorumq; tormenta subire.

*Pseudochri-  
stus cum A-  
postolis ba-  
culatur.*

### SIGISMUNDVS AVGVSTVS.

*Sigismun-  
dus 2. Au-  
gustus.*

**A**Nno salutiferi Virginis partus 1548. iustis Sigismundo primo honorificè sumptuoseq; persolutis, Sigismundus Augustus, filius eius magnus Dux Lituanie, regni habenas moderandas suscepit, quas summa cum prudentia & fortitudine in pace gubernauit.

*Prima Exor  
Augusti.*

Hic anno Domini 1543. Ferdinandi Romanorum Hungariæque & Bohemiæ regis filiam Helisabetham, matrimonio sibi copulauit, quæ Cracouiam honorificè allata est. Postea immatura ætate & sine prole anno Domini 1545. decimaquinta Iunij è viuis decessit.

*Secunda  
uxor.*

Deinde Barbaram Lituanam ex domo Radiuilorum, quæ antè Gastoldo Lituano nupta fuerat, duxit. Inuita matre regina Bona, proceribusq; Poloniæ repugnantibus, hocque matrimonium indignè feren-  
tibus,



tibus, & parum abfuit quin rebellio eorum cœpta, in perniciosam feditionem abiisset. Hæc quoq; non multo post è viuis sublata est sterilis: non sine veneni suspitione, quam rex Cracouia, Vilnam vsq; metropolim Lituaniæ deduxit, ibidemque in Basilica arcis diuo Stanislao sacrata, honorificè tumulauit.

Hæc mortua ad redintegrâdam cum Ferdinando amicitiam, & affinitatem conuersus, alteram filiam eius Catharinam, quam Franciscus dux Mantuæ viduam reliquerat, germanam sororem Helisabethæ duxit. Nuptiarum solennia celebrata sunt Cracouiæ 31. Iulij, anno Domini 1553. quam postea sterilitate causata repudiavit: Maximilianoque fratri, Romanorum imperatori, in Germaniam honorificè remisit.

Tandem anno Domini 1557. iustissimū bellum aduersus Guilhelmu Furstemberk, magistrum Liunioniæ ordinis Teutonici suscepit: centenisque milibus equitum & peditum electorum, tam Polonorum quàm Lituanorum Ruthenorumq; accinctus, in Liunioniam sua persona contendit, Sed Liunia magister difficilè contra stimulum calcitrare videns, supplex pacem efflagitat, præliumq; deprecatur, & se cum vniuerso ordine, & tota ditione in fidē & clientelam regis submittit, prout latius in Liunioniæ descriptione patet.

*Augustus  
contra Litu-  
nes cōcedit.*

Tandem princeps Moschouiæ anno Domini 1558. hæreditarij cuiusdam iuris & denegati tributī prætextu numeroso cum exercitu in Derptensem Liunioniæ prouinciam excurrit, Derptamq; ciuitatem episcopalem cum arce cepit, ac plures mitiones temporis successu expugnauit. Itaque Sigi-

*Bellū cum  
Moschorum  
duce.*

Smundus Augustus rex, Liouones feudales & clientēs suos strenuè propugnando bellū (pio dolore stimulantē) cum Moschouia magno Duce suscepit, quod vario Marte tam in Liuania quàm in Russia alba, diu durauit, & in hunc diem fœdere intercedente perseverat.

*Dux Moschouia Poloczkam capit.*

Anno Domini 1562. sub tēpore Carnispruij Februarij 23. die, Ioannes Basiliades, magnus Dux Moschouie, trecentenis millibus armatorū coadunatis in sua persona Poloczkam dura oppugnatione cepit, vnde thesauros dicti incredibiles, captiuorumq; octuaginta millia quibusdam cæsis, in Moschouiam abduxit. Iudeos verò omnes baptismū abhorrentes, aquis DWine fluij submergere fecit. Solummodo Polonos stipendiarios remuneratos, liberos dimisit.

Postea anno Domini 1564. magnus Dux Moschouia, detētis oratoribus Lituanorum, diutius in Moschouia, exercitum celeriter conscripsit, quem absolutis oratoribus in Lituaniam populabūdū destinauit. Hic exercitus in duas partes diuisus vnus à Smolensko duce Srebrnij, alter à Poloczka duce Soiski cōtendebat, qui in campis Czafniciensibus ad Vlam fluiū castrametatus est, Nicolaus verò Radiuil Palarinus Vilnensis, dux exercitus Lituanię supremus, & Gregorius Chodkie Wicz campiductor, rem certam ab exploratoribus de illis tenētes, parua manu hostes aggrediuntur, securosq; & inopinatos cēdūt, trucidāt, cōfodiunt, fugātq; : qui per syluas & agros, palades, partim à colonis cēsi, partim aquis submersi sunt, quorū 30. mil. occisa esse cōpertū est. Ibidē Petrus Soiski suprem⁹ dux exercitus Moschouitici vulneratus fuga euadens, à rustico securi (cū magno dolore

*Moschouita funduntur.*

*Soiski occisus.*

lore Lituanorum, quòd viuis nō caperetur) occiditur, Vilnā delatus honorificè in Ruthenorū Basilica sepelitur. Alius verò exercitus, qui à Smolensko ad Orshā cum duce Srebrnij cōtendebat, audita suorū *Srebrnij fuit* cruēta, infeliciq; clade, metu perterriti, omni bellica *gatur.* ipsaq; copiosissima supellectili abiecta, in pedes sese coniecerunt; turpiq; fuga salutis suæ consuluerunt.

Anno Domini 1564. ipso festo diuæ Margarete, magnificus dominus Stanislaus Pacz Archidapifer sacræ regię maiestatis magni Ducatus Lituanie, ac locum tenens tunc temporis Palatinus Vitebliensis, collecto ex Vitebliensi Palatinatu exercitu, adiuncta curia sua, & duobus centurionibus, alijsq; cohortibus, quibus præfecerat duces, Isidorum signiferum Vitebliensem, & Ioannem Snieporod tenutarium Vitebliensem, hi in armatura leui duorum millium, cōtra hostem Moschum, qui tūc temporis arcē Iezeiriscza tredecim millibus armatorum grauius oppugnabat, processerunt, manusq; acriter cōseruerunt, & hostium perrupta acie tormenta obtinuerunt: vltioremq; exercitum qui fugam cœperat, insequuntur, trucidant, verberant, confodiunt, nonnullos captiuant: octoq; millia Moschorum cæsa, cæteri armis abiectis quoquo potuerunt fuga salutis suæ consuluerunt. Nostri verò omnem supellectilem bellicam, & vniuersa hostium arma, tormentumq; magnum, tela ignea, vexilla, bombardas, & id genus alia abstulerunt, & ipsi Dei beniginitate sani & incolumes spolijs onusti paucis in cōfliktu desideratis, ad Witępskam redierunt. Georgium autem Toymak dux exercitus hostilis vix euasit, qui postea viribus resumptis, eandē arcē Iezeiriscza

*Moschouita  
sternuntur.*



acerrima oppugnatione, & igneis telis expugnauit.

*Dux Roma*  
*mus.* Postea aliquot annis vario Marte vtrinque certatum est, magnis & paruis congressibus, arces quoque alterutrum tentatae & dux Romanus Sangusko campiductor exercitus Lituanici vires Moschorum debilitauit; paruaque manu magnas copias hostiles saepius fudit. Sussam & Vlam arces Moschouiticas saepius tentauit.

*Sitno lacus.* Anno Domini 1567. 16. Septembris, nostrates ex Witebska in Sitno lacu Moschorum trecentos occiderunt, bombardas 120. pulueris, globorumque multitudinem, & spolia abstulerunt. Eodem anno pedites nostri ex Witebska 12. Decembris, sub arce Wielis multos Moschos prostrauerunt, ceteri exijs fugientes in Duna fluuiio submersi sunt. Duo nobiles Alexius Simiczow, & Bachdanus Hreorici cum multis alijs captiui abducti.

*Expeditio*  
*in Raskoni-*  
*ce regia.* Tandem anno Domini 1568. Sigismundus Augustus rex, conscripto validissimo exercitu, ipsoque electissimo plusquam centum millium cum tormentis, & omni supellectili bellica sufficienti sumptuosaque, in Moschouiam sua persona tendere proposuerat, ad Rodosko Wiczeque à Vilna 24. milliariibus progressus, ibidem castrametatus, aliquot hebdomadis tractatis, re infecta exercitus parte dimissa, ipse Gronam reuersus est. Stipendiariorum militum, equitum, & peditum copias, cum tormentis

*Vla obfessa.* magnis muralibus, ad Vlam arcem Moschorum expugnandam, destinauit, quibus illustrem dominum Ioannem Chotkie Wicz, capitaneum generalem Samogitiae, virum militiae peritum, & in bellis de Carolo quinto optimè meritum, praefecit: sed quamuis

uis arcem grauitè strenueque oppugnarent, auxilio obfessis adueniente, re infecta obsidionem soluere coacti sunt, quam postea dux Romanus Sangusko inopinata irruptione cepit & exussit, anno Domini 1568. 28. die Septembris. Hostium maior pars cæsa, cæteri combusti, quidam in Duna & Vla fluuijs, qui eam præterfluunt, fugientes naufragio perierunt: pauci captiui abducti, ex nostris aliqui vulnerati, spolia magna, exuias, pecuniæ argenteæ multitudinem, & tormenta aliquot abstulerunt, & cætera multa instrumenta bellica. Victus maior pars combusta, arcem ipsam nostri occupauerunt, quam & nunc suis præsidijs tenent, attamen longè à priori structura, (vt eam Moschouitæ firmauerant) differentem. Hanc nos anno Domini 1564. cum eam in primis Moschouitæ ædificare cœperunt obsideramus, nihil tamen nescio cuius causâ (alter iudicet) effecimus, quamuis in strenua peditum oppugnatione quidquam defuerit. Ibi Nicolaus Venetianus Rotmagister peditum in Leplo, glande bombardæ ictus strenuè officium suum adimplens, hebdomada elapsa in Vitebsca occubuit. Ego quoque cum peditibus Rotæ meæ tormenta defendens, vndique hostili manu ex arce erumpente circumdatus, vim impetuosam sustinere non valens, vix de manibus ferè hostium, armata manu euasi.

*Vla capta.*

*Venetianus occisus.*

Eodem anno 1568. nostri pedites Viteblienses nocturna irruptione inopinata iuxta Vielisam arcem Moschouiticam ciuitatem exusserunt, hostiumque 300. occiderunt, & spolia magna abegerunt, Ianuarij 5. die.

*Vielisam arripio.*

Postea 17. Ianuarij, ijdem pedites nostri sub arce

*Vitebsca dirpta.*

Moschouitica VſWiat, ciuitatem septis penetratis, perfractisq; exusserunt, multis occisis bombardas & spolia exuiasq; multas abstulerunt, parum abfuit, quin arcem ipsam caperent.

*Kozacy.*

*Corfari.*

*Freibuteri.*

Eodem tempore Ianuarij 18. Birula cum suis pedibus (qui vulgò *Kozacy* dicuntur,) id est, qui hostem furtiue & inopinatè adoriri solent, Italicè *Corfari*, Germanicè *Freibuteri* dicuntur, qui in mari latrocinantur: sed Ruthenis huiusmodi *Kozacy* dicuntur, qui vias hostium circūfident, & furtiue inopinateq; interdum decem *Kozacy* prædicti, ad centum Moschos ex insidijs irruunt, inopinatosq; trucidant, ex Moschouie terra à Ducatu Biela magnis spolijs onustus, cum captiuorū multitudine Vitebskam redijt.

*Vieli exu-  
sta.*

Tandem 28. Ianuarij nostrates pedites ex Vitebska & Surasa arcibus, cum equitibus domini Palatini Vitebliensis Paczi, Vielisam circumusserunt, erumpentes hostes ex arce cum Rotmagistro eorum Poluiato occiderunt. Aulicos quoque magni Ducis præcipuos triginta, cum trecentis equitibus ad præsidium arcis ferendū eadem nocte venientes, inopinatos in ciuitate fuderunt, cæteris fuga dilapsis, nondum enim in arcem quod intempestiue venerint, intromissi erant, Ioānem Michaelis Holouinū insignem virum, magni ducis pincernam, captiuum multis spolijs onusti Vitebskam adduxerunt.

*Captiui in-  
signes.*

Eodem anno 27. Maij die, in festo Ascensionis Domini, nostrates ex Moschouia cum magnis spolijs & exuijs venerunt. Rotmagistrum cum vxore & septem nobiles, cum multis alijs captiuos adduxerūt.

*VſWiat exu-  
sta.*

Eodem tempore 29. Augusti Viteblienses nostri, ciuitatem sub arce VſWiat exusserunt, captiuisq; & exuijs



exuvijs onusti, Vitebskam redierunt. Huiusmodi autem excursions innumeras nostri pedites Viteblienses cum maximo damno hostili quotidie, dies noctesq; exercebant, propter suam vtilitatem, videlicet: spolia enim magna referebant. Arcium reliquarum finitimarum excursions taceo, nisi huius mentionem facio, cuius ipse praesidia egi.

Anno supradicto 1568. Septembris 29. die, in festo diui Michaelis archangeli noctu diem Veneris praecedente, Moschouitarum cum Tartaris Nahai-

*Tartari Nahai-  
censes  
cum Sero-  
mies Viteb-  
skam oppu-  
gnant.*

censis Horde sex millia numero, sub Vitebskam venerunt, quibus praerant tres Palatini praecipui, Seremiet, Basilus Buturlin, & Hreori Szoboro W, duobus diebus sub arce exactis, ciuitate in duobus locis succensa nocte tertia sequente discesserunt.

Postea per legatos, oratoresq; generales, magnus Dux Moschouie & rex Poloniae, foedus ad tres annos vtrinq; percusserunt. Legati nostri anno Domini 1571. Varsouiam ad regem ex Moschouia foedere confirmato redierunt, ex Polonia Palatinus Inowladislauiensis, ex Lituania Castellanus Samogitia.

In hoc foedere anno Domini 1572, serenissimus, iuuetissimusq; rex Poloniae Sigismundus Augustus, magnus Dux Lituaniae, Russiae, Prussiae, Massouiae, Samogitiae, Linoniae, &c. dominus & haeres, pacis in tota vita sua amantissimus, vereq; Christianissimus appellandus obdormiuit in Christo, Iulij 18. die Knyssinie, in confinibus Lituaniae, & Podlassiae, Massouiaeq;. Interregnum per integrum annum pacificum, & diuina ferè protectione comunitum, contra spem omnium, nullo finitimorum hostium nequidem mussitante durauit.

*Sigismundus  
Augustus  
rex mori-  
tur.*

Interregna regni Poloniæ fuere nouem à Lecho primo authore & propagatore gentis, ab anno Domini, vt quibuldam placet 550. vsq; ad hunc annum currentem 1572. in quo naturæ debitum persoluit prædictus inuictissimus princeps Sigismundus Augustus.

Primum interregnum post Lechij deficientem progeniē in Polonia extitit, cui postea incerto tempore Visimirus, secundum quosdam, Visimiro autem Cracus successit.

Secundum interregnum post Vandam Craci filiam, quæ de dijs virginitatem deuouens, victo tribus cruentis prælijs, Ritagora duce Germanorum, in Vistulam sese præcipitauit, postquam duodecim Palatini prouincias distributas rēxerunt.

Tertium interregnum cum equorū cursu Præmisslao sterili decedente, de principatu decertarent, dum Lesconi infimæ familiæ iuueni sceptrum obueniret.

Quartum interregnum post Popelum secundum, Crusphiciæ à muribus deuoratum, quando Piaustus ille Crusphiciensis ciuis, & agricola simplex, sed probitate pollens, communi omnium cōsensu monarcha designatus est.

Quintum interregnū post Mieczslaum siue Miesconem 2. quando Rixa vxor sua senatus consensu, imperium aliquot annis, cum detrimento regni administravit, quæ postea ob suam peruersitatem à Polonis iustè in Saxoniam ad fratrem imperatorem Romanorum, cum Casimiro hærede innocuo exclusæ est.

Sextum interregnum post Præmisslaum occisum  
ab Otho-

ab Othone Lango, & Marchionibus Brandemburgensibus, quando Venceslaum Bohemorū regem, ad scepra regenda vocauerunt.

Septimum interregnum post Casimirum Magnum Vladislai Lokietkonis filium, quando Ludouico Hungariæ regi habenas regni obtulerunt.

Octauum interregnum post Ludouicum Hungariæ & Poloniae regem quando Iagielonem Lituanum, ad reginæ Hedwigis filia Ludouici cōnubium vocauerunt, cui & regnum obtulerūt. Huius posteritas ad hoc vsq; nonum modernum interregnum durauit. Sed ad rem vnde digressus sum redeo.

Anno eodem 1572. statim post mortem regis multi conuentus, particulares, nobilium & procerū regni, magniq; Ducatus Lituaniæ celebrati sunt, de pacificandis finibus tam Podoliæ à Tartaris, quàm Lituaniæ, Russiæque à Moschouitis, & de electione regis tractantes. Subinde multi legati & oratores, tam à summo pontifice imperatoreq; Romanorū Maximiliano, quàm à rege Franciæ & fratre suo Henrico Andegauensium, & Borboniorum duce, à rege Suetiæ, alijsq; monarchis, ducibus, & principibus circumiacentibus, adueniebant. Omnia tamen in pace diuina protegente clementia, contra spem omnium agebantur.

*Conuentus  
de electione  
regis.*

Tandem anno Domini 1573. in Sabbato magno Paschæ præcedente Tartarorum mille octingenti, cum ducibus Baca & Sicoza, in Podoliam sub Baram arcem excurrerunt, vicisque aliquot & prædijs circumiacentibus succensis, cum spolijs reuerentes ab aulicis & seruatoribus Buczacij capitanei Camienecensis, inopinata irruptione trucidantur,

*Tartari  
prostrati.*



confodiuntur, & spolijs abiectis ceteri in fugā conuertuntur.

*Electio regis.*

Electio incœpta est celebrari extra Vistulam Orientem versus apud Varsouiam in tentorio magno 7. Aprilis die, vbi omnis senatus regni, & magni Ducatus Lituaniæ de eligendo nouo rege cōsultabant. Interea Machmet Bassa supremus Constantinopoli, litteras intercessorias per oratorem suum ad senatum destinauit, intercedendo nomine imperatoris sui pro Henrico Andegauenſium, Borboniorum duce, regis Galliarum fratre, in regem eligendo, multis conditionibus vtilibus regno proposuit. Hic legatus retentus erat à Buczacio Capitaneo Camienecensi, tandiu donec innotesceretur senatui. Venit itaque Varsouiam 12. Maij, auditus 17. absolutus, 21.

*Orator à Bassa Turcarum.*

*Orator imperatoris Turcarum.*

Postea ab ipso imperatore Sultano. Zelim orator Achmet Czaus venit, imperatoris sui gratiam, amicitiam & beneuolentiam omnem senatui denunciāns, rogando sinceriterq; optando, quatenus aliquem ex suis dignum virum, in regem eligere dignarentur, ex hijs præcipuos proposuit, Iacobum Vchanski archipræsulem Gnesnensem, primatem regni, Ioannem Fierlei de Dambrouicza Palatinum Cracouiensem, regni Marschalcum, Georgium Iazlo Wieczy Palatinum Russiæ, Nicolaum Mieleczki Palatinum Podoliæ, quod si id facere tenuerint, obnixè rogauit, vt huiusmodi regē ab extraneis quaererent, qui fœdus & amicitiam cum imperatoribus Turcarum & Tartarorū auxiliares copias, ad quemuis hostem eorum si oporteret reprimendum. Pro quo beneuolenti auxilio senatores ei gratias egerunt: dicentes, sibi benignitate diuina ad quemlibet hostem

*Legatio Turcica.*

hostem propullandum vires proprias sufficere, huiusmodiq; auxilijs minimè egere.

Itaq; post multas consultationes, Henricum Andegauenſium, Borboniorumq; ducem, eligendum cenſuerunt, aliquot Palatinatibus Cracouiæ videlicet, Sendomiriæ, & Podoliæ non conſentientibus, priuſquam ſententiæ de religione in ſuo ſtatu concluderentur, & iura, ac leges cum immunitatibus nobilium rectè conſtituerentur: ſed in eundem regem in quem cæteri conſentiebant.

Archiepiſcopus itaque Gneſnenſis, primas regni, Henricum prædictum Andegauenſium ducem, regem electum eſſe denunciavit. Quamobrem commoti ſunt domini Maſchalci, & cæteri ordines ad quos hoc officium pertinebat, multiq; re inconſtinuata, domos ſuas repetere propoſuerant. Poſtea diuina aſſulgentegratia, diſſidijs vtrinque compoſitis, inſimul conuenerunt: Maij q; 13. & 14. diebus, pacta & conditiones ad libertatem, immunitates, leges & iura regni, magniq; Ducatus Lituaniæ, cum legis Franciſcis Henrici ducis ſtatuerunt. quæ omnia iuramento ſolenniter (cuius formam epiſcopus Cracouienſis tradebat) prædicti legati confirmauerunt, & firmiter tenenda, adminiſtranda, augendaq; ſemper à duce ſuo, rege futuro promiſerunt. His ſolenniter peractis, omnes & ſinguli, tam Poloni quàm Lituani vnanimiter cōcordibus vocibus, & ſuffragijs electum & confirmatum regem Poloniæ, magnumq; Ducem Lituaniæ, &c. ſupranominatum ducem Andegauenſium Henricum Caroli regis Galliæ fratrem, denunciauerunt, ſolenniterq; confirmauerunt. Quem Ioannes Fierlei de

Dambrowicza Palatinus Cracouiensis, Marschalcus regni Poloniae, & Ioānes Chodkiewicz, capitaneus Samogitiae, Marschalcus generalis magni Ducatus Lituaniae, Lituaniis proclamauerunt. Sicq; rebus omnibus conclusis, Varschouiae in ecclesiam diui Ioannis: tam catholici quàm euangelici conuenerunt: concordibusq; vocibus vnanimiter, Te Deum laudamus, & alia secundum ritum ecclesiae Romanae decantauerunt: bombardas & tormenta grandia, ad lætitiā exprimedam explodentes.

Concilio nondum dimisso tabulæ electionis confectæ sunt. Ad eas in Galliam perferendas, & salutandum regem electum, delecti tam à senatu Poloniae, & Lituaniae, quàm ab equestri ordine, tredecim oratores magno nati loco, & singularis prudentiæ viri. Legationis principem locum obtinebat Adamus Conarski episcopus Poseniæ, eius collega Albertus à Lasko Palatinus Syradiensis: Ioānes Comes à Tenczin Castellanus Voiniciensis: Ioannes Tomiecki cum Nicolao filio, Gneznenis Castellanus, Andreas Comes à Gorka: Ioannes Herbortus Castellanus Sanocensis, Stanislaus Criski Castellanus Raciaznenis: Nicolaus Christophorus dux in Olika & Nieswiez, Ioānes Zamoiski Belsensis præfectus: Ioānes Zborowski Odalanouiensis: Nicolaus Fierlei Casimiriensis: Alexāder Prunski Palatinides Kiouiensis: qui petita quidē facultate, nondū tamen impetrata per Germaniam transeundi, accelerantes in Galliam salui peruenerunt. Parisijs 14. Calendas Septembris feliciter appulerunt, nullo suorum in itinere relicto, quorum præter legationis principes & complures nobilissimos adolescentes, in comitatu erant

*Legati in  
Galliam.*



erant amplius ducenti quinquaginta: omnesque à rege Carolo & suis procuratoribus comiter quacum decebat reuerentia suscepti, omnibus officijs blandè hospitalitatis tractabantur.

Conclusionibus autem & conditionibus ultrocitroque alterutrum absolutis & compositis, frequentibus conuiuijs lautissimè apparatis interuenientibus, rex electus Henricus omnibus rebus ad tantum iter comparatis, Parisijs valedixit. 4. Calen. Octobris. Abeuntem vniuersa Gallica nobilitas, ciuium omnium turmæ faustis omnibus sunt prosecuti.

*Henricus regis Parisijs discessus.*

Rex Carolus proposuerat cum vniuerso comitatu ad vltimos regni fines cum fratre amantiſſimo progredi, nec prius diuelli, quàm ad Germaniæ limites ventum esset: verùm in ipso itinere morbo correptus propositum mutare coactus est: animo & corpore fratris discessum agrè ferens. Rex electus, fratre Carolo amantiſſimo infirmo relicto, à Catalanorū finibus Nansiū peruenit: vbi à duce Lotharingiæ sororio, cum omni comitatu, lautissimo hospitalitatis apparatu excēptus est. Tunc temporis verò duplex gaudium accidit: nā Claudia cōiunx ducis filiā recēs enixa erat: cui in sacroſancto baptismo, Poſnaniensem episcopum, & collegas, Christiano ritu sponſores eſſe voluit.

*Itinera Henrici regis.*

Postea valedictione sororio data, Henricus ad imperium citato cursu pergens Blamontum peruenit, vbi cum Catharina cariſſima matre, & Francisco duce Alenconiorum fratre dilectiſſimo, cum Margaritaque sorore amantiſſima, & alijs proceribus Galliæ vltimò amplexus est. Eum in Poloniam vsque ſedis Romanæ nuncius episcopus Montisregalis, &

magna nobilitatis Gallicæ caterua, duces & comites magnoq; in illis regionibus natali loco viri sexcenti ferè, cum suo comitatu Gallico, præter Polonos secuti sunt. Germaniæ principes Blamontum vsque regi obuiam venerunt, vtpote Christophorus Friderici Comitis Palatini filius, princeps Paruæ petræ cum Ludouico fratre, per quos velut itineris duces rex Tabernas oppidum deducitur, vbi à episcopo Argentorati susceptus est incredibili hospitalitatis officio, cum vniuerso comitatu. A Tabernis per Nemetes & Vangiones ad Rhenum fluuium celeberrimum venit, quo superato, ad Fridericum Comitem Heidelbergæ agentem diuertit, qui etiam regem & insperatum hospitem, summa hospitalitate prosecutus est. Trāsito postea Rheno, ad Vangiones reuertitur, & Moguntiam peruenit, à cuius vrbis antistite cum sexcentis equitibus Germanis, honorificè exceptus est: Rhenoq; fluuiio tertio superato Francofordiam ad Mœnum sitam contendit, vbi etiam à ciuibus summa cum obseruantia tractatus fuit. Francofordia mouens Fuldam oppidum in vigilia natalis Domini peruenit, vbi festis transactis, Vahicum appulit, vbi etiam à Wilhelmo Lādgrauio cum tribus equitum Teutonicorum millibus occurrente, maximo hospitalitatis honore susceptus est. Postea superatis Visurgi & Albi fluuijs in Saxoniam intrauit, ibiq; à Calimiro Saxonie principis genero, cum duobus millibus equitum, nobilitatis Saxonice armorum salutatus est, & ad fines ipsos regionis honorificè perductus. Locris postea à legato Maximiliani imperatoris mille quingentis equitibus cincto susceptus, & salutatus ad Marchiæ Brandebur-

*Henricus re-  
gis in Ger-  
maniam  
ingressus.*

*In Saxoniam  
ingressus.*

*Ingressus  
Marchiam.*

Lebargensis principis Poloniae Vassalli, fines perdu-  
ctus, à cuius quoq; aulicis nullo officio hospitalita-  
tis prætermisso honorificentissimè exceptus, Fran-  
fordiam Oderæ fluuio qui Poloniae fines cum Ger-  
manis dirimit contiguam perducitur. Poloni itaque  
fines suos vltra Oderam iam læti considerantes,  
Deo omnipotenti vota persoluebant. Rex etiam  
Henricus imperatori omnibusque Germaniæ prin-  
cipibus, per quorum regiones iter habebat, pro fide  
publicè data, & sincerè conseruata, gratias immen-  
sas per facundum oratorem, suoq; ore proprio con-  
firmatas egit. Tandem feliciter Miedzirzece oppi-  
dum Polonicum peruenerunt, vbi maximo cum  
gaudio à nobilitate gentis Poloniae, proceribusq; &  
magnatibus summo apparatu, pompis, copijsq; in-  
struētissimis susceptus est. Post hoc in maioris Polo-  
niæ metropolim Polnaniam honorificētissimè de-  
ductus, magnificentissimeque acceptus plures dies  
in ea transegit, & Cracouiā contendens, ad sepul-  
turam Sigismundi Augusti prædecessoris sui solen-  
niter honestandam, Albertum Marschalcū Franciæ,  
Comitem Radefiarum præmisit. Quæ tunc tempo-  
ris ante aduentum suum solito more peragebatur,  
cū nunc nobis breuiter describenda videntur: nam  
cū de serenissimi & potentissimi regis diui Sigi-  
smundi Augusti vitæ curriculo, rebusq; feliciter ge-  
stis, tum placida & beata ex hac mūdi colluuiæ emi-  
gratione, interregniq; felicissima tràquillitate mul-  
ta superius cōmemorata sint, id vnum re humanissi-  
me Lector, desiderare amplius velle existimaui, qua  
is funeris pompa, & honore ad sepulturam latus,  
quoque splendore, & qua magnificentia, iusta ei fa-

*Ingressus in  
Poloniam.*



Et essent, de qua re, quoniam ea quoque ut reliqua, honorificentissima ipsi meritò contigerunt, quam potero paucis dicam.

Cùm enim iam annos 50. exegisset, & arduis curis ijsq; frequētibus regni debilitatus, & lenta morbi diuturni tabe confectus esset, integris planè vniuersis, & immotis animi sensibus, de ærumnosa hac vita, obitu sanè per quàm tranquillo, & pio discessisset, Knyfiniæ quo se Varsouia Lituaniam inuisurus contulerat. De Knyfinia postea Tikocinam arcem quam ipse edificauerat munitissimam, duobus miliaribus distantem, funus deductum, tandem Varsouia Cracouiam cum magna senatorum pompa, regina sorore sequente, deducitur ad sepulturam, cùm iam felix aduentus regis electi Miedzirzeciam nunciaretur, ante Cracouiam aduectū, Pradnik Curia depositum, triduoque exacto, omnibus pro iustis persoluendis tanto principe dignis præparatis, 15. Februarij die omnes senatores, & episcopi, ac equites qui ad id funus cohonestandum & expectationem futuri regis vndiquaque confluerant, lugubri vestiti habitu, ad serenissimā reginulam Annam infantem, prudentissimam, piissimamque & honoratissimam virginem, in arcem omnes sese conferunt. Similiter matronæ illustres tetrīs velamentis capita obuolutæ confluunt, quæ principem mœstam, atque adeò exanimatam ferè largifluisq; confectam lachrimis, amanter & diligenter consolabantur. Hæc dum fierent, interim aræ campanæ, in ædibus sacris vrbis omnibus, & circumquaque in pagis vicinis paræcialibus, nuspiam cessabant, quibus & vrbs ipsa, & omnis

mnis circumuicinia latè personuit: sic omnes senatores reginulam Pradnik vsque prosequuntur. Inde funus plumbeo loculo depositum serico viloso nigro obductum, stemmatibus & insignijs regni ornatum, octo equis absolutæ nigredinis deducitur, aulicis circumquaque serici vilosi tegumenta longè per terram errantia tenentibus. Sequebatur verò longè honestissimus illustrium & ornatissimorum virorum comitatus, quibus omnibus vnus habitus atratus & lugubris erat. In his nobilissimi, grauissimiq; viri legati externorū principum, archiepiscopusq; & episcopi cum abbatibus conspiciebantur. Infans mœstissima à legato summi pontificis & Venerorum oratore pederentim deducebatur.

Hinc 32. pheretra serico viloso, & pannis aureis, holosericoq; preciosè tecta præferuntur cum insignijs regijs. Equi 33. similiter omnis generis sericei coloris tecti velamine, vtrunq; latus armis regni ornati deducuntur. Demum singularū prouinciarum vexilliferi, vexilla terrestria, armati equites insidentes generosi præferunt.

Primò vexillum nigrum aulae regiae, aquila alba coronata cū expansis ad volandum alis in campo rubeo præferebatur: aquilam verò omnia insignia prouinciarum regni cingebant.

Postea magni Ducatus Lituaniæ vexillū rubeum equo currēti cum equite armato gladium supra caput tenēti, ex alia parte quatuor columnis insigniebatur, in campo rubeo. Postea vexillum Goncza dictum cruce duplici in campo lafurino insignitum.

Cracouiensis terræ vexillum rubeum, aquila alba similiter insignitum.

Sendomirienſis terræ vexillum rubeum inſignitur, clypeo ſiue ſcutō diuiſo, in vna medietate lineas tres rubeas, & tres albas, in altera campum laſurini coloris cum tribus ordinibus ſtellarum portante.

Kaliſſienſis terræ vexillum capite biſontis inter cornua coronam auream geſtante, per naresq; circulum aureum habente, in campo more ſchachorum diſtincto albo & rubro inſignitur.

Poſnaniienſis terra aquilam albam ſimplicem in campo rubeo geſtat.

Siradienſis terra leonis rubei & aquilę nigre medietate, corona inſigniti.

Cuiaviienſis leonis nigri, & aquilę rubeę coronatorum medietate.

Lanciienſis aquilę albę & leonis nigri coronatorum medietate.

Raueniſis terræ vexillum aquila nigra R, in pectore aureum geſtante inſignitur. Similiter Ploceniſis littera P, in pectore ad differentiam ornata.

Belzeniſis Grifone albo in campo rubeo inſignitur.

Lublineniſis terra ceruum in collo coronatum geſtat in campo rubeo.

Podolieniſis terre vexillum, Sole radianti in campo albo.

Leopolieniſis, leone petram aſcendente in campo laſurino.

Premiſlieniſis aquila aurea bicipiti coronata in campo laſurino.

Chelmeniſis vřſo inter tres arbores gradienti in campo glauco.

~~Włodzisławski~~ Dobri-



Dobrinensis capite humano coronato ex corona cornibus eminentibus.

Vielunensis agno Dei cum vexillo cruce insignito, & calice, in campo rubeo.

Sadecensis scuto diuiso, in cuius medietate, tres lineæ rubæ & glaucæ, in altera nouē stellas in campo rubeo gestat.

Liuenis aquilæ rubæ & vrsi albi medietate coronati.

Drohicinensis stemmate magni Ducatus Lituanie, ex alia parte aquila alba insignitur in campo rubeo.

Kiouiensis sancto Georgio draconem lancea feriente in campo lasurino, ex alia parte vrsi albo in campo viridi ornatur.

Ducatus Prussiæ aquila nigra, ex alis manu armata cum gladio prominente, vexillum rubeum ornatur.

Ducatus Silesiæ Grifone albo in campo rubeo vexillum insignitur.

Palatinatus Valachiæ vexillum capite bisontis inter cornua stella & latere dextro luna defectuosa ornatum, cum circulo per nares transducto, in campo cælestino.

Zatoriensis Ducatus vexillum cælestini coloris, aquila alba literam Z, in pectore ornata insignitur.

Ofwiecimensis aquila nigra O, literam in pectore ornata in campo lazurino.

Massouiæ Ducatus aquila alba cum Ducali pileo in campo rubeo.

Slupcensis Ducatus Grifone rubeo in campo al-

bo, vexillum insignitur. Similiter Pomerania Ducatus ijsdem armis vtitur.

Ante funus regium magnificus dominus N. Maczcieioſki integra armatura cum equo tam affabrè facta ſubtiliſſimèque, tum argento, tum coloribus diſtincta, vt omnium oculos in admirationem conuerteret armatus, in manu gladium auratū punctura ad latus conuerſum geſtabat. Hunc ſequebatur armiger atra veſte circumdatus haſta cuspide in terram conuerſo cum vexillo, ſcutoque à leua cum inſignijs regijs armatus. Enſifer quoque regni gladium punctura cōuerſum ad latus præferebat. Tum pomum typum mundi repræſentans, ſceptrum, corona aurea à ſenatoribus, quibus id competebar, portabantur. Legati autem ſingularū prouinciarum antecedeabant. Poſt nobilitatem ſuccedebat vrbiſ ſenatus & populus longo ordine. Omnes quoque proceſſiones omnium eccleſiarum præibant, longo honoratiſſimoque & præcedentium & comitantium agmine. Ex ludis deinde literarijs pueri de more antecedeabant cum cantoribus, lugubres cantiones decantantes, hos almæ vniuerſitatis doctores, & magiſtri, omniſq; ſtudioſorum ordo inſequebatur. Hinc pluſquam 4. millia obſcuro, & triſti habitu veſtiti vulgus, cum funalibus & candelis vndique collucentibus ibat. Vbi iam in arcem ventum eſt, in ædem cathedralem, quæ vndiquaque defixis cereis collucentibus ardebat, funus honorificètiſſimè deponitur, regalibus ſupra impoſitis. Ex inde finitis cantionibus vſitatis & ſolennibus, orationē funebrem habuit abbas Magilenſis, pietate & doctrina venerabilis; poſtea conuenientiſſimis decentiſſimiſque cere-

ceremonijs exequiarum absolutis, in tumultū maiorum suorum deponitur. Postera die in omnibus ecclesijs episcopi omnes sacra celebrabāt, ad omnes sanctos, ad sanctum Franciscum, apud sanctam Annam, Stephanum, Marcum, apud sanctam & indiuiduam Trinitatem, & in arce apud diuū Stanislaum. Vexilliferi quoque singuli cum suis vexillis, & turba vulgus cum ceteris eadem vt prius processione cum equis totidem, & pheretris pradiētis urbem lustrabant, eques quoque ad funeris pheretrum catafractus vndique cassidem pro plumis cereis ardentibus circumuolutus, equo delabatur, hasta confracta, & gladio proiecto, cumque cantaretur Agnus Dei, cancellarius, & vicecancellarius sigilla regis mortui confregerunt: ceteri autem senatores sua sceptrā posuerunt in altari. Ciues quoq; vrbis suas exequias funebres in ecclesia parochiali apud sanctam Mariam celebrabant.

### DE CELEBERRIMO INGRESSV

*Craconiam, & coronatione praeclarissima Henrici Valesij, potentissimi & inuictissimi Poloniae regis.*

**A**Nno quo diuina potestas humana in specie salutis nostrae restaurandae gratia caelitus sese demisit 1574. curato solenniter sumptuoso funere diui Sigismundi Augusti, & depositis atris lugubribusque vestimentis, & pullis integumentis, omnes ordines regni, & magni ducatus Lituaniae, Russiae, Massouiae, ac ceterarum regionum Sarmatiae, in noui regis desideratissimum aspectum anhelantes, tædioque visendi illius expectatissimi vultus, nō secus



ac patres in limbo ardentes, animos affectionatissimos ad honores illius adiecerunt, nullisque sumptibus quamuis profusissimis ad cohonestandum tantum principem pepercerunt. Longum esset hic referre incredibilem, inestimabilemque vestitum, apparatus, quibus inter se cum pomposi Poloni, tum magnifici & profusi Lituani, & vinci impatientes cum Massouitis Rutheni, magnificentissimis sumptibus concertabāt, & quisque quibus potuit quā maximo sumptu cōparatis, suum præ cæteris in regem affectum ostentare nitebatur. Hi aureis, isti argenteis, illi holosericeis, alij polymitis, alij planis, alij villosis, tum infectis purpura, & tinctis murice & cocco, tum Attalica Semiramidaque textura, & Phrygio opere elaboratis, insertisque cum vniouibus variarum gemmarum lapillis, resplēdebant. Equi omnibustales, quales Vergilius Turno fuisse describit, & Homerus ad Troiam narrat venisse Menonis, Euripidesque Rhesi Thracum principis. Ea erat pompæ sollemnitas, cui nihil adijci ad gloriæ magnitudinem potuisset. Cracouia quoque, vrbs regni caput & metropolis nihil ad tanti principis aduentum expectatissimum omisit, non sumptibus, non continuis laboribus quicquam pepercit. quid referam publicos, priuatosque apparatus, quacunque ingressurus erat rex, expurgatæ plateæ, frondibusque abiectum, ac pinearum semper virentium exornatæ, parietes peripetasmatis auro purpuraque distinctis, & hinc longè pendentibus, in arce vbique radiabant, affixa longistractibus in palatijs aurea balthea: tum aurea & argentea vasa in itarum scalarum per gradus exposita, crebris percussis Solis radijs fulgurabāt, illa quoque

que olim pulueribus squalentia ob diuturnam regis mortui absentiam inaurata pauimenta, aurea lacunaria optimè extensa, excussa, & expolita resplere debant. Plebs quoq; passim portas, ac fenestras virentibus sertis coronabat, alij ad nocturna lumina funabula parabant, alij lignorum strues congerebant, tormenta bellica in vallo & propugnaculis arcis, & vrbis disponebātur, nullus aut ætate, aut valetudine tam imbecillis, qui otio detineretur, qui nō aliquid ad publicum gaudium pari lætitia, diligentiaque, aut excogitaret, aut operaretur. Cumq; iam omnia apprimè & plusquam perfectè apparata optatam diem expectarent, rex electus ad Balicias sesquimiliari à Cracouia distantē villam Palatini Cracouiensis hereditariam aduenit, innumerata Gallorum, & Polonorum multitudine stipatus: ibi noctem ineffabili sua & omnium cum lætitia feliciter trāsegit. Die verò illa optatissima, & niueo calculo signanda illucescente, quæ erat 18. Februarij. Cum discursu triūphali nobilium turmæ plateas vrbis complent, tantaque hilaritate cuncta gaudebant, & serenā facie gestiebant, vt præter peculiarē morem, etiam equi & canes, & quæq; domestica hominibus animalia, iucundis gestibus, vocibusque exultare sentirentur, canorque auiculæ suauissimos concentus, vltra consuetum adsonarent, exultantiumq; vocibus ipsum cælum reboaret. Phœbus pater, qui caput suum atris olim (ob regem mortuum mærorē exprimens) nubi-  
bus occuluerat, obscura caligine pariter cum hominibus disiecta, igniuomis radijs coruscās, propriāq; lucis candore resplendens gratissimus apparuit. Interque & post coronationem aliquot hebdomadis

affiduè lætus permāsit, vt non bruma, sed ver ipsum appareret. Antequam se autem è balicijs rex mouisset, de repēte vndarum violenter altis de montibus cadentium in speciem effusa senatorum, equitum, populi, & totius vulgi, vtriusque sexus inæstimabilis multitudo, in occursum eius, magnifico ornatu, spectabiles, Xerxisque exercitum referentes, omnes campos extra urbem, omnes montes, colles, aggeres, omnes vias, ac villarū tecta, & summa arborum oppleuerunt, densissimisq; turbarum globis, principi suo quā longissimè obuiam procedere gestiebant. Primus autem senatorū archiepiscopus Gnesnensis Hungarico habitu ducentos hastatos equites fulgentes, holoserico auro intertexto, produxit, quos ipse insequitur rubea rheda, quam sex equi serico rubeo ornati trahebant, vectus in qua cum eo episcopi Posnaniensis, Adamus Conarski, & Plocensis, Petrus Miscobski sedebant. Crux autem præferebatur. Hos Leopoliēsis archiepiscopus Stanislaus Slomowski, cū Camenecēsi episcopo, subsequuntur, qui etiam splendenti equitatu roboreque militum magnum triumpho supplementū addiderunt. Cracouiensis episcopus Fraciscus Crassinski, proximus fuit, quem Italico ornatu ducenti equites, holoserico vestiti, marturibus subducto & argento affabrè depicto, aureis torquibus insigniti, præcedebant. Eius vestigijs Cuiaviensis Stanislaus Carncouuski cum Chelmenſi episcopo, & Lanciensi Palatino viris & equis illustres insistebant. Castellanus Cracouiensis Hūgarico ornatu, primus post episcopos, ducentos hastatos equites auro & argento conspicuos, clypeisque & vexillis fulgentes produxit.

Hinc



Hinc Palatini summa grauitate insignes procedunt, quorum primus Cracouiensis, cum fratre Sandomiriensi Capitaneo generali, trecentos viros, auro argento iuxta, ac equos Hungarico more, & Scythico supra modum exornatos producunt. Sandomiriensis quoque Palatinus, cum fratre Enlifero regni, ducentis quinquaginta equitibus tam ad pompam, quam ad pugnam perfectè instructis holoserico auro & argēto fulgenti Hungarico more pariter cum equis vestitis commitati prodeunt. Hos Ofwiecimensis, Bresnensisq; Castellani subsequuntur, qui numero & apparatu hoc triumphale cumulabant agmen. Tandem Calissiensis Palatinus Hunnorum habitu instructam turmam clenodij, monilibusq; corruscantem, & equis auro ornatis superbam ducebat. Hunc lumen patriæ, & firmum virtutum omnium propugnaculum Albertus à Lasko Palatinus Siradiensis visendo apparatu, cum quadringentis equitibus Hungarico, & centum Scythico more instructis procedit, qui omnium consensu facilè tulit in hoc triumpho partes priores, tanta enim cura suas apparauerat turmas, vt neque virum alio equo, neq; equū alio viro indigere diceres. Postea Podolia Palatinus huic triumpho agmini 150. equitibus armatis decora quasi addidit corollaria. Deniq; Lituaniæ & Russiæ proceres promiscui, sumptuosè & profusè pomposi, acies tam ad bellum quam ad triumphum instructas producunt, Quorum primus Nicolaus Georgius Radiuilus dux, Palatinus Vilnensis, decoris patriæ, & senatoris eruditi, ac solertis planeq; diuini ingenij equitatus, Polonorum adæquat laudem. Hunc Castellanus Trocensis decenter tam

viris quàm equis instructus committatur. Hinc Io-  
 annes Chodkieuicius Samogitiæ generalis capita-  
 neus, &c. bello ac pace clarissimus, & ad res magnas  
 gerendas natus procedit. Deinde eiusdem Ducatus  
 thesaurarius supremus, & Minscensis Castellanus  
 equis & viris auro corruscantibus superbi sequun-  
 tur. Postea Nicolaus Christophorus Radiuilus dux,  
 curiæ Marschalcus, Italico eoque sumptuosissimo e-  
 quitatu cinctus. Tandem exercitum campiductor,  
 incisor, dapifer, pocillator, hij Hungarico, illi Italico,  
 isti Scythico, Moschouiticoque habitu & ornatu su-  
 perbè instructi insequuntur, & alij innumeri quos  
 recenserè longum esset. Dies me deficeret, si ordine  
 persequar singulos, qui viri, qui heroes, qui duces,  
 ad illam celebritatem cohonestandam vndiq; con-  
 fluxerunt. Apparebat Lituanorum equitatum tria  
 millia superare, holoserico, gemmis, vnionibus, cor-  
 ruscantè. Post Lituanos proceres dux Còstantinus,  
 Kiouic Palatinus cum duobus filijs, vno Italico, alte-  
 ro Moschouitico habitu ornato, præcedentibus tre-  
 centis equitibus superbè auro & argento rigentibus  
 stipatus occurrebat. Braßlauiensis quoque Palatinus  
 Wolinios suos Scythico more pulcerrimè & sum-  
 ptuosissimè vestitos ducètos produxit, pharetris, &  
 arcubus auro corruscantibus. Tandem Culmensis,  
 Mariemburgensis, & Pomeraniæ Palatini Germa-  
 nico ritu superbas producunt acies. Dulscius quòq;  
 Prutenus 36. equites loriceis indutos & auro fulgen-  
 tes adiunxit, eisdem. Hinc Comites à Tekin, Ioan-  
 nes Woinicensis, & Andreas Belzensis Castellani,  
 familia antiqua, & reb. insigniter gestis illustres 250.  
 Hungarico more hastatos equites, clypeis, vexillisq;

ac vestibus & equis auro micantibus, educunt. Eos Herbartones, ingenio & prudentia, librisq; à se editis clari, cum ducentis. Camenecensis, SauichWofstensisq; Castellani cum ceterum quinquaginta equitibus cincti. Andreas Wapowski cū centum, & Bieccensis ac Radomienſis cum octuaginta bene armatis egrediuntur. Post hos Stanislaus Comes Tarnow Castellanus Cechouienſis 200. equitibus, clypeis hastisq; & vexillis auro redimitis, murice tincta cocco & marturibus subducta vestitis, cum tormentis duorum curruum affabrè instructis progreditur.

Castellani quoque ceteri quos sigillatim numerare infiniti laboris esset, bene in acies instructi, & ad triumphum cohonestandum tanti principis convenientes, subsequuntur. Cancellarius quoq; cum thesaurario regni Hieronymo Buzinski omni virtute & patriæ amore senatores venerandi, suas copias insigniter adornatas præsentant. Post hos Marschalcus curiæ, Andreas Opalinski vnde quaq; virtutibus absolutus vir, cum 75. equitibus Italico more egregiè exornatis. Deinde vltimum agmē claudebāt capitanei ciuitatumq; & officiorum regionum præfecti, qui etiam suas in acies pomposè instructi ingentem exercitum exprimebant, aliorumque aut adæquabant, aut superabant laudem: & vereor ne tantorum illustrium virorum splendore captus obuias imprudēs alios præteream, alios verò absq; discrimine ponam. Lublinensis verò Palatinus Maciewski cū filio, & nepotib. insigni virtute præstantibus 200. equitibus cum vulturinis alis & clypeis ac vexillis Hungaricè terribilibus. Hos Dzialini, Secignieuiorum, Camieneciorū, Ociescij, Coscielecij,



Tomicij Castellani Gnesnenſis cum filio, Padnieuij, Barſi, Bonaronum, Miſcouij, Droieuij, Leſnio Wolij, Staskouij, Nemſtæ, Reiorum cum oloribus in tergis coronatis & lilijs in pectore ſuper clypeos ad ſimilitudinem cādidarum aquilarum inſignitis, Noſcouij, Belzéſis præfecti Zamoſcij, aliq; innumera- biles & inēſtimabiles equitū exercitus, vt ita dicā, o- mnib. portis, & ſuburbiorū latebris ſeſe effundebāt. Aulici quoq; regis mortui officia ſua minimè negle- xerūt, equi quoq; ſingulorū ſenatorum, & equitum ducticij, magnā triūpho præbebant amplitudinem, Cubicularij etiā regis mortui, hi Italica, illi Hunga- rica ſpecie auro & argento, veſteq; prætexta fulgidi, cæteros claudebant, quibus nihil neque dici, neque fingi ſpecioſius poteſt. Poſt ſenatorum & equitum turmas, ciues cum plebe, ſubſequebantur, quorum equites Germanico habitu erant 120. pedites 4000. adæquabant, omnes fulgidis armaturis ſplendidi, ac diſcolori veſtitu & vexillis ſecundū opificum cōtu- berna, corruſcantes, ſimiliter Clepariana, Caſimi- riana, & Stradomiana gentes. Exercitu omni per hunc modum diſpoſito, iuxta Lobzowium & Bro- nouice vicos ciuitatis. Rex ſuis Gallis, Gualconibus, & magna noſtrorū turba ſtipatus aduenit, tormen- ta autem vbique horribiliter interdum explodun- tur, & taratantara, taratantara acriter reſonant, ibi epiſcopus Plocenſis Miſcouius facunda & Cicero- niana oratione, regem omnium ordinum nomine ſalutauit. Bibracus poſtea regio nomine affabiliter ad omnia reſpondit. Dehinc ciues Caſimirienſes, Cracouienſes, & Clepardienſes, eum ſalute humi- liter impertiunt, qui etiam placida, & optimè ſpei  
plena

plena respōsa retulerunt. Absolutis salutationibus, rex singulos exercitus, agmina cōstricta, oculis perlustrat auidē, quę tanta erant hominum bene armata congeries, vt plerique vsu rerum bellicarum periti, eandem etiam valido hosti opponi potuisse affirmarent, tormentorum magistri & scloppetarij tonitrua crebra iterant, resonant, & concutitur sonitu æther. Tandem rex circiter primam noctis horam urbem ardentibus facibus resplendentem diui Floriani portam ingreditur, albo equo & sublimi altitudine illustri magnificentissimē epiphiato, phaleratoq; auro vndiq; refulgente vectus, cui insidens altior omnibus eminebat, vt à cunctis cōspiceretur. Consules autem vrbis vmbellam auream vsque in arcem super illum portauerunt, veste nigra pelli- bus pãtherinis suffulta indutus erat, Vascones scloppetarij 40. & Heluetij cū alabardis 60. duobus cum tympano & fistulo præcuntibus latera eius muni- bāt, quibus holosericę virides vestes, croceo colore distinctę erant, in primo loco circa regem Niuer- nensis, & Dumeneius duces, Marchio Elbenfis, Du- ca de G Wisa, alij primores Galli, & aulici regij, sin- guli honoris causa inter binos Palatinos deducebā- tur, sequebantur & anteibant tympanistarum, tibi- cinum, cornicum, multitudo, singuli suum taratan- tara resonantes. Succedebant quoque diuersorum principum, & populorum, oratores & legati, popu- lus promiscuus per varias turmas & cuneos egre- diens regem suum videre gestiens, quo ille proce- debat ferebatur, omnes sui ordinis & decoris obliti quem sors cuique locū obtulisset, occupabat. Con- scendunt alij tecta, & summis pendent tegulis, alij

trahibus insident, alij columnis implexi, alij muris  
hærent, omnes fenestræ, omnes rimulæ suis specta-  
foribus refertæ, perforati parietes, diruptæ mace-  
ries, quo oculos suos tam expectati regis spectaculo  
populus expleret, nullus locus non occupatus, ne  
ijs quidem qui non nisi ruinofum & periculofum  
caperet vestigium. Cùm ad forum fuisset peruen-  
tum, tandem omnium aures tubarum clangore, &  
scloppetariorum bombardariorumque tonitribus  
obsurduerant: in ipso autem Castrensis portæ ve-  
stibulo, arcus affabrè extructus erat triumphalis, ta-  
peris exornatus aureis, in quo tibicines officium  
suum strenuè adimplebant, in summitate verò tur-  
ris aquila alba subtiliter & artificiosè facta lilijs in  
pectore insignita, in omnes partes quo rex ibat cir-  
cumuoluebatur, stridentibus alis, & capitis inflexio-  
ne, ac quodam strepitu lætitiæ quasi præseferens.  
Cumque rex arcem ingrederetur, scloppetæ omnes,  
tum & maiores machinæ tanto strepitu, fulgoreque  
exonerabantur, ac si Iupiter ipse quidquid vîpiam,  
in thesauris suis fulminum, tonitruumque conclu-  
sum habuerit, id totum pariter, simulque nunc cæ-  
lo demississet, tum verò genere, tympanorum, ty-  
biarum, tubarumque tonis nubes perstrepebant.  
Arcem ingressus ubi etiam supra, aquila affabrè fa-  
cta alis applaudebat, in ecclesia diui Stanislai cathe-  
drali, à canonicis salutatur, & postquam Te Deum  
laudamus, suavi melodia decantaretur, ad reginalem  
maiestatem rectà deducitur, ubi ultro citroque data  
salute in palatium auro splendidum cœnaturus, &  
acquieturus pergit. Postridie verò rex in senatus-  
cōsultum veniens per Bibracum cancellarium pri-  
uatum,



uatum, omnibus ordinibus regni gratias egit: quod sibi integrum atque floridum tantum regnum diuinitus administrandum præstiterint, Deumque omnipotentem precatur, vt is ipsis, atque adeò toti Reipub. Christianæ sit salutaris, polliceturque daturum se sedulè operam, vt conceptæ de se apud illos opinioni cumulatè satisfaciat, & vt coronatio properaretur obsecrabat. Ad hæc sequenti die Sandiuoius Carncouius Refferendarius regni maiestatem regiam à nobilitate affabili oratione salutauit, in qua & Reipub. incolumitatem, & regiam dignitatem sufficienter deduxit, explanauitque, vt omnibus satisfactum videretur. Regio quoque nomine similiter responsum est, omnibus eum satisfacere, & salua omnia sibi cōcredita conseruare velle, & non tantummodo literis approbare, verum etiam sanguine obſignare paratum esse. Eadem die sole occidente cum magna episcoporum caterua, & legato summi pontificis in rupeculam Casimiræ, diui Stanislai (vbi occisus fuit,) ædem Polonorum patroni, deducitur, vbi Deo deuotissimè supplicauit, & sacris de more exosculatis, in arcem redijt. Quam visitationem sancti Stanislai in Rupella omnes reges ante coronationem obire debiti sunt, ex more recepto.

EXEMPLAR QVARVN-  
DAM LITERARVM SVPER  
DISCESSV CHRISTIANISSIMI  
AC SERENISSIMI HENRICI III. GALLIA-  
*rum ac Poloniae regis: itemq; illustrissimi se-  
natus Poloniae ad eundem  
regem.*

INCERTO AVTHORE.

ORATIO

DANZÆ AD SENATVM REGNI  
*Poloniae Cracovia congregatum habita.*



HENRICVS Christianissimus & Se-  
renissimus Franciæ & Poloniæ rex,  
dominus meus clementissimus, me  
die 18. huiusce mensis Iunij, hora  
nota pomeridiana, aut circiter ad  
se vocavit, qui primùm agnouit me  
fideliter, & diligenter Christianissimis regibus, aui,  
patri, & duobus ipsius fratribus inseruijsse, eademq;  
se à me obsequia certè expectare significavit. Et cum  
ille de suo discessu mentionem fecisset, ingenuè fa-  
teor, me magnitudine periculi vehementer percul-  
sum, perturbatumq; esse. Postea honorificè multa  
de regno Poloniæ loquutus, tandè testatus est, cum  
ordines regni Poloniæ eum regem agnouissent, sa-  
tis scire, illos se, vxores, liberos, fortunasque omnes  
vnà cum regno fidei ipsius commisisse, eam ob caus-  
sam, se probi, digniq; regis officio nunquam defutu-  
rum, affirmabatq;, se nec eos nunc deserere, nec vn-  
quam

quam deserturum. Ad hæc, referebat, se amplissimum regni Poloniae senatum, qui tunc hic aderat, de obitu Christianissimi regis ipsius fratris certior rem reddidisse, & quanto desiderio regni Franciæ ordines eius in patriam reditum expeterent, declarasse. Præterea, reginam ipsius Serenitatis dominam matrem iam sæpius & scripsisse, quod si maturè in regnum non rediret, eam tot hostium viribus, quibus vrgebatur, diutius resistere non posse, ab eoque summis viribus contendere, ut patriæ in tanto periculo consuleret sua præsentia, cum ipso absente id effici posse non speraret, dictum regni Poloniae senatum illam quidem profectionem probasse. Verùm reliquos regni senatores prius conueniendos esse respondisse. Cùm verò regni Franciæ negotia eam moram non paterentur, sibi vel vitæ periculo patriæ necessitati esse subueniendum, statum regni Franciæ perturbatissimum, afflictissimumque esse narrabat, cùm provinciæ omnes in armis essent, bellumque nunc illic maioribus viribus, maioriq; animorum exacerbatione, quàm antea vnquam, gereretur. Ad hæc, aduersarios ingenti classe littus Gallicum infestare, & principem Condæ cum sex millibus Germanorum equitum in Franciam proficisci, maioresque copias per Germaniam, vicinaque loca cogi, quæ illum esse subsequutura, eam ob rem se non posse, nec etiam velle patriam in tanto periculo deserere, pro qua sanguinem fundere illi esset iucundissimum: scire eum, sibi moriendum esse, honestam verò mortem nunquam fugiendam, sed potius optandam. Hæc cùm fortissimi principis, magnique animi officia sint, non dubium est, quin is ve-



rus, sincerusq; amor, quo reuerendissima, illustrissimaq; dominationes vestrae sint amplexae, & confirmabitur, & augebitur, cum illae eum in pace moderatissimum, æquissimumque: in bello verò constantissimum, acerrimumque defensorem essent habiturae: Interim verò nobis Francis tristissimū & quauis morte grauius. Et cum reges Christianissimi hactenus, quacunque ire voluerint armis, & vera virtute sibi iter aperuerunt. Nunc videte hunc regem nostrum ea qua est ætate, vagum & in peregrinata terra errantem omnibus supplicem esse: nec iam sua culpa, sed nostra causa, & vero in patriā amore. Et quoniam ipsius Serenitas facile prouidebat, dominationes vestras reuerendissimas & illustrissimas inopinatū istum suum discesum molestissimè laturas, ille mihi sapius iniunxit, vt graues, æquissimasque causas, quæ illum tot, tantisque periculis se exponere cogant, dominationibus vestris reuerendissimis & illustrissimis declararem. Quibus intellectis sperabat, ea sibi nihil de ipsarum in illum beneuolentia remissuras esse: sed constanter in data fide perseveraturas. Hæc autem vt ille consequeretur facilius, significauit mihi, se ad quosdam regni istius senatores literas dedisse, & à me petebat, vt ipsis redderem, eosque suis verbis diligenter rogarem, ne illi hoc suo discesu offenderentur, sed iustissima, necessariaque causa perspecta, illum haberent excusatum etiam apud ceteros regni senatores & proceres excusarent, illum omnia ipsis clemētissi. Principis officia polliceri, & cum ipsius Serenitas literas illas in suo cubiculo esse putaret, vni soli cubiculario qui tunc adfuit, iniunxit, vt mihi illas daret: qui respon-

respondit, nullas ibi literas esse, tunc ille promisit, securaturum, vt mihi altera die traderentur, & quoniam heri amplissimus senatus à me seriò petijt, vt si ipsius Serenitas mihi alia mandata, vel priuatim, vel publicè quibusdam deferenda demandasset, illa ego apertè declararem. Ego sanctè iuro & affirmo, ipsius Serenitatem nihil mihi iniunxisse, cuiquam dicendum, proponendum, & promittendum, quàm ea, quæ exposui, videlicet, vt eius discessum apud omnes declarata vera caussa excusarem: eos, quibus scribebat, hortari, vt in veteri in eum fide & beneuolentia perseuerarent, ab ijsque obnixè peterem, vt eum quoque apud cæteros regni senatores, procures excusarent, & omnibus clementis. & optimi regis officia promitterent: vt autem ipsius Serenitas propensissimum suum in hoc regnum studium, solitudinemque testaretur, mihi quoque demandabat, vt dominationibus vestris reuerendis. & illustribus. significarem, sibi consultum videri, vt in primis idonei legati ad ipsius Serenitatem eligerentur, qui magnis itineribus in Franciam contenderent: hac enim ratione fore, vt omnes facilius in officio vestris prudentissimis consilijs & autoritate continerentur. Nam vbi illi intellexerint, ipsius Serenitatem mortuo rege fratre pro motibus regni Franciæ sedandis, paceque sua præsentia conficienda à regni illius ordinibus supplicibus precibus, magna contentione euocari, & eam ob caussam militum regni Poloniæ senatum legatos misisse, vt eorum consilijs & intercessione pax æquissimis conditionibus facilius constituatur, sperandum est, quòd interim omnes regni Poloniæ legatis decerneretur,

sunt expectaturi, & certè legatorum præsentia ad Francorum animos flectendos, & negotia publica ad optatum finem perducenda, profutura. Ego Carolus Danzeus, à Danzj, Christianis. & serenis. Franciæ & Poloniæ regis consiliarius hæc quæ hoc scripto nomine ipsius Serenitatis declaravi, & confessus sum, vera esse testor & affirmo. Cracouiæ 22. Iunij, anno 1574.

*Carolus Danzeus manu propria subscripsit.*

*LITERÆ SENATVS REGNI POLONIAE ad imperatorem Romanum.*

**S**Acra Cæsarea maiestas domine, D. clementiss. faciendum putauimus, vt sacram Cæs. maiest. vestram pro ratione vicinitatis & officij nostri certiorrem faceremus de ijs, quæ proximè præteritis diebus apud nos acciderunt. Quanquam ea minimè ignota sunt S. C. maiest. vestræ, quin imò certò scimus, sereniss. regem nostrum ditiones S. maiest. vestræ intrasse non satis pro regia dignitate, paucis duntaxat comitum. Quæ ex re S. C. M. vestra facilè intelligere potest, sereniss. regem nostrum præter scitum & opinionem nostram in regno discessisse: nam C. M. V. non ignorat, quæ fide & obseruantia nos principes nostros prosequi soleamus, neque hunc sereniss. regem nostrum debito honore priuaremus, si cum scitu & consilio nostro eam protectionem instituisset. Subsecuti sunt & officiales regni, & insequendo Plezinam vltra oppidum domini Premniz ditionis Maiest. vestræ processerunt: sed ab instituto suo nulla ratio-



la ratione se reuocari passus est. Reliquit quidem sua maiest. literas ad nos, quibus hoc regnum nobis commendat, & causas explicat, quam ob rem nos celauerit de profectione sua: nimirum, vt sereniss. matrem, patriam, & regnum illud florentiss. ab interitu vidicaret. Sanè vt primum de morte Christianissimi regis Galliarum, fama apud nos increbuit, & successionem ad sereniss. regem nostrum deuolutam esse, ne in eo quidem, quod illi naturaliter & hereditatiue obtigit, sereniss. regi nostro obesse volumus: nam & de periculis omnibus, de salute & commodis regni illius non minus quam de nobis ipsis cogitationem suscepimus, communicatisque consilijs de rebus omnibus statueramus prouidendum, adeò vt nullum sereniss. rex noster fidelium subditorum officium in nobis desideraret. Sed eius rei culpa hæret non tam penes excelsum, & vere regalem ipsius animum, sed penes eos, qui eum priuato consilio ad hoc factum impulerunt. Ex quibus omnibus Sacra C. M. V. pro sua prudentia iudicare poterit, discessum hunc sereniss. regis nostri his temporibus accidisse, quibus maximè ab hostibus Christiani nominis ex minima occasione metuenda sit omnis periculi suspicio in hoc regno potissimum, quod est quasi pro aliquo præsidio Christianis prouincijs collocatum, quæ quidem pluribus verbis S. C. M. vestræ scribimus, primum ad remouendam prætermissi officij erga sereniss. regem nostrum culpam, ne quis in eo nos deliquisse arbitraretur: deinde verò vt S. C. M. V. ad eam fœderum & pactorum communionem, quæ M. V. cum regno Poloniae intercedit, inuitaremus, rogâtes, vt quem-

admodum sanctè, & inuiolatè hæctenus ea coluit, ita & nunc ea obseruare non desinat. Porro negocium hoc omne S. C. Maiestati V. ita commendamus, vt nulli magis vnquam commẽdare possimus. Nam vt nollemus inuitum quenquam nobis imperare, ita non libenter videremus, nostales existimari, qui nesciamus officio nostro vti, & voluntates principum moderari. Non deest nobis animus pro dignitate, & libertate nostra quẽuis consilia habere: sed Polonorum semper fuit reges, & principes suos colere, reuereri & honestis potiùs, quàm externis studijs & officijs eos prosequi. Quod reliquum est, nos, studiaq; nostra S. C. Maiestati vestræ commendamus. Data Cracouiæ, 21. Iunij, 1574.

*Eiusdem S. C. Maiestati vestra additiss. seruitores, senatus regni Polonia, Cracouia congregatus.*

REVERENDISSIMIS, ILLVSTRIBUS & magnificis dominis, senatoribus, nobilibus, & generosis equitibus regni nostri Polonia, & magni Ducatus Lituania, Henricus Dei gratia Polonia rex, magnus Dux Lituania, &c.

**R**everendissimi, illustres, & magnifici domini, senatores syncerè nobis dilecti, vosq; generosi, & nobilissimi Equites, dici non potest, quanto cum doloris sensu in animum nostrum induxerimus, vt non expectatis incliti huius regni comitijs, in Franciæ regnum, quod nobis nuper legibus, iureq; hæreditario obuenit, propterandum statuerimus. Siquidẽ in merita vestra erga nos, in caritatem, & bene-

& benevolentiam, qua nos complectamini, intuentes, non potuimus sanè sine lacrymis ac firmitate dolore de hac nostra in Franciam profectio cogitare. Multa ante oculos obuersabantur, quæ commemorare longum esset, idque planè vinceret recordatio beneficiorum vestrorum, ita ut omnino nobis certum & constitutum esset, Francia regnum administratione sanctæ reginæ matronæ concessa, & demandata, hinc non modò comitia expectare, verum etiam si ita nobis videretur, integram ferè aetate degere. Testis mihi Deus est, testes quoque non pauci ex senatoribus, cum quibus simul atque de morte Christianissimi regis fratris mei indicatum vobis est, copiosè de hac re egimus, atque ex illorum sententia sub huius regni nostri sigillo ad serenissimam matrem meam mandatum amplissimum, quod *Regentiam* Galli vocant, misimus, priuatis etiam nostris literis illustrem principem Alanconium, Henricum Nauarra regem, & omnes Galliarum principes ac proceres sedulo monuimus, ut nostri desiderium e quo animo ferrent, nec aduentum nostrum frustra expectarent. Ita profectò res se habent, mutadi verò huius consilij, aut potius sententiæ nostræ, quæ penitus insederat animo, hæc fuit causa, quæ vobis, hoc est, prudentibus ac sapientibus viris spero probabitur. Hesternæ die sub nocte ferè allata sunt nobis literæ à serenissima regina matre, & multis Galliarum proceribus, & primarijs viris, in quibus scriptum erat, necessarium omnino esse, ut quam primum dispositis equis ad celeritatem istuc aduolare, in summo esse discrimine res Gallicas, actum prorsus aliter videri de vetustissimo, nobilissimoque totius Europæ regno, nec ullam aliam



rationem esse tuendi, & cōseruandi nobis illius imperij, quàm si intra dies viginti ad summum Lutetiæ Parisiorum, vel saltē in finibus regni nos sisteremus. Multa erant alia diligenter perscripta in illis literis, ex quibus non modò periti rerum Gallicarum, sed etiam exteri non ignari rerum humanarum facillè possent intelligere, ilico & sine cunctatione nobis discedendum esse. Quamobrem lectis illis literis, apud me necessariò constitui, quanta possem maximaceleritate in Galliam proficisci. Cùm autem si de profectione mea cognitū esset, multa imminere videbantur, quæ celeritatem, in qua omnia posita essent, retardarent, faciendum nobis putauimus, vt tacitè proficisceremur. Itineris Gallici ratio nobis non est ignota, nec ignorantur studia, & mores illarum gentium, per quas nobis transeundum est. Itaq; nihil opportunius, nihil securius visum, quàm vt omnès de profectione nostra celaremus, & subita ac festina abitione discessus nostri famam anteuertiremus. Habetis paucis rationem consilij nostri. Reliquum est, sic vobis persuadeatis, nihil quicquā hoc facto de pristino nostro erga vos, totumq; hoc nostræ Poloniæ regnum amore decessisse. Vos quoq; nobis illam summam, qua hætenus nos persecuti estis, beneuolentiam, & obseruantiam integrā conferuabitis. Nullam certè nos vestri tuendi, ornandi, & augendi huius regni nostri occasionem labi, aut diffluere permittemus. Dignitatem nostram, & Poloniæ regni tantisper dū absumus (aberimus autem, quàm minimū poterimus) fidei, integritati, prudentiæ, & sapientiæ vestræ commendamus. Cupimus insuper & hortamur vos, vt primo quoq; tempore egregios

egregios viros ex omnibus ordinibus lectos, ad nos in Galliam mittatis, cum quibus seriò, & diligenter de omnibus, quæ ad vtilitatem, & ornamentum huius nostri regni pertinent, tractabimus. Iterum atq; iterum salutem, concordiam, incolumitatem regni nostri, & existimationem nostram vobis quàm obnixè fieri potest commendamus. Benè valete. Cracoviæ, 18. Iunii, 1574.

*Henricus rex manu propria subscrip.*

REVERENDISSIMO IN CHRISTO

*patri, domino episcopo Cuianiensi, sincerè nobis*

*dilecto Henricus Galliarum, &*

*Poloniæ rex.*

**R**everendissime domine sincere nobis dilecte, pro mutatione rerum, & temporum mutanda quoq; esse consilia, paternitas vestra non ignorat. Quod ipsum viri prudentes fecêre semper, & nobis nunc quoque necessariò faciendum est. Constituebam quidem superioribus diebus quemadmodum vestra paternitas de me bis intellexit, apud vos manere, saltem donec comitia indicta, coacta, & peracta fuissent. Nunc verò, cum ex literis serenissimæ reginæ matris meæ, quas hodie sub tēpus cœnæ accepi, intelligam regnum Galliarum in eo esse statu, ut de toto illo amplissimo & nobilissimo regno nostro planè actum sit, nisi quàm primùm incredibili celeritate illuc pervenero, celare discessum meum æquum est propter multas causas, quas paternitas vestra cognoscet à nobili & generoso viro D. Danzæo

consiliario nostro, cui vt fidem adhibeat in omnibus rogo. Ego nihil magis cupio, quàm vtrumque fegnum retinere: neque enim id nouum est, neque legibus vestris aduersatur, & erit Polonicæ genti perhonorificum & tutissimum, eum habere regem, qui Galliæ simul imperet. Verùm, de toto isto negotio, quod grauissimum esse puto, mihi magnopere curæ est, vt debet esse, cum paternitate vestra copiosè ex animi mei sententia dictus Do. Danzæus, communicabit. Puto me à vobis amari plurimùm, quemadmodum quoq; vicissim nihil est certè, quod non vestra causâ velim. Noui ingenium tuum, noui fidem, & integritatem. Hoc tandem peto, & à prudentia tua, ingenio & dexteritate illud expecto, quò contèdat, & efficiat paternitas vestra, vt incliti senatus Poloniae, & alterius quoque ordinis studia erga nos eadem manean, quæ hactenus fuère. Incumbe quæso totis viribus in eam curam, & sollicitudinem, nihil nobis gratius quicquam posset accidere. Faciam autem, vt tu nec immemorem amasse, nec ingratum principem dilexisse videare. Bene valeat paternitas tua, sincerè nobis dilecta. Regnum nostrum vobis commendamus. Data Cracouiæ, 18. die Iunij, anno 1574. sub nocte.

*Henricus manu propria subscrip.*

ALLV.



## ILLVSTRIBVS AC MAGNIFICIS

dominis, domino Palatino Cracouiensi, & domino  
Zbero Wio Marefc. curia, sincerè nobis dilectis, &  
reuerendo D. Wolki Vicecancellario nestro,

Henricus Dei gratia Galliarum, & Po-  
lonia rex, magnus Dux Li-  
tuania, &c.

**M**agnifici domini sincerè nobis dilecti, cogi-  
mur in Galliam nunc proficisci cōtinuato die-  
rum, noctiumq; itinere. Nam ex literis sereniss. re-  
ginae mātis nostrae, quas hodie sub tempus cœnæ  
accepimus, intelleximus, regnum Galliarum in eo  
statu esse, vt nisi incredibili celeritate illuc peruene-  
rimus, regnum nostrum omnino pereat. Quo qui-  
dem nuncio valde commoti sumus: nec enim quic-  
quam minus expectabamus, & motus Gallicos, aut  
leues esse arbitrabamur, aut eiusmodi, qui me ab-  
sente, auctoritate serenissimæ reginae mātis meae  
sedari possent. Sed postquam aliter esse video, nolo  
nūc ipse deesse. Itaq; nūc maxima celeritate in Fran-  
ciam proficiscor: necessariò me id facturū homines  
prudentes, qui Gallica norunt, statuent. Discessum  
meum celare operæ precium fuit propter eas caus-  
sas, quas Magnificentię vestrę à nobili, & generoso vi-  
ro D. Danzeo consiliario nostro intelligēt. Ego vos,  
totamq; familiam vestram amaui semper, & quan-  
tū animo licuit, libēter ornaui, à vobis nūc omnia  
beneuolentiæ ac sinceræ amicitie officia expectans.  
Illud oro in primis, vt auctoritate vestra, quantū  
fieri poterit, omnia cōtendatis, vt incliti senatus stu-  
dia eadem erga me absentē maneant, quę hactenus

fuère. Verùm de hac tota re, alijsq; grauiſſimis mul-  
tis rebus dictus dominus Danzæus meo nomine  
vobiscum ager copioſè, cui vt fidem habeatis, vehe-  
menter rogo. Data Crocaviæ, die 18. Iunij, 1574.

*Henricus rex manu propria.*

*ILLVSTRI ET MAGNIFICO DO-  
mino à Tienſzin Caſtellano Weinicensi ſubca-  
merarionostro, Henricus Dei gratia  
Galliarum, & Polonia  
rex, &c.*

**I**lluſtris, & magnifice domine, ſincerè nobis dile-  
cte. Non ſpontè quidem, ſed coacte, & cogente  
rerum omnium neceſſitate in Franciam nunc ma-  
xima celeritate proficiſcimus. Ex literis enim ſere-  
niſſimæ reginæ matris noſtræ, quas hodie ſub tem-  
pus cœnæ accepimus, intelleximus, eo ſtatu eſſe res  
Gallicas, vt niſi expeditis equis illuc aduolauero, o-  
mnino de illo regno actum ſit. Id quoque ſcriptum  
eſt ad me ab omnibus Galliæ proceribus ac prima-  
rijs viris. Quamobrem cunctandum mihi minimè  
putaui, ne mihi ipſi in tanto momento deeſſe vi-  
dear. Diſceſſum verò noſtrum tacitum eſſe, operæ-  
precium fuit propter incommoda itineris. Nouit e-  
nim ſinceritas veſtra, ingenia Germanorū, & quan-  
to odio proſequantur catholicos homines. Quid  
autem nunc à ſinceritate veſtra expectam, & expe-  
ctem, nobilis & generoſus vir Danzæus conſiliarius  
meus exponet vobis: cui vt fidem habeatis, vehe-  
menter rogo. Hoc vnum tantum addam, hac poſte-  
riore epiſtolę parte, te eum eſſe, quem ego ſummo-  
pere

pere amaui, quem plurimi feci, & cuius vicissim amicitiam, & beneuolentiam erga me sempiternam esse cupio. Bene valeat illustris sinceritas vestra.  
Data Cracouiæ, die 18. Iunij, anno 1574.

*Rex manu propria.*

*ILLVSTRI ET MAGNIFICO DOMINO Radt Wiolduci in Olira, Mareſchalc. curie Lituania. ſincerè nobis dilecto, Henricus Dei gratia Galharum, & Polonia rex.*

**I**llustris & magnifice domine, ſincerè nobis dilecte. Hæc ad te ſcribens, neceſſario itinere in Galliam ingredi cogor. Intellexi. n. ex literis ſereniſſime matris meæ, ſcriptis in eo ſtatu eſſe res Gallicas, vt niſi intra 15. dies ad fines Franciæ appulero, actum eſſe videatur de toto illo regno. Id quòq; ſcripſerunt ad nos omnes proceres, & primarij viri, fidẽ meam implorantes. Quam ob rem cunctandum, & procrastinandum minimè putaui. Sed diſceſſum meum diſſimulandum exiſtimaui, vt ſecuriùs tranſeam per Germaniam. Noui enim ingenia Germanorum, & quanto odio catholicos homines proſequantur. Quid verò nũc à ſinceritate veſtra expectem, & expectam, nobilis & generoſus vir dominus Danzæus cõſiliarius noſter exponet meo nomine copioſè, qui has literas ſinceritati veſtræ reddet: cui vt fidem adhibeat, omnino cupio. Bene valeat ſinceritas V. & me, vt hæc tenus fecit, diligat. Data Crocuiæ, die 18. Iunij, 1575.

*Henricus rex manu propria.*



*LITERÆ AD SACRAM MAIESTA-**tem regiam à senatoribus regni Polonia scripta, cum**quibus cubicularius maiestatis sue, Viennam**xx. Junij, Craconia in expeditis equis**delectatus est.*

**S**erenissime rex, & domine, domine clementissime. Obsequia nostra cum testificatione fidelissima subiectionis nostræ S. maiestati vestræ cōmendamus. Itane meriti sumus de sacra maiestate vestra, ut præter spem omnem, & expectationem nostram, hinc discedere nobis inscijs, sacra maiestati vestræ placuerit? Graues impulerunt causæ, S. M. V. & induxerunt ad hoc tam graue, & periculosum iter. Sed grauius illud existimamus esse, quod sacra maiestas vestra inconsultis nobis, hoc fecerit, quasi fidem fidelium subditorum suorum dubium faciens, neque res suas concedens illis, qui se, salutem, facultatesq; suas omnes, fidei sacra maiestati vestræ concrediderunt. Non deerat animus, non defuit facultas, nulla nobis ad aras vsq; (quod dicitur) S. M. V. sequētib; Sed neque S. M. V. bene apud se examinauit, quam est aggressa, neq; committere debuit, ut ultro se tot periculis obijceret. Precamur S. M. V. omnia feliciter ex animi sententia euenire: sed ita tamen, ut prius illi Deus mentem inspiret, ad nos, regnumque suum reuertendi. Vbi salua & incolumis Viennam S. M. V. peruenerit: rogamus sacram maiestatem vestram, ne vltius procedat, ne se maioribus discriminibus exponat, ne cum periculo suo maiores, & excellentiores hominum gradus appetat. Hic enim honos, in quo maiestatem vestram Deus max. collocauit, eo est excellentior, quò processit non à fortuna

fortuna, sed à diuina voluntate, & proborum, & de  
maiestate vestra bene meritorum iudicio. Confide-  
ret maiestas vestra, regnum se reliquisse planè per-  
culis omnibus expositum, nullis fœderū, & pactio-  
num renouationibus confirmatum. Nisi dominus  
custodierit, actum est de nobis, nulla nobis diligen-  
tia, nulla prudentia proderit. Nihil enim sine sacræ  
maiestatis vestrę præsentia stabile & firmum statue-  
re possumus. Petimus igitur à S. M. V. vt maiestas ve-  
stra memor sit fidei suæ ac iuramēti regno huic præ-  
stiti, memor expectationis suæ, quam semel de ma-  
iestate vestra conceptam eò vsq; retineremus: me-  
mor ad extremum salutis, & incolumitatis nostræ,  
quam Deus max. maiestatis vestrę fidei commisit, &  
potestati. Nos si deseret maiestas vestra, vindicabit  
Dominus iniuriam populi sui, neq; formidabit ma-  
iestatis vestrę actiones, nostris malis, & periculis  
fortè grauatas. Hoc si impetrabimus è maiestate ve-  
stra, dabimus operam, vt in reducēda maiestate ve-  
stra omne studium, officium, & operam nostram  
sacræ maiestati vestræ comprobemus. Deum roga-  
mus, vt sacram maiestatem vestram sacram & inco-  
lumen aspiciamus. Datum Cracouiæ, die 20. men-  
sis Iunij, Anno 1574.

*Sacræ maiestatis vestra subditi  
& consiliarij.*

*Senatores regni Polonia  
Craconia congregati.*

## EXEMPLVM LITERARVM A S A.

*era Cæsarea maiestate ad senatores regni  
Poloniae datarum.*

**M**Aximilianus reuerendissimis, &c. Accepimus dominum, & vestras literas die 21. mensis lunij iam elapsi datas, quæque ipsdem, pro solita vestra erga nos beneuolentia de serenissimi principis domini Henrici regis Franciæ, & Poloniæ, magni Ducis Lituanix, contanguinei, & fratris nostri carissimi istinc discessu nobis significanda duxistis. Cognouimus dominationes itaq; vestras, & vos celare non possumus, eundem serenissimum regem vestrum hisce diebus instituti itineris sui ratione ita ducente, huc venisse, tanta quidem celeritate, vt non modò planè nobis inscijs, ditiones nostras intrârit, sed parum etiam abfuerit, quin aduentus sui nuncium anteueneret. Nos verò serenitatẽ suam eo pacto huc delatam, ita excepimus, vt ex mutua vicinitate, quæ cum Poloniæ regno nobis intercedit, dignũ & fraternæ, arctissimaq; necessitudini, qua serenissimis & Christianissimis Franciæ regibus iuncti fuimus, conuenire existimauimus. Sicque serenitas sua iter suum quàm citissimè peragendi desiderio hinc festinans, nudius tertius in Galliam perrexit. Porro velim dominationes vestras, & vos vobis in mentem reuocetis, antiqua fœdera, & pacta, quæ ab antecessoribus nostris accepta cum inclito Poloniæ regno nobis intercedunt. Dominationibus V. & vobis sic persuasum cupimus, nos, qui hactenus nihil magis caræ, vel etiam in nobis habuimus, quàm vt huiusmodi fœdera, atq; pacta firma, inuiolataque conseruaren-



uarentur: adeoque omnibus, quæ huc pertinere visa sunt, nunquam defuimus, nec in posterum hac in parte fore dissimiles. Quod ut de vobis pollicemur, ita nihil diffidimus, quin, quæ estis erga nos, regna, dominiaque nostra præclara, integerrimaque voluntate, vestrum vicissim in iisdem fœderibus sanctè obseruandis, officium haud vspiciam desiderari passuri sitis. De cætero, D. V. & vos, quibus mutua beneuolentia, & bonæ vicinitatis studia deferimus, rectè valere cupimus. Datum Viennæ, 1. Mensis Iulij, anno 1574.

EXEMPLAR LITERARVM AD  
HENRICVM ANDEGAVENSEM A  
Senatu, & Ordinibus regni  
Poloniæ.

*SACRA CHRISTIANISSIMA, ET  
serenissima maiestas regia, domine nobis  
clementissime.*

STUDIA obseruantiam nostram S. regię maiestati vestrę commendamus, à Deoque max. S. maiestati vestrę precamur optimam salutem, felicissimos rerum successus, ut S. maiestas vestra diu sana & incolumis sit, & longissimè ac felicissimè populis à Deo suæ fidei & gubernationi concreditis, imperet cum summa laude sua, & eorum, quibus præest, felicitate. Quæ fuerit vniuersi regni Poloniæ erga maiestatem vestram propensio, cum rex à nobis electus, & ex remotissimis orbis partibus in Poloniam excitus esses, non est opus longioribus verbis maiestati

vestræ cōmemorare. Siquidem in memoriā tua esse existimamus inter clarissimos principes, & orbis monarchas, te omnibus à nobis cōpetitoribus prælatum, in Poloniam ex Gallijs honorificè exceptum, sacro deinceps diademate coronatū, & ita apud nos habitum, vt tibi libentissimè vitam, salutem, iura, libertates, & carissima quæq; in patria nostrā pignora concedere, & in potestatem tuam tradere non dubitauerimus. Et sperabamus quidem, nos imperij tui moderatione post interregni tempus illud luctuosum & difficile, quasi sole post obscurissimas tenebras elucente, regnū Poloniæ splendorē suum recuperare posse, fecissetq; vtinā Deus max. vt expectationi de te nostræ exitus respōdisset, nec ea felicitas, quā ex imperio tuo cōceperamus, interfecta fuisset tristi reip. nostræ casu & perturbatione. Discessisti à nobis, sereniss. rex, patriæ nostræ, imò quoque verò tuæ, corpus integrū tuo hinc discessu reliquisti mancum, ita vt quali per te capite diminuto, patria nostra sine rege suo vitam ducat ægram, & nō mediocri dolore sese conficiat. Auget etiam dolorē nostrum, quòd consilium discessus tui, & te ipsum, vitam, dignitatem, maiestatemq; tuam his concedidisti, qui priuata magis apud nos obseruantia, quàm vlla fide publica se tibi esse obstrictos, agnoscere debuerunt. Nos tibi fidem nostram, nos obseruantiam, nos cultum, nos in prosperis & aduersis constantiam, sacramento oblato, obstrinximus. Nobis propterea, te, tuāq; cōsilia, tuas res cōcredere debuisti. Nos enim pro tua dignitate, pro gloria, pro salute, pro acquirēdo non modò paterno regno, quod à Deo, naturaq; datum, amittere nullo modo potuisti, sed etiam pro  
alio

alio quouis imperio cōsequendo, fidem, studium, operam, vitā deniq; deuouillemus, te, tuamq; fortunam comitando. Legis annales nostros, fidem Poloni erga reges suos deseruere nunquā. Polonorum nomen contra principes suos sinistra machinatione contaminatū non esse. Reuocādum est illud in animum tibi, quā primū de obitu Christianissimi regis Caroli I X. fratris tui desideratissimi, fama in Polonia peruulgata fuit, tuaq; fraterna viscera morte ipsius non mediocriter cōmota uidissemus, tute scis, non magiste, quā senatū, & vniuersam Poloniam acerbissimo calu mortis illius perturbatam extitisse, quasi rex noster mortuus esset, ita mortem illius indoluit Polonia. Quid actū est? quod erat officij tui, rem ad senatū tibi tūc assistentem retulisti deliberatum est, dictæ sunt sententiæ; dies luctus publici per vniuersum Poloniæ regnum constitutus & inditus est. Summa totius deliberationis erat, quid tibi faciendum, quomodo Galliæ tumultuanti succurrendū: qua ratione regnū ad te naturali successione deuolutū, retinendum. Hęc omnia, quæ erāt grauissima, nec ab vna parte reip. sed ab omnibus ordinib. constitui & finiri poterāt, in maiora regni comitia, te consulente, te annuente, te applaudente, reiecta sunt. In hac expectatione comitiorum quid actum sit, proh dolor, cōmemorare quid amplius opus est? Rege caremus in Polonia, at quomodo? neque hoc sine dolore reticere potest: ita à nobis discessisti, ut vix impressum abitu discessus tui videre potuerimus. Sed dolorem & orbitatē nostram amplificare nolumus. Deus maximus, qui corda regum gestat in manibus suis, ille iudicet hoc factum tuum, ac be-



ne vertat hoc non modò Gallia, quę te à nobis euo-  
cavit: sed patrię quoq; quę tuam fidem secuta, nunc  
de statu & felicitate sua laborare cogitur. Cuius  
quidem saluti prospectum esse volētes, quò nos pa-  
trię amor, quò necessitas ipsa, quò periculorum me-  
tus, & consueta cōsiliōrum ratio vocabat, Warscha-  
uiam conuenimns omnes, vt orbitati patrię, paci, &  
securitati publicę consuleremus. Et caput quidem  
deliberationis nostrę hoc fuit vnum, vt regem ha-  
beremus in Polonia, cuius authoritate pax interna,  
& externa tranquillitas retineretur. Omnes te hīc  
regem optabamus, requirebamus: sed quē intueri,  
quem alloqui, quo cum agere potuissemus, habui-  
mus neminem. Est certè verum, quod scribimus, se-  
reniss. rex, non defuisse nobis animos, non occasio-  
nes, nō commoditates, nō etiam causas, vt patriam  
seruaremus, liberas voces ad eligendum nobis re-  
gem alium cōuertere, & spretę patrię ignominiam,  
periculaq; imminētia noua regis electione deter-  
gere: sed natura, constantiaq; nostra vincit necessi-  
tatem eam, nec id quidem sine periculo, ne sequa-  
mur prius, donec à te sciremus, an ad nos redire, no-  
bis semper imperare, sceptraq; Polonię gestare ve-  
lis. Voluntatem tibi esse quidem quis dubitet? regia  
virtus & natura tua non Septentrionis fortasse mo-  
do: sed regnorum aliorum quoq; imperium animis  
cogitat: sed voluntatem istam multis fortasse cogi-  
tationibus occupatam, aut temporum necessitate  
distractam, non vult Polonia magno cum suo malo  
experiri, te longum tempus expectando. Vis igitur  
rex noster esse? Venias quamprimum in regnum  
hoc, cape sceptrum semel tibi data, accipe gladiū rega-  
lem,

lem, quo nos defendas à vicinis hostibus, quorū arma iam personant in auribus, micāt in oculis ex Wallachia, Scythia, & Moschouia. Veniendum est autem maturè, ne consilia & machinationes hostium, longa tua expectatione maturescant, & nos, regnumq; illud pessundent. Rege diu carere nō possumus propter grauissima pericula, in quibus, tanquam in lubrico, versamur, quæ talia sunt etiam, vt à nobis nequeant, nisi præsentē rege, tolli. Propter discessum enim tuum multis domi incōmodis affectū est: bona regalia à militibus occupata, stipendia per se promissa, & non soluta, priuatorum in publica bona inuasionēs, direptiones, occupationes. Non commemoramus licētiam, iniuriam, cædes, audaciam, quorundam perditorum, quidlibet faciendi. Hæc vindicari absente rege, silente lege, cōuersis omnium ad extrema pericula oculis, vix facilè possunt. Ne igitur longa, irrita veltui aduētus expectatione nos suspensos reddas, & cunctatione tua regnū maioribus periculis inuoluas, non agrè feres, quod pro salute patriæ nostræ facimus, & tibi tempus in Poloniam veniendi assignamus. Hoc autem est, sereniss. rex, quatenus adhuc humeris nostris, pondus periculi huius sustinere posse, nos arbitramur, & te ad nos cōmodè ex Gallia in Poloniam peruenire, nobiscumque esse posse iudicamus: diem duodecimā mensis Maii proximè venturam, pro quo etiam tempore comitia magna, decreta & instituta esse scito, ad quod quidem tempus assignatum, ad ea quoq; comitia te vniuersa quoq; Polonia expectat, vt venias in regnum hoc, in comitia illa, quæ sunt instituta, vt de liberationes cum senatu, & ordinibus regni iuxta

morem & consuetudinem præscriptarum legū absoluas, & pericula imminencia vnà nobiscum amoneas: tum etiam conditiones ab oratoribus tuis in conuentu electionis receptas, & iuramento firmatas, atq; cōditiones & articulos per legatos tibi oblatos, ac hos per te ipsum Parisijs, illas verò per sereniss. Carolum olim Gallie regē fratrem tuum desideratissimum, sacramento roboratas, confirmes, expleas, & te ipsa præstes, ac in posterum Rempub. nostram præsens semper gubernes. Hoc ad officium tuum regale, & sponsonē factam, fidemq; datā, pertinere, maximè intelligimus, vt nō dubitemus, te nō magis curaturum esse, vt huc venias, quàm vt promissa expleas. Si verò, quod à nobis utiq; longè abesse cuperemus, ad nos venire nō potueris, tardauerisq; cum nostro summo dolore tibi dictum, nunciatumq; volun us esse, omnes nō posse amplius, quod cū gratia tua dicere licebit, sine rege, sine lege viuere in Rempub. nostra, conuersisq; nostris animis ad Deum, id faciemus, quod ad incolumitatem & salutem patriæ nostræ pertinere videmus, eamq; ab illo tempore, si nō veneris, salua tua gratia, honoreq; nostro, obedientiam, & fidem datā tibi renūciamus, & noui regis, electionisq; cōuentū indiximus, statuimus, promulgauimus, atq; id quidem ita certè, ita firmè, summa necessitate constricti, apud nos statuimus, vt nullis excusationibus, nullis modis, nullis ad extremū rationibus, ab instituto nostro nos abduci patiamur. Non debes autē æstimare, serenissime rex, id nos animo erga te sinistro, aut consilio præpropere facere. Abest longè à nobis ea cogitatio: sed iudicare debes in primis, Poloniam ita esse constitutā, vt barbaris ho-



ris hostibus ad eam solam pateat aditus, ipsa que sola ad omnia Christiani orbis regna, sit quali porta, que nisi firmissimis claudatur præsidijs, non ipsa modò, sed multæ Christiani orbis prouinciæ, certum est, de salute sua periclitabuntur. Nos igitur hîc pro omnibus quasi excubias agimus, & vt securè dormiæ alij, nos insomnes oportet peragerè noctes. Tâle igitur regnum, quomodo sine rege, sine duce, sine capite esse posse existimas? Nosti potentiam Moschouiticam. Non est incognita tibi Scythica ferocitas, quæ cum Turcica potentia mixta, his diebus vicinam nobis Walachiam solo æquauit. Est regnum hoc cinctum & circumuallatum hostibus Christianorum Catholico nomini infensis, nostro verò infensissimis, quòd veteres ex se ductos triûphos, tunc maximè vindicare cupiant, cum remp. hanc capite & rege suo videant orbatam, & tanti casus nouitate tumultuantur. Occasionem igitur oppugnandi nos & Rempublicam nostram habent illi percommodam. At dices fortasse, vires nobis esse tantas, modò velimus, posse nos etiam defendere patriam nostram, eamq; tibi seruare saluam & incolumem, hostium insultibus ab ea pellendis. Est ita serenissime rex, pro patria nos nullis etiam extraneorû adiutos auxilijs fortiter pugnauisse, præclarisq; triûphis latè & lōgè fines illius protendisse, paratos etiã esse, pro his tuendis & conseruandis, sanguinem nostrum effundere: sed istius optimæ voluntatis impedimenta tuo discessu tâta sunt effecta, quâta vix vllò vnquam tempore in Polonia fuerunt. Inimicitias cum barbaris gentibus, non vnas sed multas, & graues, pro gloria, & libertate Christiana habemus, amicitias

quoque cum Christianis, vicinisque principibus, nullis per te fœderum & pactorum vinculis colligatas, ita retinemus, vt dubia potiùs, quàm certa sit eorum possessio existimanda. Quid horum quisque moliat, quòd adspiret, quid nectat, non videmus: tu verò considerare potes. Simus etiam superiores hostibus nostris, at eorum conatibus hinc inde irrum-pentibus, quomodo sine capite, sine rege resistemus? Quomodò vires cõiunctas cõtra diuersos hostes habebimus? maximè, cùm regni huius pax, cum vicinis nulla per te pactorum renouatione firmata consistat. Bellum in Polonia, publico etiam edicto sancitum, sine rege, tanquam summo belli duce, ex præscripta lege fieri non consuevit, neque potest. Erit ne amplius sine rege Polonia salua? Minimè gétium, serenissime rex, regem oportet habeamus, aut te, aut alium, quem nobis Deus & fata prospexerunt. Durum est telum necessitas, qua abducimur, vt si rex præsens nobis noster semper nolis esse, alium, qui nobis imperet, eligamus oportet, te id minimè agrè ferente, imò collaudante studia nostra seruandæ patriæ cupiditate tantopere incensa. Non dubitamus autem, serenissime rex, si ita tibi, & Deo videtur, vt rex noster ampliùs futurus esse non possis, quin nos & regnum hoc in tua gratia, & fauore, & beneuolentiâ perpetuò retineas, & in primis gratum, & memorem te studij, & obseruantia nostræ erga te præstes, quam tibi etiam omni studio, opera & diligentia comprobare studebimus, vt intelligas, erga te apud nos etiam nō regnantem, non destitisse studia, beneuolentiam, obseruantiam nostram, quinimo duratura hæc esse omnia, quandiu  
in ani-

in animis residebit tuæ erga nos gratiæ, & beneuolentiæ memoria. Quod superest, commendamus nos in gratiam maiestatis vestræ, Deumque maximum precamur, vt S. M. V. clementissimè seruet sanam & incolumem ad perpetuam Christiani nominis gloriam, & salutem obseruandam. Data Warschauiæ ex congregatione ordinum Polonia regni generali, die 18. Septembris, 1574.

*Sacra Christianiss. & serenissima  
Maiestatis V.*

*Seruitores addictissimi*

*Senatus, equestris ordo regni Polonia,  
& magni Ducatus Lituania.*





*Clades*

DANTISCA NORVM.

ANNO M. D. LXXVII.

17. Aprilis.

A

IOANNE LASICIO POLONO  
 DESCRIPTA: IN QVA CAUSSÆ BEL-  
 liā serenissimo rege Polonia Stephano con-  
 tra Gedanenses suscepti, refe-  
 runtur.

MAGNIFICO VIRO, DN. IOANNI  
 Zborowski, Castellano Gnesnensi, duci copiarum au-  
 lico serenissimi regis Polonia Stephani, Odolano-  
 wienſi, Kieskenſi, Volpienſiq; praefecto, sena-  
 tori integerrimo, salutem &  
 felicitatem.



ITO ad te, strenue imperator,  
 hanc belli abſte, angelis Dei iuuan-  
 ribus, conſecti, descriptionem: ut  
 geſta tua, tuorumq; fortium mi-  
 litum, quae iam literis mandari in-  
 cipiunt, nunquam eſſe moritura, niſi cū hac uni-  
 verſitate rerum, cognoscas: & eò maiore inde vo-  
 luptatem percipias, ad maiora tātō magis inflam-  
 meris. Qua in deſcriptione, tute noſti, quale meū  
 fuerit ſtudium, ne quid falſi eſſet. Si quae praeſerim,  
 ea ſupplere licet alijs. Dolenda eſt ſanē iſthac Chri-  
 ſtianorum

*stianorum calamitas: at quid aliud magistratus  
ageret, imperata facere nolentibus? etsi nondum  
hic magistratus noster, suo usus esse gladio, quem à  
Deo ad coercendos malos accepit, videtur: id tan-  
tùm apparuit, quemadmodum pro eo regum illi  
rex ac defensor pugnauerit: quum hostes non con-  
tenti eo, se ut intra mœnia continerent, defende-  
rent: foras etiam, regē suum oppugnaturi prodic-  
runt. Quorum consilia quem finem sortita sint, tu  
ipse vidisti, ego descripsi. Faxit igitur Deus, quan-  
doquidem per duelles ne nunc quidem resipiscunt,  
ut de te, milite eodem tuo, & rege nostro fortissi-  
mo, similia scribere liceat. Attamen magis illud à  
Deo precor, ut, qua Gedanenses ob peccata affecit  
cæcitate, eam post hanc cladem, animis illorum  
adimat: ne fortè accensa magis uncti Dei ira, fun-  
ditus euertantur: quod ut Ioannes Dantiscus, ci-  
uis illorum, supra annos XL. prædixit: ita & ego  
mihi videre iam videor. Vale, & pugna feliciter,  
decus amplissima Zborouiorum familie: hanc au-  
tem meam lucubrationculā eodem animo, quo me  
miles, annis abhinc 19. in Gallia cōplexus es, qua-  
so te, accipe. Barcini, anno M. D. LXXVII.  
20. Maij.*

Tuæ dignitatis obseruantissimus  
Ioannes Laficzki.

188 R. E R V M P O L O N.  
CLADES DANTISCA-  
NORVM, ANNO CHRISTI  
M. D. LXXVII. 17. die Aprilis.

*A Ioanne Lasicio descripta.*



Ntequam ad funesti Gedanensium  
suo cum rege belli descriptionem  
accedam, illud mihi præfandum ef-  
se videtur, ipsosmet Gedanenses tan-  
ti sui mali causam fuisse: quod qui-  
dem præter hunc miserabilis pugne  
euentum, ab irato proculdubio Deo profectum: ex  
conditionibus quoque à clementi rege ipsis non se-  
mel oblatis apparet. Nam quum rex Stephanus,  
quinto vt regnare cœpit, mense, (qui erat anni supe-  
rioris September) firmandi regni sui causa, Craco-  
uia Marieburgum venisset, opinatus tantò faciliùs,  
quantò Gedanum propius omne negocium transa-  
ctum iri: factum necessariò est, senatu, qui cum rege  
fuit consulto, vt Gedanenses, rebelles pronuncia-  
rètur: quod à Cossobucio secretario, Andrea Sboro-  
uio curiæ Marschalco, & ab alijs duobus senatoribus  
ad ipsos missis officij admoniti, nihil de sua obstina-  
tione remitterent: quodq; ad causæ suæ dictionem,  
fide bona vocati: quamuis commodè potuerint, ta-  
men non venerint: quæ nota in fontibus grauis, ni-  
hil quidquam illorum animos permouit: nullum in  
illis seriò placandi regis, contumacia offensi, studi-  
um apparuit: quinimo regi legem imponentes, vt  
antea, ita post, liberari ab eo fide Cæsari Maximilia-  
no, à



no, à paucis appellato Poloniae regi, præcipitanter data, volebant: triginta alijs conditionibus (quarum primæ, vt à quibuldam oneribus ab Augusto rege ipsis impositis liberi essent, & portorio ipsimet fruerentur) cum illo paciscebantur: militem in Germania, inconsulto rege, & regni senatu, conscribebant: portas interdium, nullum habentes hostem, claudebant: non contenti generali regis iureiurando, legibus publicis, priuatisq; suis singulari quoque (regem hac ratione infidi animi arguentes) cauceri postulabant: cõtumeliosis, & ab omni veritate alienis de rege laudatissimo, & regno, officinæ Iacobi Rothi scriptis Germaniam implebant: Grebino, territorij sui capiti, in ipso regis conspectu, præsidia imponebant: urbem suam tam milite mercenario, quàm validis propugnaculis, inagis ac magis muniebant. Quibus eorum facinoribus benignus rex irritatus, arcem Grebinensem, 26. die Septembris occupat, præsidia cædit, & fugat, multos pagos, quos Zula Wa illorum habuit, euastat. Perciti inopinatis cladibus, damnisque, impetrant quatridenti commeatum, vt vrbe tuto exire liceret. Egressi suburbium, pagumq; ditioris episcopi Vladislauienfis, senatoris regni Poloniæ, igni comburunt: ac paulò post cœnobium, iuris eiusdem antistitis, intra sua mœnia, ac ite aliud extra, quod Oliuense vocatur, antiquis principum Pomeraniæ sepulcris clarum, euertunt: imbelles monachos, alios contrucidant, alios ludibrio habent: misère tamen ad regem cum certis postularis octo viros: ad quæ eiusmodi responsum, primis Octobris diebus, accipiunt. Rege copias suas ex agris illorum abducturo, ipsi quoq; suos milites dimitterent, ius-

iurandum darent, exteros iurare nolentes vrbe mouerent, supplices veniam peterent, cōfirmationem iurium habituri, ad comitia regni venirent: tum decretū ob contumaciam contra ipsos latum, & quæ vocarēt grauamina iniustè sibi imposita, suo modo tollerentur. Acceptis his conditionib. nō omnes illis probatæ: oblatas deinde alias, eodē modo aspernati sunt. Rursus impetrata 17. Nouembris, suis internuncijs, Constantino Ferbero, & Georgio Rosenbergio, vltro citroq; commeandi hisce legibus securitate, Calendis quoque Decembribus vlteriùs propagata, vt pacata ciuitate, dimissioq; milite, ad regem venirent, delicti veniam petitori: rescribunt quædam à regis voluntate aliena: & quoniam conditionibus non satisfecerunt, retenti sunt à rege legati. Aliud semper, quàm par erat, & rex iustus volebat, respondentibus, humilibusq; verbis superba scribentibus: extracta res est ad comitia Toronensia mensibus Octobri atque Nouembri, anni 1576. Gedanensium potissimè caussa celebrata. In quibus regia de ipsis sententia, ab omnibus prouincijs, ordinibusq; comprobata est: deliquisse Gedanenses, & crimen contra maiestatem commisisse, inuenti. Quò, hoc cum responso, illi idē reuerterunt, quamuis rex exercitum abducat è Sula Wa suum, ipsos tamen non esse id facturos: nec ad commune concilium, quum ad illud non pertineant, venturos. Mirabantur nostri hæc ab illis scribi, quum anno 1569. rex Augustus Lublini, aui sui Casimiri quarti, de cōcilijs, conuentibusq; Prutenicis illam legem, *Omnes causas notabiles, ad terras Prussia pertinentes, cum communis consiliariorum earundem terrarum consi-*

*lio tractabimus:* ita commodè interpretatus sit, ut ostenderit, non esse certum locum hisce causis tractandis definitum: nec hinc senatum regni, sine quo nihil magni rex cōstituat, excludi: sed ex individuo Poloniae cum Prussia vinculo, anno 1454. opera eiusdem regis facto, omnia communia sequi: non tamen leges harū gentium confundi: ideoq; tali iurisiurandi formula, fidem suam regibus, & regno Poloniae, consules ciuitatum Pruthiae atq; nobiles obstringere: *Ego Niuro, quod serenissimo D. Sigismundo regi Poloniae, & suis successoribus regibus Poloniae, eiusq; regno. fidelis ero: eiusq; maiestatis honorem statum regium, & commodum Reipubl. regni, & terrarum Prussiae. pro virili procurabo: suamq; maiestatem de omnibus damnis, qua sciuerō. certiores faciam: & ea manifestabo fideliter: sic me Deus adiuuet.* Non destitit porro tempus terere varijs effugijs, clām in Germania auxilia, conquerentes, rege prudenti futura providente, ac quē iam acciderunt, praedicente. Ad quem vbi Rosenburgius cum Henrico Lempka Iurifconsulto, vltimum ipsorum, ad ea quē 25. Ianuarij acceperūt respōsum, multò aliud, quàm sperabatur, Bidgostiam attulissent: statutū est, post diu tentatam, tandem etiam contemptam mitis regis patientiam, debellare superbos, & vicogere ad officium ciuitatem, quā potestati à Deo institutae nollet subijci. Nam quid aliud, bonum regem facere oportuit? Adducam huc, quā tum etiam illis gratificabatur. *Responsum sacrae maiestatis regiae, internanensis ciuitatis regiae Gedanensis à maiestate regiae ad eorū supplicationē datum.* Sacra regia maiestas satis abundè omnia intellexit, quā ciuitatis Gedanensis



nomine ab ipsius maiestate petebantur. Existimat autem, ad frequentes ciuitatis suæ Gedanensis supplicationes, satis, superq; sensum esse clemētia, conuenientia sua regali: ita vt ampliùs vtendum sibi esse nō putet tam diuturna procrastinatione, rerumq; & negotiorum propositorum dilatione. Verti ea in re iudicat dignitatem suam, expedireque rebus & consilijs suis censet, vt ista tractatio iam pridem instituta, nunc tandem finem suum sortiatur, modo & ratione infrā scriptis. In primis concedit maiestas regia, vt pro concludendis, vltimoq; fine terminandis conditionibus, à regia maiestate ciuitati oblati, isto modo, quo regia maiestas cōclulit ac determinauit, in spacio sex dierum maiestati regię satisfiat, pleneque de his omnibus ciuitas regię maiestati respondeat. Hi verò dies per reliquos mensis Ianuarij dies anni præsentis, ciuitati concessi esse censeantur. Primò quidem ducenta millia florenorum, numeri, & monetæ Polonicalis, regię maiestati ciuitas persoluere debet. Prima quidem, in spacio vnus mensis: alia verò cētum millia, prima die Martij, anni futuri 1578. regię maiestati reponet. Et nunc etiam oblationi statuum Pruslię innitendo, duplicem accisam ciuitas iustè & integrè contribuet, eamq; in thesaurum regię maiestatis inferet, prout id melius & vtilius ipsius maiestati fore videbitur: de quibus omnibus obligationem forma concepta, quæ mittitur, faciat. Illa quæ merè regalia sunt, quæ ex priuilegijs ciuitas Gedanensis regię maiestati pendere debet: ea quotannis exoluantur: ista enim obligationibus aut exemptionibus vllis subijci non vult. De 4. tormentis bellicis, vnà cum puluere, globisq; bene præparatis,

paratis, ad vsum belli præstandis, ciuitas regiæ maiestatis voluntati satisfaciat: in eoque regiæ maiestati morem gerat. De prorogatione temporis ad Palatium, aliaque ædificia regalia in ciuitate Gedanensi extruenda, permittit regia maiestas ex gratia, clementiaque sua, tempus competens ciuitati se cōcessurā esse. De portorio maris, negocium ad futurum regni cōuentū reijcit: itā tamen, vt regiæ maiestatis scriba peculiaris ibi adsit, iuxta priorem declarationem. Graua mina, quæ authoritate sua citra consensum ordinum regni tollere potest, ea tollit: reliqua ad conuentum regni generalem differt, vt de illis ex sententia ordinum decernatur. Quæ tamen regiæ maiestatis de grauaminibus istis sententia sit, eam peculiari priuilegio super his conscripto declarauit. Si verò vult, aut magis cupit ciuitas, non abnuitt regia maiestas, vt omnes articuli, & omnia graua mina, ac omnes actus commissariales, inter quos & portorij negotium est, ita vt etiam scriba ad id non adhibeatur, ad futurum regni conuentum reijciantur. Reliqua tamen placationis capita, ac declaratio religionis conseruanda, stare debent loco, & tempore suo. Confirmationem iurium, & libertatum, iuxta formam præscriptam, quæ mittitur, regia maiestas ciuitati dabit: omniaq; priuilegia, iuxta illius contenta, conseruabit, eamque authenticè nunc extradet. Si fortè ciuitati placeat graua mina omnia, articulosque (placationis conditionibus & capitibus, tum etiam religionis conseruatione, de quo specialibus literis cauebitur, exceptis) ad futurum regni conuentum reijcere: literas reuersales, prioribus nō ab similes, ciuitati dabit: quibus promittet, authoritatem

suam apud ordines regni interposituram esse, ut ciuitatis ratio habeatur, grauaminaque ipsius illegitimè irrogata discernantur, & abrogentur. Ante omnia ciuitas militem dimittat, regiam maiestatem forma concepta deprecetur, cōuentis se stare obliget: fidelitatis iuramentum præstet: omniaq; faciat, quæ ad subiectionis, fidelitatisq; officium spectant, & pertinent. In quorum omnium fidē sigillum nostrum apprimi iussimus. Datum Bidgostię 25. Ianuarij, anno Christi 1577. regni verò nostri primo. His subscriptio manus regię accessit. Dedit iisdem die eodem priuilegium de grauaminibus, eodem quo dictum est modo, abrogandis, vsu Augustanæ religionis cōseruādo, omnibus priuilegijs legitimè impetratis cōfirmandis, deq; cæteris rebus, quadraginta capitibus cōprehensis. Quæ omnia quo animo acceperint, mœnibus consilijs suis, id ex ijs liquet verbis, quæ de Gedanensibus regia maiestas senatorib. absentib. vndecima Februarij Bidgostię perscripsit. In primis, inquit, declarationem conditionum à nobis oblaturum illis dedimus: grauamina, quæ ipsi soli poteramus abrogare, dato priuilegio abrogauimus. Commissionis negotium, ad futurum regni cōuentum reiecimus: ut de eo ex omnium regni ordinum consensu decernatur, exemplum cōfirmationis iurium, amplissima forma, citra omniū exceptionem, illis dedimus: ut nihil superesset, quod eorū animos obstinatos à præstanda fidelitate, ac relinquenda temeritate, retrahere posse videretur. His ita constitutis, sex dierum spatium datū est, ut senatui & communitati ea omnia videnda mitterentur. Expectati sunt ad 12. dies: quibus cunctationem hanc, certam pacem



pacem parituram esse credebamus. Ecce autem Rosenbergius cum syndico aduenit: responsum nobis attulit, in quo nō modò ea, quæ pacta & respōso nostro cōclusa fuerant, inuersa sūnt: verū etiam multa alia adiecta, quæ non modo dignitatem nostram, verū etiam iura publica perstringere videbantur. Etenim ducenta millia florenorum, quæ nos non placationis, sed debitorum retentorum nomine, ab illis pacti eramus, quæ ipsi etiam tempore constituto soluere promiserant, in tempus postea longissimum & incertum transtulerunt. Contributionem accisa abiecerunt: regalia nostra, quæ nobis à ciuitate singulis annis pendi solent, in dubium vocarunt. Commissionem abrogare autoritate solummodo nostra, extra conuentum, voluerunt: cum regno nihil se habere commune. Item alia, quæ non commemoramus, scripserunt. Quid saluo conductu durante fecerint, omnibus notum est: internuncijsq; pacis prætextu ablegatis, nihil minùs, quàm pacem in ciuitate tractarunt: hanc propugnaculis, & antemuralibus exstructis munierūt: militem, qui dimitti debuit, auxerunt: eruptiones multas fecerunt: ex villis, & domibus nobilium prædas egerunt: villas incenderūt: euētus vt demonstrauerit, illos nō pacificationis, sed ludificationis causam nobiscū egisse. Taceamus eorū innumera in nos & remp. cōmissa delicta. Iam videmus eorū animos obcæcatos, in perniciem suam ruere. Sed nobis Deus testis est, quod lenis & clemētis principis officio hætenus vsi sumus, atq; curauimus, vt illos ad sanā, rationiq; obsequētē mētem reduceremus. Nihil profecerunt hortationes, legationes, persuasiōes, cūctatiōes nostræ. Expectatū diu

est, cum summa nostra, & Reipub. indignitate: nihil est intermissum, quod ad quietem publicā retinendam pertineret. Quid igitur aliud restat faciendum, quā nē nobis & Reipub. desimus: atque ut sequamur, & suscipiamus ea cōsilia, quę ratio suadet, & iustus dolor exprimit? Hęc rex Stephanus animi erga suos paterni. Porro quod respōsum ad illorū postrema verba, eodem tempore à tribunali regiæ maiestatis profectum sit, opera precium est his addere: ut cuius notū sit, nihil regē temerē, nihil iniquē, nihil præcipitater egisse, quo cū missis in custodiam Lenciciensem Ferbero, & Rosembergio cōsulibus, post decretū contra omnes latum, remissus Lempka est. Prospiciebat animo sacra regia maiestas, dominus noster clementissimus, hæc omnia quæ agerentur à 'Gedanensibus' impetrandis toties salui conductus prorogationibus, non aliò spectasse, quā ut rem extraherēt ad hoc ipsum tempus, quod ad detegenda apertē nefaria sua cōsilia magis idoneum arbitrabantur. Cuius illorum instituti cū antē nō parua indicia hæc essent, quod in tractationibus, à leuioribus postularis orsi, grauiora, quōties legatos ad sacram regiam maiestatem remitterent, indies adderent: quibus tantum abest, ut pro patrato crimine omnium grauissimo, regiæ maiestati satisfacerent: ut etiam iam propē gloriādo de crimine hoc admisso, magis, magisque offenderent, quod tamen sacra regia maiestas patienti ac paterno animo ferebat, ac ea, quæ ad iura illorum, & libertates augendas spectarent, illis concedebat, quę non rebellibus, verum bene meritis de principe suo subditis deberentur: ut hac sua clementia eos ad officium reuocare posset.

nihil

nihil tamen, vt videt, eos hæc benignitas mouit: cum ad superiora postulata iniqua, hæc posteriora impia, ac nefaria prorsus adiecerint, ita cōcepta, vt iam meditatum scelus prorsus detegant, & tam regię maiestati, quàm Reipub. communi regni Polonia, contra iusiurandum maiorum suorum, diuo Casimiro regi, eiusque successoribus ac regno datum, valedicant: nec publicis regni consilijs ac ipso regno, in cuius titulum ac ius, vt maiores ipsorum iurarunt, concessissent, quidquam commune habere, impudenter, & nefariè scribant. Iam verò sacra maiestas regia non solum iniquitate, & insolentia postulato- rum in dies lædebatur: verum etiam alio genere iniuriarum, non modò ciuitate non exonerata (iuxta formulam salui cōductus, mittendorum ad regiam maiestatem oratorum dati) externo milite, verum etiam maioribus conductis copijs, & nobilium ac aliorum subditorum sacre regię maiestatis vrbi vicinorum pagis ac ædibus spoliatis, direptis, ac etiam exustis. Quamobrem, cum iam apertè constet, obfirmatas in scelere perduellium Gedanensium mentes, humanitate sacre regię maiestatis, ac alijs lenioribus rationibus ad officium reduci non posse: alijs grauioribus sacra regia maiestas vti, pœnasq; meritas de illis sumere necesse habet. Itaq; decretū suum, quo illos perduellionis damnauit, iam iamq; publicat, & promulgat: omnem securitatem terra, mariq; illis adimit: & tanquam impijs in principem & patriam hominibus, aqua, & igni interdicat.

Bello sic indicto, & cura illius Ioanni Zborouio, vni ex ordine senatorio, demandata: posteaquam Gedanenses cognouissent, quàm paucos milites rex



Stephanus, Grebino capto, & Sulaua depopulata, in agro ipsorum reliquisset: quasi nōdum satis tot malis, damnisq; quæ illis rebellio attulit, afflicti: accersenda plura esse potiùs, quàm aliquid regi cōcedendum, qui illis nihil, nisi Batori esset: & si fortuna faueret, opprimendos esse paucos antè quàm plures confluerent, animis obfirmatis statuerunt. Iam verò ab illis, qui ad regem ventitabant, voces illæ audiebantur, posse ipsos, si modò vellent, nullo negotio nostros obruere milites: rati idem esse, velle quid & facere posse. Rei igitur huius auspicato aggrediundæ diu expectabant occasionem. Visum est Pascha per commodum, (septima Aprilis fuit) quū omnes vbiuis Christiani cultui diuino maximè incumbere solent. Consili ergo viribus suis, & Ioannis Coloniensis, ducis sui magno præmio ex Germania euocati, experientiæ: ad hæc omnibus necessarijs ad euerrenda, diruendaque oppida bene instructi: hoc consilio urbem egrediuntur crepusculo vespertino, vt oppresso milite nostro, & Derissaia, (Czceuum nos vocamus) in quam se tempore hyberno ex agro receperat, expugnata: ad Gnieuum, Nouum, Stargardum, ceteraque regia oppida procederent vastanda. Verum nondum vrbe omnibus egressis, ea tempestas exorta est, (Deo profanata augustæ diei, & regis contemptus vindice) ijque cæli tonantis sonitus, & fulminis ictus audiri, vt vnus propugnaculi pars auulsa, in fossam corruerit: equus ductoris, fulgore atque fragore attonitus, succubuerit: ipse sessor à satellitibus, quibus stipatus erat, suffultus: duo equites è ponte fossæ imposito, in aquam profundam delapsi sint, nec sine labore alter extractus, al-

terraquis obrutus. Reducto itaque in urbem exercitu, idem postera die, alijsque deinceps ab illis tentatum. Sed hæc ipsorum aduersus summum Prussiae magistratum suscepta consilia, semper pluuiæ impediabantur. Ea tamen cæcitas hominum fuit, ut adeò aperta futurae stragis omina, non Deo, à cœptis eos, quæ oderit dehortanti, sed sagarum beneficijs tribuerint: duasque eam ob causam in carcerem compegerint: suspicati, à nostris conductas procellam incantamenti excitasse. Armant interim duas naues vectorias, totidemque minores, duplici via regiones milites inuasuri. Tandem 16. die mensis eiusdem, sole ad occasum vergente, aduerso flumine Vistula sed ventis iuuantibus, Czeuum primum oppugnatum contendunt: parte ab altera, tam equestres, quam pedestres cohortes emittunt: de quorum lento progressu Zborouius, insignis virtutis imperator, à velitibus Strussij, qui tum in excubijserant, certior factus, & quos sæpe ad pugnam, prouocasset, mœniaque illorum penè attigisset, nunc primum prodire miratus: procedit illis cum suis obuiam: locum pugnae commodam ad pagum Rokitki prope aquas deligit, &, donec propius accederet, locaque aquosa præterirent, ordinatis aciebus expectat. Substitere Dantiscani ad villam LagnaW; quæ paulò plus vno milliari distat Derzauia, præmissa ad excubias ea exercitus sui manu, quæ maior fuit omnibus Zborouij copijs. Hic Zborouius memore circumspecta celeritate nihil in bello melius esse: inuadendi securos, lætosque consilium capit. Sed timens oppido, ne interea ab hoste nauibus egresso occuparetur, nève bono mutato loco, incòmodio-

re agenda res foret: prudenter illud mutat: ne tamen in oppidum redit, veritus ciuium prodicionem: nam cum Gedanensibus facere videbantur. Dispositis igitur quaquauerfum vigilibus, & misso cum 60. Tartaris, qui nauibus imminerent, forti viro Andree Carcho Wlcio: noctem in equis cum suis transigit. Oriente sole, septima decima Aprilis die, hostis appropinquare visus, nostris non nihil multitudine illius percussis. Conspexit & Coloniensis nostros, non absque stupore: quod pauci, quos ad sui conspectum fugituros putabat, tantis cum copijs venientem expectaret. Illis ergo vltra fluuiolum, & lacum editiore loco constitutis, nostris ex aduerso stantibus, neve ab illa vi hominum magna circumdarentur cauentibus: incipit velitatio, duabus ferme horis ab ortu Solis, grauis nostris Cosakis (quos ferentarios, licet, seu velites vocemus) Germanus eques fuit, vndique armis testus. Quibus confestim misit imperator in auxilium 20. Vngaros generosissimos, & Stanislaum Iordanum manu promptum iuuenem, cum 50. equitibus. Descendebat in arenam ipse quoque Coloniensis, veluti quidam suorum moderator. Ciebatur ergo prelium magna animorum alacritate, sed Germani ita cursitare, vt impetus hastatorum vitarent, idque vnum facerent, quo nostros illo pertraherent, vbi tormera aenea collocata erant. Quod vbi animaduertit Zborouius, datis de vitando periculo praeceptis, miscuit haltatis equites è peditatu sumptos, cum tormentis longioribus. Defatigatis pugna, & cursu vtrisque, succelsere integri. E nostris Zolkieuius cum turma Ioanis Zamoiski, regni Poloniae Vicecancellarij, non minus, quam priores ala-

cer pro-



cer prodit. Vulnerati aliquot Germani: vnus equo detrusus, equus alterius transfixus corruit: iam etiam duo à ferētarijs anteuenientes currentibus occisi fuerant, nostris saluis. Felix praelij principium incendit spectatores ad audenda facinora maiora: equis nostrum, ad clangorem tubarum, tympanorumque sonum, adeò gestientibus, vt ab lessoribus ægrè tenerentur. Quam tali pugnae praeludio detinentur nostri, Colonienſis miſſo illo pergendi vltèriùs ad oppidum obſidendum conſilio, poſtquam vidit Zborouium pugnandi copiam haud impigrè facturum: ſuis vt conſuleret, ſepimentum è filiſ tra-bibus, quas ſecum, vt alia omnia, vehebat, facit: nihilominus tamen ferme ducentos, ad noſtros in acie deſtinendos mittit, aſtutè omnia: vt cuius rei bellicæ ſcientia, celebris in Germania ſit ob deſenſam Magdeburgū. Igitur collocata in tra illud munimentum ſuorum bona parte, ipſe interim cum tormentis, & lectiſſimis quibuſq; viris, ab altero montium latere, noſtros à tergo aggreſſurus, ad lacum Libiſſeuienſem ſuis fatalem, iter intendit: ratus vndique comprehenſos, niſi fugerent, ſua in poteſtate facile futuros: vbi iuſſus properare centurio Rauſauius, reſpōdiſſe fertur, lentè feſtinādum eſſe: videri enim ſibi Polonos ad certamē magis, quàm ad fugam eſſe paratiores. Erat autem ibi in excubijs Temrukus, expertæ virtutis miles, cum 50. velitibus. Qui hoſtilem vim imparem eſſe ſuis viribus ſentiens, maturè ſibi ſubueniri petijt: laborantibus miſſum eueſtigio ſubſidium. Zborouius, altu hoſtis deprehenſo, quid facto opus foret (fugere enim ignominioſum eſſe ducebat) protinus in it cum ſuis conſilium. Vrgente

vndiq; periculo, non longa consultationi mora data, placet illuc omnem equitum, peditumq; globum conuertere, vbi ipsum caput hostium foret. Quum verò nostri vidissent, mutatum esse ab hostibus aptum ad pugnam locum, (nam& alij, qui munitione continebantur, iisdem tramitibus ducem sequebantur) adducti sunt in spẽ victorię. Proinde extemplo disijciunt ponticulum fluuiolo impositum, ne ab velitationi deditis, & intra sepimenta latentibus, à tergo inuaderentur. Itaq; quum in illa potissimum parte, quò properè tendebat Colonienſis, omnis belli vis sita esse videretur: nec periculum ab nauib. vi brachiorũ vento aduerso tardè tractis, oppidò incumberet: Zborouius suis præcipit, vt velitationi finẽ imponerẽt: præterea ciuium magistrum dubiẽ fidei confirmat, vt, si quæ vis hostilis ingrueret, saltem aliquot horas bona fide obsidionem sustineret: cuius rei causſa quinquaginta pedites Polonos cum tormentis manuarijs ei reliquisset, ipse breui, hoste, Deo adiuuante, superato, cum pluribus affuturus. Tum admonitus ab Haidonum ductoribus, quorum tres in acie cecidẽre, vt prælium antè iniret, quàm hostis suos ordines planè explicaret, tormenta iam disposita, terra congesta muniret: facta oratione addit suis animos, spe iam iam Vistulam trajiciẽtis mille equitum, peditumq; auxiliij: orat præterea omnes, vt alij alijs offensas condonent, pœnitentia placato Deo, suppliciter opem illius implorent, morti gloriam anteferant, hostes non numerent sed inuadant: nève eorum conspectu terreantur, qui breui tempore futuri sint in ipsorum potestate: quòd superbi, maledici, rebelles, cõtumacesq; sint: paucis antè mensibus

*Oratio Zborouij ad milites.*

bus ad Grebinum, Glo Wam, & alibi ab illis profligati: olim verò ab ipsorū auis atq; proavis ad quinquaginta millia cæsi, capti, fugati: omnino absq; bōbardis & munitionibus imbelles ac timidi: quod illico ipsimet experturi sint, modò pristinę virtutis, nōminisq; sui, à cāpestri prælio accepti, memores pugnēt viriliter pro Christiano magistratu: Deo freti, ultore rebellionis, quem ducem habeant propitium, quiq; paruis copijs, tam iusto quàm hoc sit bello, ingentes superare soleat. His alijsq; istiusmodi dictis, mirum in modum recreati sunt omnes, & ad impar prælium accensi. Dehinc Haidones, velut in rabiem versi, (erat à meridie hora ferme prima) ab dextro latere, equites à sinistro, in hostem, vbi tormēta fuēre, irruunt: suos contra ipsum sclopos quinquageni exonerant: hastati sarissas, ferētarij venabula in oppositos vibrant: alij arcus manu certa tendunt. Centuria verò Strussij, sublato clamore terrorem Germanis à tergo incutit. Nascitur pro formidine gaudium, multis ex aduersa parte cadentibus. At ab hoste emissā è tormentis iacula, per paucis nocuerunt, hastas nō paucas cōfregērunt: quippe quòd equites incōmodo loco cederent, pedites autem, conspecto ardente puluere tormentario, supini caderent, pro mortuis ab hostib. habiti: rursusq; sclopis instructis, resurgerent. Damnosa hæc Germanis fuit carnis resurrectio. Quibus aliquātisper resistentibus, monet Haidones moribundus ductor ipsorū, vt si vincere vellent, abiectis sclopis victoriā retardantibus, acinacibus, recti capita securibus, rem cominus agerēt. Obsequuti monitori, manus cū hoste acriter cōferrūt, & adiuuātibus equitib. ordines cōturbāt ferro-



rum hominum poplites succidunt. Carteri hastis & gladijs nunc pectora transuerberant, nūc capita petunt. Par gentis vtriusq; virtus & gloria: par hostium diuersarum gentium debilitas & formido. Aduolāt & turmæ aliquot equitum, quæ ad succurrendum lassis, à prouido imperatore in proximo collocatæ erāt, nequaquam alijs segniores. Paulò plus vna hora incerto euentu dimicatum. Virgētibz nostris ferro, equis, clamore, cadunt primores Germani, denique & alij, viri proceri ac lacertosi, tormentis, in quibus illis omnis spes victoriæ fuit, & priuati, & frustrati. Dein magis ac magis instantibus nostris, terga vertunt reliqui, tanta festinatione, ac ita confertim, vt alius alium ponte detruderet. Magna pars festinè arma exuentes (miseram spem salutis) ad proximum lacum tranandum conuersi. Nimirum ea vis metus est, vt homo à quouis potius alio, quàm ab homine irato absumi malit. Quare magnus numerus in lacu demersorum visus. Pars suo cum glorioso duce, in lacum etiam impulsò, vertit se in fugam: nostris eos ad tertiū à prælio miliare (Prusiecz ruri nomen) summa contentione persequentibus, & magnas illorum strages edentibus. Non pauci montes, alij syluas Cassubicas & Pomeranicas, effuso cursu perierunt. Tunc illud euenisse visum, quod Moses malis prædixit: Efficiet (inquit) Iehoua vt corruas ante hostes tuos, & in quos vna via exieris, eosdem septem vijs fugias: quibus in rerum omnium penuria seruietis: illi verò imponent ceruicibus vestris iugum ferreum, vsque ad vestrū exitium. Intacti illi, equis currus trahentibus conscensis, profugerunt, qui extremum agmen claudebant. Per multiè montibus & syl-

& syluis à regio milite extracti, ad imperatorem trepidi adducebantur. Post victoriam aiunt Haidones Zborouio, ab inclementia illos auocanti, hisce verbis respondisse: Si nos hosti parceremus, ille victor eodem modo quo nos nunc (quæ dicentes, hos è captiuis detruncabant, illos mutilabant) in te sæuisset. Fugientes persequentium tantus erat ardor, vt ad signum inclinata die receptui datum, non nisi ducen- ti equites, bene cruentati, ad ducem oppido opem laturi redierint: alij post, cum præda sequuti. Vbi Haidonum ductores orauit Zborouius, vt suos ad alterum hostem adoriendum conuocarent. Qui licet non minus quam equites cædendo defessi, noctisque præteritæ vigilia atque diei inedia fracti forent, tamen simul omnes præeunte Zborouio, illos qui è nauibus iam ad alteram ripam stantes, & nuncios de victoria suorum opperientes, globos machinarum muralium aduersus oppidum incassum eiaculabantur, inuadere, aggrediq; cupiebant. At hi casu suorum, ex aduëtu nostrorum, & globis tormentarijs contra se eiaculatis, cognito: domo, vbi traiectus est, incensa, & omni quæ in ea fuit cereuisia epota, supellectile direpta, fugere incipiunt: paululumque prouecti, (nam ventus aduersabatur) se post insulâ abdunt Interim Mariæburgo, ad preces Zborouij, nostris subsidio venit Stanislaus, filius Ioannis Kostkæ, præfecti Mariæburgensis, cum suorum globo, & quatuor tormentis telorum: cui persequendi hostem ab illa eadem ripa, datum negotium: quod bene cœptum, non minori fortuna peregisset, ni & nox obscura, & ventus secundus, fugientibus opem tulisset. Quàm autem salui hi quoq; domum reuer-

terint, parum liquet: illud certū, multoties à nostris  
 fuisse globis tormētarijs petitos. Qui cladi superfue-  
 rūt, capti mille, præter illos quos vicina nobilitas fu-  
 gientes cōprehendit: aliquot ita opulenti, vt vitam  
 multis nūmūm aureūm millibus redimere cupiant:  
 Vidisses decē, plus minus, Germanos ab vno vinci-  
 ri, vel Polono, vel Hungaro: vinxit & quædā mulier  
 duos: ( tantus pauor pectora illorum occuparat ) ac  
 quodā è nostris vincula querēte, protulit sua spōte è  
 sinu captiuus: En (inquit) habes: colliga manus, vitæ  
 parce. Occubuere in acie 44 27. viri: id ex illis qui  
 iussu Imperatoris occisos humabant, cognitum. In  
 fuga caëtorum, & aquis obrutorum, quum hæc scri-  
 berem, nondū erat collectus omnis numerus: non  
 paruus, opinor, si modò victus verū fateri vellet. Te-  
 debat iam tot cadauera, quorū lacus atq; viæ plenæ  
 erant, terra obruere: à feris & alitibus multa depasta.  
 Inuēti à vespillonib. seu duo seu tres, qui ad tertiam  
 vsq; à pugna diem, denudati vti omnes alij, morte si-  
 mulata, inter occisos latuerūt: rogati verò cur nō in-  
 terea temporis fuga vitæ consuluisent, responde-  
 runt, metu Haiducorū inclementium, qui sibi insta-  
 re visi semper essent, assurgere ausos nō fuisse. Signa  
 pedestria quinq; adempta, vnum equestre: idq; erat  
 maximū, & AVREA LIBERTAS, aureis literis scri-  
 ptum habebat. Scilicet rex eam illis eripere voluit:  
 qui se omnium iura, publica & priuata, & quam quis  
 profiteretur religionem, incorruptè seruaturum,  
 semel ad aram sanctè promisit, idq; adhuc præstitit.  
 Tormenta aënea magna septem: parua triginta, tri-  
 bus vecta curribus, ablata: currus 150. relictī: arma-  
 turæ ter mille quingentæ, è spoliatis ad ducem com-  
 portatæ,



pōrtatæ, & tormenta manuaria permulta: quibus iacturæ militum compensatæ sunt. Largitus est alia quoq; dona Zborouius cuiq; fortissimo: adeò munificè, vt ipse nihil planè è præda sibi reliquerit, contentus sua gloria, quæ illi ex re bene gestâ nata est: tamen si hanc etiam ab sese amouens, soli Deo, à quo profectam manifestè videbat victoriam, & felicitati regis sui, triplici iam triumpho insigni, libenter tribuat. Quis enim, nisi impius, hoc solius Dei beneficio factum esse nō fateretur, vt bis mille viri, 12000. siue 14000. hostium, profligarint, maioriq; ex parte cæciderint? Falsus est hoc & agnouit pius rex cū illo loci veniens vbi pugna peracta est, hæc proferret: *Non nobis, Domine, non nobis, sed nomini tuo da gloriam.* Regij verò milites (quod mirère) solum duo sexaginta occisi, centum triginta vulnerati: hos inter nonnulli, dum tormentis potirentur, fœdè ambusti, quod magister tormentorum, viso extremo discrimine, dolio pulueris nitrati ignem iniecerit: quo ipse vnà interiit. Horū nomina, ni pigeret possem referre: sed breuitatis habenda est ratio. Equi 38. cæsi, 65. saucij ac læsi. Reperta apud plerosque omnes Germanos, varij generis vincula, nostris ligadis parata, quæ ipsorum met brachia senserūt. Ita illud verè dictū à Solomone: Parari equum ad pugnēdiem, sed Dei esse victoriam. Illud immanius, cōfectas ab illis fuisse glandes venenatas, quæ sursum è tormentis breuioribus (quæ duo fuère) eiectæ, mortem illis adferrent, quoscunq; earum scintillæ attingerent. Fastū porrò illorum, & ante victoriam triumphū, illud arguebat, quū sui generis vicinos præmonerēt, maturè migrarent aliò cū preciosa, quaq; supellectile,

ne quid hostile à milite experirentur: quorum dictis quidam oppidani territi, sua Grudzadzum, alij aliò augebant. Quinetiam in ipso procinctu, alter præbibus alteri, hic tres, quinque ille, alius decem Polonos victos, vir vxoti, miles amicæ, adducturum se promittebat, & pro vno capone pingui tres se captiuos daturum spondebat. Præter hæc, vrbe exituri, spectatores alloquebantur, eos ipsi quoque comitarentur ad pugnam breuem quidem, sed longæ, opimæque prædæ: (perrecturos se vltra Derszauiam opinati) vel saltem extra urbem opperirentur reduces cum spolijs Polonicis atque Vngaricis. (ita paucitas nostrorum despecta ab illis fuit) Stabat ergo populus in montibus belli euentum expectans. Primum, eumq; certum, irati numinis ciuitati nuntium carnifex attulisse dicitur. Non credita res diu, mutilis cursim carnificem sequentibus, fidem meruit: & posse abs rege vinci superbos subiectos, vt antè Lanscorona, Grebinum: ita Derszauia declarauit. Constas fama est, paulo minùs sexcentis mulieribus Dantiscanis hoc prælium viduitatem, nò paucioribus reor orbitatem attulisse. Cumq; Coloniensis in urbem anhelus refugisset, hisce illas cum eo verbis expostulasse: Redde nobis, sceleste, viros: redde filios, redde cognatos, quos tu non eduxisti, sed seduxisti: victuros, si intra portas se cōtinuissent. Is Zborouio denuntiasse fertur, se de integro fortunam belli experturum, sumptis secum vrbis clauibus, si superetur, victori tradendis. Quod an credam ambigo, quum tanta sit ciuium consternatio, tantus mulierum & natis orborum parentum dolor atque plangor. Addere animos possunt Danica,

ciuita-

ciuitatumque maritimarum auxilia. Et Gedanenses quidem ita attriti sunt, die, menseque eodem, sed anni alterius, quo Stephanus Batorius, primum ex Hungaria Cracouiam (quæ regum sedes est) ingressus, regnum iniit. Afflicti autem, non ob solam diu meditatam rebellionem, (non enim temerè urbem suam magno sumptu & studio, muris, propugnaculisque aliquot annos firmabant) sed etiam propter terra de bono rege, regnoque ipsius, à quo Gedanum alitur, scriptis prodita mendacia, & in ipsa vrbe iactata in regem conuitia: quum regi, qualis qualis est, nefas sit maledicere: crimen, de altero falsum dicere. Adeò infelix prælium, tantum terrorem permultis incussit, vt clàm cum ijs quæ faciliè auferri possunt, emigrèt ex vrbe, (metum illis aduentu in Prussiam fortunati, animosi que regis, quotidie augente) nec ulturi ignominiam, ad tympani, aucto stipendio, trium dierum pulsum, dare nomen militiæ alia lege quisquam voluerit, quàm ne pugnatum foras educatur. Ij missum ad se à Zborouio cum literis tubicinem, quibus eos addeponendam rebellionem, cuius pœnas luissent, inuitabat, interemerunt. Quibus Zborouius iratus per obscurum quendam libertate donatum captiuum, denuntiari iussit, se s. o. ex illustrioribus captiuis, in ipsorum cōspectu palis infixurum, ni sibi paricidas traderent. Ad hæc illi, ab irato suis peccatis Deo se punitos esse cōfessi, tradituros se homicidas rescripserunt, & ad colloquium cum imperatore & Ioanne Kostka, Voiuoda Sendomiriensi, se admitti petierunt.

Habuit Zborouius, Gnesnensis Castellanus, non plures milites 2027. Prima equestris centuria, ipsius-



met erat: altera, Andreę Fierlei, Castellani Lublinę-  
 sis: tertia, Ossolinij Krzeszouienſis Praefecti: quarta,  
 Kafanouij: quinta, Nicolai Goſtöski: ſexta, Adami Bali-  
 nij: ſeptima, Zebrzydouij: octaua, Leſnouiouſcij: no-  
 na, Gnieuofij, Stanisłai Iordani 50. ſolura egres fue-  
 re. Ex voluntarijs, Ioannes Zamoyſcius, Procăcella-  
 rius, 37. Hieronymus Goſtonſkius, 10. Stanislaus  
 Przyienſkius, 16. ex aulicis autę regijs Ioannes Ten-  
 cinius comes, Caſtellanus Voynicęnſis, 50. equites  
 habuit. (ſunt Caſtellani ſecundi a rege ordinis ſena-  
 tores: Voiuodę, quos Palatinos vocamus, primi)  
 Zloſtonius 7. Iacobus Pilchouius totidem, Malicius,  
 5. BielaWſkius, 4. Procopius Pieniazek, eques Mal-  
 tenſis, 6. Hungari 40. quorũ cognomina ignota mi-  
 hi ſunt: nota virtus & fortitudo. Hi omnes, nu. 1132.  
 haſtas pręlõgas, ſcuta, breues ſclopos, & gladios du-  
 plices gerebant. Huſſarorum nomen habent. Veli-  
 res 215. fuerũt: quibus, pręter acinaces, venabula, ar-  
 cus, lorica, arma ſunt: 100. Struſſij, Pręfecti Bratiſla-  
 uicęſis: 50. Tenruki: 30. Scythę regij: totidem Andreę  
 Comitıs Gorkani, Caſtellani Miedzyrzecenſis: 5.  
 Andreę KarchoWſkij. Hos appellāt Koſakos: equi-  
 tes celerrimi. Regios Stanislaus Gizitzki etiam tum  
 (opinor) ducebat, miles celeberrimus. Pedites verõ  
 regij, generis Hungarici & Slaonici, ſtupendę au-  
 dacię atq; agilitatis, 600. Haiduci patrio ſermone vo-  
 cati: imperatoris, 30. Fierlei, 100. ę quibus 50. oppidi  
 deſenſio iniuncta erat. Tormęta cępeſtria duo tan-  
 tũ: his multõ minora, Haken Germanis dicta, 27.  
 Contrā, Gedanenſium cohortes pedestres ſex fue-  
 runt. Quę erat imperatoris, viri cetera ęg regij, ni o-  
 peram ſuam rebellibus nauaſſet, 600. viros cõple-  
 rebatur:

ſtebatur:centurionis Kleuneri, 500. Lemkæ, 600.  
 Eſterreicher, 600. Rauſa Wi, 500. Veſteinij, 300. E-  
 quites mercenarij, 400. ciuiles totidem. At ciuium  
 numerus, omnibus quaſi ad certam victoriam cupi-  
 dè ruentibus, cōfeſſione captiuorū, vel 8. vel 10000.  
 ſuperabat. Vt enim diues opum, ita populosa eſt ci-  
 uitas Gedanenſis: cuius portu nullus alius in Ocea-  
 no Germanico nobilior: aqua profunda, muris &  
 aggere præalto, ita munita, vt inexpugnabilis eſſe  
 videatur. Si igitur 8. tantū millia oppidanorum, ad  
 excutiendum iugum regium egreſſorum poſueri-  
 mus, numerus omnium militū 12000. minus 100.  
 efficit: ſi duobus plus, (nam captiui variant) 14. ſunt  
 millia. 12. igitur viri vnum militem regium fugie-  
 bant. Hæ fuerunt Gedanenſium copie, ſanè magnæ:  
 quibus freti, Magiſtratui, toti Pruſſiæ diuinitus da-  
 to, reſiſtere voluerunt; nolle ſe vnctum Dei oſcula-  
 ri, quem ille præ cæteris ſeptem competitoribus de-  
 legit, oſtenderunt. Regem prudentem, pium, cle-  
 mentem, quem alij omnes reuerentur & amant: ſo-  
 li infeliciter oppugnauerunt: & (quod illi moleſtiſ-  
 ſimum eſt) à ferendo Ruſſis contra Tartaros auxi-  
 lio, qui eodem tempore in Ruſſiam irruerant,  
 auocauerunt: cuius cauſſa, vt æquior  
 eſt, ita fortuna ſuperior  
 futura.

## SVPPLEMENTVM DE REBVS

GESTIS INTER REGEM POLONIÆ,

Stephanum, &amp; magnum Dūcem Moschouix:

anno Domini 1579. in Augusto.



Onstat ex lectione historiarum, inter Polonos & Moschos, diuturna bella extitisse. Dum vel maximè Moschus Lituania aliquot pricipatus & prouincias sibi vsurpare voluit. Poloni verò ubi Iagellonem magnum ducem Lituania, qui Wenceslaus dictus, in regē assumpserunt, regnum cum Lituanico principatu cōiunctum, & armis Polonorum defensum. Hoc videre est locupletissimè apud Cromerum historiographum Polonum. Et licet multis præclaris victorijs Sigismūdus primus, Polonia rex de hoste Moscho potitus est: tamē sub Augusto Sigismūdi filio cæpit dux Moschorū, valde esse infestus Polonis, & totē Lituaniæ. Atq; prætere dēre cæpit sibi nescio q̄ius in Liuoniā, quæ ante aliquot annos dedit se in fidē & clientelam regis regniq; Poloniæ. Quare occupato rege Polono: & etiā oscitate, impetū fecit in Liuoniā, eam est depopulatus: arces & oppida multa occupauit. Et deinde in Februario ante annos viginti, arcē Polosko in Lituania, minus diligenter munitā obsedit, & per deditionē capit. Paulo post alias arces & ditionē Polokensem, quæ satis ampla est, in Lituania accepit. Sic res illi succedere Moscho



*feliciter: quamvis Poloni collectis copijs saepius unà cū Lituaniis, voluerint recuperare amissa: sed hac nō potuere suā sortiri effectū, ob varios Reip. Poloniz casus aduersos. Nimirum ppter interregna, cū Sigismūdu Augustus obiit, & Henricus Valesius electus: Deinde cū Hēricus Valesius inde discederet, & Poloni de noua electione solliciti, Stephanū Battori principē Trāssyluaniae elegerūt. Quocirca postquam in locū Henrici Valesij, Stephanus Battori est successus, dedit operam, ut ea quæ ad dignitatē regni pertinerent, persequeretur. Et cū iam induciæ cū Moscho propter Lituania principatum æstate superiori finiedæ essent: haberetq; rex Polonus apud se legatos principis Moschorū: qui satis superbe pro more gentis legationē suam obire voluerāt: existimauit è re totius regni esse, si armis aperiret nomē famamq; Polonicam, & repeteret possessiones à Moscho iniuste acceptas. Indicitur itaq; bellum aduersus Moschū: conscribitur undiq; à rege Polono miles, siue Polonus, siue Germanus, siue Hungarus fuerit. Vnde factū est, ut à vere vsq; ad ipsam æstatē rex tantū laboris impēderit: q̃ expeditionē publica facta, exercitū mouerit in ipso Aug. mēsis principio aduersus Moschū: Quod quā illi fortunatum fuerit, ex edicto regis q̃ iussit fieri, prefeliciter gesta aduersus Moschū videre est: illud edictū, ut est Cracouia typis expressū, hic subiiciemus.*

EDICTVM REGIVM DE  
SVPPPLICATIONIBVS OB*rem bene aduersus Moschum  
gestam.*

**S**TEPHANVS Dei gratia rex Poloniae, magnus  
Dux Lituaniae, Russiae, Prussiae, Massouiae, Samo-  
gitiae, Liuaniae, Kijouiae, Volhyniae, Podlachiaeque,  
&c. princeps Transyluaniae.

Vniuersis & singulis, reuerendissimis, reueren-  
dis, magnificis, generosis regni nostri consiliarijs, di-  
gnitarijs, officialibus, nobilibus, atque alijs ordini-  
bus omnibus sincere & fideles nobis dilecti. Quod  
superioribus proximis omnium reipubl. ordinum  
comitijs decretum fuit, vt bellum hoc anno contra  
magnum Moschorum Ducem administraremus, cu-  
rae nobis pro regio nostro munere, nostroque in  
rempub. studio esse suimus: & contractis exerciti-  
bus nostris, comparatoque aliquo partim contribu-  
tionum pecunijs, partim (quod contributionum pe-  
cunie minimè satisfacerent) alijs rationibus belli ap-  
paratu, extrema Iunij die Vilna ad copias nostras re-  
censendas lustrandasque Suirum discessimus. Quo  
quidem in loco, multa nos diligensque deliberatio  
tenuit, quorsum nos potissimum cum exercitibus  
nostris in hostem conferremus, quidque rectissime  
& quam maxima cum vtilitate reipubl. nobis ante  
omnia, bello aggrediendum esset. Rebus verò om-  
nibus in accuratam considerationem vocatis, ex  
iudicio & senatorum nostrorum & aliorum milita-  
rium virorum, qui nobis aderant, eam tandem in  
senten-

sententiam descendimus, ut primam nostrorum armorum vim ad Polociam oppugnandam conferri oportere concluderemus: quod quidem ea arx ceruicibus magni Ducatus nostri Lituaniae, atque adeo ipsi ciuitati nostrae Vilnensi, nulla alia firmiore munitione interiecta immineret, ex qua nobis in alijs remotioribus regni locis occupatis, oblata occasione summam non modò Lituaniae diripiendae, sed Vilnae etiam adoriendae facultatem hostis habiturus videretur. Faciendum præterea necessariò nobis visum est, ut cum bellum hoc non modò rerum communis reipub. recuperandarum causa, sed hostem quàm longissimè remouendi, grauiusque coercendi gratia susceptum habeamus, expeditionibus nostris in his potissimum regionibus maxima anni parte, aut frigoribus grauissimis, aut imbribus assiduis militis infestis, tum quoq; ob vastitatem difficillimis: propinquiorem aliquam sedem & quasi officinam, quam ipsa Vilna esset compararemus, ex qua quidem officina, quam maximè integrum recentemq; penitus in solum hostile ducere militem, & belli instrumenta impedimentaq; minore cum negotio ad res cum celeritate felicitateq; gerendas transferre possemus. Quanta enim cum difficultate ac detrimento Vilnae illud facturi essemus, breui hoc itinere, quò cum exercitu nostro progressi sumus, magna nostra cum molestia cognouimus. Accessit & illud, quod hac arce qua firmiorè maioremq; hostis nullam habet, expugnata de alijs retinèdis hostem eò magis diffidere, & occupandis militem nostrum sperare doceremus. Tantum verò abfuit, ut nos eò deterreri oportere iudicarem, qd locus ille ab omni opere belli que appa-



tu firmissimus esse, perhiberetur: ut hoc potius de principio nobis recentibus militum nostrorum viribus animisque, quàm ijs militiæ diuturnitate afflictis tentandum existimauerimus. Cùm igitur nihil factu potius vtiliusque iudicatum esset, nos factis ab inuocatione opis diuinæ auspicijs, Suiro primum illustrem Nicolaum Radziuil Palatinū Vilnensem, cum aliquibus equitum peditumque Lituanorum copijs, & certo Vngarorum numero, cum generoso Gasparo Bekkiefz Polociam præmisimus itinerum claudendorū causa, ne quid à magno Moschorum duce præsidij accederet, quo & si maioribus in magna etiam viæ difficultate itineribus peruenisset, tamen cùm iam antè nostras ad hostem literas misissemus, quibus bellum ei diligenti cum explicatione causarum denunciauimus, biduo antequam nostrę illæ copię ad Polociam accessissent, equitum & peditum aliquid ab hoste in arcem immissum est: adhibita verò à Palatino Vilnensi, posteaquam propinquo ad arcē loco confedisset, ea diligentia est, ut post nullius subsidij hostilis accessio facta sit. Nos cum exercitu nostro & tormētis impedimentisq; bellicis, in summa viarū iniquitate quā pluuiarū assidua magnitudo, & horū agrorū natura effecit, minorib. itinerib. subsequuti fuimus, interea à copijs nostris quę præcesserant, arces tres, Kosiana, Krasne, & Sithno per excursionē celeriter occupatę, & incēdio deletę sunt. Vndecima Augusti die proximè Polociam cum copijs omnibus nostris mouimus, & propinquo ad mœnia loco castra metati sumus, arcem ciuitatemq; tribus locis obsidione cinximus, eademque die locis omnibus munitiones, fossasq; propius hostem

hostem agere iussimus. Postridie ciuitatem nō mediocriter fossis & aggere, & propugnaculis & parietibus densissimis, tum quoq; præsidio firmā ea maximè de causā, quòd illo loco nos à propinquiore ad arcem accessu prohiberet, incēdimus, ac totam paucis horis deleuimus. Tum longius munitionibus nostris ad ipsas arcis portas promotis, omni conatu in arcem expugnandam incubuimus. Ostenderat vi sua præpotens Deus, in manu sua rerum gerendarum potestatem esse, & assiduas pluuias pluribus diebus ita immiserat, vt & operæ militum maiorem in modum impedirentur, & oppugnandi ratio etiam atque etiam retardaretur. constitit tamen militi nostro maximis etiam in incommodis singularis animorum ad omnia obeunda tolerandaque ardor, sic vt in summa pluuiarium iniquitate, altissimoque luto nihil prætermitterent, quæ ad oppugnandum pertinere possent, hostibus contra omnes nostros conatus acerrimis animis, & incredibili tormentorum vi, ita dies noctesque propugnantibus tanta peruiacia, & flammæ à nostris illatas extinguentibus, & vim omnem depellentibus, vt se tormentorum telorumque nostrorum iniurijs certatim offerrent, & succumbentibus alijs alij cōfertim succederent, ostenderentq; Moschos arcium defendendarum vi atq; ardore cæteris omnibus gentibus antecellere. Respexit verò tandem nos sua benignitate clementiss. Deus, concessitque, vt quæ prima nobis paulò senior dies vicesima nona Augusti illuxit, ea incendium à milite nostro arci illatum sit, summa cum contentione atque discrimine, cum se miles noster in fossas dimittere, & Polottam flumen su-

perare, deniq; arduum cliuū cui impositum propugnaculū erat subire, & manibus materiā ignemq; inter infestissima creberrimaq; hostium tela inferre necesse haberent, quod incendiū cū vehemētius exarsisset, & munitionis anterioris, in quo sclopetariorum domicilium fuit, aditum aliquem patefecisset, teneri militū nostrorum ardor non potuit, quin per ipsam flammā irrumperet, atq; hostem feriret, a quo tamen cœpto cū propugnatione hostili, tum maximē flammæ vi reiectus est, paruo cum nostrorum neque amplius viginti septem pluribus tamen vulneratis, hostium tamen ad ducentorum interitu. Dederat aliquam hostis eadem die deditio- nis significationem, quam nō seriam fuisse animaduersum fuit, cum nouis se munitionibus flammæ altitudine nostris conspectum eripiente circumdare deinceps cognitum esset. Nulla igitur cum intermissione oppugnationis vim omnem adhibendam, nullumq; hosti quiescendi, aut se firmius muniendi spacium concedendum iudicauimus, posteroq; die ignem in alias munitionis partes miles in quo equites etiam erant, qui missō equo in pedes descenderant, intulit, quo cum iterum aliqua muri pars deleta esset, & cliuū in quo propugnaculum antea igne absumptum erat tenuisset, ac inde ad latus hostilium fossarum ac munitionū illa parte deleta tumultuario opere factarum fossas ac munitiones ducendo praesidiarios circuire ferē cœpisset, atq; sic in potestate hostis esset, nos & sanguini Christiano parcendū & operam dandā rati, vt arce quā maximē integra cū tormentorum aliorumq; belli instrumentorū apparatu potiremur, quæ hostis ipse ad extremum



mun iniecto igne delere posset, facta omnibus vite gratia permisimus, vt qui nobis militare vellent (quorum qui velint magnus sanè est numerus) fortunas omnes suas incolūmes conseruarent, atq; stipendia nostra mererent, quibus redeundi in Moschouiam animus esset id nobis permittentibus atq; omnem securitatem præstātibus facerent. Palatini, Basiliius Iuranowicz, Mikolinski Telakowski, Demetrius Michalowicz Sezerbati Obolinski, Mathæus Iwanowicz Rzowski, Iwan Hrehorowicz Sufin, Petrus Iuanowicz Volinski, Lukian Tretiakow Rakou filius scriba, qui partim præfuere, partim in arce fuere cum se ipōte dedere, ac gratiæ nostræ permittere nollēt, captos in custodijs habemus, & arcē ipsam præsidio nostro immisso iā obtinemus. In qua quidē arce, q̄ eam defendissent, & arma tulissent ultra sex millia fuisse cōpertū est. Nostri cū ingressi essent, passim magnā cadauerū insepultorū numerū reppererūt, tum tormentorū ac pulueris tormētarij globorumq; tantā vim deprehenderūt, quāta in arce aliqua Christiani orbis his rebus instructissima posset reperiri. Quos quidem rei gestæ successus vt in primis ad Deum præpotentem referimus, ita illi summa animi pietate agimus gratias, ac sync: & fide: uestras hortamur, vt easdē pro bene gestare publica agant simul etiam cōprecentur, vt quæ gerenda super sunt, quæq; in hostē hunc deinceps etiā suscipiemus itidē clementissimè fortunare dignetur. Quod illū pro sua benignitate, & causæ quæ hæc nobis arma induit bonitate facturum confidimus. Nos quidem ad res pro communi republ. gerendas, omne animi studium curam, laborem, operam, sanguinem,

adeoq; vitam nostram cupidè semper promptèque  
afferemus. Datum ex arce nostra Polocensi die vl-  
tima mēsis Augusti. Anno Domini M. D. LXXIX.  
regni vero nostri anno III.

*Stephanus rex sst.*

Ex hoc edicto videre est, quàm fausta & fortuna-  
ter fuerit hæc prima regis Poloni expeditio, quæ  
hanc inclementissimè anni tempore suscepta fue-  
rat: Nam intemperies tanta aëris & pluuię continuę  
videbantur prænunciare infelicem & irritam fore  
illam expeditionem: At regis strenua virtus, hæc co-  
ram impedimenta superauit, præterque spem & o-  
pinionem hostis castra metatus est ante arcem Po-  
losko: qua, vt suprà dictum, capta non substitit, do-  
nectotam illam prouinciam recuperaret. Magna  
vis, iumentorum & equorum ob pabuli defectum,  
& corruptam annonam propterea pluuias perijt:  
nihilominus rex non conquieuit, donec quod vole-  
bat, perficeret. Nam hac arce Polosko sic feliciter  
capta, progreditur vterius, & diuiso exercitu, Polo-  
norum, Hungarorum, Lituatorum, alias arces obfi-  
det, capitque partim vi, partim deditioe. Lituani  
mito stratagemate arcem TuroWla ceperunt, dum  
scilicet vnā partem arcis versus planitiem sitam  
defendit hostis: milites aliquot Lituani collem no-  
ctu conscendunt, & ingressi aliquot per foramen,  
qua tormenta eiulantur, clamant, imperum fa-  
ciunt in Moschos, per scalas alij ascendunt: & sic illa  
arce potiti. Sokol arx tertia, quę accipiter Latine dici  
poteest, fortissima & bene munita, obsessa fuit à Po-  
lonis,

lonis, quibus præest imperator Milecius, vir sum-  
mus, animosus, & gloria maiorum clarus, Podoliæ  
Palatinus; hæc defendebatur à bellicosus viris Mo-  
schouitis, qui tam viriliter repugnant, vt non sine  
vtriusque gentis & Polonorum & Moschorum cla-  
de capta sit: ferunt enim ad tria millia Moschorum  
ibi interfecta: Atque istud est feritatis & immanita-  
tis barbaræ indicium, quod Moschouitæ quoties-  
cunque Germanum militem capere poterant, tum  
illum dilaniatum & dissectum, ac puluere bombar-  
dico infartum, ita extra arcis mœnia ei aculabantur:  
vt odium suum in gentem Germanicam re ipsa re-  
starentur. Inter dedititios captus est præfectus mili-  
tum Fedor Wasselouicius Seremiczius, qui erat ipsi  
magno duci Moschorum ob suam fortitudinē per-  
gratus & amabilis: cuius viri iacturam grauiter tulit  
magnus dux. Milecius cum Polonorum exercitu, ne  
quid deesset, ad perfectum victoriæ triumphum, ca-  
stra mouet, & grauiter iudicat arcem vnā residuam  
esse, quæ nisi capiatur: futurum sit, vt perpetuis in-  
cursionibus Plocensis agere recuperatus infestetur.  
Est autem arx illa Susa, in summa planitie & palustri  
loco posita: cuius accessus est perdifficilis ob pro-  
fundas paludes. Tamē cum obsessi viderunt Polonū  
imperatorem nihil remittere de sua diligentia, lapsi  
animis: tandem se dedunt & veniunt in potestatem  
Polonorum, certis legibus & conditionibus præ-  
scriptis. Vbi arx illa Susa tradita fuit, ibique magna  
vis tormentorum & commeatus bellici inuentus  
fuiſſet: de consilio regis arx illa deturbata & euersa,  
ne & hosti amplius esset utilis: neue in ea seruanda à  
Polono multum cōsumeretur. Sunt postea ab exer-



citu regio aliquot arces capte & euerſæ: veluti Kraſno, Sithno, & Koſiani: id quod prudēter à Polono factum, ne tot arcibus muniendis, vires exercitus diminuere cogeretur. Itaque rebus ſic perbene & laudabiliter, Dei auſpicio, peractis, Rex diſpoſuit in hybernis militem cū equiteſtum pediteſ: Et deinde indicit comitia regni, vt incœptum bellum cum hoſte potenti, ad ſalutem totius regni perficiat. Celebrata ſunt comitia Calendis Decembris, vbi ab omnibus Ordinibus aſſenſum eſt, vt rex fortunā belli ſequatur, & occaſionem datam recipiendi omnia amiſſa à maioribus arripiat, ratioque nerui bellici, tam tributisq̃ue alio pacto regi eſt conceſſa. Sic ſperatur quod in Februario anni iſtius, & toto hoc anno perget rex Polonus aduerſus Moſchum: Quod vtinam felix fauſtumq̃ue ſit, ad ſalutem & incolumitatem illius potentiffimi regni, quod eſt Germaniæ maceria & propugnaculum aduerſus fe-  
ros hoſtes & barbaros.

Amen.

EDI-

# EDICTVM REGIVM SVIRENSE AD MI- LITES.

## EX QVO CAVSSÆ SVSCEPTI

*in magnum Moschouiae Ducem bel-  
licognoscentur.*

STEPHANVS Dei gratia rex Poloniae, magnus  
Dux Lituaniae, Russiae, Prussiae, Massouiae, Samo-  
gitiae, Liuaniae, & princeps Transylvaniae, exercitus  
sui cuiuscunque nationis, atque ordinis militibus.  
Etsi tanta & tam nota omnibus iniuriarum magni-  
tudo est, quas magnus Moschouiae Dux regno no-  
stro Poloniae, magnoque Lituaniae Ducatui adhuc  
attulit, vt arma haec, in quibus hoc tempore versa-  
mur, seta potius cunctis, quam vel praepropera, vel  
non satis iusta cuiquam visum iri arbitremur: tamen  
cum studium nostrum satis expleri non possit, quo  
desideramus, vt quae suscipimus gerimusque, cum  
aequitate iustitiaque nos suscepisse, ij penitus intel-  
ligant, ad quos causa quaeque attinere videatur: faci-  
endum nobis hoc in bello existimauimus, vt exer-  
citus nostri, cum eos non tantum ex regni nostri Po-  
loniae, magnique Ducatus Lituaniae, verum etiam  
Hungariae atque Germaniae, alijsque nationibus exteris  
compositos habeamus: certius vel recetiora cogno-  
scant, quae inter nos, posteaquam regni huius nostri  
principatum gerendum suscepissemus, & magnu Mo-  
schoru Ducem intercessissent: quae quidem istiusmodi  
sunt, vt facile pateat, nihil a nobis praetermissum esse, q

ad principis Christiani officium, ad vitandum Christiani sanguinis discrimen, ad constituendū ex equitate cum eo hoste concordiam, pertinere posset: ab illo autem, quæ suscepta actaq; sunt, omnia cum hostilibus iniuriis coniuncta, & ad arcium, ciuitatum, ditionumque nostrarum circumuentionem & detrimentum, nostrique nominis dedecus comparata fuisse. Nos quidem simul ac in regnū hoc nostrum peruenissemus, vt ceteros principes Christianos, partim ordinum regni nomine, ita etiam magnum Moschouix Ducem de accessione dignitatis potentiaque nostræ, deque optima nostra cum eo etiam pacis constituendæ colendæque voluntate, fecimus per internuntios nostros certiore. Et dederat verbis, non nullam tum significationem mutue voluntatis atq; studij sui erga nomen sanguinemque Christianum, & literas addidit, quibus amplior alicui legationi nostræ securitatem accommodabat, & peculiari epistola, quæ etiamnum nostra in potestate est, confirmabat, se imperasse suis, vt dum mutuo inter nos per legatos res agerentur, ab omni iniuria maleficioque in nostros se abstinerent, exposcens vt eadem ad nostros mandata daremus. Etsi verò tam callidè hæc simulare non enim posset, quin se etiam tum proderet, verbis in nomen nostrum valde iniuriosis, infestus illius erga nos animus, tamen cum eo se vsque tantum iactaturam eius esse superbiam, in posterum verò illum ad mentē meliorem, & publicæ pacis, & suorum salutis curam aliquam reuocatum iri existimaremus: habita à nobis eius literarum confirmationi fides est: pro qua quidem fiducia, & mandata nostris dedimus, vt cum Moschis indu-



inducias diligēter cōseruarent, & ad ipsum Moschouix ducem, legatos quā amplissimos, magnificum Stanislauum Kryski Massouix Palatinum, Nicolaum Sapiha, Palatinum Minscensem, ac Theodorū Skumin curiæ nostræ Lituaniæ thesaurarium misimus. Quæ dū à nobis fiunt, ille violata promissi fide (quæ nos inducti, tantū abest, vt ab eo, dum nostri ad illum legati proficiscerentur, hostile aliquid pertimescendum putaremus, vt tuta nobis atq; amica omnia pollicemur) subitò nulla, aut renuntiatione induciarum, aut belli denuntiatione adhibita, cum exercitu ipse, adeoq; vnā filius nati maior Liuoniam inuasit, ac fraude potissimum. & conspiratione adductis in potestatem subditis nostris, in libertatem, liberos, coniuges, vitam, ac sanguinem Christianorum hominum crudelissimè flamma ferroq; grassatus est: arcibus nonnullis ditionis nostræ, dum extremis in finibus regni nostri necessariò versamur, insidiosè occupatis: quo tempore, quæ illius in trucidandis per acerbissimos cruciatus captiuis truculentia, quæ flagitiosa in vexandis honestissimis nobilissimisque feminis turpitudine, quàm inexplibilis in hauriendo sanguine Christiano sitis, & in omni genere iniuriarum immanitas fuerit, cōmemorari satis non potest: & qui supersunt crudelitati, & modis aliquibus se ex illa acerbitate liberarunt, satis ista testantur. Accesserant iam tum oratores nostri ad ipsos Moschouix fines, cum inexpectatum de his Moschi ceptis accipiunt nuncium, quo quidem permoti, ad fines Moschouix subsistunt: nosq; faciunt de violata pace, de qua literis suis magnus Moschouix Dux nobis confirmauerat, diligenter certiores. Et si verò ab

illo hæc fieri indignissimè perspicèremus, tamen adducti, studio consulendi Christiano sanguini, atque hæc sine maiori Christianarum vtrique provinciarum vastitate, atque incendio ad tranquillitatem & pacem reuocandi: mandata nostris oratoribus dedimus, ut se nihilominus ad ipsum magnū Moschovia Ducem conferre pergerent, & penitus, quis illi pacis nobiscum colenda sensus esset, explorarent: ablatas verò à Moscho eo tempore res, contra literarum fidem, ut repeterent, & quæ subditis nostris ab illo calamitas proximè illata esset: eam modis omnibus sarciri postularèt. Quid tum verò? cùm peruenissent oratores nostri, ac Moschus agere cum illis per homines certos suos cœpisset, subito ad omnē superbiam, atq; animi impotentiam descēdit. Lituaniā non modò ab omni pacificatione, verū etiam mentione faciēda exclusit: nos dignitatēq; nostram regiam, ijs verbis atq; sc̃i iptis, à quibus non modò principem virum, eumq; Christianū, verū quemuis etiam cuiusvis ordinis abhorrere quā maximè decet, acerbè violauit, in regnum nostrum Polonia, magnumq; Lituania Ducatū ius sibi arrogauit, idq; vanissimis modis asseruit, dum à Prussō nūquam inter mortales cognito aut nato (quem Octauij Cæsaris fratrem, generis verò sui auctorem fuisse contendit) orsus, ab eo se esse propaginē quartam decimam significauit: quibus quidem generis sui vanissimis deliramentis, sibi ius per quam absurdè in vniuersum Polonia regnum, magnumq; Lituania Ducatum, aliasq; provincias vendicare instituit. Ac hæc omnia, cū post multas variasq; actiones, nostrorum oratorum, cum consiliarijs magni Moscho-

Moschouia Ducis, quos eam ad rem designarat, de certa induciarum ratione cōuenisset, nostriq̃ue pro eo ac vtrinq̃ue conuenerat, suas de eo literas perscripissent, & magno Moschouia Duci tradidissent: ille suas, quas è conuerso daret, non (vt facere par erat) ad similitudinem literarum earum, quas oratores nostri obtulissent, veritatemq̃ue mutua inter legatos nostroseiusq̃ue consiliarios conuentionis: sed ad arbitrium libidinemq̃ue suam ita perscripsit, vt inducias ad Liuoniam pertinere noller, quinimo non modò eam sibi cum Curlandia Ducatu, verùm etiam quicquid nobis vsque ad Prussia fines ditionum est: (interest autem ipsius Lituania pars) credi à nobis oportere significaret: quas suas literas ita perscriptas, cùm in eas iusiurandum dedisset, nostris oratoribus per vim superbè obtrusit. Quade re cùm nos oratores nostri ante suum è Moschouia discessum, facerēt certiores, ad magnū Moschouia Ducem, ex aulicis nostris, internuntium misimus, nobilem Petrum Haraburdam, iterata cum testificatione propensionis nostra, colendū cum eo pacis atq; concordia, idq; rei Christiana consulendi causa, qua quidem in testificatione luculenter ostendimus, si cōmune idemq; vtriusq; nostrum iuramentum esse deberet, cōmunem eo iuramento inter nos atq̃ue omnes prouincias nostras comprehendì oportere. Neq; enim honestati atq; rationi cōgruere, si iusiurandum, de pace inter duos susceptum, bellum quacunque de prouincia inter eos ipsos consequatur, quodq; sanctissimum cōcordia vinculum sit, in eo locus hostilitati relinquatur. Conuenire praterca nobis, tanquam principibus



Christianis, nos vt dictis factisq; omnibus, ita maxime religiosæ ilti iurisiurâdi affirmationi, cōstantiam adhibere. Curandū igitur esse, vt ne qua inter nos fidei, recteq; factorum nostrorum conscientie, vis afferatur. Quæ nostra æquitatis optimiq; studiij plena cohortatio, tantum abest vt ponderis aliquid apud Moschū habuerit, vt internūtiū nostrum, posteaquam admisisset audissetq; à se longè remoueret, & in modū captiui diu inuitum retinuerit: cumq; suos ad nos legatos misisset, in Liuania missis iam ad nos legatis suis, arces nostras, ac sigillatim Vendam bis oppugnauerit. quod cum per in signem faceret iniuriam, effectum Dei præpotentis beneficio est, vt & exercitus ille à nostris copijs, cum ad eas Suetica auxilia accessissent, delerus sit, & in potestatem nostram tormenta, aliq; quibus nostra oppugnabar, cuncta peruenerint. Sub id ipsum tempus legatos Moschicos ad nos Cracouiam, in ipsum regni nostri quasi domicilium atque sedem admisimus, cum eo tum loco, permagna propè vndiq; gentium Christianarum, frequentia hominum versaretur, legati exteriorum regum, principum, atq; nationum adessent: eorum in oculis, cum eos audiendi caussa ad nos in senatum nostrum perhonorificè, vt fieri inter principes par est, introduci curassemus, à fastu suo, nostræque dignitatis contemptione orsi, ad explicanda, quæ haberent mandata, nulla cohortatione se passi sunt adduci: quod à magno suo Duce præscriptum sibi esse significarent, ne quæ apud nos verba facerent, nisi nos antè, quæ à nobis superbè atq; ad derogandum dignitati nostræ, in quodam genere habèdi sibi honoris flagitarèt, præstitissemus. Quod cum

cūm nobis minimè committendum iudicassetus, neq; illi à fastuosa pertinacia se deduci sinerent, etsi iterum atq; iterum ab illis, vt dicerent, contendere-  
tur, indictis rebus è senatu nostro, atq; adeò Craco-  
uia discesserunt, atq; ita re vlla non modò non con-  
fecta, sed ne affecta quidem dicive ab ijs cœpta, per-  
missus vt se in Moschouiam referrēt. Quæ omnia,  
vt perspicuè testātur, quale nostrum extiterit susci-  
piendæ cum hoste illo concordie pacisq; studium,  
quod consulendi sanguini ac trāquillitati Christiani-  
næ desiderium, ita ostendunt planissimè, magnum  
Moschouie Ducem eò potissimum incumbere, hoc  
agere, huc omnes sensus conatusq; suos conferre, vt  
nobiscum hostilibus iniurijs perpetuò dissidear: &  
cūm ditionibus nostris, tum nomini amplitudiniq;  
nostræ modis omnibus derogatum velit. Misit ad  
nos postea per nuncium suum literas, quibus à no-  
bis postulat, vt in ea induciarū verba, quæ circa ora-  
torum nostrorū assensionē perscripta ostendimus,  
iururādum daremus, legatis suis redeundi ad se po-  
testas fieret, & si visum nobis esset, oratores ad se ite-  
rum mitteremus, qui de Liuania secum agerent.  
Quàm autem & ab æquitate, & ab officio dignitate-  
que nostra alienum sit, ad ea nos iureiurādo descen-  
dere, quibus non modò assensum nullum vnquam  
accommodauimus, sed de quibus nos cogitationem  
aliquam suscipere non oportere intelligimus, quis  
non perspiciat? Quī enim nos eius crudelitati Li-  
uoniam, Curlandie Ducatum, ditionesque alias  
nostras, quæ Lituanici iuris intermedia inter Liuo-  
niam & Prussiam fines sunt, permittere possumus, quæ  
nobis pro regio nostro sacramento, quod in nostra

regni inauguratione verbis solennibus dedimus, omni fide, cura, conatu tuenda, & ab aliena potestate, vitæ etiam nostræ discrimine defendenda intelligimus? quod quidem officium nostrum, vt nobis antiquissimum commendatissimumq; semper fuit, ita alienæ ab eo voluntatis significationem nullam vnquam dedimus, neq; de ea oratores nostri quicquam polliceri potuerunt, atque adeò constat, minime pollicitos esse. Nam quæ illi in verba cautionis suæ de inducijs perscriptæ iurarunt ea ab omni istiusmodi concessione longè remota sunt. Quæ verò non modò pacis inter principes ferendæ, sed inter priuatos etiam cōventionis alicuius ineundæ ratio, quæ vis, quæ necessitudo esse possit, vbi res alterius non modò nulla consensio voluntasq; , sed ne quidem suscepta aliqua cogitatio accedat? non vtriusque voluntatibus ad consensionem adductis, & literis non tantum sententiarum, sed propè verborum omnium similitudine perscriptis, negotium administretur? Quod quidem ita administrari & solere & oportere, hunc ipsum hostem nostrum fugere haudquaquam potest, vt non iuris æquitatisq; memorem, at ea tantum recordantem, quæ in faciendis inducijs, & pace ferenda, inter serenissimos prædecessores nostros, atque eius maiores, adeoque cum illo ipso, ante hac suscepta atque vsurpata fuerunt. Neque verò minus, quàm superiora illa & hoc iniquum est, quod magnus Moschouia Dux, nos in literarum suarum verba iurare voluit. Quæ quidem literæ, etsi ex voluntate atq; consensione vtriusque nostrum, ac literis oratorum nostrorum congruenter scriptæ fuissent, tamē vt ille in cautionis suæ formulam



lam iurasset, ita nos in nostram iurare conveniret: tantum abest, ut à nobis in eas literas iusiurandum rectè possit exigere, quæ ab ipso pro arbitrato suo perscriptæ, ab animi nostri sententia, mandatisque nostris, & legatorum nostrorum assensu, plurimum diffidēt. Quæ omnia quàm plena iniuriæ doliq; fuerint, quis nō facillimè perspiciat? cuius quidem doli studia, ex eo se etiam ostendere, quod quæ communica, gesta, actaque inter oratores nostros, & eos, quibus agendi cū nostris Moschouic Dux negotium dederat, quæque ab ipso Duce constituta fuerant, Legati eius, cū ad nos Cracoviam venissent, profiteri atque explicare minimè voluerunt. Ad has verò omnes fraudum technas, mox armata vis, aperta que iniuriæ accesserunt, cū non modò Liuvonia assiduis direptionibus ac bello infestam haberet Moschouic Dux non desineret, verū etiam in finibus Vitepscēsis, in ipsa magni Ducatus Lituaniæ ditione, propugnaculum nuper collocaret, ac per suos rei militaris præfectos, illis etiam locis subditos nostros trucidaret, alios crudelissimè diriperet, se deniq; maximis delectibus habitis, magis magisque contra nos armaret: qua quidē de re, cū non modò ad nos illustris Curlandia ducis, & Rigēsium, simul etiā nostrorū in Liuvonia præsidiariorū quotidiani nuncij ac litteræ peruenirēt: sed summa etiam imploratio opis defensionisque nostræ accederet, nullo modo debuit potuitque belli administratio diutius à nobis differri. Proinde iustissimis istis gravissimisque causis adducti, repudiandas minimeque iuramento nostro confirmandas Moschi literas, de inducijs ab ipso arbitrato suo perscriptas nobis esse

iudicauimus:quinimo ipsas in Moschouiam ad magnū Ducem, expositis quibus id faceremus de causis, per internuncium nostrum remisimus, ac hosti illi bellum iustum lēgitimumque indiximus, cū iam tum ille maximas contra nos copias ad Pleseuuiam coactas haberet. Quod ad oratores attinet, quos remitti postulauit: etsi qui neq; literas, quibus fidē legationis suæ facerent, nobis reddiderint, neq; vllam legationis partem explicarint, exploratorum potius quā oratorum loco haberi à nobis meritò potuissent, tamen quod oratoribus nostris in Moschouia significatum intellexissemus, legatos eos ad nos missum iri, nihil illis in omni genere & honoris habēdi, & laucia conferendi vllō loco ditionum nostrarum deesse siuimus, permisimusq; vt quod facere obstinauerant, nullis rebus apud nos expositis, se in Moschouiam referrent. Quod verò postulabat, vt nostros oratores, qui de Liuania agerent, iureiurando prius in eius literas de inducijs dato, iterum ad se mitteremus, non perspicimus, quid agi de Liuania per oratores possit, si antè iurati in eius conditiones (quod exposcit) non tantū de Liuania atque Curlandia, verū etiam parte nostrarum Lituaniæ ditionum, quæ mediæ Curlandiam ac Prussiam dirimunt, decederemus. Minimè igitur nobis committendum esse intelligimus, vt noua legatione, nihil aliud, quā prouinciarum nostrarum iacturam, ac nominis nostri indignitatem aliquam incurramus. Intelligi atq; adeò cerni arbitramur, quale nostrum fuerit studium, vitādi omnem Christiāni sanguinis profusionem, quod nostrū pacis tranquillitatisq; desiderium, pro quo quidem nos, ijs rationibus,

tionibus, quæ suprà expositæ sunt: experiri pacis conciliationem cum hoste illo cōtendimus, atq; omnia indignitatum genera, quæ maiestati nostræ regiæ ab magno Molchorum Duce allatæ essent, libenter tranquillitati publicæ atq; salutis, sanguini, fortunisque hominum Christianorum condonauimus: verum his nostris omnibus studijs ad concordiam pacemq; propensis, tantum abest, vt quidquam ab eo æqui bonique consecuti simus, vt ille hoc magis effrenatę superbię atque impotentię animi sui indulserit, & quæ ad contumeliam nostram, nostriq; regni & magni Ducatus Lituanie detrimentum pertinere possent, suscepit. Cui quidē rei, vt modum aliquando finemq; sponte sua facturum illum desperemus, facit inuererata iam perpetuāq; eius cum serenissimis prædecessoribus nostris simili genere agendi ratio, quam quidem ex ea iniuria æstimare licebit, qua diuum Sigismundum Augustum serenissimum prædecessorem nostrum affecit, cū missos ad se ex ordine senatorio splendidos oratores Palatinum Inouladislauiensem, & Castellatum Samogitiensem cōtumeliosę tractauit, & modis indignissimis contra gentium iura violauit, hominem nobile ex serenissimi prædecessoris nostri aulicis spoliavit, & cū res quasdam preciosiores inspiciēdi causa accepisset, superbe retinuit: mercatoribus qui vnā venissent, magnam mercium vim eripuit, equos in oratorum illorum conspectu productos ferro dissecari curauit: à qua indignitate vindicanda, cum diuum illum antecessorem nostrum mors (quę breui subsecuta est) exclusisset, nos per oratores nostros postulauimus, vt iniurias eas id temporis illatas, sar-



cire studeret, cui quidem postulationi nostræ nullum animus eius, iniurię pertinacissimus, reliquit omnino locum. Quid illa, quæ serenissimo antecessori nostro Henrico regi per litteras de pace vtrinque retinenda promiserat? & contempta promissi fide, non ita multò post capta Pernauia, alijsque Liouonię arcibus in potestatem suam reductis violauit? Quæ quidem fidei vanitate, maiores etiam eius erga serenissimos prædecessores nostros propè omnes vsos esse perspicimus. Neque enim obscura est plurimum qui ista verè memoriæ prodidere consensio, & maiorum istius Ducis Moschouię literis, quę in tabulario magni Ducatus nostri Lituanię seruantur, comprobati potest, quàm sæpe magni Moschorum duces serenissimis Polonię regibus, pace suscepta, ac iurisiurandi religione sancita, ad tranquillitatis fiduciam adductis, & contra barbaros nominiq; Christiano infestos populos bella regentibus fidem impiè fregerint, pacta omnia violauerint, & redintegrato bello, vel à necessaria prædecessores nostros cõtra Ethnicos defensione, vel pulcerrimis pro Repub. Christiana cõceptis reuocarint, & obistere suis iniurijs coegerint. Quorum maiorum in dictis factisq; inconstantiam, fraudem & insidias, hic Ioannes Basilij filius, hostis noster, non modò omnem in se admisit, verum etiam auxit, idq; tum maximè egit, cum litteris missis ad diuū Sigismundum Augustum serenissimum antecessorem nostrum, de securitate oratoribus præstanda, qui ad se de pace concilianda mitterentur scriptis, subitò Polotiā inuasit occupauitq;, consimili fraude erga nos vsus, cum postea quàm nobis fiduciam pacis attulisset, repente Liouoniam

niam armis oppugnauit, & tamen nos, regnum nostrum Polonia, magnum Lituaniæ Ducatum à defensione eius prouinciæ excludere instituit. Quandoquidē igitur spes nulla nos tenere amplius potest, ad mentem fidemq; meliorem magnum Moschorum Ducem se vnquam recepturum esse, quinimo iniurias veteres recentioresq; nouis quotidie magis magisq; accumulet, certæ pacis fiduciam nullam afferat, omnia ad nos circumueniendū derogandumque cūm nomini, tum ditionibus nostris suscipiat, nos adhibitis atq; adeò consumptis omnibus studiis nostris, quibus fida atq; æqua inter nos pax conciliari, & rei languinīq; Christiano consuli posset, expleto iam omni officio regis Christiani, hanc rē & Deo præpotenti, oculis hæc suis iustissimis aspicienti, & legitime vindicationi permittendā iudicamus. Quo nomine remissis illis insidiosis induciarum literis, bellum iustum legitimūque, Ioanni Basilij filio, magno Moschorum Duci denunciauimus: quo bello multiplicem nobis, cūm ab ipso magno Moschorum Duce verbis literisq;, tum ab eius legatis factam contumeliā, allatasque subditis nostris acerbissimas multis iam annis iniurias, & detrimenta omnia, quæ regnum nostrum magnusque Lituaniæ Ducatus accepit, armis propulsare & vindicare in animo habemus. Vt verò perspicuum sit omnibus, nos ad eorū, qui magno Moschorum Duci parent, hominum Christianorum calamitatem aut sanguinis profusionem minimè ferri, declaramus nos ita armis nostris moderaturos esse, vt ne ijs (quanta maxima cura ac studio caueri poterit) quisquam violetur, qui non aut in præsidij, aut acie suo periculo

propugnandas hostis nostri partes suscepit. Nam ut ab vno magno Duce causas omnes, quibus in arma hæc impellimur, profectas esse intelligimus, ab vno nos honorem dignitatemq; nostrâ oppugnari, ac prouincias nostras illius vnus libidine appeti ac sitiri perspicimus: ita in vno illo vindicare omnia, vnus refrenata audacia grassandi que atrocitate, in posterum tranquillitati publicæ paci que Christianæ (si fieri vlla ratione posset) consulere desideramus. Quæ cum ita sint, spe vel potius fiducia magna sumus, & DEVM OPTIMUM MAXIMUM quod bellum grauissimis iustissimis que atque adeo pernecessarijs de causis iniuimus, nobis, exercitibus nostris, ac Reipub. vniuersæ, quam obtinemus, bene & feliciter fortunaturum esse, & principes Christianos, adeoque omnes homines, qui ista accipient, facile arbitrarios nos ad bellum hoc permagnum nō temere neq; vlla profundendi sanguinem Christianum (cui prodesse, consulere, cauere semper studuimus) cupiditate ferri, sed ad ea hostilib. tot temporum per summam atrocitatem crudelitatem que exercitis iniurijs impelli, nostra dignitate, & regni nostri magnique Lituaniæ Ducatus cæterarum que prouinciarum nostrarum statu, & subditorum nostrorum salute, fortunis, vita, sanguine, quem hostis ille truculentissimus iam nimium diu immaniter hausit, necessariò commoueri, consilio iudicio que omnium regni nostri magniq; Lituaniæ Ducatus ordinum duci, dignique nos fidam stabilem que tranquillitatem, & publicam inter populos Christiani nominis pacē concordiam que spectare. Quæ quidem belli nostri causæ, quæ que animi consilij que nostri ratio,



rio, et si de militum nostrorū studijs, alacritate, fortitudine, fide, nobis dubitationē nullam relinquit: hortamur tamen vt animum ad res nostro ductu in hostem hunc nostrum gerendas magnum fortemque adferant, existimentque & gloriæ & felicitatis summam in eo potissimum versari, si pro tam iusta honestaque causā dimicetur: subditi nostri diuturnas grauesque iniurias hostiles, vel à se vel ciuibus suis adhuc perpeffas, hoc tempore pro more, virtute, rebusque gestis maiorum suorum & vindicandas & in omne tempus sibi depellendas statuunt: extranei pro vicinorum salute, suam in discrimen vocare, fortissimeq; armis cōtendere pulcerrimum, necessitudini que vicino ad vicinum est conuenientissimum, & delere proximi parietis incendium, sue suorumque securitati vtile existiment: omnes sibi tam iusto in bello summa fortium factorum studia esse adhibenda iudicent: quorum hoc maior laus atque gloria quemque consequetur, quò in grauiore hoc maioreque bello cōtra crudelem vniuersi propè generis humani hostem nobiscum versabitur. Nos profectò cuiusque militum nostrorum virtutem, fidem, operam, conatum in omni genere præclare factorum, ea beneuolentia, gratia, munificentia prosequemur, vt neminem gestæ abs se fortiter rei pœniteat, omnes intelligant, nos cuiusque industria, fidei, fortitudini sua præmia ornamentaq; libenter tribuisse. Sui ri, die duodecima Iulij, ANNO DOMINI, M. D. LXXIX. REGNI VERÒ NOSTRI ANNO QVARTO.

**C**Apta Polotia, & iam antè in vicino arcibus tribus, Cosiana, Crasna & Sirhna deletis, tres omnino arces, Turoulia, Socolum & Sussain Polocensi ditione hostiles supererant, quas hosti relinquere, neque ex belli suscepti consilio, neque dignitate sua, neque rei abs se gestæ fortuna rex esse iudicauit. Turoulia quatuor supra Polotiam arcem miliaribus, ad Dhunā flumen, quo loco illud Turoulia amnis illabitur, sita est, sic ut duorum amnium confluxu maxima parte cōprehendatur, quāq; in continentem patet, inter vtriusque præterlabentis fluuij ripas, lacum transuersum, tanquam obicem, obiectum habeat. Quod inter Polocensem arcem, atque inter Vlam, Vitepscium, aliasq; arces & ciuitates, altius in Dhunæ ripis sitas, quæ semper in potestate regum Poloniae retentæ sunt, media Turoulia interesset, facile à regijs castris ad Polotiam positis, commeatum exclusit, qui commodè ex locis superioribus poterat importari: quæ res non mediocriter in exercitu annonæ caritatem atq; adeò inopiam auxerat. Qua de causâ, circūfessa primùm Polocia, Franciscus Zucus à Nicolao Radiuilo Palatino Vilenfi, tentadæ certis cum copijs per celeritatem rei causâ ad arcem Turouliam missus est. Verùm quod & præsidio firmo, & defensionis diligenter intentæ locusteneretur, & pauca minoraq; belli tormenta Zucus secū traxerat, effici ex sententia nihil potuit. Socolam ab arce Polocensi quinque miliaribus ea via distātem, quæ Septentrionem versus rectissima Pleſco-

Plescouiam ducit, duorum itidem concurrentium fluminum, Dryssę & Nisicę, cōplexus continet: ea in arce præter vetus præsidium, quod tuendi Polotiam aditus causā firmū semper inerāt, Theodorus Basilij F. Seremetus, & Borissus Basilij F. Seinus, Andreas Pelecus, Michael Georgij F. Lycus, Basilius Criuoborssus Palatini, clari cū propinquitate Moschouię Ducis, alijrum rebus antea gestis omnes copiarum præfecti, cū magno Moschouitice nobilitatis ac sclopetariorū numero cōsederant, posteaquā se ab aditu Polocensis arcis, primū à Palatino Vilnensi obfessis itineribus, mox ipsa obsidione regia exclusos esse intelligerēt. Accesserat huc etiam Georgius Bullahæus cum duobus millib. sclopetariorum, partim Dūnensium, partim Voliensium, qui ad Dhunę & Volhię fontium paludes ob perpetuas cum Tartaris dimicationes, cæteris belli vsu ac iaculandi peritia facile præstāt. Quod hi omnes magno discrimine nostrorum ex propinquo castris imminerēt, dū oppugnatur Polotia, Lituanicę quedā copię primū loāne Voliminscio, deinde Christophoro Radiuilo, qui in Lituania regiā poculis est, dimicandi studio Socolam excurrunt: sed q̃ hostis arce & munitionibus prope arcem extructis, aut propinquo tormentis suis spacio in tuto se teneret, velitationibus tantū, nonnullis vtrinq; desideratis, res gesta est. Vtramq; arcem rex occupata Polotia iussis copijs oppugnandæ ratus, Nicolaum Mielecium Podolię Palatinum, summum copiarum Polonicarum præfectum, cum equitatu Polonico stipendia merente, cumq; pediatu Polonorum, ac Germanorum cohortibus Socolam mouere; Vngarorū copias Turouilā accede-



re iubet: ipse vt medio loco omnem in partem casumq; intēsus esse posset, motis trans Polotiā castris, ijsque secundum flumen Dhunam metatis (quod pristinum castrorum locum, obsidioni quidem opportunum, cū ad cingendum maxima ex parte arcem, tum ad prompta munitionibus omnibus, ex quibus miles oppugnabat, auxilia afferendum, affidui imbres iam antē iniquissimum, & valde quā cōnosum effecerant) ad Polotiam permanet, curatq; quod ad arcem Polocensem, qua munitiones aut flamma conflabant, aut tormentis verberata vitium fecerant, instaurandum pertineret: simul etiam arci Palatinum præfecit Nicolaum Derohostaiscium, in quem iam antē, regno primū inito, non inani omine ius nomenq; eius magistratus contulerat: hunc ipse in possessionem mittit, præsidium iustum imponit, & quibus circum locis miles finibus tuendis rectē collocetur constituit: templi etiam, quod monumentum diuinæ ad victoriam opis esset, ædificationem decernit. Interea dum quæ opus erant ad Socolæ & Turouliæ oppugnationem expediuntur, & miles vasa colligit, visum est Palatino Vilnēsi, de Turoulia leuioribus copijs experiri, & quid hostibus in recenti consternatione fiduciæ esset tentare. Mittitur cum aliquo numero equitū expeditorum armaturæ leuioris quos Cosacos nominant, Constantinus Lucomscius Vlenfis præfectus, quem Turoulienses prædiarij conspicati, cū paucior maiorem quā pro numero militum speciem copiarum obiecisset, exercitum vniuersum adesse rati, per auersam portam se properē omnes eijciunt, ac fuga euadūt, Palatinis suis desertis: qui cū

arcem

arcem sibi non deferendā putarent, ac soli in ea permanerent, ad quartam Septembris diem cum arce & belli apparatu ac commeatu omni regiam in potestatem peruenerunt. Arci ita occupatā inlesille, qui ceperat, praesidio relinquitur. Is dū inter ligneas munitiones ac domos tæda adificatas indiligenter ignem habet, tormentisque maioribus gratulationis & laticia causa iaculatur, temere incendio causam praebuit: quod sublatū paucis post diebus, quā captā esset, arcem deleuit, ut non minore celeritate, quā occupauerat, Turouliam miles amiserit. Quod quidem hoc iniquiore animo à rege acceptum est, quò praesidio hostili Sussam etiam tum obtinenti, Turoulia nostræ potestatis facta, omnem subsidij aditum & commeatus accipiendi spem, certius eripere potuisset. Interea rerum Palatinus Podoliae Socolam (à qua Dunenses cohortes fama aduentantis exercitus permoti contra imperium praefectorum, vtest genus illud militū leue, & insolens disciplina, iam antè in Moschouiam redierant) cum copijs progreditur, & Drissam flumen imbribus proximis admodum redundans ponte subitatio opere effecto, transmittit, hoste quod facere in proclui erat, nihil repugnante, qui in aduersa ripa ociosè tantum inquitans, inani metus faciendi studio, clarè ut exaudiri à nostris facillè possent, subinde inter se sciscitabantur, adessent apud se Astracanorum, adessent Casanorum copia, quas alter adesse magna itidem voce respondebat. Flumine superato Palatinus nulla cum mora propius hostem mouet. Qua accesserat inter vtrumq; flumen non ita magno ab arce intervallo sylua est, in qua maximam equitatus partem

tendere iubet, peditatuū imperat, vt munitiones, in quibus versarentur, & tormenta dirigerent, fossa atq; aggere subitò efficiant: quas Poloni secundum Nissam, Germani iuxta Drissam ita ad arcem perducunt, vt cū iusto iam ab ea spacio abessent, trāsuer-  
sæ ab Nissia Dryssam, itidemq; ab Dryssia Nissam versus promouerentur, atq; opera vtriusque nationis committerentur: vltra Nissiam amnem minorem, qua promptum hosti effugium patebat, loānes Zabaratius Palatinus Braslaviensis cōsistere & curare iubetur. Munitionibus perfectis, ac tormentis, vt visum erat, collocatis, cū iam tum in vespertū dies vergeret, qui tormēta administrant, periclitati rem globis candentibus instituunt, tribus tantū in hostiles ditiones perlatis, cū alij alijs locis periculum incendij afferrent, & ijs restinguendis hostis detineretur, tertius eo loco, quo nascens primū fumus, mox flamma ab hoste nō facile potuit deprehendi, vires cepit. Ab hoc incēdium ortum, cū magnam hostilium munitionum partem subitò complexum esset, hosti summam defensionis desperationem attulit. Quocirca vt perditistrepidisque rebus, & flamma se iam longius latiusq; fundente, pars magna hostium globo temere facto, porta, que meridie versus ad Nissam vnā patebat, cōfertim erumpunt: quibus ex proximis munitionibus Poloni impigrè occurrunt, & obstitunt. Perducitur eodem properè signo sublato Germanorū sclopetariorum cohors: sic hostis in arcem flammamq; reijcitur, quā dum nostri magna vi premunt, se, atq; signa portę arcisq; inferunt. Dabat mox hostis intra arcem desperatis rebus magnas cū armis tum verbis dedendi



dendi significationes, quas cum miles Germanicus  
 Russicę linguę nesciens, præterea Polocensis præsidij  
 crudelitate, qua immanissima in captiuos omnes ac  
 potissimū Germanos fuerant, irritati, minimē acci-  
 peret, cædemq; acerrimē misceret, ille desperata sa-  
 lute totis viribus cōtrā dimicat, quaq; supra portam  
 custodierant, cataraclā è turri portę imminentem  
 in irrupentes deiiciunt, sic nostros receptu alios,  
 alios aditu subsidioq; excludunt. Atrox inde vtrinq;  
 pugna fuit, æquata vtrorūq; desperatione ob incen-  
 dij vim, q; vndiq; se circūfuderat ac pluribus locis di-  
 micātes inter se pati interitu victi ac vincētis extin-  
 guebat. Ad dexterā arcis partē per munitiones ostiū  
 fuit, ad quod qui nostrorū errādō perlati sunt, inte-  
 gri euasere. Interea foris milites, quanta vi maxima  
 possunt cataraclā moluntur, atq; opere magno per-  
 stringūt: patefacta via, qui nostrorū supererāt, saucij  
 propē omnes atq; ambusti, pariter cū hoste erum-  
 punt, inferūt se integri alij prædæ ex ipsa flamma ra-  
 piendæ causā. Pars magna hostium aut in muniti-  
 ones aut flationes Germanorum incidit, qui omnes  
 per irā militarem & linguę ignorantiam interfecti  
 sunt, in his Borissus Seinus, Andreas Palecius, Michaël  
 Lycus, Basilius Criuoborscius Palatini cæcidere.  
 Quib. in Polonorū potestātē peruenire cōtigat, ple-  
 rig; omnes, cum qui aliquo aut munere aut nume-  
 ro fuissent, pro se quisq; nomē ederet suum, faciliē a-  
 pud linguę intelligentes seruati sunt, ac captiui ha-  
 bentur: quorū in numero Seremetus est, ut rerū ge-  
 starum fama, ita & corporis specie vultūq; & animi  
 sermonisq; cultu cæteris præstantior, & Melsiadus  
 Dunensium aliquot cohortium præfectus, qui post

militum etiam suorum discessum, cum cæteris præ-  
sidiarijs in arce permanerat. Arx ipsa cum iam in-  
cendio occurri non posset, conflagrauit. Hostium  
ad quatuor millia cæsa, quos ex lectissimo, & quidē  
prætoriano milite magni Ducis fuisse, & si ex capti-  
uis cognitum est, tamen etiam ex ipsa corporū str-  
torum forma & proceritate, animisq; perditis in re-  
bus adhibitis, tum prædæ ratione potuit intelligi. In  
qua quidem præda maior & pecuniæ, & vestis præ-  
ciosæ, & aliorum ornamentorū numerus fuit, quàm  
vt gregarij militis fuisse videri posset. Captiuorū ea  
multitudo est, vt & penes præfectos copiarum per-  
multi sint, & Polonorum militum propè sint nulli,  
qui in potestate non singulos, alij plures habeant.  
Sussæ oppugnatione, quàm suscipere difficilem &  
spaciosi lacus, & palustria circum loca, & autumnī  
ipsius tempestas redditura erant, temereque mili-  
tem iam antè maximis incommodis affectum nouis  
periculis obijcere, regi visum non est: cum potissi-  
mum arcem eam, penitus Lituaniam versus sitam,  
& ab omni stirorum subsidio, & commeatus conse-  
quēdi potestate exclusam, (vt vis nulla adhiberetur)  
sponte dedituram sese non dubitanter existimaret.  
Itaq; præsidia tantum militum stipendiariorum cir-  
cūquaq; in statuiis disponit, quæ Moschos ab aditu  
ad Sussanos arcerent. Neq; fecellit ea regem existi-  
matio: nam & ipse Moschoniæ Dux, distudens Sus-  
sam amissa Polotia retineri posse, sexta primū, tum  
iterum decima septima Septembris die, mandata ad  
Petrum Theodori F. Coliceum, Palatinum Sussen-  
sem ac præsidiarios omnes dederat, vt templi imagi-  
nibus & libris, omniq; apparatu sacro in terra de-  
fossis,

fossis, aut quacunq; alia cura adhibita, ne in hostium potestatem peruenirent, arcem incenderent: bellica tormenta, ac puluerem tormentorum omnem igne delerent: tum operam, qua euadere possent, diligenter darent, ac saluti suæ cōsulerent. Hęc mandata cum (quò certius perferrentur) per plures nuncios Sussam misisset, nonnulli eorum in arcem perueniunt: vnus à regio milite interceptus, ad Palatinum Podolix cum literis perducitur. Sub idipsum tempus, Palatinus Polocensis dat Susa literas, quibus significat, se Polotix cū parte exercitus, à rege ijs cum mandatis relictum, vt quicquid ea in provincia hostile super esset, modis omnibus tollere contenderet: Regē summa placabilitate & clementia principem, quam suæ voluntatis significationem dedisset, cum primum magno Moschoniæ Duci bellum indiceret, ea in voluntate etiamnum permanere: eorum, qui magno Duci parerent, hominum Christianorum cædem & sanguinis profusionem haudquaquam expetere. quinimo illi parcitum ac consultum velle: acceptas iniurias in autore ipso magno ipsorum Duce vindicandas statuere, nisi verò essent, qui istas iniurias suo discrimine, oppugnare velent. quod vt illi ne suscipiāt, illorum maximè referre, hortari se, arce sponte sua potius abscederent, impetrabili venia & salute, quàm vim atque oppugnationem experirentur. Palatinus Podolix Molchi literas ad Palatinum Sussensem, ac præsidarios, qui dedi arcem postularent: illi salutem, & rerum quæ cuiusque essent auferendarum potestatem, atque in Moschouiam tutò se referendi concessionem patet, arcem cum omni bellico apparatu commeatûq;



Palacino Polocensi militibusq; à Palatino Podolia missis, sexta die Octobris dedunt. Iam antè Philo Kmita capitaneus Orsanensis, cui aliquot turma equitum, & peditum stipendiariorū cohortes, erant in eam rem assignatæ, coacta non mediocri finitimis in locis ex nobilitate alijsque incolis militum manu, in Moschi ditiones excurrit, magnamque omnia populando vastitatem affert: ad duo millia pagorum incendit, & Smolensciæ suburbij ambustis, magnum ex eo agro hominum, magnū pecudum numerum agit: suosq; nullo detrimento accepto, intra fines reducit. Idem non multò post Constantinus Ostrogia dux, cum Michaelè Viskouecio Castellano Brassauiensē, & filio Ianusio Borysthenem transgressus, facit, expeditissimas quasque Tartarorum aliorumq; turmas præmittit, has longè lateque populari, & terrorem vastitatemque in hostico circumferre iubet: ipse cum reliquis copijs Czenihouiam progreditur, castrisq; ad arcem metatis, oppugnationem suscipit, ipsaq; ciuitate incendio deleta, vim omnem arcis expugnanda adhibet, sed quod ea præsidio firmo, cui nihil ad omnē propugnandi apparatus deesset, teneretur: acerrimeq; locum Moschi defenderēt, in castris pauca peditum cohortes essent, afflictæ maximis tempestatum iniurijs, missa obsidione, vicina circum loca omnia diripit, totaq; Siuerensi ditione vastata, ac populationibus ad Starodubam, Radohostiam, ac Podczpouiam vsq;, per leuiores equitum turmas factis, præda ingenti acta, discessit. Simili successu Mecislauiensis præfectus laroslauam oppidū, pagosq; quàm plurimos euertit. Rex posteaquam dierum quinquaginta spacio, sex

arcibus

arcibus capris, ad quas Sulla non ita multo post se-  
prima accessit, provinciam omnem Polocensem mi-  
ra agrorum fertilitate, magna fluminum opportu-  
nitate præditam, octavo decimo post anno, quam  
esset ab hoste occupata, bello Reipub. recuperasset,  
Polotiam præsidijs, fines copijs firmasset, decima se-  
prima Septēbris die, illo de loco discedit. Vehemen-  
ti quidem studio ferebatur, vt cœptū felicitatis cur-  
sum vrgeret, & cum magna hostes locis omnibus  
cōsternatio ingensq; paucior teneret, longius arma,  
sua in hostiles ditiones proferret. Sed cum & præce-  
riti temporis iniuriæ, ( quibus miles admodum affli-  
ctus, equorum ingens numerus enectus fuerat ) &  
graviore autumnæ tēpestates, indies ingrauescen-  
tes, isti voluntati & studio planè repugnant, omni  
cura in comitia omnium Reip. ordinum habēda in-  
cumbit, cumq; iam antè ex castris de ea deliberatio-  
ne literas ad regni senatores dedisset, rediens in Li-  
tuaniā, ea ad diem vigesimam secundam Nouem-  
bris Varsaviæ habita iri edicit, in quibus consilia de  
bello diutius administrando suscipiantur. Dum Vil-  
na rex ad comitia proficiscitur, è Moschouia per nū-  
cium Moschicum literæ afferuntur, à duobus lega-  
tis Nouogrodicæ duce Ioanne Theodori, F. Mscila-  
niensi, & Mikita Georgij F. Romanouicio Sachati-  
no, ad Nicolaum Radiuillum Palatinum Vilnēsem,  
& Eustatbium Volouiciū Castellānū Trocen-  
sem, Plescouiæ die trigesima octaua Septēbris scri-  
ptæ, hoc omnino argumēto. Cum offensæ duorum  
summorum principum eò progressæ sint, vt arma  
vterq; sumplerit, quib. Polonia rex Polotiam expu-  
gnarit, magnus Moschouicæ Dux vindicare vicissim

id factum in animo habuerit: se cum reliqua nobilitate Moschouitica ad principis sui pedes se abiecisse, obsecrasseq; vt sanguini Christiano consultum atq; paritum veller. Itis precibus principem suum reliquisse locum, & belli expeditionem represisse, nūc mutuo studio ipsis atque alijs regis Poloniae consiliariis, apud regem suum elaborandum esse, vt ad similem voluntatem & sistendi cursus sui bellici, & pacis cum magno Moschouiae Duce locis omnibus, tam regni Poloniae, quàm magni Ducatus Lituaniae, atque etiam Liuoniae causa suscipiendae adducant; in primis verò ab eo impetrent, vt in regiam suam se referat, ac copijs suis omnibus tam in Lituania quàm Liuoniae finibus imperet, se ab omni in Moschos maleficio atque iniurijs abstineant. Hæc eadem magnum suum Ducem diligenter facturum, rediturum ad sedes suas, suosq; à vi atq; iniuria, cohibiturum. Interea temporis dandam vtrinque operam, vt principes missis inter se oratoribus rem vtilem & pernecessariam pacem ac concordiam suscipiant. In extremo literarum excusant, cur Basilius Lopatinscius, quem rex ad magnum Moschouiae Ducem ante expeditionem suam cum literis miserat, quibus se bellum illi facturum iustū legitimūque denunciabat, adhuc in Moschouia detineatur: promittuntq; simul vt principum se vterque ad sedes suas retulerit, se operam daturos, vt cum mandatis sui principis de pace consilianda ad regem ocyus remittatur. Sub idem tempus Philo Kmitcha, Orfacensis præfectus ad regem literas mittit, quas à Palatino Smolensciano acceperat. Ijs Philonem Palatinus certiore facit, se à magno suo Duce man-

data



data accepisse, ne quam regijs finibus atque ditionibus vim aut iniuriam adferat. Monere igitur, vt mutua etiam Philo<sup>o</sup> præster; neque permittat, vt sui finestransgressi, hostile aliquid in magni Ducis Moschouix ditionibus committant. Allatis lectisque vtrisque literis rex omnem eius deliberationem ad comitia referendam esse iudicauit.

# EDICTVM DE SV PPLI- CATIONIBVS, A SERENISSI- MO POLONIÆ REGE STEPHANO.

*Wielicoluco ex Moschonia missum, die 5.*

*mensis Septembris, anno Domini,*

*M. D. LXXX.*

STEPHĀVS Dei gratia rex Poloniæ, magnus Dux Lituanix, Russiæ, Prussix, Massoniæ, Samogitiæ, Liunionæque, &c. princeps Transyluanix, &c. reuerendissimis, reuerendis, magnificis, generosis, nobilibus, famatis, archiepiscopis, episcopis, Palatinis, Castellanis, regni nostri senatoribus, præterea cuiusvis ordinis subditis nostris, syncerè fidelibus nobis dilectis, gratiam nostram regiam, reuerendissimi, reuerendi, magnifici, generosi, nobiles, famati, syncerè fideles nobis dilecti. Vtrumq; facimus quàm libenter, vt & ea quæ decernuntur, communibus Reipub. comitijs geramus, & de rebus à nobis gestis, synce: & fidelita: vestras faciamus certiores. Cum superioribus proximis Reipub. comitijs placuisset, bellum cōtra magnum Moschouix Ducem susceptum continuari, nihil prætermisimus, quod

posset ad illud rectè atq; ordine administrandum, & in primis ad exercitus cū veteres retinendum, tum nouos conscribendum pertinere: quib. omnibus, postquā vt ad Czaſniciam (quo loco nos & Russiæ contra iniurias Moschi præsidio esse posse: & ad primarias alias atque alias arces hostiles peropportunos aditus habituros intelligebamus) certo die conuenirent, edixissemus, nos Vilna profecti, eodem ad octauam Iulij mensis diem peruenimus: ac in primis frequentiore, & senatorum nostrorum & hominum militarium conuentu, de belli administratione, & quò potissimum arma in hostem inferremus, ad concilium nostrum retulimus: in quo & si variæ initiò dicte sententiæ fuissent, eò tamē descensum postea est, vt Vielicolucum nobis cum exercitu ante omnia mouendum, eamq; arcem omni conatu oppugnandum concluderimus: secuti quā maxime, cū ipsam seriem & quasi tenorem gerendarum rerū, qui nos ex locis, anno superiore proximo expugnatis & receptis Vielicolucum vocare & ducere visus est: tum Russiæ defensione, quā vniuersam eo loci cum exercitu progressi, nos ab hostili vi tueri posse intelligebamus: præterea Lucensis arcis situ, fama, ditionis amplitudine, vbertate, qua exercitus nostri sine ditionum nostrarū detrimento alii ac sustineri possent, opportunitate deniq; ad signa nostra penitus in hostilia loca inferendum, eoque hostem ad aliquam prælij dimicationē eliciendum: cæteraque deinceps ex Vielicoluco facilius promptiusq; administrandum adducti. Habito igitur exercitus nostri delectu, ex agro Czaſniciensi Virepscū profecti sumus: quo in itinere, cū arces duas hostiles,

hostiles, Vielisium vnam, in Dhunā ripa, Vitepscio ex superiore fluminis loco oppositam, atq; alteram Viwiatum, quæ ad amācem cognominem in Dhunam flumen illabentem, & propius Lucum versus ferentem, sita est: exclusuras nos tormentorum & cōmcatu ad exercitus nostros supportandi commoditate accepissemus, & cetero quum studium nobis esset Dhunam flumen magis magisq; ab hoste in potestatem nostram vindicādi, quo res maiore celeritate conficeretur, magnificum Ioannem de Zamoscie regni nostri cancellarium, & cum ijs copijs, quas hoc in bellum nobis adduxit, & alijs additis Vielisium oppugnandi causā præmisimus, quæ ex arce, cū vnus diei oppugnatione præsidium hostile feliciter deiecisset, nos ēē potiti, præmissis primomagmine copijs Lituanicis Viwiatum cum exercitu accessimus: locumq; munitionibus oppugnandi causā iam actis, metu potius ad modo tantū quāmpla adhibita deditioe cepimus. Inde contractis in itinere copijs omnibus, quas duarū ultarum arcium oppugnatio diuiserat, mouimus, ac superata locorum inde ab Czafnicia incredibili vastitudine, itinere summo cum labore militum ac ingenti difficultate, quā Viwiatum, quæ Vielisium exercitus inuēre, per assiduas densissimasq; syluas factō, Vielicolūcum progressi, ad arcem xxvi. mensis Augusti die castra metari sumus, quæ in castra cū id temporis oratores ab magno Moschouiz Duce ad nos venissent, eos nulla interposita mora audiuiamus. Verū cū a nobis contra omnes nostras rerum gerendarum rationes, contraq; dignitatem nostram postularent, vt nos in Lituaniā cū exercitu referremus,



negarētq; nisi id ante omnia fecissemus, se per principis sui mandata quicquam de ipsa legationis causa dicere posse: nos, repudiata & postulationis indiguitate, & insidiosa tergiuersatione non cessandum rati, eundem Ioannem de Zamoscie cancellarium, cum copijs suis attractis, cæterisq; quas ad Vielisium habuerat, & maxima parte omnis peditatus trans flumen propius arcem castra alia facere, ibique curare iussimus, illaque ex parte nulla mora munitio- nibus, quibus visum est locis actis, & quo oportebat perductis, ipsis Kalend. Septemb. oppugnationem maiore apparatu ac conatu suscepimus: nihilque aut lenitatis, aut terroris prætermisimus, aut oppugna- tionis non adhibuimus, quo integra arce potire- mur. Verum cum præsidiorum summa loci re- tinendi pertinacia esset, & vltima sibi expectanda coniurassent: & arx non modò loci natura, in edito planissimis circū locis, partim intra fluminis Louari, partim intra lacuum cōplexus sita, nec tantūmodo consuetis ante hac Moschis parietum dēfissimorum cōtignationibus firma, sed aggere etiam densissimo ac latissimo ex cespite extrinsecus obducto, tū qua flumen aut lacus non ambiunt: fossa maiore muni- tissima esset, ac omnino Polotiam omni genere fir- mitatis superaret. ad hæc præsidium validum & Po- lotiæ aliarumque arcium propugnatione è quibus à nobis anno superiore impetrata salute discesserant, exercitatus inesset, vt omnino sine maiore militum nostrorū interitu, ac diuturniore obsidione, si in in- stituto permaneremus, necessario res nobis incen- dio experienda fuit, quod cum magna militum nostrorum virtute & discrimine, primum ex Vn- garorum

garorum peditum munitionibus allatum, & hoste incredibilem in modum restinguente, sapius tri-  
 duum repetitum atque diutius altum esset; ac dein-  
 de ex altera etiam parte per militem Polonicum, &  
 attractas illas cohortes aggere ad propugnaculum  
 maius, ad ligneas usque substructiones suffolito, in no-  
 cte ante quintam Septembris diem maius con-  
 flaretur, praesidium verò, quoad igni iam temperari  
 nullo modo posset, ab obstinatione hostili non disce-  
 daret, factum est, ut & arcem flamma, & ferrum quid-  
 quid propè hominum in arce fuit, per militarem  
 iracundiam hostili illa pertinacia, & acceptis in op-  
 pugnacione incommodis, & eorum qui Polotia ac  
 caeteris ex arcibus iam ante occupatis impune dimis-  
 si fuerant: hunc in locum ad hostilia reditu irrita-  
 tam, quinta istius mensis die prima luce deleuerit.  
 Dum hac in oppugnacione versati sumus, oratores  
 magni Moschouiae Ducis iterum apud nos dicendi  
 potestatem sibi fieri petiuerunt: qua impetrata cum  
 ea exponerent, quae honestae nobis & Reipub. paci  
 & sarcindis incommodis, quae ab eo hoste accepta  
 sunt, minime satisfacerent, leuioraque omnia quam  
 nostra dignitas & iura Reipub. paterentur propo-  
 nerent: ostendimus nos ad istiusmodi descendere  
 non posse: cumque illi alia mandata se hoc tempo-  
 re non habere dixissent, & à nobis peterent, dare ad  
 magnum suum Moschouiae Ducei literas liceret,  
 quibus cum de nostra voluntate atque conditioni-  
 bus redderent certiore, ne quid praetermisisset vi-  
 deremur, quod facere ad spem iustae honestaeque  
 pacificationis posset, & nostras dedimus ad Mo-  
 schum literas, & oratores dare suas permisimus: ad

quas cum responderit, qua voluntate sit, certius fortasse cognoscemus.

Nos hæc Sinc. & fide. vestras scire volumus: cumque ea quæ adhuc bene feliciterque gesta sunt, vni Deo grata, cum animi pietate acceptum referamus, parq; sit, vt illi volenti, & propitio, & nos & omnes in Repub. nostra, ad cuius hæc vtilitatem, amplitudinem, laudem in primis redundant, gratias agamus: hortamur sinc. & fid. vestras, ad ea omnia gratiarum mentium studia, quæ supplicationibus alijsq; rebus, quoties bene gesta est res publica, suscipi consueuerunt. Quemadmodum hic res porro administranda, & hic locus nobis tuendus sit, de eo hoc tempore consilia cepimus: quæ deinceps è Repub. geri à nobis hoc bello posse, videbuntur, in ijs studium, consilium, curam, operam omnem nostram libenter consumemus. Bene valeant sinceritates & fidelitates vestræ.

Datum ex castris nostris ad arcem nostram Vielicolacum die 6. Septembris, anno Domini, M. D. LXXX. regni verò nostri anno quinto.

*Stephanus rex sst.*

ORATIO



## Oratio

CHRISTOPHORI WAR-  
SEVICII, AD SERENISSIMVM  
STEPHANVM, REGEM  
POLONIÆ:*QVA, EXPOSITO TOTO BELLI**negotio, cum Ioanne, magno Moschorum**Duce, XV. Ianuarij ad Zapolsci-**am confectam pacem gra-*  
*ulatur.*

P Acis nuncium, Stephane rex, habes, quam Chri-  
sto opt. M. de Virgine nato calitus Angeli vene-  
rant olim nunciatum. Perfectum est tandem sum-  
mi Dei benignitate erga nos, & tua quadam veluti  
vigilia regali, eximiaque virtute vt contra magnum  
Moschonia Ducem, iuste & legitimè bello abste-  
suscepto, & prosperè fortiterque gesto, in tot annis  
& bellatoribus, quibus cum bella gessit, penè omni-  
um solus, ad pacis conditiones quas volebas acce-  
ptandas adegisse eum videre. Quo equidem no-  
mine & tibi & Reipubl. in primis gratulor, & præ-  
stanti virtuti felicitatiq; tuæ, omnia præmia &  
insignia honoris, & ornamenta laudis ac gloriæ,  
iure optimo deberi, agnosco & profiteor. Quid  
enim aut beneficio carius, aut fama & opinione  
maius accidere potuit, quàm quod vt diuturnam  
quietem, prænunciam tempestatis, maximum &  
grauissimum bellum, sic denum instar solis, post

denſiſſimas tenebras , optatiſſima pax , terrorem belli eſt ſubſecuta? Et verò iucundū eſt ſemper nomen pacis, & res ipſa ſalutaris, qua & deſiderio expectantium, & voluptate exultantium, & eorum, qui ſunt eius ſeruatorum gloria, vix admirabilius aliquid dixeris. Sed nimirum fert hoc humanarum & diuinarum ius legum, conſuetudo gentium, ratio ipſa muneris & dignitatis regum, vt ſuæ ſubiectos poteſtati, omni iniuria & calamitate, prohibeant & defendant. Res porrò bello geſtas, plus quàm pacem admiremur. verū ſi caſu non conſilio, temeritate, non neceſſitate, bella ſuſcipiantur & gerantur, vel maxima quæq; vis expers rationis & conſilij, mole ſua ruit, nec ſine viciffitudine aliquid poteſt eſſe diuturnum. Quo magis venerari & ſuſpicere te cuncti debemus qui vt otium metiris dignitate, ita bella geris & adminiſtras neceſſitate: & vt armorū capientorum certam tenes rationem, ſic deponendorum modum. Quippe cū non ea mens inſtitutumque tuum ſit vel fuerit, vt in luctu & ſanguine eorum, quos ex præſcriptione diuinæ legis non minus ac te ipſum diligere debes, nominis & imperij tui titulos proferas, & per omnia diuina, & humana iura impotenter graſſare, ſed armorum tuorum vis & ratio tota eò ſpectauit, vt imbelli multitudini ſacerdotibusque & religioſis viris, alijsque id genus ſubiectis tuis, digna profeſſione pax nō deſit, & vt ea quæ per manus tradita accepisti, non tantū ſacta teſtaque conſeruare, verū etiam quoad eius fieri maximè poſſit, ornare, & augere videāre. Hoc animo & conſilio ductus, Polotiam primū, deinde Velicolucū atque ita & Pleſcouiam, demum oppugnare aggrefſus es.

suses. posteaquam, tot literis, legationibus & admonitionibus tuis cū grauissima testificatione desiderij pacis, apud magnum Moschouia Ducem nihil esset profectum. Quæ omnia & quale initium ac progressum habuerint, & quo exitu terminata sint, nullus est, vt opinor, in orientis & obcuntis solis & Aquilonis, Austrivæ partibus locus, ad quem fama, & latitia earum rerum non peruenerit. Nam & Polociam, quam sub Sigismundo Augusto rege, certa spe induciarum per literas facta, magnus Dux à Lituania auulserat, in pristinum statum libertatemq; posuisti: & aliquot millibus hostium ad Socolum castris, orbi terrarū restatus es, illud esse bellū iustum, quod esset necessarium: illa arma gloriola, quæ non ad innocētis sanguinis profusionem, sed ad sui suorumq; defensionem: non ad inuidiolas opes minimeq; ferendā potentiā, sed ad Dei opt. max. cultum, gloriamq; propagandam, reges & principes caperent atq; conuerterent. Quod tum vel maximè paruit, cū ad eius victoriæ monumentum, non statuas vel trophæa, non mutum aut tacitum aliquid, sed domum orationis, sacrarium pacis, templum Deo opt. max. Societatis lesu extruxisses: vt cuius esset victoria, eidē daretur & honos, & à quo profectū, eidem ferri acceptum beneficium videatur. Etenim multa multis, soli Deo opt. max. cūcta debētur. Tandem verò in sequenti anno, contra hunc eundem Moschum, subsecuta est expeditio tua altera Velicolucensis, & multarum aliarum arcium expugnatione clarissima, in qua quàm longum & difficile iter emensus fueris, quomodo te erga captiuos gesseris, & quid potissimum in eo spectaueris longum esset

R

*In expeditione prima anno 1579. Seren. regis Polonia cōtra Moschū. Litera pacis & legationes M. sue regie à Moscho non suscipiuntur. Polonia capitur. Moschus circa Socolum caditur.*

*Arcus triumphalis Deo extruitur Polotsæ.*

*In expeditione secunda anno 1580. Velicolucum & cetera arces expugnantur.*



*Oratores  
Selpotum ex  
speculatores  
Moschs in  
castra regia  
admittun-  
tur.  
R. x Varso-  
uiam ad co-  
mitia reuer-  
titur: Sibi G.  
x. annis con-  
sensu commissa  
ordinis rex  
s. erum in  
Moschonia  
proficiscen-  
tur.*

*In expedi-  
tione tertia  
anni, 1581.*

commemorare. Illud quidē non preteribo, etiam in medio cursu, & quasi ardore belli, à fide pacis cōditionibus alienum te non fuisse: & magni Ducis oratores (si oratores & non speculatores potius appellandi fuerant) in ipsa castra ad te admisisse. Sed dicam illos de die ducere, & nihil nō simulatē agere cognitum est. Itaq; capta & expugnata Velicoluco hostilibus copijs eis Turopecia fulis & fugatis, Velisia, Neuelia, Zauolotia, lezeriscia in potestātē tuam redacta. Vilnam reuersus, & mox Varsoniam ad comitia pfectus es. Quo vel legatos quoq; illos ducere placuit, vt quid & illi postularent, & tu velles, & Reip. expediret ab ordinib. regni cognosceretur & decerneretur. Sed vix in illa tāta, non dicā ordinū, sed hominum multitudine aliquis reperiebatur, qui ijs, quas illi offerebant conditionibus acquiescendum, & à bello desistendum arbitraretur. Non obscure praeferrebant omnes Liuoniam prouinciā, pro qua bellum susceptum & gestum esset, sub Moscho recuperari oportere: & vel grauissimas quasq; difficultates, iacturas atq; detrimenta potius subeunda: quā vtrū nomine insidiōse pacis, pactio seruitutis Liuonia afferretur. Nec nō tot praestantium virorum militumq; casus in bello, cum gemitu & lacrymis notabatur: siquidem omnium iacturarum iactura maxima hominum est, & videri debet. Quocirca in eam curā potissimum incubuisti, vt tertiam belli expeditionem contra Moschum, vel quā primū apparare potuisses, neq; aut tenuitas aratrij, aut angustia tēporis, aut tardium & sacietas belli, aut itineris longitudo, à persequēdi hostis celeritate te retardauit. Duxisti exercitū, haud scio, an etiā quā antē  
flore-

florētiorē, copiarum numero, varietatē gētiū  
 & nationū, vsu & exercitatione bellandi planē mi-  
 randum: ita vt Plescouia, ad quam vis & ratio armorum  
 tuorū conuerſi in primis debuerat, poſtquam  
 Oſtrouia paucis horis oppugnata, per deditiōem  
 eſſet capta, breui etiā in poteſtatem tuam redigi  
 poſſe videretur, & hac demum occupata, nō modō  
 Liouonia hoſti eripi, verū etiā ad maiora audēda  
 & molienda occaſio & materia præberi poſſet. Su-  
 ſtine ſuſtine rex, ſi Deus opt. max. ab imminenti in-  
 teritu multitudinem cōſeruauit eam, quā nec con-  
 ſuetudo benignitatis, neq; iudiciū clementię tuę,  
 contra furorem Martis, ſuperbiamq; victorię ſerua-  
 re fortaſſe potuiſſet. Hoc quidem tibi ademptū eſt  
 nihil, quin etiā id, quod quaſieras, habes, & Liou-  
 nia pro qua bellū ſuſceptū geſtumq; abſte fuerat,  
 poſſe. Nemoq; ſapiens culpę potius, quā fortune,  
 id iudicabit telum. Moſchis verō, quę vnquam lætior  
 illuxiſſet, dies quā ea, qua præter ſuam omniumq;  
 opiniōem ſunt diuinitus ab interitu conſeruati: ſi-  
 quidem vitę lætitiā, quem naſcendi conditiō certior  
 ſit, ſemperq; fuerit. Oppugnauit olim terror ille gen-  
 tium, tot molitor eladium, Aquilciā per triēnium  
 Solymānus Turca cum innumerabilibus copijs Vi-  
 ennā: Carolus Quintus Cæſar Mettini fruſtra ten-  
 tauit. Quid? num quod conatibus eorū euentus non  
 reſpōderint in eo quo tempore neceſſitatiq; parue-  
 rant, & fortitudinis laudem ſecuti fuerant protinus  
 honorem & exiſtimatiōē concoxerunt ſuam? Mi-  
 nimē gētiū. Magnorum enim hominū geſtas res,  
 exitu metiri par non eſt, ſed iuſticia & æquitare. Et  
 quanquam proſper & æquabilis ſine vlla offenſione

*Oſtrouia  
 capitur.*

*Pleſcouia  
 oppugnatur.*

bellorum cursus in primis delectat, tamen nescio quo modo aduersis interdum casibus in bello etiam illustramur: & nō semper cū volumus oblata, aliquādo etiā desiderata res magis nos recreat atq; reficit. Quo magis hoc tuum Plescouiense bellum gloriosum est, & videri potest, in quo nec tentata irruptionis infestus casus, neque alienum anni tempus, neque multa alia incommoda de statu mentis solitaque constantia animi te deturbauerunt. Quin etiam virtute & fortitudine tua talem exitum sortitū est, qualibus iustitiæ & æquitatis radicibus, vel inde ab initio innixum fuerat. Petijt tandem is abs te pacem, qui intra quadraginta annos nullas ad te literas daturum se, missurūve internuntium, paulo antè minabatur. Cessit Liuania is, qui ne Liuania inferreretur literis pacis, mētiōve vlla de ea fieret, à legatis tuis ante omnia postulauit. Denique, is qui tam gloriose & magnifice & loqui, & sentire de se multa ausus fuerat: quiq; diffidens suæ, alienæ virtuti & amplitudini frustra inuiderat, supplex tibi est factus: & eas conditiones pacis postremo accepit, quas tot latebris fallaciarum, & missione legationum subterfugere videbatur. At quomodo id non faceret? tua rex, & celeritate apparandi, & scientia administrandi, & fortitudine continuandi belli, tuiq; exercitus famis, frigoris, difficultatumq; omnium, incredibili tolerantia adactus & compulsus? Quid enim per Deum immortalem exercitu illo laboriosum? Quid ad omnes difficultates & discrimina vitæ ferenda, obfirmatum magis fuit aut esse potuit. Equidē quoad per ætatē grauissimasq; occupationes licuit legi, & vidi aliquid, nec nō meminisse possum ducum &

*Mofchi elatus & tumidus animus ad percedam pacem impellitur.*

exer-



exercituum multorum, quorum in omni genere  
 belligerendi, nobilitata est patientia, ita tamen sta-  
 tutuo, nec pabuli vel commeatus quærendi difficul-  
 tate, nec longitudine viarum, nec intensissimi fri-  
 goris magnitudine, nec ferocia & crudelitate hosti-  
 um erga captiuos, vllius exercitus labores & pericu-  
 la, cum tuo posse cōferri. Memorabilis illa est eritq;  
 semper, Alexandri Magni militum perseuerantia,  
 quorū opulentos Persas inopia Græcos, luxuriosos  
 continentia, Indos desides, vigilantia, Caucasum  
 postremò ipsum, siti, labore, inedia superauit. Ac ne  
 vetera memoria repetere videamur: quàm graue &  
 difficile bellum Caroli V. Cæsaris ad Alligerium,  
 quàm molesta & exitialis Merensis obsidio fuerit,  
 quis ignorat, vt tot tantorumq; aliorū bellatorum,  
 • eorūq; exercituum incommoda silentio trāscam.  
 • Sed inter horum gestas res, erit etiam, vt opinor, ali-  
 quid loci tuo, tuorūq; nomini: & haud scio, an exer-  
 citus fortitudinem & constantiam legens & audi-  
 ens tui, non aliquis obstupescat. Quis enim media  
 hyeme in media Moschouia in castris vnquam per-  
 mansit? Mansit miles tuus. Quis in præduro & im-  
 mensis frigoribus cōcreto solo vallum tulit, corbes  
 vimineos contexuit, munitiones exstruxit? cuncta  
 hæc miles fecit & perfecit tuus. Quis adeò totis &  
 tam lōgis, tamq; intempestis noctibus hybernis ex-  
 cubias egit? egit miles tuus. Quis nō modò cū hosti-  
 bus, sed etiam cum elementis ipsis pugnam sibi de-  
 sumpsit? sumpsit miles tuus. Ac breuiter, nullum  
 difficultatum, nullū laboris, nullum tædij & patien-  
 tiæ est genus, in quo non exercuerit exercitū tuum  
 hæc bellorum abste gestorum ratio aut conditio, si-

ae querendi victus & pabuli gratia longissimas profectiones susceptas: siue tot manifesta mortis & fortunarum pericula adita à tuis, quis consideret: siue cum ferocissima gente, varia eorum certamina, leuioraq; praelia, & excursions hostium infinitas intueatur, in quibus milites tui duce & authore te, ferè semper victoriam reportarunt. Cessit malitia iustitiæ, fraus & dolus veritati, temeritas rationi, furor virtuti: vis deniq; ipsa vi victa est, nec quo se contra te Moschus iactet vel excuset, habet. Fac Plešcouiam irruptione tentatam, in potestatem tuam non venisse. Quid tum postea? Enimvero ignoramus optabilius esse, semperq; fuisse, in hostili ditione armorum suorum vim, & terrorè longè lateq; proferre, quàm vnus vel alterius expugnata ciuitatis mœnibus includi & mancipari: ita, vt si optio eligendi detur, capiendæ urbis spe, non nunquam excidere, quàm capta & possessa aduentui hostium opponere se non posse, malle videres non neminem, & quidē omnis belligerendi & administrandi ratio difficilis est, capiendarum arcium & ciuitatum difficillima. Quid? & erit qui nesciat, in quanta trepidatione Moschus fuerat, cùm tu hac eadē in bellum expeditione Plešcouiam ipse profectus, aliquā exercitus tui partem in penitiora Moschouia Polotia dimisisses. Quæ sane pars cū Christophoro Radiuilo Castellano Trocen. duce, imitatore auitæ & patriæ virtutis singularis, maximis & difficilimis itineribus Stariciam propè venisset, incredibile dictu est, in quantā desperationem Moschus adductus fuerit, si quidē in fugam versum biduo triduove latuisse, sunt qui asseuerent, suam certè filiorumq; suorum coniuges, & ancillarum

*Dux ipse  
Moschouia  
pra nimio  
terrore in  
abditis spe-  
luncarum  
loca detru-  
ditur.*

rum greges, eum amandauisse Scarcia cōstat: quandoquidem nō solum de vastitate agrorum, tantisq; suorū cadibus, ad ipsius aures constans & perpetua fama quotidie peruolaret: sed adeò flāmas & incendia à tuis excitata è fenestra ipsè intueretur, & singulis momentis ijs adhuc deteriora cum metu & horrore expectaret. Hęc similiaq; vulnera, ac (quod horum nō postremū est) perpetua illa cōscientię carnificina magno Duci de pace cogitationē iniecerunt, cū videret, ne ei quidē exercitus tui parti resistere se potuisset: & in quo spem ponebat maximam, mentes aliquot effluxisse, quibus vel maximis illis frigoribus durantibus, utiq; obsidio Pleſcouiē non soluebatur. Quid de se futurum esset, si aut Pleſcouia caperetur, aut ea relicta in penitiora Moschouiē ingrederetur hostis, prospiciebat animo: & tū externum, & internum malum magnopere verebatur, nempe morbiij, qui in venis & visceribus inclusi latent, quā qui apparent, ægrius curātur. Dimisit ergo ad te internuntium, & vt pacificationis cum eo gratia, legatos Zapolsciam mitteres, quo propediē essent venturi sui, magnopere contendebat. Cuius tu postularis, ne tui ipsius dissimilis viderere, qui semper honestam pacem, vel exploratā victoriā, anteferre te velle testatus es, refragari nec potuisti, neq; debuisti: præsertim cū adeò Pont. Max. autoritas eo quoque accessisset, qui à Moscho literis & legato habitis, Antonium Posseuinū Societatis Iesu sacerdotem, maximis quibusq; & grauissimis rebus recte & scienter tractandis, in primis probatum, ad te, & Moschus suo nomine ablegauerat, & ad Christianā pacem paternē vtrumq; hortabatur. Proinde biduo

*Internum-  
cium ad regē  
de pace tra-  
ctanda insti-  
tuitur.*

*Ad quē ac-  
cessit auctori-  
tas summa,  
pōtissima, per  
legatum sua  
sanctitatem.*



*Rex legatos  
Zapolciam  
misit.*

*Tractatur  
de pace.*

ante, quàm ipse ex castris discessisset, misisti Zapolciam legationem amplissimam cum mandatis, non obscure præferēs, si causā belli, quæ esset Liuania à magno Duce è medio non tolleretur, bellum etiam ipsum cessare non posse nec debere. Distat verò Zapolzia viginti propè à Plescouia milliaribus: via, qua magni Ducis instituto, equi ad celeritatem Nouogardia, Zauolociam & Velicolucum, aliàs disponebantur. Cuius circumuicinam regionem omnem, magno & incredibili metu, hostibus incusso, miles tuus ita occupauerat, vt nescio quo modo in media Polonia seu Lituania quàm in Moscouia ipsa versari securius potuisset. Quo quidem ipso magni Ducis legati, non nihil de se solliciti, ad locum tractandæ paci destinatum aliquāto posterius, quàm tui aduenierant, & Posseuinus, qua spe & cupiditate constituendæ pacis exarserat, ad eos profectus fuerat, vt nulla interposita mora, pacistractatio sequeretur. Id adeò cùm esset factum & varijs sermonibus, atq; disceputationibus, dies quamplurimi dati, tandem de Liuania tibi restituenda, quæ ante omnia ab ijs postulabatur, mandata habere Moschi legati confessi sunt, & vt vicissim arces aliquot, eo bello abs te occupatæ magno Duci concederentur, efflagitauerunt. Est Moschis fides Græca, siue ritum & doctrinam, siue mores eorum spectes. Itaque quicquid in quæstionē disceputationemq; ab eis veniebat, id diligenter versare animo & circumspicere cogitatione oportuit. Turpe namq; labi & decipi in ijs, quæ mutare nunquam possis. Erat præterea memoriæ proditū, Ioannē magni istius Ducis auum, sub Casimiro Poloniae rege, & magno Lituaniae Duce præter fœ-

cus

ductum, Magnam Nouogardiam possedisse. Quæ aliàs libera & imminis per se ex pactiōe fœderis, à neutro eorum infestari, & subigi debuerat. Huius verò filium, & istius patrem Basilium, sub Alexandro, Starodubum, sub Sigismundo I. Regibus Smolenscum, iurisiurandi religione violata occupauisse memorabant, nec non & ipsum hunc sub Sigismundo Augusto Polotiam, sub Henrico Peruauiam, ipsædem artibus possedisse. Quibus vestigijs & quasi impressis signis improbitatis atque fraudis territus, vel legationis illius fidem suspectam habere aliquis potuisset, sed timidi & suspitiosi cogitatio impedit se ipsam, cum maximè dispicit & prouidet cuncta. Dandum erat temporibus aliquid, dandum rationi mori; & communi, cum verū sit illud, quod dicitur, milles licet homo fraudetur ab homine, utiq; hominē cum homine viuere debere: dandus Pont. Max. suus authoritati & postulatis locus, qui diuino nutu & potestate, in altissima specula pastoralis vigilię positus, per longissimam ætatem qua vixisset, maximarum rerum moimentis, ad certam rationis normam toties ponderatis, amplissimis legationibus pro ecclesia obitis, & tot deniq; regnorum cladibus & mutationibus cognitis & perspectis, nunc in hanc, nunc in illam partē Christianę Reipub. inferet oculos: & tanquam solers quidā prouidusq; nauarchus, Christianos reges & principes in his procellis & tempestate, ad concordiam hortaretur. Neq; verò & fletu ipso lacrymisq; legatorum magni Ducis vel ferreus aliquis commoueri nō potuisset. Qui de corde & in reritu suorum, cum aliquid inaudissent, (inaudiebant autem quotidie) aut cum suos captiuos duci &

longè à patria auehi cernerent (quod cernebant sapissime) supplices manus in cælum tēdere, & ad nomē pacis suspiria geminare videbantur. Et horū quiddē (vt opinio mea fert) fictè aut simulatè nihil. Quia etiā si quis risus fuerat, fuerat à cordolio. Quis enim non ingemisceret, tāta vastitate agrotum, exitio facultatum, direptionibus arcium, cæde & interitu ciuium, euerfione patrie, cōmotus & excitatus. Graue erat Moschis Polocense bellū: nemo corū nō indoluit clade suorū ad Socolum. Velicolucensi excidio quid miserabilius fuit aut esse potuit? ad Turopeciu suorū copias fusas & fugatas, præcipuos viros captos, tot arcium præfectos, tantā commeatus & apparatus bellici, omnis generis vim interceptā meminerrant. Harum rerū excruciat & torquebat eos recordatio. Hoc aut casu grauius, aut cōditione peius, aut iactura famæ & hominum, maius nihil eis videbatur. Quid verò de bello isto Plefcouieſi loquebar? dies me deficeret, si quot Moschi in excursionibus ab vrbe caſi: quot dum ſuis opem ferre conātur, per agros interfecti: quot capti, quot in ſeruitutē abducti ſint, vel fuerint, cōmemorare velim. Nā & tum, cū in caſtris manebas, ferè ſinguli dies hoſtib. aut captis aut interfectis nouis gratulationibus celebrabatur. Poſt diſceſſum tuum loānes Zamofcius regni cancellarius, & exercituum tuorum imperator, vit perpetuæ laudi & maximis muneribus obeundis in Rep. natus, tot hoſtibus captis, tot interfectis, tot cōtinuis vigilijs fameq; fatigatis, ſuam & exercitus tui perſeuerantiam ita probauerat, vt non modò legatis Moſchouiticis ad conficiendam pacem ſtimulo fuiſſe, verū etiam vniuerſæ Moſchouię maximum

terro-



terrorem inieciſſe, & dici & videri queat: præfertim cum Spirkone Iordano præfecto, vetuſtate generis, ſpectata virtute, cõmendato certo militũ numero, in penitiora Moſchouia immiſſo, agrisq; vaſtatis, & hoſtium occiſis plurimis, armorum ſuorum vim & terrorem in ipſam Nouogardiam intuliſſet. Nõ gi-  
tur mirum eſt, aut videri debet, ſi vel legati magni Ducis tanto deſiderio pacis & quietis, vt diximus te-  
nebantur: & ipſe magnus Dux, cõditiones eas, quas ſubterfugere aliàs viſus eſt, tandem aliquando acce-  
ptauiſet. Non mirum ſi in Liuonia triginta quatuor arces, quas poſſidebat, tibi conceſſit. Non mirum ſi Derpatũ ſibi & ditionibus ſuis aded adiunctũ, quæ prima belli Liuonici eius materia & quoddam veluti integumentum fraudis fuerat, poſt tot ſuas ſuo-  
rumq; legatorum inficiationes, tergiverſationesq; interpoſitas, reddidit. Non mirum ſi in Derpato ſep-  
tuaginta & octo maiora tormenta bellica, & in omnibus arcibus, penè trecenta, & deniq; infinitum minorum bombardarum, apparatusq; bellici vim & numerum, volens nolens, reliquit. Non mirum ſi tot & tam magni momenti captiuorum ſuorũ liberationem conditionibus pacis non inferuit, ſed quidam eius fieri melius citiusq; poſſet, vt quiſq; eorũ redimeretur nõ reſuſcit. Non mirũ ſi Velicoluca, Zauolotia, Neueliaq; abs te redditis, & Pleſcouien-  
caſtellis quibuſdã relictis, decennalem ferire pacem tecũ non dubitauit. Non mirũ ſi primi belli tropheæ & monimẽta tuæ victoriæ, Polotiam Nieſczerdam, Cozianam, Socolum, Turouliam, Sithno, Suſſam Craſnum: ſi ſecundi Vſuiatam, Velifiam, & Iezieri-  
ſcum, quas antea tenebat, cunctas in poteſtate tua re-

*Moſchus ce-  
dit Liuonia,  
relictus 34.  
arcibus cum  
tormentis  
maiorib. ex  
minorib.,  
alijsq; in-  
ſtrumentis  
bellicis, &  
apparatu.*

*Captiui re-  
dimuntur.*

*Pax decen-  
nalis certa-  
rum arcium  
cauſſa feri-  
tur.*

*Arces præ-  
cipua per  
noſtros ca-  
pta circare-  
gem relin-  
quuntur.*

liquit. Non mirum si solitas illas licitationes & postulationes suas, de Liuonica hæreditatis, de Cazanij & Astracanij imperiorum titulis, tandem posthabuit & neglexit. Non mirum si legatos suos (vt ex verbis eorum, cum quid intemperantiùs loqui cœpissent, multò sese admonetium, elici potuit) in dictis & factis ad moderationem est præter morem adhortatus. Non deniq; mirum, Græci ritus cum sit, atque adeò, cum rex factorum quidam, simulq; Imperator videri velit: & cum plusquàm regiam, & pontificiam maiestatem, in vestitu, consellu, & reliquis præseferens, admirabilis nescio cuius potestatis & intelligentiæ rerum, diuinitus sibi datæ & conceditæ, apud suos existimationem certa quadam arte & diligentia tueatur: si à Pont. Max. cuius nominis & gloriæ æmuli, leues & temerarij Græci semper sunt & fuerunt, ad consequendam à te pacem, fauorem & auctoritatem, implorauit: & Antonium Posseuinum Pont. Max. nomine missum, tanquam quædam arbitrum, istius pacificationis fieri permisit. Quid enim illo stimulis conscientiæ compunctum? Quid infelicitate miserum? Quid voluntate perditum? Quid metu abiectum magis dici aut cogitari potest: vetus est prouerbium: Nullam esse calamitatem solam. At hæ non vna aut altera: sed conspirarunt in Moschum infinitæ. Vidit ille domi suæ proditorem: in castris desertorem: sociam thori repudiavit, liberos in omni turpitudine & ocio educavit. Sentit se esse suspectum & odiosum suis, cum & ipse fuerit semper hostis suorum. Grauiissimas habet insidias eas, quæ latent in simulatione officij, & aliquo vinculo sanguinis vel propinquitatis. Præceps in fu-

rorem

rorem agitur, & nuper mortis filij est caussa sui. Re-  
stituit tandem vel inuitus Liunioniam: & cum Prusso  
nescio quo, gentis suæ authore excogitato & confi-  
cto, Prussiar ipsi adeò inhiasset, de qua ne verbum  
quidem apud se vllum fieri voluit: amisit & Liuni-  
am Dei opt. max. iusto iudicio, omninoq; admirado:  
quippe qui appetit aliena, perdit sæpe ea quæ asti-  
mat sua: sicuti tu etiam hanc tam nobilem prouin-  
ciam, quam ille semper dixit & duxit suam, septimen-  
tum Lituaniæ, decus & ornamentum regni tui, tot  
distinctâ castellis, refertam portubus, exaggeratam  
bonis omnibus, ex faucibus ipsius eripuisti. Quæ si  
loqui posset, ita haud dubiè ad te verba faceret. Gra-  
tes tibi ago rex optime, quòd post tertium & vigesi-  
mum annum, ex quo Moschus libidine dominandi  
incitatus, me meaq; aggressus est, dextera tua forti,  
& non magis in bellis ac prælijs, quàm in pactis &  
promissis seruâdis firma & laudata, sublato metu &  
formidine belli, in pristinâ quandâ dignitatis spem  
me reuocare dignatus es. Multa ego multis debeo.  
Sed vnitibi post Deum opt. max. acceptam fero li-  
bertatem. Præclare olim Meinardus, & post eum  
Albertus episcopus, Christianæ religionis & pieta-  
tis nostræ authores, non deterius Bremem: hoc eo-  
dem nomine de me meriti sunt & fuerunt. Grata  
Guilhelmi Cardinalis Mutinen. ex cõcilio apud Lu-  
gdunû habito, in has oras missi, apud me viget me-  
moria. Sed enim decora & ornamenta omnium, si-  
tu iam pridem obsita, squalore sordida, tenebris ve-  
tustatis inuoluta, tu in pristinam lucem & dignitatem  
posuisti: vt cum multa illis plurima Cruciferis, tibi  
demum cuncta iure optimo debeamus. & sicuti est

*Moschus pra-  
nimio furo-  
re filium ne-  
cat, facitq;  
inustus finem  
belli.*



iucundior valetudo ijs, qui graui aliqua infirmitate impediti & lecto affixi diu admodum iacuerunt, sic & nostât opere desiderata, per te verò libertate parta vehementius recreamur. Sit clara & commemorabilis Platembergij apud nos: sit Halencâpij virtus qui ordînis Teutonici magistri hîc aliquando fuerunt, & maxima grauiissimaque bella pro communi salute & dignitate confecerunt. Enimvero ea, quæ tu pro nobis suscipere & gerere voluisti, & in itijs læta, & progressu gloriosa, & exitu salutaria magis censentur, literis monumentisquæ nostris inferentur, ad memoriam posteritatis transmittentur: quâdoquidem vt & pater benignissimus, & bellator sapientissimus à meis tectis & domicilijs, in hostiles agros armis cōuersis & prolatis, quod iam pridem sequutus, id assequutus es: vt ego à tot continuis bellis & calamitatibus respirare, & tandem nullam non gratiam à me tibi debitam, si nō referre, attestari erga te possim. Sic olim vt virtus Mosis illustris & peruagata magis videretur, populum Israheliticum seruire seruilitatem in Ægypto Deus opt. max. voluit. sic vt magnitudo animi Cyri esset clarior, Persas à Medis graui dominatu opprimi contigit: sic ad ostendendam virtutis præstantiam Thesei dispergi aliquando Athenien. opportuit: sic deniq; (vt ad me iple veniam) maximis & grauissimis malis affligi Liunioniam necesse fuerat: vt de tua præstabili virtute, fortitudine, moderatione, iustitia, nulla vnquam vetustas obmutescat. Vicit nempe is, qui non insolenter efferri victoria sua, sed cuncta æquitate metiri videatur: neque cum Moscho immanitate sibi certandum, sed omni genere benignitatis, seipsum superandum potius

tius arbitraretur. En verò tibi bone vir superbia & tyrannis turba tuumens & inflatus, nescio quē non despiciere præ te nuper videbāre. Quin nec vides ipse, tāquam alicui Polyphemo oculo vno, Liuania, quo in diuersas orbis terrarum partes prospectabas, tibi adempto & euulso: nimirum intelligis, quantas vires virtus habeat, & quā longè melius fuerit, Hyeroni Syracusano, cū priuatus esset, quā Perseo Macedoni, cū rex diceretur, esse similiorem. Hic enim præter regnum, regale in se habuit nihil: ille non tam regno, quā regnum eo, indigere videbatur. Cogita quātum intersit, inter veram & fucatā gloriam, & quomodo diligi, quā metui præstet: neq; suorum tantum, verū etiam & externorum beneuolētia ad incertos temporū casus, & bellorum exitus expediat obsepiri. terrēt apud te vestigia multos (vt aliquando dixit poëta ille: intro spectantia nulla retro) & ferro geri rem, non semper aurū & argentū neruum belli esse, malo tuo experire. Deniq; si sapias, cur non potius Agésilauum, Tymoleonem, Dionem, quā Nabidum, quā Phalarim, quā Dionysium imitandum putes: latiusq; esse viuere vitam Scipionis, quā desiderare principatū Cæsaris. Quorum enim aliquis imitatur mores, eorum & exitum expectare debet. Vide quomodo Titus, Nerva, Traianus, Adrianus, Antonius, & Marcus apparitoribus, & doryphoris non egebant Romæ. & rursus, quomodo Caligule Neroni, Vitellio, neq; Orientis, neque Occidentis exercitus, opē ferre potuerint. Animaduerte tyrannorum vim & potentiam corporibus nostris esse per similem, quē quoad bona videntur valetudine, latent in ijs incommoda

singula: nec facillè morbum aggritudinemq; deprehendas: statim verò vt grauior morbus aliquis incurrerit, & corpus aduersa valetudine vexari incipit, omnia etiam minima cum doloris sensu maximo, repente commouentur & excitantur. Ad eum modum tyrannorum iniuriæ & contumeliæ, prosperitate veluti velo obductæ, delitescunt: simul atq; increpuit bellū, aut seditio tyrānus corrui: neq; quicquam violentū potest esse diuturnum. Sed quid ego te admoneam? & num humanitatē ab hominū hoste, ab immoderato modū, ab effreni disciplinam, à barbaro expectē doctrinā? cur non potius ad te mea vnde initium cœpit se conuertit oratio? Ego te Stephane rex, pro eo ac debeo, veneror & colo, neque vllum præmium virtutis, vllum insigne honoris, vllum monumentum laudis esse fieriq; posse existimo, quod tibi à nobis iure & meritò non debeatur. Tu ex seruitute in libertatem, ex profundissimis tenebris in lucem, à morte (vt ita dicam) in vitam me reduxisti; tu calamitatem omnem & squalorem mihi ademisti; tu & subsidia belli & ornamenta pacis attulisti. Paruit olim orbis terrarum Romanis, seruiuit Assyrijs, subiectus fuit Persis: at enim & Persarum disciplina dignitate Assyriorum, & humanitate Romanorum videbatur tolerabilior conditio seruitutis. Huic verò tam scædo & impotenti domino subiecta si fuissē, quam lucem solatij, quod perfugium pacis, quem portum quietis sperare poteram vel debebam, in cuius regno, nihil aliud quàm flagitiosissima luxuria, quàm deterrima crudelitas, quàm contumeliosissima superbia, nihil aliud, quàm dolor & gemitus perpetuus audiuntur.

Ergo



Ergo quàm maximas possum gratias tibi ago, rex,  
maiores etiam habeo, eiusque beneficij tui, memo-  
riam erga me, nulla vnquam inobscurabit obliuio.  
Tu fac, vt sicuti speramus & optamus fore, pace con-  
cordia, tranquillitate, & ocio per te & in te perfrua-  
mur. Hæc Liuonia, si posset, apud te hodie diceret.  
Quæ quoniam non potest, id à nobis tacita requirit,  
vt præstanti virtute, rebusq; abste gestis optimorum  
olim regum & principum memoriam in Polonia in  
animum nobis reuocemus & Lechos fortes, soler-  
tes Gracchos, Lescones strenuos, sapientes Cazimi-  
ros, audaces Boleslaos, moderatos Jagellones in te  
vno contemplemur: Deumq; opt. max. cuncti pre-  
cemur, vt eum, quem per omnes omnium hono-  
rum gradus, ad regiam dignitatem extulit, quem  
potestatis suæ participem in terris, administrum iu-  
stitiæ, authorem pacis exteris admirabilem, suis ve-  
nerabilem, hostibus fecit formidabilem, bonis o-  
mnibus auctum, & florentem, & quàm ma-  
ximè diuturnum, & in omnes partes  
victorem esse, perpetuoq; sic-  
ri, patiatur.

FINIS.

# ORDO QV ALITER SE- RENISSIMVS REX POLONIAE IYXTA VETEREM CONSVETV-

DINEM CORONATVR, ET QVÆ SO-  
lennitas & cerimonia circa  
id seruari sint so-  
lita.

**I**N primis congregantur episcopi & consiliarij re-  
gni, alijsq; officiales, item abbates insulati, admi-  
nus ex Diocesi Craconiensi, qui omnes conuenire te-  
nentur pro die statuto coronationis.

Rex itaq; electus parabit se ut dignè accedat men-  
sam diuinam corpus Christi sumpturus in die corona-  
tionis, unde ieiunio, elemosyna, & confessione expia-  
bit peccata sua. Sequenti autem die qua erit Domini-  
ca, qua rex est benedicendus. Archiepiscopus & suf-  
fraganei, Abbates insulati, alijsq; Pralati omnes con-  
ueniunt mane in Cathedralē ecclesiam, omnes ami-  
cti stolis pivialibus, mitris, insulis, superpilicijs, & id  
genere sacerdotalium. senatores quoque omnes, & e-  
questris ordo congregatur, quibus sic peractus, proces-  
sione ordinata per magistrum ceremoniarum, cum  
suribulo & aqua benedicta alijsq; episcopalibus de  
ecclesia in palatium eunt, si hola cum sacerdotibus &  
abbatibus ad scalas palatii remanentibus, soli episcopi  
cum archiepiscopo palatium ascendunt, ad deducen-  
dum principem in ecclesiam Cathedralē, qui antea  
induitur per supremum regni Marschalcum, vel per  
magistrum ceremoniarum sandalijs, tunica chirote-  
cis, alba dalmetica & pallio siue cappa, quem sic orna-

tum & inter barones primoresq<sup>3</sup> requisitantem, archiepis-  
copus aqua benedicta aspergit, post hoc collectam  
dicit:

Deus humilium institutor, qui nos Sancti spiri-  
tus illustratione consolaris, prætende super hunc fa-  
mulum tuum Henricum gratiam tuam, vt per eum  
tuum in nobis adesse sentiamus aduentum.

Hinc rex in ecclesiam per Craconiensem, & Cu-  
iassensem episcopos deducitur, à dextra leuag<sup>3</sup> appre-  
hensa. preferentibus Castellano Craconiensi coronam,  
Palatino sceptrum, Vilnensi nem Palatino pomum  
aureum, & Andrea à Zboroꝝ gladium euaginatū,  
episcopi cum archiepiscopo cruce pracedente, abbates  
infulati, & ceteri principes suo ordine quilibet succe-  
debant, similiter duces Francia, & externorum prin-  
cipum legati. Regalia supradicta à senatoribus qui  
ea portabant accepta in altare deposita sunt, rex in so-  
lio sistitur, ante quem archiepiscopus certas orationes  
pronunciat.

Antequam autem rex coronaretur, orta est ma-  
gna controuersia ratione confederationis, inter quos-  
dam Catholicorum, & Evangelicos sub interregno  
facta, episcopis eandem, uti diximus pariter, ac Eccle-  
siasticis contrariam legibus, ipsisq<sup>3</sup> inuitis, & recla-  
mantibus factam, improbantibus, Evangelicis con-  
tra, propter rerum suarum securitatem, omnino fir-  
mam haberi contendentibus, sed postea omnis illa  
contentio, inuento medio Deo volente sedata fuit, &  
pace facta vnus episcoporum dicit subsequentem O-  
rationem.



**O**Mnipotens sempiterne Deus, caelestium ac terrestrium moderator, qui famulum tuum ad regni fastigium, dignitatemque dignatus es prouehere, concede quaesumus vt à cunctis aduersitatibus liberatus, & ecclesiasticae pacis dono muniatur, & ad aeternae pacis gaudium, te donante peruenire mereatur, per Christum Dominum nostrum, Amen.

*Finita oratione admonet diligenter regem, de fide, de pietate in Deum, & de alijs virtutibus regis dicens:*

Cum hodie per manus nostras optimè princeps, qui Christi saluatoris nostri vices in hac re fungimur, quamuis indigni sacram vnctionem, & regni insignia sis suscepturus, bene est, vt te prius de onere, ad quod destinaris aliquantulum moneamus. Regiam hodie suscipis dignitatem, & regendi fideles populos tibi commissos curam sumis: preclarum sanè inter mortales locum, sed discriminis, laboris, atque anxietatis plenum: verum si consideraueris, quod omnis potestas à Domino Deo est, per quem regnant reges, & legum cōditores iusta decernunt, quodq; de grege tibi commissio, ipsi Deo rationem redditurus, primum pietatem seruabis, Dominum Deum tuum tota mente ac puro corde coles, Christianam religionem ac fidem Catholicam, quam ab incunabulis professus es, ad finem vsque inuiolatam retinebis, eamque contra omnes aduersantes, pro viribus defendes. Ecclesiarum praelatis ac reliquis sacerdotibus, condignam reuerentiam exhibebis, ecclesiasticam libertatem non conculcabis, iustitiam sine qua nulla societas diu cōsistere potest, erga omnes inconcusè administrabis, bonis praemia

nia, noxijs debitas pœnas imponendo, viduas, pupillos, pauperes, ac debiles, ab omni oppressione defendens, omnibus te adeuntibus benignum, mansuetum, atq; affabilem pro regia tua dignitate præbebis, & itate geres, vt non ad tuam, sed ad totius populi vtilitatem regnare, præmiūq; benefactorum tuorum, non in terris, sed in cælo expectare videaris, quod ipse tibi præstare dignetur, qui viuit & regnat Deus, in sæcula sæculorum.

Absoluta oratione interrogat illum episcopus  
hijjs verbis:

*Vis fidem sanctam, à Catholicis viris traditam tenere, & operibus iustis seruire?*

R. Volo.

*Vis ecclesijs ecclesiarumq; ministris tutor & defensor esse?*

R. Volo.

*Vis regnum à Deo tibi commissum, secundum iustitiam patrum tenere, regere, & defendere?*

R. Volo.

Et in quantum diuino fului suffragio, ac solatio omnium fidelium suorum valuerō, ita me fideliter per omnia acturum esse promitto.

Finita interrogatione, rex coram archiepiscopo genuflexus capite ad apertum, dicit in hæc verba: Ego Henricus, Deo annuente futurus rex Polonorum, profiteor & promitto coram Deo, & Angelis eius, deinceps legem & iustitiam, & pacem ecclesie Dei populoq; mihi subiecto, pro posse & nosse, facere atq; seruare, saluo condigno misericordia Dei respectu, sicut in consilio fidelium meorum, melius potero inuenire. Pontificibus quoque ecclesiarum Dei, condignum & canonicum honorem exhibere, atque ea quæ ab imperatoribus & regibus ecclesia collata, & reddita sunt, inuiolabiliter obseruare: abbatibus, comitibus, & vasallis meis con-

*gruum honorem, secundum consilium fidelium meorum prestare.*

*Post hoc, utramque manum ponit supra Evangelia dicens: Sic me Deus adiuvet, & hæc sancta Evangelia.*

*POSTEA DICIT ARCHIEPISCOPUS Collectam.*

**O**Mnipotens sempiterne Deus, creator omnium, imperator angelorum, Rex regum, & Dominus dominantium, qui Abraham fidelem servum tuum de hostibus triumphare fecisti, Moyfi & Iosua populo tuo prælatis, victoriam multiplicem tribuisti, humilemque David servum tuum regni fastigio sublimasti, & Salomonem sapientiæ pacisque ineffabili munere ditasti, respice quæsumus Domine, ad preces humilitatis nostræ, & super hunc famulum tuum Henricum, quem supplici deuotione veneramus, & in regem eligimus, benedictionum tuarum dona multiplica, eumque dextera potentie tuæ, semper hic & ubique circunda: quatenus prædicti Abrahamæ fidelitate, Moyfi mansuetudine fretus, Iosua fortitudine fultus, David humilitate exaltatus, Salomonis sapiëntia decoratus, tibi in omnibus complaceat, & per tramitem iusticiæ inoffenso gressu semper incedat. Tuæ quoque protectionis galea munitus, & scuto insuperabili iugiter protectus, armisque celestibus circumdatus, optabilem de hostibus crucis Christi victoriam fideliter obtineat, & triumphum feliciter capiat, terroremque suæ potentie illis inferat, & pacem sibi militantibus lætanter reportet, per Christum Dominum nostrum, qui vir-

tute



rute crucis tartara destruxit, regnoq; Diaboli superato, ad celos victor ascendit: in quo potestas omnis regniq; consistit victoria: qui est gloria humilium, & vita salusq; populorum: qui tecum viuit & regnat Deus, per omnia secula seculorum, Amen.

### ALIA ORATIO.

**T**Einuocamus Domine, sancte Pater, omnipotens sempiternus Deus, vt hunc famulum tuum Henricum, quem tue diuinæ dispensationis prouidentia in primordio plasmatum, vsq; ad hunc presentem diem iuuenili flore latentem crescere concessisti: eum tue pietatis dono ditatum, plenumque gratia & veritate, de die in diem coram Deo & hominibus ad meliora semper proficere facias: vt summi regiminis solium gratia supernæ largitatis gaudens suscipiat, & misericordia tua munitus, ab hostium aduersitate vndiq; munitus plebem sibi commissam cum pace propiciationis, & virtute victoriæ feliciter regere mereatur, per Christum Dominum nostrum, Amen.

Post hæc archiepiscopus genua flectit, & rex in faciem prouoluitur: Cantores autem canunt, choro correspondente, & cum cantant hunc versum: Et obsequium seruitutis nostræ tibi rationabile facias. R. Te rogamus audi nos. Archiepiscopus stans ad regem prouoluitum, cum cruce dicit: Et hunc electum in regem: Coronandum, benedicere digneris. R. Te rogamus audi nos.

Iterum canit: Et hunc electum in regem coronandum benedicere & consecrare digneris. R. Te rogamus audi nos.

*Post hoc episcopi omnes cum abbatibus genua flectentes, lataniam prosequuntur suprà regem pronolum, quam cum finierint, archiepiscopus orationem Dominicam exorditur: Pater noster, &c. Et ne nos inducas in tentationē. R. Sed libera nos à malo. V. Saluum fac seruum tuum Domine. R. Deus meus sperantem in te. V. Esto ei Domine turris fortitudinis. R. A facie inimici. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.*

## O R E M V S.

**D**EVS qui populis tuis virtute consulis, & amore dominaris, da famulo tuo Henrico sapientiæ spiritum, cum regimine disciplinæ, vt tibi toto corde deuotus, in regni regimine maneat semper idoneus, tuoque munere ipsius temporibus, securitas ecclesiæ dirigatur, & in tranquillitate deuotio Christiana permaneat, vt in operibus suis bonis perseuerans, ad æternum regnum te duce peruenire valeat, per Dominum nostrum Iesum Christum, &c.

Benedic Domine hunc regem Henricum, qui regna omnia moderaris à sæculo, & tali eum benedictione glorifica, vt Dauidicæ teneat benedictionis & sublimitatis sceptrum; & glorificatus in eius protinus rapiatur merita: da ei tuo spiramine cum māsuerudine, ita regere populum tuum, sicut fecisti Salomonem tuum continere regnum pacificum, sit tibi semper cum timore subditus, tibi que milititer cum quiete, sit tuo clypeo protectus, cum proceribus, & vbique tua gratia victor existat: honorifica  
eum

eum præ cunctis regibus gentium, vt feliciter populis tuis dominetur, & feliciter eum nationes adoret, viuat inter gentium cateruas magnificus, sit in iudicijs æquitatis singularis, locupletet eum tua perditæ dextera, frugiferam obtineat patriam, & eius liberis tribuas profuturam. Protella ei prolixitatem vitæ, & in diebus eius oriatur iustitia, à te robustum teneat regiminis solum, & cum iucunditate & iustitia, æterno glorietur in regno, per Christum Dominum nostrum, Amen.

*Postea archiepiscopus sedet, rex verò genua ante eum pronoluit, Dalmatica & pinnali exornatur. Archiepiscopus autè intincto pollice dextro in oleo sacro ungit illi dextram à palma, ad cubitum, & inter scapulas, & in brachio dextro, dicens:*

Vngo te in regem ex oleo sanctificato in nomine Patris & Filij & Spiritus sancti, Amen.

*Pax tecum. R. Et cum spiritu tuo.*

### ORATIO.

V Ngo te in regem ex oleo sanctificato Spiritus sancti gratia humilitatis nostræ officio in te copiosa descendat, vt sicut manibus nostris indignis, oleo materiali pinguescis exterius ablutus, ita eius inuisibili vnctione delibutus, impinguari merearis interiorius, eius quoq; perfectissima spiritali vnctione semper imbutus, & illicita declinare tota mente discas seu valeas, & vtilia animæ tuæ, iugiter cogitare, optare, atque operari queas, auxiliante Domino Iesù Christo, qui tecum viuit & regnat, Deus Deifili-



lius Iesus Christus Dominus noster, qui à Patre oleo exultationis vnctus est, præ participibus suis, ipse per præsentem sanctæ vnctionis infusionem Spiritus Paraclyti, super te benedictionem infundat, eundemque vsque ad interiora cordis tui penetrare faciat. Quatenus hoc visibili & tractabili oleo dona inuisibilia percipere, & temporali regno, iustis moderationibus executo, æternaliter corregnare ei merearis, qui solus sine peccato rex regum, viuit & gloriatur, cum Deo Patre in vnitæte Spiritus sancti Deus, pro omnia sæcula sæculorum, Amen.

## O R E M V S.

**O**Mnipotens sempiternæ Deus, qui Azachiel super Syriam & Iehu super Israel per Heliam, Dauidem quoque & Saulem per Samuelem prophetam in reges inungi fecisti, tribue quæsumus, manibus nostris opem tuæ benedictionis, & huic famulo tuo Henrico, quem hodie licet indignis in sacro vngimine delingimus, dignam delibutionis huius efficaciam, & virtutem concede. Constitue Domine, principatum super humerum eius, vt sit fortis, iustus, prouidus, & indefessus regni huius, & populi tui gubernator, infidelium expugnator, iustitiæ cultor, meritorum remunerator, ecclesiæ tuæ sanctæ, & fidei Christianæ defensor ad decus, & laudem tui nominis gloriosi, per Dominum nostrum Iesum Christum filium tuum, qui tecum viuit & regnat in vnitæte Spiritus sancti Deus, per omnia sæcula sæculorum, Amen.

Christe perunge hunc regem in regimen, qui vn-

xisti

xisti sacerdotes, & prophetas, reges, & martyres, qui per fidem vicerunt regna, operati sunt iustitiam, atque adepti sunt re promissiones, tua sanctissima vinctio super caput eius defluat, atque ad interiora descendat, & cordis illius intima penetret, & promissionibus, quas adepti sunt victoriosissimi reges, gratia tua, dignus efficiatur, quatenus in presenti saculo feliciter regnet, & ad eorum consortium in caelesti regno perueniat, per Dominum nostrum Iesum Christum, qui tecum vivit & regnat, &c. Vinctus est oleo letitiae prae consortibus suis, & virtute sanctae crucis potestates aereas debellavit, tartara destruxit, regnum Diaboli superavit, & ad caelos victor ascendit, in cuius manu victoria, virtus & potestas consistunt, & tecum vivit & regnat per omnia secula seculorum, Amen.

Deus qui es iustorum gloria, & misericordia peccatorum, qui misisti filium tuum ut pretiosissimo sanguine suo genus humanum redimeret, qui conteris bella, & es propugnator in te sperantium, & sub cuius arbitrio, omnium regnorum continetur potestas, te humiliter deprecamur, ut presentem famulum tuum Henricum in tua misericordia confidentem, in presenti regali sede benedicas, ei que protinus adesse digneris. & qui tua expetit protectione defendi, omnibus sit hostibus fortior, fac eum Domine beatum, & victorem de inimicis suis, corona eius corona iustitiae & pietatis, ut ex toto corde, & tota mente in te credens, tibi deferuiat, sanctam tuam Ecclesiam defendat & sublimet, populumque a te commissum iuste regat, nullum ius insidiantibus malis iniustitiam vertat. Accende Domine cor eius,

ad amorem gratiæ tuæ, per hoc vnctionis oleum, unde vnixisti reges & prophetas, quatenus iustitiam diligens, per tramitem iustitiæ familiariter populum ducens, post peracta & disposita in regalia excellentia annorū curricula, ad te peruenire mereatur, per Dominum nostrum Iesum Christum, &c.

Prospice omnipotens Deus serenis optatibus hūc gloriosum regem Henricum, & sicut benedixisti Abraham, Isaac, & Iacob, sic illum larga benedictionis spiritualis gratia, cum omni plenitudine potentiæ irrigare, atque perfundere dignare, tribue ei de rore cæli, & de pinguedine terræ abundantiam frumenti, vini, & olei, & omnium frugum opulentiam, ex largitate diuini muneris, longa per tempora, vt illo regnante sit sanitas corporum in patria, & pax inuiolata in regno, & dignitas gloriola regalis palatii, maximo splendore regiæ potestatis omnium oculis fulgeat, luce clarissima clarescat, atque splendore, quasi splendidissimo, fulgore maximo perfusus lumine videatur. Tribue ei omnipotens Deus, vt sit fortissimus protector patriæ, & consolator ecclesiarum, atque cœnobiorū sanctorum, maxima cum pietate munificentia, atque sit fortissimus regum, triumphator hostium, ad opprimendos rebelles & paganas nationes, sitq; suis inimicis, satis terribilis, præ maxima fortitudine regalis potētie. Optimatibus quoque & præcellis proceribus, ac fidelibus sui regni sit magnificus, & amabilis ac pius, vt ab omnibus timeatur & diligatur. Reges quoque de lumbis eius per successiones temporum, futurorum egrediantur, qui regnum hoc valeant regere totum, & post gloriosa tempora, atque felicia præsentis vitæ gaudia



gaudia æterna in perpetua benedictione habere mereantur. Quod ipse præstare dignetur qui viuit & regnat in sæcula sæculorum, Amen.

*Postea episcopus aliquis, eorum manu gestans, in-  
uncta loca detergit, dicens:*

Deus, Rex regum, & Dominus dominantium, per quem reges regnant, & legum conditores iura decernunt, dignare propitius benedicere hoc regale ornamentum, & præsta vt famulus tuus rex noster Henricus, qui illud portaturus est, ornamento bonorum morum, & sanctarum actionū, in cōspectu tuo fulgeat & post temporalem vitam, æternam gloriam quæ temporis non habeat finem, sine fine possideat, per Dominum, &c.

*Demum induit regem piniali, & Dalmatica, dicens:*

Accipe pallium, quatuor initijs formatum, per quod intelligas, quatuor mundi partes, diuinæ potestati esse subiectas, nec quenquam posse feliciter regere in terris, nisi sibi potestas fuerit collata de cælis.

*His absolutis archiepiscopus manus abluit, & deposita infula dicit confessionem. Rex verò deductus in solium orat, & post alleluia in Missa, orationes pro rege aliquis episcoporum dicit. Postea regem flexo, archiepiscopus gladium porrigit, dicens:*

Accipe gladium desuper altari sumptum per nostras manus licet indignas, vice tamen, & auctoritate sanctorum apostolorum consecratum, regaliter tibi concessum, nostroque benedictionis officio, in defensionem sanctæ Dei ecclesiæ, diuinitus ordinatum, ad vindictam malefactorum, laudem verò bo-

norum, & memor esto eius, de quo Psalmista prophetavit dicens: Accingere gladio tuo, super femur tuum potentissime, ut in hoc per eandem vim equitatis exerceas, molemq; iniquitatis, potenter destruas. Et sanctam Dei ecclesiam, eiusq; fideles propugnes, atq; protegas, neq; minus sub fide falsos, quam Christiani nominis hostes execres, ac disperdas, viduas atq; pupillos, clementer adiuves, & defendas, desolata restaures, restaurata conferues, vlciscaris iniusta, cōfirmes bene disposita. Quatenus in hoc agendo virtutum triumpho, gloriolus iustitiæq; cultor egregius, cum mundi Salvatore, cuius typum geris, in nomine eius, sine fine regnare merearis, qui cum Deo Patre, & Filio, & Spiritu sancto, vivit & regnat Deus per omnia sæcula sæculorum, Amen.

*Ibidem ulterius in Missa proceditur, & accingenti illi gladium archiepiscopus, dicit:*

Accingere gladio tuo super femur tuum potentissime, & attende, quod sancti, nō in gladio, sed per fidem vicerunt regna.

*Postea ei diadema imponens dicit:*

Accipe coronam regni, quæ licet ab indignis, episcoporum tamen manibus capiti tuo imponitur, in nomine Patris, & Filij, & Spiritus sancti, quā sanctitatis gloriam & honorem, & opus fortitudinis intelligas significare, & per hanc te participem ministerij nostri, non ignores ita ut sicut nos in interioribus, pastores rectoresq; animarum intelligimur, ita & tu contra omnes aduersitates ecclesiæ Christi defensor assistas, regniq; tibi à Deo dati, & per officiū nostrę benedictionis in vice apostolorū, omniumq; sanctorū regimini tuo cōmissi, utilis executor, perspicuusq;

spiciuntq; regnator semper appareas, vt inter gloriosos atletas virtutū gēmis, q̄ natus, & premio sempiternę felicitatis coronatus, cū redēptore & saluatore nostro Iesu Christo, cuius nomē vicēq; gestare crederis, sine fine glorieris: Qui viuīt & imperat Deus cum Patre & Spiritu sancto in sacula saculorum.

*Demum pomum typū mundi referens in sinistram & sceptrum in dextram ei dedit, dicens:*

Accipe virgam virtutis atq; veritatis, qua intelligas te obnoxium mulcere pios, terrere reprobos, errātes viam docere, lapsis manū porrigere, disperdere superbos, & releuare humiles, & apperiat tibi ostiū Iesus Christus Dominus noster, qui de semetipso ait: Ego sum ostiū, per me si quis introierit saluabitur, qui est clauis David, & sceptrū domus Israhēl, qui apperit, & nemo claudit: claudit & nemo aperit, sitq; tibi auctor qui eduxit vinclū de domo carceris, sedentē in tenebris, & vmbra mortis, vt in omnibus sequi eum merearis, de quo David propheta cecinit: Sedes tua Deus in sēculum sēculi, virga æquitatis, virga regni tui, & imitando ipsum diligas iustitiam, & odio habeas iniquitatem, qui propterea vnxit te Deus: Deus tuus ad exemplum illius, quē ante sēcula vnixerat, oleo exultationis, prę participibus suis, Iesum Christum Dominum nostrum, qui cum eo viuīt, & regnat Deus in sacula saculorum.

*Inter offertorium, rex panem & vinum in altare offert pacemq; (vt dicitur) exosculat. & sacrosanctum corpus diuinum accipit. Post hoc gladius ei discinditur. Absolutio sacro in thronū medio templo ordinatū deducitur, ubi ab archiepiscopo intronifatur & gubernaculis regni praeficitur, dicente:*



Sede & retine amodo locum tibi à Deo delegatum, per auctoritatē omnipotentis Dei, & per præsentem traditionem nostram omnium, scilicet episcoporum, cæterorumq; Dei seruorum, & quanto clerum sacris altaribus propinquiorem aspicias, tanto ei potentiores in locis congruis honorem, impendere memineris, quatenus Mediator Dei & hominum, te mediatorem cleri & plebis, in hoc regni folio confirmet, & in regno æterno, secum regnare faciat, Iesus Christus Dominus noster, Rex regum & Dominus dominantium, qui cum Patre & Spiritu sancto, viuit & regnat Deus, per omnia sæcula sæculorum.

*Tandem archiepiscopus exorditur, Te Deum laudamus, quo absoluto, stans à dextris regis dicit: Firmitur manus tua, & exaltetur dextera tua. R. Iusticia & iudicium præparatio sedis tua. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.*

## O R E M V S.

**D**EVS qui victrices Moyfi manus, in oratione firmasti, qui quamuis ætate læguesceret infatigabili, sanctitate pugnabat, vt dū Amalech iniquus vincitur, dum prophanus nationum populus subiugatur, exterminatis alienigenis, hæreditati tuæ possessio copiosa seruiret, opus manuum tuarum à nostræ orationis exauditione confirma: habemus & nos apud te sancte Pater Dominum Saluatorem, qui pro nobis manus suas extēdit in cruce, per quem etiam precamur altissime, vt tua potentia suffragante,

gante, vniuersorum hostium, frangatur impietas,  
populusq; tuus cessanti formidine, te solum timere  
condiscat, per eundem Christum Dominum no-  
strum. R. Amen.

## O R E M V S.

**D**EVS inenarrabilis auctor mundi, conditor  
generis humani, confirmator regni, qui ex luma-  
bis fidelis amici tui, patriarchæ nostri, Abrahæ præ-  
elegisti regem sæculis profuturum, tu præsentem  
insignem regem hunc, cum exercitu suo, per inter-  
cessionem omnium sanctorum vberi benedictio-  
ne locupletā, & in solium regni firma, stabilitate cō-  
necte, visita eum per interuētum omnium sancto-  
rum, sicut visitasti Moysen in rubo, Iosue in castris,  
Gedeonem in agro, Samuelem crinitum in templo,  
& illa cum promissione, & sydereā benedictione, ac  
sapientiæ tuæ rore perfundere digneris, quam Da-  
uid in Psalterio, Salomon filius eius te remuneran-  
te percepit de calo. Sis ei contra acies inimicorum,  
lorica in aduersis, galea in prosperis, sapientiā in pro-  
tectione, clypeus sempiternus, & præsta vt gentes  
illi teneant fidem. Procures atq; optimates sui ha-  
beant pacem, diligant charitatem, abstineant à cu-  
piditate, loquantur iustitiam, custodiant veritatem,  
& ita populus iste pullulet, coalitus benedictione  
Trinitatis, vt semper maneant tripudiantes, armis  
gaudentes & in pace victores, per Christum Domi-  
num nostrum, Amen.

*Tunc rex accepto in manus sacro gladio, ali-  
quos tum nobiles, tum consiliares viros, habita ca-*


rimoniam dignitate, ad equestris ordinis dignita-  
 tem præinfectos prouexit. His peractis rex in pala-  
 tium deducitur cibum capeffurus, ubi instructis  
 mensis, accumbebat summum thronum ipse ac de-  
 inde per ordinem ceteri principes suas mensas ac-  
 cumbunt, tunc primores barones & senatores lo-  
 ca sua occupant. Marschalcis ceterisq; officiarijs  
 munia regalia obeuntibus, Dapiferis Architri-  
 clinijsq; præeuntibus cum suis scipionibus, argen-  
 teis canistris panem, & auratis patinis varia tu-  
 ceta, leucophaga, frictellas, tortas, & quicquid  
 præclarum ars appetitia exquisitissimas sumptuo-  
 sissimasq; per ordinem epulas copiosè apponunt,  
 assa, elixa, iusculenta, fruxa, pastillia, promulseda-  
 ria, pultaria, crustulenta, aliag; lautissimorum edu-  
 liorum genera sapidissimis succorum, multiui-  
 gis condimentis suffusa, quæ L. Luculli Romani  
 mensas superabant. Tandem die Lunæ sequenti  
 iisdem quibus antea insignia præferentibus, in fo-  
 rum summa cum celeritate deducta, à ciuibus in  
 edito folio ad id pulcerrimè iuxta prætorium fa-  
 cto, iusiurandum & argenti ingentia per amplag;  
 munera acceperit. Ibi etiam assumens in manum  
 aureum pomum, tum euaginatam gladium ali-  
 quot strenuos & benemeritos viros equestri ordi-  
 ni ascinit, ac aurata militia condonauit. His pera-  
 ctis ad Andream Zborouij nuptias pedes, omnibus  
 plateis



plateis & tectorum summitatibus, multitudine  
oppletis, iuit. Peracto prandio hastiludia rege in-  
spiciente exercebantur extra muros, ibidem &  
postera die sacra regia maiestas liberalissimè tra-  
ctabatur. Samuel autem Zborowski qui ad coro-  
nationē neglexerat venire, centū viginti equites  
sumptuosissimo ornatu Hungarico ei ostenderat.  
Plurimi postea dies in audiendis gratulantium  
principum externorū legationibus & in quibusdā  
causis decidendis transacti sunt. Atque hanc ve-  
ram coronationis augustissimi Poloniae principis  
descriptionem, Lector candide, boni consule. Va-  
le, & nos redama.

T ŷ





COMPENDIVM CHRO-  
NICORVM LITVANIÆ, SE-  
CVNDVM SERIEM ET SVCCES-  
SIONES DVCVN GENTIS A PRIMO HO-  
*rum conditore ad nouissimum or-  
dine seruato.*

*Lituaniam  
populi.*



PTOLEMÆVS ille vniuersi orbis  
geographus curiosissimus, his in re-  
gionibus quæ hodie à Lituanis co-  
luntur, & quæ eorum ditioni ut po-  
te Russia, Podolia, Volhinia, Podlas-  
sia, Samogitiaq; subsunt, hos populos colonias suas,  
(quorum hodie ne vestigium quidem apparet) anti-  
quitus habuere recenser, Galindos, Bōdinos, Geni-  
nos, Sudinos, Cariones, Amaxobios, Stabanos, Stur-  
nos, Nascios, Asubios, Wibiones, Ombrones, inter  
Lublinam & Brestiam, Sargatiosque. Quos omnes  
ex Cimbris, Gothisq;, & Sarmatis ortum sumpsisse  
idem Ptolemæus asserit. Sarmatorum autem dedu-  
ctio cum latius à nobis descripta pateat, Cimbri-  
um nomen, & successiones mihi explanandæ vi-  
dentur. Cimbros itaq; à Gomero nepote Nohæ ex  
*Cimbri Gn-  
deprognari.* maximo natu filio Iaphero ortos esse, nomenq; ab  
eo per tot sæcula paululum immutatū trahere con-  
sentiens

sentiens omnium historicorum opinio est. Hæc  
 posteritas Iapheti, cum maiorem orbis terrarum  
 partem, in Europa, Asiaq; minori occupauerit, quod  
 ipsi cum etymon nominis dilationem significantis,  
 tum fausta Nohe parentis imprecatio portende-  
 bant, pars eorum à Gomero orti, ad Bosphorum Ci-  
 merum Mæotidis paludibus proximum, (qui de illis  
 Cimærius est appellatus) ultra fontes Tanais flu-  
 uij, vbi in Ducatu Rhesanensi Moschouæ principi  
 subiecto oritur, sedes suas habuerunt. Postea suc-  
 cessu temporis, quod haud difficile illis fuit, per  
 regiones propinquas, Russiam, Lituaniam, Liouoni-  
 am, & Borussia, nunc Prussiam appellatam, & Cim-  
 bricam chersonesum vbi Sueci, Dani, Holandi pro-  
 gressi, toto eo littore se passim diffundentes latè do-  
 minati sunt, & castraro paululum nomine, litteraq;  
 interiecta Cimbri nuncupati. Quando verò & qua  
 occasione hæc migratio contigerit, quoniam nulla  
 gentis ab eo tempore monumenta extant, ex quib.  
 id constare possit, ignotum est. Cæterum fuerunt  
 semper Cimbri gens bellicosa, strenua, manu prom-  
 pta, id enim res ab ipsis fortissimè audacissimeq; ge-  
 sta testantur. Hijs namq; colonijs septentrionalibus  
 relictis in numero trecentorum millium, per Ger-  
 manorum regiones in Heluetiam, Galliamq; in pri-  
 mis penetrarunt. Deinde Hispanias populabundi va-  
 stauerunt. Inde annū circiter centesimū decimum,  
 ante natum Christum in Italiam excurrerūt, quam  
 vastabundi passim deprædant, Romanorumque  
 consulem Papyrium Carbonem, cū vniuerso exer-  
 citu fuderunt. Postea ab eisdem M. Iunius Siluanus,  
 & ipse Consul contracta infelicitè pugna, supera-

*Tanais flui-  
nium.*

*Cimbrorum  
patria.*

*Cimbri Gal-  
liam & Hi-  
spaniam in-  
gressi.*

*Cimbrorum  
in Italia bel-  
la.*



*Infelix cum  
Cimbris Ro-  
manorum  
conflictus.  
eorū strages.*

tur. Aurelius deinde Scaurus Consul legatus amissis copijs Romanis, in manus eorum viuis perueniens, à Bolo rege Cimbrorum occiditur. Id Tacito affirmante actum est, anno sexcentesimo quadragésimo post urbem conditam. Tandem Romani maioribus copijs collectis in aditu Alpium contra Cimbro exercitum opponunt, fusi tamen & ad interitionem prostrati, vbi C. Manlius in pugna interfectus, occubuit. Octuaginta verò millia Romanorum militum cesa. Q. Seruilius Cæpio imperator exercitus, ex conflictu funesto vix cum denis elapsus, Romam tantæ cladis nuncius perueniens, bonis omnibus publicatis, ex decreto senatus, quod temeritate sua exercitum perdiderit, iugulatur. Aiunt Romanos vno in prælio maiori clade & detrimento vnquam affectos esse, quam obrem suspensis metu animis, de exitu imperij sui magnopere solliciti, præsentique rerum suarum periculo vehementer conturbati, cum hostes exitium, vbi minitâtes propediem aduentare nūciarentur. Caium Marium ex Lybia vbi Iugurtham deuicerat, ducem bellicosissimum, & fortunatum vocauerunt, duobusque annis ab illa clade Romanorum elapsis, Marius, Cimbrorum & Teutonum, ad aquas Sextias crueto prælio ducenta millia fudit, tantaq; fertur caforū multitudo, vt Massilienses congestis defunctorum ossibus, vineas eisdem obseperint, sanguineque humano agri quasi stercore multo pinguescentes vberiri, feracissimique redditi sint. Itaque Cimbri attenuati & numero virib. sed animo minimè fracti, in vnum conglobati, Q. Catuli proconsulis exercitum in fugam verterunt, ad fluviumq; Athesin castrame-

strametati sunt. Quò Marius summa celeritate aduolans, coniunctis copijs suis, cum exercitu Catuli, inito prælio 29. die Iulij centum quadraginta milia Cimbrorum occidit. Qua clade ad extrema redacta Italia egressi, patrias oras, utpote Daniam, Prussiam, Suetiam, Liunioniam, Lituaniamq; petierunt, ex quibus illi qui Lituaniam occupauerant Gepidæ nūcupati fuere. Hæc verò in regione vbi Samogitia, Æneas Syluius Massagetæ, gentem Plinio celebrem confedisse testatur. Lituorum verò gentem, qui antiquitus Gepidi vocabantur ex Gothis oriundam. Erasmus Stella pulcris rationibus affirmat cum duce Litalano, siue Litwone, Vedenuti Prussie regis filio, anno Domini 573. in has regiones vicinas patris imperio quas olim Alani incolebant, venisse. Lituaniæque nomen à sui denominatione eiusdem indidisse. Samogitiam verò à fratre eiusdem Lituanis Saimone principe appellatam, idem Erasmus Stella in Prussia historia testatur, quæ tunc temporis longè in Prussiam, & Liunioniam vsque extendebatur. Similiter Lotialos, siue Lotwonos, qui nunc Liouones post Germanorum ingressum Latinis dicuntur, ab eodem Litwone cum Litwania pariter nomen traxisse. Hæ autem gentes, utpote Pruteni, Polowci, Samogitæ, Gepidæ, Lituani, Liouones, Curlandi, JatWingi siue Iazyges & IaczWingi appellati, ut vnum idioma, ita eosdem mores, consuetudines, legesq; & bellorū expeditiones in Christianos concordi Matre, semper habebant, nisi singulæ singulis principibus finibusq; certis dirimebātur. IaczWingi autem fuerunt populi crudelissimi, in finibus Lituaniæ iuxta Massouiam, vbi hodie Podlattia colonias

*Marius Cim  
bros fudit.*

*Cimbri in  
Italia.*

*Lituani à  
Cimbriis or-  
ti.*

*Lituania,  
Samogitia  
& Liunia  
denominan-  
tur.*

*IaczWingi,  
siue Iazyges  
gens crude-  
lis.*

suas habebant, qui in bello non referebant pedem, quin vincerent, aut vincerentur: ideo bellis assiduis interierunt; reliqui eorū in Lituanos Russos, & Masovitas ob vicinitatem abierunt. Opinantur alij Lituanos, à *Lituo* quod cornu venatorium significat, dictos esse, quorum opinio, ut anilis & stulta iure ab omnibus irridetur. Matthias autem Miechouienfis, & Dlugosus Polonicæ historiæ indagatores, ac annales Ruthenorum restantur, Italos duce Palamonem, vel ob tyrannidem Neronis, vel pro meritum exilium, aut ab Attila Hunnorum reges crudelissimas patriæ vastationes fugientes, has regiones, longa nauigatione superata, ex sinu maris Baltici, quod Prussiam, Samogitiam, Liuoniāq; alluit, per Nēnam fluuium *Crozonem* Ptolemæo dictū, classe ingressos fuisse, quod & ipsa gens Lituanica strennè asserit. Quamplures enim dictiones Latine, & Italicæ idiomati eorum intermixtæ habentur. Aiuntq; hūc Palamonem (quem ipsum nomen Latinum, Italumq; esse prodit) cum certa comitiua ex nobilibus propinquitate iunctis collecta, quorum præcipuos, Virminos, Columnas, Iulianos, Casarianos, Gastaldos recensent, Lituanie nobilibus familijs & stemmatis principia dedisse; vulgum verò Lituanorum utpote colonos, & agrestes ex Gothis natos asserunt; in hancq; sententiam plurimi Polonicæ & Germanicæ, ac Russorum historiæ scriptores astipulantur, quorum iudicio & auctoritati, nos quoq; acquiescentes cum eisdem sentire volumus.

*Lituania à Lituo.*

*Ital. Lituanica gentis propagatores.*

*Vulgus Lituanorum ex Gothis nobiles ex Italiorum.*

*Palamon Italus primus dux Lituanorum.*

Hic itaque Palamon ob innatam industriam, à gente barbara princeps salutatus, eam coram nomine patriæ suæ Italiæ (præposito articulo Italici in fæmini-



minini generis nominibus efferendis consuetudo) *La*  
*Italia* appellasse creditur, quæ postea longo tempo-  
 ris successu Italicis moribus, idiomateque in barba-  
 riem populi cōmutatis, Lituania dicta est. Quidam  
 etiam eisdē Italos à littore maris Baltici, quod Prus-  
 siam, Liunioniam, ac Lituaniā, Samogitiā extrema al-  
 luit, eò quòd ibi prius confederint, Lituaniam co-  
 gnominasse putant. Succedente postea Palæmoni  
 quodam ex eadem gente principe, Itali recens Lati-  
 norū nomen non modo deposuerunt, sed ignatam  
 quoque & peregrinam eorum incolarum lingua-  
 rum, apud quos principatum arripuerant addiscen-  
 tes, in suam cooptarunt, viuendiq; normam & mo-  
 dum cum eiusdem barbaribus susceperunt. Cete-  
 rum hæc gens Litwana longo tempore à sui imperij  
 primordijs obscura fuit, Ruthenorumq; iugo sub-  
 iecta, vt princeps Kiouiensis Russiæ quondam mo-  
 narcha, ab eis periomata, suberaq; obegestatem &  
 soli sterilitatem, in signum tantummodo subiectio-  
 nis exigeret: donec Mendolphus siue Mendog, &  
 Witenen, Gediminusq; duces illustres heroica ma-  
 gnanimitate illa innata, dudumq; segnitia rei mili-  
 taris oppressa excitata, rebellionem contra Ruthe-  
 nos, ab antecessoribus suis inceptam continuantes,  
 vnus post alium in Lituaniæ imperio succedentes,  
 Russiæ principibus partim strenuo Marte, partim a-  
 ctu frequentius aggressis, & quasi debellatis, sensim  
 adeò viribus creuerunt, vt iugo Ruthenis omnibus  
 iniecto, etiam ad tributa sibi pendenda eos compel-  
 lerent, quæ pluribus ab annis Ruthenis ipsi pende-  
 bant, ac pro periomatibus & subere aurum, argen-  
 tumq; exigunt. Nunc Litanorū successus & seriem

*Lituania ab*  
*Italia cogn*  
*minata.*  
*Lituania à*  
*Littore.*

*Lituanum o-*  
*lim obscurum,*  
*Russis tribu-*  
*tum.*

*Lituanum in-*  
*gum Ruthen-*  
*orum excu-*  
*piunt.*

à primis principatus, incremētis, secundum Ruthenorum opiniones aggrediar, à tribus fratribus Palæmonis nepotibus, initio sumpto.

**ORDO, GENEALOGIAQVE**  
*Ducum Lituania.*

*Palæmonis  
nepotes.*

**P**ALÆMONI ex Romanis patritijs genus suum ducenti, fatisq; in Lituania multis periculis exaltatis commigranti, tres nepotes (quos Rutheni filios eiusdem contra veritatem historię legitimos scribunt) in imperio Lituánico successerunt, Borcus, Cunossus, & Spera nominati.

*Borcus.  
Kunos.  
Spera.*

Borcusq; arce ad Iuriam fluvium vbi in Crononē siue Nemnam exoneratur, in Samogitia erecta, à sui nominis & fluvij cōposita denominatione, eam *Jurborg* quæ hucusq; durat, appellavit, imperiumq; in Samogitas exercuit.

*Kunossow  
arx.*

Cunos, verò ulterius procedens eadē in regione castrum Kunossow fundavit à suo nomine appellatum, ad quod regio subiacens pertineret.

*Kiernus.  
Gybus.  
Kiernou  
arx, & sedes  
magni  
Ducatus  
Lituania.*

Spera quoque Vilkomir arce ad fluentia Swentæ ædificata, ibidem dominari cœpit. Tandem Borco & Spera fatis concedentibus, Cunos in utriusque partes successit, duosque filios Kiernum & Gybutum procreavit. Mortuo Kunosso, Kiernus filius in Lituania principatu ex utraque ripa Wilia fluvij arrepto, Kiernow arcem Ducatus sedem erexit. Hunc Lituaniā à littore & tuba siue lituo cornu venatorio, appellasse Rutheni & ipsa gens Lituanica nulla certa, probabiliq; ratione fulti autumant. Gybutus etiam Kiernowij Germanus Samogitiæ habenis præfuit, manuq; coniuncta cum Kierno

*Lituania à  
Litus tuba.*

Ruf-

Russiam apud Braslaw & Poloczko longè lateque vastauerunt. Cumque exuuijs onusti reuerterentur, Samogitiam à Liouonibus vicinis spoliata inuenerunt, quam viciscētes Liouoniam vicissim igne, & armis, vastatam diripuerunt.

Kierno è viuis decedente Ziuibundus filius in Lithuania succedit, Gybuto verò in Samogitia Munt Wil, hi quoque fraterna synceritate sese prosequentes, pacificè gentium suarum habenis præfuerunt. Russiæ principibus tributa persoluentes, periomata videlicet ad balnea & conturnos de subere more gentis contextos. Munt Wilo deinde Parcīs vocantibus, non diu regnanti, Vikint filius in Samogitiæ principatum, euectus est.

*Ziuibundus  
dux Lituanie.*

*Munt Wil  
Samogitiæ  
dux.*

*Vikint.*

Interea verò cum Batti Tartarorum imperator, Russiam magna ex parte deuastasset, potentiamque ducum eius diminuisset, & debilitasset, Ziuibundus Lituaniæ dux nacta occasione ad iugum Ruthenorum excutiendum, & libertatem vindicandam, fratris Wikinti Erdzi Wilum filium in Russiam instandam armata manu destinauit. Itaque Erdzi Wil tranato Vilia fluuio, NoWogrodek arcem & ciuitatem Ruthenorum occupauit, ibidemque sedē Ducatus sui posuit. Vltcriusque castra mouendo ad Nemnam flumini, scopulo, natura loci munitissimo reperto, castrum quod *Grodno* appellatur ibidem erexit. Tandem in Podlasiā cum exercitu penetrans Brzeſtiam, Mielnicum, Drohicinum per Batti Tartarorū desolatas arces Ruthenorū occupauit, munisuitque; & omnē eam oram suam in ditionē paruo negotio redegit. In Lithuania verò bene meritis exercitus ductoribus prouincias, unicuique pro sua di-

*Batti Rus-  
siam vastauit.*

*Grodno a-  
dificata.  
Podlasiā  
ab Erdzi Wil  
occupata.*



*Eixio.**Gransis.**Campa.**Lituaniam**procceres.**Erdziulm**Tartaros**seruit.*

gnitate, distribuit, Eixio ex quo Douoinorum familia creuit, regionem hanc vbi ab eo nunc Eixiski oppidum nuncupatur. Granfo vbi Granfiskij; Campæ verò ex quo Gastaldorum nomen in Lituaniam Osmianam dedit.

Erdziulm igitur viribus in Russia & Lituaniam auctis, Tartarorum ZaWolhensium regem Kurdasum nomine cum suis copijs Ruthenorum regiones ex consuetudine depredantem apud Mozeram oppidum, in fluuio OkunioWka dicto prostravit, fugauitq; Multis gestis heroicis exactis, fatis concessit. Mingailum verò & Algimuntum filios imperij successores reliquit. Algimuntus Samogitię prefuit: Mingailo verò Polocensibus Ruthenis liberè absq; iugo cuiusquam viuentibus bellum intulit, quibus apud Grodzecz arcem eorùdem quam exussit debellatis, Poloczka cepit, imperiumq; in Polocenses, ac Nouogrodeneses latissimè exercuit, Ginuilo, & Skirmunto filijs, patriæ dominis relictis, è viuis decessit.

*Skirmunt.*

Skirmunt itaq; persolutis patri funebribus exequijs, Nouogrodecensium & Lituanorum habenas moderauit. Ginuil verò Poloczka iure naturali deuolutà administrauit, qui ducta in matrimonium Maria Twerensium ducis filia baptizatus est, atque Georgius cognominatus, cum Pskouiensibus, & Smolenscoijs acerrimum bellum pro patria gessit, Borisso filio in Polocensi Ducatu relicto, spiritum exhalauit.

*Boris.*

Boris ex more patri iustis persolutis, Poloczka summa cum dexteritate moderauit, Basilicam sub titulo sanctæ Sophiæ in arce de lateribus coctis pul-

cerri-

cerримè sumptuoseq; erexit. Item aliam Saluatoris Iesu Christi, qui *Spes Ruthenis* dicitur, & monasterium virginum medium milliaria Poloczka, (vbi modernus dux Moschouia in oppugnatione Polosca, domicilium suum habuit) Borissiq; & Hlebi duorum Ruthenici ritus ecclesias instaurauit ac dotauit. Borisso Wo arcem & oppidum ad Beresinam fluuium, à sui nomine appellatam fundauit, ad quã usque magnus Dux Moschouia fines suos pertinere contendit. Borisso decedenti Basilius Rech Wold filius in Polocensi principatu successit, qui ætatis plenius ad superos migravit, relicta filia Poroskauia & Hlebo filio. Hlebus paucis annis in Poloczka exactis, fatis concessit. Poroskauia verò soror sua calibem virginalemq; vitam ducens, in monasterio Ruthenici ritus vixit, postea deuotionis causa cum quibusdam monachis Græcis, Romam petijt, ibidemq; mortua, ob vitæ sanctimoniam canonisata & catalogo sanctorum scripta Paraxidisq; Latinis secundum Ruthenorum opinionem appellata. Nunc à Polocensibus Ducibus, ad Lituaniæ principes redeo.

Skiermunt filius Mingaili & frater Ginuili, Lituaniæ habenas viriliter moderans, Mscislaum ducem Lucensium cum copijs Russorum sibi occurrentem prostrauit, arcesq; Pinskam, & Turo Wiam eisdem eripuit. Postea Balaklaium Tartarorum Zawolhensium regem apud Keidano W Russiam vastantem cum vniuerso exercitu fudit, fugauitq;.

Tandem Russiæ principibus bellum intulit, eò quòd illum Lituania pellere niterentur. Mortisque successu copijs Russorū debellatis, Mozeram, Cer-

*Borissow  
fundata.  
Basilius  
Rech Wold.*

*Poroskauia  
Poloczka  
Ducissa.*

*Skiermunt  
Ruthenos  
prostrauit.*

nihouiam, Karasouiam arces cum suis prouincijs expugnauit, imperioq; suo subiugauit, ac tribus filijs, Stroinato, Lauborto, & Pissimonto in hereditatem concessit.

*Giedrus.* Kukouojtus patruus Skiermonti in Lituania & Samogitia principatu multis annis exactis, naturæ debitum soluit. Giedrusso verò genero, qui filiam suam Poiatam matrimonio copulauerat, principatum commisit, qui Lituania & Samogitia habenis summa cum dexteritate administrans moritur, Ringolto filio relicto.

*Ringolt princeps Russia sternit.* Ringolt patri funebribus exequijs more gentili persolutis, Lituania & Samogitia præficitur. In hunc principes Russia inuidia ducti, ob tributa non persoluta exacerbati conspirauerunt, quatenus Ducatu paterno exueretur. Itaque exercitibus conscriptis, in Lituaniam valida manu cum Tartarorum auxiliarijs copijs excurrunt, quibus Ringolt viribus Lituanicis & Samogitiæ accinctus occurrit, acriq; commisso prælio ad Nemnam fluuium iuxta Mohilnam, Tartarorum sex millia Ruthenorumq; ingentes copias prostrauit. In quo conflictu ex ducebus Russia, Demetrius Drucensis, Swetoslaus Kiouienfis, Leoq; Wolodimerensis occubuerunt. Ringoltus hac victoria & alijs multis clarus, rebus humanis excessit, cui Mindog filius in principatu successit, anno Domini 1340.

**M**Endog siue Mindog dux Lituania, Samogitiæq; cōmunibus suorū acclamationibus creatus, cum Prussienfis Crucigeris & Liunionis multa præclara bella gessit, Smolenskam & Wolhinia duces imperio suo post varios conflictus subiecit.



subiecit. Boleslaum Pudicum regem Poloniae 1243. anno à Christo nato, Daniele mōq; Russiē monarchā & regē coronatum 1246. sapius excursorijs pugnis, cruenta cum clade Christianorū molestavit. Massouiam, Dobriniam, Kuiauiā, igne ferroq; multis spolijs onustus frequēter peragravit. Postea anno Domini 1252. à Cruciferis Prussiae, Liuaniaq; inductus, fidem Christianā cum nōnullis Lituanis & Prutenis suscepit, deditq; literas Cruciferis Prussie (Magistro Henrico de Zalcza in ordine tunc temporis quarto præsidente) quibus astruit, & recognoscit, se ab illis multipliciter honoratū & adiutū, & ideo terras suæ ditionis, videlicet Samogitarum, Iacz Wingorum, Curo Wiensium, Weizeshum, & totā terrā Lituaniā perpetua & irreuocabili donatione ipsis donasse & inscripsisse. Consilioq; fratrum Cruciferorum Prussie nuncios suos, nūcijs Magistri & Cruciferorū adiunctos, ad Innocentium papam quartū misit, profitēs se puritatem Christianam suscepisse, & coronā super Lituanos regnandi petens. In cuius fauorem Innocētius papa fratrem Heindericum olim prouincialem Poloniae, & episcopū Armacanum, cum alijs episcopis de Riga Liuania misit, qui Mendognem in regem Lituaniæ inunxerunt, sub eodē tamen anno, cum omnibus baptisatis ad pristinos idololatriæ feces, prioribus peiores redijt, siue dolore & pœnitentia amissarum terrarum, quas Cruciferis inscripserat, siue alia causā commotus. Postea anno Domini 1260. Mendog, siue Mendolphus princeps Lituaniæ ordinatione Crucigerorū regē se gerens ex Lituanis, Prutenis, Iacz Wingis, Samogitijsq; triginta millium exercitū coadunato, Massonię oram cru-

*Mendog coronatur. baptisatur. Mendog Christianā fidē spernit.*

*Massonia castrata.*

*Prussia à  
Mendog va-  
statur.*

delissimè depopulatus est, castrum Poloczko cum ciuitate exussit, deinde Prussiam inuadens, Cruciferis tantummodo castra tuentibus, ciuitates quas Cruciferi extruxerant flamma, & excisione deleuit, omnesq; Christianos illic repertos trucidauit, optimisq; spolijs onustus in Lituaniam redijt. Item eodem anno Magistro & Cruciferis Prussiae, erigentibus castrum Carso Win, in monte sancti Georgij, à Lituanis, & Prutenis barbaris prostrati sunt, vbi Henricus de Horshusen Magister Liuoniae, & Henricus Marschalcus Prussiae cum multis alijs occubuerunt. Lituarii autem castrum Carso Win & Heizburg, maceratis fame defensoribus conquisiuerunt. Ad castrum deinde Königsberg obsidione promota à Crucigeris repulsi sunt.

*Massonia  
clades, & bi  
Semouitum  
obtruncatur.*

Tandem Mendog valido collecto exercitu cum Swarnone Prussiae principe, anno 1262. in Massouiam irrupit, vbi in vigilia sancti Ioannis Baptiste Semouitum ducem Massouiae incautum in curia lasdo W cum filio Conrado, & alijs militibus, occupauerunt. Swarno dux Russiae Semouitum ipsum crudeliter decollauit. Conradum verò filium ipsius, Mendog, & Lituarii cōseruauerunt, & eodem anno ab eis redemptus est. Lituarii itaque & Rutheni, vniuersa Massouiae ora & Cuiaviae parte peruastata, cum immentia praeda hominum & pecorum, succensis opidis & villis in suas terras redierunt. Sequenti deinde anno Lituarii & Rutheni non contenti prima deuastatione in Massouiam iterum remearunt, & in ea propter desolationem nihil reperientes, Castellaniam Louiciensē ad archiepiscopum Gnetinensem pertinētem, igne & multiplicibus pradis consum-

*Varicz  
exusta.*

sumpserunt: nemineq; defensionem opponente, in terras suas superbiendo discellerunt.

Tandem Deus misericors Polonis, Massouitisq; Christianis propiciaturus, dissensiones ciuiles, inter Ruthenos & Lituanos imminuit. Nam Mēdolpium, alias Mendog regem Lituānorum, nepos eius Stroinat cum Do Wmanto genero eiusdem, principatum Lituanicum ambiens quiescentē obtineat, & duos filios eius, Ruklam, & Rzepicallam, sicq; principatum arripuit, anno 1263. in quo & fratrem To Wciuilum Polocensium ducem ambitione commotus trucidauit. Woifalk autem monachus tonsus Ruthenicum ritum primò professus, filius Mendolphi, patri occiso parentando Stroinatū exprobrando illi nephariam cadem, anno Domini 1264. occidit. Itaq; Woifalk monachus ducem Lituānorum se gere cœpit, Poloniamq;, & Massouiam, ac Cruciferos crebris irruptionibus infestauit.

Anno autem Domini 1267. prædictus Woifalk propter simultates & odia pro terris Ruslię, quas libi appropriare nitebatur, in Wrowsko monasterio Ruthenorum sancti Michaelis circumuēsus à Leone duce Ruslię, qui & Leopolim fundauit, filio Danielis olim regis Ruslię, occisus est.

Sublatis per huiusmodi seditiones ducibus Lituanię, Vtenus siue Vcienus ex principum Lituanię prosapia familia Kitaurorum communi omnium acclamatione in magnum Lituanię Samogitięque ducem substituitur, qui pluribus bellis cum Ruthenis, Cruciferisq; Pruslię exantlatis SWintoroho filio relicto è uinis decessit.

SWintorohus paucis annis in imperio exactis, SWintorohus.



*Giermoſius.**Trabus.*

Reipublicæ tamen negotijs optimè communiſis, conſtitutisq̃ue, ex hac luce commigrauit, cui Germontus filius ſuccedens, & ipſe non multo tempore imperans, relictis Trabuso & Aligino filijs, in fata cōceſſit. Trahus magni Ducatus Lituaniæ, Samogitiæ, & quibuſdam regionibus Ruſſiæ iure hæreditario ad ſe deuolutis imperans, bello & pace clarus oppidum à ſuo nomine cum caſtro hucuſq; Trahy appellatum condidit, & quinq; filios legitimos Narimundum, Dowmantum, Hoſſanum, Giedrutum, Troidenum, procreauit, pluribuſq̃ue egregijs geſtis exactis, fatiſ interceptus eſt.

*Sedes de Nouogrodek in Kiernouam tranſlata.*

*Duces Giedrotenſes.*

Perſolutis gentilitè patri funebribus exequijs, eiſdem in magno Ducatu Narimuntus natu maior filius ſucceſſit, ſedemq; ſuam de Nouogrodek Kiernouam tranſtulit. Dowmant verò Vcianam caſtrum cum ſuo diſtrictu tenuit. Giedrotus ſiue Giedrus, arceſ ad lacum quendam à ſuo nomine Giedrote appellatam, condidit, in qua ſedem ſui principatus habuit, ex eo ad hæc uſq; tempora innumèrabilis progenies extat propagata, ducum Giedrocenſium titulo gaudentes, ac pro ducibuſ ſeſe gerentes, & à Vilna Lituaniæ metropoli, quatuor milliaribus incipiendo, in Lituaniam uſque ditiones eorum extenduntur per 26. milliaria Polonica, plurimiq; eorum pauperrimi vix colonorum conditione in adæquantes, cæteris dominis inſeruientes nihilominus tamen titulo ducum ſeſe priuari permittunt, atque aliter appellati ægrè ferunt: verè enim ex ducum Lituaniæ proſapia, genus ſuum ducunt, & armis Ducatus Lituaniæ antiquis, quas à Romanis importatas, ferunt Kijtauro videlicet ſecundum

dum illorum opinionem vtuntur. Sed ad rem redeo. Holsam quartus Trabusli filius vltra fluium Viliam versus Orientem procedendo, & Korablam amnem arcem sui Ducatus sedem, à sui denominatione Holsani appellatam condidit. Horum ducum Holsanensium Paulus episcopus Vilnensis moderni, verè reuerendissimi, domini Valeriani episcopi antecessor familiam terminauit. Ducatus verò ipse in ditionem regis cessit. Quintus Troidenus lat Wigorum, vbi nunc Podlattia, & Doino Wiorum principatum vltro sibi oblatum accepit, vbi Rayrodam arcem hucusque manentem condidit, ad Biebram fluium.

His quatuor fratribus, Narimuntus secundum prærogatiuam natiuitatis, in magno Ducatu præpositus, coniunctis eorum viribus Poloniam, Russiam, Massoniamq; & Prussiam infestabant, Crucigeros quoq; sæpius, tam Liunionenses, quàm Prussienles oppugnabant. Postea Narimuntus cū Dōwman to fratre bellum ciuile, quòd sibi vxorem rapuerat mouit: Vczianaq; quo se Dōwmanus receperat obfessa, vxorem recuperauit, & arcem conquisiuit. Dōwmanum verò Ducatu exiit, fugauitq;e, qui Pskouiam fugiens in principatum à Pskouiensibus promotus est, quorum armis Poloces Ruthenos Poloczka conquisita, suam in ditionem subiugauit.

Porro Ruthenorum annales Narimuntum magnū Ducem Lituanie primū autorem stēmat̃is siue insignij Lituanici, viri videlicet armati quo insidentis albo, gladium extensum super caput tenentis, in modum persequentis fugientes, vnde vulgariter *Pogonia* dicitur. Fatistandem obtemperatis, Nari-

*Insignia Lituanie.*

*Troidenus  
Lituaniam  
princeps.*

munto, Troidenus frater in magno Ducatu Lituaniam & Samogitiam successit, qui rebus omnibus imperij bene compositis, finibusq; ab incursu Ruthenorum & Crucigerorum undique tutatis, summo cum terrore finitimis gentibus principatum gubernauit, filius verò suus Rimuntus, quem ex Massouia ducis filia susceperat baptisatus, monasticam vitam ex præscripto Ruthenorum professus est.

*Prussiam  
Troidenus  
vastat.*

Postea anno Domini 1278. Troidenus coadunatis Lituanorum, & Prutenorum, barbarorum copijs, quæ 30. millia pugnatorum excedebant, eas trifariam diuisit, vnam partem in Massouiam, duas verò in terram Culmensensem contra Crucigeros destinauit, maximaq; parte Prussiae ditionis Crucigerorum peruasata, castris Burgelaw, Lubaw, Chelm, expugnatis, maximam captiuitatem hominum & iumentorum in Lituaniam abduxit. Eodem anno terra Cuiuiensis circa oppidum Kowale, & Lanciensis ciuitas à Lituanis, subita incursione spoliata est. Postea Dowmantus Pskouienis, & Polocensis princeps, Troidenum natu minorem fratrem, magno Ducatu Lituanico dominari agrè ferens, tres rusticos subordinauit, pretio corruptos, qui eundem de balneo euntem incautum obtruncarunt. Dowmantus itaq; copijs cōscriptis validissimo cum exercitu, ad Lituaniam occupandam progressus, à Rimunto filio Troideni, ex monacho principe facto, viribus Lituanicis profligatur, trucidaturq;, qui eius sanguine parenti, victoriosè parentauit. Facta in Kiernowa conuentione omne ius hereditarium in magno Ducatu abdicauit, seculariq; principatu spretto, vitam monasticam cōtinuare delegit. Vithenen

*Troidenus  
trucidatur.*

verò



verò Samogitam de familia Kitaurorum ex Romanis principibus oriundum, virum strenuum & magnanimum, in magnum Ducem Lituaniæ constituit: quamvis enim superessent patruels sui duo, Giedrocensis, & Hollanensis duces, ad quos magnus Ducatus iure hæreditario pertineret, sed quòd erant puerili ætate ad imperium minus habili, ideo principatum ad eos deferri dissuasit, dicēs: patrum suum Narimuntum felicitis memoriæ, arma siue insigne magni Ducatus sibi fabricasse, virū armatum cum gladio equo infidētem, ideo oportere, vt princeps, armis bellicosis, strenuè corresponderet.

## VITHENES PRINCEPS

*Lituania.*

**A**Nno quo verbum Diuinum salutiferum, humanam in carne, mundo cælitus apparuit 1279. Vithenes communi omnium suffragio, princeps salutatus in Lituania, & magne parti Russiæ, latè imperauit, frequenterq; bella cum Polonis finitimis, Russiæq; ducibus gessit.

Annoq; Domini 1282. cū Lituaniis & Iacz Wingis 24. die Septembris in terram Lublinensem deuenit, & 15. diebus eam vastando, magnam prædam in Lituaniam referebat, Lesko autem niger rex Poloniæ, Lublini ex visione angelica cōsolatus, ad persequendosq; barbaros animatus est, quos cum parua manu Polonorum militum inter Narew, & Nemen cōsequutos, securè agentes, faciliè prostrauit, ad decemq; millia barbarorum trucidauit, & spolia abegit, ac in signum victoriæ Lublini ecclesiam parro-

*Lituanipre-  
stantur.*

chiale sub titulo sancti Michaelis Archangeli fundauit.

Anno Domini 1286. Pelusa vnus ex ducibus Lituaniae suas iniurias in Lituanos ulturus, ad Albertū de Millen, commendatorem in Konigsberg, secreto confugiens, viginti viros militares Teutonicos armatos sibi dari petijt, quorum principales erāt Martinus de Golin, & Conradus Twil Crucigeri, cum his ad locum vbi principes Lituaniae conuiuabant perueniens, nocte incautos oppressit, 70. principales Lituanos dormientes, plurimamque multitudinem vtriusque sexus trucidauit, sponsum & sponfam, cum matronis & virginibus, spolijs, clenodijs, vniionibusque onustus in Konigsberg deduxit.

*Lituani in  
nuptiis truci-  
dantur.*

*Dobrzensis  
terra vastatur.*

Anno Domini 1287. Lituari, Pruteni, & Samogitæ, furtiuo & silenti agmine, in terrā Dobrzenensem venientes, principalem ciuitatem Dobrzin, die Dominico, ciuibus sacris occupatis comprehendunt, & trucidatis senibus atque lactantibus ceteros, spoliatis villis & oppidis, in miseram seruitutem abduxerunt.

*Prussia vastatur.*

Anno Domini 1289. exercitus Lituanorum, in numero octo millium armatorum, in terram Sambiensem Prussiae, descendens, flammis, caedibus, & spolijs eam vastauit, & exuijs onustus in propria redijt, Cruciferi decernere cum hostibus non audentes, 50. duntaxat Lituanos interceperunt.

*Litmania  
vastatur.*

Anno Domini 1291. Lituaniam Cruciferi Prusenses, vastauerunt, multisque occisis septingentos captiuos abduxerunt. Postea & Mederabe castrum Lituanicum, commendator de Konigsberg cōquisiuit. Magister quoque Prussiae Memer, cum forti exercitu

cita Lituaniam aggressus, duos districtus, Pastonow, & Gerflow, in cinerem redegit, & cum multa præda captiuorum reuersus est. Paucis post diebus Witenes Lituanorum dux terram Cuiauiæ hostiliter ingressus, cædibus & spolijs, circa ciuitatem Brzescie patris, hominum & rerum prædam ingentem secum abduxit, & licet Vladislaus Loktek & Casimirus, Cuiauiæ, & Lanciciæ duces, cum militibus suis, Magister quoq; Prussiæ Meinhardus tempestiuè eos fuissent insequuti, re tamè nulla memorabili edita, omnes abiire retrorsum.

*Cuiauiæ  
vastatur.*

Anno Domini 1293. Conradus Stange cōmendator de Ragneta circa festum S. Iacobi castrū Mindege in Lituania expugnauit, & magnam multitudinem Lituanorum, pluribus cæsis in Prussiam abduxit. Witenes autem cum multitudine Lituanorum, & Ruthenorum, Prussiam 80. diebus vastauit,

*Lituania  
vastatur.*

*Prussia  
vastatur.*

Postea anno Domini 1294. cum mille octingentisequitibus, per syluas & nemora, silenti agmine Witenen, in terram Lanciciensem post festum Pentecostes ingressus, primū in ecclesiam collegiatam Lanciciensem impetum fecit, & frequentiam populi, quæ illuc confluxerat trucidauit, alios verò captiuauit; prælatos, canonicos, & sacerdotes in seruitutem accepit; vestes sacras, & vasa diripuit, & qui supra ecclesiam cōfugerant, domibus ecclesiam circumstantibus accensis, suffocauit. At rura, deinde & vicos discurrendo, magnam prædam abigebat, redeuntemq; Casimirus dux Lanciciensis, cum militibus suis prope Sohaczouu, ciuitatem, in villa Troianouu consequutum, impari Marte prælium cum eo commisit, vbi à multitudine Lituanorum con-

*Casimirus à  
Lituanis  
occisus.*



foffus strenuè dimicando, occubuit. Peraçto prælio cuiilibet Lituanò 10. Chriftiani Poloni in sortem cefferunt.

*Lituania  
vaftatur.*

Anno Domini 1294. Meinhardus Pruffiæ magifter, binos diftrictus Lituanorum Paffow & Gierfchow vaftauit. Eodem quoq; tempore cōmendator de Rugnera Lituanorum castrum Kijmel conquisiuit, & succendit.

*Pruffia vaftatur.*

Anno Domini 1296. Witenē, ingreffus terram Culmenfem, & diftrictum Colubienfem fpolijs, & cædibus eas afflixit, deinde in Liuoniam vaftatrices fuas copias duxit, eamq; igne & ferro protriuit.

Anno Domini 1298. Lituanì oppidum Strafburg in Culinenfi terra vaftauerunt, quos Cruciferi aflequentes, partem prædæ abegerunt.

Postea anno Domini 1299. lexcenti Lituanì Pruffiam igne & ferro protriuuerunt. Natangiamq; diftrictum deprædati 300. captiuauerunt Teutones, plurimos verò occiderunt.

*Vithenes à  
Gedimino  
obtruncatur.*

Hic Vithenes habuit magiftrum ftabuli, Gediminum nomine, virum ambitiofum & excelfi animi, qui imperium ambigens prædictum Vithenem dominum fuum nacta occasione temporis obtruncavit, ftatimq; magno Ducatu, & vxore domini occifi (quæ etiam in necem mariti confenferat) potitus eft, atque hunc exitum Vithenes habuit. Chronica verò Ruthenorum hunc Gediminum legitimum filium Vithenis teftantur, & legitimè eundem patri fuccelfiffe, fed cæteri hiftorici probabiliore ab eorum fententia difcrepant.

GEDI-

## GEDIMINVS MAGNVS DVX

*Lithania.*

**A**Nno à Christo nato 1300. Gediminus imperio industriosè inter suos arrepto, latè illud propagauit, nonnulla parte Russiæ partim vi & armis, partim pactis occupata. Dum autem Lituaniâ habenas strenuè Gediminus gubernaret, à Ruthenisque & Polonis fines suos felici Marte pacaret, Crucigeri, Prussienſes, & Liunionſes armata manu, & conscriptis ex Germania validis copijs, Samogitiâ hostiliter ingressi, quæq; obuia vastauerunt, Kunosſo arcem obsederunt, machinis eam quatientes, quam violenti irruptione ceperunt, & Gastaldum campiductorem Lituanię in ea capriauerunt, vniuersamque terram Samogitię occupauerunt. Sequenti anno Gediminus ad vlciscendas iniurias sibi illatas, in inuasa & violenter occupata Samogitiâ, Lituanorum copijs conscriptis, & Russię principum auxilijs, ac Tartarorum accinctus, contra Prussienſes, Crucigeros & Lituanienses expeditionem egit, & ordinatis vtrinque aciebus à mane vsq; ad meridiem durissimo Marte, ad Okmienam flunium pugnaverunt, donec Samogitarum exercitus, in ipso furore belli à Crucigeris ad Lituanos deficiens, Gedimini vires augerent, qui fortiter ordinē Teutonicorum dirupit, copiasq; eorum in fugam vertit, pleriq; ergo Almanorum, cum suis commendatoribus intercepti, alij in fuga capti, Gedimino præsentati sunt, quam victoriam prosperè, noctam persequens, in Prussiam contendit, duobusque castris Ragneta & Cilza conquisitis, ciuitatibus & villis circumquaque

*Samogitiâ &  
Crucigeris  
occupatur.*

*Crucigerorum  
strages.*

*Victoria  
Gedimini.*

ferro & igne deuastatis, magna spolia in Litu-  
niam triumphator abduxit, & Samogitiam totam  
recuperauit, praesidijs & incastellationibus Cruci-  
gerorum eradicatis. Hoc bello feliciter continua-  
to, anno Domini 1304. in Russia principes expe-  
ditionem parabat, Volodimirum Ducem Volhinie,  
cum exercitu Russorum trucidauit, Volodimiriam-  
que cepit. Postea contra Leonem Lucensem ducem

*Gediminus  
principes  
Russia pro-  
figit.*

armata manu contendit, quo fugato Luczkum oc-  
cupauit, & totam Volhiniam in suam ditionem re-  
degit, Brestiam exercitum reducens ibidem hiber-  
nauit. Tandem otij pertaesus maioribus copijs con-  
scriptis, contra Kiouia principem Stanislauum pro-  
cessit, Wruczaiumque, & Zitomiram, castra expu-  
gnauit, ipsum Stanislauum Kiouia, & ceteros princi-  
pes Russia, Leonem Lucensem, Romanum Bran-  
scensem, Olham Praeslauiensem, coniunctis viribus  
sibi occurrentes, felici Marte profligauit, ubi Leo  
Lucensis, & Olha Praeslauiensis occubuerunt, Stani-  
slaus verò Kiouiensis cum Romano Branscensi, fu-  
ga salutem consulentes Branskam fugerunt. Gedimi-  
nus autem victoria hac elatus, Bialygrodek, postea  
Kiouiam ipsam tunc temporis Russia metropolim,  
Cercassos, Kaniowiam, Putwilam sexaginta mil-  
liaria ultra Kiouiam, Slepouuotum, Branskum, Pe-  
reslauiam, fauente Marte, partim vi partim deditio-  
ne expugnauit, & totius ferè Russiae, Seueria, & Vol-  
hinia princeps facili negotio factus, in Lituaniam  
triumphantia castra reduxit.

*Kiouia prin-  
cipem cum  
suis adha-  
rentijs occu-  
pat.*

Postea Gediminus de Kiernouia ad venandas  
feras causa solatij, quinque milliaribus ultra Viliam  
fluvium emensis, nacto loco natura & opportunitate

appri-



apprime munito, arcem ibidem erexit in lacu, ciui-  
 tatemq; eidem adiecit, quam vocauit Troki, in eam  
 sedē magni Ducatus de Kiernoua transtulit. Postea  
 anno Domini 1305. Orientem versus caussa venā-  
 tionis exercendę progressus, in quatuor miliaribus,  
 vbi Vilna Vilię fluuiio cōmiscetur, plurimas feras na-  
 ctus est, ibidēq; in monte Krzyuuagora tūc tempo-  
 ris dicto, qui modò Turzagoria, vel Lilla, id est, Cal-  
 ua vocatur, Vrū feram grandē, sua manu trucidauit,  
 venationeq; lassatus vespera imminēte in eo mōte  
 pernoctauit, dormiensq; per somnium vidit, lupum  
 ferreū rugientē, in cuius vētre alij centū lupi rugie-  
 bāt, experrectus somniū aulicis & stipatorib. expo-  
 nit, quod varijs variē exponētib. Ledzieiko, sacerdos  
 suus gentilis (quē dicunt in nido Aquilę repertū) qui  
 etiā auguria, & futura p̄lagire solebat, huius somnij  
 arcana exposuit, Lupū terreum rugientē, urbē for-  
 tem, insignē, & celebrē significare, lupos verò in eo  
 rugiētes, multitudinē populorū portēdere. Qua de  
 caussa Gedimino principi suasisit ciuitatē & arcē ibi-  
 dem erigendam, & idēo Lezdzieko sacerdos plu-  
 rimis beneficijs, ob singularē virtutū excellentiā au-  
 ctus Radi Wil, quasi cōsiliarius Vilnę edificandę, voca-  
 tus est, de cuius familia p̄stantissimi heroes semper  
 fluūt, q. belli pacisq; munia, maxima animi ingeniiq;  
 vi praeclarē in Reipublicæ Christianæ emolumen-  
 tum obeunt. Itaque Gediminus persuasione Lez-  
 dziekonis ductus, illico arces duas, vnā in monte  
 excelsō, alterā in planicie inferiorem erigere mu-  
 niteq; fecit, ciuitatē etiā populosā ædificare iuxta  
 mandauit, quam Vilnam à Vilna fluuiio præterla-  
 bente appellauit, & sedem suam de Troki in eam

*Stare Troki  
 erecta, in se-  
 dē ducis Le-  
 mnia.  
 Calua  
 mons.*

*Somnium  
 Gedimino  
 de Lupo fer-  
 reo.*

*Vilna con-  
 dita.  
 Lezdzieko  
 ex quo  
 Radzivila-  
 nes.*

*Vilna com-  
 dita.*

translulit, ac feliciter principatus finibus prolatatis imperauit.

Anno à Christo nato 1306. audientes Litua-  
ni, dissidia in regno Poloniae, per nemora, & inuia,  
in terras maioris Poloniae, irruperunt, & oppida Kalis  
& Stauissino, villasq; in vicinijs eorū exusserunt, de-  
prædaruūt, senes, & impuberes trucidarunt, pluraq;  
millia promiscui sexus, in Lituaniā abduxerunt.  
Eodem anno Henricus de Pleczko Saxo, magister  
Prussiae, castrum Gartin in Samogitia præsidio Li-  
tuanorum munitam, sub tempore nebulæ apertum,  
cum Teutonicis inopinatè cepit, & omnes Lituanos  
trucidauit. Multis demum peregrinis, ex Germania  
in Prussiam aduenientibus aliud bellum Lituaniis  
illatum est, & districtu Karssowin spoliato, in Prus-  
siam cum captiuis redierunt.

*Polonia ma-  
ior à Litua-  
nis casta-  
tur.*

Anno Domini 1307. Lituaui in die S. Galli, ter-  
ras Syradia & Kalissiensē subitò irrūpentes, plu-  
rimam rapiētes prædam, eadēque & igne plurima  
loca vastantes, concito gressu in Lituaniā redierunt.

*Syradia à Li-  
tuanis vas-  
tata.*

Anno Domini 1308. Olgerdus filius Gedimini  
cum Lituaniis Prussiam ingressus eam ferro, & igne  
protriuir, prædamque ingentem abduxit. Hanc au-  
tem sibi Lituani, & Pruteni, Crucigeri vicissitudi-  
nem sæpissime alterutrum reddebant.

Anno quoque 1311. idem Olgerdus cum omni-  
bus suis copijs, terras Prussiae sub carnis priuio in-  
gressus, per cædes & flammās magnā partem ter-  
ræ in fauillam, & desolationem redegit, in Lituani-  
am cum quingentis captiuis reuersus, dijs suis liba-  
mina obtulit, quam cladē Cruciferi vlciscentes,  
vicissim terrā Samogitiæ vastauerunt. Lituani quo-  
que

*Lituaui  
Prussiam,  
Crucigeri  
Lituaniā  
vastant.*

que similiter eorum regiones deprædauerunt. *Prussia va-*

Anno Domini 1315. Samagita numeroso exer- *statur.*

citu, Ragnetam cinxerant, & cum longum tempus in obsidendo castro non expugnato consumplerat, conculcatis segetibus & omnibus in circuitu vastatis, in Samagitam redierunt. Olgerdus autem Samagitarum coeptum continuans cum frequenti exercitu, castrum Trismemel obsidione vallauit, projectioneq; machinarum 17. diebus, expugnabat. Ducentos milites ab Henrico magistro Prussiae missos, ad obfessos ingredi contententes, ad vnum omnes profligauit. Anno Domini 1320. Henticus Marschalcus Prussiae, cum bene instructo exercitu Lituaniam vastauit, circa Vornianij, interim vero Li-

*Lituaniam  
vastatur.*

tuani, & Samogita, nihilo ea vastatione deterriti; angustias vnus saltus, quem Crucigeri in redeundo transitori erant, occupant, & arboribus magnis succisis vias obstruunt, insidias parandas, dumq; Marschalcus cum exercitu ignarus insidiarum, syluam ingrederetur, à Lituaniis & ipse, & exercitus vniuersus omnes ad vnum trucidantur.

*Crucigeri  
profligantur.*

Eodem anno Lituani terram Dobrzinensem inopinatè excursionem vastauerunt, & Dobrzin ciuitate exusta cum præda, ad sua reuersi sunt.

*Dobrzin  
vastata.*

Anno Domini 1322. Lituani Derptensem episcopatum in Liuania vastauerunt, & quinque milia captiuorum abduxerunt. Eodem anno hyemis tempore David Capitanus de Gartin Lituanius, frigore non torpens, ad Rualiam vsque Liuioniam vastauit. Ecclesias incendit, & sacra vasa recepit, & sex millia captiuorum cum ingentibus spolijs de Germanis, in Lituaniam abduxit.

*Liuania va-  
stata  
crus-  
sica castra  
expugnan-  
tur.*



*Henricus de  
Capiou pro-  
figatur  
Massouia  
Castatur.*

Deinde sub eadem hyeme Litواني & Samagita ciuitatem Memel, & tria castra in eius vicinio expugnauerunt, post hæc, districtum Vilouu in Prussia adeuntes, strage magna edita, commendatorem de Capiouu, cū exercitu Teutonicorum occurrētem, occiderūt. Massouiam quoq; Dauid de Gartin, multis villis & oppidis succensis, vastauit.

Anno Domini 1323. Litواني clandestinis itineribus, in Dobrzinensem terrā Poloniae, subitò irrum-pentes, ipsam ciuitatem exusserunt, & captiuorum nouem millia eduxerunt.

*Polousko  
exusta.*

Dauid Capitanus de Gartin, anno Domini 1324. Massouiam circa Polouusko, iussu Gedimini, deuastauit, & centum triginta villis exustis, trigintaque ecclesijs parochialibus deuastatis, quatuor millia captiuorum in Lituaniā deduxit. Alius quoque exercitus Lituānorum in Liūoniam descēdens, eam pluribus in locis deuastauit. Sequenti autem anno

*Lixonia &  
statutur.*

1325. Anna filia Gedimini principis Lituānorum, in coniugem duci Casimiro, filio Vladislai regis Poloniae, cum omnium captiuorum ex regionibus Polonorum, per Lituānos receptorum redditione, pro dotalibus data, & pax Polonis carissima & desiderabilis, per hanc affinitatem à Lituānis data est.

*Filia Gedi-  
mini Cas-  
miro filio  
regis Polo-  
nia nupta.  
Pax Polo-  
norum cum  
Lituānis.*

*Gediminius  
occiditur.  
Gedimini  
proles.*

Gediminius postea in oppugnatione castri Fridburg, quod Crucigeri in Samogitia erexerāt, à quodam Crucifero sagittandi perito, sagitta ignea per dorsum transfixus est, à quo vulnere spiritum exhalauit.

Hic princeps septem filios ex vxore Vithenenis, domini sui occisi, suscepit, Montiuuidum, siue Moniuidum,

vidum, Narimūdum, Olgerdum, Iauunutum, Keijstutum, Koriatum, & Lubarum, filias itein aliquot, ex quibus vnā Calimiro regi Poloniæ datam diximus. Imperium viuens inter filios diuisit, vt Muniuido nātū maiori Kiernouia & Slonimum, ciuitates cū suis prouincijs. Narimundo Pinskum cum suo tractu de Russis, vel bello partum, vel pactis quibuscūq; acquisitum. Olgerdo KreWo, Keijstuto Troki, Koriato Nouogrodek ciuitas cum suo territorio. Iauunuto verò (quem pater impēsius diligebat) Vilna metropolis Lituaniæ, & summa rerū obuenit. Lubartus Wolodimiriensem Ducatum Russiæ obtinuit. Nam cum Russam vxorem Wolodimirien- sium Ducis filiam duxisset, ac socero hæres factus esset, nullam inter fratres sortem accepit. Ex his Olgerdus & Keijstutus coniunctissimè inter se vi- xere, & vegetiora nacti ingenia molestè tulerunt pe- nes Iauunutum nihili hominē principatum esse. Ita- que hi duo decedente è viuis patre Gedimino, Iauunuti de Vilna eiiciendi, & principatu exuendi, con- siliū inierunt, diēq; certam conatus perficien- di inter se constituerunt. Habebat etiam Olgerdus in Russia Vitepscensem Ducatum cū vnicā eius oræ principis filiam vxorem duxisset. Itaque cū eo profectus esset, non venit ad constitutam cum Keijstuto diē. Keijstutus verò vt voti compos foret, cum armatis copijs inopinatè Vilnā adueniens, arcem vtrāque occupauit, Iauunutus autem inter primum tumultum elapsus in sylua à Keijstutanis perquisitus, captus & Vilnam adductus, in vinculaq; à fratre cōiectus est, paulo post Olgerdus ex Russia aduenit. Ibi præclarum inter coniunctissimos fra-

*Sortes ex dō  
usja ducum  
Lituania.*

*Iauunutus  
Gedimino  
patri in ma-  
gno Duce  
in successit.*

*Vilna capi-  
tur à Keij-  
stuto.*

tres de magno Ducatu suscipiendo, certamē exitit, Keijstutus enim Olgerdo, velut natu maiori illud concedebat, Olgerdus vicissim Keijstutum sibi cum habere iubebat, quem ei fortuna, virtusq; obrulisset. Tandem sic inter eos euenit, vt Iauunuti portionem æqua lance diuiderent. Vilna tamen cum principatu penes Olgerdum maneret, neuter alterius ditionem inuaderet, sed vterq; alterius bona perinde ac sua curaret, si quid vel bello, vel quauis alia ratione deinceps vteruis acquisiuisset, ex æquo vt inter se partirentur. Atq; his conditionibus fœdus inter se iecerunt, & iureiurando vtrinq; confirmarunt. Iauunuto vero Zaslauiensem Ducatum in Russia, fraterna misericordia concesserunt.

### OLGERDVS PRINCEPS

*Lituania.*

**O**lgerdus principatu sub Iauunuto, per Keijstutum potitus, plurima bella cum Liouonensibus & Prussiensibus Cruciferis finitimis, vario Marte gessit.

*Olgerdus  
patrem in  
Cruciferos  
Missur.*

Anno à Christo nato 1327. Olgerdus Lituanorum, Ruthenorumque copiis concriptis Prussiam hostiliter ingressus eam crudeliter vastauit, Crucigeris decernere cum eo, non audentibus, pluribusque munitionibus expugnatis, exercitum præda onustum in Lituaniam reduxit, de Teutonibus captiuis trucidatis, Gedimino patri nuper occiso à Crucigeris parentauit. Marchiam quoque nouam, eodem anno silenti agmine, ad ortus Francofordiam usque & omnem oram circa Oderam flauium, depulatus est.

*Marchia  
Vastatur.*

Tarta-



Tattarorum Regulos fratres Germanos Kutlubachum, Kaczbeium, & Dmetrum profligauit, Podoliaq; eiecit. *Tartari ex Podolia ceciderunt.*

Postea Dux Moschouię Demetrius IWanoWiz potentia sua elatus, promittit se armata manu, vno mense elapso ditiones illius vastaturum, & Olgerdum in Vilna, cum gladio & igne sub Patchalitem-pore visitaturum. Olgerdus autem tunc temporis Vitebskæ agens vomitem accensum, illi misit. Moschouię antequam extinguatur adfuturus, arcique eius hastam illisurus. Confestim ergo collecto exercitu in Moschouiam breui itinere contendit, qua obsessa inopinatę tyrannum compulit, ad se exire, ibi pacis conditionibus ex voto firmatis, hastam ipsemet quemadmodum promiserat, ad arcem fregit, finibusque Lituanię ultra Mozaiskum sex miliaribus ex vna parte promotis à Moschouia vrbe duodecim miliaribus, ex alia ad Vhram fluuium, in Lituaniam triūphator redijt. Vniuersam ferę Rus-siam ditioni suę subiugauit, cuius principibus olim Litvani tributa soluere cogebantur.

Suscepit autem ex Maria vxore ThWerensium *Filij Olgerdi* ducis filia, duodecim filios, lagielonem, (qui postea *dis-* ad regnum Polonię vocatus erat) Skiergelonem, Boritum, Coributum, Vigundum, Korigelonem, Narimundum, Languinū, Lubartum, Andream, & Butanum. Ex his omnibus lagielonem natu maiorem dilexit pater, quod is & effugie, & virtutibus, vigoreq; animi expressius, patrem referebat, huncq; successorem sibi in magno Ducatu annuente fratre Keijstuto designauit. Keijstutus quoque sex filios *Keijstuti filij.* habuit, Vitoldum, Patricium, Totiuilum, Sigismun-

dum, Voijdatum, atq; Dowgotum, Vitoldum verò præ cæteris impensius diligebat, ingenio enim animoq; excelso pollebat, eumq; successorem sibi designavit. Inter hos duos Iagielonem scilicet & Vitoldum patrueles summa erat animorum, & voluntatum coniunctio.

## IAGIELO PRINCEPS LI-

*thuanorum.*

**A**Nno Domini 1381. Olgerdo è viuis decedente, Iagielo paterno principatu fauente Keijstuto patruo potitus est. Multa bella vario euentu cum Ruthenis, Polonisque & Crucigeris Liunionensibus, ac Prussiensibus gessit. Erat apud eum Voijdilo quidam rusticana & obscura familiae homo, callidus & vafricia pollens, qui cum primum pistrinam apud Olgerdum exercuisset, & industriam suam principi probasset, cubicularius, ac deinde pocillator fauente fortuna ei factus est, fuitque postea intimus secretarius Olgerdi quoaduixit, neque Iagielo quicquam de paterna beneuolentia in eum diminuit, quin sororem ei suam in matrimonium collocauit, quæ res non leuiter Keijstutum patrum Iagielonis offendit. Id ubi animaduertit Voijdilo veritus ne ei auctoritate honoris & gratiæ periculum adiret, apud Iagielonem, Keijstutum, per contumeliam criminari cœpit, eoque cõsilijs suis iuuenem principem adduxit, ut is clam fœdus cum Crucigeris Prussiensibus, aduersus patrum iniret. De eo fœdere Keijstutus Hosterodensis Commendatoris Crucigeri (qui filiam eius Ioanni Mastouicë duci nuptam baptisarat) preditione certior factus est, tamen Vitoldo filio Iagielonis

*Voidilo ex  
rustico prin-  
cipis gener.*

*Perversum  
Voijdelonis  
consilium.*

gielonis patruelis caussam diluente quieuit, donec Iagielo bellum cōtra Polocenses Ruthenos, quibus Keijstuti filius Andreas Harbati præsuit, suscepit, quo ei etiā magister Liunionensium auxilia ferebat. Inter ea verò Keystutus sublata omni dubitatione, armata manu Vilnam inuasit, eamq; in potestatē suam redegit, filioq; Vitoldo accersito: (nam ille arma cōtra patruelē carum nō sumpserat) deprehensa fœderum cum Prussiensibus Iagielonis munimenta ei offendit, sed ab eo tamen exoratus Vilnam solummodo ademit Iagieloni. Kreuam verò paternam & Vitepskam maternam sortem retinere eum passus est. Woidilonem autem perfidiosē inter se inimicitias seminantem, laqueo vitam finire fecit. Paulo post, dum Keijstutus Nouogrodiam Seueriensem in Russia oppugnat, Coributū rebellem perdomādo, Iagielo non modò Vilna per proditionem potitus est, verū etiam Troki arcem oppugnatam deditione occupauit; deinde contra se vterq; cōparauerunt exercitus, Keijstutus è Samogitis & Ruthenis, Iagielo verò è Prussis & Liunionibus Crucigeris, ille vt recuperaret Trokos, hic vt defenderet. Sed cum in conspectum venissent antequam infestis signis concurrerent, Iagielo per fratrem Skergelonem, Keistutum, & Vitoldum filium eius sub specie colloquij ad se vocatos, cepit, Keijstutumq; catenis vinctum, Kreuam missum in carcere suffocare ordinauit. Vitoldum verò patruelē Vilnæ in custodia diutius detinuit, neque Lituanorum procerum, neque magistri Prussiensium, Crucigerorum, neque fratrum & patrum deprecationibus, liberari potuit. Postea Kreuam missus & morti destinatus, nocte

*Keijstutus magnus dux Lituanie.*

*Vilna capitur à Keijstuto.*

*Vitoldo suspectus dicitur.*

*Vilna recuperatur à Iagielone.*

*Troki capta.*

*Bellum Iagielonis cū Keijstuto.*

*Keijstutus in vinculis cruciatur.*

*Vitoldus in carceratus.*



*Vitoldus è* quadam vxoris misericordia, doloque liberatus est:  
*Vinculu au* nam ea cum liberam habuerit adeundi ad eum po-  
*fugit.* testatem, commutato cum vna de duabus pedisse-

*Vitoldus cū* quis habitu, veste muliebri indutum eduxit: imber-  
*Crucigeris* bis enim erat, emissus ille in Massouiam ad Ioānem  
*Lituaniam* ducem affinem suum, atq; inde in Prussiam ad Cru-  
*Vastat.* cigeros cōrugit, à quibus obiurgatus, primū quod

aduerso demum tempore suo locietatem ipsorum  
 expeteret: deinde benigne recreatus & bene spera-  
 re iussus est. Statimq; Crucigeri cum Samogitis, qui  
 Vitoldo immensè fauebant, impetum in Lituaniam  
 fecerunt, Trokiq; arcem expugnauerunt, & præ-  
 fidijs impositis munierunt, sed eos postea illinc, re-  
 uersus ex Russia eiecit. Tandem Iagiello Vitoldum  
 ex Prussia per internūcios reuocauit, Grodnensem-  
 que tractum, Brestiam, Drohicinum, Mielnikum,  
 Bielsko, Surasum. Cameneciam & Wolkouuisko  
 oppida, cum suis territorijs concessit, fidemque &  
 obsequium eius sibi conciliauit, ita vt is ne legatos  
 quidem quoquam se inscio mitteret. Lituanorum  
 annales, etiam Voliniam, & Podoliam ducatus Rus-  
 siæ, Vitoldo tunc datam à Iagielone esse testantur.  
 Paulo post hærede legitimo Polonorum regnum

*Iagiello ad* post Ludouicum Hungarorum, deficiente, Iagiello  
*regnum Po-* ex magno Ducatu Lituaniæ, à Polonis ad regnū cer-  
*lania voca-* tis sub cōditionibus (prout latius in descriptione re-  
*tur.* gum Poloniæ patet) vocatus est: cum fratribus-  
 que & patruelibus Cracouiæ (quæ est Poloniæ Me-  
 tropolis.)

Anno Domini 1386. decimaquarta Februarij  
 sacro fonte ablutus, & fidei Christianę præceptis in-  
 itiatus, eademq; die solenni ritu cum Heduigi vnica  
 regni

regni hærede Hungariæ regis Ludouici, & Poloniæ Iagielo ba-  
 filia, matrimonium cōtraxit. Indultumque est con-  
 uiuijs choreis & lusibus Cracouiæ complures dies,  
 per quos dies Magister Crucigerorū, Prussienſium,  
 Conradus Zelner, Lituanorum ducibus vacuam vi-  
 dens, ( omnes enim in Poloniam cum Iagielone  
 disceſſerant, ) hoſtiliter eam duplici agmine, con-  
 iunctis viribus cum Magiſtro Liuoniæ aggreſſus eſt:  
 quam longè, lateque ferro, & igne depopulauit, Lu-  
 comliam arcem in Ruſſia vicepit, & Andream Ia-  
 gielonis fratrem apud Ruſſos religionem Chriſtia-  
 nam profeſſum, ( quo authore expeditio illa ſuſce-  
 pta erat ) cum præſidio in ea reliquit, cui ſe quoque  
 Polocenſes, Rutheni dederunt. Sub idem tem-  
 pus Swetoſlaus, Smolenſiorum dux in Ruſſia cir-  
 cum Vitepſcum, & Orsha, arces depopulauit, &  
 Mſciſlauiam vi cepit. Iagielo in Polonia re audita,  
 conſeſtim Skiergelonem, & Vitoldū cum Polonis  
 voluntarijs, & Lituanis, in Lituaniam miſit, qui fe-  
 ſtinantes cum Crucigerorum exercitum Lituania  
 diſceſſiſſe comperiſſent, Lucomliam arcem recepe-  
 runt, inde Mſciſlauiam proſecti, paruo negotio o-  
 mnem eam oram, in poteſtatem ſuam redegerunt,  
 Swatoſlaumq; qui eam occuparat, occiderunt. Po-  
 loczkam etiam recuperauerunt, de authoribusque  
 defectionis, pœnas ſumpſerunt. Andreas autem dux  
 régis frater, cuius authoritate hæc agebantur ca-  
 ptus, integro triennio in arce Theczinenſi Poloniæ  
 ſqualido carcere detentus, poſtea ſuffragijs Vitoldi  
 patruelis, & cæterorum fratrum, liberatus eſt. Nunc  
 quomodo fidei Chriſtianæ præceptis gens Lituani-  
 cacum ſuis Ducibus iniciata & ſacro baptiſmo fon-

*Iagielo ba-  
ptiſatus &  
coronatus.*

*Zelner Ma-  
giſter Pruſ-  
ſiæ Lituani-  
am vaſtat.*

*Swetoſlaus  
Ruſſiam va-  
ſtat.  
Iagiela ar-  
ces recupera-  
rat.*

*Swatoſlaus  
occiditur.  
Andreas  
in carcerem  
itur.*

te lauata fuerit, pauca quæ ad rem pertinent nobis dicenda restant.

## DE PRISCA RELIGIONE

*Lituanorum.*

*Ignis Lituanorum idolum.*

*Fulmen idolum.*

*Arbores venerabatur.*

*Sol colebatur.*

**A**D Iagielonis Vladislai regis Poloniae ex duabus Lituaniae tempora, de quo in Polonorum regum descriptione copiosius diximus, tota gens Lituanica, & Samagitica priscae multorum deorum, seu potius Daemonum superstitioni dedita erat, imprimisq; ignem, (quem sua lingua *Znicz*, vt rem sacram appellabant:) cultu diuino prosequiebantur, eumq; in celebrioribus locis, atque oppidis perpetuum obseruabant, & sacerdotes cum ministris ad hoc munus obeundum adhibebant, quod si incuria ministrorum ignis extingueretur capite plectebantur. Huiusque modi ignis Vilnae metropoli Lituaniae in arcis medio (vbi nunc Basilica diuo Stanislao dicata, erecta est,) perpetuo asseruabatur. Fulmen quoq; quod *Perunum* Slauonica lingua appellabant, pro deo colebatur. Lucos praeterea & eximias procerasque arbores, in syluis singuli sacrosanctas habebant, easq; cultu latrae venerabatur, ita vt violare eas ferro iniuriave aliqua nefas esset. quod si Lituanus eiusdem fidei perpetraret, vt videlicet aliquam arborem, vel ignem quolibet modo dehonestaret, statim vel daemonum violentia interibatur, vel membro aliquo arrepti priuabatur. Solem fortè nubibus obscuratum credebant sibi succenseri, ideo sese illi quo placaretur, deuonebant. Viperas item atque serpentes deos esse credebant, eisque cultum praecipuum exhibebant, & singuli patrefamilias,



familias, ciues, coloni, & nobiles singulos, serpentes *Serpentum*  
domi asseruare solebant, quos pro penatibus, & la- *cultus.*  
ribus familiaribus adorabant, lacq; & gallos galli-  
naceos, eis immolabant, eratque inauspicatum &  
exitiabile toti familiae, quempiam ex eis violasse de-  
honorasseve, aut domi non fouisse: tales enim, vel  
bonis omnibus priuabantur, vel crudeliter lacerá-  
ti interibant. Erat autem apud eos quotannis solen-  
ne sacrificium, sub initiū mensis Octobris post col-  
lectas fruges, ad quod frequentes, cum vxoribus &  
liberis seruisque, conueniebant: ac toto triduo opi-  
pare epulabantur, de hijs quæ dijs ad offerendum  
mactarant. Quod & nunc in Samogitia, Lituania &  
quibusdam locis Russiae, ab agrestibus obseruatur, *Solennes*  
prout inferius suo loco dicitur. Ex bellis reuertentes *epula.*  
manubias & vnum aliquem de captiuis præci-  
puum, & insignem virum victimæ loco igni conse- *Victima.*  
crabant. Corpora mortuorum cum pretiosissima *Sepultura.*  
supellectili, qua viui maximè utebantur, cum equis,  
armis, & duobus venatorijs canibus, falconeq; cre-  
mabant, seruum etiam fidelio rem viuum cum do-  
mino mortuo, præcipuè verò magno viro, cremare  
solebant, amicosq; serui, & consanguineos, pro hac *Serui cre-*  
re maximè donabant. Ad busta propinquorū lacte *mabantur.*  
melle mulsato, & ceruisia parentabant, choreasque  
ibidem ducere solebant, tubas inflantes, & tympa-  
nas percutientes. Hic mōs adhuc hodie in partibus  
Samogitiæ cōfinibus Curlandiæ ab agrestibus qui-  
busdā obseruatur. Quos omnes errores & vanas su-  
perstitiones, Iagielo postquā cum HedWigi hærede  
regni Poloniæ vnica, vt suprà in serie regū Poloniæ  
patet, matrimonium contraxit, abstulit, sedauit, &

Christianū nomen Lituani baptisimi lauacro ablutis, indidit. Rebus enim in Polonia rectè constitutis, volens ne Lituania patria sua vltèrius Dæmonum cultui vacaret, comitia generalia Vilnæ Lituaniæ metropoli, anno Domini 1387. ad initium quadragenarij ieiunij indixit, ad quas ingenti procerum & equitum Polonorum caterua stipatus, vnà cum regina in Lituaniam se contulit, archiepiscopum Gelnensem, & multos sacerdotes, ac pios homines, secum duxit. Semouitus quoq; & Ioannes Massouie, Conradusq; Olesniciæ, duces, eum comitati sunt. Conuenerunt quoque Vilnam, Skergelo Trocensium, Vitoldus Grodnensium, Volodimirus Kiouiensium, & Koributus Nouogrodensium duces, fratres principis, & infinita equitum plebisq; multitudo. Ibi de religione Christiana populariter suscipienda, ac de exterminando cultu falsorū deorum, & omni superstitione diligenter actum, ipso rege, maximam ei rei operam nauante, non solum hortando, & præmijs alliciendo, sed etiam docendo, cum Polonici sacerdotes lingue gētilis ignari essent. Porro gens barbara maiorum suorum, religiones agtè relinquebat, sed cum mandato regis ignis sacer extinctus, templum araq; eius vnde oracula à sacerdote edebantur, euersum esset Vilnæ, vbi nunc diui Stanislai templum, necatiq; serpentes, & succifi luci, arboresq; sacra, absque cuiusquam læsione, Lituani admirantes stupidiq; dicebant, quomodo dij nostri istis peruersis Polonis Christianis, hanc iniuriam dissimulant, seque lædi scelestis manibus sinunt, quod si hoc aliquis nostrum perpetraret, cōfestim ira deorum interiret. Sed cum Poloni præter opinio-

*Jagiellonis  
in Lituaniā  
ad baptisimū  
dā gentem  
expeditio.*

*Idola Lituanorum  
de-molita.*

opinionem barbarorum, idola euerterent, tum verò Lituari vanitate sua agnita, alacriores, ad principum suorum religionem facti sunt, plurimam ex his multitudinem rex aduectis ex Polonia pannis laneis albis, ad baptismum perduxit. Porro cùm immensi laboris esset, singulos sacro fonte tingere, nobilioribus tantùm hic honor tributus est: reliquum verò vulgus turmatim distributum, aqua sacra à sacerdotibus aspergebatur, ynumque nomen singulorum, tam virorum quàm mulierum, in nomine Patris & Filij & Spiritus sancti, inditum erat, atque vna die triginta millia barbarorũ baptisati sunt, exceptis nobilioribus, & illis qui antè sacro fonte, in Polonia lauari erant, atq; ab eo tempore Lituari in fide Christi permanent.

*Lituanis baptisantur.*

### SKERGELO PRINCEPS

*Lituania.*

**I** Agielo rex Polonia post baptisatam gentem patriam, in Poloniam reuersus, Skergelonẽ fratrem pro se, magno Ducatu Lituania inuestiuit. Vitoldus verò excellenti animi vir, indignum ducebat deteriori, & nihili viro subesse, ideo Grodna, & Brzelte arcibus suis, valido præsidio firmatis, in Massouiam ad Ioannem ducem generum suum, cum vxore Anna, profugit, indeque in Prussiam ad Crucigeros contendit, à quibus humaniter acceptus est, quod ij per eũ facillè se Lituania, & Samogitia potituros esse sperarent. Itaque Vitoldus Prussiensium, & Liunionensium Crucigerorum armis Lituaniã vexauit, sed cùm sibi fidem suspectam Crucigerorum videret, fratrem Iagielonem regem Polonia, per internun-

*Vitoldus in Massouiam fugit postea ad Crucigeros.*



*Vitoldus a  
Crucigeris  
fugit.*

tios reconciliauit, & accepta ab eo spe adipiscendi magni Ducatus Lituani, inſcientibus Crucigeris in Lituaniam, veſtitus habitu Crucigerorum profugit, & vt aliquo cum munere ab hoſtibus reuerteretur, tres arces Crucigerorū Samogitis confires, Iurgēburgum, Mergenburgum, & Neginhaſun, fortē cū velut ſocius & amicus intromitteretur, cepit, & exuſſit, præfectosq; cum præſidarijs militibus Crucigerorum partim trucidauit, partim in ſeruitutem abduxit. Cū autem ſpem ſibi à rege datam de magno Ducatu diutius differri videret,

*Vitoldus a  
ſua Vilnam  
capere ten-  
tat.*

conſilium cepit Vilnæ, per proditiōem capiendæ, hoc modo: rumores ſparſit quaſi ſorori nuptiarum ſolennia Vilnæ facturus eſſet, curruſq; centum ingentes præparauit, quos armato & delecto milite compleuit, & de ſuper ſtramine texit, eosq; quæ quaſi carnes, & conuiuij neceſſaria, in arcem Vilnenſem duxit, verū fraude intempeſtiuè detecta, ad arcem non eſt admiſſus. Sicq; ſpe fruſtratus, in Pruſſiam reconciliatis ſibi deinde per internuncios Crucige-

*Vitoldus ad  
Pruſſiam  
fugit.*

ris profugit, indeq; biennio cum auxilijs eorum Lituaniam infeſtauit. Poſtea anno Domini 1390. Iaſgielo rex è Polonia ad reprimendas incurſiones Vitoldi in Lituaniam, armata manu venit, Cameneciam cepit: Grodnoq; arcem ad Nemmem fluuium ſitam Vitoldi præſidij munitam, poſt quinquageſimum diem obſidionis cepit, Vitoldo ſuis varijs technis, fruſtra tamen, cum Crucigeris auxilia ferente. Eodem anno matureſcentibus ſegetibus, triplici agmine Crucigeri in Lituaniam deſcenderunt, Vitoldi vindicandi reſtituendiq; prætextu: re vera autem vt Lituaniam ſibi ſubiugarent, vnum agmē Vi-

*Iaſgielo Vi-  
toldo obſtat.*

toldus

toldus ducebat, alterū magister Liouonienſium Crucigerorū, tertiu ipſe dux belli magiſter Pruſſiēſium Conradus Valerodus, hoſtiliterq; regionē vaſtabāt, Troki oppidum igni crematunt, hinc Vilnā, caſtra mota, arx verò Vilnenſis inferior, vix obſeſſa, à prodiſtoribus Ruſſis & Lituanis ſuccenſa eſt, è quo incendio cū ſeſe Corigelo frater regis & patrueſis Vitoldi ſubduceret, ab hoſtibus captus & capite plexus eſt, cetera multitudo in ea arce, partim igne, partim ferro hoſtili cæſa eſt, quatuordecimq; millia hominum ibi periſſe aiunt. Superiorē arcem Poloni cum Nicolao Moſcorouio præfecto tenebant, nec aut clade ſuorum, & conflagratione arcis inferioris, aut minis hoſtiū, & oſtēratione capitis Corigelonis, ac ne acerrima quidē oppugnatione, quamuis pars muri maior deiecta erat, ad deditiōē compelli poterant, loca deiectionis muri ad extremū corrigijs pecudum, (ſimo terraq; deſiciente) laxè prætendebant, & ſictormentorū ictu ſilludebant: deniq; corporibus ſuis aditū hoſtibus irumpere conantibus obſtruebant. Skergelo quoq; regius frater cū ſuis Lituanis, & Ruſſis erumpens magnis cladibus hoſtes debilitabat. Demū Octobris diebus, Pruſſienſes Crucigeri cum Vitoldo ingēti ſtrage in Lituania edita ab obſidione diſceſſerunt. Eſtate ſequenti ruruſ Vitoldus cum Crucigeris exercitū ad Vilnā duxit, quā fruſtra reſiſtentib. ſtrennè Poloniſ aliquot diebus obſidēs, re infecta reliquit. Et ne quicq; agere videretur Crucigeri, reuertētes Vilcomeriā & Nouogrodū caſtraviceperūt, interfectiſq; pſidijs Skergelonis exuſſerūt. Deinde alij duab. excuſſionib. Crucigeri eadē eſtate Lituaniā depopulati ſunt, apud Cownamq; tres mu

*Crucigeri  
in Lituania  
ten-  
dunt.*

*Lituania  
vaſtatur.*

*Vilna obſi-  
detur capi-  
turq;  
Polonorum  
ſtrenua re-  
pugnatio.*

*Crucigeri  
iterum Li-  
tuaniam in-  
vadunt.*

*Lituania  
iterum vaſtatur.*

nitiones extruxerunt Menuerderum, Metenburghum, & Riteuerderum, vnamque Vitoldo concesserunt, reliquas verò duas suis præsidij munierunt, ex quibus circumiacentem regionem infestabant. Tandem Iagielo rex Poloniae Lituanorum calamitatis pertæsus, Henricum Semouiti Massouiae ducis filium, ad Vitoldum in Prussiam, ut cum eo clandestino de pace ageret, & in Lituaniae magnum Ducatum reuocaret, destinauit. Hocque modo inter regem & Vitoldum de pace conuenit, cum rex ei magnum Ducatū Lituaniae, posthabitis fratribus germanis superstitibus, pollicitus esset. Vitoldus itaque rebus suis cum Iagielone patruele, ex animi sententia compositis, Crucigeros atque Germanos mercatores Riteuerdero castro secum commorantes inopinatos comprehendit, incensaque arce, vinctos in Lituaniā abduxit, abeuntem, Crucigeri relictis duobus castris, persequuti, sed paruo negotio à fusi prostratiq; sunt, & castella à Vitoldo vi capta & exusta. Veniens autem Vilnam Vitoldus cum captiuis & ingenti præda parta de Crucigeris, honorificè à Iagielone rege clementerq; susceptus est.

*Vitoldus à  
Crucigeris  
fugit, da-  
mino illato.*

### VITOLDVS MAGNVS DVX

*Lituania.*

**V**itoldus reuocatus ex Prussia, anno Domini 1392 à Iagielone patruele rege Poloniae, apud Lituanos atque Ruthenos, summæ rerum præfectus & magno Ducatu solenniter inuestitus est, iureiurandoque, & litteris consignatis, se in fide regi Poloniae semper futurum spopondit.

Postea



Postea SWidrigelo & Skergelo indignè tulerūt, quod Germani fratres Vitoldo patrueli à rege posthabiti essent, bellaq; intestina aduersus Vitoldum commouerunt. Sed SWidrigelo cū minus animi & virium haberet, ad Crucigeros in Prussiam profugit, & Lituaniam cum eis ultro in Vitoldum incitatis, crebris populationibus diu exauit, Surasumq; Gattenam, & Strāmelam arces Crucigeri in Lituaniam ceperunt. Skiergelo verò maiore animo & opibus præditus, armatis copijs ex suis corralis, collectisq; cum Vitoldo ad inimicitias deuenit. Quorum malorum sedandorum causa, rex Iagielo rursus in Lituaniam venit, Skergelonemq; adiecto ei Cremenēsi, Starodubēsi, & Trocensi tractu placauit. Postea Coributus Vitoldo fratri rebellans ab eo dē in conflictu victus est. Tandem Vitoldus Orshan arcem Russiæ, iussu regis expugnavit, Vitebscumq; per deditiōem sub SWidrigelone recepit, deinde duces Odrucenses, & princeps Smolentcensis Russi ad Vitoldum in Vitebscum supplices venerunt, & omnes se in potestate eius semper fore spopoderūt. Postea Vitoldus Zithomiriam, & Kiouiam metropolim Russiæ in potestatem suam redegit, expulsoq; Volodimiro duce Russo Skiergeloni fratri eam sicuti promisit, tradidit. Skiergelo tandem ultra Kiouiam Circallos, & SWinigrodum arces ad Borysthenē sitas cepit, nec multo post ipse Skiergelo ad venationem profectus à monacho quodam Russo, Humeno Metropolitæ vicario ad villam inuitatus, venenato poculo intoxicatus de medio sublatus est. Kiouiaq; in cauernis subterraneis quæ Petzari dicuntur sepultus. Sunt autem Petzari specus

*SWidrigelo  
fugit ad  
Crucigeros.*

*Lituaniam  
vastatur.*

*Skiergelo  
contra Vi-  
toldū bellū  
monit.*

*Vitoldus Co-  
ributus dicit*

*Vitoldus  
Vitebscam,  
Orshan, &  
Kiouiam  
capit.*

*Skiergelo  
veneno mo-  
ritur.*

*Resanensis  
Ducatu Vi-  
toldus expu-  
gnat.*

*Vitoldus  
Tartaros  
fudit.*

*Vitol. Podo-  
lia ducem  
sternit.*

*Crucigeri  
Lituaniam  
vastant.*

*Vitoldus  
Tartaros  
profligat, &  
in Lituaniam  
eos collocat.*

vastissimus, apud Kiouiam, illustrium ducum Rus-  
siae sepultura clarus. Deinde Vitoldus Kiouiensibus  
praefecit ducem quendam Olgemundi filium. Rhe-  
sanensem autem ducatum Russiae per Simonē du-  
cem quendā, magna ex parte vastauit. Smolenskum  
deinde ipse contendit, & Glebum ducem eius ore  
iugum excutientem expulit, & alium Smolenscijs  
praefecit, eoq; ad Vitoldum Basilius dux Moschouie,  
inuitatus venit, postea honorificè, & liberaliter di-  
missus. Tandem Vitoldus per legatum suum Alger-  
dum, ducem exercitus, Tartaros profligauit, tresq;  
eorum duces trucidauit.

Deinde Coriati filium Podolie ducem rebellan-  
tem, Theodorum nomine Vitoldus fudit, ipsumq;  
cepit, & Bratislauiam, Cameneciam, Smotriciam,  
Scalam, Ceruonigrodum, & omnem Podoliam in  
potestatem suam redegit, quam postea regi Polo-  
niae Iagieloni concessit. Interea verò Crucigeri  
Prussienfis, incitante Svidrigelone, qui ad eos pro-  
fugerat, Lituaniam crebris incursionibus longè la-  
teq; vexarunt. Castella quaedam expugnarunt, Vil-  
namque caput gentis tentauerunt, à qua re infecta  
discesserunt. Lituani verò cum Polonis similiter in  
Prussiam excurrerunt, damnaque Crucigeris, tanta  
quanta illi in Lituania intulerunt.

Postea Vitoldus, anno Domini 1396. expeditio-  
nem in Tartaros adornauit, ac tribum vnā, quam  
illi Hordam vocant, cum liberis abegit, exercitu eo-  
rum profligato, partemque captiuorum regi, &  
proceribus Polonis dono misit, reliquos in medio  
Lituanie supra Vaccam amnem, duobus milliaribus  
à Vilna, agris attributis, collocauit, qui illic manet  
vsque

visque in hodiernum diem, boni ac diligētes patres-familias & virtutis priscæ, armorumque non immemores, ritus patrios Machometicæ superstitiones seruant, & liberi legibus suis viuentes & ex equo cum Lituanis, regis Poloniæ, magni Ducis Lituaniæ, imperium cognoscunt, vexillumque proprium, Arabicis litteris inscriptum, quo in bello vtuntur, habent.

In sequenti deinde anno Vitoldus frustra dissuadentibus Iagielone rege, & regina, alteram expeditionem maioribus copijs, in Tartaros fecit, ad quam permulti illustres de Polonica, & Germanica nobilitate viri gloriæ cupidi profecti sunt. Fuerūt autem in ea expeditione de Polonis maximè insignes & principes viri. Recensitis itaq; apud Kiouiam Vitoldus copijs, bonæ spei plenus longo itinere, Tartarorum campestria inuasit, tunc temporis apud Tartaros, Tamerlane in Scythia magna regnante, humililiquidē loco nato, verū scientiæ rei militaris, fortunæ beneficio, eo potentiæ prouectus erat, vt duodecies centena millia hominum haberet in exercitu, ac Turcis profligatis imperatorem eorum Balazthem, (qui tunc temporis Constantinopolim obsidebat) captum in ferrea cauea, aureis catenis vinctum per totam Asiam circumuehebant: cæsa sunt tunc temporis Turcarum 200. millia. Anno Domini 1397. Hiberiā deniq; hic Tamerlanes, Albaniam, Armeniam, Persiam, Mesopotamiam, Asiam, & Ægyptū, incredibili celeritate vastauit, & occupauit, orbemq; terrarum sui nominis terrore impleuerat. Iamq; transmissis Sula, & Psola fluminibus ad Campestria Tartariæ, Vitoldus cum suis, nullo repu-

*Vitoldi expeditione in Tartaros.*



*Vitoldiani  
profligan-  
tur.*

gnante, peruenerat, cum Ædigam vnum ex duci-  
bus Tartarorum potentissimum, Tamerlanis lega-  
tum cum innumerabilibus copijs, obuiam habuit.  
Vbi ad conflictum venit, Tartari vicerunt, non in-  
cruentata tamen victoria, quod nisi multitudine ab-  
undassent, virtute Vitoldianorum superati fuissent.  
cecidere ibi insignes viri, ex his fuere Iagielonis re-  
gis fratres, Andreas, & Demetrius, Coributus, & alij  
nouem duces Lituani, & Russi pauci vini capti. Vi-  
toldus cum S W idrigelone patrucele, Ostrorogoq;  
& Samotulio Polonis, pernici fuga euaserunt, Mel-  
stinius Polonus, cum fuga saluus esse posset, inter  
confertissimos hostes se coniecit, strenueque di-  
micando honestissimè occumbere maluit.

*Vitoldus  
Smolenscam  
capit.*

Tandem anno Domini 1403. Vitoldus magnus  
dux Lituaniæ, cum Smolenscijs rursus rebellibus,  
bellum gessit, fretusq; Polonorum auxilijs arcem  
Smolenskam, in quam ciues, & nobiliores vxores,  
liberos opesq; suas contulerant, post diuinam op-  
pugnationem, vi cepit: magnasq; opes in ea reper-  
tas partim Iagieloni regi in Poloniam transmisit,  
partim militibus, vt quisque meritis erat distribuit,  
ceteras arces deditione accepit, & principatum in  
prouinciæ formam redegit.

*Vitoldus Li-  
uones vicer-  
fetur.*

Deinde Crucigeri Liuienienses, in Lituaniam ex-  
currerunt, quos Vitoldus cum præda reuertentes,  
vestigijs clàm insecutus, cum ij domos diuersè abijf-  
sent, regionem illorum vicissim longè lateque va-  
stauit, pagos & vicos incendit, oppidum cum arce  
munitum à Germanis Dunemburgum appellatum,  
ad D Winam fluuium conditum, vi cepit, quibus in  
censis in Lituaniam, se cum ingenti præda recepit

Nec

Nec multo pòst rursus Lituania hinc à Prussiensibus, illinc à Liunionensibus Crucigeris, SWidrigelonis profugi, opera peruaſtata eſt. Tandem Iagielo rex, & Vitoldus, patriæ afflictae vicem miſerati, SWidrigelonem fratrem exulem è Prussia euocauerunt, Podoliaq; Ducatum in poſſeſſionem ei conceſſerunt. Poſtea SWidrigelo hac liberalitate regia minimè ſanatus, homo ambitioſus & peruerſus, nò habens receptaculum apud Prusienses Crucigeros: (nam certis ſub conditionibus, propinquos regis exules, ex Lituania ſuſcipere, nequaquàm Prusienses ſeſe obſtrinxerant,) ad Moſchouiae ducem Baſilium profugit, arcibus quas in Ruſſia tenebat ſuccenſis. Eodem anno 1406. Vitoldus pace naſta cum Crucigeris, tranſmiſſo Hugra flumine, primam expeditionè in Moſchos adornauit, à genero duce gentis iniuria prouocatus, peruaſtataque longè lateque Moſchouitica regione, præda onuſtus, in Lituaniam redijt. Poſtea maiori vi in id bellum, anno vno intermiſſo ſeſe expediuit, fretus maioribus auxilijs Polonorum, & Crucigerorum, & uſq; ad Oceanum fluuium permagnum, Moſchouia deuasta, populabundus peruenit, quominus autem fluuium tranſmitteret, SWidrigelonis patruelis nuper profugi (qui Moſchouitis operà ſuà nauabat) armis prohibitus eſt: Impetravit tandem à Vitoldo, Baſilius Moſchoniae dux pacem, æquis ſub conditionibus.

*SWidrigelo  
ad Moſcho-  
uiam fugit.*

*Vitoldus  
Moſchonia  
caſtat.*

*Vitoldus  
Prusiæ  
caſtat.*

Dum hæc aguntur Sigilmundus Coribatus Vitoldi frater, nihil de inducijs cum Crucigeris Prusiensibus compertum habens, abſente Vitoldo cum Lituaniſ in Prusiæ excuſionem fecit, & tribus oppidis, plurimisque pagis direptis, & ſuccenſis in-

*Crucigeri  
Lituaniam  
vastant.  
Vitoldus la-  
zet.*

gentem prædam asportauit. Quos vt Crucigeri vlciscerentur, nullam excusationē ignorantia admittentes, simili modo in Lituaniam per auias solitudines excurrerunt, in Wolkouisko oppidū improuise impetum fecerunt, quo succenso multitudinē hominum, qui ad rem diuinam, festo die cōuenerant, captiuam abduxerunt. Vitoldus verò cū septem milia tribus ab eo loco abesset, raptim in interiores syluas cum vxore sese abdidit, donec hostes discessisse cognouit, nunquam enim hostibus regiones suas vastantibus, occurrere ausus erat, sed illis discedentibus vicissim regiones eorum vastabat.

Deinde Vitoldus, anno Domini 1415. cōducto ingenti exercitu de Polonia, contra Pskouienses Russos expeditionem fecit, qui pacem magna vi auri, & argenti redemerunt.

*Vitoldus No-  
uogroden-  
ses capis.*

Postea Nouogroden sibus Russis liberè viuentibus, Pskouiensium vicinis bellum intulit, quibus etiam supplicibus, & ingentia dona afferentibus pacem dedit.

*Sigismundus  
imper. cum  
Vitoldo gra-  
tiam inijt,  
& diadema  
ei pollicetur*

Tandem Sigismundus Romanorū rex, inimicitias inter Iagielonem regē Poloniæ, & Vitoldū disseminaturus, societatem cum Vitoldo secretò inijt. Diademaq; regium, in iniuriam Polonorum ei dare pollicitus est, cupiebat id Vitoldus homo ambitiosus, & ingētis animi, sed ei obnixē Iagielo frater cum Polonis ne voti cōpos foret obluctabatur, denegabatq;, vnde variæ controuersia vtrinq; intercesserunt. Postea à Sigismundo rege Romanorum draco aureus affabrè factus, pignus societatis, per legatos ei allatus est, expetitumq; ab eo iusurandum de societate vtrinq; seruanda. Sed Vitoldus dracone pro hospiti-



hospitali munere accepto, iusiurandum nullum dedit, nec tamē à cœpto de ambitione diadematis regij destitit, legatiq; regis Romanorum de eo afferendo, certū tempus præscripserunt, ad decimū sextum Calendas Septembris. Hoc vbi rex Poloniæ Iagiello rescijt, Ioanni Czarnkouio Subcamerario Pofnaniensi, viro impigro, negotium dedit, vt ad confinia Poloniæ, & Saxoniz, legatos Romanorum regis, & Vitoldi, vltro citroq; comeantes obseruaret, interciperetq; Statimq; Baptistam Cigalam Italum iuriconsultum Genuensem, & Sigismundum Rotum Germanum à Cæsare ad Vitoldum proficiscentes interceptit, excussosq; incōsultè dimisit. Litteras verò ab eis ablatas ad regem attulit. Missi autem hije- *Legati Cæsaris intercepti.*  
rant, vt Vitoldo dubitationem omnem eximerent, diademaq; ad tempus allatum iri, ab alijs legatis promitterent. Præterea vt confœderationes & societatem Prussienſium, atq; Liunionſium Crucigerorum, Hungarorumq;, & Germanorum, cum Lituanis aduersus Polonos confirmarent.

His cognitis Poloni nemine iubente, quasi sublati signis, armata manu apud Turagoram insederunt, pro patriæ tranquillitate & honore ad extremum Oceanū Germanicum, decernere parati. Iam legati cum diademate Prussiz appropinquabāt, per quam profecturi erant, cum didicerunt à Polonis vias obsideri, & non ausi periculo sese committere, cum duos menses frustra expectassent, ad Cæsarem in Hungariā reuersi sunt. Nec multo pōst Vitoldus voto frustratus ex angore animi, anno Domini *Vitoldus moritur.*  
1430. mense Septembri in Troki ciuitate spiritum exhalauit, cum octuagesimum annum excessisset.

*Vitoldi mo-  
res.*

Princeps impiger & vegeto ingenio, abstemius in omni vita nihil præter aquam bibere solitus, in victu temperas, temporis perparcus, ita ut supra mensam iudicaret, & responsa legatis daret. Cæterum in Venerem procliuior, confectò enim felicissimè bello semper solebat relictis copijs in hostico, domum transmutatis equis, ad uxorem otius præcurrere. In externos liberalis erat, suos verò metu magis quàm beneficio, in officio continebat. Statuta fuit mediocri, gracili corpore, radere barbam & genas solitus.

### SWIDRIGELO PRINCEPS

*Lituanie.*

*Poloni magnam Podoliam partem occupant.*

**I** Vstis Vitoldo, Vilnæ in arce persolutis, Iagielo rex Poloniæ, Swidrigelonem fratrem germanum, patruelem Vicoldi, hominem nihili, & ebriosum, summæ rerum apud Lituanos præfecit. Poloni verò primores, patriæ utilitati consulentes, re animaduersa Daugertum Palatinum Vilnensem, qui Podoliam Vitoldi nomine administrabat, rerum omnium adhuc ignarum, euocatum ad colloquium ceperunt, arcemq; Kameneciam, Smotriciam, Skalam, & Cernopigrodum occuparunt, & magnam partem Podoliæ facilè in potestatem suam redegerunt, ne in ditione Lituanorum deinceps esset. Vbi factum hoc rescivit Swidrigelo, homo violentus & in iracundiam præceps, beneficiorum regis fratris oblitus, in eum (tunc temporis exequias funebres Vitoldi celebrantem Vilnæ) freinere, maledictisq; lacessere, palamq; vincula & necem regi, Polonisq; qui cum eo aderat minitare, cæpit: ita ut Poloni, die nocteq;

*Iagielo rex cum Polonis in periculis.*

ſteq; circa regē excubare cogerentur. Rex verò ſiue quod ſibi metuebat, ſiue quod S W idrigelonis incrementis impēſius fauebat, Podoliam ei reſtituere aſſenſus eſt, eāq; de re Tarlonē in Podoliam cū literis & mādatis miſit, qui eam Michaëli Babe Rulſo, S W idrigelonis nomine recipiendam & obrinendam traderet. Andreas verò Tencinius, & Nicolaus Dreui-  
cius, iuuenes ex nobilitate Polonica, qui annulū ſignatorium habebant, amore patriæ ducti, litteras ad Michaëlem Buczadium, qui Cameneciam Podolia obtinebat, ſcripſerunt, regem extrema neceſſitate adactum, Podolia S W idrigeloni cedere, nunciantes, ſed vt non modò, non parceret mandatis regijs, verùm Tarlonem & Babam pariter comprehenderet. Eas litteras quoniam palàm ferri nequibant (S W idrigelo enim omnes iter in Poloniam capſcentes excutiebat) cera obuoluerunt, & cōtexerunt, vt ſpeciem & ſimilitudinem cerei præ ſe ferrent. Tarloniq; legato dederunt, vt is cū primū Cameneciam veniſſet, cereum illum Buczacio redderet, atq; hæc verba adderet, vt ſi errare ille nollet, ex eo cereo vnà cum magiſtratu vrmano, lumē quereret. Quæ omnia Tarlo iuuenis omnium rerū ignarus, bona fide perfecit. Buczacious præfectus cereum acceptum reſtringit, litterasq; inuenit. Tarlonem legatum & Babam comprehendit, in arceſq; Podoliae intromiſſionem non admiſit. Poloni quoq; caſum regis ſui animaduertentes, exercitum ſine mora conſcripſerunt. S W idrigelo autem Polonos, arma parare ad vindicandum regem audiens, conſeſtim eum ſibi reconciliatum, auroq; & argento liberaliter donatum liberum dimiſit. Tandem S W idrigelo

*Lumen ex  
cereis quaeritur.*



*Valachi  
funduntur.*

exercitū in Podoliam duxit, cui Iagiello rex cum armatis copiis Polonorum, anno Domini 1431. ad diem S. Margaretae apud Luczkum ciuitatem occurrit, excursorijs pugnis vtrinque collatis, foedus ad purificationis diuæ Mariæ festum inierunt. Interea verò Palatinus Valachiae tributarius Polonorum, infestis armis in Poloniam descendit, cuius exercitum Poloni & Podoliani dissipatum, & per agros, syluasque pallantem, cruenta clade prostrauerunt. Postea rex Iagiello in S. Widrigelonem fratrem seditiosum, & ad sanam mentē redire nolentem, Lituanos concitauit, Sigismundumque patruelem, Vitoldi fratrem germanum, Starodubensem ducem, ad inuadendum principatum Lituaniae animauit. Statimque procures Lituaniae cognita voluntate regis, cum Sigismundo aduersus S. Widrigelonem ducem suum, ob nimiam crudelitatem conspirauerunt, in eumque apud Osmanam, tunc temporis agentem, impetum fecerunt, qui de insidijs à Ioanne Muniuido praemonitus, pernici fuga in Russiam euasit, ideoque postea adiunctis sibi Liunionensibus Crucigeris, Lituania vexauit.

### SIGISMUNDVS PRINCEPS

*Lituania.*

**A**Nno Domini 1432. Sigismundus Keystuti principis Lituaniae filius, dux Starodubensis, in Russia, regis Iagielonis patruelem, beneficentia & fauore Lituaniae procerum, expulso iusta de causa S. Widrigelone seditioso, rerum in Lituania potitur, & magno Ducatu solēniter in verba regis Iagielonis & procerum Poloniae, Lituaniaeque iurans inuestitur.

Ideo

Ideò tertio magni Ducatus Lituanię cum regno Polonia vnio, incorporatioq; celebrata est.

Eodem anno rex Polonia Iagiello, vltima mensis Maij vitam cum morte feliciter commutauit, cui Vladislaus filius in regno, anno Domini 1434. successit, qui postea rex Hungarię creatus est, quo ex Polonia in Hungariam, anno Domini 1440. ad suscipiendum regnum discedente, Czartorienſis dux Russus, Sigismundum magnum Ducem Lituanię, dolosè, perfidioseque necauit Troki. Atq; post hũc magnus Ducatus Lituanię ad secundo genitos regnum Polonia translatus est. Quapropter proceres Polonia cum ducibus Massouię Casimirum hæredem regni Polonia, cum ducibus Massouię Casimirum hæredem regni Polonia, Iagielonis regis filium, in magnum Ducatum Lituanię duxerunt, quem Lituani cum ingenti lætitia, susceptum, communibus suffragijs, summæ rerum apud se præfecerunt. Qui postea Vladislao fratri, anno Domini 1447. in regno successit. Magno verò Ducatu Lituanię Alexander filius eius ardentibus suffragijs Lituanorum, præpositus est.

*Iagiello rex  
moritur.*

*Sigismundus  
dux occiditur.*

*Casimirus  
magnus  
Dux Lituanie.*

## ALEXANDER PRINCEPS

*Lituania.*

Alexander Iagielonis nepos, Casimiri regis Polonia filius, magno Ducatu Lituanię potitus, apud Ioannem magnũ Ducẽ Moschouię, filiam Helenam, in matrimonium accepit, in sponsalibusque conclusum erat, vt templum Ruthenico ritu, in castro Vilnensi destinato loco, exedificaretur, ei que certæ matronæ, ac virgines eiusdem ritus iungeren-

*Moschus in  
Alexandri  
Lituaniam  
Ducem in-  
surgit.*

tur. Quæ cum aliquanto tempore negligerentur, sumit tocer causam belli contra Alexandrum, & triplici exercitu instructo, contra eum progreditur, primum, versus provinciam Seneram, in Meridiem, secundum verò, in Occidentem contra Toropiec & Biela instituit, tertium in medio, versus Drohobus & Smolensko collocat, ab ijs exercitum in subditis retinet, quo ei maximè, contra quem Lituanos pugnatos animadverteret, succurrere posset. Postquam autem ad fluuium quendam Wedratch, vterque exercitus conuenisset, Lituani duce Constantino Ostroski, maxima procerum, & nobilium frequentia septo, ex quibusdam captiuis, numerum hostium ac ducum quoque cum cognouissent, magnam spem profligandi hostem concipiunt, porro cum fluuiolus cōflictum impediret, ab vtrisque transitus seu vadum queritur. Primi autem Moschi aliquot superata ripa, Lituanos ad pugnam lacesunt, atque illi haud timidi resistunt, eosq; insequuntur, fugant, vltraque fluuiolum pellunt, mox vtrinque acies comittuntur, præliumq; atrox oritur. Interea dum vtrinque eodem ardore animorum, acriter certarent, exercitus Moschorum in insidijs collocatus, eo latere in medios hostes inducitur, Lituani metu perculsi dilabuntur. Imperator exercitus, vnà cum plerisque capitur, reliqui perterriti, castra hosti concedunt, se & arces Drohobus, Toropiec, & Biela pariter sese dediderunt: exercitus verò, qui Meridiem versus processerat, cui præerat Machmetin Tarrarus rex Cazanensis, fortè Bransko, ciuitatis præfectum comprehendit, Branskoque ciuitate potitur. Paulo post duo Germani fratres, Se-

ueria

*Lituani  
funduntur.*

*Arces à Mo-  
schis capiun-  
tur.*



ueriæ principes, Semercici dicti, alioqui ducibus Li- *Duces Seue-*  
 tuaniæ obediētes, imperio Moschorum principis *ria Moscho*  
 se tradunt. sic vnico conflictu, & eodem anno ade- *se dedunt.*  
 ptus erat Moschus, quæ Vitoldus magnus Dux Li-  
 tuaniæ multis annis, maximisque laboribus, obti-  
 nuerat. Porro Moschorum dux cum hisce captiuis  
 Lituanis crudelius egit, Constantinumque ducem  
 exercitus præfectum, crudelissimis vinculis, pollici-  
 tationibusque sollicitabat, vt relicto domino natu-  
 rali, sibi seruiret, qui cum aliam spem elabendi non  
 haberet, conditionem oblatam accepit, in verbaque  
 Moschorum principis iurauit. Et quamuis prædia,  
 possessionesque amplissimas, pro status sui cōditione  
 habebat attributas, à principeque summo amore pro-  
 sequeretur, tamen aliquot ibi annis exactis, nacta  
 occasione, per inuias syluas, in Lituaniam cum in-  
 gentibus thesauris profugit. Qui postea, anno Do-  
 mini 1514. cum exercitu Polonorum & Lituanorum  
 strenui militis, & imperatoris officium adimplens,  
 sub Sigismūdo rege Poloniæ, octuaginta millia Mo- *Octuaginta*  
 schorū strauit, prout superius, in gestis Sigismundi *in illa Mo-*  
 regis Poloniæ patet. Sed ad rem redeo. *schorū casa.*

Alexander magnus dux Lituanie, postea decedēte *Alexander*  
 Ioāne Alberto fratre, Poloniæ rex creatus, liberatio- *moritur.*  
 ne captiuorum, cōtentus cū socero Moschorū prin-  
 cipe Ioanne, ad sex annos fœdus iniit, anno Domini  
 1503. Postea anno Domini 1506. Vilnæ mortuus est,  
 ibidemque sepultus, ætatis suæ 45. annos habens. Præ-  
 fuit magno Ducatui Lituanie 14. annis, regnum Po-  
 loniæ 4. annis & 8. mētib. administrabat, huic in ma-  
 gno Ducatu Lituanie, & regno Poloniæ Sigismūds  
 frater Germanus, huius nominis primus successit.

*Noua Gubernationis*LIVONIAE FORMA, RE-  
CENS A STEPHANO REGE  
POLONIAE INSTITVTA, ANNO

M. D. LXXXIII.

STEPHANVS DEI GRATIA  
REX POLONIAE, MAGNVS DVX LI-  
*tuania, Russia, Prussia, Massonia, Samogitia, Li-  
uonia, Kijouia, Volhinia, Podlachiaq, nec  
non princeps Transyluania, &c.*

**S**ignificamus tenore praesentium, quibus expedit  
vniuersis, praesentibus & futuris harum notitiam  
habituris. Quia nos per Dei gratiam recuperata de  
potestate Moschi prouincia Liouonia, eius statui ac  
bono ordini prospicientes, ac defensionis & iustitiae  
rationem habentes, atq; exemplum in primis terra-  
rum Prussiae nos accommodantes, infra scriptas le-  
ges & constitutiones ei prouinciae, de consilio con-  
siliariorum nostrorum dandas, & promulgandas esse  
duximus, damusq; & promulgamus praesentibus.  
Iura tamen nostra regalia integra nobis in omnibus  
reseruando.

*Episcopus Vendenfis.*

In primis Deo optimo gratias pro victoria con-  
cessa agentes, ad eiusq; cultum actiones nostras re-  
ferentes, fundauimus episcopatum in eadem pro-  
uincia in locum archiepiscopatus, & episcopatum,  
qui fuerunt superioribus temporib. primum discor-  
dia in-

dia interna, deinde verò hostili gladio exterminati: cuius sedes Vendæ futura est. Vbi etiam canonicorum collegium instituimus, ac item per ciuitates, oppida, & villas nostras regales, parochias, & scholas ritus Catholici ereximus.

*De dissidentibus in Religione.*

Annuimus petitionibus prouincialium prouinciæ Liuoniæ, Rigæ & hîc ad nos factis, vt Augustanæ cõfessionis, quæ vnica post religionem Catholicam illam in prouinciã introducta erat, liberum vsum illis permittamus.

*Tres præsidatus in Liuonia.*

Prouinciã Liuoniã, quæ adhuc à nobis parta est, in tres diuidimus partes, tum iurisdicundi, tũ defensionis causa: quarũ prima erit Vendenfis, atq; id quicquid inter flumen Dunam, & Gouiam, & inde ad fines Moschouiæ versus Opoczka, supra Marienhausen situm est, ad præsidatũ Vendesem spectabit, inclusis etiam arcibus Marienhausen, Ludzen, & Rozythen: Derpatensis, quæ à flumine Gouia ad fines vsq; Moschouiæ extendetur, & versus Felinum Vilscher lacu terminabitur: Tertia Pernauiesis, quæ Felinum, Pernauiam, & cæteras arces, inter Gouiam flumen, & mare, & lacum Vilscher continebit.

*Præsides Liuonia.*

Quibus quidem in partibus singuli præsides Vendesis scilicet, Derpatensis & Pernauiesis præerunt eo iure & authoritate in illa prouincia, qua Palatini in Prussia sunt, cũ quibus etiam, necessitate expolcente, ad bellum mouere debebunt, postquam prædicti præsides à nobis, vel gubernatore Liuoniæ, vel locũ tenente, vel commissario nostro admoniti fuerint.



▪ *Succamerarij.*

Statuimus, vt in eadem prouincia tres itidem Succamerarij sint: Vendenſis, Derpatenſis, Pernauienſis, eadem authoritate & functione, qua Succamerarij ſunt in terris Pruffiæ. Ijdem finibus inter nobilitatem regundis præerunt.

*Vexilliferi.*

Tres itidem prædictæ Liuoniæ prouinciæ regiones, tres ſuos vexilliferos habebunt, ſubque ſignis à nobis illis attributis, neceſſitate expoſcente vt ſuprà ſcriptum eſt, dictæ prouinciæ nobiles & incolæ, ad bellum & deſenſionem progredientur.

*Iudicia terreſtria.*

Iudicia terreſtria in ſingulis præſidatibus, quotannis bis celebrentur, ita vt in præſidatu Vendenſi, prima iudicia feria tertia poſt Dominicam Quafi modo geniti: ſecunda, feria tertia poſt Lamperti in Pernauienſi, duabus poſt hebdomadibus. In Derpatenſi duabus poſt alijs obſeruentur. Ex quibus quidem iudicijs terreſtribus appellationes ordinariæ fient ad conuentum Liuoniæ.

*Iudices, Scabini, & Notarij terreſtres, ac  
Tabelliones.*

Iudicia terreſtria iudicabuntur ab iudice. Iudex autē cuius præſidatui, ex quatuor à nobilitate propoſitis, vnus per nos assignari debet, cui aſſidebunt ſex ſcabini, ex duodecim à nobilitate propoſitis à nobis deſignati. Notarium verò terreſtrem ex quatuor à nobilitate electis, vnum itidem deſignabimus qui acta ac decreta iudicij terreſtris conſcribet & edet. Pro incidentibus verò paſſim neceſſitatibus publici tabelliones in conuentibus Liuoniæ modo inſcri-

frascripto habendis, qui fuerint testatæ probitatis ac fidei, ex conuentus illius sententia, creati poterunt.

*De appellatione.*

Vt autem friuolæ & temerariæ appellationes nonnihil cohibeantur, quisquis in iudicio terrestri ad conuentum appellauerit, octodecim marcas Rigēses in iudicium reponat. Et si appellans succubuerit, in vsum publicum iudicij in quo erant repositæ, cedant, alioquin parti restituantur.

*Iudicia Præsidium, & sanguinis, ac facti recentis.*

Nec præsides causas ad ius terrestris spectantes, nisi de consensu partium iudicent, & prouocantes ad iudicium terrestris remittant, exceptis causis leuioribus, quæ videlicet valorem triginta marcarum Rigensium, non excedant. hæc quidem sine strepitu iudicij, de simplici & plano ab eis componi possunt. In causis autem sanguinis, & facti recētis indilatam iustitiam ministrent, nec partes contendentes ad componendam amicè inter se controuersiam cogant, nec vllas pœnas exigant, nisi per iudicium decretas. Quarum pœnarum tertia pars iudicio terrestri, reliquæ duæ partes præsidi loci cedant.

*Præsides & Capitanei ceteriq; omnes iudicio terrestri subsint.*

Præsides & capitanei, ac quiuis incolæ Liunioniæ, siue Poloni, siue Lituani, aliq; omnes citati: tam in iudicio terrestri, quàm cōuentuum publicorum, respōdere sint obligati, exceptis obligationibus super bonis nostris regalibus emergentibus. Ciuitatibus etiam iudicia iuxta priuilegia ipsorum relinquimus.

*De Commissionibus.*

Vt autem temerariæ lites amputentur, commis-

farios siue iudices delegatos non deputabimus in causis ad iudicium terrestre spectantibus, & minus in eo iam pendentibus, nisi per rationē ordinariam, de qua infra dicetur, à sentētia definitiua, seu interlocutoria iam lata, ad nos remissæ fuerint, exceptis causis limitum bonorum nostrorum regalium & diuisionis fratrum, & proximorum. Nec iudices delegatos seu cōmissarios, à quibus semel appellatum est, in eadem causā denuo deputabimus, aut causam ad ipsos remitemus. Non enim verisimile aut honestum videtur, quòd iudex suam pristinam sententiam retractet aut aliter postea iudicet quàm antea iudicauerat.

*De Conuentibus publicis iudicialibus.*

Conuentus autem publici iudiciorum causā in Liuania Vendæ quotannis bis celebrentur, verno videlicet tempore, ad diem S. Stanislai: tempore autem autumnii ad diem S. Michaelis. ad prædictos conuentus publicos omnes causæ, tam ex ciuitatibus, quàm ex iudicijs terrestribus, per appellationem deuoluantur, ac etiam ex Feudis ducalibus. eæ verò appellationes cognoscentur, in dicto conuentu, ab episcopo, tribus præsidibus, capitaneo Vendensi, quæstore prouinciali, tribusque Succamerris, ciuitatumque, Rigensis duobus, Derpatensis vno, Pernauiensis vno, Vendenis vno, deputatis. Præsidebit verò gubernator Liuania, vel locum tenens, aut commissarius noster, à nobis pro tempore designandus, atque ibi omnes causæ finientur, sine vltiori prouocatione, exceptis causis amissionis



sionis hæreditatis bonorum, in quibus si quæ pars à conuentu se grauata putauerit, vtriusque partis allegationes diligenter conscribi, & ad nos obsignatæ sigillis omnium suprascriptorum per gubernatorem, aut locum tenentem, vel commissarium nostrum remitti debent, de quibus nos sententiam nostram itidem scripto nostro declarabimus: ac item exceptis causis famæ, in quibus hoc idem, nisi sint sanguinis & facti recentis, obseruari volumus. Decreta verò prædicta conuentionalia, à notario terrestri Vendeni conscribentur, sub sigilloque eiusdem terræ edentur.

*De iure municipali Lioonico.*

Tam in iudicijs terrestribus, quàm conuentionalibus, iustitia administrabitur ex præscripto iuris prouincialis in Lioonia recepti, cuius quidem iuris municipalis exemplum prouinciales ad nos mittere debent intra quadrimestre, vt à nobis recognoscatur, & authoritate nostra publicetur. Præteritas omnes iniurias facti inter priuatos perpetua oblivione delendas censemus. De causis autem pecuniarum creditarum, & bonorum ademptorum, inter se iure experiri poterunt. Neq; tamen ab ijs qui tempore belli vsuras in bonis suis inscripserunt exigere debent. In posterum autem non nisi mediocres inscribi & accipi poterunt.

*Conuentus necessitatis publica causa.*

Quando opus fuerit cōuentu pro necessitate publica, quæ nos & successores nostri, arbitrio nostro, loco & die, quo nobis videbitur, indicemus, prius in singulis præsidatibus, Venden. Derpaten. Pernauien.

fiat nobilitatis cōuentio particularis, quam præfides in suis præsidatibus ad aliquē locum conuenientem literis suis de mandato nostro conuocent, vt nuncij ad huiusmodi conuentum eligantur. qui autem vocatus non comparuerit, pœnam sex marcarum Rigensium pendet, cuius medietas præsidij, altera verò fisco Liuonico proueniat. Mittent etiam ad eundem conuentum nuncios duos ciuitas Rigensis, vnum Derpatensis, vnum Pernauien. vnum Venden. ac item Curlandiæ dux, cuius nuncio locus dignus ac conueniens in confesso, attribui debet.

*De executione rei iudicatæ.*

At quum frustra sententiæ ferantur, nisi legitime executioni demandentur, volumus, & irrefragabili constitutione sancimus, vt deinceps vnusquisq; cuiusvis conditionis aut eminentiæ fuerit, rei iudicatæ sine omni contradictione cum effectu pareat, & obsequatur, alioqui locorum præfides nullo alio à nobis mādato expectato, legitimam executionem faciant, adiuncto sibi, vbi causæ conditio id postulauerit capitaneo, & nobilibus illius districtus, aut etiam, si necessitas exegerit, omnibus & singulis vassallis nostris seu nobilibus illius præsidatus, quos ad assistendum illi subiurandi debito & amissione bonorum obligatos esse decernimus. Si verò maiori potentia sit opus, negocium ad nos referri volumus, vt opportunitis rationibus rebus prouideamus. Præfides similiter ad huiusmodi executiones faciendas, iustitiāque oppressis ministrandam iurandum nobis præstitum adigat, quos etiam, si remissiores fuerint, quinquaginta florenorū Vngaricalium pœna plecti volumus, cuius mulctæ medietas patri,

cui

cui iustitia denegata est, altera verò medietas fisco cedat. Vbi autem quis executioni voluerit resistere, aut iam factam violare conuictus fuerit, pœna banni siue proscriptionis, ac bonorum confiscatione, irremissibiliter puniatur. Ex quibus bonis parti læsæ primum satisfiat, quod reliquum fuerit, prædicto fisco applicetur.

*De violentijs ac vijs publicis.*

Statuimus præterea, vt nullus capitaneus, nobilis, ciuis, aut quiuis alius, cuiuscunq; conditionis existat, qui personis, castris, domibus, aut possessionibus alicuius vllam violentiam inferre, incursiones facere, in publicis stratis insidias ponere præsumat. super his conuictus, capitali pœna puniatur.

*De captinatione, criminibus ac contractibus.*

Et cum aliquis nobilis decreto publici conuentus, iudicio præsidum aut terrestri capitur, quod sub certis pœnis in potestatem aut carcerem ciuilem non tradatur, sed in manus præsidum. Si quis autem in ciuitate, vbi nulla arx est capitur, & autoritate conuentus præsidis, aut iudicij in carcerem ciuilem conijcitur, in potestate eorundem & non ciuitatis permaneat. Fideiussoria autem cautione à carcere huiusmodi liberetur, nisi causa fuerit criminalis, & vt sub pœna viginti florenorum Vngaricalium, quorum medietas præsidi, altera parti læsæ cedat, absque vlla remissione persoluenda, nobiles & eorum subditi, autoritate seu potestate ciuili non capiantur, detineantur, aut arestentur, nec nobiles autoritate propria capient, aut detineant ciues vel eorum subditos, sed vnusquisque coram iudice suo



ordinario conueniatur, & iustitiam requirat, nisi in casibus recentibus, & actionibus criminalibus. nam delinquens in loco delicti deprehensus, & contrahens de contractu recenti, in loco contractus poterit conueniri.

*De fluminibus.*

Præterea ne in fluminibus terrarum nostrarum Liouonię quibuscunq; ab antiquo nauigabilibus obstacula niant, vt tam piscibus, quàm nauibus, & lignis liber transitus permittatur, bonis ac iuribus nostris regalibus, & quorumcunque priuilegijs antiquis, & præscripta consuetudine saluis.

*De bonis terrestribus ciuium, & nobilium ciuilibus.*

Ciuiibus bona terrestria, & nobilibus ciuilia bona liberum sit deinceps emere: ita tamen, quod ad paria onera vtrinque ferenda sint obligati. Quod scilicet ciues ratione bonorum terrestrium omnia nobilitatis onera, & nobiles ratione ciuiliū bonorum omnia ciuilia onera, æquis passibus ferant, & eidem iuri sub sint.

*De Prædonibus.*

Statuimus, vt præfides & capitanei, quisq; in suo præsidatu, & capitaneatu diligenter fines terrarum obseruent, ne prædones & grassatores ingrediendo impune grassentur.

*Rustici arma non ferant.*

Et præterea ne rustici cum bombardis, cuspidibus, lanceis, gladijs aut similibus armis, publicè aut priuatim incedant atq; ea deferant, nisi ad venatio-

nationem, aut publicam pacem tuendam, à dominis & potestatibus suis euocati fuerint. Scultetis etiam exceptis, quibus ob publicam functionem, armatos esse liceat.

*De mercimonijs, & rusticis.*

Ne etiam mercatores & praesertim peregrini siue exotici homines, in nobilitatis ac ciuitatum iniuriam, merces in villis ac pagis clàm & publicè coërnere, & negotiationes exercere audeant, auctoritate nostra regia firmiter prohibemus. Statuentes vt deinceps subditi dominorum merces & res suas vendibiles in ciuitatem ducant, & in foro publico venales exhibeant. Cum verò suprà actis temporibus, plebem rusticam miris modis pressam in Liuania fuisse audiamus eam ad tolerabilem statum reducendam, eiusque rei rationes aliquas in conuentu prouinciali ineundas censemus, ad quã nos quoque auctoritatem nostram, & ordinationem, communicato cum prouincialibus in eodem conuentu consilio, abhibebimus.

*De mercimonijs Moschouiticis.*

Mandamus locum tenenti nostro, praesidibus, capitaneis ac alijs prouinciae ac ciuitatum magistratibus, vt merces omnes Moschouiticas, Plelcouia, & aliunde perditiones nostras, Rigam, aut Pernauiam, quo ad diuersum aliquid pro ratione temporis statuerimus, dirigant. Riga verò & Pernauia trans mare, tum in Lituaniam Poloniamque necijs mercimonijs vti, nisi subiectos nobis patiantur sub graui animaduersione.

*De constitutionibus in posterum faciendis  
aut emendandis.*

Siquid postea de statu Liunionæ, eiusq; bono ordine statuendum sit, aut in superscriptis constitutionibus emendandum, mutandum, addendum, id prout res ac necessitas tempusq; exigit, matura ac bona deliberatione faciemus. Quæ omnia & singula vt suprâ scripta sunt sancimus ac decernimus robur debitæ firmitatis habere debere, ac ab omnibus in eadem prouincia obseruari, ab ijs verò quorum interest manu teneri, & exequi. Harum quibus sigillum nostrum appressum est, testimonio literarum. Actum & datum Varsoviæ, die quarta Decembris correctionis. Anno M.D. LXXXII. Regni nostri, anno septimo.

Per manus illustris, & magnifici Ioannis de Zamosczie, regni nostri supremi Cancellarij, & exercituum regni generalis. Cracouiensisque ac Marienburg. Miedzyrzecen. Knyschynen. Krzeszouiensis, &c. Capitanei. Sincerè  
nobis dilecti.



STEPHA-





STEPHANI POLONIÆ  
REGIS LITERÆ AD ORDINE  
NES REGNI POLONICI, DE

*rebus à se in bello aduersus Mo-  
schos superiori astate  
gestis.*

Anno 1580. Die 6. Septembr. ad  
Vielikolukum scriptæ.



STEPHANVS Dei gratia rex  
Polonia, magnus Dux Lituania,  
Rusſia, Pruſſia, Samogitia, Liuo-  
niaq; Transyluania princeps. Re-  
uerendiſſ. Reuerendis, Magnificis,

Nobilibus, Famatis, Archiepiſcopis, Epiſcopis,  
Palatinis, Caſtellanis, Regni noſtri Senatoribus:  
præterea cuiusuis ordinis ſubditis noſtris ſincerè  
fidelibus nobis dilectis Gratiã noſtram Regiam.  
Reuerendiſſimi, Reuerendi, Magnifici, Genero-  
ſi, Nobiles, Famati, ſincerè fideles nobis dilecti.

Notum facimus, quàm libenter & decreta communibus Reipublicæ comitijs geramus, & de rebus à nobis gestis, Sinc. & Fidel. vestras faciamus certiores.

Cum superioribus proximis Reipublicæ comitijs placuisset bellum contra Moschoniæ ducem susceptum continuari: nihil prætermisimus, quod posset ad illud rectè atque ordine administrandum, & in primis ad exercitus cum veteres retinendos, tum novos conscribendos pertinere, quibus omnibus postquam, ut ad Ciusniciam (quo loco nos, & Ruffiæ, contra iniurias Moschi, præsidio esse posse, & ad primarias alias atque alias arces hostiles, per opportunos aditus habituros intelligebamus) certo die convenirent, edixissemus: Nos Vilna profecti, eodem ad octavum Iulij mensis diem peruenimus, ac in primis frequentiore & Senatorum nostrorum & hominum militarium conuentu, de belli administratione & quò potissimum arma in hostem inferremus, ad concilium nostrum retulimus. in quo, etsi variæ initio dictæ sententiæ fuissent: eò tamen descensum postea est, ut Vielikolukum nobis cum exercitu ante omnia mouendum, eamque arcem omni conatu oppugnandam conclusermus:

mus: secuti quàm maximè cum ipsam seriem & quasi tenorem gerendarum rerum, qui nos ex locis anno superiore proximo expugnatis, re recentibus, Vielikolukum vocare & ducere visus est, tum Russiae defensionem, quam uniuersam, eo loci cum exercitu progressi, nos ab hostili vitueri posse intelligebamus.

Præterea Lucensis arcis situ, fama, ditionis amplitudine, ubertate (qua exercitus nostri sine ditionum nostrarum detrimento aliac sustineri possent) opportunitate denique ad signa nostra penitus in hostilia loca inferenda, hostemque ad aliquam prælij dimicationem eliciendum, ceteraque deiniceps ex Vielikoluko facilius promissiisque administranda adducti.

Habito igitur exercitus nostri delectu, ex agro Ciusniciensi, Vitepscium profecti sumus: quo in itinere cum arces duas hostiles (Vielepscium unam, in Dunæ ripa Vitepscio ex superiore fluminis loco oppositam: atque alteram Vsuiatum, quæ ad amnem cognominem in Dunam fluium illabentem, & propius Lakum versus ferentem, sita est) exclusuras nos tormentorum & commeatus ad exercitus nostros supportandi commoditate accepissemus, & cætero cum studium nobis esset Du-



nam flumen magis magisque ab hoste in potestatem nostram vindicare: quò res maiore celeritate conficeretur, magnificum Ioannem de Samaysczie Regni nostri Cancellarium, & cum ijs copijs, quas hoc in bellum nobis adduxit, & alijs additis, Vielescium oppugnandi caussa præmisimus. quæ ex arce cum vnius diei oppugnatione præsidium hostile feliciter deiecisset, nos ea potiti (præmissa primo agmine Lituanicarum copiarum parte) Vsiatum cum exercitu accessimus, locumque munitionibus oppugnandi caussa iam actis, metu potius admoto quàm vi adhibita, deditione cepimus.

Inde contractis in itinere copijs omnibus, quas duarum istarum arcium oppugnatio diuiserat, mouimus, & superata locorum inde ab Ciusnicia incredibili vastitudine itinere (summo cum labore militum ac ingenti difficultate, quæ Vsiatum, quæ Vielescium exercitus inêre, & per assiduas densissimâsque sylvas) factò, Vielikolukum progressi, ad arcem vigesima sexta mensis Augusti die castra metati sumus. quæ in castra cùm id temporis ab magno Moschouie duce legati ad nos venissent, nulla interposita mora eos audiui-

mus.  
Verùm cùm à nobis, contra omnes nostras re-  
rum

rum gerendarum rationes, contráque dignitatem nostram, postularent, ut nos in Lituaniam cum exercitu referremus, negaréntque, nisi id ante omnia fecissemus, se per Principis sui mandata quidquam de ista legationis caussa dicere posse: nos repudiata & postulationis indignitate & insidiosa tergiversatione, non cessandum rati, eundē Iohannem de Samoysczie Cancellarium cum copijs suis atratis, cæterisque, quas ad Vielescium habuerat, tum omni nostro peditatu Polonico atque Vngarico, trans flumen propius arcem castra alia facere, atque ibi curare iussimus: illáque ex parte nulla moramunitionibus, quibus visum est locis, actis, & quo oportebat perductis: ipsis Kalendis Septembris oppugnationem maiore apparatu ac conatu suscepimus, nihilque aut lenitatis aut terroris pratermisimus, aut oppugnationis non adhibuimus, quò integra arce potiremur.

Verum cum & prædiariorum summa esset loci retinendi pertinacia, & ultima sibi expectanda coniurassent, & arx (non modo loci natura in edito, planissimis circum locis, partim intra fluminis Louatij, partim intra lacuum complexus sita: nec tantummodo consuetis antehac Moschis parietum densissimorum contignationibus firma: sed aggere etiam densissimo ac latissimo &

cesspitem extrinsecus obducto: tum, quàm flumen aut lacus non ambiunt, fossa maiore munitissima) omnino Polociam omni genere firmitatis superaret: adhuc praesidium validum, & Polociae aliarumque arcium propugnatione (è quibus à nobis annos superiore impetrata salute discesserant) exercitatum inesset, ut omnino sine maiore militum nostrorum interitu ac diuturniore obsidione, si in instituto permaneremus, expugnari non posse videretur: necessario res nobis incendio experienda fuit, quod cum magna militum nostrorum virtute & discrimine, primum ex Vngarorum peditum munitionibus illatum & hoste incredibilem in modum restingente, saepius per triduum repetitum atque diutius altum esset, ut deinde ex altera etiam parte per militem Polonicum & atratas illas cohortes (aggere ad propugnaculum maius ad ligneas usque substructiones suffosso) nocte ante quintam Septembris diem maius conflaretur: praesidium vero, quoad igni iam temperari nullo modo posset, ab obstinatione hostili non discederet: factum est, ut & arcem flamma, & quicquid propè hominum in arce fuit, (per militarem iracundiam hostili illa pertinacia, & acceptis in oppugnatione incommodis, & eorum, qui Polocia ac ceteris ex arcibus iam antea occupatis



patis impunè dimissi fuerant, hoc in loco ad hostilia reditu irritatam) quinta istius mensis die prima luce deleuerit.

Dum hac in oppugnatione versati sumus, Oratores magni Moschonia Ducis iterum apud nos dicendi potestatem sibi fieri petiverunt: qua impetrata, cum ea exponerèt, quæ honestè nobis & Reip. paci, & sarcienti incommotis, quæ ab eo hoste accepta sunt, minimè satisfacerent, leuioræque omnia, quàm nostra dignitas & iura Reipub. paterentur, proponerent: ostendimus nos ad istiusmodi descendere nō posse, cūque illi alia mandata se hoc tempore non habere dixissent, & à nobis peterent, ut dare ad magnum suum Ducem Moschonia literas liceret, quibus eum de nostra voluntate atq; conditionibus redderent certiolem: ne quid prætermisissè videremur, quod ad spem iustæ honestæq; pacificationis facere posset, & nostras dedimus ad Moschum literas & oratores dare suas permisimus: ad quas cū responderit, quæ voluntate sit, certius fortasse cognoscemus. Nos hæc Sinc. & Fidel. vestras scire volumus.

Cumq; ea, quæ adhuc bene & feliciter gesta sunt, vni Deo, grata cum animi pietate, accepta referamus, parq; sit, ut illi beneuolenti & propitio & nos & omnes in Reipub. nostra (ad cuius hæc uti-

litatem & laudem in primis redundant) gratias  
 agamus: hortamur Sinc. & fidel. vestras, ad ea o-  
 mnia gratarum mentium studia, quæ supplica-  
 tionibus, alijsq; rebus, quoties bene gesta est Resp.  
 suscipi consueverunt.

Quemadmodum hæc res porro administran-  
 da, & hic locus nobis tuendus & retinendus sit,  
 de hoc pro tempore consilium capimus.

Quæ deinceps è Republ. geri à nobis hoc bello  
 poterunt, in ijs studium, consilium, curam, o-  
 peram omnem nostram libenter consumemus.  
 Bene valeant Sincer. & Fidel. vestra. Da-  
 tum ex castris nostris, ad arcem nostram Vie-  
 likolukum, die sexta mensis Septembris.

Anno Domini M. D. LXXX.

Regni nostri Quin-

to.

EX

EX LITERIS DECIMO  
OCTAVO OCTOBRIS, RE-  
GIOMONIE BORVSSIÆ  
DATIS.

**R**egem Poloni nacti sunt vir-  
tute, sapientia, eruditione,  
magnitudine animi, & artibus  
belli præstantem: iustitiæ aman-  
tem: cadibus, libidinibus & alijs  
flagitijs insensissimum. Jscùm ho-  
stem petiturus Vilnam veniret,  
proditorem ex Lituanicis ma-  
gnatibus quendam deprehensum,  
iudicio Lituanicorum & Polo-  
nicorum Senatorum damnatum,  
capitis pœna affecit. Vilna egres-  
sus in hostem, mirabilem DEI  
præsentiam & tutelam expertus  
est.



*Nam cum in Lituanici cuiusdam principis villa pernoctaturus esset, & is Regi exitium pulvere bombardico struxisset, eumque una cum edibus perdere cogitasset: fraudem nidor pulueris detexit: & Regem presenti periculo liberavit, & proditori meritas pœnas attulit. Cetera quæ consequuta sunt, malo te ex Regijs, quàm meis, cognoscere.*

*Unum addo de clade quorundam Polonorum. Cum victoriam Regis, præfectus Orsensis audisset, collecta suorum manu ad 2500. Schmolenciam usque excurrit. Hostes arbitantes integrum regium esse exercitum, non ausi sunt*  
con-

contra prodire. Interim Poloni,  
missa à Moschorum Principe au-  
xilia adoriuntur, fundūt, & præ-  
da magna potiti Orsam repetunt.  
Verum Moschi ex captivo, co-  
gnita nostrorum paucitate, inse-  
quuntur, & nihil tale timentes  
opprimunt, ita ut de toto exer-  
citu vix 500. cum Duci-  
bus fuga Orsam ela-  
psi sint.









POLONIAE, LI-  
TVANIAE, SAMOGI-  
TIAE, RVSSIAE, MASSOVIAE,  
PRVSSIAE, LIVONIAE, MOSCHO-  
uia, Tartaria, quæ generali vulgò Sarmatia Eu-  
ropæ nomine veniunt, Chorographicam descri-  
ptionem; tum verò Palatinatum, districtuum,  
ciuitatum, arciumq; singulis subiectarum,  
accuratam recensioem com-  
plectens.

*Sauromatia Europæ situs.*



AVROMATIA Europæ gentes,  
regionumq; quas complectitur si-  
tum descripturus, opere pretium me  
facturum, & rem non iniucundam  
Lectori existimaui: Si in primis Eu-  
ropæ, ipsius fines, quibus ab Asia &  
Africa determinatur, præponerem. Europa itaque  
pars mundi tertia, ab Europa Agenoris regis Libyæ  
& Syriæ filia denominationem traxit, cuius insigni

*Europa de-  
nominatio  
ab Europa  
Agenoris re-  
gis filia.*

*Europa ter-  
mini.*

*Quot mil-  
liaribus pa-  
teat Euro-  
pa.*

*Intellige hic  
milliaria  
Polonica si-  
ue Germa-  
nica, qua I-  
talica & E-  
Moschonica  
eorsdem cō-  
plectuntur.*

pulcritudine Iupiter (vt poëta fabulatur) captus, nul-  
lam aliam occasionem ad effectum insani amoris  
habens, in bouem niueum sese transfigurauit, in li-  
toreque maris viridifero, vbi virgines ceteræ cum  
Europa reginula ludebant, armentis bouum se inter-  
iunxit. Europa vitulum præ omnibus pulcerrimum  
videns tergo eius insedit, qui confestim in mare  
cum ea insiliens, in Cretam insulam, siue Candiā,  
dicitur eam transtulisse. Porro Europam ab Orientē  
Tanais fluuius celeberrimus disternit, à Meri-  
die mare Mediterraneum, à Septentrione Angli-  
cus siue Britannicus Oceanus, ab Occidente verò  
Oceano Atlantico finitur. Hæc pars mundi cæte-  
ris duabus, vtpote Asiæ & Africæ, minima est, sed ad  
habitandum habilior, conuenientiorque & mode-  
rator. nam neque calida torridave, nec etiam frigi-  
da nimis, ideo habitatoribus copiosior, frequen-  
tior, pleniorque est, exceptis regionibus septen-  
trionalibus Oceano glaciali contiguīs: quæ aliqua  
ex parte ob intensa frigora inhabitabiles sunt. Reli-  
gione quoque Christiana, moribus, & viuendi con-  
suetudine, incolarum, vrbiumque frequentia, & re-  
rum comestibilium fertilitate, cæliq; & aëris tem-  
perie, Asiæ & Africæ, quamuis longè amplioribus fa-  
cilè antepositur. Ducentis quadraginta quinque mil-  
liaribus Germanicis in latitudinem patet, à mari Æ-  
gæo siue Ionio ad Oceanum vsque Hybernicum. In  
longitudinem verò septingentis sexaginta milliari-  
bus extenditur, à Portugalia videlicet regno Hispa-  
niæ, ad Tanaim vsq; fluuium, qui Sarmatiam ab Asia  
disternit. Inchoatur autem Europa ab Oriente à  
fluuiio Tanai, à Meridie verò ab Ægæo mari Græciæ.

In

In hac parte orbis tertia, Sauromatia regio amplissima, multas nationes regnaque, eiusdem generis complectens (de qua nobis res agitur) sita est. Est *Sauromatia duplex.* autem duplex Sauromatia, vna Scythica siue Asiatica, in vltiori orientaliue ripa Tanais & Volgæ fluuiorum, quam incolunt Tartari siue Scythæ Za Wolhenses, & plures alij in Hordas, id est tribus certas diuisi. Altera Europæa Sauromatia dicitur: cuius coloni sunt Poloni, Russi siue Rutheni, Lituani, Massouitæ, Pruteni, Pomerani, Liiones, Moschouitæ, Gothi, Alani, Walachi, & Tartari qui in hac ripa Tanais fluuij occidentali, iuxta Pontum Euxinum degunt. Hanc ab Oriente Tanais fluuius, palusque Mæotis *Sauromatia Europæa* ab Asia dislimitat, ab Occidente verò Vistula, vel secundum quosdam Odera fluuius, à Meridie montibus Vngaricis *Beskid* gentiliter dictis terminatur, ab æquinoctio mari Germanico siue Sarmatico fines suos à Germania dirimit.

Ptolemæus verò libro 3. cap. 5. Sarmatiam Europæam, à Septentrione Oceano Sarmatico terminari scribit, iuxta sinum Venedicum, ad fines vsque Engoneland terræ incognitæ vltra Nortuegiæ regnū longè parentis. Ab Occasu Vistula fluuiio & parte Germaniæ, quæ est inter caput ipsius & montes Sarmatarum. A Meridie lazygis Metanastis, quæ est gens Hungarica, ab Oriente Isthmo eam ambiri refert, à Carcinito fluuiio per Bicen paludē, & latere paludis Meotidis, vsq; ad Tanais fluuium in prouincia Resanenfi Moschouitæ fontes habenti, hic autem fluuius Asiam Scythicam ab Europa dislimitat. Ab australi deinde plaga Sarmaticorum montium iugis ad Carpatum vsque montem, Tatri siue *Beskid* vulgò



appellatum, Sarmatia Europæa finitur, denique per Walachiam Moldauiamq; ad Borysthenis vsq; ostia, vbi in pontum ingenti aquarum colluie influit, & per littora ponti ad Carcinitum vsque fluuium ex montibus Circassorum Quinquemontarum defluentem extenditur Sarmatia Europæa, secundû Ptolemæi cosmographorum principis opinionem. Qui etiam hos fluuios ætate sua celebriores Sarmatiam præterfluere asserit. Vistulam qui & Vandalus, Istula siue Iustula varijs nominibus apud veteres enunciat, hic ex montibus Sarmaticis emergit, Silesiaq; & Polonia, Massouia, Prussia præterlapsis multis fluuijs exhaustis apud Gedanum Prussiæ emporium celeberrimum, in mare Sarmaticum siue Balticum exoneratur. Cronon quoque fluuius insignis in Russia non longè à Turow oppido ortus, Russiæ regiones & Lituaniæ ac Prussiæ percurrentes, post Vistulæ ostia ad Septentrionem reflectendo, in Germanicû quoque mare (quod Cronium inde fortè dicitur) influit, vulgò *Niemen* appellatur. Rubon quoq; fluuius, qui nunc *DzWina* vulgò, Latinis & Germanis *Duna* dicitur, in Russia Molchouia fontes suos habet, & magna parte Russiæ, Lituaniæ, & Liuoniæ præterlapsis in prædictum mare, à Riga Liuoniæ metropoli duobus miliaribus, amplissimis ostijs postquam centum triginta miliaria Polonici à fontibus suis emensus fuerit, ingreditur. Ternutis quoq; & Chersinus fluuij secundum Ptolemæum ex Ripheis montibus nascentes, in prædictum mare exonerari dicuntur, qui mihi *Narew* & *Bug* vulgò dici videntur. Præterea Sarmatia Europæa multos alios fluuios celeberrimos habet, vtpote Borysthenem *Neper* vulgò dictum,

*Celebriores  
fluuij Sar-  
matia Eu-  
ropææ.*

Etum, in Pontum Euxinum influentem, Hypanin, qui hodie *Bog* (non Bug; qui Vistulæ commiscetur) dicitur, Tyran qui Dneſter propriè à *tirando* Italico verbo, quaſi ſagittando dictus. Horrida enim violentia aquas impellit. Insuper Viliam, Diſnam, Peripetum, Sluczam, Naruam in Liuonia, & alios complures nauigabiles fluuios, quos recensere longum eſſet. Hoc itaq; in imperio Sarmatico, cuius modò limites ex Ptolemæo & noſtra propria experiētia deſcripſimus, rex Poloniae à maioribus ſuis belli vel pacis iure acquiſito retum potitur, & modernis temporibus Sarmatia Poloniae regis potentiffimi & inuictiffimi Monarchæ his finibus includitur.

A montibus Sarmaticis, & Tranſſyluaniae palatinati, ad Viſtulæ fontes, vbi incipit ducatus Teſſinenſis, inde per Sileſiam ad Oderam fluuium, & vſq; ad Marchiam Brandeburgenſem, ac Francfordiam, per Pomeraniam quoque longo tractu ad littus Oceani Germanici, ſinumq; Codanum ſiue Balticum, per latus demum ſeptentrionale per Samogitiam, Curlandiam, Liuoniaeque ampliffimum dominium, ad Phinladiam vſq; vltimam ferè orbis regionem Suecorum regi ſubiectam, Orientem verſus per multas regiones Ruſſiæ ad Moſchorum principis imperium vſque extenditur. A Germanico verbo Oceano ad Alexandri Macedoniſ aras per campeſtria deſerta ad paludes Mæotidis longiffimo tractu vltra Boryſthenem procedendo, deinde à Ponto Euxino per campos Podoliēſes, & per Moldauos ac Walachos redeundo Iazygis Metanaſtis vel Tranſſyluanis & Hungaris, montibusq; qui hodie Scephuſienſes dicuntur, à Meridie imperium monarchæ Poloniae diſiungitur.

*Sauroma-  
tia Græcis  
denomina-  
tur.*

Dicta est autem Sauromatia Græcis, similitudine sumpta ab hominibus viperinos oculos habentibus, terribilibus scilicet & crudelibus: nam *σαῦρος* Græcis viperam, *ὄμμα* verò oculum sonat. Atque nunc in primis de Polonis præcipua gente Sauromatica dicendum nobis occurrit.

*DEDUCTIO ET ORIGO ANTI-  
qua bellicosæq; gentis Sauromaticæ, ex qua  
Poloni ortum genusq; suum  
ducunt.*

**D**Educationem originemq; Polonorum ac regum, eorundem gesta secundum ordinem descripturus; paucis obiter Lectorem admonendum volo, ne quid me in principio rei de Polonis dicturum sigillatim existimet: consequens enim est, ut antiquissimæ gentis Sauromaticæ siue Sclauonicæ originem, & mores priscos, altius in primis inuestigaremus, quod pro rei ipsius faciliori intellectu fortasse utilius erit. Liquet aperte ex scripturis sacris veteris legis, ad quod etiam omnium historicorum consentiens opinio est: Iaphet filium natu maximum Nohæ, post illud totius mundi diluuium, Orientem & Septentrionem versus in Europa & in Asia minori primùm confedissee, illicq; cooperante diuina voluntate in maximam gentem excreuisse, quod ei cum etymon nominis dilationem significantis, tum fausta Nohæ parentis imprecatio portendebant. Sic etiam Nohæ ille patriarcha præfigurans necessariè futuram esse trinam conditionem vitæ humanæ, filiis suis dixisse, singulisque singula officia administranda iniunxisse & demãdasse fertur, ut unusquisque

*Iaphet No-  
ha Patriar-  
cha filius &  
bis confede-  
rit post di-  
luuium.*

*Etymon Iapheti.*

*Nohæ filijs  
singulis sin-  
gula munia  
obcũda de-  
mandat.*



quisque suæ vocationi prædefinitæ corresponderet  
 in hæc verba : Tu Sem, ora velut sacerdos, munus *Ora, labora,*  
 diuinum obiens: tu Cham, labora agros colens, & *rege, prote-*  
 artes mechanicas exercens: tu Iaphet, rege & pro-<sup>ge.</sup>  
 tege velut rex & miles arma exerce, cæterosque cer-  
 tis propositis legibus in officio retine. Quod man-  
 datum & testamentum Nohe hæc vsque in tempo-  
 ra durare videmus: vnaquæque etenim natio ex il-  
 lis filiis eius propagata, suam vocationem ex qua-  
 dam prædestinatione, & paterna imprecatione ex-  
 ercet. Posteritas igitur Iapheti, cum maiorem or-  
 bis terrarum partem in Europa Asiaque minore oc-  
 cupauerat, testamento patris sui, & fausta imprecac-  
 tioni Nohe patriarchæ correspondentes, statim ad *Iapheti pa-*  
 arma exercenda animum adiecerunt, & in numero-  
 sam gentem temporis successu sub duce Gomero *Gomer Ia-*  
 Iapheti filio in orientali, vbi Armenia, & septen-  
 trionali plaga excreuerunt, ad Bosphorumque Ma-  
 otidipaludi proximum, qui nunc Cimmerius dici-  
 tur, & ad fontes ostiaque Tanais longo tractu sedes  
 suas habuerunt. Postea potestatem & prælaturam,  
 sub qua cæteri regantur, necessariam esse conside-  
 rantes ad Tuisconem siue Ascenam Gomeri filium  
 imperium detulerunt, qui Beroso teste latissimè à  
 fontibus Tanais ad Rhenum vsque fluvium Ger-  
 mania imperauit. Hunc Tuisconem prædictus *Tuiscones*  
 Berosus historiographus Germanorum omnium, *Gomeri fi-*  
 Sauromatarumque pariter conditorem esse asse-  
 rit. quo testimonio satis rectè probaretur Sarma-  
 tas siue Slaus cum Germanis vnum esse, cum ab *Berosi testi-*  
 eodem autore & propagatore processerint. Cran-  
 tzius quoque ratiocinatur Polonos Bohemosque  
 monium.

*Crantzij opinio.*

Germanis congeneros esse, eò quòd frequens Germanicæ linguæ apud hos populos vsus fuerit, & vestibus Germanicis multi eorum vtantur. Qua ratione quoque probaretur eos Latinos, vel Italos, Hungarosq; esse: nam hæ quoque linguæ, idemq; habitus apud Polonos nunc ex magna parte in vsu esse cæperunt, & Latina lingua omnes ferè nationes vincunt. Non rectè igitur Crantzius hîc ratiocinari videtur, si enim Slaui vel Sauromatæ ex Germanis oriundi essent, eademq; cum eis antiquitus lingua vterentur, vnde igitur Sarmaticæ siue Slauonicæ linguæ apud Sarmatas vsus ortus esset? qua hæ gentes passim & vulgariter vtpote innata vtuntur, habitu quoque, moribus, & vitæ consuetudine Sarmatæ à Germanis

*Plinij de Sarmatis assertio.*

penitus diuersi sunt, quod etiam Plinius approbat, dicens: Sarmatæ quidem certè Germani nō sunt, sed ab ijs Vandalo siue Vistula fluuiio ad ortum Solis vergentes dirimuntur, cui sententiæ probati antiquitatis indagatores Cornelius Tacitus, Strabo, & Ptolemæus adstipulantur. Sed ad rem vnde digressus sum redeo. Illa posteritas Iapheti impigra, strenua, manuq; prompta & bellicosa extitit, quod res ipsæ ab illis strenuè audacissimeq; gestæ abunde testantur, toto enim orbi terrarum tunc temporis terrori dicuntur esse, vnde à Græcis Sauromatæ in primis appellati sunt, deducto nomine à σαῦρος, quòd est vipera, &

*Sauromatæ vnde dicti.*

ὄφρυς oculus, quasi dicas gens terribilis cum viperinis oculis. Ab hoc itaque tempore hæc gens regionesq; eorum, quas incolunt, Sauromatiæ nomen retinent. Hi postea tempore succedēte, & indies magis ac magis numero populi accrescente, videntes illas sedes patrias propter se progeniemq; paulò arctiores esse, à

se, à Tanais fluuij ostijs & paludibus Mæotidis Meridiem versus vltcrius processerunt, per regionesque propinquas, Daciam, Russiam, Lituaniam, Borussiam, quæ nunc Prussia dicitur, Limoniamq; longè & latè diffusi sunt. Quorum maior pars in has prouincias campestres, quæ hodie à Polonis coluntur, commigravit, fluuijque Vistula (quæ antiquis Vandalus dicebatur) vtraq; ripas occupauerunt, & statim cum antiqua gente Teutonum, quæ etiam ad Vistulam fluuium in tuguriolis antiquitus degebat, societatem atque amicitiam velut aduenæ contraxerunt, propter communem prædam & rapinas, cum adhuc minimè assueti essent sudore proprio vel agricultura, artificijsque, victum acquirere. Manu itaque coniuncta frequentes irruptiones in Prussiam, Saxoniam & Pomeraniam exercebant, prouinciasque maritimas assiduis excursionibus diuexabant, & mare Balticum siue Germanicum propter res sibi necessarias acquirendas piratarum more remigijs tentabant. Quando verò & qua occasione hæc migratio Sauromatarum à fontibus ostijsque Tanais fluuij & paludibus Mæotidis in has regiones contigerit, quoniam nulla gentis ab eo tempore monumenta extant, ex quibus id cōstare possit, ignotum est. Si enim literarum cultura æquè ac res militaris apud Sauromatas tunc tēporis floruiſſet, certiora de suo in hæc loca aduentu, alijsq; rebus præclarè gestis monumenta reliquissent, sed ipsi animosè viriliterque agere, & bella exercere, quàm eleganter & ornatè scribere maluerunt. Sabellicus tamen & Herodotus scribunt Sauromatas & Cymbros à Lydorum rege Aliate ex Asia eiectos esse. Quidam etiam opinantur eos vi à

*Sarmatarū  
prima com-  
migratio.*

*Sarmata ad  
Vistulā flu-  
uium vene-  
rūt, & cum  
Teutonibus  
amicitiam  
contraxe-  
runt.*

*Sauroma-  
ta olim lite-  
rarum igna-  
ri, bellis ar-  
mīsq; assi-  
duè studen-  
tes.*



*Sabellici & Herodori de Sarmatis opinio.* Gothi expulsi sedibus patrij emigrasse, quod verum simile non videtur, sed potius suapte sponte, ac voluntate, siue fato quodam impulsos, siue opū alienarum cupiditate accensos, cultiora loca appetisse eos existimaui. Neque verò soli Sauromatæ, sed & aliæ quædam gentes ipsis contermina sedibus patrijs relictis, in alias terras cultiores migrantes transierunt, inter hos Cimmerij siue Cimbri, Gothæ, Daci, Sueui siue Tuiscones, & Sacæ qui nunc Saxones dicuntur.

*Causa aduersus in hac loca Sarmatarum.*

Hi etiam in hac vsque tempora Sarmatis sunt contermini. Neq; verò vniuersam gentem illinc sese simul effudisse constat, sed remansisse nonnullos, qui relicta ab alijs loca colerent, quod moderni incolæ istius oræ, iuxta Tanaim fluuium degentes, apertè testantur, utpote Tartari Campestris, qui longo tractu iuxta Tanaim fluuiū & paludes Mæotidis, Pontumq; Euxinum viuunt. Hi enim à veteribus Sarmatis moribus & institutis haud dissimiles sunt. Sed ad rem redeo. Illi Sauromatæ qui ad Vistulam fluuium considerant, cum Teutonibus cōmilitonibus suis omnes prouincias circumiacentes & colonias suas frequentibus diuexationibus depopulatas ad nihilum redegerunt, & victum amplius acquirere non potuerūt; agros enim non colebant, sed paratis & raptis viuebant. Ideo sterilitate soli per ignauiam suam caussata, adiunctis sibi in societatem vicinis Teutonibus vltorius (inquirentes fertiliores prouincias) processerunt, quorum multitudo trecenta millia virorum excessisse fertur, & à fluuiio Vandalo; nunc Vistula dicto, quem accolebant Vandalia (Sarmatarum nomine abolito) appellati sunt. Primò itaque hi Vandalia populabundi in Pannoniam excurrerunt Constantini

*Sarmatarum cum Teutonibus à Vistula fluuiio, à qua Vandalia dicti sunt, in Pannoniam remigrasse.*

stantini Magni temporibus, eamque 40. annis (expulsis primis eius incolis) occupatam tenuerunt. Deinde Hungaricis historiographis testatibus à Gothis illinc eiectionis expulsi que sunt. Polonorum verò annales testantur Vandalitas ex Pannoniæ finibus eductos per Stillicum ducem suum in Italiam, quam armis vndiquaque crudeliter perualtarunt. Postea in Hispaniam cum eodem duce suo Stillico commigrarunt, ex Hispanijs verò per mare Herculeum nauigantes in Africam deueniunt, vbi annos ducentos in pace & abundantia omnium rerum peregerunt, Romanumque imperium navali & terrestri bello varijs excursionibus debilitarunt, ac ipsam Romanam sub Sixto Papa, vt quidam volunt, anno Christi 429. crudeliter vastauerunt. Tandem anno Domini 538. Iustinianus Imperator per ducem celeberrimum exercitus sui Belisarium, virum insignem, & rebus gestis clarum, eos ruento prelio profligauit, ex Africaque funditus exterminauit, rexque eorum Gili-merus captiuus Constantinopolim abductus est. Adiunctique nonnulli hoc prelio Belisarij, Vandalitas ad internecionem vsque gentis casus deletosque fuisse, sed id à vero esse alienum non vno argumento liquet. Et si enim vires eorum adeò fractæ attritæque essent, vt robur vetus & potentiam pristinam recuperare post nunquam potuerint, reliquæ tamen eorum ita fuga dispersæ sunt, vt quidam in Poloniam ad Vistulam fluiuium natale videlicet solum vnde ortum duxerant regressi, nonnulli in Græciam & Pannoniam, Germaniamque, nouis quærendis sedibus dilapsi sint. Horum reliquæ ultra Albim

*Vandalitas  
rum in Ita-  
liam Hispan-  
iamque eru-  
pserunt.*

*Vandalitas  
in Africa.  
Vandalitas  
Romam ce-  
perunt.*

*Vandalitas  
ex Africa  
pulsæ.*

*Vandalia  
ducatus.*

fluvium in Septentrionem sparsim habitantes Sla-  
uonico idiomate maiori ex parte vtuntur, & ducatus  
quem incolunt, confinis Prussia Vandalia nuncupa-  
tur, cuius dux, Prussia Polonorum feudalitatis titulum  
sibi vsurpat. Porro omnes Germani denominatione  
à Vandalis sumpta, omnes Sarmatas Slauonica lingua  
vtentes, *Wenden*, siue *Winden*, & *Vindis* promiscue

*Mare Vene-  
dicum.*

appellant, mareque quod Sarmatiam alluit, Venedi-  
cum vocant. Cetera horum Vandalicorum gesta bre-  
uitati consulens omitto, nihil etenim de eis scribitur,  
solūmodo barbara atrocitas & immanitas, qua cru-  
deliter in omnes sauebant, adhucque hodie in Lita-  
nijs catholica Ecclesia Romanæ canitur, à Vandalis  
libera nos Domine, &c. Post hos Vandalitas ex ijs-  
dem Sauomatia sedibus, alia à fluuio Tanai, & palu-

*Roxolani si-  
ue Rutheni  
gens Sarma-  
tica secūda.  
Volgari.  
Volga flu-  
uius.*

dibus Mæotidis gens crudelis, priori non dissimilis,  
ortum duxit, qui Roxolani siue Rossani, & Rutheni  
Russiq; cognominati sunt, Procopio historiographo  
id attestante. Volgari quoque siue Volhinij populi,  
ex ijsdem sedibus à Volga fluuio amplissimo cogno-  
minati, moribus & idiomate Slauonico cum Roxo-  
lanis concordantes ortum duxerunt. Volga autem  
fluuius celeberrimus (quem plurimi Tanaim esse fal-  
sa opinione ducti existimabant) Ptolemeo Rha, Tar-  
tari Edel dicitur, Moschouitaque certis limitibus  
cum Tartariis Campesribus determinat. Illi itaque

*Roxolani in  
Taurica.*

Roxolani siue Russi cum Volgaris ob similitudinem  
& vnitatem consuetudinis vitæ amicitiam & socie-  
tatem contraxerunt, coniunctisque viribus in Tau-  
rica regionem (quæ nunc à Tartariis Præcopensibus  
occupata est) penetrarunt, inibi que locum domicilio  
sibi delegerunt: quādiu illic degerint, vel quo tem-

pore



pore aduenerint, incertum est. nullus enim inter eos  
 inuentus erat, qui temporum rerumq; à se gestarum  
 vices literis mādando posterorum memoriā facto-  
 rumq; aternitati consuleret. Audientes tandem *Volgari Sau-*  
 discordiam pullulare inter principes Christianorum *romata cū*  
 in Græcia, quidam eorum cum duce suo Chrunno *Roxolanis*  
 Danubio traiecto, rectā in Thraciam populabundi *tres Cōstan-*  
 perrexerunt, vbi Imperatorem Constantinopolita- *tinopolita-*  
 num cum exercitu cruento prælio fuderunt, Nice- *nos Impera-*  
 phorum quoque & Michaëlem Curoplatum Impe- *tores occi-*  
 ratores ad Adrianopolim occiderunt. Tandem My- *derunt.*  
 sia vtraque occupata eam Volgariam à sui denomi- *Bulgaria.*  
 natione, quæ nunc Bulgaria dicitur, vocauerunt. Alij *Volinia.*  
 eorum Russiæ regionem occupauerunt, quam Wo- *Gentes Rus-*  
 liniam (quæ hucusq; hoc cognomen retinet) appel- *sia.*  
 lauerunt. Cæteri quoq; Podoliam, Lituaniam, Pod-  
 lasiam, Massouiamq; regiones occupauerunt. Hij  
 omnes loca semel occupata hæc vsque in tempora  
 non mutarunt, exceptis illis qui in Mysia confederāt.  
 Varijs autem nominibus ab historiographis appella-  
 bantur. Græci enim eos Sporios, id est disperfos, Sau- *Sarmatarū*  
 romatasq; id est crudeles, sumta à viperis similitu- *Roxolano-*  
 dine appellabant, cæteri eos Roxolanos, Besos, Gua- *rumq; Sa-*  
 dos, Bodinos, à fluuiio Borysthene, Bolgaros à Volga, *ria appella-*  
 Morauos à Moraua flumine, vel à Morato rege, An- *tiones.*  
 tos, Basnos, Carnios, Serbos, Rascios, à Russia, Dal-  
 matas, Slauos, Illyricos, Istrios ab Istro siue Danubio,  
 Bohemos à regione Boëmia, Polonos, à campestri  
 plana q; regione, vel à venatione. *Pole* enim, vena- *Poloni vna-*  
 tionem & planitiem Slauis significat, hæc q; gens *de dicti.*  
 planam ferè apertamq; regionem incolit, & appri-  
 me venandi studio tenetur. Hæ gentes Sarmatiæ vt

in plures diuerſasque prouincias diuiduntur, varijsq;  
nominibus appellantur, ſic etiam diuerſa variaque  
idiomata præ ſe ferunt, ſecundum terrarum & re-

*Varietas ſer-  
monis Sla-  
uorum.*

gionum diſtantias, quamuis omnes vnius gentis &  
idiomatis Slauonice fuerint: nam Moſchouita à Ru-  
thenſi aliquantulum, Rutheni quoque à Polonis &  
Maſſouitis, ſic etiam Bohemi, Croata, ab inuicem  
idiomatis expreſſione, accētibz & prolatione, ver-  
borumque inmutatione differunt, ita vt ſe ſe intelli-  
gere difficile poſſint, niſi mutuo familiaritatis uſu

*Cauſſa im-  
mutationis  
Slauiſmi  
idiomatis.*

alter alterius linguæ aſſuetus fuerit. Nam quia Sar-  
mata ſiue Slauiſmi, bellicoſi pugnaceſque extite-  
runt, pacem odio proſequentes, varias mundi partes  
peragrabant, & pro ſuo arbitrio occupabant, pere-  
grinorum quoque vocabulorum uſu idioma Slauiſmi

*Antiquitas  
Slauiſmi.*

nicum inmutant. Apparet autem ex antiquorum  
hithoriographorum ſcriptis, gentem Slauiſmi  
vel Slauiſmi in Paphlagonia regione Aſiæ mino-

*Hithoriogra-  
phorum opi-  
niones de  
Slauiſmi.*

ris, tempore belli Troianorum floruiſſe. Procopius  
etiam Cēſarienſis ante mille & quinquaginta annos  
de bello Gothico, Iuſtiniani Imperatoris temporibus  
ſcribens, mentionem quoque Slauiſmi facit.

Blondus verò, qui ante centum decemque annos hi-  
ſtoriam ab inclinatione Romani imperij conſcripſit,  
antiquiora Arcadij & Honorij tempora perſequens,  
Slauiſmi meminit. Iornandes autem Alanus in ſuis  
Chronicis dicit, id nomen Slauiſmi ſuo tempore  
nouum extitiſſe, idioma autem hoc, quo nunc Sla-  
uones vtuntur, antiquum fuiſſe. Scribitque hic Ior-

*Diuſi Gre-  
gorij de sla-  
uiſmi aſſertio.*

nandes & diuus Gregorius primus huius nominis  
Romanus pontifex, Slauiſmi ad iſtrum ſeu Danubium  
Septentrionem verſus habitaſſe, traiecto que Danu-

bio

bio Mysiam vtramque, Pannoniam, Macedoniam, Thraciam, Istriam, diuexasse, inter Drauumque & Saum flumina, in Illyrico & Dalmatia cōsedisse, eis regionibus Slauoniæ nomen indidisse, Romanumq; imperium penitus debilitasse.

Iidem Slaui ne Germaniæ quidem pepercerunt, ac ad eam amplitudinem peruenerunt, vt propè dimidiam Europæ & Asiæ partem teneant, etenim in ea natione connumerantur non solum ij qui Dalmatiam, Illyricum, Carpatum, & Hungariæ montana tenent, sed alia omnes orientales & septentrionales maximæ & fortissimæ gentes, quæcunque Sla- *Gentes Sla- uonica quã- ta & quot.* uonico idiomate vtūtur, vtpote Bulgari, Bosnæ, Serbij, Croatæ, Carnij, Rascianij, Dalmatæ, Istrij, (Burgundi iam Slauorum linguam amiserunt) Styrij, Poloni, Massouitæ, Pomerani, Lusatij, Podolij, Volinij, Rutheni, Moldaui, Moschouitæ latissimè imperantes, Cassubij, Vandali, Silesij, Morauj, Bohemi, &c. In *Slauorum termini.* omnibusque his prouincijs ab Oceano glaciali, qui vltra Moschorum principis ditiones longissimo tractu Septentrionem versus extenditur, ad mare vsq; Mediterraneum, & Adriaticum populi idiomatis Slauonici reperiuntur. Sic quoque à Ponto Euxino Moldaui, Valachiiq; & cæteræ Ruthenorum gentes ad mare vsque Germanicum colonias suas habent. Quamuis plurimi eorum patrium viuendi modum in peregrinos mores commutarint. Bul- *Slauorum cōmutatio, metamorphosisq.* gari enim, Bosnæ, Rascij, Dalmatæ, cum Turcis & Hungaris, Burgundi, Mysij, Pomerani & Silesij cum Germanis: Lituanj, Rutheni, Massouitæ cum Polonis: Istrij, Carniolani, Carinthij cum Italis sentiunt. Attamen omnes hi quamuis inter peregrinas



*Roxolanicū  
Mithridate  
Ponti rege  
bellabant.*

*Sarmatis  
nulla olim  
gens belli-  
cosior.*

gentes diffusi dispersique sunt, patrio idiomate Sla-  
uonico(diuerſo modo licet) vtuntur. Plurima & præ-  
clara geſta hi Sauromatæ exercébant, præcipuè verò  
cū Roxolani (quorum poſteri nunc Rutheni ſiue  
Ruſſi dicuntur) ſtrenuè cum Mithridate rege Par-  
thorum & Ponti belligeraret, qui has regiones, quas  
hodie Turca, poſſidebat. Cum Romanis quoque &  
cæteris finitimis regibus longas acies vario Marte  
tenuerunt, ſed quia gentiliter viuebant, literaſque  
ignorabant, ideo etiam præterita recordare, & anti-  
qua geſta ad poſteritatem tranſmittere flocci pen-  
debant. Porro qui diligentius rem ipſam considera-  
re velit, nullam gẽtem olim Sarmatis bellicoſiorem  
extitiſſe videbit : hi enim omnes miſerias bellicas,  
frigora, intemperſtates, & id genus alios caſus facile  
ſuſtinebant, & propter nomen æternum nulla ve-  
tuſtate aboliturum vitam flocci pendentes, mortis  
impauidi varijs periculis opponebant, de quorū in-  
ſigni fortitudine audaciq̃ animo Ouidius ille Na-  
ſo, è Roma ad Pontum in regnum Tauricæ relega-  
tus, pro ſingulari miraculo, Romanis proceribus  
ſcripſit in hæc verba, libr. 1. de Ponto, Elegia 2. ad  
Maximum :

*Hoſtibus in medijs interq̃ pericula verſor,  
Taquam cum patria pax ſit ademia mihi,  
Qui mortis ſæuo gement, vt vulnere cauſſas,  
Omnia vipereo ſpicula felle linunt.  
Hic eques inſtruetus perterrita mœnia luſtrat,  
More lupi clauſas circumeuntis oues.  
Teſta rigent fixis veluti vallata ſagittis,  
Portaq̃ vix firma ſummonet arma ſera.*

Ad eun-

Ad eundem Elegia tertia.

*Aut quid Sauromatae faciant, quid Iasgyes acres,  
Cultaq; Orestae Taurica terra deae.*

*Quaę aliae gentes ubi frigore constitit Ister,  
Dura meant celeri terga per amnis equo.*

*Maxima pars hominum nec te pulcerrima curat,  
Roma, nec Ausonij militis arma timet.*

*Dant illis animos arcus plenaq; pharetra,  
Quamq; libet longis cursibus aptus equus.*

*Quodq; sitim didicere diu tolerare famemq;  
Quodq; sequens nullas hostis habebit aquas.*

Idem ad Vestalem Eleg. 7. lib. 4.

*Ipse vides onerata ferox ut ducat Iasis  
Per medias Istri plaustra bubulcus aquas.*

*Aspicias & mitti sub aduncotoxica ferro,  
Ac telum causas mortis habere duas.*

Ad Seuerum Elegia 19.

*Nulla Getis toto gens est truculentior orbe,  
Tinctaq; mortifera tela sagitta madet.*

Ex hoc igitur testimonio Ouidij Sarmatas bellicosos, imperioq; Romano minimè subactos esse apparet, cum dicit:

*--nec te pulcerrima curat, Roma, &c.*

Porro quæ de antiquissimis eius gentis moribus, & institutis proferri possint, hæc ferè sunt. Vtebantur primis temporibus vetustissimi illi Sarmatae siue Slaiones, & qui in

*Antiquorū  
Slauorum  
sive Sarmatarum  
mores.*

Polonia Russiaque regionibus postea sedes habuerunt, eorū posterī prisca illa Slauonica lingua, quæ Sarmatis Ruthenisque genuina est. Regem aut principem secundum genus agnoscebant neminem, sed exortis subinde bellis ex suis fortissimum quenq; & factis illustribus spectatum ducem sibi eligebāt, nec diuturnius cuiusquam erat imperium, quam ipsum bellum, cuius gerendi dux esset declaratus. Vnde & nunc Polonis rex non nascitur,

*Rex in Polonia non nascitur.*

sed cōsensu senatorum, qui dignus videretur, per sortem eligitur. Ad bella singuli viritim proficiscebantur, arcubusq; frameis & lanceis oblongioribus utebantur. Vxores secum ducebant, quæ incantationum magicarumque artium gnaræ, augurijs & vaticinijs operam nauabāt, de præliorumq; euentibus

*Expeditiō in bellū antiquorum Sarmatarum.*

scienter præfagiebant. Fugere in bello res insolens illis erat, qui que id fecisset, ei nullus ad suos reditus patebat, neq; grauiorem vllam

*Fuga in bello Sarmatarum turpissima.*

turpitudinē aut ignominiam nouerāt. Summa apud eos dignitas erat post electos belli duces equitum, quos ab ornamentis Auratos vocamus, ad quam nemini aditus patebat, nisi qui virtute bellica, factisq; in hostem patratis id assequeretur. Martem, Lunam, Solem, aliosque vanæ religionis deos adorabant,

*Equitū militūq; apud Sarmatas antiquos dignitas.*

*Idola Sarmatarum.*



bant, eosque diuersis & certis locis colere, & sacra ipsis facere solebant: de animarum tamen immortalitate rectè sentiebant. Sepul- *Sepultura Sarmatarum.* turæ eorum erant in siluis & agris, tumulosq; aggestis lapidibus vestientes eminentèr muniabant, quod genus in Russiæ regionib. passim adhuc visuntur. Nonnulli quoq; more Romano, cadauera cremare, cineresq; collectos in urnas recondere solebant, in victu *Victus.* paucis contenti erant. Permutatione rerum *Comercia.* necessaria ytrinq; comparabant. Nihil proprium absq; arcu, framea, & lancea possidebant. Vestibus vilibus, ex corijs ferarum, pel- *Possessiones Sarmatarum arma, Vestitus.* libusq; utebantur, ad talos demissis, thesauros, possessiones, prædia, vestesque preciosas non comparabant. Causas omnes & controuersias publico in loco Marte iudice *Iudicia.* armis dirimebant. Hæc planè sunt, quæ de antiquissimis Sarmaticæ Slauonicæq; linguæ, institutis & moribus extant, quorum potissima pars in hunc vsq; diem apud posteros eorum quibusdam in locis viget.



# REGNI POLO-

NICI CVM SVIS PALATINATIBVS DISTRICTI-

*busq; sue provincijs, ciuitatibusq; & arcibus principalibus compendiosa descriptio.*



EGNVM Poloniæ in Sarmatia Europæa amplissimum & nobilissimum, ab Oriëte nonnihil in Septentrionem reflectendo, Massouiæ, Lituaniæq;

*Fines regni Polonia.*

contiguum est. A Septentrione Prussiæ, mariq; Germanico siue Venedico adhæret. A Meridie & Oriente simul Russia, Podolia, Valachiaq; & montibus Hungariæ, Beskid dictis terminatur, ab Occidente Silesia, Saxoniaq;, & Albi fluuiò fines suos terminat.

*Polonia duplex.*

Porro Polonia bipartita est, maior & minor: Maior ideo dicitur, quòd in ea Lechus autor Polonorum in primis confederit, ibidemq; Gnesnā ciuitatem, regni sedem, fundauit.

dauerit. Sed postea sedes regia Cracouiam minoris Poloniae metropolim translata est, vbi in hunc vsq; diem perseuerat, atq; hanc ob caussam minor Polonia maiori anteponitur, quam in primis describendam aggrediemur.

*CRACOVIENSIS TERRA.*

**C**Racouia vrbs celeberrima, minoris Poloniae metropolis, in planitie insigniter ad Vistulam fluuiū nauigabilem, quo merces omnis generis Gedanū emporium Prusiae deportantur, condita, muro duplici, valloq; inexcusso, & fossa muro praecincta cingitur. Arx verò in scopulo eminenti, Vauel dicto, ad eundem fluuium sita, sede regum Poloniae vbi coronantur & sepeliuntur celeberris, gymnasioq; & Vniuersitate clara. Eidē alię tres ciuitates, Clepardia, Stradomia, Casimiria contiguē adhærent, hanc Rudawka amnis, illas verò Vistula fluuius interfluit. Porro Cracouienses aduocato supremo carent, ea de caussa, quòd anno Domini 1312. regnante Vladislao cubitali, quidam aduocatus Cracouiensis Germanus autorem se perfidia in deditione vrbs Boleslao duci Opoliensi prębuerit, qui postea perfidię dignas



*Aduocatus  
Cracouia.*

pœnas, cum suis complicitibus dedit. Ab hoc tempore rex ipse prætura Cracouiensi potitur. Castellanus quoq; Cracouiensis Palatinum in senatus consensu accubitu, locoque superat: nam cum Boleslaus Krziuiuſti, rex Poloniae (de quo supra) bellicosissimus à Ruthenis dolo circumuentus esset. Palatinus honore postposito, cum maiori parte exercitus aufugit, rege in medio hostiũ relicto. Ab hocq; tempore Castellanus primas obtinet, in cæteris verò illius regni prouincijs, Palatinus Castellatum dignitate antecellit.

*Palatinus  
& Castellanus.*

### CIVITATES DISTRICTVALES

*in terra Cracouiensi.*

**H**AS ciuitates districtuales præcipuas ubi iudicia, causarq; nobiliũ disceptantur, continet: Palatinatus Cracouiensis, quib. capitanei, iudices, & alij regia munia obeunt præsumt.

**BIECZ** ciuitas muro circumdata, in planitie sita, eam Rapa fluuius præterfluit, in quo spumæ, ex quibus sulphur conficitur, colliguntur, à Cracouia 15. mil. abest.

**WOYNICZ** ciuitas lignea, ad Dunaiecz fluuium sita, à Cracouia 9. mil. distat.

**SANDECZ** ciuitas murata in planitie condita: quam Dunaiecz fluuius præterlabitur, à Cracouia 11. mil. distat.

**LELO-**

**LELOVIA** ciuitas murata, in colle sita, arcem inferius conditam habet, quam Biala fluuius alluit, à Cracouia 11. mil. abest.

**KZYAZ** ciuitas lignea, à Cracouia 7. mil. distat.

**PROSZOVICE** ciuitas lignea in planitie sita, in qua curia regia ad Sozeniaua fluuium cōdita est, à Cracouia 4. mil. distat, in qua cōuentiones terrestres nobiliū celebrari solent.

Sunt etiam alia multa ciuitates & oppida nobilium & magnatum in terra Cracouiensi: sed hinc nisi eorum, in quibus terrestria officia celebrantur, mentionem facimus.

In eadem terra Cracouiensi tres sunt fodinae insignes, quæ magnis prouentibus thesaurum regum adaugent. Prima in Olkuffia 5. mil. à Cracouia, vbi plūbi copia, argentumq; effoditur. Secunda in Bochnia ciuitate, quæ 5. mil. à Cracouia distat, vbi sal glaciei simile pspicuum gradib. massis effoditur. Tertia in Wieliczka, 2. mil. à Cracouia, vbi etiā sal glaciale, sed vilius Bochnensi copiosè effoditur.

### SENATVS PRINCIPALIS

*terra Cracouiensis.*

Episcopus	}	Cracouiensis.
Castellanus		
Palatinus		

Castellanus	{	Sandecensis.
		Woynicensis.
		Byecensis.
		Oswiccimensis.

*VEXILLVM TERRESTRE BEL-  
licum, aquila alba coronata in campo ru-  
beo, per alas linea aurea protensa,  
insignitur.*

**D**istrictus Sandecēsis vexillum peculiare habet, clypeo diuiso bicolori insignitū.

In eadem terra Cracouiensi duo ducatus cōtinentur, qui iure naturali in ditionem regni cesserunt, Zatoriensis & Ofwiecimēsis.

**O**SWIECIM ciuitas principalis prædicti ducatus lignea, in planitie sita, arcem quoq; ligneam argilla circumlinitam habet, quam fluuius quidam præterlabitur, 7. mil. à Cracouia. Vexillum aquila nigra, O, in pectore habente, insignitur.

**Z**ATOR ciuitas lignea cum arce, à Cracouia 5. mil. in planitie Vistulam fluuium sita, quæ ducatus caput erat, cuius vexillum aquila lasurini coloris, Z, in pectore gestante insignitur.

Huius ducatus Zatoriensis princeps à Spitzkowie Myskowski equite Polono, dolo-  
sè, oc-



sè, occisus est, ab hoc tempore in regis Poloniae ditionem cessit.

### *SANDOMIRIENSIS TERRA.*

**S**ANDOMIRIA ciuitas principalis, muro circumdata, in colle ad Vistulam fluuium condita, à Cracouia 22. mil. distat. Arcem muratam à Meridie Vistula, præterfluam habet. Hæ ciuitates districtuales præcipuè ad eam pertinent.

**C**HECINY ciuitas in loco plano sita, arx verò murata in eminenti scopulo cōdita est, à Cracouia 13. mil. abest. Fodinis lasuli clara, vbi & argentum reperitur.

**K**ORCZIN ciuitas noua lignea, arcem muratam ad Vislok fluuium sitam, habet, quam vndiq; paludes circumdederunt.

**W**ISLICIA ciuitas lignea, quam Nida fluuius circumfluit, muroq; circumdata inter lutosas paludes in scopulo sita, in quibus ingens colluuius reptilium omni generum grassatur.

**P**ILZNO ciuitas lignea, ad Vislok fluuium sita.

**O**POZNO ciuitas murata in planitie, quam Pilcza fluuius præterlabitur.

R A D O M I A ciuitas muro valloque circumsepta, in planitie sita.

P O L O V I E C ciuitas lignea inter colles constructa.

Z A W I C H O S T ciuitas lignea, ad Vistulam fluuium sita, arcem muratam in vltiori Vistulae ripa habet.

Z A R N O W oppidum ligneum.

M A L O G O S T ciuitas lignea.

### S E N A T O R E S T E R R Æ

*Sandomiriensis.*

Palatinus & Castellanus Sandomiriensis.

	{ { { { {	Vislicensis.
		Radomienfis.
		Zawichostenfis.
Castellanus		Zarnouienfis.
		Malogostenfis.
	{	Polanecensis.

Vexillum terrestre gestat pro stemmate, clypeū diuisum, in vna medietate lineas tres rubeas, & tres albas: in altera campum lafurini colores, tribus ordinibus stellarum insignitur.

### L V B L I N E N S I S T E R R A.

L V B L I N ciuitas murata, fossa stagnisque ingētibus circumdata. Arx in colle eminentio-

mentiori ad stagnum amplum condita, muro validissimo fossaq; profunda cingitur. In hac ciuitate triplices per annum nundinae, quatuor hebdomadas durantes, celebrantur. Primò pro festo Pentecostes. Secundò, pro ferijs apostolorum, Simonis & Iudae. Tertiò pro festo purificationis Mariae. Ad eas ex remotissimis regionibus negociatores, Turcae, Armeni, Graeci, Germani, Moschouitae, Lituani, & ceteri ex circumiacentibus regionibus, conuenire solent. Iudaei maximam suburbiorum partem occupant, ibiq; synagogam habent praecipuam. Arcem Bystrzicka fluuius alluit. Distat autem Lublina à Sandomiria 14. mil. à Cracouia 36. à Wilna 70. à Warsouia 24. Has ciuitates districtuales terra Lublinensis complectitur.

VRZENDOW ciuitas lignea ampla, ad stagnum sita, à Lublina 7. mil. abest.

LVLOW ciuitas lignea, in planitie sita, ex vna parte palude lutuosa, ex alia vallo munitur, à Lublinia 14. mil. abest, districtum satis amplum complectitur.

PARCOW ciuitas lignea, in planitie ad stagnum ingens sita, à Lublina 9. miliaribus abest.



CASIMIRIA ciuitas lignea, inter scopulos ad Vistulam condita, quæ tempore exundationis Vistulæ media ferè aquis obruitur, à Lublin 7. mil. distat.

Senatores duos præcipuos terra Lublensis habet, Palatinum videlicet & Castellanum.

Vexillū terrestre ceruo albo, in collo coronam gestante, in campo rubeo insignitur.

DE TERRIS DISTRICTI-  
*busq; maioris Poloniae.*

POSNANIA ciuitas insignis, maioris Poloniae metropolis, ad Vartham fluuium nauigabilem, & Proсна amnem, inter colles condita, muro duplici, fossaq; profunda cingitur, ædes in ea pulcerrimæ, insigniterq; ex lapidibus sectis constructæ. Arx murata in eminētiori colle, inter Vartham & Proსnam fluuios sita. In vltiori ripa Varthæ suburbia sunt amplissima, stagno ingenti paludibusq; circumdata, quæ frequenter cum circumadiacentibus pagis exundatione Varthæ obruuntur, adeò, vt aliquando solūmodo summitates ædificiorū ex aquis appareant: ipsaq; ciuitas in muro aliquando inundatur, vt in foro plateisque passim nauigetur, sed tamen hæ ex-

hæ exundationes duobus tribúſve interdum diebus grāſſantur. Nundinæ in Poſnania celeberrimæ ter in anno exercentur. Primæ in principio Quadrageſimę, quæ quatuor hebdomadis durant. Secundæ pro feſto diui Ioannis Baptiſtæ, quinq; hebdomadis durantes. Tertiæ pro feſto ſancti Michaelis, quæ quinq; integris hebdomadis celebrantur.

### CIVITATES DISTRICTVALES

*in terra Poſnanięſi.*

**K**O S C I E N ciuitas in planitie inter paludes lutuoſas ſita, duplici muro, valloq; & foſſa munitur, à Poſnania 7. mil. diſtat.

**M**I E D Z Y R Z E C Z E ciuitas lignea, in planitie inter flumina paludeſq; lutuoſas (vn-de & nomen habet) ſita, finitima Sileſiæ, Pomeraniæ, arcem muratam natura & opportunitate loci munitiſſimam, muro valloq; in excuſſo & foſſis profundis circumſepta, nullo modo expugnari ſeſe, niſi fame patitur. Eam duces Germaniæ aliquot annis graui obſidione premebant: attamen re infecta cum dedecore diſcedere coacti ſunt. A Poſnania 15. mil. diſtat.

**O** S T R E S O W ciuitas lignea, finitima Sileſiæ, in planitie latiſſima ſita, quam ſilux vndiq; circumdederunt.

W S C H O W ciuitas murata, in planitie sita, à Posnonia 11. mil. abest.

S R E M S K, P r æ m e c z, Rogozno, ciuitates lignæ, ad officium Posnaniensē pertinētes, in quibus iudicia terrestria celebrantur.

### SENATORES TERRÆ

*Posnaniensis.*

Episcopus	}	Posnaniensis.
Palatinus		
Castellanus		

Sremscensis	}	Castellanus.
Miedzirzecensis		
Pramecensis		
Rogosensis		

Vexillum terræ Posnaniensis aquila alba cum expansis ad volandum alis.

### CALISIENSIS TERRA.

C A L I S ciuitas muro circumdata, inter paludes sita, quam Prosna fluuius præterlabitur. Arcis muratæ ruinae restant, per Crucigeros Prussenses desolatæ.

Has ciuitates districtuales hæc terra complectitur.

G N E S N A ciuitas muro circumdata, in planitie inter lacus collesq; sita, archiepiscopali sede clara. Hæc prima omnium ciuitas in Po-



in Polonia à Lecho autore Pólonorum condita, vbi in primis sedes regia habebatur. Ibi-  
 que princeps Poloniæ Boleslaus Chabri, ab  
 Ottone Romanorū imperatore regium dia-  
 dema accepit, quo hucusque reges Poloniæ  
 vtuntur. In hac ciuitate est ecclesia Cathe-  
 dralis metropolitana, in qua corpus diui A-  
 dalberti episcopi Pragēsis depositū est. Distat  
 autem à Calis 14. mil. à Posnania 7. In ea nūn-  
 dinæ insignes, præcipuè verò pro festo sancti  
 Adalberti celebrantur.

PYZDRY ciuitas murata, in planitie ad  
 fluuium Varta inter siluas sita, à Calis 9. mil.  
 distat.

WARTHA ciuitas ampla, ad eiusdem  
 nominis fluuium sita.

NAKLO ciuitas lignea, ad fluuium No-  
 tesiam ex Goplo lacu emergentem, arx mu-  
 rata inter lutosas paludes sita.

LAND ciuitas ad Wartham fluuium, à  
 Gnesna 4. mil. abest.

KONIN ciuitas murata, Warthaq; fluui-  
 o in arcem in gyrum circūducta, & nisi pon-  
 tibus ad eā peruenitur, 8. mil. à Calisia abest.

SLVPCZA ciuitas muro fortissimo, pro-  
 pugnaculisq; munita, ad Wartham fluuium.

KOLO ciuitas lignea circūsepta, Warthaq;

W S C H O W ciuitas murata, in planitie sita, à Posnonia II. mil. abest.

S R E M S K, Præmecz, Rogozno, ciuitates lignæ, ad officium Posnaniense pertinentes, in quibus iudicia terrestria celebrantur.

### SENATORES TERRÆ

*Posnaniensis.*

Episcopus	}	Posnaniensis.
Palatinus		
Castellanus		

Sremscensis	}	Castellanus.
Miedzirzecensis		
Præmecenensis		
Rogosienensis		

Vexillum terræ Posnaniensis aquila alba cum expansis ad volandum alis.

### CALISIENSIS TERRA.

C A L I S ciuitas muro circumdata, inter paludes sita, quam Prosna fluuius præterlabitur. Arcis muratæ ruinæ restant, per Crucigeros Prussienfes desolata.

Has ciuitates districtuales hæc terra complectitur.

G N E S N A ciuitas muro circumdata, in planitie inter lacus collesq; sita, archiepiscopali sede clara. Hæc prima omnium ciuitas in Po-

in Polonia à Lecho autore Polonorum condita, vbi in primis sedes regia habebatur. Ibi-  
 que princeps Poloniæ Boleslaus Chabri, ab  
 Ottone Romanorū imperatore regium dia-  
 dema accepit, quo hucusque reges Poloniæ  
 vtuntur. In hac ciuitate est ecclesia Cathe-  
 dralis metropolitana, in qua corpus diui A-  
 dalberti episcopi Pragēsis depositū est. Distat  
 autem à Calis 14. mil. a Posnania 7. In ea nun-  
 dinæ insignes, præcipuè verò pro festo sancti  
 Adalberti celebrantur.

P Y Z D R Y ciuitas murata, in planitie ad  
 fluuium Varta inter siluas sita, à Calis 9. mil.  
 distat.

W A R T H A ciuitas ampla, ad eiusdem  
 nominis fluuium sita.

N A K L O ciuitas lignea, ad fluuium Nò-  
 tesiam ex Goplo lacu emergentem, arx mu-  
 rata inter lutosas paludes sita.

L A N D ciuitas ad Wartham fluuium, à  
 Gnesna 4. mil. abest.

K O N I N ciuitas murata, Warthaq; fluui-  
 o vnà tū arce in gyrum circūducta, & nisi pon-  
 tibus ad eā peruenitur, 8. mil. à Calisia abest.

S L V P C Z A ciuitas muro fortissimo, pro-  
 pugnaculisq; munita, ad Wartham fluuium.

K O L O ciuitas lignea circūsepta, Warthaq;



fluuiio in gyrum vnà cum arce aliquoties circumluitur, 8. mil. à Calisia distat.

L A N D & Camenecia ciuitates in Pomeraniæ finibus.

*SENATORES PRÆCIPVI*  
*terra Calisiensis.*

Archiepiscopus Gnesnensis.

Palatinus Calisiensis.

Castellanus Calisiensis.

Gnesnensis	} Castellanus.
Nakyclensis	
Camenensis	
Landensis	

Vexillum terrestre capite Bisontis, inter cornua coronam auream gestante, per naresq; circulum aureum habente, in campo in modum latrunculariorum siue scachorum albo & rubro insignitur.

*SIRADIENSIS TERRA.*

**S**IRADIA ciuitas lignea, muro circumducta, in planitie sita. Arx murata ad Wartham fluuium condita. Hæc prouincia olim pro ducatu amplissimo computabatur, secundoq; genitis regum Poloniæ attributa erat. Has ciuitates districtuales complectitur,

VIELV-

**VIELVNIA** ciuitas muro forti propugnaculisq; & fossa profunda circūsepta, eam vnā cum arce Proсна fluuius præterlabitur.

**S A D E K** ciuitas lignea, in planitie ad stagnum sita, à Siradia 5. mil. abest.

**P E T R I C O V I A** ciuitas murata, inter loca palustrosa condita, vbi comitia generalia cōmuni approbatione omniū regum senatorumq; Poloniæ celebrari constitutū est. In suburbio curia regia & turris, in qua causæ iudiciales celebrantur, sita est, quā fossa profunda ambit. Curia quoq; episcoporū, magnatumq; Poloniæ frequētes ibidem extructæ sunt. Deinde extra ciuitatē curia ingenti sumtu ex lignis lenigatis insigniter sub nemore amœnissimo extructa est, quam rex cū omni comitatu suo tēpore comitiorū ppter salubriorem auram incolit, Bugey appellata.

**R O S P R Z A** ciuitas lignea, in planitie paludibus circumflua.

**S P I C I M I R I A** ciuitas lignea.

In hac Siradiensi terra, nobiles id regum priuilegijs concessum habent, cera rubea in obsignandis literis vti, cū id in illis prouincijs nemini nobilium, solummodo magnatibus, & in officio regio, siue terrestri præfectis concedatur. Id verò inde promouerunt,

cùm Pruteni cum Polonis in acie acriter  
confligerent, Lancicienses à Prutenis, Cru-  
cigeribus superati, vexillum suū Palatinatus  
amiserunt, quibus Siradienses in auxiliū ve-  
nientes, vexillū ab hostibus recuperauerunt.

*SENATORES SIRADIENSIS*

*terra.*

Palatinus

Castellanus

Rospirienſis

Spicimirienſis

Wielunenſis

} Siradienſis.

} Castellanus.

Vexillum terreſtre medietate leonis ru-  
bei, & medietate aquilæ nigræ in campo la-  
furino inſignitur.

Wielunenſis quoq; diſtriſtus ſuum vexil-  
lum proprium habet, agnum Dei, cum ve-  
xillo cruce inſignito, in campo rubeo.

*LANCICIENSIS TERRA.*

**L**ANCICIA ciuitas muro foſſaq; obdu-  
cta, in planitie vndique paludibus lutoſis  
circumdاتا. Arx murata in ſcopulo, foſſaq;  
profunda obſtructa, eam Biſura fluuius præ-  
terlabitur. Ibidem in villa Koſciol dicta, ec-  
cleſia Cathedralis ex lapidibus ſectis con-  
ſtructa



structa est, satisque sumtuosè prouisa.

ORLOVIA ciuitas lignea, ex vna partium fluuio lutuoso, & peramplo, ex altera lacunis palustrosis munitur, 4. mil. à Lancicia distat. In eodem districtu ciuitas Piatek inter lutosas paludes Bsuram fluuium sita, cereuisia boni saporis, quæ in ea coquitur, per totam Poloniam celebris habetur.

BRESINIA ciuitas lignea satis ampla; inter stagna sita, à Lancicia 7. mil. abest.

Konarzew, Inowlodz, Biechow, & aliæ multæ plurimæq; ciuitates & oppida lignea ad Lanciciensem iurisdictionem pertinent:

### SENATORES TERRÆ

*Lanciciensis.*

Palatinus

Castellanus

} Lanciciensis.

Bresiniensis

Konariensis

Inowlodiensis

Biechouiensis

} Castellanus.

Vexillum terrestre medietate aquilæ albæ, & leonis nigri, aurea corona insigniti exornatur, in campo rubeo.

## C V I A V I Æ S I V E V L A

*disflauia terra.*

**V**Ladislauia ciuitas ampla, sede episcopali clara, inter stagna ad Vistulam fluuium condita. Regio hæc magna ex parte palustrosa est, siluæq; in ea rarissimæ, ideo incolæ inopiam lignorum patiuntur.

B I D G O S T I A ciuitas murata, in planitie sita, eam Barda fluuius nauigabilis, quo merces ex maiori Polonia in Vistulam fluuiū deportantur, alluit, à Vladislauia 6. mil. distat.

Senatores tres præcipuos terra Vladislauiensis habet, Palatinum & Castellanium, Bydgostiaq; Castellanium.

## B R E S T I E N S I S T E R R A.

**B**R E S T I A ciuitas murata, propugnaculis vallo, fossaq; munitæ, in planitie inter lutuosas paludes condita.

Hos districtus complectitur.

R A D Z I E I O W ciuitas lignea, in campo aprico ad lacum ingentem sita.

C R V S P H I C I A ciuitas lignea antiquitus cōdita, & prima post Gneznam, arx murata ad lacum ingentem, Gopla dictum, sita, ex quo lacu mures olim prodierant, qui Popelum principem Poloniæ ibidem in arce deuorauerant, prout latius in gestis regum Polo-

Poloniæ diximus. In hac ciuitate sedes regia olim habebatur, sed postea Cracouiam trās-lata est.

K O W A L O W oppidum ligneum, in locis palustrosis conditum.

### SENATORES TERRÆ

*Brestiensis.*

Palatinus

Castellanus

Crusphiciensis

Coualouiensis

} Brestiensis.

} Castellanus.

Cui uiensis terre vexillum, quo Vladislauiensis & Brestensis palatinatus in simul utitur, aquilæ rubæ, leonisq; nigri medietate, in campo aureo.

### RAVENNIS TERRA.

**R** A V A ciuitas lignea, in planitie sita, arcem muratam in scopulo ad Rauam fluiuium habet.

S O C H A C Z O V I A ciuitas lignea, septis ex vna partium circumdata, arx verò in scopulo eminenti murata, quam fluuius Bfura præterlabitur.

G O S T I N I N ciuitas lignea, in planitie in-



ter paludes lutuosas, arx in scopulo murata, fossaq; paludibus obducta.

GAMBIN ciuitas lignea ampla, in planitie sita, senatores tres principales habet terra Rauensis, Palatinū, & Castellatum Rauensem, Sochaczouiensem, & Gostinensem.

Vexillum terrestre aquila nigra in campo rubeo, litera R, in pectore insignitur.

*PLOCENSIS TERRA.*

PLOCZKO ciuitas murata, ad Vistulam fluuium condita, sede episcopali clara, arcem quoque muratam in colle eminenti sitam habet.

BIELSKO ciuitas lignea in planitie sita, à Ploczko 2. mil. abest.

RACZYAYAS ciuitas lignea, inter lutuosas paludes, à Ploczko 8. mil. distat.

SIEPRCZ ciuitas lignea, in collo eminenti, inter paludes, à Ploczko mil. 5. distat.

SRENSKO ciuitas lignea, in planitie sita, arx murata inter stagna paludesq; ingentes, à Ploczko mil. 10.

MLAWA ciuitas lignea Prussiae finitima, eam eiusdem nominis fluuius præterlabitur, à Ploczko 11. mil. distat.

PLONSKO oppidum ligneum, à Ploczko 7. mil.

RADZANOW ciuitas lignea, ad Vkra  
fluum sita, arx murata in scopulo inter la-  
cunas palustrosas, à Ploczko 8. mil. distat.

SENATORES TERRÆ

*Plocensis.*

Episcopus  
Palatinus  
Castellanus

}

*Plocensis.*

Raczyasensis

}

*Castellanus.*

Syeprcensis

Vexillum terræ Plocensis, Rauensi simi-  
le, nisi quod aquila P, litera in pectore insi-  
gnitur.

DOBRINENSIS TERRA.

DOBRINIA ciuitas lignea, septis cir-  
cumdada, in scopulo ad Vistulam sita,  
arx à Crucigeris demolita.

SLONSK ciuitas lignea, in planitie ad Vi-  
stulam à Dobrinia 2. mil. abest.

RIPIN oppidum ligneum, in planitie ad  
Odlekam fluum conditum, à Dobrinia 5.  
mil. abest.

GORZNO ciuitas lignea, inter siluas in  
colle, vallo, fossaq; aquis repleta obducta, à  
Dobrinia 6. mil.

Pro hac prouincia Poloni cum Crucigeris Prussienſibus frequenter digladiabantur.

Tres ſenatores præcipuos terra Dobrinenſis habet, Caſtellanum Dobrinenſem, Ripinenſem, & Slonſcenſem.

Vexillum terræ Dobrinēſis caput humanum cornutū, duabus coronis redimitum, fronte & collo in campo rubeo geſtat.

#### *DVCATVS MASSOVIÆ.*

**M**Aſſouia regio ampliſſima Polonię coniuncta, Pruſſiam à Septentrione, Lituaniā ab Oriente, & Ruſſiam nōnihil in Meridiem reflectendo, in vicinia habet. Quondam ſui iuris principes habebat, ſecundoq; genitis regum Poloniae attributa erat, ſed anno Domini 1526. decedentibus immatura ætate, Ioanne & Stanislao ducibus, vnicis regionibus hæredibus, ducatus Maſſouię in ius regis Poloniae ceſſit. Incolæ eodem idiomate, niſi ſibilis quibuſdam differenti, habituq; moribus & religione cum Polonis vtuntur. Viri ſunt ſtrenui & bellicoſi, in Martemque cruentum proni.

Has præcipuas ciuitates Maſſouia complectitur.

#### *VARSCHOVIÆ DISTRICTVS.*

**V**ARSCHOVIA ciuitas inſignis murata,  
totius



totius Massouiaë metropolis, duplici muro, fossaq; obducta, in planitie ad Vistulam condita, arx quoq; murata ciuitati contigua Vistulæ impēdet. Pons ibi amplissimus ligneus ingenti sumtu in Vistula fabricatur. Has ciuitates districtuales præcipuas habet.

**CZERSKO** ciuitas lignea, in planitie ad Vistulam fluuium sita, arcem muratā in scopulo eminentibus altis conspicuam habet, à Varschouia 5. mil. abest.

**WYSSEGRÓD** ciuitas lignea, in planitie ad Vistulam, arx in colle murata, Varschouia 12. mil. distat.

**ZAKROCZIM** ciuitas lignea, ad Vistulam fluuium, arx in colle murata, 8. miliar. à Varchouia abest.

**CZIECHANÓW** ciuitas in planitie sita, valloq; circūsepta, arx inter lutosas paludes, fossa profunda munitur, à Varschouia 12. mil.

**CZERNIENSK** ciuitas lignea ampla, arcem & monasterium Augustinorum adiunctum habet.

**PVLTÓWSKO** ciuitas murata, ad Narew fluuium vnà cum arce sita.

**ROSAN** ciuitas in planitie, arx verò in scopulo ad fluuium Narew condita.

**VARKA** ciuitas ampla lignea, in plani-

tie ad Pilczam fluuium sita, à Varsch. 8. mil.

B L O N Y E ciuitas lignea ampla, à Varso-  
uia 4. mil.

T A R C I N ciuitas lignea, à Varschouia 5.  
mil. abest.

G R O D Z Y E C ciuitas lignea, à Varscho-  
uia mil. 7. à Tarcin 2. distat.

Prafnis ciuitas ampla, lapideis ædificijs  
ornata.

Lomza ciuitas ampla, ad Narew fluuium  
nauigabilem sita, in ea ædificia pulcerrimè  
murata, à Varschouia 20. mil. distat.

### S E N A T O R E S P R I M A R I I

*ducatus Massouie.*

Palatinus Massouix Generalis.

Varschouiensis

Cerscensis

Vyssegrodiensis

Zakrocimensis

Cziechanouiensis

} Castellanus.

Vexillum Massouix aquila alba, cum ex-  
pansis ad volandum alis, in campo rubeo in-  
signitur.

### L I V E N S I S T E R R A.

L I W O ciuitas lignea, arx murata ad Li-  
wijecz fluuium condita.

W E G R O W

**WEGROW** oppidum ligneum, à Liwo medio miliari distans.

**WIZNA** ciuitas in planitie ad Narew fluuium sita, arx in colle fossa circumducta.

**NVR** ciuitas lignea ampla, ad fluuium eiusdem nominis sita.

**CAMENYEC** ciuitas lignea, in planitie ad Bug fluuium, à Liwo 8. mil. sita.

Senatores hos duos præcipuos terra Liuenfis habet, Liwensem & Wiznensem castellanos. Vexillum terrestre aquilæ medietate rubæ, & vrsi albi coronati insignitur.

#### *P O D L A S S I Æ T E R R A.*

**P O D L A S S I A** regio ampla, Massouix ab Occidente, Lituaniæ ab Oriente cōtigua, olim sub potestate & imperio Lituanorum erat, sed nunc anno Domini 1569. per Siginundum Augustū, regem Poloniæ, & magnum Ducem Lituaniæ, regno Poloniæ adiuncta & appropriata est. Incolæ eius Massouitæ Rutheni, atque Poloni. Has ciuitates districtuales præcipuas complectitur.

**B Y E L S K O** ciuitas lignea amplissima, Podlassiæ principalis, ad Byala fluuium sita, Lituaniæ contermina. Arx lignea fulminis ictu in præsentia regis incensa, penitusq; exusta est, à Narew 4. mil.



**BRANSKO** ciuitas lignea, ad Nur fluuium, à Byelsko 3. mil. sita, in ea curia regia iudicialis, in qua caussæ nobilium disceptantur.

**SVRAS** ciuitas lignea, inter colles ad Narew fluuium sita, arx in colle fossa circumducta, à Byelsko 3. mil.

**TYKOCZIN** ciuitas lignea, in planitie ad Narew fluuium sita. Arx natura & opportunitate loci munitissima, propugnaculis valloq; forti proportionaliter circumsepta, Narewq; fluuio & paludibus circumdata, vt ad eam nusquam aditus pateat, machinis tormentisq; bellicis bene prouisa. Thesaurus enim regius in ea asseruatur. Rex Sigismundus Augustus eam magnis impensis restaurari fecit, monetaq; ibidẽ cuditur, à Byelsko 10. mil. distat, à Wilna 42.

**KNYSSYN** ciuitas lignea, à Tikoczin 2. mil. in planitie inter stagna, siluas, paludesq; lutosas sita, ibidem curia regia extructa est. Hortus quoq; regius amplissimus, vario genere animalium, piscinisq; diuersis refertus. Venationes enim illic omnium ferarum copiosè exercentur. 12. mil. à Byelsko distat.

**NAREW** ciuitas lignea, inter siluas ad fluuium eiusdem nominis, à Bielsko 4. mil. condita.

WASILKOW oppidum ligneū, ad Narew fluuiū, in quo capitaneus regius residet.

AVGVSTOW ciuitas noua amplissima, à rege Sigismundo Augusto, à quo & nomen habet fundata, 20. mil. à Bielsko distat.

*DROHICINENSIS DIS-*  
*strictus.*

DROHICIN ciuitas lignea, ad Bug fluuium cōdita, in colle curiam regiam, in qua causſæ nobiliū disceptantur, habet, à Byelsko ciuitate 10. mil. à Warschouia 30. distat.

MYELNIK oppidum ligneum, ad Bug fluuium cōditum, arx verò in colle eminenti, à Drohicin 5. mil.

LOSICZE ciuitas lignea, ad stagnū amplissimum sita, à Drohicin 3. mil.

MORDI oppidum ligneum, in planitie ad stagnum situm, à Drohicin 5. mil.

Ex his duobus districtibus Podlassiæ Bielscensi & Drohicinensi, pro expeditione bellica 20000. nobilium statuuntur.

Huius terræ duo sunt præcipui senatores, Palatinus & Castellanus.

Vexillū terreſtre Podlassiæ bicorni crocei coloris stemmate, magni ducatus Lituaniæ, in campo albo insignitur, viro videlicet armato, gladium tenente equo insidente, ex

alia verò parte aquilam albam in campo rubeo gestat, postquã regno Poloniae est incorporata. Similiter Bielscensis, & Drohiciensis districtuum vexilla vnicornia insignitur.

*DE TERRIS ET DISTRICTIBUS  
Rusſiae, regno Poloniae incorporatis.*

**D**E gentis Roxolanorum, siue Ruthenorum, vel Russorum origine, varij varia sentiunt, quos Sauromatas Slauonesq; ex posteritate Iapheti (prout latius in deductione Sarmatarum Polonorumq; diximus) constat esse. Quidam eos a fusco gentis colore Russos dici autumant, alij à disseminazione, siue dispersione, Rozſieia enim Slavis disseminacionem significat, quod melius ad veritatem quadrat, cum totam Sarmatiam Europæam, & Asiaticæ partem occuparet, ab Oceanoq; glaciali ad mediterraneum vsq; mare, & sinum Adriaticum, à Pontoq; Euxino ad Balticum Oceanum vsque eorum coloniae extenduntur, vnde & Græcis Sporij, id est dispersi dicuntur.

Qui in primis Ruthenis imperauerint, incertum est, cum literarum prorsus ignari essent, donec anno Domini 796. Michael Cæsaropallatus, imperator Constantinopolitanus, chara-



characteres ad scribendum Bulgaris misisset, quos etiam Rutheni omnes susceperunt, & ab hoc tempore illa quæ poterant ante & post gesta recordari, literis mandabant. Regionibus Russiæ duo præcipui principes præfunt, utpote Magnus dux Moschouia, qui se imperatorem totius Russiæ appellat, plures enim in ea ducatus possidet. Secundus rex Poloniæ, qui etiam Magno ducatu Lituanie præest, Russiæ ducatus Lituaniæ incorporatos, utpote Vitebscensem, Kiouiensem, Msczislauicensem, &c. possidet, quos vnà cum Lituania descripsimus.

Nunc cæteras regiones Russiæ, Poloniæ adhærentes, cum præcipuis ciuitatibus describemus, in quibus magna ex parte Poloni colonias suas habent, proceresq; & equites ferè omnes Poloni sunt, ac maior pars religionem Romani ritus amplectitur, utpote ciues & nobiles, exceptis colonis & agrestibus, qui Græcorum dogmata in religione sequuntur, de quorum religione & ritibus latius in Moschouia descriptione patet.

*LEOPOLIENSIS ET HALI-  
ciensis terra.*

**L**Eopolis ciuitas insignis Russiæ, Polono regi subiecta, metropolis, à Leone Rus-

forum principe condita, duplici muro propugnaculisq; fortissimis, vallo & fossa profunda, tormentisq; & supellectili bellica expeditissimè prouisa. Arx vna in ciuitate, alia verò in eminentissimo scopulo ciuitati impendente munitissimè cōdita est, cuius aspectus 10. mil. patet. Empòrio, sedeq; archiepiscopali clara. Metropolitanus quoq; Russiæ ibidem sedem suam retinet. Ecclesiæ in ea Romanæ & Græcorū obedientiæ plurimæ. Armeni quoque ibidem Basilicam suæ religionis, antistitemq; & sacerdotes habent.

**HALICIA** ciuitas lignea amplissima, antiquitus cōdita, vna ex ducatib. Russiæ. Eam à Moldauia Prud fluuius, ex alia partè Tyras, Nester vulgò dictus, præterlabitur. Arcem ligneam in colle eminenti adiunctam habet.

Has ciuitates præcipuas districtuales, Leopoliensis & Haliciensis terra complectitur.

**ZIDACOW** in Pokutia, ciuitas lignea, in planitie ad Striy fluuium sita, arx in colle eminenti vallo circumsepta.

**GRODEK** ciuitas circumsepta, vnà cum arce in planitie stagnis circumuallata, à Leopoli 4. miliar.

**BVSKO** ciuitas inter lutosas paludes, ex quibus Bug fluuius oritur, sita, quo merces  
variæ

variæ ex Volhynia in Vistulam deportantur,  
à Leopoli 5. mil. distat.

STRIV ciuitas lignea, ad fluuium eius-  
dem nominis condita.

WIZNA ciuitas in planicie inter paludes  
ad fluuium sui nominis extructa.

SNIA TIN ciuitas lignea septis circum-  
data, confinis Moldauiae, cum Prud fluuius  
præterlabitur, à Leopoli 12. mil. distat.

COLOMIA ciuitas lignea sub monte ad  
Prud fluuium sita, ibidem sal decoquitur.

ROHATIN ciuitas lignea septis circun-  
data in planicie, eam Rohatinka fluuius præ-  
terlabitur. Arcem inter stagna & paludes in  
colle sitam habet, à Leopoli 10. mil. distat.

DOLINIA oppidum ligneum inter col-  
les situm.

LVBACZOW ciuitas lignea in planicie si-  
ta, castrum inter paludes stagnantes condi-  
tum.

SENATORES PRÆCIPVI HARVM  
*terrarum.*

Archiepiscopus Leopoliensis.

Palatinus Russiæ Generalis.

Leopoliensis

Haliciensis

Lubaczouiensis

} Castellanus.



Vexillum Leopoliensis terrę, Leonem fulvum coronatum petram ascendentem in campo lafurino gestat.

Halicienſe verò vexillum Monedulam coronatā cum expansis alis in campo rubeo pro ſtemmate geſtat.

### BELZENSIS TERRA.

**BELZ** ciuitas lignea, ampla in planicie ſita. Arcem ligneam lutolis paludibus latè ſtagnantibus circumductam habet, quam nequaquam Tartarica ſagitta attingit.

**SOKAL** ciuitas circumſepta in planicie ad Bug fluuium ſita. Arx in colle eminenti lignea.

**HRVBYESOW** oppidum cum caſtro in colle ſitum.

**HIRODLO** ciuitas ſtipitibus præacutis circumſepta, arcem in colle Bugo præterfluam habet.

**GRABOWYEC** ciuitas lignea in planicie ſita, arx in colle eminentiſſimo natura & oportunitate loci munitiſſima acceſſuque ardua.

**THYSSOWICE** ciuitas lignea, arcem in colle habet.

Senatores præcipuos duos terra Belzensis habet, Palatinum videlicet & Castellanium.

Vexillum terrestre Griphonem album coronatum, in cāpo rubeo pro stēmate gestat.

*CHELMENSIS TERRA.*

**C**HELM ciuitas septis circumdata, sede episcopali clara, arx in eminentiori colle sita, lignea, argilla oblinita 4. mil. aspectus illius patet.

**C**RASNI STAW ciuitas murata ad stagnum amplissimum sita, arx in planicie murata, quam Viepr fluuius nauigabilis præterlabitur, à Lublina 7. mil. In ea Capitaneus generalis regius residet.

**R**ATNO ciuitas lignea ampla inter paludes latissimè stagnantes sita, a Chelmia- que 24. ferè mil. pontibus stratis ad eam peruenitur. Arx in colle eminēti ad Perepetum fluuium nauigabilem condita, quam Tur fluuius alia ex parte paludesque lutosæ muniunt, accessusque omni ex parte difficilis.

**L**YV BOW LY A ciuitas ad Bug fluuium sita, arcem in colle eminenti habet.

Senatores duos principales episcopum videlicet & Castellaniū, terra Chelmēsis habet.

Vexillum terrestre Vriō albo inter tres arbores in campo aureo gradiente insignitur.

# 52 R E R V M P O L O N .

## P R E M I S L I E N S I S T E R R A .

P R E M I S L I A ciuitas murata ad San fluuium nauigabilem sita, sede episcopali clara. Arx in colle in vltiori ripa eiusdem fluuij condita, propugnaculisq; apprime munitissima. Ibidem hortus ingens regius omni genere ferarum refertus.

S A M B O R ciuitas septis circumdata ad Tyram fluuium, vnà cum arce sita Hungarię finitima.

D R O H O B Y C Z ciuitas stipitibus præcutis in planicie munita, salis fodinis clara.

S A N O K ciuitas lignea inter colles ad San fluuium extructa, arx in colle murata.

P R Z E W O R S K . ciuitas in colle muro circumdata, ad Mleczka fluuium sita.

K R O S N O ciuitas murata Iasiolda fluuiio circumdata. Vislok verò fluuius eam mediam interfluit. Ibidem medio miliari Camyeniecz arx in eminenti scopulo mutata, natura & oportunitate loci & propugnaculis munita.

S E N A T O R E S T R E S P R Æ C I P V O S  
terra Præmislensis habet.

Episcopus	}	Premislensis.
Castellanus		
Castellanus		Sanocensis.

Vexil-



Vexillum terrestre aquilam auream bicipitem coronatā in campo lasurino pro stemmate gestat.

*PODOLIAE REGIO.*

**P**ODOLIA regio amplissima Moldaviae & Valachiae à meridie finitima est, ab oriente verò vastissima campestria desolata, ad Tanaim fluuium paludesq; Mæotidis, & Pontum Euxinumvsque, Tartarosque Præcopenses habet. Omnium rerum ex terra nascentium fertilissima, adeò vt colonus, quamuis quomodocunque in agrum semen iniecerit, centuplum fructuum referat. Præta quoque mirum in modum luxuriantia, adeò vt bouis cornua vix è gramine appareant: terra tamen dura & petrosa nimis, adeò vt bissonos boues coloni araturi, aratro iungere cogantur. Attamen intolerabile pondus boues anhelantes testantur. Mellis siluæ passim abundantissimæ, stipitibus enim cauatis vbiq; mella rossida depromuntur. Armentis gregibusque, & feris omni generis redundans. Eam antiquitus Alani, Goti, Gætæ, Cumani, Polowcij, & Roxolani incolebant. Circassorum reliquiae adhuc extant, ad Borysthenem fluuium.

*Podolia omnium fertilissima.*

Has præcipuas ciuitates, arcesq; hæc regio complectitur.

C A M Y E N I E C ciuitas Moldauix finitima, diuinaq; ferè manu inter arduas cliuofasq; rupes condita, portas solummodo duas habet. Arx quoq; natura & oportunitate loci rupe petrosa, vndiq; cincta, quã vna cum ciuitate Smotricz fluuius præterlabitur, fossaq; profundissima naturali cingitur. Arx ipsa muro propugnaculisq; munita. Ciuitatẽ verò rupes altissima, saxosa, accessuq; ardua inexpugnabilem facit, quam ita suo ambitu includit, vt minimè ædium quamuis eminentiorum tecta apparent. Sæpius ab ea Tartari, Valachiq; & Turcæ cum ingenti strage & dedecore repulsi & fugati sunt. Achocimia Moldauix arce duobus mil. distat.

B A R ciuitas septis circumdata in planicie à Bona Ioannis Sfortix ducis Mediolani filia, Sigismundi regis Polonix condita, quam à Baro patria appellauit. Arx in colle murata, paludibus latè stagnantibus circumdata.

M Y E D Z I B O S Z ciuitas & arx ampla lignea, inter paludes latissimè stagnantes sita, ad quam nisi pontibus peruenitur, à Tartaris sæpissime infestatur.

B R E-

**BREZANIA** oppidum ligneum, arcem in colle munitam habet.

**TREBOWLA** ciuitas sub monte altissimo sita, arcem in colle eminenti habet.

**CHMIELNIK** ciuitas lignea stipitibus circummunita, arx lignea in planicie ad Bog fluuium (Herodoto Hypanis dictum,) sita, à Camyeniec 20. mil.

**BRASLAW** ciuitas & arx lignea vallo fossaq; circummunita, eam Bog fluuius præterlabitur.

**VINNICZA** ciuitas lignea vnà cum arce vallo circumsepta, ad Bog fluuium sita. Hæ duæ arces præter cæteras à Tartaris Præcopensibus sæpissime infestantur, districtusque amplissimos qui pro Palatinatibus computantur, & vexillum peculiare bellicum cinericei coloris, stemmate magni Ducatus Lituaniæ insignitum habent.

**SVINIGROD** arx cum ciuitate lignea in campestribus sita, ibidem munitiones sunt plurimæ in campestribus desolatis sitæ, cōtra Tartaros latrocinantes arcendos. Tandem ultra Bog fluuium (qui Herodoto Hypanis dicitur) Circassorum & Canowciorum reliquiæ, longo tractu ad Borysthenem extant in campestribus desolatis, quæ 200.

*Circass.  
Canowcy.*



miliaribus Polonicis nullis siluis collibúſve & munitionibus conſpicua, ad Tanaim paludesque Meotidis, & Pontum Euxinum Tartarosque Præcopenses, & Crimſcenses vſq; extenduntur.

Senatores Podolia præcipuos tres duntaxat habet, episcopum Camenecenſem, Palatinũ Podoliæ generalem, & Caſtellanum Camenecenſem.

Vexillũ terreſtre Solem ſtellis duodecenis, in campo albo circumdatum pro ſtemmate geſtat.

LECTO-





*E te tua opinio fallat, lector  
candide, me hic vniuersum  
regnum Poloniae absolutè  
descripsisse. Ego enim hic  
Prouincias principales, quæ olim pro du-  
catibus habebantur, nunc verò in Palati-  
natus redactæ sunt, descripsi, ciuitates-  
que & arces præcipuas regias, in quibus  
caussæ iudiciales nobilium celebrantur e-  
numeraui. Hæ verò prouinciæ plurimas  
frequentissimasq; ciuitates, arces, & op-  
pida, tam regis quàm nobilium, magna-  
tum, episcoporumq; complectuntur. In  
singulis autem terris & ciuitatibus distri-  
ctualib. superius enumeratis administra-  
tores caussarum iudicialium, à rege sub-  
stituuntur: utpote Capitanei generales,  
qui vices regias suppleant. Iudex & Sub-  
iudex, Notarius, Subcamerarius, Ca-  
merarius terrestris. Hi omnes caussas*

nobilium absoluunt , exceptis capitibus  
criminalibusve causis, quæ ad regis edi-  
ctum in comitia generalia relegantur.  
Sunt quoque plures alij terrestria regia-  
que munia obeuntes, quos hic recensere  
longum esset. Sunt quoque in Polonia re-  
gno comitatus plurimi, utpote comitatus  
in TarnoW, in Gorka, in Tenczin, in  
Mielstin, in SidloWiecz, & id genus  
alij.

REGNI







REGNI POLONIÆ,  
MAGNIQVE DVCATVS LI-  
TVANIÆ, REGIS CVM SENA-

*toribus suis, in senatu  
ordo.*



OLONIÆ regnum in Sarmatia Europæa vt diximus amplissimum, potentissimumque, cum alijs multis præclaris rebus, tum modo gubernationis à cæteris omnibus regnis differt, in quibus reges sine senatus consilio & equitum consensu, ex vòto priuato legem omnibus ferunt, & nisi virtute innata regantur, in tyrannidem facillè prolabuntur. In Polonia autem vt reges non nascuntur, sed communibus senatus & equitum suffragijs eliguntur, ita etiam sine auctoritate eorundem nihil decernere possunt, quamuis sint potentissimi, & militibus voluntarijs superbissimos quosq; reges superâtes. Soli enim Poloniæ principes inuictissimi reperiuntur, ex solis voluntarijs nobilibus ducentorum millium quotiescunque opus fuerit, exercitum fortissimum ex omni genere armorû promptissimum sine vllis stipendijs contra hostem educere possunt. Nobilitas namq; vniuersa omnibus soluta vectigalibus,

bellum tantummodo munera obire pro aris & fo-  
cisteneantur, quod si voluntarij milites non suffice-  
rent, de suis proprijs gentibus trecenta millia mer-  
cenariorum conscribere possunt. Ita cum sit poten-  
tissimus rex Poloniæ, tamen secundum legum, &  
senatus præscripta viuere tenetur, sicq; regnum am-  
plissimū, regio imperio, regia verò maiestas & po-  
testas vicissim senatus & nobilium libertate tempe-  
ratur, intra equitatisq; terminos omnes ordines re-  
gni cum ipso rege continentur, quod si rex quando-  
que ab officio suo deflecteret, & publicas liberta-  
tes suorum opprimere aspiraret, autoritate sena-  
toria, qui ad hoc attentandum iuramentofunt obli-  
gati, prohibetur, & ita rex Poloniæ grauissimis sena-  
torum consilijs nititur. Senatores verò ipsi, & vni-  
uersi equites vicissim regiam maiestatem reueren-  
tur, amant, honorant, & vitam ac possessiones pri-  
uatas vniuersas funditus pro sanitate & bono illius  
effundere parati sunt. Senatores autem voto regis  
(penes quem est summa & maxima iuris dicendi  
authoritas) ex præcipua & illustri totius regni nobi-  
litate, generis & virtutum commendatione dele-  
cti, exacto fidei sacramento, in senatum eliguntur.  
Principes autem & præcipui regni senatores, sunt  
archiepiscopi, & episcopi, propter venerandam ec-  
clesiastici ordinis maiestatem autoritatemq; & o-  
pes quibus affluunt, præstantissimas. Hij in senatu  
in vtrumq; regis latus circumfident, archiepiscopi  
autem duo sunt in vniuerso regis Poloniæ imperio,  
Gnesnensis regni primas, & legatus natus Romani  
pontificis in Sarmatia vicem tenens, qui ad vetusta  
superiorum temporum memoria, coronandi regis  
ius

ius habet. In Russia verò nigra, secundus archiepiscopus est Leopoliensis, vbi sedes Metropolitana Cracouia translata est, anno Domini 1075. in curia Lamperti Zulæ sancti Stanislai prædecessoris. Episcopi tredecim nō secus ac principes maximi, omni rerum copia excellētes, in tota Poloniæ Monarchia reperiuntur, Cracouiensis minoris, Polnaniēsis maioris Poloniarum, Vladislauiensis qui & Cuiavia, Pomeraniæq;, Vilnensis Lituanie, Plocensis Massovia, Warmiensis, Culmensis, Prusliæ, Præmissiensis, Luccæ oriensis, Chelmēsis, Kiouiensis Russiæ, Samogitiæ, vltimus Camenecensis. Hij ordine omnes regi assident, nisi quod Polnaniensis, cum Vladislauiensis, antiquam dignitatis litem teneāt, ideo alternatim locum mutant. Episcopos ex veteri priuilegio Castellanus Cracouiensis subsequitur, militarium procerum princeps, deinde Palatini quorum maior Cracouiensis & Vilnensis, palatinos verò quidā Castellani præcipui intermixti. Tunc demum alij Castellani maiores & minores quos recensere longum esset ordine loca sua occupant, qui non castris vt ipsa vocis Etymologia sonat, sed minoribus prouincijs senatorio iure & nomine regio præsumt, extraq; ipsam auctoritatē dignitatemq; (quæ est prima post Palatinos) paruum sui officij quantum reportant, quamuis illius cui præsumt prouinciæ Domini appellantur, nihil enim præter Reipublicæ (quod verè senatorum est) commoda quærūt. Castellanos Archimarshalci Marshalciq; supremi totius regni officarij sequuntur, qui sunt Poloniæ & Lituaniæ de vtroq; imperio bini, terrestres videlicet & Curiales. Marshalcorum officium est, curare totius aulæ



& omnium conuentionis tranquillitatem, inter proceres & aulicos regios partiti ædes urbium, regi quocunq; eunti, baculos erectos singuli præferunt, & ut quisque officio suo apud regem fungatur pronident. In senatus consessu omnia animaduertunt, quod si supremi Marschalci abfuerint, Curiales eorum officium adimplent. Cancellarij & Vicecancellarij Marschalcos ordine sequuntur, vtriusq; gentis qui sunt similiter bini & bina sigilla, horum officium est priuilegia, immunitates, prærogatiuas à rege alicui datas, litteras similiter regias conscribere, scriptas regi oblatas pronunciant, quibus à rege subscriptis illi sigillum affigunt. Omnes autem litteræ ac priuilegia in magni Lituanie Ducatus Cancellaria, Ruthenicis characterib. absoluntur, apud Polonos verò Latine (cuius linguæ sunt peritissimi) omnes causæ describuntur. Præcipua quoq; est dignitas in senatu summorum generaliumque militiæ ducum, quorum in Polonia vnus, in Lituanie magno Ducatu secundus, rerum potiuntur, penes hos summa omnium exercituum imperij sita est, in qua autoritate regia plenipotenter vtuntur. Hos demum Campiductores de vtroq; imperio singuli, qui sunt campestris militiæ duces. Est etiam summus maioris Poloniæ præfectus siue generalis, similiter Samogitiæ, & terrarum Russiæ præfecti, quo honorum gradu non nisi principes viri, & de patria optimè meriti à rege donantur. Cooptantur quoque in senatus classem prouinciarum de vtroq; imperio officarij, utpote iudices qui causas nobilium munere regio diiudicant, Pincerne, Succametarij, Dapiferi, Secretarij, Vexilliferi, Scribe, Tribuni militum, Exactores,

The-

**T**hesaurarij, & cæteri qui singuli singula officia in  
 prouincijs assignatis exequuntur, & pariter cum iu-  
 dicibus prouincialibus particularia, certis tempori-  
 bus anni, assignata iudicia, qui termini siue Roki vul-  
 go dicuntur, exercent. Ensiser quoq; regni, & vexil-  
 lifer curiæ regiæ, qui curiale vexillum in bello defer-  
 runt, non postrema dignitate funguntur. Non etiam au-  
 toritatis frustrantur honore ipsi secretarij, scribæq;  
 siue protonotarij regij. Insuper cubiculi, stabuli, cu-  
 linæq; magistri, suis dignitatibus in senatus consul-  
 tu gaudent. Ciuitatum, oppidorum, arcium, regia-  
 rum, prouinciarumq; præfecti, referendarij suppli-  
 ces libellos & subditorum querelas ad regem & se-  
 natum deferentes, summusq; regis secretarius & re-  
 ferendarius, salinarum fodinarum & metallorum  
 Præfecti nō ignobili certè dignitate potiuntur. Le-  
 gati quoque prouinciarum & ciuitatum præcipua-  
 rum, ab vniuersis ordinibus de singulis prouincijs  
 nomine totius nobilitatis electi, suas in senatu par-  
 tes occupant. Equites quoque & Patricij viri iuue-  
 nes virtutibus & genere præstantes aulici, qui in au-  
 la regia seruientes in præstandis quotidianis officijs  
 regi operam nauant, stipendiaque merentur. Insu-  
 per cubicularij siue veredarij, qui cum epistolis re-  
 gijs per omnes prouincias, amandati velocissimè  
 discurrent. Demum stipendiarij, & satellites siue  
 collaterones regis vitæ custodes, postremum au-  
 toritatis locum obtinent. Omnibus autem sena-  
 toribus sub fidei iuramento, & amore patriæ ea-  
 dem est perpetua & constans tuendæ publicæ li-  
 bertatis, & propagandi imperij, voluntas. In sena-  
 tu cum de Republica deliberant liberè, & sapius

arcerrimè sententias dicunt, regem imprudentius regnantem obiurgant, atq; vno consensu sanctissima maiorum instituta, & communis patriæ carissimas leges ad extremum vitæ defendunt.

*CAPITANEI* generales in minori Polonia 40. in maiori 30. inducunt *Massovia* 12. qua officia nulla successione, sed ex regis gratia in benemeritos de *Republ.* conferuntur: hi enim prouincijs præstant, & nobilitatem, regia auctoritate, pro tribunali iudicant, omnesq; prouentus regios exigunt, & in thesaurum referunt.

*REGNO* Poloniæ saluberrima aura fauet, omniumq; rerum ex terra nascentium fertilissima est, cuius vbertatem ceteræ regiones transmarine affatim persentiunt, ad quas frumentum grandi copia, de Polonia nauibus aduehitur. Pecoribus quoq; omnigenis, venationibusq; abundat, ita vt Saxonia, ceteraq; gentes Germanorum, Polonicis bouibus victitent. Incolæ habitum variarum diuersarumq; nationum more gestant, præcipuè verò, Italicum, Hispanicum, & Hungaricum, qui illis peculiaris est. Alij Germanico, Turcico, Moschouitico, Bohemicoq; more vestiuntur, diuersas enim & repostissimas prouincias peragrāt, vnde varios mores in patriam inferunt. Viri sunt excellentissima industria præditi, variarumque gentium idiomata callent: imprimis verò linguæ Latinae peritissimi, qua vt vulgari maiori ex parte in ciuitatibus & pagis passim vtuntur, idq; omnibus diuitibus, ac pauperibus peculiare est, quod in primis pueros litteris imbuēdos apprimeq; ad consumptionem, sedecim plūsve annorum in pulueribus scholasticis committunt, sumptibus pro magi-



magistris minimè indulgendo, vnde linguam Latinam omnes ferè congruè callent, idque ea de re maximè obseruatum crediderim, quòd vulgaribus literis vel scripturis, in sacris ac profanis rebus nunquam vtantur, omnesq; leges tam ciuiles, quàm nobilium, ac villanorum, & ipsa Cancelaria regni ac castrensis, Latinis literis omnia expedit, atque ideo factum est, vt passim docti omnes euaderent. Habent præterea Poloni & Lituani linguæ Latinæ inflectionem propriam & perfectissimam, vt Latinarum dictionum sonum propriè ad iustum accètum expressionemq; secundum literas ipsas, quadam cum gratia & dulcedine, inflectere ac proferre queant. Quae de re Polonia omnium ferè gentiũ studia vicisse videtur, quòd rarus esset, qui Latinas literas non calleret, deinde Germanicum, Hungaricum, ac passim Italicum, & magna ex parte Gallicum, Hispanicumq; extra vulgare suum Sarmaticum idiomata nesciret. Equites in ornamentis equorum, armorum, vestibusq; præsumtuosis plurimùm delectantur, campestri prælio alacrius hostem quemlibet paruis & magnis copijs adoriuntur. Castra etiam artificiosè collocant curribus in gyrum arctè dispositis, adeò vt in illis tuti non aliter atque in arce firmissima includuntur. Viri sunt bellicosi, strenui, hostisque quamuis validissimi impauidi. Armatura maiori ex parte Hungarorum more vtuntur, clypeosque, qui totum hominem equo insidentem tegunt, & hastas oblongas gestant, pluresque inter eos tantæ animositatis reperiuntur, vt vnus alium quamuis toto exercitu suorum profligato, ad mortem vsque non deseruerit, sed vterq; strenuè dimicando honestè occumbere, quàm turpiter

fugere mauult. Prout in Moldauia duobus fratribus germanis, Strusouiczij dictis, Polonis equitibus euenit, qui ab exercitu suorum aberrantibus cum quinquaginta cōmilitonibus, inscij in multitudinem Valachiorum inciderunt, à quibus vndiq; circumuenti, in primo congressu vnus occubuit: alter verò strenuè dimicando euasit: sed cædis fratris germani recordatus, in exercitum Valachiorum conuersus, acies eorum fortiter disuerberabat, & quauis euadendi facultas iterum ei pateret, tamen honestius cum fratre occumbere, quàm euadere maluit. Melstinius quoque, cū Vitoldus dux Lituaniæ multitudine Tartarorum fugaretur, ex fuga audacter conuersus, in confertissimas hostium acies sese cōiecit, multisq; hostium trucidatis, tam diu strenuè dimicauit, donec prorsus telis confoderetur, equoque deiceretur, 1397. vt latius patet in Lituaniæ ducum descriptione. His etiam multi similes in gestis Polonorum reperiuntur, quos sigillatim recensere infiniti laboris esset. Id verò illic maximè non solum inter fratres, sed inter socios fideles reperitur, prout nuper Vilnæ in Lituania me præsentē euenit, duobus adolescentibus, per plateam ciuitatis pergentibus intempesta nocte, duo alij armata manu occurrerunt, vbi inter defendendum vnus aduersarium suum interemit, aufugitque. Socius verò illius captus, cædisq; damnatus, in locum decollandi postridie ducitur, cumque iam carnifex gladio euaginato staret, ille reus cædis, qui profugerat, accurrens dixit: finite hunc innocentem abire, ego enim hanc cædem perpetraui, itaque ille genua flectens à spiculatore decollatus est, innocens verò liberatus.

Nobiles

Nobiles humilioris fortunæ, iniurias à Magnatibus illatas non patiuntur, nam quamvis pauperimus nobilis extiterit, amicis cognatisque suis collectis, quàm maximum magnatem debellare potest: non solum enim possessiones pro necessitate amici exponunt, sed etiam vitam suam pro eo mori variisque periculis obijciunt, qua de re magnates in Polonia, non parui, sibi pauperem vulgum nobilium ducunt, in Lituania econtra, Nobiles humilis fortunæ magnatum sunt serui. Accidit in Polonia me præsentem, quòd quidam magnæ autoritatis vir, Dominus Iohannes Luthomirski, thesaurarius regius supremus, capitaneus Lanciciensis, & Radomienfis, Castellanusque Siradiensis, quosdam pauperes nobiles, Mikolaie Wsczi dictos iniuria affecerat, qui collecta manu consanguineorum, cum magno comitatu proficiscentem occiderunt, in frustaque dissecarunt.

Cumque hic nobilis aut honore priuandus, aut capite plectendus pro prædicto facinore esset, honorem vitæ præferens citatus ad comitia Lublini celebrata, alacriter comparuit, ibique honore integro ex sententia regis, decollatus est. Quod si huic genti nimia comestationes, & diuitiarum plusquam liberales prodiga profusiones, inebriationes non obfuerint, omnes ferè gentes virtute innata & ingenijs heroicis superarent, sed vnus pro sanitate alterius, (prout illis mos est) bibens, poculum magnum funditus exsiccat, quamvis natura interdum repugnante, sicque hæc eorum mutua charitas, quam illi maxime in cœuijs celebrant, eos multoties sanitate priuat, multisque ex nimia inebriatione infirmitatibus corripuntur. Cum enim vnus alteri pro sanitate



præbuit, non solum poculum vitreum, sed ligneum, vel figulinum, capiti illidit, tandem postridie surgens infirmitate correptus, vinum inculat, amphoræ oblitus, quam ad caput colliserat. Multi quoque inter eos præcipue in Ducatu Massouia reperuntur, qui sese alterutrum bibere vi complectant, dicentes: aut mihi præbibe, aut mecum armis decertato, interim verò alius arma quam poculum, quem natura recusat, alacrius eligit.

Anlicorum ministrorum, seruatorumque tantas vniversi Sarmatæ, præsertim Poloni, Massouitæ, Litvani & Rutheni, fouent turmas, vt nunquam sperares eos educari posse, qui nullum aliud officium agunt, nisi dominum aliquò migrantem comitari, vel aliquò amandati munus iniunctum obire; à ceteris seruitiis prorsus liberi immunesque. Mechanicum opus nobilis seruitori ingenuo, quamuis pauperrimo obire non patitur, nec demandat: quod si aliquis minus discretus seruitori negotium minus honestum mechanicumve iniunxerit, rusticum sibi ad id muneris inueniendum oportere, se verò honesto seruitio minimè abdicaturum, respondit. Et ideo nobiles nobilibus, paresque genere ac virtutibus, paribus plerumque inseruiunt, cum honesta & nobilia seruitia obeunt, contra occidentalium gentium consuetudines, apud quas nobiles nobilibus turpè inseruiiri putant, quod mechanica seruitia, quicquid dominus demandaue- rit, obire cogantur. Apud Sarmatas verò qui melius bibit pro sanitate domini, ille melior censetur minister, & postquam dominus mense accubuerit, & seruitores statim ordine seruato accumbunt, aliquandoque tres quatuorve mensas occupabunt, quibus libe-

liberaliter fercula opipara apponuntur, vt quilibet aulicorum tres seruitores sua portione educare possit, quam ipse saturatus puero à tergo stanti, in quadra lautè porrigit. Aulicus enim quilibet seruitores aliquot, & pueros habere solet, & illi seruitores, alios seruitores, pueri, pueros, ad quartum vsque ordinem, ad mensam eiusdem domini omnes cibaria summentes, & salaria recipientes, & plerunque maiori ex parte, nisi ad mensam inseruiunt: peracto prandio vel coena, saturati inclinatis de more gentis coram domino genibus, capitibusq; adapertis, quò volunt discurrunt, & quandoque triduo quatrduove, vel integra hebdomada dominus seruum in tabernis, vel in comitiua occupatum non videbit: rarò tamen vbi fuerit interrogatur, & si interrogatur, respondit, se pro sapitate domini hilariter bibisse, ad quem dominus subridens gratias agit, & plerunque liberaliter huiusmodi remunerantur. Quodam tempore accidit, dum quidam episcopus per thesaurarium suum aulicis & seruatoribus salaria siue stipendia, secùdum consuetudinem ad vnamquamque partem anni, persolueret, astantibusque omnibus ordine suo, quidam latrunculus (qui eadem in aula nemini seruiens versabatur, bibens & comedens quotidie ad mensam episcopi) cæteris seruatoribus salaria expectantibus se intermiscuit, quibus aduersus eum murmurantibus, quòd nemini seruiens stipèdium expectaret, episcopus illum interrogat, cuiam inseruieret, & quid negotij obiret? Qui respondit: tibi reuerendissime domine inseruio, & id quod alij strenuus adimpleo. Quale nam sit seruitium episcopo interrogante, dixit: quotidie bis in die lautè ad mensam

tuam comedo & bibo. Cui episcopus subridens stipendium persoluit.

Nobiles legibus castrensibus, & terrestribus à regibus suis constitutis, vtuntur, ad ciuitatesque prouinciales & districtuales, quas superius enumerauimus, citantur, nomine capitanei illius regia munia obeuntis, qui arci prouinciæque præest, hosque terminos castrenses appellant. Ad terrestres verò terminos, qui rarius celebrantur, in anno sex inter quatuor vicibus, nomine regis in eandem arcem citantur, vbi à indice terrestri vices regias adimplente iudicantur. Ciues verò in ciuitatibus imperatorijs legibus, quas Magdeburgenses appellant, vtuntur.

*Conclusio.*

Atq; hæc nobis de regno Polonia breuiter dicta sufficiant: quod multis de causis toti reipubl. Christianæ utilissimum est, à gentibusque varijs crudelissimis Tartaris, & Turcis videlicet, munitissimum propugnaculum Germaniæ præsertim regionibus.

MAGNI








MAGNI DVCA-  
TVS LITVANIÆ CVM  
SVIS PROVINCIIS, PALA-  
TINATIBVS, CIVITATIBVS

*& castris præcipuis, compendiosa  
descriptio.*



LITVANIA ab Oriente Russiæ, Mos-  
schoniæ duci subiectæ, contermina  
est, ab Occidente Podlassiæ, Masso-  
niæ, Poloniæq; & Prussiæ nonnihil  
in Septentrionem reflectēdo adhæ-  
ret, à Septentrione Liunionæ, Samo-  
gitixque, à Meridie Podoliæ, Woliniæque Russiæ re-  
gionibus adiacet. Porro Lituania regio est amplissi-  
ma, plurimos ducatus regionesque & prouincias di-  
uersis nominibus appellatas, suo nomine comple-  
ctens, & Vitoldi Magni Ducis temporibus, à Pon-  
to Euxino, Tauricaque cher soneso ad sinum vsque  
maris Baltici, pelagumque Curlandiæ, Liiones,  
& Prutenos versus fines suos longo tractu exten-  
debat. Omnis autem Magnus Ducatus Lituaniæ *Amplitudo*  
in Palatinatus & districtus certos, siue prouincias, *Lituania.*  
vbi iudicia particularia, & terrestria, pro nobili-  
bus exercentur, non secus, ac Polonia diuisus est.

*Lituania in  
Palatina-  
tus diuidi-  
tur.*

Hij verò districtus & Palatinatus pro ducatus (ut quondam temporibus plurimorum ducum erant) computari possunt, & unusquisq; Palatinatus suum vexillum, quo in bello utitur, habet. Eundem quoq; colorem & signum omnes districtus, siue prouincię, qui in eodem Palatinatu continentur, in vexillis suis repręsentant, nisi quod Palatinatus vexillum maius est, cum duobus cornibus, districtuale verò minus simpliciter protensum cum vno cornu.

*Vexillum  
Ducatus Li-  
tuania.*

Primò itaque vexillum Magni Ducatus Lituanię peculiare & quadriangulare, ad differentiam cęterorum, sexaginta vlnas sericeę telę rubeę continet, in medio insigne proprium, hominem videlicet armatum, equo albo velociter currenti, insidentem, gladiumq; super caput manu extensa tenentem gestat, desuper stemmatis pileus ducalis, ex altera verò parte vexilli pro insigni, imaginem diuę virginis Marię in Sole cum puero, habet.

Vexillum supremi ducis exercitus eiusdem amplitudinis, quadriangulare quoque, coloris lasurini eodem stemmate Magni Ducatus, ex vna partium in campo rubeo, (campus hic locus stemmatis intelligitur) ex altera diui Stanislai episcopi Cracouiensis imaginem gestat.

### *PALATINATUS VILNENSIS.*

*Vilna descri-  
prio.*

**V**ilna vrbs, caput & metropolis totius Lituanię, intra colles ad confluxum Vilnę, (à quo nomen habet) & Vilię fluuiorum sita, muroq; circumducta, ipsa quoq; murata. Arces duas insigniter muratas adiunctas sibi habet, quarū vna inferior, (hęcq; ampla & sumtuosissimè extructa) altera superior, in colle

colle eminentissimo condita, eas enim ex vna parte *Vilna flumi-*  
 Vilna, ex Oriente fluens, ex altera Vilia fluij ibidem *us.*  
 concurrentes, præterlabuntur. Porro Vilna, quæ no- *Vilia flumi-*  
 men vrbi indidit, minor est, Vilia verò est amplior & *us.*  
 nauigabilis, quo merces ex Vilna nauibus, Gedanum  
 Prussiae emporium celeberrimum, deportantur. In  
 hac vrbe plurima templa Romanæ obedientiæ, &  
 Ruthenorum ritus magnis sumtibus extructa. Epi-  
 scopalis sedes in Basilica arcis cathedrali diuo Stani-  
 slao dicata. Metropolitanus quoque Russiæ ibidem  
 sedem suam in Basilica Ruthenici ritus præcipua, ti-  
 tulo diuæ virginis Mariæ insignita retinet. Porro in *Episcopi Li-*  
 toto Lituaniæ Magno Ducatu, quinque sunt Roma- *niæ Ro-*  
 næ obedientiæ episcopatus, vtpote Vilnensis, Samo- *mani.*  
 gitensis, Kiouiensis, Lucensis, & Ianouiensis. Septem  
 præterea præposituræ siue paræciæ insigniores, à V-  
 ladislao Iagielone, (qui primus Lituanos baptizauit)  
 fundatæ & dotata, vtpote Vilkomerensis, Misogo-  
 liensis, Nemenciensis, Mednicensis, Kreuensis, Ob-  
 olcensis, & Haynensis. Archiepiscopus, qui suprà di-  
 ctis episcopis Lituaniæ præest, Leopoli in vrbe Rus-  
 siæ sedem suam habet. Ruthenici verò ritus in Litua-  
 niæ & Russiæ, Polono regi subiecta, septem sunt. Me-  
 tropolitanus, siue Archiepiscopus Vilnæ, sedem su-  
 am habet. Episcopi verò, quos *Uladicas* Rutheni ap- *Episcopi Ro-*  
 pellant, hi sunt Polocensis, Volodimiriensis, Lucen- *thensis.*  
 sis, Pinscensis, Kiouiensis, Præmislensis quæ, & Leo-  
 poliensis, qui etiam metropolitæ titulo vitur, horum  
 mores, habitum, religionem in Moschouiæ descri-  
 ptione de religione Russiæ videbis.

Vilnensis Palatinatus vexillum rubeum est, & bi-  
 corne, 35. vlnas telæ sericæ continens, ex vna parte



in campo albo Magni Ducatus insigne gestat, ex altera columnarum, antiquo gentis stemmate insignitur.

In hoc Palatinatu tres sunt ingentes districtus, siue prouinciæ, Osmianensis, Bratislauiensis, & Vilcomerensis, horum quilibet proprium vexillum (quo nobilitas districtualis in bello utitur) habet.

OSMIANA oppidum ligneum à Vilna 7. mil. abest, territorium ad se pertinens satissimulum habet, in quo sunt complura oppida regia & nobilium. Vexillum rubeum simile Vlnensi, sed cum vno cornu, stemmate Magni Ducatus in campo albo insignitum gestat.

VILKOMERIA oppidum ligneum ad Swienta fluuium situm. Curia est in ea iudicialis, in qua causæ nobilium disceptantur. Arx per Crucigeros Prussienfes exusta, nunc in scopulo vestigia eius apparent. Prouinciā amplissimā, ad 25. mil. patentem habet, in qua sunt oppida complura regia, nobilium, spiritualiumque. Vexillum quoque rubeum, stemmate Magni Ducis ex vna parte ornatum, ex altera diui Michaëlis imagine insignitum defert.

BRATISLAVIA ciuitas lignea, arcem sibi adiunctam in scopulo ad lacum amplissimum conditam habet. Vexillo rubeo, nobilitas districtus Bratislauiensis, cum stemmate Magni Ducatus in bello utitur. A Vilna viginti milliaribus distat. Ikaznia arx murata, & ciuitas lignea ad fluuium eiusdem nominis, à Bratislauiā 2. milliaribus distat. Driswiat arx ad lacum amplissimum eiusdem nominis sita, à Bratislauiā 5. mil. abest.

PALA-

## PALATINATVS TROKENSIS.

**T**Roki ciuitas lignea, muro, cuius adhuc ruinae apparent, quondam circumdata, sed à Crucigeris Prussiensibus cum munitione deuastata. A Vilna sex miliarib. distat, arcem habet in lacu satis opportunitate loci munitam, ad quam nisi nauibus peruenitur. In ea olim sedes ducum Lituaniae erat, postea in Vilnam translata. Est quoque aliud oppidum eiusdem nominis quatuor à Vilna miliaribus, ad Vacam flumini, quod ad differentiam huius, nouae Troki dicitur. In hoc Palatinatu quatuor sunt ingentes districtus, Grodnensis, Cownensis, Lidenfis, & Vpi-tiensis.

**GRODNO** ciuitas lignea, arcem muratam in scopulo sitam habet, quam Nemen siue Cronon fluius celebris & nauigabilis præterfluit, vna cum ciuitate. Eò merces Gedanum ex regionibus Lituaniae, nauibus deferuntur. Territorium Grodnense satis amplum est, quod pro ducatu olim habebatur. Vexillo lasurini coloris vnicorni correspondens Palatinali, stemmate Magni Ducatus insignito utitur.

**COWNO** ciuitas lignea insignis, plures tamen in ea domus reperiuntur lapideae, ad confluxum Nemenis & Viliae fluminiū nauigabiliū sita, arcem muratam antiquitus in scopulo conditam habet. Vexillum quoque lasurini coloris in bello nobilitas districtualis gestat.

**LIDA** oppidum ligneum, districtuale. arcem muratam, in qua iudicia nobilium celebrantur, habet, districtus Lidenfis. Vexillum quoque lasurini coloris in bello gestat.

**V P I T A** ciuitas lignea prouincialis, districtum amplissimum cum multis oppidis complectitur. Vexillo cæteris sui Palatinatus districtibus simili in bello vtitur.

Vexillum Palatinatus Trocēsis bicornē, 35. vlnas telæ sericæ lafurini coloris continet, stemmate Magni Ducatus in campo rubeo insignitur.

### *PALATINATVS MINSCENSIS.*

**M** Insko ciuitas lignea amplissima, arx ex roboribus extructa, natura & opportunitate loci munitissima, fossa profunda circumducta, eam fluuius quidam molendinis frequens præterlabitur. Vexillū huius Palatinatus purpurei coloris bicornē, stemmate Magni Ducatus in campo albo insignitur. Districtus quoque eius Recicensis, quem vnum complectitur, simile vexillum, sed vnicornē gestat.

**K E I D A N O W** arx cum oppido à Vilna 25. miliaribus.

**R A D O S K O W I C E** castrum cum ciuitate. Hic rex Poloniæ Sigismundus augustus copias armatas numerosascentum millia superantes recensuit, anno Domini 1568.

**B O R I S S O W** ciuitas lignea, arx ex roboribus extructa, munitissimeque propugnaculis, parietibus quaternis intrinsecus terra lapidibusq; impletis firmata, fluuiio Beresina opportunè circumducta. A Vilna 40. miliaribus distat. Vexillo prouinciali caret, sed in ea milites præsidarij, contra incursum Moschorū continuò asseruantur, ad eam enim Moschus fines suos pertinere contendit.



**L O H O I S K O** ciuitas cum arce lignea, à Boris-  
fow 8.mil.distat.

**S W I S L O C Z** castrum cum oppido ad fluuium  
eiusdem nominis.

**B O B R O I S K O** arx cum ciuitate, ad Beresinam  
fluuium.

**O D R V C Z K O** arx in colle eminenti lignea, o-  
lim pro ducatu computabatur, nuncque plures no-  
biles Russi titulo huius ducatus vtuntur.

**NOVOGRODENSIS PA-**  
*latinatus.*

**N**Ouogrodek ciuitas ampla lignea, quondam se-  
cundis genitis principum Lituaniæ attributa e-  
rat, nunc in Palatinatum redacta est. Vexillum bi-  
corne rubei coloris stemmate Magni Ducatus, in  
campo albo insignitum in bello gestat. Districtus  
duos Slonimensem, & Wolkouiscensem comple-  
ctitur.

**S L O N I M** ciuitas & munitio lignea, olim secū-  
do genitorum Magnorum Ducum Lituaniæ erat, &  
pro ducatu cum suo territorio cōputabatur, postea  
in prouinciam redacta est. Vexillo rubeo vnicorni  
stemmate Magni Ducatus insignito prouincialis no-  
bilitas vtitur.

**W O L K O V I S K O** ciuitas ampla, curia in ea iu-  
dicialis, vbi causæ nobilium disceptantur. Vexillum  
quoque rubenum Slonimensi simile habet.

**M S C Z I B O W** oppidum & arx lignea in stagno  
natura loci munita; planitie circumdante, à Wolko-  
uisko 2.mil.

Oppida plurima hic Nouogrodensis tam regia,

quàm nobilium cum suis districtibus prædictis complectitur.

*PALATINATUS BRE-*  
*stienfis.*

**B**Restia ciuitas ampla lignea, in finibus Lituaniæ sita, contermina Podlasiæ. Arcem ligneam amplam sibi adiunctam habet, natura oportunitateque loci munitam, & duobus fluuijs, quorum vnus Mucha Wicz, alter verò Bug vocatur, opportunè circumdatam.

Vexillum bicornè lasurini coloris, in campo rubeo, stemma Magni Ducatus insignitū gestat, vnum duntaxat simplissimum, tamen districtum Pinscensem videlicet complectitur.

**P I N S C O** ciuitas lignea satis ampla, ad fluuium Perepetum sita, qui multis oppidis Russiæ præterlapsis, in Borysthenem fluuium amplissimū defertur.

Hæc ciuitas cum suo territorio quondam inter principatus Russiæ computabatur, à Gediminoque Magno Lituaniæ duce subacta, secundo genitorum principum Lituaniæ erat, nunc in prouinciā est reducta. Nobilitas prouincialis vexillo lasurini coloris, stemmate Magni Ducatus insignito utitur.

Perepetus arx & ciuitas ad fluuium eiusdem nominis sita.

*VOLINIA REGIO.*

**V**olinia inter ceteros Russiæ principatus, gentem bellicosiores habet. Est autem regio amplissima, frugum omnigenarum abundans, syluis ferigenis, stagnisque piscosis, referta, ad Magnum Ducatum Lituaniæ pertinebat, sed nunc regno Poloniæ adiun-

adiuncta est. Hij verò populi à Walga fluuio amplissimo, qui Moschouitas à Tartaris determinat, (prout in deductione Polonorum latius dictum est) in hanc regionem venerunt, quam à suo nomine, (Vulgari *Volinia de* enim à Volga dicebantur) Valgariam, postea successu *nominatio.* temporis, Voliniam nuncupauerunt. Viri sunt strenui & bellicosi, Ruthenico idiomate, moribusque & religione vtuntur. In tres districtus siue prouincias hæc regio diuiditur, Lucensem, Volodimirensem, & Cremenecensem. Vexillum huius regionis bellicum principale bicornè est, purpurei coloris in campo albo stemmate Magni Ducatus Lituaniæ insignitum. Prouincialia quoque vexilla eundem colorem & stemma referunt, nisi quòd vnicornia sunt simpliciter protensa.

**L V C Z K O** ciuitas prouincialis lignea, sede episcopali Ruthenorum, & Romanæ obedientiæ clara, arces muratas duas in colle eminenti habet.

**V O L O D I M I R I A** oppidum ligneum, munitionem quoque ligneam ad paludes sitam habet, quondam pro ducatu habebatur.

**K R Z E M E N E C** ciuitas ampla lignea, castrum quoque ligneum, argilla circumlinitum habet.

Hæ autem ciuitates prouinciales, complura oppida & munitiones ad se pertinentes complectuntur.

**C H A B N O** arx & oppidum ad Vistam fluuium situm.

**O W R V C Z I** castrum & ciuitas ampla in colle.

**O L E W S K O** arx & ciuitas ad Huberczia fluuiū.

**Z I T H O M I R** arx lignea in colle condita.

**K O R E C** arx & ciuitas lignea, pro ducatu olim cum suo territorio computabatur.



K A M I E N I E C munitio, in colle sita.

Z B A R A S Z arx & ciuitas olim sui iuris erat, cum suo territorio, & pro Ducatu nunc etiam computatur, pluresque nobiles & domini huius regionis dum titulo à suis ciuitatibus vtuntur.

P A L A T I N A T U S K I O .

*mienfis.*

**K** iouia vetustissima, amplissimaque vrbs ligneis septis circumdata, olim totius Ruffiæ metropolis, ad fluuium celeberrimum Borysthenem sita, à Vilna centum viginti milliaribus Polonicis distat. Eam quondam magnificam, & planè regiam fuisse, ipsæ ciuitatis ruinæ, & monumenta, quæ sex milliaribus patent, indicant. Apparent adhuc hodie in vicinis montibus & collibus ecclesiarum, monasteriorumque, & ædificiorum desolatorum vestigia. Præterea cauernæ quædam subterraneæ vastissimæ, longo tractu subtus terras extensæ, quas quidem octuaginta milliaribus protendi dicunt, in his plurima antiqua sepulcra, corporaque illustrium quorundam Ruffiæ virorum, (quamuis antiquitus posita) carie tantum consumpta, integra tamen apparent, præcipuè verò duorum quorundam principum cadauera, in vestibus gentili more, prout viuî ambulabant, integra veluti recens posita apparent. Sicque insepulta in specu iacent, quæ peregrinis & aduentis à monachis Ruthenici ritus ostèduntur. Iuxta hanc vrbem, arx satis munita, ex roboribus & lapidibus, terraque ad Borysthenem constructa est. Porro Kiouiensis tractus amplissimus est, quinquaginta milliaribus Polonicis, plusve patens, olim sui iuris principem habebat,

bebat, nunc in Palatinatus formam redacta est. A Kiouia in meridem reflectēdo. Circass ciuitas lignea ad Borysthenem sita occurrit, eius incolæ Circassi *Circassi bel-  
licosi.* dicuntur, longoque tractu, iuxta Borysthenem de- *Russ.* gunt. Rutheni sunt, (alij tamen ab his, qui ad Pōrum Euxinum in mōtibus habitant.) viri bellicosi & strenui, cum Tartaris Præcopensibus, sibi in vicinio adherentibus, frequenter belligerant, in provinciasq; eorum excurrunt, & prædas, iumenta videlicet, abigunt. distat autem ciuitas Circass à Kionia, viginti quinque miliaribus Polonicis. Supra Circassos septem miliaribus per Borysthenem ascendendo. KanioW oppidum viris bellicosis circumquaque habitantibus clarum occurrit, 17. miliaribus à Kiouia abest. Infra Circassos & Kaniouienses nullæ habitationes Christianorum sunt. Campestria enim desolata colonis vacua, ipsis solummodo feris domiciliū præbentia, quadraginta miliaribus ad OczakoW vsque castrum & ciuitatem in ostijs Borysthenis sitam, patent. In OcyakoW autem ciuitate, & circumquaq; in campestribus Tartari Præcopenses degunt, ipsa verò ciuitas cum arce Turcicis præsidijs (quāuis Tartari eam incolant) tenetur, & huc vsque Lituanorum colonia, Violdi temporibus erat: sed ad rem, vnde digressus sum, redeo.

Kiouiensis Palatinatus vexillum bellicum viride bicornē, stemmate Magni Ducatus in campo rubeo, ex alia verò parte vrsō in campo albo insignitum gestat. Districtum vnum duntaxat Moserensem, amplissimum tamen, habet.

M O S E R ciuitas prouincialis, ampla lignea, ad fluuium Pereperum condita, qui duodecim miliaribus

bus supra Kiouiam hausto fluuio piscoso, *Tur* dicto, Borysthenem influir. A Kiouia triginta milliaribus Polonicis distat, à Bobransko totidem, à Mohilow viginti, ab Orsha viginti sex. Vexillo Mozerensis districtus viridi prout suus Palatinatus vtitur.

*MSCZISLAVIENSIS PALATINATUS.*

**M**Sczislauia ciuitas lignea, ad fluuium Sosam dictum sita, arcem quoq; ex robotibus apprimè munitam habet. In ipsis finib. Moschouia iacet, ideo praesidarij milites in ea continuò asseruantur. Vexillum huius Palatinatus crocei coloris est, Magni Ducatus stemmate in campo rubeo insignitum, districtualibus ciuitatibus caret, plurima tamen oppida & arces complectitur, quòdam sui iuris principem habebat, sed nunc in prouinciæ formam redacta est.

Nunc castra ad Borysthenem sita breuiter recensimus.

**DAMBROWNA** prima arx à Moschouia finibus ad Borysthenem cum oppido sita, à Smolensko decemquatuor milliaribus abest, ab Orsha quatuor.

**ORSHAM** in Witebliensi Palatinatu describimus.

**KOPYSZ** caltrum cū oppido ad Borysthenem, ab Orsha quatuor milliaribus distat.

**SKLOW** arx cū ciuitate ad Borysthenem, à Kopisz duobus milliaribus distat, pro comitatu computatur. Vnde se illustis ac magnificus Dominus, Ioannes Chodkiewicz comitem scribit.

**MOHILOW** arx cum ciuitate ad Borysthenem sita, sex milliaribus à Sklow.

**BYCHOW**



**BYCHOW** castrum cum oppido ad Borysthenem situm, à Mohilow duodecim milliaribus.

**RECZYCZA** arx cum oppido ad Borysthenem sita.

**STRISSIN** arx cum ciuitate ad Borysthenem.

**LVBETZ** arx ad Borysthenem sita.

**VISZEHOROD** arx ad Borysthenem, à Kiouatribus milliaribus abest.

**VITEBSCIENSIS SIVE VL-**  
*tebliensis Palatinatus.*

**V**itebsk ciuitas satis ampla lignea, ad DWinam fluium insignem & nauigabilem, quo merces omnigenæ Rigam Liunionæ metropolim deportantur, sita. Arces duas amplissimas natura, & opportunitate loci munitissimas habet, quarum vna inferior in planitie sita, ciuitatis formam amplitudine referens dicitur. Altera superior in colle eminentiori condita, vtraque propugnaculis, & parietibus ex roboribus extructis, terraque & lapidibus impletis, suppellectilique bellica tormentis & bombardis apprime munita. Eas vnà cum ciuitate ab Oriente fluuius DWinà oportune præterlabitur, in quam sub ipsa arce ex altera parte Viczba fluuius exoneratur. Hæc arx omnium arcium finitimarum, totiusque Lituanix, est fortissimum propugnaculum contra incursum Moschorum, in ipsis enim finibus hostium iacet. Sæpius ab ea Moschouitæ cum suo ingenti damno fugati repulsi que sunt. Quatuor in ea præfecti siue ductores militum pedestrium asseruantur, in quorū ego numero cum patre meo Ambrosio Guagnino, quinc centenariæ cohortis decem annis præse-

ctus eram. A Vilna octuaginta milliaribus distat; quondam sui iuris principem habebat, & pro ducatu computabatur, nunc in Palatinatum redacta est. Vexillum viridi coloris bicorni, stemmate Magni Ducatus in campo albo insignitum gestat. Districtum siue provinciam vnā duntaxat complectitur, Orshensem videlicet.

ORSHA ciuitas lignea ampla, ex vna parte stipitibus præacutis munita, ex altera Borysthene fluuiio alluitur, arcem munitam muratam sibi adiuncta habet, quam ab vna parte Borysthene, ab altera Orshicza fluuius (qui nomen ciuitati indidit) præterfluit, à Witebska 18. milliaribus abest. Vexillo viridi prout suus Palatinatus in bello utitur.

SVRAS castrum inter Dunam, Casplam, & Surascam situm, à Witebska octo milliaribus superius Orientem, ad Moschouiam versus procedendo tandem Occidentem versus à Witebska 14. milliaribus occurrit.

VLA arx in conflictu Vlx (à qua nomen habet) & Dunæ fluuiorum, à Moschouitis olim fundata possessa que, & à nostris sapitis, frustra tamen tentata. postea à duce Romano Sangusko Wicz inopinata irruptione capta, exusta que, & à nostris restaurata.

TVROWLA castrum Moschorum ad fluuium eiusdem nominis, & Dunam munitissimè sita, à Poloczka tribus milliaribus abest.

SVSZA arx Moschorum, ad lacum eiusdem nominis, Moschouitis *Copia* dicitur.

CZASNIKI castrum & oppidum ligneum, ad Vlam fluuium situm, à Susza quatuor milliaribus abest.

**SIENNO** arx cum oppido à Czafniki sex milliaribus distat.

**LEPLO** arx & ciuitas bene munita, in lacu quasi peninsula condita, à Czafniki septem milliaribus abest.

**CIOTCZA** munitio ad lacū eiusdem nominis.

**CRASSNE** arx Moschouitica, à Ciotcza vno milliari sita.

**WORONIEC** castrū cum oppido ad Vściam fluiuium situm, à Poloczka tribus milliaribus abest.

**STRYZOW** munitio ad lacum ingentem sita.

*PALATINATVS PO-*  
*locensis.*

**P**oloczek olim ciuitas lignea amplissima, stipitibus septisque ligneis circumdata, ad Dwinam fluiuium condita, arcem ligneam natura & oportunitate loci munitissimam, turtibus & propugnaculis firmatam habet, quam ab vna parte Dvina, ab altera Polora, à qua ciuitas nomen sortitur, præterfluit. Milites in ea præfidiarij à rege Poloniae frequenter asseruabantur, ciues & mercatores in ea ditissimi erant, sed anno Domini 1562. Ioannes Basiliades Magnus Dux Moschouiae, eam vi tormentis bellicis admotis, strenua oppugnatione, obsidium verò indiligenti & oscitati defensione, in ditionem suam redegit, Polonisq; præfidiarijs liberè dimissis, Lituanos & Ruthenos ciuitatis incolas, cæterosq; qui illuc velut ad asylum confugerant, in Moschouiam vinctos abduxit, prædamque dictam incredibilem auri & argenti illinc asportauit: hæc ciuitas cum arce & suo territorio, in Moschouiae principis ditione permanet, vs-



que ad ann. 1579. mense Aug. quo tempore Steph. Bator rex Polon. strenuè (vt postea dicitur) cum toto territorio recuperauit. Habebat olim sui iuris principem, & pro Ducatu amplissimo cōputabatur, purpurei coloris stemmate Magni Ducatus insignitum in campo albo nobilitas prouincialis, quæ regi Polonia, Magno Duci Lituaniæ subest, in bello gestat.

VSACZA munitio ad fluuiū eiusdem nominis, & Dunam sita, à Poloczka tribus miliaribus distat.

DISNA arx ampla, vallo forti & inexcussio circumdata, rebusque bellicis apprime munita, Disna, & Duna fluuiio opportunè circumluitur; ciuitas quoque inter eosdem fluuios vallo stipitibusque præcutis & propugnaculis munita, à Poloczka sex, à Vilna quadraginta miliaribus distat.

DRISSA arx cum oppido circumsepto, ad fluuium eiusdem nominis & Dunam, sex miliaribus à Disna sita.

DRVHA munitio cum oppido, ad eiusdem nominis fluuium, & Dunam à Drissa sex miliaribus abest.

Ab hac arce Liuoniæ fines, & arces ad Dunā sitæ, incipiuntur, quas suo loco descripsimus. Lituaniæ quoque & Samogitiæ ditio in occidentali ripa Dune iacet. Samogitiā itaque describendam ordiemur, quæ moribus, vitæque consuetudine, & idiomate Lituaniæ similis est, eiusdemque principatus.

### DVCATVS SAMOGITIÆ.

SAmogitia regio satis ampla, proxima Lituaniæ, à Septentrione Liuoniæ contermina est, marique Balteo sine Germanico ab Occidente, nonnihil in Septen-

Septentrionem reflectendo adiacet. Prussiam quoque in vicinia habet. Nullo castro munito insignis est, ciuitates tamen in ea cum pagis tam regia, quam nobilium complures sunt. Huic regioni praefectus siue capitaneus supremus, à rege Poloniae Magno Duce Lituaniae praepositur, neque temere is nisi grauissimas ob causas officio mouetur, sed quoad vult perpetuò manet. Episcopum habet Romanae obedientiae. Agrestis turba in humilibus casis, ijsque oblongioribus vitam ducit, in quibus ignis in medio accensus ardet, ad ignem verò paterfamilias cum domesticis, seruisque sedit, iumenta quoque & totam suppellectilem domesticam cernit. Solent enim sub eodem quo ipsi habitant tecto, sine vlllo interstitio pecora habere. Maiores eorundem cornibus animalium, vrorum videlicet, pro poculis vtuntur. Audaces sunt & strenui homines, & ad bellum prompti, lorice alijsque plurimis armis, praecipuè autem cuspidibus venatorum vtuntur. equos adeò paruos habent, vt vix credibile sit ad tantos labores eos posse sufficere, quibus foris in bello, domique in colendis agris vtuntur. Terram non ferro sed ligno procindunt, quod eò magis mirandum, cum terra eorum tenax & non arenosa sit. Araturi ligna complura quibus vomeris loco vtuntur secum portare solent, scilicet vt vno fracto, aliud atque aliud ne quid in mora sit, in promptu habeant. Quidam ex prouincia praefectis quo prouinciales grauiore labore leuaret, multos ferreos vomeres fabricare fecerat, cum autem eo, sequentibusque aliquot annis segetes quadam cali intemperie expectationi agricolarum non responderent, vulgus agrorum suorum sterilitatem

*Habitatio-  
nes Samogitarum.*

*Mos arandi  
agros.*

ferreo vomeri pertinaciter adscribebat, nec aliud quicquam in causa esse putabat. Praefectus eorum vulgi seditionem timens amoto ferro, suo eos more agros colere permisit.

*Samogitia  
Sylva.*

Provincia haec nemoribus sylvisque abundat, in quibus horrendae quandoque visiones fieri dicuntur. Mel nusquam melius nobiliusve, quodque minus cetera habeat, albumque fit, quam in Samogitia reperitur. Sylvaque illic summas diuitias ferunt; stipitibus enim

*Samogitia i.  
dololatra.*

cauatis mella passim promuntur. Sunt etiam nunc illic inter agrestes, idololatrae complures, qui serpentes quosdam quatuor breuib. lacertarum instar pedibus, nigro obesoque corpore, *Ginoijos* patria lingua dictos, tanquam penates domus suae nutriunt, eosque domo lustrata certis diebus ad appositum cibum prorepentes, cum tota familia quoad saturati in locum suum reuertantur, timore quodam circumstantes venerantur. Quod si aduersus illis quid acciderit, serpentem deum domesticum male acceptum ac aturatum esse credunt.

*Miraculū.*

Accidit hoc nuper in Lituania, sex à Vilna milliari- bus in pago quodam iuxta ciuitatem Troki, quod quidam Christianus ab eiusmodi serpentis cultore, aliquot aluearia apum emit, quem cum ad verum Christi cultum multo labore adduxisset, utque serpentem, quem colebat, occidere persuasisset, aliquantò post, cum ad visendas apes suas eò reuersus fuisset, hominem facie deformatum, ore aures tenus, miserabilem in modum diducto offendit: tanti mali causam interrogatus, respondit se quod serpenti deo suo domestico manus nefarias iniecisset, ad piaculum expiandum hac calamitate puniri, multoque graviora, si ad prio-



ad priores ritus suos non rediret, eum pati oportere. Est etiam quatuor à Vilna milliaribus, Lanariski villa regia, in qua à multis adhuc serpentes coluntur. Hæc quamuis nō in Samogitia, sed in Lituania gesta sunt, pro exemplo tamen adduxi.

Agrestis turba in Samogitia sacrificium quoddā, *Ritus gentilis Samogitarum.* solennesque epulas gentili more sub finem mensis Octobris, collectis frugibus, quotannis celebrāt hoc modo. Ad locum conuiuio, epulisq; sacris delectum, omnes cum vxoribus, liberis & seruis conueniunt, mensam feno supersternunt, desuper panes apponunt, & ex vtraque panis parte duo ceruisæ vasa statuunt. Postea adducunt vitulum, porcum & porcā, gallum & gallinā, & cætera domestica iumenta, ex ordine mares & femellas. Hæc mactant gentili more, ad sacrificandum hoc modo: in primis augur siue incantator quispiam, verba quædam proferens, animal verberare baculo orditur, deinde omnes qui adsunt, iumentum per caput pedesque, baculis verberant, postea tergū, ventrem, & cætera membra concutunt, dicentes: Hæc tibi, ô Ziemiennik deus, (sic enim illum damonem agrestis turba appellat) offerimus, gratiasque tibi agimus, quod nos hoc anno incolumes, & omnibus abundantes, conseruare dignatus es, nunc verò te rogamus, vt nos quoque hoc anno præsenri fauere, tueri ab igne, ferro, peste, & inimicis quibuslibet, defendere digneris. Postea carnes iumentorum ad sacrificium, mactatorum comedunt, & ab vtroquoq; ferculo, antequam comedant, portiunculam amputant, & in terram omnesq; angulos domus projiciunt, dicentes: Hæc tibi, ô Ziemiennik, nostra holocausta suscipe, & comede beni-

*Mare Samo-  
giticum.*

gnus: omnesque tunc temporis lautissimè solenni-  
ter & opiparè epulantur. Hic verò ritus gentilis & in  
Lituaniam, Russiamque ab agrestibus, quibusdam in locis  
obseruatur. Mare quod Samogitiam alluit Balteum,  
à quibusdam Germanicum, ab alijs Prutenicum dici-  
tur, sinus Balticus propriè nūcupatur. Interluit enim  
Cimbricam chersonesum, quæ Germanis *Futland*,  
Latinis *Futia* vocatur. Alluit quoque Germaniam, &  
omnem Pomeraniæ regionem, atque longo tractu  
Liuoniam, Curlandiam, regionesque quasdam Mo-  
schorum principis, Suetiam, Phinlandiam, Daniæ-  
que circumluit. Huius regionis Samogitiæ, rex Po-  
lonus, magnus Dux Lituanie titulo utitur, vexillum  
album bicorni stemmate Magni Ducatus Lituanie,  
in campo rubeo insignitum, Samogitia in bello ge-  
stat. Incolæ regionis, omnibus ferè eum Lituanis  
vestiuntur habitu cinericio, moribus, regione, idio-  
mate paucula differentia interiecta, vtuntur. Ideo  
nunc ad describendos mores Lituanorum oratio-  
nem dirigemus.

*Fluij Li-  
thuanie.*

Lituaniam admodum syluosa est, prout & Samogi-  
tia, paludes lacusque ingentes, & amplissimos in qui-  
busdam locis maris, formam referentes, habet. Præ-  
terea multos fluuios nauigabiles, quorum alij Ori-  
tem versus, utpote *Bog* (Herodoto Hispanis dictus)  
Perepetus, Tur, Swislocz, & Beresina, in Borysthe-  
nem vulgò *Dnepr*, dictum exonerantur. Borysthe-  
nes verò pluribus fluuijs haustis in Oriente, tandem  
in Meridiem decurrens, in Pontum Euxinum illabi-  
tur. Alij verò Cronon, vulgò *Niemen* dictus, Vilia,  
Karcw, Bug, in Occidentem nonnihil in Septentrio-  
nem reflectendo decurrunt, in mareque Germani-  
cum

cum iuxta Gedanum celeberrimū emporium Prus-  
sia exonerantur, DzWina autem Ptolemaeo Rubon  
ex Moschouia ortus, à Riga duobus milliaribus ei-  
dem mari commiscetur.

Animalia in Lituania omnis generis parua sunt,  
gens misera maximè in villis & pagis graui seruitute  
oppressa, nam vt quisque famulorum caterua stipa-  
tus, domum coloni alicuius ingressus, impunè quid-  
uis facere, res ad vitæ vsum necessarias capere, absu-  
mere, crudeliter etiam colonum verberare potest.  
Colonis quauis de causa, ad dominos suos abiq; mu-  
neribus, aditus non parer, quod si etiam admittan-  
tur, ad praefectos & officiales relegantur, qui nisi mu-  
nera accipiant, nihil boni decernunt, & vnumquod-  
que verbum iudicis in Lituania, aurum est. Coloni  
quinque dies, aliquando sex, dominis suis laborant,  
dies verò Lunæ priuato labori conceditur, atque vt  
plurimum diebus Dominicis (nulla enim diuorum  
festa agrestes obseruant) quoduis opus absolunt, a-  
griculturam exercent, segetes prataque metunt, tri-  
turant, & id genus alia. Hoc verò & in Russia pecu-  
liare est: quod si interrogaueris, quare Dominico die  
laboras? respondere solent, nonne & die Dominico  
comedere oportet? Imperatam pecuniam quotan-  
nister quaterq; pro defendendis regni finibus pen-  
dunt, à dominis quoque tributis ad inuentitijs graui-  
ter onerantur, pane atro & vilissimo, siligine vnà cū  
spicis commolita vtuntur, molendina siue pistrina  
manualia, agrestes in pagis trina quinave domi ha-  
bent, eisq; ad commoliendas fruges vtuntur, dumq;  
hæc molendina manibus vertunt, patrio more, agre-  
stem quendam concentum edere solent, dicentes,

*Tributis Li-  
tuani onerantur.  
Molendina  
Lituanorum.*



melior, hocque verbum frequentius ad cantilenę similitudinę reperunt, id verò est, tam viris quàm mulieribus peculiare, quòd de illa re, quam tunc in opere habent, cantilenas agrestes canant. Tubas quoque ligneas oblongas habent, quas inflantes, mirũ quendam & dissonum concentum edunt, aliquandoque vnus duas insimul tubas, harmonia quadam correspondente inflat.

Omnes ferè Lituani, & Samogitæ, Liouonesq; vestitu vili cinericio, communiter vtuntur, vt cùm turmatim vulgum stantem in foro conspexeris, neminem nisi cinericia veste indutũ videbis, cothurnosq; ex tilia libro, vel ex pellibus iumentorum, vnà cum fetis detractis conficiunt. Currus leues absque vllò ferri ministerio conficiunt, & omnia compangunt, arboreis gomphis & ligna coacta vicem ferri complent, rotasque ex vno ligno, in gyros aptas contorquent. Pinguedine vel pice nunquam linunt currus, & quando multi insimul vchantur, mirus quidam cõcentus querulorum axium longè auditur. Versus:

*Nec linunt Rutheni querulos pinguedine currus,  
Haud picis auxilium stridulus axis habet.*

*Auditur veniens longè crepitare Colassa,  
Sic fragilos currus, Russe, vocare soles.*

*Nam faciunt habiles, vno vectore quadrigas  
Inuectas Rutheni, quas equus vnus agit.*

*Nec facile inuenies ferrato herentia clauo  
Plaustra facit ligni cuncta ministerium,  
Et sine ferri iussu pangunt sua plaustra terebris,  
Et lignum ligno consolidare solent.*

Frumenta omnis generis, primò in calidissima  
casta,

casta, fumo exsiccant, & postea in horreo coram extracto excutunt.

# *ARANDI SEMINANDIQVE MO-*

*duſ in Ruſſia alba Moſchonia conſpni, & in  
Magno ducatu Lituanie.*

**I**N primis agros hoc modo præparant, circa feſtum  
Idiorum Perri & Pauli in æſtate, ad feſtum yſque  
aſſumptionis Mariæ, nemora, myricesque excindere  
ſolent, quam exciſionem arbuſtorum vulgãriter *Lada*  
appellant, eam ſi nemus denſum fuerit, ſtramine ſu-  
perſternunt, per hyememque ſic durare patiuntur.  
Vere autem poſtea redeunte, poſt Pãſcharis feſtum  
Sole torrido aliquot diebus ingruere, illam proſtra-  
tionem prædictam arbuſtorum, ſtramine ſuppoſito,  
ſuperſtratoque ſuccendunt, & in cinerem combu-  
runt, ubi vero terra non combureretur, illic nihil fe-  
re naſceretur, ideo ligna incõbuſta congerunt, in  
ſtruemque compoſita, denuo ſuccendunt, ſicque in  
illa terra combuſta, & inculta, collectis duntaxat car-  
bonibus, & titionibus ſuperfluis, triticum ſeminant  
primo, & ſupra ſementem, vno equo iuncto aratro,  
arant & occant, in Ruſſia videlicet. Litواني enim bo-  
bus cornibus aratrum trahentibus, arare ſolent, tan-  
taque ibi fœcunditas dictu incredibile ſubſequitur,  
ut Cereã in illis regionibus natam affirmareſ. Eo-  
dem modo & hordeum ſeminatur, metitur, & colli-  
gitur, niſi quodd crãſſiora nemora pro hordeo excin-  
duntur, & pinguiorem terram, magisque triticum  
exigit. In huiusmodi autem agris, per annos ſex vel  
octo ſimo ſtercoreque, non ſuperpoſito ſeminare  
ſolent.

Quod si arbores nimis altæ, & crassæ in ea sylua, ubi seminaturi sint, essent, utpote pinus, fraxini, robora, & id genus aliæ, eas non succindunt, nisi frondes, ramosque circumsecant, ne Solem agro præriperent. Rusticus verò vnus, omnes arbores vna semel ascensa circumsecabit non descendendo, instrumentum enim ad id factum, quasi sedile, ad stapedæ similitudinem secundum proportionem hominis sedentis factum, arbori fune longo appendit, sicque sedens à puero, fune alio ab arbore ad arborem, facile transfertur, habetque ad latus alligatum lignum curuum, ad id studio præparatum, quo arbori appropinquatus, firmiter eam apprehendit, quam à vertice ad radicem vsq; circumsecat, & frondes illas eodem modo supradicto æstate redeunte, succendit, & seminat.

Siliginem postea seminant hyemalem, super hæc culta noualia, tritico vel hordeo collecto, sed duobus vicibus ad siliginem arare coguntur, quam seminare incipiunt circa festum assumptionis Mariæ, 15. Augusti, quòd si segnis agricola non absoluerit seminationem ad aliud festum natiuitatis Mariæ, in quatuor hebdomadis sequente, octauo Septembris die, tunc fructifero prouentu consueto frustratur. Hanc seminationem filiginis hyemalem appellant: vere enim redeunte, aliam æstiualem vocatam, seminant.

Est quoque alius seminandi mos nuper adinuentus, in prædicta prostratione, succisioneq; nemorum superius descriptorum, hoc modo: Duabus partibus hordei, tertiam siliginis intermiscere solent, quam commixtionem vere instante, tempore consueto semi-

*Mirus semi-  
nandi mo-  
dus.*



feminant, eadem æstate hordeū solummodo demetunt, siliginem verò subter hordeū ad modum graminis paulatim densissimè crescentem per hyemem durare sinunt, quæ sequente æstate, adeo fecundissimè, densissimeque excrefcit, vt equo vix eam densitatē penetrare possis, & ex vno grano triginta plussve spicæ pullulāre in tantam altitudinem solent, vt vir equo insidens, vix ex ea appareat. Omnes verò agros Rutheni vno equo iuncto aratro, proscindere solēt, terra enim per se nimis facilis est.

Hic autem ordo in seminandis frumentarijs, in tota ferè Sarmatia obseruatur, primò post festum Paschæ triticum semināt, postea siliginem æstiualem dictam, ab æstiuale seminatione vulgariter *Żarzyćka* appellatur, ad differentiam hyemalis siliginis, quæ vt diximus, pro festo assumptionis Mariæ seminatur ad hyemem futuram, vnde vulgariter *Ożymina* dicitur. Ex hac si æstate seminaretur, nihil prorsus nasceretur, & econtra si æstiuale ad hyemem pro hyemali seminaretur (quamuis sibi grano similes essent, & eiusdem quasi naturæ viderentur) nulli vsui esset, sed in gramen inutile verteretur.

Hanc itaque æstiualem circa festum Paschæ seminant, secundū agri possibilitatem, præparationemq; Poloni, Lituani & Rutheni nigri, cum Massouitis & Prutenis, propter Solisq; beneficium, & regiones temperatiores priori seminatione, longè antecedūt, Ruthenos albos, & Moschouitas in Septentrionem degentes, qui ob intemperiem aëris posterius hijs omnibus seminare coguntur, at tamen interdum eodem tempore agros demetunt. Hoc autem mirū est, quòd siliginem seminantes æstiualem, post Paschatis

festum interdum, aliquot elapsis hebdomadis, tamen eadem æstate, vt decet maturam quasi per octo duntaxat hebdomadas demetunt, colligunt & recondunt.

Pisa circa ferias diui Adalberti seminant, vulgari-  
ter *Groch* dicta, quam ad longum vsum exsiccata re-  
seruant.

Auenam & hordeum post Pentecostes festum se-  
minant, quæ vulgariter *OWies* dicitur. Hordeum  
*Jecz mien* appellant.

Cicer vndecim post Pascha hebdomadis elapsis  
ante diui Petri festum seminatur. *Tatarka* Polonis,  
*Grecicha* Ruthenis & Lituanis dicitur.

Rapæ circa diui Ioannis Baptista ferias seminan-  
tur. Et omnia eadem æstate, seminata colliguntur,  
trituantur, trituratione in domibus reconduntur,  
ita vt granum ex penu ad seminadam depromptum,  
in decem aliquando, in octo hebdomadis secundum  
Solis clementiam ad penu vnde exiuit, reuertitur, a-  
gricolæ suo centuplum fructum referens.

*Recondendi* Poloni omnes, Rutheni nigri, (quorum metro-  
*frumenti Po-* polis Leopoli est) Massouitæ, Silesij, Pruteni & Li-  
*tenorū mos.* tuani quidam in horrea & acervos magnos recon-  
dunt frumenta, & aliquando apud bonum patrem-  
familias quadringentos, sexcentosve acervos quasi  
turres quadrangulares eminentes reperies, ad quin-  
decim plusve interdum annos reconditi frumenti  
*Litvani &* plenos. Sed Rutheni albi, Moschouitæ quæ omnes,  
*Moschouita* & Litvani, statim de agro in penu frumenta defalca-  
*quomodo re* ta & trituratione congerunt, & recondunt. quidam in  
*cōdant fru-* cauernis subterraneis, in abditis sylvarum studio ad  
*menta.* id effossis, & intus bene cum corticibus arborum ad-

aptatis,

aptatis, frumenta, insuper omnia victuaria, carnes porcinas salvas, & id genus leguminum ad victum pertinentium, vestesque, & præcipuam suppellectilem recondere solent, præsertim belli tempore, ubi miseri coloni securi sint, ab incurso hostili frequenti, & rapinis suorum militum.

Hoc autem apud eos in vilis præcipuè obseruatur, si quis forte capite damnatus fuerit, de seipso iubente domino, supplicium sumere suisque manibus se suspendere, etiam si recusauerit minis verberibusque exagitatus cogitur. Atque hæc nobis de Lituanis sufficiant. Hic tibi lector candide sciendum restat, quod in hoc magno ducatu, qui Polono regi cum vniuersis suis prouincijs subest, plurima sunt oppida & castra tam regia quàm nobilium, ecclesiasticorumque, quæ hîc non sunt posita. Hîc enim nos solummodo prouinciales insignioresque ciuitates, & arcès quæ olim pro ducatibus cum suis territorijs habebantur, descripsimus. Sunt præterea complures duces particulares in Lituania, comitatusque ex quibus Slucensis ducatus celebrior est, princeps enim illius, quamuis regi Polono Magno Lituanix duci subit, & ad quæuis mandata regis exequenda paratus fuerit, rerum tamen in suo ducatu qui 30. milliaribus Polonicis in longitudinem & latitudinem patet, integrè potitur, & thesauro priuato cum Italia, Germaniæque quibusuis principibus magnis, facillè adæquari potest. Sunt quoque duces alij plurimi insignes, quorum respectu Magnus Ducatus Lituanix dicitur, ex hijs primas obtinent, illustres & magnifici domini Radiuilones, dominus Nicolaus Radiuilus, in Bierze & Dubingij dux, lumen patriæ

*Supplicij sumendi modus.*

*Sluzko in Russiaciuitas & ducatus.*



& alter Cicero, Hectorque Lituaniæ, Palatinus Vilnensis, & illustris heros Nicolaus Christophorus Radiuilius, dux in Olika & Neswicz, comes in Schidlo Wiec, Mareſchallus curiæ digniſſimus, fraterq; ſuus idem dux, Dei gratia epiſcopus Vilnensis deſignatus, Georgij nomine gaudens. Ille quoque alter Scipio illustris heros dominus Ioānes Chodkie Wicus, comes in Sklow & Meſs, Caſtellanus Vilnensis, archimareſchallus Magni ducatus Lituaniæ, exercituumque imperator & gubernator Liuioniæ, ac capitaneus Samogitiæ generalis, virtutū ſpeculum inſigne, Martisq; & Mineruæ alumnus. In ſuper multos alios Heroum antiquorum, quorum uis dignitatem adæquantur duces, & viros inſignes Lituaniæ celeberrimus principatus fouet, quos ſigillatim recensere ut difficile ac longum, ita minus neceſſarium nobis videtur.

## BENEVOLO LECTORI S. D. P.

**H**ic quoque Lector candide, leges militares in comitijs generalibus Magni Ducatus Lituaniæ ſolenniter conſtitutas, tibi ut potuimus ſumma cum diligentia deſcriptas, breuiter dedicamus. Tu verò hos noſtros ſudores boni conſule, maiora accēpturus.

ARTICVLI CONSTI-  
TVTIONVM BELLICARVM

MAGNI DVCATVS LITVANIE, IN

*comitijs generalibus constituti, à supremoq; & ge-  
nerali copiarum imperatore fortissimo, & heroe per-  
petua memoria dignissimo, illustri domino Gre-**gorio Chodkie Wizio, Castellano Vilnensi**confirmata, & militibus**imperata.*

**O**Mnis qui se obligauerit seruitio sacra regia ma- Articulus  
iestatis, debet in eo ad tempus præscriptum per- primus.  
seuerare. Si verò longius seruitium militare indictum  
protractumq; fuerit. Miles autem seruire amplius  
nolens in primo quartuali non indicauerit, tunc in-  
dictum seruitium sequentis quartualis adimplere te-  
nebitur.

2 In alterius armis nemo audeat seruire, sub pœna  
amissionis honoris.

3 Si quis è castris discesserit, seruitio non finito no-  
bilis ille si fuerit, honoris, plebeius verò capitis pœna  
puniat. Ille autem qui eiusmodi hominem occide-  
rit, præsertim non habentem litteras à campiductore  
siue rotmagistro suo, iuste ab eo factum censabitur.

4 Lites, discordiasq; milites alterutrum seminare  
non audeant, sub graui pœna.

5 Quod si aliquis ex militibus, præcipue verò pede-  
stribus, arma sua stipendiaria quibus hostilis impetus  
arceatur, lusu alearum amiserit, vel si eques equum  
militie destinatum perluserit, tam lucrator, quam a-  
missor uterq; suspensionis pœna puniatur.

6 Quicumq; in campiductorem, siue rotmagistrum suum, decurionemve, vel etiam seruus in dominum suum, manu aut verbis inhonestis sese commouerit, capitis pœna plectatur.

7 Si quis in custodes castrorum impetum fecerit, vel custodiam demãdatã obire renuerit, aut ad custodiam sine voluntate campiductoris abierit, capite puniatur, excepto si excubia ordinaria illum prauenerint.

8 Quicumq; vulnerauerit aliquem in ductu legionum sub extensione vexilli, pœna honoris & capitis puniatur.

9 Quicumq; pedester in custodia locum suum non tenuerit, aut caussa alicuius sue necessitatis inde discesserit, vel si in ordinatione aciei excubisve obdormierit, vel officium iniunctum indiligenter oscitantesq; obierit, circumspectori excubiarum liberum erit talem interficere. Si autem campiductori oblatus fuerit, capitis pœna puniatur, honoreq; priuetur.

10 Si quis in custodiam campestrem destinatus, siue ex muro cum hoste collocutus fuerit, siue voluntate campiductoris, conuictus testimonio, pro huiusmodi facinore capitis pœna punitur.

11 Si aliquis miles ex thesauro sacra regia maiestatis de tormentis puluerem globosve, quam de alijs bonis sacra regia maiestatis aliquid in usum suum conuertere ausus fuerit, sine quavis misericordia turpi, & vituperoso mortis genere puniatur.

12 Si quis speculatorem ab hostibus missum, in domo sua foverit, vel de illo notitiã habuerit, talis omni misericordia semota in quatuor partes dilaniatur.

13 Quicumq; tempore necessitatis, siue conflictus à  
vexillo



vexillo in fugam sese dederit, aut verbo aliquo fugiendi causam alicui prabuerit, caput & honorem amittit, similiter qui tempore periculi, non conseruerit manus cum hoste puniatur.

14 Si aliquis temerariè in terram hostilem irruerit, vel occasione hostibus dederit, sine voluntate campiductoris, caput amittit.

15 Tempore nominis dati, quod Polonicè *Hasto* dicitur, unusquisq; miles in ordine suo pacificè permaneat. Quod si post hoc extra ordinem comprehensus fuerit, vel si nomen indictum interroganti proferre nescierit, capitis pœna puniatur.

16 Dato signo quicui per vocem tubæ, nullos clamores, & strepitus in castris aliquis facere audeat sub gravi pœna.

17 Si quis litem aliquam tempore distributionis nominum excitauerit, vel bombardam in hostem exonerauerit, capite plectatur.

18 Taberna & nocturna comessationes prohibita & vetita tunc temporis sint, sub gravi pœna.

19 Nemo militum audeat aliquid violenter alicui eripere, sub pœna suspensionis. quod si aliquid acceperit præter victum, quod unius grossi pretio constaret, sine quavis misericordia iuguleiur.

20 Nemo militum victus acquirendi causa absq; seruo campiductoris in villas audeat discurrere, ne alicui iniuria inferatur, sub pœna gravi.

21 Hominem alienigenam, aduenam & ignotum nemo in seruitium militare suscipere audeat sine licentia campiductoris, sub gravi pœna.

22 Seruitorem alterius commilitonis, siue decuria-

nis, nullius ad se persuasionibus & promissis allicere audeat, sub graui pœna.

23 Nemo militum equos stipendiarios currui iungat, neq<sub>3</sub> causa necessitatis priuata quamuis opportuna illis uti, vel alicui in usum dare audeat, sine licentia campiductoris.

24 Aduehentibus victum in castra, si aliquid per vim raperetur suspensione pœna esto.

25 Si quis in viam publicam mercandi, praripendiq<sub>3</sub> victus causa extra castra abierit, turpe ob lucrū, grauius puniatur.

26 De emptione & venditione cibi & potus, campiductor astimationem faciat.

27 Quicunq<sub>3</sub> ante astimationem aliquid emerit, emptor pecunijs, vëditor mercibus priuetur, similiter & de eo intelligendum est, qui cariori pretio quam campiductor cōstituerit, aliquid vendere ausus fuerit.

28 Satellites a campiductore missos, ad comprehendendum malefactorem, nemo verbis inhonestis proscindere audeat, sub graui pœna. Similiter administratori iniuria carnifici, nemo illudere audeat, sub pœna honoris.

29 Militum praefecti sub pœna honoris tenentur indicare, quot milites in legione sua desiderarentur. Arcis verò siue ciuitatis cuius praesidia agit, incolam aut ciuem ad militiam nemo suscipere audeat, sine licentia campiductoris, sub graui pœna.

30 Unusquisque militum praefectus diligenter animaduertat, ne arcem fidei sua concreditam ad vltimum usq<sub>3</sub> periculum vitæ tradere praesumat, sub honoris & capitis pœna.

31 Decuriones, commilitonesq<sub>3</sub> sirotmagister, (quod absit,)

absit,) per signa aliqua castrum hostibus tradere c-  
niteru, illum captum campiductori presentare te-  
nentur.

32 Rotmagister, siue militum praefectus, ad rese-  
rationem, & occlusionem portarum castru, quotidie  
praesensteneretur adesse, neminiq<sup>3</sup> castrum tempore in-  
congruo aperire audeat. Noctu vero omnes milites  
congregatos habere in arce teneretur.

33 Nemo in Castrum intromittatur, nisi certa no-  
ticia de illo haberetur, cuius sit, vel ob quam causam  
venerit, & si iustam causam dixerit solus in castrum  
absq<sup>3</sup> famulis intromittatur, qui absq<sup>3</sup> campiducto-  
ris licentia intromitti non possunt.

34 Quicunq<sup>3</sup> milium, maximè autem pedestrium  
depradationis causa in terram hostilem fruolus ab-  
ierit, talis poena capitis puniatur.

35 Si alicui custodia ordinaria venerit, ille autem  
praesens custodi non adfuerit, capitis poena esto.

36 Si quis custodie munus obiens, sequentis custo-  
dia adeuntem non expectando abierit temerarie, ca-  
put amittit.

37 Cui ex ordine custodiam obire contigerit, idq<sup>3</sup>  
muneris temerarie per ebrietatem, alearumq<sup>3</sup> lusum  
neglexerit, caput & honorem amittit.

38 Nemo rotmagistrum, commilitonumve extra  
arcem discedant, militesq<sup>3</sup> suos ad quamvis legatio-  
nem negotiorum suorum destinare non audeant, sine  
licentia campiductoris, maximè verò campiductore  
ibidem praesente sub graui poena.

39 Rem forte inuentam nemo apud se pernoctare  
sinat, sed rotmagistro, siue campiductori eam indicet,  
sub poena patibuli.



40 *Quicumq; militum absq; armis ad quaestipendia accepit, ambulauerit, vinculis corrigatur.*

41 *Nemo rixas, motusq; aliquos in arce exercere audeat, sed poena atroci, quod si quis aliquem vulnerauerit caput, & profrinola gladij extractione manum amittit.*

42 *Ad quamuis iustam emendationem arcis, maxime obsidionis tempore, nemo militum eorum, qui in ea praesidia agentes manent, propter seipsos laborare detractent.*

43 *Rotmagistri & decuriones, singuli suos milites semper instruant, doceantq; quomodo unusquisq; in acie legitime, ordinateq; stare, & armis suis competentibus commodè uti possit, quod si ex ordine aliquis foras excesserit, caput amittit.*

44 *Commilitones, siue decuriones honestè sese obseruent erga rotmagistrum suum, non solummodo manu, verum etiam verbis, similiter & rotmagister erga eosdem, neminem de honestando, verberando ve, sed si quid aliquis peccauerit, in corona omnium decurionum, sociorumq; eum indicet & puniat, rebellem verò campiductori indicet.*

45 *Quod si aliquis commilitonum sociorum ve, siue ipse iures gerens, Articulos supra scriptos, honoris & capitis poena pramunitos iustè & legitime non obseruauerit, eum rotmagister suus, campiductori sub fideiussione, & nobilitatis honore, ordinate transmittat.*

Articulorum militarium magni Ducatus  
Lituaniae finis esto.

PRVS-

PRVSSIÆ CVM SVIS  
PROVINCIIS, CIVITATIBVS  
OMNIVMQVE MAGISTRORVM

*Crucigerorum Teutonici ordinis, iuxta  
seriem compendiosa  
descriptio.*

DE PRVSSIÆ DEDVCTIONE

*doctorum opiniones.*



RÆCLARVS ille Germanorum  
legatus, & orator apud multos ex-  
traneos principes celeberrimus,  
Æneas Syluius, qui in Prussia lega-  
tionem frequenter obibat, scribit  
in suis Chronicis, quòd Prussia re-

*Syluij de  
Prussia ap-  
pellatione  
opinio.*

ctius & conuenientius, Vlmigauia appellanda sit, &  
hoc non sine causa: nam populus qui hanc regio-  
nem primò incolebat, Vlmigauus nuncupabatur.  
Ioannes autem Boëmus scribit ab ortu solis in hanc  
regionem populos Amaxobios, Alanos, & Gothos,  
Venetosque, siue Vandalitas commigrasse. Mat-  
thias verò Miechouiensis, Polonorum chronogra-  
phiæ scriptor lib. 2. cap. 8. refert, regem Bithyniæ  
Prussam nomine ab Hannibale Carthaginensi ad-  
monitum, vt Romanis bellum inferret, quod cum  
ille suscepisset, malè ei cessit. Longè enim plus Ro-  
mani totius orbis domini quàm Prussa rex Bithy-  
niæ copijs valebant, quocirca ab illis adeò cum vni-  
uerso exercitu profligatus est, vt Bithyniam regio-

*Vlmigani.  
Ioannis Boe-  
mi opinio de  
Prussia.*

*Miechouita  
opinio de  
Prussia.*

*Prussia à  
Prussa rege  
Bithynia.*

nem propriam relinquere cogeretur, & in Vlmigauiam longa peregrinatione venire, quam à suo nomine Prussiam appellauit. Commemorat, & in alio loco eorundem Chronicorum idem Miechouiensis, multos Romanos in terram istam propter atrociam bella, Romæ exorta migrasse, seque partim in Prussiam, partim Lituaniam, Liouoniamque & Samogitiam diffudisse. Erasmus verò Stella asserit in hanc regionem gentiles quosdam populos Sargarianos, Gelidanos, Alanos, Venedosque venisse, qui omnes in Vlmigauia, non diu tamen domicilium habuerunt. Sebastianus autem Brand Germanorum chronographiarum scriptor, sic de Prutenis eorumque sedibus inquit: Pruteni proximi sunt Vistulæ, siue Vandalo fluuij, qui Poloniam à Germania disternit, hic fluit ex Silesia, Poloniaque minori & Massouia præterlapsa per Prussiam Gedanum vsque decurrit, ibique in salsum mare exoneratur.

*Fines Prussie.*

Ab æquinoctio itaq; Prussiam Saxonia attingit, ab Occidente Pomerania, & mare Balticum siue Germanicum, ab ortu Solis Lituaniæ, à Meridie Poloniæ regno, & Massouia ducatus contermina est, à Septentrione Curlandia, Liouoniaque terminatur. Regio est fertilissima frugum pecorisq; abundans, incoluerunt illam, (maximè autem iuxta Vistulam fluuium) Vlmigau, Alani, Amaxobij, Gothique, vt testis est locupletissimus Ptolemæus. Hæ gentes, in primis immundos spiritus, & prophanas creaturas adorauerunt, vsq; ad tempora Friderici Cæsaris huius nominis secundi, cuius consensu & approbatione à Teutonici ordinis Crucigeris, qui primò Ma-

*Prussæ gentes.*

riani



riani vel Pauperiani nuncupabatur perdomiti sunt, & ad fidem Christianam conuersi, anno Domini 1216. de his fufius chronica Pontificum de ordine fratrum Teutonicorum eorumq; origine legi poffunt, poterit infuper Sebastianus Francus in fecunda parte Chronographia fua videri.

*PRISCA ANTIQVORVM PRV-  
tenorum religio.*

**A**Nno Domini 503. gentilibus Prutenis, fuae V-  
Amigauis rex quidam Bruteno dictus impera-  
uit, qui cum iustos annos aetatis confecutus efferet, re-  
gium fceptum diutius tenere resignauit, quietam  
vitam ducere inftituens, quocirca fratrem Veijde-  
nutum fuccefforem fibi in regno elegit, traditoque  
fratri fceptro, ipfe Bruteno fummus facerdos gen-  
tili ritu effectus eft, nomenque ei dignitatis indi-  
tum fuit, *Kirie Kirieito*, quafi dicas proximus no-  
fter dominus. Huic pontifici fuo Pruteni & ido-  
lis, praecclaram fanè & cum maximo fumptu ha-  
bitationem, fub quercu quadam erexerant, loco-  
que Romana à Roma nomen indiderunt. Circa  
hanc quercum octo vlnarum in latitudinem, & al-  
titudinem tela optima fericea extenfa fuit, in quam  
habitationem nemo praeter patriarcham eorum,  
*Kirie Kirieito* dictum, & praecipuos miniftros ido-  
lorum munia obeuntes intrare poterat. Si autem  
aliquis inuifendi, honorandi, adorandi vel offeren-  
di gratia ad idola veniffet, tunc conftituti deorum  
miniftri telam, vt idola viderentur, à quercu fe-  
moueabant. Quercus hac tripartita fuit inter cate-

*Ab eodem  
Bruteno  
Pruffia ap-  
pellatā qui-  
dam autu-  
mant.*

*Kirie Kirieito  
nomen  
na Gracora  
ex Bithynia  
idioma per  
fonant.  
Proceffus  
religionis  
Prufforum.*

*Perum  
idolum.*

*Patrimpo  
idolum.*

*Tertium  
idolum Pa-  
telo.*

*Wrschayto  
idolum.*

*Schneybra-  
to idolum.  
Gurcho  
idolum.*

ras siluas quercinas delectissima in loco, (vbi nunc oppidum Heyligen beil, id est, sancta securis constructum est,) sita erat, ex vna parte Prutenorum deum qui *Petuno*, id est, fulmen dicebatur, habebat: in huius laudem & honorem ignis ex quercubus construebatur, qui die nocteque perpetuò ardebat & nunquam exinguebatur, quod si negligentia ministrorum ad hoc officium præstandum deputatorum ignem extinguere contingeret, capitali supplicio afficiebantur. Ex altera parte collocatum erat *Patrimpo* idolum, cuius cultus erat in serpente viuo retinendo, qui lacte vt eò commodius viueret alebatur. Tertia ex parte demoniacum idolum *Patelo* nomine, situm fuit, huius honor in retinendo alicuius mortui hominis capite consistebat. Habuerunt præterea alios multos deos quos adorabant, cultuque diuino prosequiebantur, semper tamen inter querceta holocausta eis offerre solebant, & quot ferè res habebant, tot præfides & deos constituebant. Fuit igitur deus singularis *Wrschayto* gentiliter dictus, quem magno honore venerabantur, & pro lare siue deo domestico super omnia mobilia, iumentaque utpote, equos, boues, oues, capras, fues, &c. eum præponebant. Alter deus fuit *Schneybrato* dictus, hunc super anseres, gallinas, anates, columbos, pauones, &c. constituebant. Tertium deum domesticum, *Gurcho* dictum habebant, is omnibus esculentis cibarijsque præponebatur.

Præterea tonitruis, lunæ, stellis, serpentibus, bubonibus, & omnibus penè creaturis, diuinum honorem deferebant. Fuit hic populus quondam barbarus

barus & incultus, nec ullam scripturam nouerat, propterea nec fidem adhibebant, si quispiam diceret hominem, homini per litteras animum & voluntatem aperire posse. Potus illorum aqua mellis commixta, & lac equinum erat, liberales valde & hospitales aduenisse exhibebant.

*DIVISIO PRUSSIAE IN DVO-  
decim ducatus.*

**A**NNO diuinæ incarnationis 373. Vedenuto princeps Prussiae, (qui Bruteno fratri voluntarie sceptrum deponenti successit) duodecim filios procreauit, quorum hæc nomina fuere, Saymo, *Nomina filiorum Vedenuti.* Neydro, Sudo, Slauo, Natango, Barto, Galindo, Varmo, Oggo, Pomedzo, Colmo, & Lituo. Cumq; iam Vedenuto princeps, centesimum decimum sextum annum attigisset, regiones Prussiae inter filios diuisit, Saymonemq; natu maiorem summæ rerum præfecit. Atque ita Prussia in duodecim ducatus, secundum filiorum principis Vedenuti, numerum diuisa est, & unusquisque à suo principe nomen accepit. Quos hic secundum ordinem cum sua dispositione, castrisque & ciuitatibus, annorumq; numero, quādo videlicet à Crucigeris potissimum erectæ sint, describemus.

*SUDAVIA DVCATVS*

*I.*

**P**RIMUS & præcipuus Prussiae ducatus Sudavia olim erat, qui à Sudauo Vedenuti filio principe, suo nomen sortitus est. Hic ducatus omnes alios &



præstantia, & fertilitate antecellebat: nam quocunque tempore necessitatis, sex millia equitum, & octo millia peditum præstare valebat. In hac regione præcipui nobiles & procures totius Prussiæ præscorum tempore sedes suas habebant, nunc autem paludibus & sylvis maximis obsitus scæter, nec ullum vestigium tam insignis & nobilis regionis remanet, præter septem pagos, quos coloni possident, in Luptauensi territorio, tota enim est deuastata à Crucigeris ordinis Teutonici, non aliam ob causam, quam propter inobedientiam & infidelitatem. Distinguit Sudauiam à Sambia regione palus quidam, à ducatu verò Nadrauiensi fluuius LaWo appellatus.

### SAMBIA DVCATVS

#### II.

Sambia nunc Szamland appellata, regio Prussiæ à principe Saymo nomen accepit. Hæc priori cum potentia, tum fertilitate non multum cedere videtur, poterat enim eo illa 4000. equitū & 4000. peditum congregari. A Natangia regione fluuiio Pragel dicto determinatur.

Sequuntur castra & ciuitates ad Sambiensem ducatum pertinentes.

Lebenicht	} vnaquæque earum condita anno Domini	1256.
Kneypach		1380.
Regiomontum cum castro & antiqua, (vt illi appellant) ciuitate.		1260.
Fischusia		1269.
Lechster		1289.
Mulmelburgia.		1279.
		Girma-

Girmauia,	Boberia,	Tyremburgia,
Rudauia,	Lubtauia,	Bonundia,
Neuhusia,	Schaccia,	Rositta,
Wargia,	Chremetia,	Caymen.
Ceilgarbia,	Waldouia.	

His nominibus arces in Sambia olim appellabantur cum suis ciuitatibus, quæ omnes à Crucigeris bene muratæ & fossis cinctæ extiterunt, nunc quædam arces in curias iudiciales redactæ sunt, quarumdam etiam magna pars, humi prostrata iacet.

## NATANGIA DVCATVS.

### III.

NAtangia regio à principe Natango nomen ducit, quæ à Bartia regione flumine, Alla nominato, secernitur, à Pomesania Passaria fluuio, determinatur. Regio est optima, arces & ciuitates plurimas, prout inferius ordine descriptæ sunt, habet.

Waldouia ciuitas	} condite ( sunt an- ( no Do- ( mini	1 2 5 6.
Girdauia ciuitas		1 3 2 6.
Cintia oppidum		1 3 1 3.
Creneburga ciuitas cum arce		1 2 5 3.
Heiligen beil oppidum		1 3 0 1.
Fridlandia ciuitas		1 3 1 2.
Schippenbeilia ciuitas		1 3 1 9.
Brandēburga oppidū cum arce		1 3 6 2.
Balga arx	}	1 2 3 9.
Damnouia ciuitas		1 4 0 0.

## NADROVIA PROVINCIA

IIII.

**R**egio Nadronia à principe Nadro denominata est, eam à Natangia fluuius Pregiel disternat, è Slauonia Nara amne distinguitur. Hæc maiori ex parte à fratribus ordinis Teutonici, propter infidelitatem incolarum deuastata est, reliquæ eius & vestigia reperiuntur, casæ & tuguria in quibus piscatores habitant.

## SLAVONIA DVCATVS

V.

**S**lauonia regio quondam priscorum Prutenorum temporibus, pro ducatu computabatur, à principe Slauo nomine denominationem accepit, ex maiore parte à Lituanis, Crucigerisq; depopulata est, eam à Lituania Memula fluuius disternat. Has infra scriptas munitiones & arces complectitur cum ciuitatibus & oppidis.

Ragneta	}	His annis incarnationis diuinæ, à Crucigeris fratribus constructæ sunt.	}	1253.
Tilla				1289.
Renum				1276.
Liccouia.				1273.
Salauia.				1385.
Labia	{		}	1258.
Tapia				1255.
Vintburgia				1409.
Christouerder	{		}	1253.

Baytia



Boytia	1	3	3	8.
Cestia	1	1	8	5.
Norbeitia	1	3	8	1.
Vonsdorfa	1	3	9	1.
Angerburgia	1	4	1	2.
Dringofortia	1	4	0	3.

## BARTONIA DVCATVS. 6.

**B**artonia à Barto principe nominis etymologiam ducit, cum Lituaniis, & Moschouitis terminis disceptat, à Lituania 70. stagnis & solitudine, à Galindia verò flumine quodam finitur, nunc magna ex parte à Lituaniis & Crucigeris peruastrata est. Arces has cū oppidis, à Crucigeris correctas complectitur.

Nordemburga	His annis hæ munitiones, à Crucigeris erectæ sunt.	1	5	0	5.
Iohansburga		1	2	6	8.
Gurgburga		1	2	5	9.
Insterburga		1	3	4	2.
Rihtenerder		1	3	9	6.
Bartouia		1	3	6	5.
Rhenum		1	3	7	5.

## GALINDIA REGIO. 7.

**H**æc regio à Galindo principe Galindia nuncupata est, cuius Massouia filia ingens à Meridie fines excipit, quondam tam populosa fuit, vt successu temporis, populus in ea progenitus, locum nō haberet. Vnde præpositi regionis obstetricibus seuerè mandarunt, vt nullam sceminei sexus, post partum prolem, hac luce frui permitterent, quam rem cū minus obseruatam animaduertent, mamillas sc-

*Grande fa-*  
*cimus.*

*Pruteni in  
Maffoniam  
excurrunt.*

*Pruteni in  
Maffoniam  
excurrunt.*

*Maffonii  
Prutenos  
profligant.*

minis ne amplius prolem educarent, amputarunt, quod facinus mulieribus summa triftitiæ, & miferiæ cauffa fuit. Erat autem in illa regione mulier quædam authoritate, nomine & potentia clara, quæ pro prophetiffa habebatur: oracula enim interrogantibus dabat. Huic cum mulieres calamitates fuas exponerent, prophetiffa illa, miferæ forti fœmineæ condolens, dolos quibus viros circumueniret, & perpetratum facinus vlciferetur, expiaretque, indagare, cogitareque cœpit, conuocatisque omnibus proceribus, & nobilioribus viris Galindiæ, monuit eos, vt Christianis bellum, fine vllo armorum genere (euentus enim rerum prædicere folita erat) quam celerrimè inferrent, hanc enim voluntatem deorum effe feridò affirmabat: quibus Galindæ auditis, fine vlla mora, (certum enim effe credebant,) iuuenes, senesque valida manu inermes in Polonorum, & Maffouiorum Christianorum provincias, cum impetu excurrunt, naclaq; ingenti hominum, & iumento- rum præda, ad fua proficifcuntur. Interim verò captorum Christianorum aliquot aufugiunt, continuoque reliquis Christianis nunciât, quomodo Galindi fine armis, in terram eruperint. Christiani re intellecta bene armati Galindos affecutos, maxima cruentaque ftrage profligant, prædamque repetunt, bellumque continuantes, fugientes hoftes in regionem vſq; eorum perſequentur, quam armis & igne euertunt, reliquias tam matronarum, ancillarum, & iuuenum, in captiuitatem abducunt. Has ciuitates & munitiones Galindia complectitur.

Ortele.

Orteleburgum castellum	} Anni instau- rationis eo- rum	1266.
Rastenburgum oppidum		1329.
Neyburgum arx & oppidū		1238.
Passenhumia oppidum		1388.
Drechlouia arx & oppidū		1338.
Lucia castellum		1348.
Lucemburgia oppidum		1349.

## VARMIA REGIO 8.

**V**Armia siue Wermelandia regio à Warmo principe, nomen sortita est; à Pomesania prouincia stagno, & flumine Passaria discernitur, à Natangia paruis quibusdam fluuiis, has arces cum ciuitatibus complectitur.

Ressel arx & ciuitas	} His annis sunt ex- tructæ.	1337.
Sreburg arx		1348.
Bichoffstein ciuitas		1325.
Wartembergia ciuitas		1325.
Allenstein arx & ciuitas		1367.
Melsatia arx & ciuitas		1326.
Helsberga arx & ciuitas		1320.
Wermeditum arx & ciuitas		1316.
Gulstadia ciuitas		1326.

HOGKERLANDIA PRO-  
uincia. 9.

**H**Ogkerlandia siue Pomesania, à principis nomine Hogo appellata est, eam à Natangia, Passaria fluuius separat, à Pomesania duo fluuij Melsink & Drafen appellati, hasque arces cum oppidis complectitur.



Brandenburgum castrum	} His annis ex- tracta sunt	1 2 5 8.
& oppidum		
Frauenburgum oppidum		1 2 7 9.
Tolkiemit oppidum		1 3 6 5.
Munhusia castellum		1 3 6 5.
Scharpouia prædium		1 4 0 0.

Elbingense castrum constructum anno 1 2 3 7.  
 Ciuitas verò ipsa Elbinga celebris & populosa em-  
 porio clara instaurata est, anno 1 2 3 9.

*CULMENSIS DVCATVS 10.*

**C**ulmia regio Prussiae, à Culmo principe deno-  
 minationē trahit. A Polonia & Pomerania Vi-  
 stula fluuio secernitur, à Pomesania flumine Ossa, à  
 Michlouia verò & Dobrinia territoriis Drebnicz  
 fluuio, fines suos dirimit, has ciuitates & munitiones  
 habet.

Culina ciuitas ampla	} erecta sunt annis hisce	1 2 2 3.
Wentslauia arx		1 2 1 5.
Aldusia castrum		1 2 3 8.
Grandentz arx & ciuitas		1 2 9 9.
Gugeleburga ciuitas		1 2 3 0.
Schonse arx cum ciuitate		1 3 0 5.
Strasburga arx & ciuitas		1 2 8 5.
Bartonia arx		1 3 4 6.
Neumarckt ciuitas		1 3 2 5.
Rogosna arx		1 2 9 3.
Culmenſe ciuitas		1 2 5 1.
Torunia arx cum ciuitate amplissima, emporio cla- ra ad Vistulam condita		1 2 3 5.

Papauia

Papauia arx	}	1	3	7	5.
Frideck arx		1	3	3	1.
Lipno arx		1	3	1	9.
Lefna ciuitas		1	3	2	8.
Golba arx & ciuitas		1	3	0	0.

Luben arx cum ciuitate	} hisce annis extuctæ.	1	2	3	3.
Reden ciuitas cū arce		1	2	3	3.
Bergelauiā arx		1	3	0	5.
Lautergurgia arx.		1	3	0	1.

Huius ducatus titulo rex Poloniae vtitur.

### POMESANIA PROVINCIA.

**P**omesania à Pomesa principe, finitur ab aliis regionibus Vistula, Elbinga, Drusno, Drobnicz, Wessera, multæ in ea præclaræ arces & ciuitates, vt sequitur, habentur.

Mariemburga ciuitas ampla, anno Domini 1302 extructa est, arx verò anno 1281. à fratribus Teutonicis erecta sub magistro ordinis Hartmāno Comite Heldrouiesi, natura loci munitissima, valloq; fortissimo & fossa profunda circumducta, muro & propugnaculis, ac cōmeatu copioso, apprimè firmata, regis Poloniae præfidiis tenetur.

Neutichia oppidum	}	1	3	2	9.
Stum arx cum ciuitate		1	2	4	9.
Cristburga arx & ciuitas		1	2	5	8.
Preusmarck arx		1	3	2	9.
Salfeld ciuitas		1	3	2	8.
Merinck arx cum ciuitate		1	2	9	0.
Holand arx & ciuitas		1	3	2	9.

Lübstadia ciuitas		1302.
Osterrade arx & ciuitas		1270.
Rosenburga arx cū ciuitate		1289.
Mariēuerder arx cū ciuitate	Hæ ciuita-	1311.
Garnesia ciuitas	tes cū suis	1328.
Germanica Eilouia arx cum	munitio-	1337.
ciuitate	nibus his	
Lebmulia ciuitas	annis ex-	1337.
Hohenstein ciuitas	trude sunt.	1301.
Schonembergia arx		1319.
Rosembergia ciuitas		1315.
Eilemburga ciuitas		1299.
Neumburga ciuitas cū arce		1289.
Salauia ciuitas cum arce.		1306.

### MICHLovia PROVINCIA. 12.

**M**ichlouia admodum angusta terra est, inter Brodnā & Drebnicz fluuios iacet. Huius causa Poloni cum fratribus Teutonicis perpetuas rixas fouebant, nullam arcem præter vnam ciuitatē Stralsburgam, & tres munitiones, Berklij, Dornik, & Michlouiam habet.

Pomeraniæ regionem amplissimam, longo tractu mari adiacentem, vnde & nomen habet, in Poloniæ regionum descriptione, latius indicabimus. De qua multa bella Poloni cum Prutenis gentilibus, & Crucigeris habebant, in hac sita est celeberrima vrbs *Dantiscum*. Gedanum, siue Dantiscum appellata, à mari Germanico vno milliari abest, eam celeberrimus fluuius Vistula præterlabitur, ibidemque amplissimis ostiis in mare exoneratur. Celeberrimū in ea totius Pomeraniæ, & Prussiæ emporium est, regi Poloniæ subiecta, anno Domini 1285. translata.



**P**ruteni gentiles barbarie indomita rigētes, peruerſi & infideles erant, vanas creaturas quaſlibet pro diis colebant, nec ſe ad fidē Chriſtianam cōuertī patiebantur. Idiomate pprio à Liuonico nō diſſimili utebantur, Poloniſ & Maſſouitiſ tributarij erant, ſed frequenter naſta occaſione iugum excutiebāt, ideo multa bella longo tēpore Poloni cum eis tenuerūt. Poſtea an. Dom. 1211. Cōradus Maſſouia princeps ex regibus Polonorū genus ducēs, à Pruteniſ gentilibus ſæpius variis excuſſionibus infeſtatus, ad imperatorē Fridericum huius nominis II. legatos deſtinauit, implorās auxilia aduerſus infideles Prutenos, qui libenter fratres ordinis Teutonici Crucigeros à Sarraceniſ tūc tēporis Hieroſolyma pulſos, in Pruſſiā 20000. miſit, quibus princeps Maſſouia Culmē ſem terram in primis donauit, cum arce Dobrzinenſi, hac conditione, vt tempore neceſſitatis ſubſidium ſibi contra infideles Prutenos ferrent, Pruſſiamq; ſubiugatā inſimul partirentur. Hic quædam de origine Crucigerorum Teutonici ordinis ſubiiciemus.

*Crucigeri  
in Pruſſiam  
veniunt.*

### ORIGO ET PRINCIPIVM TEV.

*tonici ordinis.*

**A**Nno Domini 1188. cū Balduinus rex Chriſtian⁹ Hieroſolymis regnaret, Sarraceni & barbari ex arce nomine Ptolomaida, Latine Acona, Germanice Actriſ dicta, variis excuſſionibus ſanctā terram infeſtare ſolebant. Quamobrem rex cōtra barbaros Sarracenos auxilium petiit à Chriſtianis. Longobardi igitur ſexaginta galeras, & in hiſ quinquaginta millia virorum, in ſubſidium miſerunt, cum quibus multi homines probi piæ peregrinationis cauſſa, in terram ſanctam proſecti ſunt. Horum nu-

*Expeditiſ  
Chriſtianorū  
in terram ſanctā.*

merus erat 500. partim ex Saxonia, partim ex aliis prouinciis Germania, qui omnes in vnâ nauem congregati, Aconam vsque peruenerunt, vbi per integrum annum, cum infinita multitudine Christianorum, Aconam antequam caperetur, oppugnauerunt, in oppugnatione multi Christianorum telis barbarorum læsi erant, vnde in morbum inciderunt, passimque sparsi, cum neminem in terra aliena qui subleuaret inopiam, haberent, multi fame perierunt. Erant autem ex peregrinis præcipui, octo boni & pii viri Teutones, qui cum videret Christianos tam miserè interire, commiseratione ducti curam illorum susceperunt, diligentiaque illorum plurimi infirmi conualuerunt. Postea xenodochium, siue hospitale sub titulo beatæ virginis Mariæ, Aconæ erexerunt, primusque xenodochij præfectus, Henricus de Valpoth electus est, ex Germania oriundus: hic maximâ diligentiam, in fouendis infirmis & egenis adhibuit, vltimum diem Aconæ peregit, ibidemque sepultus est, an. Domini 1190. Postea Balduinus rex, Hierosolymis templū, & xenodochiū, pro pauperib. & pluribus nobilibus infirmis, qui in bello Aconienſi læsi erant, extruxit, sub titulo beatæ virginis Mariæ.

Tandem anno 1191. Clemens papa huius nominis III. hunc ordinem confirmauit, & intitulationem dedit fratribus Teutonicis, xenodochij Hierosolymitani beatæ virginis Mariæ. Præterea diui Augustini, regulam illis seruandam imposuit, stemmateque cum cruce nigra eos insigniuit.

**P**O S T E A patriarcha Hierosolymitanus singulos fratres Teutonici ordinis à pontifice Romano confirmatos, alba chlamyde ex vtraq; parte crucem nigram

*Hospitale  
beatæ Ma-  
riæ Virginis  
Hierosoly-  
mit.*

nigram habente ornavit, sicque illi habitum suum  
 susceperunt. Fuerunt qui vestiti sunt 24. fratres laici,  
 & 7. sacerdotes. His lorica indutis, gladio accincto, *Habitus*  
 missam celebrare concessum erat, nullus barbā ton- *Crucigero-*  
 debat, & super saccum stramine impletum, regula *rum Teuto-*  
 iubente, dormiebant, sed statim hæc mira quadam *niscorum.*  
 metamorphosi immutata sunt.

SECUNDVS Henrico de Valpoth, primo ma-  
 gistro xenodochij Hierosolymitani, Otto de Kar-  
 pen nobilis Germanus in magisterio successit, anno  
 Domini 1200. sub imperatore Romanorum Philip-  
 po huius nominis II. & Innocentio summo pontifi-  
 ce, hic in humilitate, & cordis simplicitate Deo & fra-  
 tribus seruiuit. Sexto anno officium absoluit; Aco-  
 næque sepultus est.

TERTIVS ordinis magister Hermanus Brand  
 Olfacensis, electus est, sub pontifice Innocentio III.  
 & Philippo II. in ordine Germanorum imperato-  
 rum XII. anno 1206. præsuit officio quatuor annis,  
 pauperibus quantum potuit satisfecit, Aconæ sepul-  
 tus est.

QUARTVS Hermanus à Salicen, nobilis Mi-  
 snensis, Ottonis, & Friderici secundi, imperatorū In-  
 nocentij III. & Honorij Gregorijque IX. pontificū  
 temporibus, anno Domini 1210. electus est. Hic o-  
 mnium præclarissima privilegia ordini à pontifice, &  
 Friderico secundo, Cæsare consecutus est. Nam cum  
 simultates, & odia inter pontificem Romanum, &  
 Fridericum Cæsarem exorta essent. Ille huiusmo-  
 di cladem prudētia sua è medio sustulit, sub eo Con-  
 radus Marchio Turingensis habitum suscepit, duo  
 millia nobiles, & auratos equites Germanos in ordi-



*Poloni &  
Massoniæ  
Prussiam  
Crucigeris  
concedunt.*

ne habuit, quos 30. continuis annis rexit, eius temporibus fratribus ordinis à Sarracenis Hierosolyma pulsus, Prussia concessa est, regnum Polonia, Contradiq; ducis Massoniæ, & imperatoris Friderici II. concessu. Quorum 20000. in Prussiam venerunt, Prussosque Gentiles auxilio Polonorum, ex terra Culmensi eiecerunt.

1 QVINTVS magister Cōradus Turingorum & Catthorum Marchio, sub Cælestino III. pontifice, & Friderico II. imperatore, anno 1240. electus est, habitum Marienburgæ, in Prussia suscepit, cum multis nobilibus adolescentibus, & viris eximiis, ac prudentibus, cum Prussis Gentilibus, multa bella gessit, magnoq; labore fines regionum ordinis dilatauit, & si quæ ruinam minarentur, illas refarciens optimè conseruauit. Postea è viuis excessit, Marienburgæ sepultus.

6 SEXTVS ordinis magister Poppa ab Osterling, electus est Contradi III. imperatoris, & Innocentij III. pontificis temporibus, anno 1252. Multa præclara bella cum Prutenis, Liunionensibus, & Swantopolo duce Pomeranorum gessit, postea ante Ligniciam ciuitatem cum Conrado Silesiæ duce, sanctæ Hedwigis marito, à Tartaris totam ferè Sarmatiam vastantibus, interemptus est, à Christianis verò Vratisslauiam delatus, ibique in Basilica diui Alberti, terræ mandatus est, huius magistri tēpore Regiomontum constructum est.

7 SEPTIMYS magister, Ioannes Sangerhausen-  
sis officium suscepit tēpore Wilhelmi comitis Flandriæ, Romanorum imperatoris, & Alexandri III. pontificis, anno 1263. Infidelium Prutenorum vires  
mirabi-

mirabiliter diminuit, ordoq; eo præfidente, plurimum profecit, Dominicanorum monasterium Torunia fundauit, Brandenburgæ quoque ciuitas cum arce eustēporibus ædificata est, anno Domini 1266. Tapia quoq; munitio erecta. Annis 12. præfuit, Treueris sepultus est.

O C T A V V S magister, Hartmannus comes Helldringensis constituitur, sub Rodolpho XXVII. imperatore, Habsburgēsi comite, & Clemente IIII. pontifice, anno Domini 1275. vir pius & industrius extitit, Nadrauiam, Sudauiamq; regiones Prussiæ debellauit, cum cæterisq; finitimis longas acies tenuit. Eo præfidente, anno 1279. Mœnia ciuitas ædificata est. Anno verò Domini 1281. Marienburgēse castrum erectum est. Venetiis vltimum diem clausit, ibidemq; sepultus est.

N O N V S magister Burchardus à Swenden, sub Rodolpho Cæsare XXVII. & pontifice Ioanne XXI. electus est, anno 1283. eo præfidente fratres ordinis, cum Prussis infidelibus bellum acre larga sanguinis effusione gesserunt, eosq; in integrum ad obedientiam compulerunt. Postea 7. annis in officio expletis, magistratu se abdicauit, mortuus est Rhodiis, ibidēq; ad Basilicam S. Ioannis sepultus.

*Pruteni gentes funditus debellantur.*

D E C I M V S magister, Conradus de Feuchtuan-gen, munus magisterij suscepit, sub Adolpho XXVIII. imperatore, & Nicolao IIII. pontifice, anno 1290. eo præfidente ordo multum profecit, 7. annis fratres in officio continuit, Pragæ Bohemiæ metropoli spiritum exhalauit, Trebniciq; sepultus est.

V N D E C I M V S magister Gotfridus, comes de Oloch electus est, sub Cæsare Adolpho 28. Germano-

norum imperatore, & pontifice Cælestino 5. anno Dom. 1297. Hic Venetia cū multis fratribus in Prussiam profectus est. 10. annis officium gessit. Postea comitiis celebratis, magisterium resignavit, in Germaniamq; profectus, è viuis excessit.

12 D V O D E C I M V S magister Sofridus de Feuchtingen, anno 1307. creatus est, Alberti imperatoris Austriæ ducis, & Clementis pontificis temporibus. Hic sedem Venetiis, Prussiæ castrum Marienburgam transtulit: nam in terra sancta, Venetiis, Neapoli, & in Anglia sedes suas, & præclara ædificia propter quasdam similitudines amiserant. Duobus annis officio præfuit, Marienburgæ mortuus est.

13 D E C I M V S tertius magister, Carolus Treuirenensis susceptus est, sub Henrico VII. imperatore, & Clemente V. pontifice, anno 1309. erat insignis vir prudens, & industrius, anno Domini 1312. eo præfidente, Memula arx, in Curlandia regione Prussiæ fundata est, ad propulsandos Lituanorum incursus. Tandem prædictus magister à pontifice Romam citatus, adeò crimen obiectum auxilio Dei diluit, vt in aduersariorum caput redundaret. Romaq; discedens, in itinere, Viennæ morbo oppressus, exspirauit, ibiq; tumulatus est. Huius tempore pestis per integrum annum tantopere grassauit, vt omnia frumenta penuria hominum in agris manerent.

14 D E C I M V S quartus, magister Wernerus Vrselensis, temporibus Cæsaris Ludouici XXXIII. & Ieannis pontificis XXII. suscepit officium suum, anno 1322. ordini cum summa laude præfuit, citò post interemptus est à fratre ordinis Ioanne Bunsdorfio, in  
vigilia



vigilia sanctæ Elisabeth, cùm ex vespertinis precibus egrederetur.

DECIMVS quintus, magister Ludolphus dux Tulisurgēsis, siue Brūsuicēsis, sub Ludouico XXXIII. Cæsare, & Ioanne pontifice XXII. magisterij celsitudinem suscepit, anno 1325. vir pius & sapiens extitit. Fratres ad cultum diuinum summo opere compulsi, largeque illis omnia ministravit, ideo eos liberalitate obedientes sibi effecit. Iustitiam magnopere administravit. 15

DECIMVS sextus, magister Dietrichus, comes Aldemburgensis, octogenarius iam electus est, temporibus Ludouici XXXIII. imperatoris, & Ioannis XXII. pontificis, anno Domini 1329. eloquentia validus, autoritate grauis, iustitiaque rigidus extitit, gentilibus terrori fuit, templum beatæ Mariæ virginis Marienburgæ extruxit, Toruniæ obiit, translatus Marienburgam, in templo S. Annæ sepultus est. 16

DECIMVS septimus, magister Rodolphus dux Saxoniam, Ludouici XXXIII. imperatoris, ac Benedicti XI. pontificis tempore, in officium susceptus est, anno Domini 1339. Hic anno Domini 1341. magnas copias conscripsit, Neumarcouiamque oppugnauit. Interim verò Litواني Prussiam inuaserunt, eamque ferè totam igne, & cædibus consumpserunt, multos captiuos abducentes, quæ causâ illi tantum mœrorem attulisse creditur, ut mente captus ab officioque depositus, præ mœrore vitam terminarit, in Marienuerderque ciuitate sepultus est. 17

OCTODEGIMVS magister Henricus Dusmariensis, Clementis VI. pontificis tempore, officij dignitatem consecutus est, 6. annos in regendo ordine 18.

*Litواني  
Prussiam  
vastant.*

*Lituanis  
prostratur.*

consumpsit, cum Lituanis & Ruthenis bellum egte-  
gium, in die purificationis beatæ Mariæ gessit, auxi-  
lioque diuino 10000. inimicorum prostrauit. E vi-  
uis postea decessit, Mariemburgæque humatus est.  
Hic virginum cœnobium, Lebenich dictum, Regio-  
monti erexit.

19 DECIMVS nonus magister Hentricus Kimpra-  
diensis, Carolo Casare XXXII. & Clemente VI. im-  
perantibus, ad dignitatē magistratij accessit, an. 1348.  
Eo præsidente ordo doctis viris abundauit, fratres in  
timore & amore Dei instruxit, annis 31. officio præ-  
fuit, Mariemburgæ vitam terminauit, ibidemque se-  
pultus est.

20 VIGESIMVS magister Conradus Zolner, tēpori-  
bus Wenceslai XXXIII. imperatoris Romani, & Vr-  
bani VI. pontificis ad officium vocatus est, anno Do-  
mini 1379. multa egregia bella & facinora contra  
Gentiles, Lithuanos, & Samogitas temporibus Key-  
studi, Iagielonis, Vitoldi, & Suidrigelonis ducum Li-  
tuania gessit. Ordinē in potestate octo annis tenuit,  
Mariemburgæ naturæ debitum persoluit.

21 VIGESIMVS primus Cōradus Valērodenſis, Wen-  
ceslai 33. imperatoris, & Bonifacij pontificis tempore  
magnus magistratij oblatū suscepit, an. 1388. vehemēs,  
& iracundus extitit, totis viribus bello incumbere,  
monachos, sacerdotes, & omnes ecclesiasticos furo-  
re percitus, odio perſequebatur, nullumque in hora  
mortis ad se venire passus est. Anno 1391. fratres ordi-  
nis, armata manu, per flumiū Crononē Lituanis *Ne-  
men* dictū, ad arcem Caunensem, in Lituaniam naui-  
bus, terraque peruenērūt, ibique tres munitiones celer-  
timē crexerūt, Neuuerder, Kiteuerder, & Metēburg  
appella-

appellatas, ex his Crucigeri Lituanis magna damna inferabant, regionem igne & ferro vastando, incolasque occidendo.

VIGESIMVS secundus magister Cōradus Iungingen, ad munus obeundū vocatus est, Wenceslao XXXIII. imperatore, & Bonifacio pōtifice p̄sidentibus. Hic propter morū probitatem magnam laudem apud omnes obtinuit, pacisq; obseruantissimus erat, ideo ab ordinis fratribus eum multa pati oportebat. Annis 12. officio p̄fuit. Postea ex carceribus corporis liberatus Mariemburgæ in diuæ Annę templo humatus est.

VIGESIMVS tertius magister Vlricus de Iungingen, Cōradi frater, Ruperto 34. Cæsare, & Gregorio 12. pontifice, munia obeuntibus officiū suscepit. An. 1404. Strenuus & bellicosus vir extitit, regulas ordinis non admodū obseruauit, cōsanguineos odio persequabatur, illorumque arces partim eripuit, partim destruxit. Cū Lituanis & Polonis plurima bella gessit, hunc postea Iagiello rex Poloniae & Lituaniæ magnus dux Vitoldus, cruento p̄lio profligauit, vbi & ipse cum plurimis cōmendatoribus quorū 200. recē-

*Crucigeri  
profligantur.*

VIGESIMVS quartus magister Henricus comes Plauensis, sub Sigismūdo XXV. imperatore, & Ioanne XXIII. pontifice electus est. Hic volebat vlciisci iniuriā, quæ à Polonis Crucigeris illata erat, sed antequam quicquam inciperet, ab officio deiectus est.



et Engelsburgæ in carceres coniectus, deinde ad Leksteg missus, vbi septimo anno in vinculis peracto, satis concessit. sepultus Marienburgæ.

25

*Poloni cum  
Lituanis  
Prussiam  
vastant.*

VIGESIMVS quintus Michael Sterbergenfis, imperatoriæ culinæ magister, Sigisfinundo XXXV. sceptrum tenente, & Ioanne XXIII. Romano pontifice, ordini præpositus est, anno Domini 1410. Primo anno cum suscepisset officium Iagielo rex Polonia, & Vitoldus dux Lituanie, Osterrodam Helsburgensemq; episcopatum, Resenburgam, Elbingam, & Christburgam ciuitates, depopulati sunt. Argentoratum obsederunt, re tamen infecta discesserunt, nouem annis ordinis curam gessit, postea vt deponeretur, precibus obtinuit, Gedani vitâ finiuit, Marienburgæ verò sepultus est.

26

*Ad Polonos  
Pruteni de-  
ficiunt Cru-  
cigeros sper-  
nantes.*

VIGESIMVS sextus Paulus Rudolfsiensis, Sigisfinundi XXXV. imperatoris, & Martini pontificis tempore, magisterij celsitudinem consecutus est, anno Domini 1419. Huius tempore prouinciæ & ciuitates Prussiae ad regem Poloniae Casimirum defecerunt, & iugum Crucigerorum excusserunt, officium nouem annis hic magister retinuit, mortuus tandem Marienburgæque sepultus.

27

VIGESIMVS septimus Conradus Erlihufius, Alberti XXXIX. Romani imperatoris tempore officium suscepit, anno 1438. Hic à bello quoad vixit abstinuit, nimio dolore ob fratrum peruersitatem consumptus est, Marienburgæ mortuus ibidemque sepultus.

28

*Pruteni  
Crucigero-*

VIGESIMVS octauus Ludouicus Herlihufius sub Cæsare Friderico huius nominis III. fratres regere cœpit anno 1450. Huius tempore Prussia ab ordine desci-

desciuit, ad regemque Poloniae Casimirum maior pars eorum defecit. Milites quoque ordinis praesidia-  
 rij, Marienburgam regi anno Domini 1457. pro sum-  
 ma 476000. florenorum vendiderunt, cum aliis ca-  
 stris & ciuitatibus. Postea rex Poloniae capta arce  
 Chojnicze, pacem cum Crucigeris iniit, atq; ab hoc  
 tempore Pomerania regno Poloniae adiuncta est,  
 pro qua Poloni 150. annis perpetuo cum Crucige-  
 ris belligerabant.

*rum iugum  
excussit.  
Marien-  
burga & dicitur.  
Pomerania  
Polonia ad-  
iungitur.*

VIGESIMVS nonus Henricus Rheus, comes Pla-  
 uensis, dignitatem magisterij assecutus est, sub Fride-  
 rico huius nominis III. imperatore, anno Domini  
 1467. Vndecim hebdomadis officio praefuit, Regio-  
 monti in cathedrali ecclesia terrae mandatus est.

29

TRIGESIMVS magister Henricus comes Rih-  
 terbergensis, anno 1470. officium suscepit, praesi-  
 dentibus Friderico III. imperatore, & Sixto ponti-  
 fice huius nominis IIII. Fuit vir rigidus, furibundus-  
 que, Theodorum episcopum Prussiae captum, in vin-  
 culis fame peremit. Ordini annis 7. praefuit, Regio-  
 monti sepultus est, huius tempore bellum sacerdo-  
 tum in Germania fuit.

30

*Bellum sa-  
cerdotum.*

TRIGESIMVS primus Martinus Truchses Wec-  
 zhausensis, sub Friderico III. imperatore, & Sixto IIII.  
 pontifice ordini praefectus est, 12. annis praefuit, Ca-  
 simiro regi Poloniae obedientiam praestitit, Regio-  
 monti mortuus, ibidemque sepultus est.

31

TRIGESIMVS secundus magister Ioannes de Tie-  
 fen ex Heluetia, celebri familia oriundus, Maximi-  
 liano sceptrum tenente, & Iulio pontifice praesiden-  
 te, ordinem in tutelam suscepit, anno 1489. Eodem  
 anno Polonia regi iuramentum praestitit. Postea ei-

32

## 30 R E R V M P O L O N .

dem regi Ioanni Alberto, auxilium contra Valachos ferens, cum exercitu profligatus, ipseque peremptus est, Regio montum delatus, ibidem terræ mādatur.

73 TRIGESIMVS tertius Fridericus dux Saxoniae, Turingorum, & Hermundurorum Marchio, Maximiliani imperatoris, & Iulij pontificis temporibus, anno Domini 1468. In festo diui Michaelis Regiomonti magistratum suscepit. Nunquam regi Poloniae iuramento se obstringere voluit, quae de causa à Polonis sæpius infestatus, in patriam suā Hermanduriā profectus, vbi 12. annis extra ordinis fines exactis mortuus est. Huius tempore Ioannes Albertus rex Poloniae è viuis decessit, cui in regno Alexander frater germanus successit.

54 TRIGESIMVS quartus, Albertus Marchio Brandenburgensis, Casimiri regis Poloniae nepos, Maximiliani Caesaris, & Iulij pontificis temporibus ordini solenniter cum ingenti pompa Regiomonti praefectus est, anno Domini 1512. Sigismundo regi Poloniae auunculo suo iuramentum praestare noluit, sed arces necessariis omnibus muniuit, ut se contra Polonorum incursum defenderet, magnum & diuturnum bellum cum rege Poloniae habuit, in quo ex utraque parte multi ceciderunt, eam ob causam, quod iuramento se obstringere regi noluisse.

## G E S T A H V I V S M A G I S T R I

*tempore praecipua.*

A Nno Domini 1519. in autumnno, inter Sigismundum regem Poloniae, & magistrum Prussiae Albertum Marchionem, bellum ortum est anno 1520. Albertus Marchio, die festo Circumcisionis Christi,



Christi, Bransbergā inopinatè occupauit. Eodem anno, Mielzak, Milimlijn, regi traditæ sunt cū aliis plurimis ciuitatibus, castrisq;. Quadragesimali tempore mense Aprili copiar regis Oland, ciuitatem & arcem sub magistro ceperunt, eodem anno Brandembur-ga arx & ciuitas à Polonis capta & depopulata est.

Anno Domini 1520. Wolfgangus dux Schonem-burgensis cum exercitu ordinis decem millibus pe-ditum, & 4000. equitum cōiungens, Gedanum op-pugnaui, ex episcopi que monte, (vt vulgò vocant,) ciuitati imminenti 4000. globos tormentorum bel-licorum, in ciuitatem frustra tamen exonerauit, nul-lum enim hominem læsit, sibi verò ingēs damnum in tormentis, & globulis intulit: nam ex muro ciui-tatis tormentum vnū præstantissimum in mille fru-stra concussum est, & si aliquis ex exercitu se ostende-ret, in hunc quatuor vel quinque tormenta ex turri-bus ciuitatis exonerabantur, tantaque miseria & pe-nuria omnium Crucigerorum milites afflictī erant, vt multis suorum desideratis, quibusdam captis, fuga sibi ab obsidione consulere cogerentur. Interea ve-rò Polonia rex, in subsidium Gedanensibus 12000. equitum electorum misit, qui milites Crucigero-rum à Gedani obsidione discedentes, insecuti sunt, plurimosque ex eis trucidauerunt, quosdam capti-uos abduxerunt, multi etiam à Cassubiis & Pome-ranis iugulati sunt. Postea regius exercitus Diricho-niam & Stargerdu arces occupauit, Chojnicz quo-que arx cum ciuitate capta est, postea ceteræ ciui-tates & arces ultro se regi Poloniæ obtulerunt, & mi-lites ordinis vnà cum Crucigeris ex Prussia sunt e-iecti.

*Crucigeri à  
Gedano sua  
guntur.*

*Crucigeri  
ex Prussia  
eijciuntur.*

nona die Iulij, amplissimum suggestum (siue maiestas vt dicitur regia) tectum, sericeis & stragulis tapetisque pretiosis, in suburbio Lublinensi sumptuosè erigitur, vbi rex sessurus esset. Concursum fit ad forum immensæ hominum multitudinis, opplentur viæ omnesque plateæ, quacunque incessus erat, satagit pro se quisque vel ornatus splendido vestitu, vel armis instructus apparere. Interim maiestas regia ex arce in thronum proficiscitur, cingitur ingenti & splendida senatorum procerumque vniuersi regni corona, præcedentibus principibus viris, ac omnis ordinis consiliariis, & aulicis. Vexillumque pulcherrimum & amplissimum album, nouo duci, de more, cum insigniis donandum, Erasimus Debinski, cancellarij regni filius, præferebat: postea rex in domum quandam suggesto oppositam diuertitur, ibique ornatu regali induitur, Sandalis videlicet aureis, alba Dalmatica, & chlamyde, siue piualia ex panno aureo confecta, & corona regia aurea, gemmis lapidibusque pretiosis concinnè affabreque ornata, chirothecas quoque annulis gemmisque ornatas manibus imposuit. Induta maiestas regia ornamentis regalibus, de modo illa in suggestum procedit media, inter reuerendissimos dominum Iacobum Vchanski archiepiscopum Gnesnensem primatem regni, ac dominum Padnievski episcopum Cracouiensem, præcedentibus & subsequenter contiguè primariis dominis, consiliariis, spiritualibusque; gladium euaginatum ancipitè dominus Andreas Zborowski gladiator (vt dicitur) regni, præferebat; pomum aureum cruce insignitum Petrus Zborowski Palatinus Sendomiriensis portabat; sceptrum Stanislaus Mysko-

*Mos hominum  
giorum regni  
Polon.*

*Vestitus sen-  
lennis regis  
Polon.*

Ego Albertus Fridericus, Marchio Brandenburgensis in Prussia, Stetinenſis, Pomeraniae, Slauorum, Caſſubiorum dux, princeps Rugiae, & Burggrauius Norimburgenſis, promitto, & iuro, quod ſereniſſimo principi ac Domino, Domino Sigismundo Auguſto Regi Poloniae inuietiſſimo, Magno duci Lituaniae, Ruſſiaeque ac omnium terrarum Prussiae domino & haeredi, ſicut meo naturali haereditarioque domino, & eius ſacrae maiestatis haeredibus, & ſucceſſoribus regibus, & regno Poloniae ero fidelis & obſequens, eiusque maiestatis ac haeredum & totius regni Poloniae bonum procurabo, & damnum praecauēbo, ac omne id faciam, quod ad fidelem vaſſallū feudalemque pertinet, ita me Deus adiuuet, & hoc ſanctum Dei Euangelium. Accepto huiusmodi iuramento maiestas regia, gladium ancipitem, à gladiatore regni, domino Andrea Zborowski accepit, notumque ducem ter praecinxit, inclinatum de more dicens: Accingere gladio tuo ſuper femur tuum, potentissime. Poſtea ei torquem auream, regio munere non indignam impoſuit. Mos omnis ordinis nobiles, qui ad equeſtre munus contendebant (in quorum ego numero, eodem more praecinctus fui) praecincti ſunt. Quibus omnibus ex ordine ſolemniter peractis, ac depoſitis regalibus indumentis, cum toto illo comitatu, duceque Prussiae cum ſuis praecedente, in arcem rediit.

Hæc autem Prussiae regio, plerisque ſinuofis flexibus eſt ubique amœna, & opportunis portibus maris Baltici, maxime commoda, urbium illuſtrium, oppidorum, arciumque frequentia & opimis incolarum diuitiis, opibusque ac terrae vbertate, ſupra

*Commedia  
rio Prussiae*



ferè extirpatis deduxerunt, nuncque tam Polonis, quàm Germanis equitibus, pariter ciuibus, agricolisque frequens est. Barbarorum tamen reliquiæ, ad Curlandicum lacum hucusque supersunt, qui, cum Litonibus & Lituanis vicinis, idiomate, moribus, habituque concordant. Porro nullâ in vniuerso Poloniæ regis dominio, regio reperitur, quæ tam frequentibus ciuitatibus, arcibus, & oppidis, vt Prussia abundet.

Hæc autem Prusiæ regio amplissima, omniumque fructuum tam ex terra, quàm aqua nascentium abundantissima, duplex est, Ducalis & Regalis : nam *Prusiæ duplex.* Dux gratia regis Poloniæ, in suis ciuitatibus & arcibus integrè rerum potitur, vt vassallus & feudalus, ac beneficiarius regni. Regio montique, quæ est ciuitas *Regio montium.* maritima, sedem suâ habet, in qua est collegiũ communis studij, ab Alberto præfato primo, ex magistro duce creato fundatum. Est autem Regius mons emporio clara, ad eam enim merces ex Septentrionis regionibus copiosè apportatur, in hanc sedem suam magistri transtulerunt Mariemburgâ nobilissima, *Mariemburgâ.* eaque munitissima arce, ac totius Prusiæ propugnaculo, quæ cum se expugnari non pateretur, Casimiro regi Poloniæ, vt diximus, pro certa stipendiorum militibus ordinis persolutione, dedita est, in ea assidue milites præfidiarij à rege Poloniæ asseruantur, victu & omnibus ad bellum necessariis tam apprimè prouisa, vt sex annorum obsidionem sustinere possit. Est enim regalis Prusiæ, (id est, illarum arcium & ciuitatum, quas rex electas extra ducem, armis maiorum suorum, acquisitas possidet,) caput & metropolis à Gedano septem miliaribus distat. Plurimas nobiles

ciuitates & arces , quas superius enumerauimus , Prussia complectitur.

*Episcopatus  
Prussia.*

Episcopatus verò quatuor Catholicos, postquam fidem Christianam suscepit, Prussia habebat. Warmiensem, Culmensensem, Sambiensem, & Pomesaniensem, nunc Sambienſis Warmieſi, Pomesanienſis autem Culmeni adiuncti. Warmiensem episcopatum, qui est præcipuus reuerendissimus dominus Stanislaus Hoſius Polonus, sacrae Romanæ ecclesiæ cardinalis dignissimus, singulari pietate, & vitæ sanctitate, ac doctrina cælesti & scriptis diuinis corruscans administrat, qui malleus hæreticorum indefessus, & catholice ecclesiæ propugnator strenuus, iure cõſendusest. Culmensensem episcopatum, reuerendissimus dominus N. Costca virtutum & doctrinæ speculum insigne. Nunc de Pomerania regione amplissima dicendum nobis occurrit, quæ etiam Polonorum armis antiquitus, perdomita imperio paret: nam Boleslaus rex bellicosissimus anno Domini 1003. Russiæ principibus debellatis, strenuoque Marte contulis, perpetuum victoriæ monimentum Herculeū imitatus opus, tres ferreas columnas in Borysthene fluuiio collocauit. Deinde anno Domini 1008. Saxonibus bellum intulit, & omnem illorum regionem, circa Oderam, ad Albim, & Salam fluuios, chersonesumque Cimbricam, quæ hodie Dania appellatur, summa belli dexteritate ditioni suæ subiugauit. Vrbes earum regionum maximas, partim solo æquauit, partim suis Polonis muniuit, gentemque vniuersam Pomeranorum, barbaram & incultam, ad fidem Christianam suscipiendam, armis cõegit, & vt sempiterna memoria victoriæ felicissimæ

*Gades Boleslaus.*

cissimæ apud posteros extaret, in Albi, & Sala, Ossaq; fluuiis, columnas æreas inclitus triumphator locauit, totam Prussiam ac Pomeraniam Christianis infestissimas, perdomuit.

### DVCATVS POMERANIÆ.

Pomerania regio amplissima, ab Holsatia ad Li-  
uoniam vsque, longo tractu, iuxta mare Germa-  
nicum extenditur, vnde & nomen habet. *Pomorze*  
enim Slaus mari adiacentem regionem significat. In  
hac regione natio Slauonica, antiquitus confederat,  
sed nunc Germani magna ex parte eam incolūt. Has  
præcipuas ciuitates à mari procul sitas complectitur,  
Stetiniam, vnde ducatus Stetinēsis dicitur, Neugar-  
diam, Lemburgam, Stargardiam, Bergradum, Ca-  
menetiam, Publinam, Gritenborgam, & alias cōplu-  
res. Quæ verò mari impendūt Colberg, Camin, Co-  
slin, Gribswald, Sund, Puczka, Reuecol, Louëburg,  
Hechel, &c. Iulinum in hac regione vrbs erat cele-  
berrima, nunc ruinis deformis iacet, pro hac regione  
Poloni cum Prutenis Gentilibus, & Crucigeris lon-  
go tempore acriter decertabant, nunc titulo eius rex  
Poloniæ, qui in ea maiori ex parte rerū potitur, dux-  
que Prussiæ feudalæ regis Poloniæ vtuntur.

*Iulinum.*

GEDANVM, siue Dantiscum huius regionis me-  
tropolis, vrbs amplissima, & insignis à mari Germa-  
nico vno milliari abest, eam celeberrimus fluuius  
Vistula præterlabitur, ibidemque amplissimis ostiis  
in mare exoneratur, in ea torius Pomeraniæ & Prus-  
siæ celeberrimū emporium est: ex vltamarinis enim  
regionibus longinquis, Anglia, Britannia, Scotia,  
Gallia, Hispania, Suetia, Dania, & Noruegia, naues




ad eam appellant. Ex Lituania quoque Russia, Volinia, Poloniaq; variae merces, fluviiis navigabilibus in eam deferuntur, praecipue verò siliginis, & frumenti, ingens copia ex supra nominatis regionibus aduehitur. Regi Poloniae subiecta est, castellanumq; à rege praefectum habet. Ex mari in urbem perducta est fossa, qua naues maximae intra moenia veniunt. Burgrabius cum proconsulibus, & consulibus, regio nomine, civitatē administrant. Cives omnes ferè Germani sunt, mercatoresque ditissimi, ita ut Gedanum aedificiorum pulcerrima dispositione, commerciorum varietate, maris, Vistulaeque opportunitate, incolarum, & externorum incredibili multitudine, civium diuitiis, & instrumentorum bellicorum, ad hostes propulsandos, ac machinarum aenearum numero, cum praecipuis Europae urbibus, meo iudicio conferenda sit. Prætorium maximo sumptu eoque regio exaedificatum cum superba turri, aedesque sacrae, cum privatis ingenti auri pondere, artificiosè erectæ, Geldaque publicum urbis palatium, ac horologium diuinis ferè manibus elaboratum, cuius cāpanæ mirabilem quendam & suavisimum concentū edunt, secundum artificis voluntatem, & temporis convenientiam, in admirabilem omnium gentium aduenas attrahentes. Propugnaculum munitissimum in ipso maris portu extructum, frequentibus directis machinis armatis militibus custoditur.

Vexillum totius Pomeraniae aquilam nigram in collo coronatam, gladium euaginatam manu humana tenentem, pro stemmate in campo aureo gestat similem Prussiae, quam in eius principio expressimus.

ELBINGA ciuitas insignis ad ostia Albis fluij, in littore maris magnificentissimè, & sumptuosè constructa, splendidis ciuium opibus, & mercatorum diuitum frequentia claram, spectabilemque se reddit. Eius titulo rex Poloniae scribens, se dominum terrae Elbingensis maximè in priuilegijs vtitur. Districtum enim amplissimum circumiacentem habet. Atque hæc de Prussia breuiter dicta sufficiant.

—  
—  
**L I V O N I Æ T O T I V S**  
**C V M S V I S P R O V I N C I I S , C I V I**  
**T A T I B V S , C A S T R I S , E T C O M M E N**  
**daturis, siue Palatinatibus, &c. suc-**  
**cincta descriptio.**

*Addita est quoque brevis narratio, quomodo hæc regio in insinuatissimiregis Polonia Sigismundi Augusti, Magni Ducis Lituania cesserit, & quo pacto a Moschorum principe & Suecia rege diminuta fuerit.*

 **L I V O N I A** siue Lieflandia, regio amplissima, ab Oriente, Russia, Moschorum principi subiectæ, contigua est, Neraq; fluius nauigabilis, (in cuius utraq; ripa, duæ arces eiuldē nominis, vni Liuoniensium, altera Moschorum sibi ex aduerso sitæ sunt,) imperium Moschouiticum, à Liuoniensi dislimitabat. Sed moder-

*Fines Litua-  
niae.*

nus Moschorū monarcha Ioannes Basiliades, Derpt insigni vrbe episcopali, cum sibi adiacente prouincia occupata, vltcrius fines suos (prout inferius dicitur) promouit. A Septentrione cū Suetiæ regno, & Phinlandiæ ducatu fines suos, sinu maris Baltici disternat: ab Occidente mari Balteo (quod Germanicum & Prutenicum appellatur) contermina est: à Meridie Samogitiæ & Lituaniam, nonnihilque in Occidentem vergens, Prussiam adhæret. Nonaginta milliariibus Germanicis in longitudinem, & quinquaginta in latitudinem, cum sinu maris Baltici adiacenti extenditur. Sed nunc bellis famientibus, pluribus in locis vastata, & diminuta est. Continet autem in se plurima territoria, quæ pro ducatibus computari possunt, horum singula cum suis ciuitatibus & castris succinctè describere curabo. Sed primò quomodo & quando regionis incolæ nomina Christo dederint, paucis aperiam.

Totum penè orbem terrarum, post maximum illud vniuersæ terræ diluuiū, fallacium dæmonum fraude seductum, veram vnius Dei religionem, impio multorum & falsorum deorum cultu, vanaque superstitione cominutasse constat. Quidam enim mortuos homines, propter merita beneficia & egregia gesta, cultu diuino venerabantur: alij malignos dæmones, e mentitis miraculis, & prodigiis hominum oculis sese insinuante, adorabant: denique beluis atque serpentibus & sculptis, pictisque arte humana simulacris, gloriam veri Dei exhibebant, donec Iesu Christi, veri Dei hominisque benignitas, & Euangelij eius claritas, post multa secula, quasi lux clarissima, mundo calitus affulgens, has terras terribilesque



Iesque tenebras discussit. Sed regiones septentrionales, & omnes gentes ad Aquilonem vergentes, Christianæ religionis ignaræ, vano idolorum cultui diutius subiugatæ fuerunt: difficilis enim ad eos externis gentibus erat aditus, propter efferam barbariem, & crudelitatem populi. Romani etiam & Greci, qui primò fidem Christianam amplexi sunt, septentrionalium plagarum minus exactam notitiam habebant: unde factum est, vt Liuania cum cæteris, ad Aquilonem vergentibus regionibus, nouissimè omnium, sacro baptismi fonte lauata fuerit. De-  
 mum, Friderici primi ex ducibus Germaniæ, Romanorum imperatoris temporibus, mercatores rem familiarem ex Germania, per mare Balticum in Liuoniam appulerunt, & gentis barbaræ simplicissimæque animos ob mutua mercimonia commutanda pellexerunt. Erat autem hic populus miræ simplicitatis, opumque parandarum & rei familiaris iusto negligentior: inelle enim expressio (quo maximè regio abundat) ceram velut alias quisquilias, & purgamenta domibus euerrebāt. Postea succedente questu, & mercatoribus occidentalibus, eò loci cõfluentibus, sacerdotes paulatim se illis immiscere, adiungereque, pie peregrinationis causa, cœperunt, vt mercatoribus, videlicet thesauros Liuonum acquirentibus, ipsi animas gentis Christo, per verbum Euangelij salutiferum lucrifacerent. Erat igitur ea tempestate, vir quidam Meinhardus nomine in Lubeca, ciuitate celeberrima, pietate & sanctitronia vitæ insignis, hic vnà cum mercatoribus consensu naui in Liuoniam, anno partæ per Christum salutis, millesimo ducentesimo trajicit, & cõspiciens in tam insigni

*Fridericus  
Imperator.*

*Germani in  
Liuiam  
veniunt.*

*Meinhardus  
prius vir,  
primus in  
Liuiam  
venit.*

& præmatura melle, nullos operarios extare, continuo ibi vnus famuli conuictu contentus, etatē trāfigere constituit; casamque sibi ex arbutis propter imbres arcendos construxit. Paulatim deinde hominum familiaritatem captare, & tadio superato, habitam mutui conuictus, & contractæ notitiæ cum incolis regionis opportunitate, religionibus & rerū diuinarū eos admonere cœpit, sensimq; à vano idolorum cultu, ad Christianæ fidei obseruantiam adducere, auspicanteq; Deo, & pium viri religiosi conatum secundante, complures incolarum in agnitam veritatis doctrinam concesserunt, quorum crescere numero, multorumq; animis (vt fit) rei nouæ & inuitatæ religionis studio, flagrantibus, Basilica instauratur. Nec in ultò pòst, Meinhardus à Bremēsi archiepiscopo, in Liuoniæ episcopum consecratur, qui in melle Christi strenui operarij munus adimplēs, rem Christianam multū adauxit, & magnam gentis partem ad Christum conuertit, postea vitam cum morte feliciter commutauit. Huic ex vita decedenti Bertholdus Cisterciensium abbas successit, qui contra irruentes hostes fidei Christianæ, vnà cum peregrinis militibus, qui pietatis ergò ad militiam Christo exercendam, ex Germania cōfluxerant, pugnate instituit. Vbi verò ad pugnam ventum est, equo infreni in mediam Barbarorum aciem proiectus, confoditur. Tandem crescente multorum pietate, plurimi sacra se militiæ deuouerunt, ordinisq; fratrum Teutonicorū habiitū suscepto, ensiferos fratres sese nuncupauerunt. Sed cū rebus gerendis superesse non possent, hostiumq; barbarorum vis vndiquaque inualeceret, Teutonicorum fratrum ordini, in Prussia se con-

*Meinhardus  
dux Liouones  
in fide Christi  
instituit.*

*Meinhardus  
dux episcopus  
creatur  
Liunia pri  
mus.*

*Bertoldus  
episcopus  
occiditur.*

se coniunxerunt. Cùm enim audiuiſſent, quòd ordo Teutonicus Cruciferorum, in tota Germania proficeret, Volquinus præpoſitus eorum à quinto in ordine, magiſtro Pruſſiæ Conrado olim comite Turingenſi, in ordinem Teutonicum ſuſceptus eſt, anno Domini 1234. ſuffragiisq; eiſdem magiſtri Pruſſiæ Conradi, Gregorius ſummus pontifex Romanus huius nominis nonus, iuſſit ubique, & præcipuè apud infideles Prutenos, Liuo-neſque proclamari, quòd ordo fratrum à gladio in Liuania (qui nondum confirmatus erat) Teutonico ordini in Pruſſia vnitus, incorporatus adſcriptusque eſſet. Suſceperunt itaque fratres à gladio Liuo-nienſes, crucem, habitumque more fratrum Teutonicorum in Pruſſia. Et ſemper ab hoc tẽpore magiſtri Pruſſiæ à Liuo-nienſibus magiſtris tributa certa, & obedientiam exigebant, uſque ad tempora Alberti Marchionis Brandenburgẽſis, magiſtri Pruſſiæ, qui anno Domini ſupra milleſimum quingẽteſimum, decimo tertio, pecuniam, quam obedientiam accipere maluit. Itaque Liuo-nienſes data, præſcripta ingenti ſumma pecuniæ, in poſterum ab obedientia Prutenicis magiſtris exhibenda, liberati ſunt. Hanc tamen libertatẽ paulò poſt per inſolentiam ſuam amiſerunt: Rex enim Polonorum Sigismundus Auguſtus, eos in poteſtatem ſuam, prout inferius dicetur, redegit. Sed ad rem accedo. Liuo-nienſes cruciferi, habitu fratrum Teutonicorum in Pruſſia aſſumpto, grauiffimis bellorum laboribus, cum barbaris fortiter exantlatis, hætenus rerum in Liuania potiti ſunt, magiſtrumque ſibi elegerunt, qui cum commendatoribus, ſeu etiam præfectis totam regionem gubernabat. Erant præ-

*Ordo Teu-  
tonicus in  
Liuania  
Volquinus  
primus Li-  
uania ma-  
giſter.*

*Ordo Livo-  
nicus à Gre-  
gorio nono  
põtiſice con-  
firmatur.*

*Crucigeri  
Liuo-nien-  
ſium, Pruſ-  
ſienſium tri-  
butarij, &  
cum illis &  
niti.*

*Liuo-nienſes  
ſe redeme-  
runt à Pruſ-  
ſienſibus.*



*Episcopi Li-  
uonia.*

*Episcopus  
Liouonia di-  
ceps à mul-  
tu principi-  
bus.*

ter hunc in Liouonia episcopi quinque, utpote archiepis-  
copus Rigenfis, Derptenfis, Habselenfis, Ofelia,  
Curlandia, Reualiaque episcopi, Hisua munia stren-  
nuè & magnificè ut principes obibant: sed anno Do-  
mini 1558. Moschorum dux Derpta, siue Torpato,  
in signi vrbe episcopali potitus, episcopatû Derpten-  
tem penitus aboleuit, rex quoque Poloniae archiepi-  
scopatum Rigensem, cum omnibus arcibus & ciui-  
tatibus (rerum enim in Liouonia potitur) tenet. Re-  
ualiensem episcopatum, Sueciæ rex vrbe Reualia ca-  
pta administrat. Ofelsensem episcopatum & Absen-  
senssem fratres regis Daniae, Magnus nomine, vnâ  
cum insula Oslia possidet.

*Prouincia  
Liouonia.*

Ordinis Teutonici magister, vnâ cum suis com-  
médatoribus, plurima oppida & arces munitas pos-  
sidebat, & primò quidem ordinis magister & archie-  
piscopus Rigenfis simul, & coniunctim Rigâ urbem  
metropolim regionis occupabât, monetamq; uter-  
que propriam, qua adhuc incolæ regionis vtuntur,  
cudebat. Verùm magister præter dominiis, & posses-  
sionis consortium, arcem quoque ibi habebat. Hic  
iam ordine territoria arces & ciuitates, tam magistro  
ordinis, quàm episcopis, & commendatoribus subie-  
ctas, describere pergam. Hæc verò sunt territoria si-  
ue prouinciæ, in Liouoniensi dominio, quæ pro ducati-  
bus valent: utpote, Leitlandia, Vikeclandia, Cur-  
landia, Semigalia, Estlandia, Vollandia, Haria, Ger-  
uendiaque.

### *LEITLANDIA SIVE RIGEN- sis prouincia.*

**L**eitlandia regio Liouoniae, præcipuè has arces, &  
ciuitates regi Poloniae subiectas habet.

RIGA

R I G A vrbs celeberrima, totius Liuoniæ metropolis, muro fortissimo, propugnaculisque & turribus densis, tormentis bellicis, apprimè munitis, valloque inexcusso tribus ordinibus tormentorum, vndiquaque munita, fossis duabus, ex vtraque vallis parte circumducta, & stipitibus acutis circumsepta, rebus bellicis tormentis, & commeatu copioso, militibusque stipendiariis, pacis & belli tempore, bene prouisa. Arcem quoque bene munitam, & omnibus necessariis prouisam, sibi adiunctam habet, in qua olim magistri sedem suam habebant, eam nunc Gothardus Kietler dux Curlandiæ, regis Poloniæ feudalis, nomine regio administrat, in ciuitatem tamen ipsam, ius nullum habet. Administratorem enim siue capitaneum aliquem, ciues sibi dominari (libertatem asserentes) non patiuntur, sed obedientiam, & tributa regi Poloniæ fideliter exhibent, ipsique ciuilibus legibus urbem administrant. Hanc urbem fluuius Dwina amplissimus, (ex Seuerâ regione Russiæ, Moschouitæ duci subiecta, ortus) vnà cum arce alluit, & duobus à Riga in mare amplissimis ostiis exoneratur. Per hunc naues ex mari, de vltamarinis regionibus, utpote Suetiâ, Dania, Holsatia, & cæteris repostis prouinciis appellant. Ex Russia quoque & Lituania cineres, asseres, ligna cæsa, & leuigata, omnis generis ad naues fabricandas, frumentum quoque grandi copia, & cætera importantur. Magnumque hac in vrbe & celeberrimum est emporium, quamuis enim duobus milliaribus à mari distat, naues tamen omnigenæ, facillimè de mari, sub ipsa mœnia urbis veniunt & redeunt.

*Gothardus  
Kietler.*

*Dwina flumen.*

*Emporium  
Rigense.*

*Ha verò arces, ciuitates, & praefectura, capitaneatusq; in hac Leutlandia siue Rigensi provincia continentur, videlicet,*

D V N A M V N T arx inexpugnabilis natura, opportunitateque loci, mari adiacet, in ostiis DWinae flumini, duobus à Riga miliaribus sita, praesidiisq; Polonicis munita, in ea omnes naues ex vltimatinae regionibus, ad Rigam venientes, merces indicare, teloniaque persolvere coguntur.

B L O K A V S munitio inter Rigam, & Dunamūt, ad DWinam condita, in ea quoque omnes naues excutuntur. Ha autem duae arces Rigensibus maximè inuisae sunt.

K I R C H O L M arx murata, ad DWinam fluvium, duobus miliarib. à Riga sita, in Orientē procedēdo.

*Ha quoque arces DWina impendent.*

V x v L arx desolata, curia tamen in ea, vbi praefectus manet, exstructa, à Kircholin duobus miliaribus abest. Crudelem illic quondam conflictum, & hominum stragem insignem, cumulus ossium ingens congestus testatur.

L E N V A R D arx ab Vxul quatuor miliaribus ad DWinam sita.

A S C H E R A D olim Palatinatus : arx ad DWinam munita, Moschouitazq; ab ea aliquoties repulsi sunt, quatuor miliaribus à Lenuard abest.

N I T A w Sefucgen, Georgenburk, LeWborg, Rossiten, Lucen, Luden, Neuenhul, arces muratae absque ciuitatibus.

D V N E M B O R G arx ad DWinam munitissimè sita, commendator siue palatinus, ei olim magistri nomine praesidebat.



SEGEVOLT arx & ciuitas, olim ordinis Marchalci primi, à magistro propria erat, cum cæteris ad eam pertinentibus, videlicet LeWburg, Nitaw, Georgenburg, & Choen castris.

ARIES arx, Wolmer ciuitas & castrum. Hermes arx, quatuor milliaribus à Parnawa, & Phelin.

Has supradictas omnes arces, & ciuitates, cū suis palatinatibus, & præfecturis, inuictissimus rex Polonia possidet, excepto Mariēburga castro quod Moschouia princeps occupauit. Adzel autē & Rodempeus, à Moschouitis exultā, & desolata sunt.

### ARCHIEPISCOPATVS RIGENSIS.

**I**N eodem territorio Rigensi, rex quoque Polonia omnes arces, ciuitates, capitaneatus, & præfecturas, archiepiscopales possidet.

KOKENHAW arx, & ciuitas, natura & opportunitate loci munitissima, ad DWinam fluuium sita, cæterarum archiepiscopi, arcium, principalis.

Vxvl Lenuard, suprà nominatæ arces, Krewburg, Landon, Sefuegen, Schanborg, Serben, Coneimburg, arx cum ciuitate, Salis, Vansel, Dalen, Ien- cel, Treyden.

SMILTEN arx à Moschouitis desolata, Cremon castrum olim Capituli metropolitane ecclesiæ Rigensis.

SANCEL arx apprimè munitissima, mari adhærens, ad archidiaconatum Rigensem quondam pertinebat. Hæ itaque omnes arces, & ciuitates enumeratæ regi Polonia subsunt.

Arces nobilium in prædicto archiepiscopatu hæ sunt, Nochrosen, Rosemberg, Mayan, Pierkiel,

Roppe, Nabbe, Elner, & Bersen. Earum domini, Polono regi obtemperant.

### *EPISCOPATVS DERPTENSIS.*

**D**ERPT, siue Torpatū, siue Derbet, insignis vrbs episcopalis, & arx in colle munitissima, vrbi impendens. Hac anno Domini 1558. ab exercitu Moschorum ducis, violēta oppugnatione, cum tota circumiacenti prouincia capta est. Hæ verò arces ad hunc episcopatum pertinebant. Falcana W, castrum, & monasterium insigne, Neinhaus 18. milliaribus à Derpt sita, Ruthenis contermina, Werbeke, Oldentorn, Kiriepe, Verpech. Nobilium arces in hoc episcopatu, quatuor præcipuè erant, videlicet, Olsen, Kanelicht, Raden, Cunctal, siue Regental, omnesque à Moschorum duce cum episcopatu subiugatæ sunt.

### *EPISCOPATVS HABSELENSIS & Ozelenfis.*

**V**lkechzlandia regio ad Habselensem episcopatum cum suis arcibus & ciuitatibus pertinebat, quæ quatuordecim milliaribus in longitudinē, duodecimque in latitudinem patet, mari Germanico adhaeret, & has arces complectitur, quas Sueciæ rex vnà cum regione possidet.

HABSEL arx principalis cum ciuitate, in qua est ecclesia cathedralis, eam rex Sueciæ vi ad deditionem coegit.

LODE arx munita, quam dux Curlandiæ Gothardus Kietler à Suetensium impetu nuper defenderat, & aliquot eis grandia tormenta ademerat, sed postea ab eisdem capta est.

**LEHAL** castrum, & ciuitas, in qua est insignis virginum monasterium, nunc præsidii Suetensium tenetur.

**FICZKEL** & Felix arces à Moschouitis exustæ & desolatæ sunt.

**VERDER** arx munitissima ad fluuium Zundam sita ab ipsis Cruciferis Liuoniensibus destructa & demolita est.

**OZILIA** insula in mari Germanico, aliquot à littore milliaribus sita est, ad Ozelsensem episcopatum pertinebat, arces & ciuitates duas munitissimas habet, eas Cruciferi regi Daniæ prodiderunt, quas nunc Magnus eiusdem regis Daniæ frater possidet, episcopatusq; titulo utitur. Harum arcium vna **Arncz-**burg, altera **Sonemburg** appellatur.

### *CURLANDIA REGIO.*

**H**æc regio in Liuania sita à Septentrione maris Baltici sinu, ab Occidente verò ubi Prussiam contingit, pelago qui Curlandicus appellatur, alluitur: à Meridie Samogitiæ confinis est, regi; Poloniæ subest, sed eam Gothardus Kietler, regis gratia & benignitate tenet, tituloq; eius utitur. Has ciuitates & arces complectitur.

**VINDA** arx cum ciuitate & Palatinatu, Polonis Kieffs dicitur, in ea magistri sedem suam habuerunt, & comitia, conuentionesque celebrare soliti erant, nunc Polonicis præsiidiis tenetur, administrantem illustri & magnifico Domino Ioanne Chodkiewiez, generali Samogitiæ, & supremo gubernatori Liuanie, ac magno marschalco magni Lituaniæ ducatus.



GOLDINGEN arx & ciuitas cū districtu amplo.

GRUBIN, & Candaph arces cum præfecturis ditissimis.

TVCZKON, Sabel, Durbin, Afempoth, Shruden, Frauemburg, Alfangen, arces. Newburg castrū in finibus Samogitiæ.

Episcopatus Curlandiæ septē arces continet, quas Magnus regis Daniae frater possidet, episcopatusque titulum sibi vsurpat, hisque nominibus, hæ arces nominantur, EdWalen, Pilthen, Hasempot, Angermunde, Dondangen, Neinhaus, & Ambothen.

### SEMIGALIA DVCATVS.

**H**ic ducatus Curlandiæ adhæret, à Meridie Lituaniæ contiguus est. Hasque arces continet, Soleburg, arx & præfectura, Basemborg, Doblin, Nithaw, arces cum districtibus, ciuitates nullas habent, totumq; territorium vnà cum arcibus enumeratis, Curlandiæ dux prædictus regis Poloniæ gratia & benignitate commissum tenet.

### ESTLANDIA DVCATVS.

**E**selandiæ, siue Estoniæ ducatus mari Sueciæ à Septentrione adiacet: has arces præcipuas cum ciuitatibus & præfecturis complectitur.

*Felin cum  
magistro ca-  
pta.*

FELIN arx & ciuitas munitissima, vnà cum ultimo magistro Liuoniæ Wilhelmo Furstemberg feudali regis Poloniæ, à propriis militibus stipendiariis Germanis Moschorū duci dolosè prodita est. Ciuitas ipsa exusta, arx verò præfidiis Moschouiticis munita, vnaque cum districtu, siue Palatinatu Moschorum duci subest. Magister verò in ea captus, Moscho-

uiam

uiam abductus, in vinculis spiritum exhalauit. Atq; *Exitus ma-*  
hunc extremum exitum magistri Liuonienses ha- *gistorum*  
buere. *Liunia.*

L A I S & Talczhofen arces, à Moscho quoq; occupatae sunt.

T A R N E S T, siue Taurus, arx munitissima præ- *Taurus ca-*  
fidiisque Moschouiticis prouisa, à Lituanis duce ex- *pta.*  
ercitus illustri & magnifico Domino Nicolao Rad-  
zi Wil Palatino Vilnensi, pulueribus bōbardariis sup-  
positis eiecta, & cum Moschouitis, à vi & impetu pul-  
ueris volantibus euerfa est. Ego etiam huic oppu-  
gnationi cum patre meo interfui. Hac autem arce  
expugnata & exusta, Lituani quibusdam Moschorū  
abductis, quibusdam occisis, velut Tartari, arce deso-  
lata relicta, & non occupata, nec munita, (quæ faci-  
lè instaurari potuit,) cum spoliis, tormentisque, & cē-  
tera supellectili bellica ablata, discesserunt, anno  
Domini 1561. Iulij vltima.

O P E R P A L arcem exercitus regis Poloniae ex-  
ussit & desolauit.

Has aut in hoc ducatu arcēs rex Poloniae possidet.

K A R X H A V S, Helmeth, Rugen, Parnauam ar- *Parnaua*  
cem insignem & munitam cum ciuitate mari adia- *recuperata.*  
centem. Hæc à Sueciæ rege primū occupata erat,  
sed postea à Polonis inopinatè capta in ditionem re-  
gis Poloniae cessit.

### V I R L A N D I A.

T Erritorium hoc Liunia inter orientalem, &  
septentrionalem plagam positum, à Septērio-  
ne Baltici maris sinu terminatur, ab Oriente Nerua  
fluuio celebri ex lacu Peijbas emergenti, & in mare  
Balticum ingredienti alluitur. A Meridie Estlandiæ

ab Occasu Hariæ contermina est, & octo milliari-  
bus in longitudinem, à Nerua fluuio ad ReWaliam  
vsque extenditur, hasque arces complectitur.

NERVA arx & ciuitas insignis, munitissimaq; ad  
fluuium eiusdem nominis sita. Ex aduerso in altera  
ripa arcem à Moscho erectâ Iuanow Gorod dictam  
habet, atq; fluuius prædictus Nerua, has arces inter-  
fluens Moschorum & Liuoniensium imperium olim  
dislimitabat.

T O L C Z B U R G arx ad sinum maris Baltici in-  
ter Neruam & Reualiam ciuitates æquali distantia  
sita.

W E S E N B U R G arx & capitaneatus.

B E R C H O L M olim arx episcopi Reualiensis erat.  
Als quoque, & Est, duæ arces nobilium Liuania vna  
Roberti à Gilsen, alia Bernardi de Tabe.

Has omnes arces cum suo territorio Moschorum  
princeps occupauit.

### *H A R I A P R O V I N C I A.*

**H** Aria iuxta mare Suetiæ sita, in lōgitudinem se-  
decim milliariibus, & octo in latitudinem ex-  
tenditur, cum Virlandiæque territorio pro ducatu  
computatur.

*Ha arces in ea sita sunt.*

R E V A L I A vrbs celebris cum arce munitissima  
ad sinū maris Baltici condita est. Sede episcopali cla-  
ra, sub rege Poloniae à Suetiæ regis exercitu occupa-  
ta. Moneta Reualiensis propriam quadriangula-  
rem cudunt. Reualiensis episcopus arces aliquot sibi  
subiectas possidebat, in ciuitatem tamen nullum ius  
imperiumve habebat, sed magister ordinis eam ad-  
ministrabat.



BADIS castrū & monasterium in signo, Suetenses inopinata irruptione ceperunt.

F E G V E V R arx olim episcopi Reualiensis à Moschorum duce expugnata nunc tenetur.

### GERVENLANDIA DVCATVS.

**G**ervenlandia regio mari adiacens, septem miliaribus in longitudinem, sex in latitudinem patet. Frumenti & ceterarum rerum ex terra nascentium feracissima, vnam arcem, Vitenstein dictā principalem, cum pagis & curiis compluribus nobilium habebat. Eam sub rege Poloniae, Suetensium rex occupauit, *Bialy kamien*, id est albus lapis Polonis dicta. In his territoriis, siue prouinciis Liuoniae praedictis, (quae etiam pro ducatibus computari possunt,) variae sunt multarum gentium linguae: plebs ipsa Liuonica tribus ferè linguis, (nō multum tamen à se differentibus) utitur, ad Lituanicumq; idioma, magna ex parte alludunt, barbarie & moribus incultis rigent, Lituanis & Samogitis ob vicinitatem in omnibus per similes sunt. Vestitu vili, eoque ut plurimum cinericio, ad Germanicum habitum alludenti utuntur, ex tiliae libro more Lituanorum, & Ruthenorum cothurnos, connectere solent, vel ex iumentorum pel libus vnā cum seris detractis. Fæmineus sexus in pagis more gentis Cyganorum, (vel ut quidam volunt Cyreneorum) vagabundae vestiuntur, vestitumque quibusdā globulis plumbi, cupreis & electuariis exornant, indusia quoque circa collum praecipue annulis, intertexturisque variis ornant.

Crinibus passis, mulieres vetulae, & virgines omnes promiscuè incedūt, capitis ornamenta quaedam

*Gervenlandia.*

*Bialy kamien arx.*

*Liuonum ad  
gestiū ha-  
bitus, mores  
& idioma.*

*Mulierum  
Liouonicarū  
habitus.*

mirè, ex globulis quibusdam, confecta ad similitudinem vnionum, gemmarumve, varij coloris gestant, omnes ferè matronæ sagæ & incantatrices peritissimæ sunt, artibus magicis supra modum deditæ. Pane vilissimo teterrimoque, & cibariis simplicissimis, vuntur. Frumenta omnis generis tritunda excutiendaq; perinde, vt Lituanî, primò in calidissima casa, ad id præparata fumo exsiccant, & postea in horreo coràm extructo excutiunt. In ollis figulinæ artis nusquam, nisi in lebetibus æris, cupreisve, in pagis & ciuitatibus coquunt, neque tibi ollam argileam aliquo, per totam Liunioniam videre licebit. Palæis quoque frumentorum, vulgus magna ex parte cum farina siliginis mixtis vtitur. Et quâuis miserrima gens fuerit, supra modum tamè callida, fallax, tumida, atrox & ad cædes patrandas prompta. Polonos, Lituanos, Ruthenos, cæterosq; extraneos regi Polonia militantes, (extra Germanos, quorum sub iugo olim fuerunt,) maximè inuident, eosq; depredatores, & comestores bonorum, fundiq; sui calamitatem appellât, & vbi possunt quoscunq; milites astu circumuentos, & incautos opprimunt. Vni vel duobus viris transitus difficilis est, præcipuè si apud agrestes pernoctauerint: nam somno oppressos, magna ex parte trucidant, suffocantque. Diuersoria in hac regione rara, vel penitus nulla reperiuntur, sed ad curias, & prædia viatores diuertere, ibidemq; pernoctare solèt. Templaque rarissimè, nisi in arcibus visuntur.

*Vitus Li-  
unionum mi-  
serrimus.*

*Perversitas  
Liunionum.*

*Cines & no-  
biles in Li-  
unionia Ger-  
mani.*

Cines & nobiles omnes Germani sunt, Germanisque moribus & idiomate vtuntur. Fœmineus sexus pallia rubea, communiter capiti imposita, ad talos cum frequentissimis plicis gerit. Vittas mulieres

in ca-

in capitibus non gerūt, sed contrictos crines, (quos *Matronarum Rigensium habitus.* maximè nutriūt, vel ad id præparatos adaptant, (tam matronæ, quàm virgines capiti circumnectunt. Pileos siue biretos quadrangulares, more cardinalium Romanorum gestant, quædam verò palliis cum velamine velut tecto, frontē & caput regente vtuntur.

Sponsa cū ad matrimonium contrahendū deducitur, corona argentea deaurata rotunda, & in altum prominente ornatur, omnisque virginalis, & matrimoniarū chorus, rubeis palliis vestitus, longo ordine præit, & sequitur. Ceruisia ex hordeo & lupulo passim in pagis & ciuitatibus gustu amarissima, maximè differenti à cæterarum regionum ceruisia vtuntur, attamen gens illa & omnes germani regionis incolæ hunc potum suauiter præbunt.

Siliginis & frumenti Liuania diues est, adeò vt ex *Linonia fœtax.* teræ quoque & transmarinæ nationes Lubeca, Amsterdam, Olandia, Daniæ, Suetiæque eius vbertatem præsentiant, ad quas grandi copia frumenta è Liuania deportātur. In Liuoniam quoque ipsam ex Russiæ, Lituaniæque regionibus, fluuiio Dwina & Nerua, siligo & id genus rerum plurimum aduehitur. Pecoribus & iumentis domesticis omnis generis abundat, lacubus, fluuiisque piscosis, & siluis ad venationem idoneis referta, in quibus habet vrsos, alces, vulpes, lince, vros, castores, & omnis generis animalia. Lepores in Liuania mutant æstate & hyeme colorem, perinde vt Heluëtiis in alpibus, hyeme sunt albi, & æstate cinericei. Inferunt & Moschouitæ pelles vrsarum albas in Liuoniam, quas ex frigidissimis septentrionalibus regionibus, maximè ex Dwina provincia Oceano glaciali adhærenti acquirunt. Reli-



*Religio Li-  
uonica.*

giosissima gens Liuonica post susceptā Christianam fidem, Romanæ ecclesiæ ritum ardentè obseruans erat: Domini etiam ordinis Teutonici, & ipse magister, priusquam ad Lutheranismum desciscerent, religiosa pietate diligenter, ordinis regulas, in moribusq; & habitu cultum decentem obseruabant. Diuorum delubra, pietate & pulcritudine decorabant, quæ hodie à Lituaniis penè demolita & desolata videntur, ditionemq; suam ab omni incursu Barbarorū strenuè, summa cū laude vindicabant, omnia denique illis ex voto, (benignitate diuina propter religionis antiquæ obseruantia prosperante,) cedebant: & Moschum barbarum potentem hostem, à finibus suis sepissimè summa cum victoria propulsabāt, prout ex his duobus præclaris & victoriosissimis certaminibus, (quos mihi explanare Lectori haud ingratum visum est,) apparebit.

*Moschus  
Nenhuis in  
Liunia op-  
pugnat.*

Anno quo lux diuina, humana in specie cælitus mūdo affulsit, 1381. magnus Moschouia dux Lio-niensium castrum Nenhuis, in prouincia Derptensi acerrimè oppugnabāt, cui oppugnationi ipse sua persona, cum trecentis millibus armatorum intererat. Demum post diutinam, & acrem obsidionē, crebrasque irruptiones, mœnia & propugnacula diruta, labefacere inceptabant: obsessi etiam defatigati, & viribus exhausti ac destituti, diuinæ propugnationi & tutelæ humiliter sese submitunt, ipse etiā præfectus arcis nocte Veneris diem antecedente, in somnis ante aram quandam prostratus, flagranti corde orabat, vt Deus in tam deplorato rerum statu, sibi suisque auxiliari dignaretur, felicemque grauis obsidionis liberationē elargiretur. Sole igitur tenebras noctis

noctis discutiente cū Moschouitæ certam iam ar- *Insignis Ed-  
ictoria Mo-  
schorū dūco  
occiso.*  
cis expugnationem sibi promitterent. Præfectus ille  
è precibus exurgit, arcuq; arrepto, telum cum cuspi-  
de præacuta, è fenestra propugnaculi in medium ex-  
ercitum Moschouiticum iaculatur, & aspirante co-  
natibus Deo, ipsius magni principis cor lethaliter  
transfigit: concurrunt trepidi Moschouitæ, domi-  
numq; exanimatum leuant, & cum magno ululatu  
deplorantes funestissimum casum domini sui, reli-  
ctis castris, & arrepto cadauere, in Moschouiam fuga  
sibi consulentes, pergunt: Liuones ex arce sese prori-  
pientes, hostes fugientes persequuntur, per agrosq;  
siluas, & pagos, pallantes alsecutos trucidant, obruūt,  
telisq; transfigunt, & videntes mirabili memorabili-  
que modo numinis auspicio se liberatos, arcum ad  
perpetuam rei memoriam, Deo dicatum, in Basilica  
arcis ad altare appendunt, solebatque in eo templo  
cultus diuinus, magna pietate & deuotione peragi,  
sed postea anno Domini 1551. Lutheranis dogma-  
tibus assumptis, nullum pristinae pietatis vestigium  
conspiciebatur, arcus tamen prædictus immotus ad  
altare pendebat, donec tandem anno Domini 1558.  
Ioannes Basiliades modernus dux Moschouitæ ea-  
dem arce potitus, religionem quoque Lutheranam  
immutauit.

Aliud celebre, & perpetua memoria dignum præ-  
lium Liuones contra Moschouitæ ducem gesserunt, *Wolter Ple-  
tenburg ma-  
gister Lina-  
nia.*  
anno 1500. sub ordinis Teutonici magistro, domi-  
no Woltero à Pletenburg, qui cum Moschis enim  
statuisset, publica ieiunia & solennes lēranias secun-  
dum morem ecclesiæ Romanæ instituit, nondum  
enim eos Lutherana doctrina à Catholicismo trans-

uersos egerat, in seque; Septembri paulò post natiuitatem Mariæ virginis, exercitum ordinat. Rigenfis quoque archiepiscopus mille Germanos equites adducit, Torpatensis episcopus quingentos, Reualiensis & Habselensis itidem quingentos simul, ita ut magister Liuonicus septem haberet, Germanorum equitum millia, & quinque millia Curionum pedestrium (qui populi sunt Liuoniæ, in regione que Curlandia dicitur.) Hoc cum exercitu magister Russiam finitimam Moschouiæ ducis inuadit; arcesque & oppida quædam expugnat, inde ipso exaltationis sanctæ crucis die, ad urbem Pscouiam exercitum ducit, iuxta hanc sita est planicies, duorum milliarium latitudine patens, in quam cum deuenerunt, obuiam illis procedit Moschouiticus exercitus, centum millia armatorum (in duodecim acies distributus) continens. His adiunctæ erant Tartarorum copię barbarie feroces, triginta millia conficientes. Itaque Teutonicus magister, ubi aut turpiter fugiendum, aut ingentis cum animo, aduersus tantum exercitum, barbarie & armis formidabilem procedendum videt, nihil de victoriæ spe remittens, aleam belli tentare constituit, & animis suorum confirmatis, classicum canere iussit, Moschouitæ quoque ex aduerso signa tollere, patrioque more tubas inflare & timpanulas, (quas paruas singuli præfectorum habere solent) pulsare cœperunt: magister Teutonicus globos tormentarios scloppetariosque, velut crebra continuaque tonitrua in Tartaros cōtorquet. Tandem maximo clamore, strepitu, armorumque corruscatione, vtrinque concurrunt, Tartari & Moschouitæ arcubus, & sagittis assueti, densissimo creberrimoque telorum iactu, æthera obum-

*Liouones Moschouitæ inuadunt.*

*Conflictus Moschorum cum Teutonicis acerrimus. Moschouitarum ceterum millia, Teutonicorum ducuntur occubuisse.*



obumbrant, quæ tamen emissa aërem irrita, verberabant. Tartari vbi prælio, à Teutonicis fusi fugatiq; fuere, duodecim Moschorum acies, centum millia conficientes, viribus animisq; recentes succedunt. Teutones cæsis Tartaris, vbi bellum recrudescere sentiunt, quanto maiorem hostium vim prioribus, succedere vident, tanto maioribus animis in hostes irruere, & velut ab integro noua virtute resumpta, ingenti cū fremitu cæsum, punctimq; vergente iam ad vesperam die, configunt. Ex Moschouitis qui supererant, fuga sibi consulentes in Pscouiam se recipiunt; prælio itaque dirempto, compertum est ex Teutonicis, vnum duntaxat desideratum, compluresque, sed non lethaliter vulneratos, Moschouitarum verò & Tartarorum, circiter centena millia trucidata, ita vt duobus milliaribus, cadauera passim prostrata iacerent, triginta verò millia fuga clapsi sunt. Memorabilis sanè triumphus, & sempiterna memoria dignum, singularis virtutis & fortitudinis exemplum. Hac igitur clade suorum Moschorum dux Basilius Iohannes, audiens, cum summo stupore admiratus, tantum exercitum, tam exigua, turpiter cæsum, & prostratum, ad quinquaginta annos cum Teutonicis inducias confestim firmavit, Rutheni- que, & Moschouitæ, ab eo tempore, Teutonicos ferreos viros appellabant.

Ex his igitur felicissimis, & victoriosissimis duobus, Liunorum cum Moschouitis prælijs, (quamuis multa varij euentus prælia, inter eos vtrinque eueniebant) apparet, quod Liunionenses, ordoq; Teutonicus, priusquam à Catholicismo desciscerent, manu diuina, contra quosuis incursum hostium pro-

*Moschus pe-  
tit fœdus à  
Liunionibus.  
Liunones fer-  
res vocati à  
Moschijs.*

pugnabantur, omnibusque rebus ex terra nascentibus, & cæteris fortunis, copiosè affluebant. Vbi verò Lutherana dogmata amplecti anno Domini 1527. cœperunt, pietatem & religionem auitam, cū omnibus virtutibus vnà excusserunt. Postea varijs & diuersis plagis, omnes passim grauissimè afflicti sunt, adeò vt vniuersa elemēta in vindictā eorum conspirasse viderentur. Terra enim regionis quæ omnium frugū & fructuū leguminumq; feracissima erat, victum (nihil proferens) illis denegabat. Aqua etiam lacusq; olim piscosi nullos pisces dabant, Aer quōdam saluberrimus hominum salutē à Deo concessus, in venenum & contagium conuersus erat. Igne etiam & ferro Moschouitæ vniuersam Dertensem provinciam, crudeliter vastabāt. Sed Teutonici fratres nobiles, & ciues, huius afflictionis culpam, & numinis offensam, Catholicis impūtabant.

*DE INTESTINO ET CIVILI LI-  
uonensium bello, & causa expeditionis  
regis Polonia, contra magistrum  
Liouonensem.*

**M**agister Liuonia, cum omnibus Teutonici ordinis fratribus & equestri ordine, post Lutheranismum susceptum archiepiscopo Rigeni collegæ suo, ob non susceptum dogma Lutheri aduersabatur. Hic autem archiepiscopus ex illustri prosapia, Marchionum Brandenburgensium genus ducebat, frater Alberti Marchionis Brandenburgensis, olim magistri Teutonici ordinis, & postea ducis in Prussia, neposq; regis Polonia.

Magister itaq; comitijs generalibus celebratis, concludit & constituit archiepiscopum bello appetendum esse, in quod totus ordo & nobiles cum omnium suffragijs consenserunt. Episcopus quoque Torpatensis Hermanus, vt erat inconstantis animi, facile ad oppugnandum archiepiscopum indutus est. Reualiensis etiam & Habselensis episcopi, magistrum metuentes, facile in castra eius concesserunt, & ita vniuersa Liuania in Rigensem archiepiscopum, hostiliter cōspirauit. Anno itaq; 1557. paulò post natalem diui Ioannis Baptistæ, ordinis Teutonici magister, Wilhelmus Furstemberg, exercitum cum commédatoribus coscribit, tres quoq; episcopi prædicti, copias suas eidem coniungunt. Sicq; instructissimo exercitu, & magno cum apparatu, Rigensem prouinciam hostiliter inuadunt. Archiepiscopus Rigensis tametsi defensionem meditaretur, & magnam nobilium partem sibi adiunctam haberet, infirmior tamen erat, & viribus impar, vt tanti exercitus vim sustinere & propulsare neutiquam posset. In arcem itaq; Cokenhusen natura loci munitissimam, in edita rupe cōstructam, cum suis profugit. Magister verò cum cum vniuerso exercitu ibidem, graui obsidione oppugnabat, tormentis machinisque bellicis muros fatigans. Sed neque tormentorum crebra tonitrua, neq; validos hostium impetus muros labefacere poterant, sola fames & inedia obsessos ad deditiōem compulit, octauo itaq; obsidionis die portis adaperitis archiepiscopo iubente, hostibus sese dederunt. Ordinis Teutonici magister archiepiscopum, nō vt vnius prouinciæ & vrbis Rigensis consortem, non vt claræ



prosapia Brandenburgensium Marchionum principem, non ut præsulem & primatem, sed veluti barbarum hostem tractat, contumelijs & probitis luditur, omnibusque oppidis, arcibus & pagis multatum, carceri mancipauit, totoque anno vinctum detinuit.

Rex Polonię Sigismundus Augustus, vbi id ordinis marschalco, (quem magister bonis omnibus spoliatum, eò quòd bellum contra archiepiscopum suscipiendum dissuadebat expulerat) rescijisset, tanti principis nepotis suis, seruillem captiuitatem agrè tulit, rei quę indignitate commotus, episcopum quendam in Liuoniam ad magistrum ordinis, hac in causa destinauit. Qui cum multis rationibus, deliberando archiepiscopo nomine regis, coram magistro ageret, magister neque exarcerandi archiepiscopi, nec componendorum dissidiū spem prębuit.

*Legatus re-  
gis Polonię  
in Liuoniā.*

Itaque legatus re infecta ad regem reuertitur. Rex Polonię, ut operam suam irritam cognouit, ordinis magistro, omnibusque eius auxiliarijs, bellum denunciat, quo nuncio accepto, confestim magister ingentem thesaurum, in Germaniam ad exercitum ibidem conscribendum, mittit, adductaque sunt aliquot millia equitum, & sex vexilla peditum Germanorum in Liuoniam. Rex Polonię haud diu moram trahens, infestis signis in Liuoniam contendit, equitum simul & peditum armatorum virorumque electissimorum, centena millia, cum tormentis, amplissimaque bellica suppellectili procedunt, ordinis magister vniuersos quos habebat prefectos & commendatores regi opponit, episcopi quoque tres, Derptensis, Reualiensis, & Habselenensis, copias suas

*Causa belli  
Liuronici.  
Rex Polon.  
armata ma-  
nu in Lio-  
niam cōten-  
dit.*

suas eidem coniungunt. Itaq; ordinis magister tunc temporis habebat Germanorum equitum septem millia & sex peditum vexilla, bene armati. Præterea enim agrestium aliquot millia Linonorum, sed magister Polonorum validissima lectissimaque manu conspecta, victoriæ spem prorsus abiicit, legatumque ad regem qui præsens in armis erat otius destinavit, prælium deprecando, & pacem humillimè efflagitando. Rex clementer & benignè respondit, nisi viduas, pupillos, orphanos, & inopes, innocentesque colonos misereretur, nullo pacto pacem secum magistro initurum, sed ut magister ordinis agnoscat, (inquit) me sanguinis aut belli sitientem non esse, ipse si pacem expetit, huc ad nos intra octodecim horarum spacium accedat, principemq; & archiepiscopum Rigensem vnà adducat, de in pacis & concordie rationem inibimus. Teutonicus magister hoc responso accepto, confestim archiepiscopum qui non longè aberat, custodia liberari, & è vinculis educi iubet: ambo itaque trecenti equitibus inermibus stipati, ad regem veniunt. Ibi cum vltro citroque de pace ageretur, tandem concluditur, ut magister ordinis archiepiscopum in pristinum statum restitueret, omneque damnum & detrimentum eidem illatum resarciret. Præterea regi Poloniae stipendia in milites erogata persolveret. Graues hæ erant ordini Teutonico pacis conditiones, attamen magister metu grauioris periculi urgente consensit, & secundum pacta omnia præstitit. Postea archiepiscopo prædicto, è viuis decedente, rex omnes arces ciuitatesque, pagos, & curias, ad archiepiscopatum pertinentes, iure propinquitatis

*Magister  
Linonia  
pacem  
efflagitat.*

*Pax sub  
conditionibus  
magistro  
Linonia  
conceditur.*

in Liuania occupauit. Magistro quoq; prædicto, à Moschouitis in arce Felin per prodicionem militum suorū capto, & in Moschouia in vinculis mortuo, tota Liuania cum suis prouincijs in ius regis Poloniae cessit. Atq; hic vltimus Magister ordinis, Wilhelmus Furstemberg, magisterium Teutonicorumq; fratrum Crucigerorum in Liuania, ordinem terminauit, absoluit, finemq; extremum imposuit.

## TABVLA ET SVMMA ARCIVM CASTRORVMQVE LIVONIAE CVIVS DOMINIO SIN-

*gule subsint, exceptis curijs, prædijs,  
& præfecturis.*

Regis Poloniae arces in Liuania & ciuitates.	1. Dunamunt.	18. Kokenhaus.
	2. Blokhaus.	19. Zelborg.
	3. Riga.	20. Kreczborg.
	4. Karxhaus.	21. Dunenborg.
	5. Helmet.	22. Rodenpeus.
	6. Rugen.	23. Nita W.
	7. Parnaua.	24. Sefuegen.
	8. Ermes.	25. Georgenborg.
	9. Burtnich.	26. LeWborg.
	10. Wolmer.	27. Sossiren.
	11. Aries.	28. Ludsen.
	12. Segenuol.	29. Luden.
	13. Neuenhul.	30. Landon.
	14. Kircholin.	31. Schaneczborg.
	15. Vxul.	32. Filac vel Ma-
	16. Lenuard.	ienhausen.
	17. Ascherad.	33. Rodenpeus.
		34. Ser-



- |                 |                |
|-----------------|----------------|
| 34. Serben.     | 43. Salis.     |
| 35. Konnenburg. | 44. Nochröfen. |
| 36. Smilten.    | 45. Rosßenbek. |
| 37. Lemzel.     | 46. Maian.     |
| 38. Treiden.    | 47. Pierkiel.  |
| 39. Cremon.     | 48. Koppe.     |
| 40. Sancel.     | 49. Nabbe.     |
| 41. Dalen.      | 50. Erle.      |
| 42. Wanfel.     | 51. Bersen.    |

Ducis Cur-  
landiæ feu-  
dalis & vas-  
falli regis  
Poloniæ ar-  
ces.

- |                |                |
|----------------|----------------|
| 1. Seleborg    | 9. Durbin.     |
| 2. Bassenburg. | 10. Hrubrin.   |
| 3. Doblit.     | 11. Alfängen.  |
| 4. Mittra W.   | 12. Winda.     |
| 5. Newburg.    | 13. Goldingen. |
| 6. Frauenburg. | 14. Sabel.     |
| 7. Schroden.   | 15. Canda W.   |
| 8. Hasenpot.   | 16. Tuczku.    |

Ducis Mo-  
schouia ca-  
stra.

- |               |                 |
|---------------|-----------------|
| 1. Derp.      | 14. Tarneck.    |
| 2. Falkena W. | 15. Talcköfen.  |
| 3. Werpech.   | 16. Fegfeor.    |
| 4. Kirempe.   | 17. Nerua.      |
| 5. Ollentorn. | 18. I Wangorod. |
| 6. Newhaus.   | 19. Newburg.    |
| 7. Odenpel.   | 20. Tolsburg.   |
| 8. Holsen.    | 21. Wessenberg. |
| 9. Kanelicht. | 22. Berchölm.   |
| 10. Raden.    | 23. Als.        |
| 11. Lais.     | 24. Est.        |
| 12. Operpal.  | 25. Cundal.     |
| 13. Felin.    |                 |

Regi Swe- ciar- ces.	{	1. Reuel.		{	1. Arnstborg.
		2. Wittenstein.	Magni		2. Sonemburg.
		3. Badis.	fratris		3. Lode.
		4. Hapsel.	regis		4. Pilten.
		5. Leal.	Daniae		5. Edualen.
		6. Ficzel.	arces.		6. Hasempot.
		7. Verder.			7. Angermude.
		8. Fælix.			8. Dendangen.
					9. Newdaus.
					10. Samboten.

OMNIVM REGIONVM  
MOSCHOVIÆ MONARCHÆ  
SVBIECTARVM, TARTARORVMQVE

*campestrium, arcium, ciuitatum præcipua-  
rum, morum deniq. gentis, religionis, &  
consuetudinis vita, sufficiens, & ve-  
ra descriptio.*

Adiuncta præterea gesta præcipua, tyrannisque  
ingens moderni Monarchæ Moschouiae, Ioannis  
Basiliiadis, nuper perpetrata, vera fide descripta.

CAN.

*CANDIDO LECTORI ALEXAN-*  
*der Guagninus Veronensis, peditum in arce*  
*Vitebska finitima Moschouia præ-*  
*fectus. S. D.*

**M**oschouiam terminosque eius quibus inter-  
clusa sit, candide lector descripturus, primum  
vnde nomen traxerit, operæpretium mihi dicen-  
dum esse cenfeo. Hæc autem est, quædam regio in  
meditullio Russiæ, (vt dicitur) Albæ, ad Septentrio-  
nem, Orientemque porrecta, à qua ceteræ omnes  
Russiæ circumiacentes regiones, (quamuis varijs &  
diuersis nominibus appellatæ,) Moschouia nomen  
fortiuntur, incolæque earundem vulgò Moschoui-  
tæ appellantur, & ipse Monarcha Russiæ regionum  
Moschouia, magnus Dux nuncupatur. Porro parua  
& obscura initio gens Russorum fuerunt, Moscho-  
uia, sed iam nunc accessione plurimorum principa-  
tuum Russiæ, partim successu, nonibus iustis adiuncto-  
rum, partim vi vel fraude subactorum, præterea fi-  
nitimorum gentium, regionibus expugnatis, & oc-  
cupatis, maxima incrementa cepit, adeò vt pro im-  
perio amplissimo computari possit. Hic itaque, qua  
potuimus diligentia, Moschouia imperium, cum  
suis regionibus, ( doctorum virorum cosmogra-  
phorumque, & peregrinorum diuersorum lucu-  
brationibus adhibitis, propriaque experientia, &  
præsentia nostra magnam partem rerum assecuti,)   
ducatibus, prouincijs, castris, oppidis, & vrbibus  
præcipuis, fontibus, lacubus, fluminibusque, quibus  
hæc regio vbique scater, mores denique, religio-  
nem, habitum, & vitæ consuetudinem, tituli que



ipsius principis quo gaudet, normam & rationem descripsimus. Gesta etiam præcipua, siue potius tyrannidem hisce temporibus, ab eodem principe, paruo temporis interuallo editam, & crudeliter perpetratam, bona fide subiecimus. Tattarorum præterea Campestrium, in Hordas, (vadicitur) siue regiones quasdam, diuisorum situm, mores, & viuendi modum exaranimus. Tu interim Lector beneuole hanc nostram qualemcunque operam, boni consule, nosque redama & vale.

## ARMA MAGNI DVCIS MOSCHOVIÆ.

DE MOSCHOVIA REGIONE, VR-  
beq; eiusdem nominis præcipua.

### Cap. I.

*Moschonia  
denomina-  
tio.*

*Moskwa  
flumen.*

*Occa flumi.*

MOSCHOVIA, *Moskwa* vulgò dicta, vrbs amplissima, caput & metropolis totius Rus-  
siae albæ, Magno Moschorum Duci subiecta, vnà  
eum regione, siue ducatu, à fluuiio gentili Moskwa,  
dicto, præterlabente, nomen sortita est. Hic autem  
fluuius in Twerensi regione, iuxta oppidum Ole-  
sco dictum, fontes suos habet, indeque octuaginta,  
verst (quorum quinque in Polonico miliari clau-  
duntur,) emensis, ad Moschouiam ciuitatem decur-  
rit, qua præterlapsa receptis aliquot fluuijs Orien-  
tem versus fertur, in regioneq; Rezanensi, Occæ  
fluuiio commiscetur.

Ciui-

Ciuitas Moschouia Orientem versus, multum *Moschouia*  
 porrecta est, tota lignea, satisque ampla, quæ procul *ciuitas.*  
 spectatibus amplior, quam re ipsa sit, apparet. Nam  
 horti areæq; in qualibet domo, & plateæ spaciøsæ,  
 magnâ ciuitati amplitudinem, dilatationemq; præ-  
 bent. Insuper omnium opificum, igne vtentium,  
 extra ciuitatem longo ordine, ædes protensæ am-  
 plas plateas, (inter quas sunt prata, & agri) habentes.  
 Hocq; modo ciuitas ingens, & supra modum am-  
 pla videtur. Deniq; transfluum, Basilii pater mo-  
 derni principis, pro satellitibus suis, cæterisq; extra-  
 neis, Polonis videlicet, Germanis & Lituaniis, (qui à  
 natura Bacchum sequuntur) oppidum NeleWki  
 dictum, quod cognomen ab infundendis poculis  
 habet, extruxit. Illic verò omnibus extraneis militi-  
 bus, & aduenis satellitibusque principis, inebriandi  
 vario potus genere, facultas concessa est, quod Mo-  
 schouitis graui sub pœna prohibetur. Exceptis ali-  
 quot diebus in anno, videlicet tempore natiuitatis, *Moschouitis*  
 & resurrectionis Dominicæ, pro festo Pêtecostes, & *inebriari*  
 in quibusdâ solennioribus festis diuorum, præcipue *prohibitum*  
 verò Nicolai, quem diuino ferè cultu prosequun- *Moschouita*  
 tur, & beatæ virginis Mariæ, Petri & Ioannis festis, *certa habet*  
 interea verò velut vinculis emissi, Bacchum, & non *tempora in-*  
 festû illius diui (cuius diem tûc temporis celebrant) *ebrianda.*  
 aduenisse gratulantur, & sacris nondû peractis, vel-  
 ut sues vario potus genere obruti, temulenti ebriq;  
 idemtidem vociferantes, seq; velut obsessi, mutuo  
 cædentes, & contumelijs varijs afficientes vagan-  
 tur. Si autem huic genti quotidie, inebriandi facul-  
 tas concessa esset, sese mutuis cædibus funditus ex-  
 terminarent. Ebrij etenim mentem, rationemque

velut bruta animalia, prorsus amittunt, & in se vicissim cultellis, pugionibus, & id genus fraudulentis telis, sæuiunt. Sed ad rem redeo. Huius vrbis prædictæ tam vasta magnitudo facit, vt nullo certo termino, muro fossa, propugnaculiue muniri possit; plateæ tamen, quibusdam in locis, trabibus transuersim positis obstruuntur; adhibitisque custodibus ad primam noctis facem, ita obfirmantur, vt nemini aditus in eam pateat. Tamque ad modum lutosa & cœnosa est, vt in plateis pontes passim, necessariò extructi sint, nunc tamen vallo de terra, vt audiui, circumducitur.

Arces muratæ duæ amplissimæ, insimul ciuitatis formam referentes; quatum vna Kitaigorod, altera Bolsigorod, gentiliter appellatur, quas ab vna parte Moskva fluuius, ab altera Neglinna, in qua molendina plurima sunt, præterfluit: ecclesiæ duorum lapideæ, & lignæ, ædesque nobilium & magnatum, in ea frequentes sunt. Ultra Neglin, nam verò, in agro *Nerbat* dicto, ab arce ad sagittæ iactum, modernus princeps Ioannes Basiliades, curiam amplissimam anno Domini 1565. extruxit, quæ *Opriczna*, id est, seorsua habitatio dicitur, vbi ipse princeps cum satellitum suorum, virorum ex robustissimis delectorum, numerosa manu moratur, quos ille ad tutelam sui, perinde vt Turcalaniczaros fouet, viginti que ferè millia superant; ex hijs maior pars sclopetariorum, cum bombardis longioribus; reliqui cum frameis arcubusque & lanceis loricis armati incedunt. Nuperque eos Modernus princeps adinuenit, pro explenda sua tyrannide, prout inferius in gestis illius patebit.



Cæterum urbem ipsam Moskwam, cum vtraque arce Tartari Præcopenſes, funditus exuſſerunt, anno Domini 1571. menſe Maio ipſo die aſcenſionis Dominicæ, vbi ingens & innumerabilis multitudo populi, in vrbe & arce flamina fumoq̃ue ſuſfocati, & combuſta eſt, paucis fuga elapſis, & vna duntaxat arx Kitaigorod vix deſenſa eſt; magnamq̃ue captiuitatem Tartari inde abduxerunt. Sed ad rem redeo.

*Moschonia  
à Tartaria  
exuſta.*

Omnes merces, quæcunque ab extraneis in Moſchouiam afferuntur, continuo apud telonij præfectos profiteri, ac indicare coguntur, quæ hora conſtituta conſpiciuntur, & æſtimantur, æſtimatas verò nemo nec emere, nec vendere audet, niſi prius fuerint magno Duci oſtenſa. Quò fit vt mercatores interdum diutius quàm conuenit, cum ſuo damno detineantur. Quando verò ex Lituania in Moſchouiam legati, à rege Poloniæ proficiſcuntur, tum omnes cuiuſcunque nationis mercatores, in legato- rum fidem, & clientelam ſulcepti, in Moſchouiam ſine telonijs ire poſſunt, & victum ſufficientem, ex theſauro magni Moſchouiæ Ducis habent. Hæ autem præcipuæ ſunt merces, quæ ex Lituania, Ruſſia, & Polonia, & à cæterarum regionum mercato- ribus in Moſchouiam importantur, pannum omnis generis, atque coloris; item ſericum, veſtesq̃ue ſericeas, & auro ſiue argento intertextas, lapides pretioſi, aurum filatum, gemmæ, & id genus alia metalla pretioſa. Inſuper, piper, crocus, zingiber & cætera. Interdumq̃ue viles quaſdam res ſuo tempore illuc important, ex quibus aliquando lucrum afferunt. Sæpe etiam euenit vt rei alicuius deſiderio, o-

*Mercato-  
res, modusq̃  
mercandi  
in Moſcho-  
uia.*

*Merces qua-  
les in Mo-  
ſchouiam  
importantur.*

mnes Moschouitæ teneantur, quam qui mercato-  
 rum primus attulerit, plus iusto in ea lucratur. Dein  
 cum plures mercatores earundem rerum, magnam  
 copiam aduexerint, tanta nonnunquam vilitas ea-  
 rum cōsequitur, ut is qui res suas primò magno ven-  
 diderat, eadem rursus vilescēte pretio redimat,  
 magnoq; suo commodo in patriam reducat. Mer-  
 ces verò qua inde asportantur sunt pelles variorum  
 animalium diuersæ, cera quoque & id genus merci-  
 moniorum. In Tartariam autem sellæ equorum, fre-  
 na, vestes, corrigia, arma autem & ferrum non nisi  
 furtim apportantur, cultellos tamen, secures, acus,  
 specula, marsupia, & id genus alia ducere licitum est.  
 Hæc autem gens Moschouitica, circa mercimonia  
 fallacissimè versatur, præcipuè verò cum extraneis;  
 nam dum aliquid vendunt, rem minoris constan-  
 tem dimidio pretio (quod & Lituanis nunc peculia-  
 re est) in fraudem emptoris auctam æstimant, &  
 quamprimum iurare incipiunt, aut obtestari, scias  
 ilico dolum ibi latere, animo enim fallendi ac deci-  
 piendi iurant. Sed externi quoq; in rerum permu-  
 tatione, hoc maximè obseruant, ut dum Moschi pel-  
 les alioqui vili pretio cōstantes, plurimi æstimant;  
 illi vicissim illorum exemplo merces suas parui con-  
 stantes, carius indicant, sicq; ars deluditur arte. Pel-  
 lium magna est apud eos diuersitas; Zebellinorum  
 enim nigredo, longitudo & densitas pilorum, ma-  
 turitatem significat. Hæq; pretium augent. In Vstin-  
 gienti, aut & DiWnenli, Petzoræq; prouincijs, præ-  
 stantiores reperiuntur. Madauricæ pelles, ex diuer-  
 sis partibus afferuntur. Ex S Wetiæ verò regno opti-  
 mæ aduehuntur; circa Moschouiam verò maior est  
 eorum

eorum copia. Hermellinorum etiam pellicula, ex pluribus pariter locis inuersa, in fasciculis afferuntur; habentq; signa quadam circa caput & caudam, ex quibus cognoscuntur, an congruo, vel incongruo tempore sint captae. Castorum quoque, & vupium nigrarum pelles, in magno pretio sunt.

Prouincia ipsa Moschouitica, nec laratimis nec fertilis est, cuius fertilitati ager ubiq; arenosus plurimum obest. Accidit ad hæc inmoderata aspera q; nimis, aeris intemperies, nam ob hyemis rigorem, lata ad maturitatem peruenire non possunt, etenim tam intensa ibi nonnunquam sunt frigora, ut quem admodum apud nos æstatis tempore, pte nimio solis ardore, sic ibi præ frigore asperissimo, terra in hiatum disrumpatur. Insuper etiam aqua in aërem effusa, spumumq; ex ore proiectum, antequam terram attingat cōgelatur; rami etiam fructiferarum arborum rigore hyemis, aliquando prorsus percunt. Homines quoq; gelu cōcreti, mortui sub dio, in vehiculis frequenter reperiuntur: quin & vrsi etiam syluestres, fame stimulati, relictis syluis per vicinas villas passim discurrent, & in domos colonorum irruunt, quorum impetum atq; vim cum rustica turba fugit, frigore aspero foris miserè perit. Atq; tanto nimio frigori, æstus quoq; torridus quādoq; respōdet, ut aliquando stagna & flumina æstu, nimioq; ardore solis, prorsus exsiccantur. Prata quoq; & cætera frumenta veluti flamma aliquando exuruntur. Hic autem nimius æstus solis, per septem dies tantum, non plus durare solet. Hæc prouincia melle ferisq; caret, leporibus tantum exceptis, quibus supra modum abundat. Frumento oleribusq; communibus affluit,

*Moschouia  
aspa sterilis  
& frigida.*





*Moschouia  
pestilentialis  
expers.*

cerafa in tota regione nunquam reperiuntur, aliarum arborum quamuis fructus habeant, verum insuaues. Huius regionis calum adeo salubre est, ut ibi ultra Tanais fontes, praesertim Septentrionem, ac etiam Orientem, magna ex parte versus, nulla pestis unquam sauerit; habent tamen interdum, intestinorum, & capitis omniumque membrorum morbum quendam, pesti haud dissimilem, quem nos febrim calidam siue acutam appellamus; eorum vero idiomate hic morbus, *OgnyoWa*, quasi ignitus dicitur, quod homines velut ignis calefaciat, ut quemadmodum vicina domo igne ardente, & alia domus sibi adherens, eodem igne inflammatur: sic quoque hoc morbo infecti velut peste, ceteros nisi caueantur inficiunt, hoc morbo qui corripuntur pauci sani euadunt. Haec gens Moschouitica, ceteris omnibus Ruthenis, astutior, & fallacior est. Si autem cum externis aliquando commercia habent, tunc se non Moschouitas quod maiorem fidem obtineant, sed aduenas, id est, Nouogardenses, vel Pleskouienfes esse simulant.

*Moneta Moschouitica.*

Moneta in toto Moschorum ducis imperio, est quadruplex, Moschouitica, Nouogardensis, Twerensis, & Pleskouienfis. Moschouiticus nummus non rotundus est, sed oblongus & couali quodam modo formae similis, idiomate eorum *Dzienga* dicitur. Duplici autem modo cuduntur; primus in una parte hominis nudi equo insidentis, & draconem hasta ferientis, imaginem habet, in altera vero parte nomen magni Ducis exprimitur. Secundus ex utraque parte literis, nomen magni Ducis & titulum exprimentibus insignitur. Horum autem sexaginta, unum ducatum siue aureum Vngaricalem valent. Nouogrodenfis nummus

mus in vna parte principis, in folio sedentis imaginē, *Moneta No-*  
 hominisque ex aduerso sese inclinantis, habet; ex al- *uogroden-*  
 tera parte scriptura insignitur, vocaturque *NeWo-* *sium.*

*grodeka*, & Moschouiticum nummum valore in du-  
 plo superat. Twerensis nummus vtrinque scriptu- *Moneta*  
 ram habet, valore Moschouiticum refert. Pskouiē- *Twerensis.*  
 sis in vna parte caput bouis coronatum, in altera ve- *Pskouensis*  
 rò scripturam habet. Est quoque in Moschouia cu- *moneta.*

prea siue area moneta, quæ propter pauperes tantum  
 cuditur, & *Pula* vulgò vocatur, horum 40. *dengam Pula.*

Moschouiticam efficiunt. Omnis autem moneta  
 Moschouitica, ex puro & bono argento cuditur, &  
 omnes ferè aurifabri in Moschouia, Nouogradia,  
 Tweria, & Pskouia nummos cudunt, & quicumque  
 affert massas argenteas, puras, nummos ab aurifabro  
 transmutare volens, tum nummi & argentum appen-  
 duntur, atque æqua lance librantur: mercedem au-  
 tem laboris exiguam aurifabri reportant. Porro in  
 omni imperio Moschi, aurum & argentum nusquam *Argenti &*  
 reperitur, nisi adductitio, & importatorio, omnes *auri Moscho*  
 earum regionum incolæ, & ipse princeps vtuntur. *nia sterilis.*

Quia de re Magnus Dux, aurum & argentum, graui  
 sub pœna, ex suis regionibus efferre prohibet, atque  
 ideo permutationem rerum facere, & alia, vt pelles,  
 quibus abundant, aut quid aliud eiusmodi pro alijs  
 rebus dare iubet, quo argentum & aurum in suis re-  
 gionibus obtineat, atque ideo hunc principem auri  
 & argenti ditissimum esse dicunt. Vix autem ceterum *Argenti Mo-*  
 anni elapsi sunt, cum Moschouitæ moneta argentea, *schus dines.*  
 præsertim apud illos cusa vtuntur. Primum etenim  
 cum argentum ab externis ad eos importari cœptum  
 est, tum fundebantur portiuncula oblongæ argen-

teæ sine imagine & scriptura, valoris vnus Rubli; Rublaudem Dengas Moschouiticas 100. totidem-  
que grossos Polonicales habet. Ante vsum verò mo-  
netæ aspreolorum aliorumque animalium pelli-  
bus utebantur, ijsque vitæ necessaria ceu pecunia  
comparabantur.

Monetam quoque auream Moschorum princeps  
non cudit, sed Hungaricis aureis & Rhenanis adue-  
ctitij abundat.

Moschouia quæ est caput & metropolis cætera-  
rum regionum & ciuitatum Moschouia Duci sub-  
iectarum, loco principali descripta, reliquas prouin-  
cias & ciuitates præcipuas, in Moschi imperio sitas,  
describere contendemus, ordine primùm Orien-  
tem versus seruato, tandem ad Meridiem, & Occi-  
dentem, atque Septentrionem procedendo in Ori-  
entem æquinoctialem deueniemus.

### DVCATVS VOLODI-

*miria.*

**V**Olodimiria ciuitas magna, cum suo ducatu, cu-  
ius titulum princeps Moschouia sibi vendicat,  
primùm occurrit, quæ castrum ligneum sibi  
coniunctum habet, distatque 36. milliaribus Polo-  
nicis à Moschouia, Orientem versus. Huius prouin-  
ciæ ager adeò fertilis est, vt ex vno tritici modio, sæpe  
20. modij, interdum 25. proueniant. Hæc Volodimi-  
ria à tempore Volodimiri, Monarchæ totius Russiæ,  
qui eam condidit, & à nomine suo appellauit, totius  
Russiæ metropolis erat, ad Ioannem vsque Danielis  
filium, magnum Moschouia ducem, qui inde sedem  
in Moschouiam transtulit.

*DVCA-*



## DUCATUS NOVOGRO-

*dia inferioris.*

**A** Volodimiria in Orientem ulterius procedendo, Nouogrodia inferioris ducatus occurrit, qui Volodimiria fertilitate, rerumque copia ex altera nascentium æquatur. In hoc ducatu est ciuitas ampla & lignea, Nouogradia inferior dicta, à qua & regio ipsa nomen accepit. Sita autem est ad Volgaë & Occaë fluuiorum celeberrimorum confluxum: Castrum quoque huic ciuitati adharet, quod Basilus dux Moschouia ex lapide in scopulo construxit, distat verò Nouogrodia inferior à Moschouia 100 milliaribus Polonicis.

Hæc autem ciuitas terminū religionis Christiana- *Terminus*  
 na facit. Nam licet princeps Moschouie ultra No- *religionis*  
 uogrodiam hanc, castrum quod Sura à fluuio eiuldē *Christiana*  
 nominis appellatur, habeat, tamen intermixtae sunt  
 gentes quæ Caremissi appellantur. Hi autem non *Caremissi.*  
 Christianum sed Mahometi dogma amplectuntur. *Mahometani.*  
 Sunt ibi quoq; alia gentes, Mordwa dicta, Cæremis- *ni.*  
 sis intermixta. Huius ducatus Nouogrodia inferioris princeps Moschouia titulo utitur. *Mordwa populi.*

## DUCATUS RHEZANENSIS.

**A** Nouogrodia inferioris ducatu, ad Occidentem nonnihil reflectendo, Rhezam prouincia inter Occam & Tanaim fluuios sita est. Hic Principatus cæteris omnibus Moschouia prouincijs, fertilior est, in quo singula grana frumenti binas pluresve spicas proferre solent, quarum culmi tam dense accrescunt, ut nec equi facile transire, nec coturnices inde euolare possint, mellis, piscium, auium, fera-

rumque ibi magna copia, ac arborum fructus, longè Moschouia fructibus nobiliores. Gens audacissima bellicosissimaque.

*Occa flui-  
us.*

*Strup insu-  
la.*

*Rhezan ci-  
uitas.*

*Corsira.*

Ciuitas lignea in hac prouincia eiusdem nominis, ad ripam Occæ fluij sita est, & non procul ab hac ciuitate Occa fluius insulam facit, quæ *Strup* dicitur, magnus Ducatus olim circa hanc insulam erat, cuius princeps nemini obtemperabat, sed nunc hic ducatus funditus extinctus est. Hic etiam ducatus Rhezanensis titulum magni Moschouia Ducis auget.

**CORSIRA** in ripa Occæ fluminis, oppidum ligneum à Rhezan 28. miliarib. distans, habebat olim dominum sui iuris, sed nunc in ditionem magni Moschouia Ducis redactum est.

*Tulla arx  
& fluius.*

**TULLA** oppidum ligneum, 40. ferè miliaribus Polonicis à Rhezā distat, à Moschouia verò in Meridiem 36. estque hoc vltimum oppidum ad Campestria desertum, in quo Basilius Ioannis, castrum ex lapide construxit, quod fluius eiusdem nominis præter-

*Vppa flui-  
us.*

labitur. Vppa verò alius fluius ab Ortu castrum aluit, Tullæque fluuiio iunctus Occæ, supra Vorotin 20. ferè miliaribus commiscetur. Hoc autem oppi-

*Tulla olim  
ducatus.*

dum Tulla cum suo territorio ad Basilij vsque tempora, patris moderni ducis Moschouia, Ioannis Basilidis proprium principem hereditarium habebat.

*Msczenek  
olim arx.*

**ODOIO** castrum ad Tullæ & Vppæ fluuiorum ostia, vbi in Occam exonerantur, situm est. Tandem à castro prædicto, non nihil in Meridiem reflectendo Msczenek locus palustrosus est, in quo olim arx eiusdem nominis (cuius etiam nunc ruinæ apparent) condita erat. Circa hanc arcem quidam homines in tuguriolis habitant, qui à Tartaris infestati, in  
illam

illam aream palustrosam quasi ad asylum confugere solent. Distat autem Mśczenek à Moschouia 60. miliaribus Polonicis, à fontibus verò Occæ fluuij, ad partem sinistram reflectendo 18. miliaribus. Hæc q̃; oppida Occa fluuius præterlabitur: Vorotiniã, Collugam, Cerpachum, Corfiram, Columnnam, Rhezaniam, Cazigorodiam, Muripiamq̃ue. Et inde cursu ad Septentrionem nonnihil reflexo, infra Nouogrodiam inferiorem in Volgam exoneratur. Syluis vtrinq; ripæ huius fluminis clauduntur, quæ aspreolis, hermellis, castoribusq; & melle plurimum abundat.

*Ciuitates  
ad Occam  
condite.*

Campi etiam omnes quos præterfluit irrigatione eius, fertilissimi sunt. Piscium copiam qui cæteris fluminibus Moschouia præferuntur, habet. Oriuntur quoque ex huius Occæ fontibus alij duo fluuij, Sem videlicet & Sosna; Semq̃ue rectà in Meridiem, & Sosna tandem in Orientem cursum dirigens, Sem & Sosna uerens em ducatum præterfluit; oppidumque Potiuolo alluens in Disnam fluuiũ illabitur, iuxta Czer-nigoW oppidum. Desna autem infra Kijouiam in Borysthenem exoneratur. Porro Sosna cursu in Orientem directo per Campestria Tartarorum in Tanaim fluuium defertur.

COLVGA oppidum, & castrũ ligneum, ad Occam fluuium 36. miliaribus Polonicis à Moschouia abest, ibi quotannis præsidia contra incursiones Tartarorum statuere solet magnus Dux Moschouia.

### VOROTINENSIS DVCATVS.

DVCatus Vorotinensis, tribus à Colluga mil. cum ciuitate & castro eiusdem nominis ad Occam fluuium sito, distat.



R E R V M P O L O N .  
 D E T A N A I S F L V V I I  
*fontibus.*

**T**Anais fluij fontes (qui Europam ab Asia difterminat) quidam sub Riphæis montibus falſa opinione ducti ponebant. Hic autem in Rhezania Ruſſiæ regione magno Moſchouiæ Duci ſubiecta, oritur ex lacu quodâ IWano Wo lezioro gentili lingua dicto, qui in latitudinem ad 500. Weſſt ſecundum diſtantias Moſchouiticas, quæ 100. milliaria Polonica efficiunt, extenditur. Ex hoc autem lacu alius fluius magnus, minor tamen Tanai emergit, *Schad* dictus, qui in Occidentem curſu directo, Huppaque fluuiio hauſto, Occam influit. Tanais autem quam Moſchi *Don* appellant, ex eodem lacu ortus, rectâ in Orientem fluit, atque inter Cazan & Aſtrahan Tartarorum regna (quæ Moſchorum dux, anno Domini 1564. ſuæ ditioni ſubegit) ſex vel ſeptem milliariibus à Volga fluuiio, curſu nonnihil Septentrionem verſus incuruato, labitur; demum in Meridiem curſu ſinuofſo reflectens, in paludes Mæotidis exoneratur, ad cuius oſtia Azoph ciuitas Turciſ tributaria ſita eſt. Azoph autem quinque dierum nauigatione ab Iſthmo Tauricæ, quæ nunc *Præcop* vocatur, diſtat. In ea multarum ex diuerſis partibus orbis gentium, celeberrimum eſt emporium. In his autem partibus præcipuè circa paludes Mæotidis, non milliaria, ſed dierum itinera obſeruantur.

Eſt etiam alter Tanais minor, qui in Scuerienſi ducatu fontes ſuos habet, (vnde Dunecz Seuerſki vocatur) & ſupra Azoph, in Tanaim magnum, exoneratur. Circa oſtia autem huius minoris Tanais, quatuor diebus ab Azoph ciuitate, in montibus quos ſanctos

*Fontes Tanais Moſchouitici Don.*

*Schad fluuius.*

*Tanais oſtia.*

*Azoph ciuitas.*

*Tanais minor.*

sanctos appellant, dicunt statuas imaginesque quasdam antiquitatis signa, extare.

Columnas etiam Alexandri Magni Macedonum regis, in his partibus quidam posuere. At nunc nullum vestigium earum apparere, illi qui ea loca sæpius peragrarunt, perhibent, atque ideo nihil certi de ruinis & situ earum assequi datur.

*Alexandri  
Magni co-  
lumnae.*

Hæc igitur de Tanais fluvio breuiter dicta sufficiant. Nunc rursus ad describendas cæteras Moschorum ducis prouincias pergam, atque à Moschouia Meridiem versus, dextrorsum procedendo, Seueriensem ducatum attingam.

### DE MAGNO SEVE- rienſi ducatu.

Seuerienſis ducatus est ingens, & rebus omnibus affluens, cuius latitudo à Borysthene vsq; ad Mſcenek castrum dirutum, supradictum extēditur, vastosq; & desertos passim campos possidet. Primò duces Seuerienſes sui iuris erant, sed postea magnis Lituaniæ Ducibus permultos annos parebant. Tādē quoq;, (cū magnus Ducatus Iagielone baptizato ad Polonos peruenit) regibus Poloniæ tributa persoluebāt. Deinde à Casimiro rege Polo. magnoq; Duce Lituaniæ, Iagielonis filio, ad Ioannem, magnum Moschouia ducem, defecerunt. Sedes autem huius principatus in Nouogrodek sita erat. Sed tādē hi principes (prout alijs multis Moschouia duci subiectis cōtiguit) perfidiæ innocenter accusati, à Basilio patre moderni principis Ioannis Basiliadis, principatu exuti sunt. Hi autem Seuerienſes principes, genus suum à Demetrio magno duce Moschouia, duxerunt.

Arces & ciuitates in hoc ducatu complures sunt, inter quas Nouogrod, Sieuierski dictus, Starodub, Potiuolu, Czernigow, & Bransko, celebriores. Syluæ hermelis, aspreolis, melleque plurimum redundant, agros quoque hæc regio fertilissimos habet.

**NOVOGROD** SieWierski dictus, ciuitas & arx lignea, in qua olim sedes ducum Seueriensium erat, distat à Potiuolu & Starodub ciuitatibus, ab vna 18. ab altera 14. milliaribus, ad hanc ciuitatem, à Moschouia dextrorsum Meridiem versus per Colugam, Vorotiniam, Serensko, & Bransko 150. milliaribus peruenitur.

**CZERNIGOW** arx & oppidum 30. milliaribus à Kiouia distat.

**POTIVOLVM** arx & ciuitas lignea, à Moschouia 140. milliaribus Polonicis, à Kiouia verò 60. distat. Hæc vltra syluam magnam, quæ 24. milliaribus in latitudinem protenditur, sita est. Huius ducatus titulo Magnus Dux Moscho. vitur, & Seueriensem se imperatorem appellat.

### DVCATVS SMOLEN-

*scensis.*

**S**Molensko ciuitas ingens, & insignis, ad Borysthenem fluuium sita, arcem ex roboribus edificatam in vltiori fluminis ripa habet, in qua plurima ædificia lignea in formam ciuitatis extructa sunt. Hanc ex vna parte Borysthenes fluuius alluit, ex altera verò fossis profundis, stipitibusque acutis munitur; in medio autem arcis templum diuæ Virginis, in scopulo conditum est. Hanc ciuitatem & arcem Basilii magnus Moschouia dux, sepius & grauissimè oppugnabat,

*Borysthenes  
fluuius.*



bar, nunquam tamen vi eam capere potuit, donec Michael Glinski, ex principum Russiæ nobili stemmate & familia ortus, qui quondam summam rerū, apud Alexandrum regem Poloniæ, in magno ducatu tenebat, ad prædictum Basilium (seditione in Lithuania excitata, regnante Sigismundo rege Poloniæ) profugit, & arcem Smolensko denuo cum ingentibus Moschorum copijs, acerrimè obledit, quam tormentis bellicis obstinatè, sed frustra oppugnabat, & cùm eam vi capere nō posset, præfectis militum largitionibus corruptis, per deditiōem arce cum ciuitate potitus est, atque ab hoc tempore in potestate Magni Ducis Moschouiæ perseuerat.

*Michael Glinski profugit occiso fidelicet Zabrze & Lin- scio prope Grodnam, Palasino Trocensi.*

*Smolenska proditiōe capta.*

Ciuitas ipsa in vallo sita est, collibus vndique & syluis vastissimis, quibus pellium diuersarum multitudo prouenit, cingitur: distat autem Smolensko à Moschouia 80. milliaribus Polonicis.

DROHOBVS à Moschouia 72. mill. à Smolensko 18. distat, ad Borysthenem cum oppido eiusdem nominis sita est.

HVGRA fluuius profundus & lutosus, non longè à Drohobus in sylua quadam oritur, & inter Collugam, & Vorotiniā Occam influit. Hic autem fluuius Moschorum & Lituanorum dominiū quondam dislimitabat.

*Antiquus limes Lituanorum.*

WYEZMA castrum & oppidum ligneum, ad fluuium eiusdem nominis extructum est, qui haud procul inde in Borysthenem ingreditur, distatque à Moschouia 46. milliaribus, à Mosaysko 26. à Drohobus 18. Sed quia hīc frequenter Borysthenis fluuij præclari mentio intercidit, pauca de fontibus eius subijciam.

*Borysthenes  
fluvius Ru-  
thenis  
Dnepr.*

BORYSTHENES, fluvius iuxta pagum quen-  
dam, *Dnepersko* dictum, fontes suos habet, unde ab  
incolis Moschouitis, & cæteris Ruthenis, *Dnepr* siue  
*Dneper* appellatur. Sic autem cursum suum Bory-  
sthenes dirigit: Primum Wiezman Meridiem versus  
alluit, indeque cursu in Orientem verso, Drohobus,  
Smolensko, Orssa Dubrowna, & Mohilow præter-  
labitur. Inde tandem in Meridiem tendens, Kiouiam  
Russiæ olim metropolim, Circassos, & tandem per  
Campes tria deserta fluens Oczakow, castrum & ci-  
uitatem Tartarorum Præcopensium, 40. milliaribus  
à Circas, attingit; indeque in Pontum Euxinum exo-  
neratur, cuius tam vasta ostia sunt, ut procul spectan-  
tibus maris formam præferant. An autem *Dnepr* flu-  
uius prædictus, à Latinis congruo nomine Borysthe-  
nes appellatur, absurdum mihi videtur: nam hic à  
fontibus suis *Dnepersko* dictis, *Dnepr* vulgò à Mo-  
schis, Ruthenis, Lituanis, Polonis, & cæteris omnibus  
Sauromatis vocatur. Vocabulum quoque *Dnepr*, à  
Borysthenem multum discrepat, sed mihi videtur Be-  
rezinam fluvium (qui Borisow arcem & alias plures  
alluens in fluvium suprædictum *Dnepr* exoneratur)  
Borysthenem antiquitus appellatum esse. Nam id  
vocabuli sonus, & ipsa congruentia vocis indicet.

*Berezina  
fluvius.*

M O Z A Y S K O castrum & oppidum ligneum, à  
Moschouia octodecim milliaribus Meridiem versus  
distat, à Wiezma 26. ibi Princeps nonnunquam ora-  
tores diuersorum principum excipere solet, vena-  
tionemque ibidem quotannis exercet. Nam ibi su-  
pra modum leporum præcipuè alborum, magna co-  
pia est, Olgerdus ille, & Vitoldus magni duces Litua-  
niæ (quibus non exstitit ex Lituanæ ducibus bellico-

*Vetus limes  
Lituanæ.*

fior

fior alter) fines Lituanix 6. milliariibus ultra Mozayfko posuerant.

### BYELSKIA DUCATUS.

**B**Yelskia principatus Russiæ, quondam sui iuris principem habebat, qui magnis Ducibus Lituanix Iagielonis filijs (à quibus Basilius princeps Byelskia, ad Basilium ducem Moschouix defecit, ducatumque totum illi subdidit) tributarius erat. In hoc principatu Biela ciuitas cum castro ad fluum Obseha in vastis syluis sita est, itaque à Moschouia 60. milliariibus Polonicis, à Smolensko verò 36. Hunc ducatum Moschouix dux titulo suo adscribit, & se ducem Bayelski appellat.

### RSCHOVIAE DUCATUS.

**I**N territorio Rschouiensi ciuitas & arx lignea eiusdem nominis, RsheWa appellata, ad Volga ripam sita est. Distat autem à Moschouia Occidentem versus 23. mill. ultra hanc ciuitatem aliquot millia. Occidentem versus procedendo, est sylua WolkoWskilefs dicta, in qua est palus WronoW appellata, ex hac palude flumini quidam emergit, qui 2. milliariibus Polonicis emensis, in lacum quendam, Volgo dictum, influit, vnde rursus aquarum multitudinem adauctus, egreditur, Volgaque à lacu ex quo oritur, vocatur. Hic flumini multis fluminibus in se receptis, totam Moschorum principis ditionem; item Cazanensem & Astrachanensem regnum, nonnullaque Tartarorum deserta campestria perfluit, & tandem 70. ostijs in mare Caspiū (Ruthenis ChWalinskoie mare dictum) exoneratur. Hunc flumini

*Volga flumini-  
us celebris.*



Moschouia Volgam, à Volgo lacu, ex quo emergit, appellant. Tartaris verò Edel, Ptolemæo & Græcis *Rha* dicitur. Hic ducatus Rſchouia, in quo prædictus fluuius fontes suos habet, latissimè extenditur, ab hocq; dux Moschouia titulum sibi vsurpat, & ducem Rſchouia se appellat.

W O L O C Z K ciuitas & arx lignea, occidentem æquinoctialem versus 24. mil. à Moschouia distat, à Mozaysko 12. à T Weria 20. Leporibus albis hæc prouincia abundat, ibique Magnus Dux sæpe venationem exercere solet.

W Y E L I K Y E L V K I, arx & ciuitas magna lignea, à Moschouia 140. milliaribus, à Nouogrodia magna 60. à Polosczo 36. distat, cum Louat fluuius præterfluit, indeque Septentrionem versus fluens, in Ilmen lacum iuxta Nouogrodiam magnam ingreditur.

T O R O P Y E C Z arx & ciuitas, à Wyelike Luki decem & octo milliaribus distat, ad cōfinia Lituania ducatum Smolensciensem attingens, sita.

*Seueria à  
Lituanis  
defecit.*

Hæc autem arx Toropyecz cum cæteris sibi adiacentibus, videlicet Drohobus, Biela, & Brensko, cum bona Seueriæsis ducatus parte, vno tempore per deditiōem in Magni Ducis Moschouia potestatem Ioannis Basilij deuenerunt, sub Alexandro rege Polonia, magnoque Duce Lituania, prout latius in descriptione regni Polonici dictum est.

#### DVCATVS T W E R E N S I S.

T Werensis ducatus, cuius titulum magnus Dux Moschouia sibi vsurpat, amplissima olim ditio erat, vna ex magnis Russia principatibus, ad Volgam fluuium

fluvium sita, 36. mil. distat à Moschouia. In ea est ciuitas occidentem æstiualem versus, Twer dicta, quam Volga fluvius interlabitur. In altera autem Volgæ ripa castrum ligneum sibi coniunctum habet, ex cuius opposito Twercza fluvius Volgam influit. Hæc *Twerensis* ciuitas monetam argenteam propriam habet, quæ *moneta.* valore Moschouicæ æquatur.

T E R S A K oppidum 10. mil. Polonicis à Tweria abest. Huius olim pars dimidia Nouogrodiensi, altera Twerensi ducatus subiacebat. Porro hic ducatus *Twerensis* Twerensis à Ioanne Basilij, Moschouicæ principe, auctore *ducatus.* moderni ducis occupatus est.

### DUCATUS PSKOUIENSIS.

P Skouia principatus, olim amplissima sui iuris *Pskouia ca-* tio erat, sed à Ioanne Basilij, anno Dómini 1509. *pta.* occupatus est. In eo est ciuitas celebris totius regionis metropólis, Peskouia, gentiliter *Pskoŭ* dicta, ad lacum Pskoŭa dictum, sita, ex quo eiusdem nominis fluvius emergit, ac mediam ciuitatem interfluit, indeque sex miliaribus emensis in lacum Czuczko, vel Czudzin dictum ingreditur. Sola autem Pskouia in toto Moschi imperio muro cincta est, quæ in quatuor partes diuiditur, & earum singulæ suis mœnibus clauduntur. Distatque hæc ciuitas Occidentem versus à Nouogrodia magna 36. mill. à Wyelkie Luki, & à Regia Liuoniæ metropoli 60. Facilis ex Pskouia in mare Balticum esset nauigatio, sed scopuli quidam non longè ab IWanoŭ Gorod, & Nerua castris, in finibus Liuoniæ impedimento sunt, ubi 2. mil. emensis Nerua fluvius pluribus fluuijs haustis in mare exoneratur. Hanc ciuitatem anno suprà dicto

*Pskouia pro  
ditione se-  
cerdotum  
capta.*

Moschouia dux proditione sacerdotum occupauit, ciuibsq; in Moschouiam abductis, & in eorum locum Moschouitis substitutis libertatem Pskouienfium, quam strenuè multis annis propugnabāt, prorsus diminuit, eiusque titulum sibi usurpat.

### DVCATVS NOVOGRODIÆ

*magne.*

*Rurik No-  
uogrodia  
princeps.*

**N**ouogrodia magnæ principatus amplissimus olim ex totius Russiæ ducatibus erat; cuius imperium Rurik Varegus sorte sibi oblatum, in primis administrabat, & tandem post eum successores eius latissimè ad Græciam vsque imperium suum extendebant. Et tunc temporis amplissimam ditionem in quinque partes distributam habebat. Imperiumq; suum Orientem, Meridiem, & Septentrionem versus, magna ex parte extendens, Lituaniam, Phinladiam, Suetiam & Nordwegiam ipsam attingebat.

*Volchow  
fluius.*

Est autem in hoc principatu ciuitas ingens & ampla, Nouogrodia magna appellata gentiliter Nouogrod Wielki dicitur; eam Volchow fluius nauigabilis interfluit, qui ex Ilmen lacu duobus Werst supra ciuitatem emergens in alium locum, (Nouogrodia magna interlapfa) Ladoga dictum, exoneratur: triginta sex Polonicis milliaribus emensis.

*Ilmen La-  
cus.*

Porro Ilmen lacus supra Nouogrodiam duobus Werst situs, in longitudinem decem & octo milliaribus Polonicis, in latitudinem verò duodecim patet, duosque præter alios celebriores fluuios excipit, Lowat, & Scholona dictos, vnum verò emittit Volcho dictum, qui Nouogrodiam interfluit. Distat autem Nouogrodia occidentem æstiualem versus, à Moscho-



Moschouia centum viginti milliaribus, à Pskouia triginta sex, ab IWanoW Gorod, & Wyclikie Luki quadraginta. In hac ciuitate erat olim quoddam idolum *Perun* appellatū, hoc in loco, quo nunc est monasterium, *Perunski* monaster, ab idolo eodem dictum. Hoc idolum à Nouogrodensibus præcipuè cultu latriæ adorabatur: habebat autem formam hominis lapidem ignitum, manu tenentis, similem fulmini. Nam *Perun* Ruthenis, & Polonis fulmen significat. In huius laudem & honorem ignis exque-  
*Perun idolum.*  
*Ignis perpetuus sacrosanctus.*  
 cubus, qui perpetuò die nocteq; arderet, construebatur. Quod si negligentia ministrorum, ad hoc officium obeundum designatorū, ignem extinguī con-  
 tingeret, tunc capitis pœna pledebantur.

Currente anno Domini 1470. cū Theophilus archiepiscopus Nouogrodia, sua autoritate totam ditionem Nouogrodiensem gubernaret, regi Poloniae Casimiro, tunc temporis magno Duci Lituaniae persoluens, Ioannes Basilij Moschorum dux Nouogrodiensem principatum, graui acerrimoque bello per septem perpetuos annos pressit, ipsamque ciuitatem Nouogrodiam sæpius obstinatè oppugnabat. Tandem anno Domini 1477. ad fluuium Scholona dictum, Nouogrodenses bello superauit, eosque ad deditionem ciuitatis & totius regionis compulit, & locum tenentem suum illis constituit. Cū autem nondum absolutum se imperium in Nouogardienses habere intellexisset, auxilio prædicti Theophili archiepiscopi, in Nouogardiam armata manu venit, sub prætextu religionis conseruanda, quasi ciues quosdam à Ruthenico ritu, ad Romanam Ecclesiam deficere volentes, cohibere pro-

*Nouogrodenses superati bello, iugoq; Ioannis Basilij subacti.*

posuisset, hacq; simulatione Nouogrodiam ingressus, incolas ad miserimam seruitutem redegit, ciues, mercatoresque omnes, bonis omnibus (parte vnicuique quarta relicta) spoliauit, ipsumque archiepiscopum prouentibus omniq; auro & argento priuauit, & alium episcopum, (parua duntaxat reddituum portione illi concessa,) in locum eius constituit.

*Sal coctum.* R V S S A, oppidulum vetustissimum, olim antiqua Russia dictum, à Nouogrodia 12. mil. distat, quod fluuius falsus præterfluit, quem incolæ fossa ampla in modum lacus coërcent, indeque aquam per canales vnusquisque ad suas ædes deducunt, & ex ea sal coquunt.

*Limes Li-  
uonici &  
Moschous-  
tici imperij.* I W A N O W Gorod arx, quam Ioannes Basiliades Moschouix dux, à quo & nomen accepit ad ripam Neruæ fluuij ex lapidibus sectis extruxit, distat à Nouogrodia magna 40. milliaribus, à Pskouia totidem. Iuxta hanc arcem est ciuitas lignea Nerua, à fluuio appellata, vbi Nouogrodeneses & Pskouienses merces suas deponere solent. Est ibi quoque ex aduerso in altera ripa Liuoniensium castrum & ciuitas, quod etiam ab eodem fluuio Nerua appellatur, atque hæc duo castra Nerua fluuius interfluens, Moschouix olim imperium à Liuoniensi dislimitabat: sed nunc Ioannes Basiliades modernus princeps Moschouix, Nerua arce Liuoniensium cum cæteris potitus, vltèrius fines suos promouit. Nerua autem fluuius ex lacu Czudzko dicto, oritur, duobusque in se receptis fluuijs, PskoWa, & Vielika Reka dictis, ex Meridie venientibus, Iwanow Gorod, & Neruam ciuitatem interfluit, indeque in mare Liuonicum exoneratur. Hoc fluuio ex Moschouia merces in mare depor-  
tantur,

*Nerua flu-  
uius natus-  
gabilis.*

tantur, præcipuè ex Pskouia & Nouogrodic magnæ regionibus.

I A M M A castrum, 12. mil. ab Iwanow Gorod, & Nerua situm est, ad Plussæ fluuij ostia Septentrionem versus. Deinde spacio 4. mil. à Iamma, castrum & ciuitas Coporogia dicta, ad fluuium eiusdem nominis occurrit. Hinc Septentrionem versus 25. mill. per Orselek, & Correllam ciuitates, ad fluuium Polna peruenitur, qui imperium Moschorû à Phinlandia Sueciæ regi subiecta dislimitat.

### V O D Z K A R E G I O.

HÆc regio à Nouogrodia magna, triginta milliaribus distans, inter Occidentem & Septentrionem sita est, cuius incolæ proprium idioma habent, aliquantulum à Ruthenico differens, in eam animalia cuiuscunque generis si aliunde inducta fuerint, *Animalia* colorem suum in albedinem mutare perhibentur. *colorem mutant.*

### C O R R E L L A P R O - uincia.

HÆc prouincia suum proprium idioma habet, à Nouogrodia Septentrionem versus, sexaginta milliaribus Polonicis distat, cuius incolæ Moschorum duci, & Suerensium regi, propter vtriusque vicinitatem tributa pendunt. Huius prouinciæ fines ad mare vsque glaciale protenduntur.

S O L O W K I insula Septentrionem versus, inter Dwinam & Correllam prouincias, octo milliaribus Polonicis à terra in mari sita est, Moschouic duci subiecta. Estque ibi monasterium Ruthenicum insigne, in quod mulieribus ingressus graui sub pœna prohi-



betur. Distat autem hæc insula à Moschouia trecentis milliaribus, à Bielleiezioro 200. millia. Polonicis. Sal ibi copiosius decoquitur. Solem illic in æstiuâli solstitio perpetuò, duabus tantum horis exceptis, splendere affirmant.

### DWINA PROVINCIA.

**H**Æc prouincia in ipso Septentrione sita est, No-uogardenfiumq; olim ditionis erat, & à fluuiò præterlabente DWina dicto, nomen sortita est. Fluuius autem ipse ab Iug, & Suchana fluuiorum duorum confluxu DWinæ nomen accepit. DWina enim Ruthenis binos significat. Hic fluuius postquam Iug, & Suchana confluerunt, DWinæ nomine assumpto, emensis ceterum milliaribus, Oceanum septentrionalem, qui Suetiam & Nordwegiam alluit, sex ostijs ingreditur. Numerantur autem à Moschouia ciuitate trecenta milliaria Polonica ad ostia eius. Hæc prouincia quamuis centum milliaribus pateat, præter Colmogoram tamen castrum, & DWinam ciuitatem, quæ in medio regionis sita est, castrumque Pinega in ipsis DWinæ ostijs conditum, oppidis & castris prorsus vacua est. Pagis tamen compluribus abundat, qui propter terræ sterilitatem magno tractu, longè lateq; ab inuicem distant. Incolæ verò ex piscibus ferisque omnis generis victum, ex pellibus verò amictum acquirunt; panis enim vsum prorsus ignorant. In maritimis huius regionis locis, vrsi albi maiori ex parte in mari degentes reperiuntur, quorum pelles cum cæteris varij generis animalium pellibus, incolæ magno Duci pro tributo dant, atq; ita in Moschouiam sæpius deferuntur. Regio ipsa tota salisfera est,  
ex qua

ex qua cæterarum regionum circumadiacentium incolæ sal habere solent.

### VSTIUGA REGIO.

**A**Dwina ex Septentrione in Meridiem procedendo Vstiug ciuitas & arx, à qua & regio nomen accepit, occurrit, ad fluuium Suchana condita, distatque à Wolochna ciuitate centum mil. à Bieleziëzioro centum quadraginta. Dicitur autem Vstiug, *Vstiug de-*  
*ab Vstia, quod ostium Latinis sonat, & Iug fluuiio ex nominatio.*  
 Meridie in Septentrionem currente, ad cuius ostia primò sita erat, sed postea propter loci opportunitatem, ad dimidium milliare supra ostia eius, vbi in Suchanain ingreditur, translata est, & antiquo nomine Vstiug hucusque appellatur. Hæc regio olim Nouogardensibus tributaria erat, in qua nullus propemodum panis vltus habetur. Quapropter incolæ ex piscibus & feris victum quaritant. Idioma proprium quamuis Ruthenico magis vrantur, habent. Sal ex Dwina regione supradicta eis aduehitur. Omnis generis ferarum pellibus abundant, præcipuè vulpinis nigris, quæ interdum Zebellinis æquiparantur. Zebellinorum pelles illic nec multæ, nec admodum bonæ reperiuntur.

### VOLOCHDA PRO- uincia.

**H**Æc prouincia inter Orientem & Septentrionem sita est, habetque ciuitatem eiusdem nominis & arcem, natura loci munitissimã, in qua magnus Dux Moschouie thesauri sui partem tempore necessitatis cedere solet. Abest autem à Iarossaw 50. milliariibus

*Wolochda  
fluvius &  
civitas.*

Polonicis, à Bieleieziro 40. eam fluvius Wolochda in Septentrionem ex Occidente fluens, praterlabitur, à quo civitas ipsa & prouincia denominata est. In hac regione viatores certā itineris rationem, propter crebras paludes, & fluviorum anfractus obseruare non possunt: tota enim palustrosa & syluestris est, & quò vltius progreditur, eò plures & inuix paludes, fluijque occurrunt, quondam sub Nouogardiæ magnæ ditione erat.

Waga fluvius, piscibus omnis generis abundans, inter Bieleieziro & Wolochdam in paludibus, densissimisque syluis oritur, ac in Dwinam fluvium illabitur. Accolæ autem huius fluij panis vsum penitus ignorant, ferisque venatione partim victitant; pellibus vulpinis nigris & coloris cinerici abundant.

### *BIELEIEZIRO DVCATVS.*

**B**ieleieziro, quasi dicas albus lacus, est regio ampla, vna ex ducatibus Russiæ, in Septentrione sita iuxta lacum ingentem, à quo nomen ipsa regio & arx, ciuitasque traxit. Huius ducatus titulo magnus Dux Moschouiæ vtitur. Hic autem lacus 13. mil. Polonicis in longitudinem, totidemque in latitudinem stagnat, & triginta sex fluvios excipit, vnū verò duntaxat Sosna emittit, qui 15. mil. supra Iaroslau, & 4. mil. infra Mologam ciuitates emensis, fluvio Volga celebri commiscetur. In hoc lacu est arx natura loci munitissima, inexpugnabilisq;, in qua princeps Moschouiæ thesaurum suum recodere solet, illicq; tempore necessitatis hostibus vrgentibus, velut ad asylum quoddam confugit. Abest autem Bieleieziro à

*Thesauros  
Moschus in  
albo lacu  
recondit.*

Moscho-



Moschouia 100. mil. à Nouogardia magna totidem. Regio penè rota palustrosa syluosaq; est, ideo viatoribus difficilem transitum præbet, & haud cōmodè ad eam, nisi stratis pontibus, concretisq; glacie aquis peruenitur. Huius loci incolæ proprio idiomate vtuntur, sed nunc ferè omnes Ruthenicè loquuntur. A lacu Bieleiezioro ad sagittæ iactum est, alius lacus sulphureus *Sulphureus lacus.* sulphur copiosè proferens, quod fluuius quidā ex eo emergens, ceu spumas supranatātes secum defert. In hoc ducatu Sinaus Varegus sorte sibi è Ruthenis cōcesso, primus confederat, cuius etiam fratres vnus in Pskouia Truor nomine, alter in Nouogardia magna Ruriczki dictus, (de quibus suprà) imperabant. *Tres duces Russia antiqui.*

### IAROSLAVIÆ DUCATVS.

Iaroslau ciuitas & arx lignea ampla, ad Volgā fluuium sita, 46. mill. à Moschouia distat. Regio ei adiacens fertilissima est, præsertim ea parte qua ad Volgam vergit. Hæc olim secundo genitis magnorum Ducum Moschouix attributa erat, quos Ioannes Basiliades Moschouix monarcha, principatu expullos in seruitutem redegit, ex quorum progenie adhuc supersunt, qui Knesi (id est duces) Iaroslauici dicuntur, sed paruam in regione reddituum partem retinent. Ipse enim dux Moschouix & titulum & ducatum sibi vendicat.

### ROSTHOVIÆ DUCATUS.

Hic ducatus inter præcipuos & antiquiores Russiæ principatus, post Nouogardiam magnam olim habebatur, & secundo genitis magnorum ducum Russiæ, attributus erat; quorum posterius per Io-

*Rostow ci-  
uitas.*

annem Basiliij, auum moderni ducis Ioānis Basiliadis eo exuti sunt. In hoc ducatu est ciuitas & arx lignea, Rostow dicta, regionis caput, in qua archiepiscopus sedem suam habet, à Moschouia 34. mil. distat. Sita autem est ad lacum quendā, ex quo Cotorea fluuius emergit, & Iarossauia ciuitate praterlapsa in Volgam illabitur. Huius ducatus titulo Moschouiae dux utitur, nouissimumq; huius regionis hæredem, ex progenie ducum Ruffiæ, anno Domini 1565. Ioannes Basiliades Moschouie dux, tyrannicè trucidauit, progeniemq; eius funditus deleuit.

VGLITZ ciuitas cum castro, ad Volgam fluuium condita, distat à Moschouia 24. mil. à Iarossauia triginta.

*Nūdina ce-  
leberrima.* CHLOPIGROD ciuitas duobus miliaribus distat ab Vglitz, in ea celeberrimæ frequenter fiunt nundinæ, ad quas Suetenses, Liunionenses, Rutheni, Lituani, Tartari, & aliæ quamplurimæ gentes confluunt, omnes verò tantum permutatione rerum vtuntur.

PEREASLAW ciuitas & castrum, ad lacum quendam à Septentrione in Orientem reflectendo sita est, à Moschouia 24. à Rostow decem miliaribus distat. Iuxta hanc est lacus quidam, ex quo sal copiosè decoquitur.

### SUSDALIENSIS DVCATVS.

DVCatus Susdali, cum eiusdem nominis castro & ciuitate, in qua sedes episcopalis est, Rostouiae & Volodimiriae adiacet, inter præcipuos olim Ruffiæ principatus numerabatur, ac reliquarum Ruffiæ partium metropolis erat. Hunc Ducatum secundo geniti

geniti ducum Moschouia iure hæreditario possidebant, quorum tandem posterius per Ioannem Basilij, auum moderni ducis Moschouia, eo expulsi & spoliati sunt.

CASTROMOWGOROD, ciuitas cum castro, in confluxu Costromæ & Volgæ fluuiorum sita est, viginti miliaribus à Iaroslauia orientem æstiualem versus distat.

GALICZ prouincia cum ciuitate & castro eiusdem nominis ex Moschouia in Orientem, per Castromowgorod euntibus occurrit. In ea propter crebras paludes, fluuios, & syluas densissimas ratio vera itinerum obseruari non potest.

### VIATHKA REGIO.

HÆc regio ab eiusdem nominis fluuius denominata est, in cuius littore hæc ciuitates sitæ sunt. Chilinoua, Orlo, Cotelnicz, & Sloboda. Orlo 4. mil. infra Chilinouam sita est, deinde 6. mil. Occidentem versus procedendo, Sloboda & Cotelnicz ciuitates, ad Rheczicza fluuium sitæ, qui ex Oriente fluens in Viatkam influit, occurrunt. Hæc regio in orientem æstiualem porrecta, 150. mil. à Moschouia distat. Totæ ferè palustris & sterilis est, melle, feris, piscibus, aspreolisq; abundans, in ea Ceremissæ populi passim vagantes latrocinantur. Hæc olim sub Tartarorum imperio erat, sed monarcha Moschouie Basilius, Tartaris expulsis eam sibi subiugauit, tituloq; eius (ducem se Viathkia appellans) utitur. Attamen Tartari ultra, citraque, Viathkam fluuium, adhuc in campis *Viathka* sribus habitant, maximè verò in ostijs Viathkæ, ubi *fluuius*. in Camam fluuium ingentem exoneratur.



## P E R M I A R E G I O.

**P**ermia magna & ampla regio, à Moschouia 250. mill. distat. In ea est ciuitas eiusdem nominis, ad Vischoram fluuium sita, qui 10. mill. inde emensis in Camam fluuium exoneratur. Incolæ huius regionis pane rarissimè vtuntur, & ceruina plerunque carne, aliarumque ferarum victitant. Idioma proprium, literas quoque à Ruthenicis differentes habent, quas Stephanus episcopus (qui eos ad fidem Christi rebelles conuertit) adinuenit, q̄ postea apud Ruthenos catalogo Sanctorum adscriptus est. Quendam verò episcopum, Stephani huius antecessorem, Permiani, cum eos ad fidem Christi conuertere nitebatur, excoriauerunt. Super sunt adhuc plurimi ex ijs idololatras, passim in syluis degentes. Hyeme per niues trahis itinera faciunt, quas vel canes vel cerui albi, (quos in hunc vsum pro iumentis habent) trahere solent. Pedites autem in nartis (quemadmodum in plurimis Russiæ locis mos est) celeriter per niuem iter conficiunt. Hæ autem nartæ sunt lignæ quædam, & oblongæ solæ duorum triumve cubitorum longitudine, quibus in pedes inductis baculo oblongo cum cuspide suffulti, celerrimè feruntur, adeò vt nullo modo equi quamuis agilissimi cursu insequi possint; nam equo currenti asperitas niuis, montes, cæteraque viæ obstacula, impedimento sunt: in nartarum autem instrumentis currentes, colles, truncos, foueasque, facillimè transiliunt; hocque modo feras omnis generis apprehendere & capere telis transigendo solent. Huic regioni Tumen regnum, cuius Princeps Tartarus, conterminum est.

*Litera Permiorum.*

*Narta.*

*Mirabilis cursus in nartis.*

*Tumen regnum.*

[SIBIOR

## SIBIOR PROVINCIA.

**H**Æc prouincia ad Camam fluuium inter Per-  
 miam & Viatkam regiones sita est, quæ castris  
 & ciuitatibus vacua prorsus est. In ea laijczk *laijczk flus*  
 fluuius ingens oritur, qui Tartarorum campestribus *ssms.*  
 præterlapsis, in Caspium mare influit. Incolæ eius  
 proprio idiomate vtuntur, panis vsum nesciunt, sed  
 ferina carne victitant. Mercimonia ex aspreolorum  
 pellibus (qui apud eos præstantissimi reperiuntur)  
 exercent, pro tributoque easdem magno Moscho-  
 uiæ Ducipendunt.

Regio ipsa tota ferè palustris & syluestris est, &  
 propter Tartarorum vicinitatem magna ex parte  
 deserta dicitur.

## VUGRA REGIO.

**V**gra siue Iuhra regio, cuius incolæ Iuhri vel Iugri-  
 ci appellantur, ad Oceanum septentrionalem sita  
 est, ex ea Hūgaros sterilitate regionis caussata olim *Hungarorū*  
 prodijisse, & Pannoniam occupasse ferunt, aiuntque *ortus.*  
 eos patrijs locis egressos, primò ad paludes Mæotidis  
 confedissee, deinde ad Danubium fluuium Pannoni-  
 am versus concessisse, à sui que denominatione Pan-  
 noniam Iuhariam, deinde Vngariam nominasse, & *Hungaria*  
 duce Attila multas prouincias Asiæ & Europæ de- *denomina-*  
 bellasse. Hinc ergo Moschouitæ plurimùm glorian- *rio.*  
 tur, dicentes subditos suos quondam Germaniæ, I-  
 talia, Græciæque fines vastasse, totoque mundo ter-  
 ribiles esse. Indigenæ huius regionis, vectigal magno  
 Moschorum Principi soluunt, eodemque idiomate  
 cum Vngaris vtuntur.

## PETZORA REGIO.

*Petzora fluminis.* Petzora magni Ducis Moschorum ditio, longo tractu in septentrionalem & orientalem plagam fines suos iuxta mare glaciale extendit. Denominata est à fluuio eiusdem nominis, *Petzora* dicto, qui à Meridie fluens in Oceanum glaciale, iuxta oppidum & castrum Pusteozero dictum, sex amplis ostijs exoneratur. Circa hunc fluuium sunt montes, rupesque in altum prominentes, *Ziemnoi Poias* Ruthenis, id est cingulus terræ dicti, quorum vertices ob continuos ventorum flatus, nudi absque gramine sunt, niuib. frequenter rigentes. Crescunt autem illic arbores cedri, circa quas nigerrimi Zebeli reperiuntur, aues etiam rapaces varij generis in his montibus nidificant, præcipuè verò falcones albi ad venandas aues promptissimi, qui inde in Moschouiam afferuntur, eisque magnus Dux in venatione uti solet. Atq; in principis Moschouia imperio hij montes, quos veteres Rhiphaeos siue Hyperboreos (varijs in locis situm eorum ponentes) vocabant, exsistunt. Hij autem montes perpetuis niuib. gelu concretis al bent, difficilemq; transitum iter carpentibus præbent. Tantæ enim altitudinis dicuntur, ut quidam à Moschorum principe ad id destinati, decemseptem dies in ascendendo quodam monte transigerint, attamen nequaquam verticem montis attingere potuerunt. Qui autem ex Moschouia ad Petzoram proficiscere volunt, per Vstiugam & DWinam provincias transeuntes, rectà in Permiam regionem, quæ à Moschouia ducentis quinquaginta milliari-  
*Montes cingulus terra.*  
*Arbores cedri.*  
*Iter in Petzoram.*  
*Incola Petzora.* bus distat, perueniunt, indeque vscato magis itinere Petzoram attingunt. Incolæ huius regionis simplicissimi



cissimi sunt, idioma proprium habent, panis apud eos nullus usus habetur. Anno Domini supra millesimum quingentesimum decimo octauo, Ruthenico ritu sacro baptismi fonte abluti sunt. Pelles ferarum varias magno Moschorum Duci pro tributo pendunt. In ostijs Perzoræ fluuij est castrum & oppidum Pusteiezioro dictum, ultra quod in littore Oceanî septentrionalis variæ gentes sunt, quæ communiter Ruthenis *Samogedæ* (id est seipsos comedentes) appellantur. Hæ gentes in Moschouiam non veniunt, aliorum enim hominum cœtum, vitæque societatem maximè refugiunt. Auium diuersarumque ferarum copia supra modum abundant, utpote Zebellibus, castoribus, hermelis, aspreolis, vrsibus albis, lupis, leporibus, & id genus alijs animalibus. Præterea in Oceano eis adiacenti pisces diuersi generis & equi marini crescunt, in eodem Oceano varia magnaque animalia dicuntur esse, inter alia autem belua quædam magnitudine bouis, quam Moschouitæ *Mors* appellant. Hæc belua in mari, aliquando verò in terra degit; boatus terrificos edit; breues instar Castoris pedes habet; pectore prominenti latoque, dentibus superioribus in longum prominentibus; dumque Oceano relicto in terram prædæ capiendæ gratia exire cupit, tum dentibus (quos longos habet) per promontoria mari impendentia affixa, vertices montium ascendit: tandem posterioribus pedibus, dentibus admotis, summa cum celeritate in terram delabitur, omniaque obuia aliquando per decem vel amplius milliaria deuorans, mactansque grassatur, & tandem in Oceanum reuertitur; multoties autem ab incolis superiora

*Gēs seipsam  
mutuo com-  
edens.*

*Mors belua.*

*Dentes Mors  
belua.*

montium occupantibus, telis & lapidibus, priusquam montes ascendat, prohibetur, hocque modo frequenter opprimitur. Ex harum autem beluarum dentibus, Moschouitæ, Turcæ, Tartarique, manubria pugionum, cultellorumque; præstantiores etiam framearum subtiliter conficiunt, solum autem propter dentes capiuntur, magno enim pretio, apud Turcas & Tartaros veneunt. Adeundem Petzoram fluuium, est castrum & oppidum Papino Wgorod dictum, huius accolæ Papini dicuntur, diuersumque à Ruthenico idioma habent, & Duci Moschorum tributa soluunt.

*Papini ges.*

### O B D O R I A R E G I O.

*Obbi flui-  
us amplissi-  
mus.*

**O**Bdoria à fluuio præterlabente Obbi dicto denominationem accepit, qui ex lacu quodam amplissimo Kitaijsko nominato emergit, ab Orienteque in Septentrionem fluens, sex ostijs in Occanum septentrionalem exoneratur, ad oppidum autem Obbi dictum, est tam vastæ amplitudinis, ut se decim milliarium Polonicorum, octuaginta autem Werst Moschouiticarum in latitudinem pateat; vixque duobus diebus nauigio, quamvis ventis vela impellentibus tranatur; sicque abundat piscibus, ut nauigantium remigijs premantur. Huic quoque fluuio Vogulici & Hugritzchi populi accollunt, multa ibi variique generis animalia capiuntur, quibus regionis incolæ (panis enim vsum nesciunt) victitant, pellibusque Moschorum Principi tributa persoluunt.

*Vogulici  
gens.*

## DE IDOLO AUREÆ

ANUS.

IN hac Obdoriæ regione, ad ostia Obdi fluuij, est quoddam antiquissimum idolum de lapide excisum, quod Moschouitis *Zolota Baba*, id est aurea anus dicitur. Est autem similitudo mulieris vetulæ, *similitudo idoli.* infantem in gremio tenentis, & alterum iuxta se infantem habentis, quem nepotem illius esse incolæ dicunt. Hoc idolum ab Obdorianis Iuhriscis & Vohuliscis, alijsque conterminis gentibus cultu latriæ veneratur, præstantissimasque & maximi precij pelles Zebellinas idolo offerunt, vnà cum reliquarum ferarum preciosis pellibus: ceruos quoque selectiores ad sacrificium peragendum inactant, quorū sanguine os, oculus, & reliqua simulacri membra perungunt. Intestina autem cruda sacrificij deuorant, & inter sacrificandum sacerdos idolum cōsulit, quid ipsis faciendum, quòve migrandum sit. Ipsum autem (dictu mirum) certa consulētibus responsa dare, certosque rerum euentus prædicere solet. Dicuntur etiam in montibus vicinis huic idolo, sonitus boatusque quidam audiri, qui perpetuò sonitum in modum clangoristubarum edunt. Hoc autem nihil aliud esse dicerem, nisi instrumenta quædam illic antiquitus posita, vel canales subterraneos, sic natura ipsa effectos, qui ventorum perpetuò flatu sonum, boatumque & clangorem continuò efficiunt. *Boatus quidam.*

Ab Obbi fluuio à parte sinistra ascendendo, Calami populi dicti in campestribus degentes occurrunt *gens.* Moschorum Ducis tributarij.

Infra Obbi fluuij ostia & auream anum sunt com-



*Fluuij.*

plures ingentes fluuij, Irtscha, Bereswa, Sofa, Tachnim, Danadim, & cæteri multi ex montibus cingulus terræ dictis emergentes. Horum fluuiorum accolæ ad Auream anum vsq;, & Oceanum septentrionalem habitantes, magno Moschorum Duci tributa persolvere dicuntur.

### CONDORA REGIO.

**H**Æc regio ad Oceanum septentrionalem sita. Obdora regiōi vicina est, tota ferè syluis fluminibusque obsita, eius indigenæ proprio idiomate vtuntur, & Aureæ anus idolum cum Obdoria-  
nis colunt, ferarum carnibus, quibus omnis generis copiosè affluunt, pro cibo vtuntur, pelles verò varias Moschorum Principi pro tributo pendunt; regio ciuitatibus, castris, pagisque prorsus vacua est. Huius titulo Moschorum Dux, (Ducem se appellans Condoriæ) vtitur.

### LVCOMORIA REGIO.

*Grustintzi  
& Serpono  
Wtzi populi.*

**L**Vcomoria regio longo tractu iuxta mare Septentrionale extenditur, ab incolisque sine vllis ædibus in syluis & campis habitatur. Huic regioni confines sunt Grustintzi, & SerponoWtzi populi à castro Grustina ad lacum Kitajsko sito, dicti, vbi Obbi fluuius supradictus fontes suos habet. Ab hoc lacu homines nigri, communis sermonis expertes, ad Grustinam arcem venire solent, secum adferentes varias merces, præcipuè autem vniones, gemmas, lapidesque preciosos, quas Grustinski & SerponoWtzi, rerum transmutatione facta ab eis mercantur. Hæ autem gentes Lucomoriæ, item Grustintzi,

stintzi, & SperponoWtzi, & quæcunque infra Ob-  
bi fluuium, & lacum Kistajsko dictum, iuxtaque flu-  
mina Sofa, Bereswa, Danadim, & Tachmin habi-  
tantes, ad Oceanum glacialems usque magno Mo-  
schorum Duci, vectigales dicuntur. Porro de qui-  
busdam populis in Lucomoria habitantibus, por-  
tentosum & dictu incredibile quiddam refertur, *Mirabile*  
quasi illi quotannis vigesima septima mensis No- *quiddam.*  
uembris die, velut hirundines & ranæ, præ intenso  
frigore brumali moriantur; postea redeunte vere,  
vigesima quarta Aprilis die, eos denuò reuiuiscere  
aiunt. Hi autem hoc modo commercia cum Gru- *Mirus mer-*  
stentzijs & SperponoWtzijs populis sibi vicinis ha- *cædæ modus.*  
bere dicuntur, cum iam futuram mortem sibi im-  
minere sentiunt, tunc merces suas certis in locis de-  
ponunt, quas Grustintzi & SperponoWtzi suis mer-  
cibus interim æquivalentibus eodem loco relictis,  
auferunt. Illi autem reuiuiscetes, illas merces, si æ-  
qua commutatione sibi placuerint, pro suis accipi-  
unt: sin minus iustæ fuerint, à Grustintzijs & Serpo-  
noWtzijs suas repetunt, vnde lites & bella hac de  
caussa inter eos sæpissimè oriri dicuntur. Ex Luco-  
moriæ montibus Cossin fluuius dictus, ingens ori- *Cossin flu-*  
tur, qui Lucomoria præterlapsa, in magnum fluui- *uius.*  
um Tachmin dictum, exoneratur. In Tachmin au-  
tem fluuiio pisces quidam nasci dicuntur, qui capite, *Piscis mira-*  
oculis, naso, ore, manibus, pedibusque hominem re- *bilis.*  
ferunt, sed absque vllæ vocis expressione. Aiunt,  
quoque vltra hunc fluuium prodigiosæ formæ ho- *Gens mira-*  
mines habitare, quorum alij ferarum more pilis ri- *bilis.*  
gent, alij caninis cum capitibus in speluncis subter-  
raneis victitant.

## L O P P I A R E G I O .

**A** Lucomoria vltcrius ad Oceanum glaciale  
 procedendo Loppi populi, barbarie & feritate  
 rigentes in campestribus & syluis degentes oc-  
 currunt. Hi nusquam certas sedes habent, sed vno in  
 loco feris piscibusque, quibus victitant (panis enim  
 vsum nesciunt) de pastis aliò commigrant. Tugurio-  
 la sua, in quibus habitant, corticibus arborum, cespiti-  
 busque regunt, vestibus ex diuersis ferarum pelli-  
 bus Zebellinis, hermelinis, ceruinis, & id genus alijs  
 insimul confutis vtuntur, eorumque huiusmodi ve-  
 stitus interdum in Moschouiam à mercatoribus de-  
 fertur, pileis etiam & caligis ex ceruinis pellibus cō-  
 fectis vtuntur. Tributi autem loco pelles & pisces,  
 quorum copia affluunt, magno Moschorum Duci  
 pendunt. Idioma suum proprium habent, quod ab  
 alijs non intelligitur, ideo apud exteros propemo-  
 dum muti esse videtur. Sagittarij autem omnes sunt  
 peritissimi, adeò, vt si quas in venatione præstantio-  
 res feras nanciscantur, eas (vt pelles eorum integræ  
 & intactæ sint) missa sagitta in nasum oculosve inter-  
 ficiunt. Hi etiam feras in nartis hyeme per niues in-  
 sequuntur, insecutasque sagittis conficiunt, mercato-  
 res ad se ex varijs regionibus quæstus gratia venien-  
 tes, libenter excipiunt, quos in tuguriolis suis cum v-  
 xoribus relinquunt, ipsi verò interim venatum abe-  
 unt; reuersi, si vxores hospitum concubitu consue-  
 tudineque latiores & hilariores inuenerint, mune-  
 re aliquo hospitem donant, sin minus, turpiter con-  
 uitijs lacescitum expellunt.

*Victus, Ge-  
 sticus, habi-  
 tatio, Lop-  
 piorum.*

*Loppi sagit-  
 tary opimi.*

*Hospitum  
 acceptio.*

Monetæ pecuniariæ nullus apud eos vsus, sed cū  
 mercatoribus aduētitijs rerum permutatione vtun-  
 tur, &



tur, & pro panno crasso vilosoque, item pro securibus, acubus, cochlearibus, cultris, poculis, speculis, & id genus alijs rebus, pelles ferarū varij generis mercatoribus dant. Regio quam inhabitant frigidissima est, solem ibi æstivalis solstitij tempore, quadraginta diebus perpetuò splendere (tribus noctis horis exceptis) perhibēt, quibus Sol velut quadam caligine obducitur, vt radij illius non appareāt, nihilominus tamen laborātes ab opere suo excludūtur. In his quoque *Montes i-* partib. montes in altū eminentissimi dicuntur esse, *gnet.* qui ad Æthnæ (montis in Sicilia) similitudinem, flammæ *Salamandra.* mas semper eructant, in quib. Salamandra, animalia quædam, lacertarum similitudine, quæ in igne non secus ac pisces in aquis viuunt, crescere perhibentur.

Vltra Oceanum etiam glaciale regionem quædam, *Engroneland* dictam, quasi incognitam aiunt *regio.* esse, hæc tum ob altos montes, qui perpetuis semper niuib. rigent, tum etiam ob perpetuā glaciem mari innatātem (quæ periculosam nauigationem facit) à commercio conuersationeq; cæterarum gentium aliena seiuncta; est, ideo incognita dicitur.

Moschouitæ se plurimū iactant, quod princeps eorum ex hac quoque remotissima & ferè vltima orbis regione tributa exigat. Hoc quamuis verisimile non sit, tolerari tamen aliquo modo potest, cum alios vicinos principes, qui ab ipsis tributa exigent, non habeant.

Atque hic finis regionum septentrionalium, glacialique mari adiacentium (quæ Moschorum principis sunt tributaria) esto. Nunc ad cæteras regiones describendas Meridiem Orientemque versus sitas, Moschouitis confines reuertar.

## C E R E M I S S I P O P V L I .

*Ceremissi  
sagittarij  
excellentes.*

**C**eremissi, Mordouotes, & Vachines, inter Viatkam & Volochidam prouincias, quatum suprà mentionem fecimus, longè lateq; in vastis syluis, sine vllis ædibus habitant. Proprium idioma habent, Mahometisq; sectam amplectuntur, quidam etiam gentiliter, nullam Dei notitiam habentes, viuunt. Omnes autem furtis & latrocinij intenti, & carminibus magicis exorcismisq; maxime dediti sunt. Aduersus sagittarum telorumq; iactus intrepidi. Ferina carne & melle (cuius aluarij abundant) magna ex parte vitant. Pane enim rarè vtuntur. Omnes tam viri quàm feminae cursu velocissimi sunt, sagittarijsq; peritissimi; arcum nunquàm de manibus deponunt, quo adeò oblectantur, vt etiam filijs cibum obstinatissime prohibeant, nisi prius signum præsignatum ex arcu sagitta ferirent. Artificium laborq; eorum feras venari, & sagittis figere, quorum carne vescuntur, pelibusq; vestiuntur, ac eadem pro tributo magno Duci Moschorum pendunt. Inter venandum autem, nartarum instrumento pedibus inducto, (cuius in Permiæ descriptione suprà memorauimus) vtuntur, in quo agilissime velocissimeq; feras insequendo feruntur. Quia verò harum nartarum instrumento velocissimi cursus, omnes ferè Septentrionales gètes, & ipsi Moschouitæ, Rutheniq; communiter vtuntur, imaginem vsus earum subiiciemus. Sunt autem longæ quædam lignæ soleæ, longitudinem triū cubitorum adæquantes, in anteriori parte in modum traharum erectæ, quidam verò hoc instrumentum ad suæ proportionis staturam in longitudinem cōficiunt, quo in vtramque pedem inducto velocissime feruntur.

*Nartarum  
vsus.*

**MORD.**

T O M V S I I.  
MORDWA POPULI.

211

**A** Nouogrodia inferiore, quam superius descripsimus Orientem, & Meridiem versus, vastę ingentesque occurrunt sylvę, quas Mordwa populi sic dicti, magno iuxta Volgā fluvium insignem tractu, inhabitant. Idioma proprium habent, in pagis passim degunt, agriculturamque exercent. Melles, diversisque animalium pellibus preciosis abundant. Homines sunt duri & bellicosi, Tartarosque latrocinantes, (quos in vicinio habent) à finibus suis fortiter propulsant, omnes ferè pedites incedunt, arcubus oblongis utuntur, sagittandi que peritia pol-*Mordwa gens bellica.* lent, feras præstantiores, ut pellibus eorum integris & intactis potirentur, in nasum sagitta missa interficiunt. Eorum quidam Mahometi sectam amplectuntur, quidam verò in idololatria perseverant. Vectigal annuum magno Moschorum Principi pellibus diversarum ferarum soluunt. Mulieres eorum decoris causa ungues nigro colore artificialiter inficiunt, apertoque capite & crinibus passis semper incedunt. His alię gentes Ceremissi intermixtę sunt, qui ad differentiam Ceremissorum septentrionalium, de quibus supra superiores Ceremissi, siue montani, à collibus quos inhabitant, appellantur. Hic de vicinis conterminisque Moschouitico imperio, Tartaris Cazanenlibus, ceterisque campestribus in hordas distributis nobis dicendum esset: sed ne ordo rei interrumperetur, de moribus, religione, & vitę consuetudine Moschouitarum, pauca subiicienda nobis, non abs re videntur. His autem absolutis, Tartarorum fines, gentisque mores breuiter attingemus:



DE RELIGIONE MOSCHOVI-  
tarum, omniumq<sup>ue</sup> Ruthenorum.

Caput II.

Rutheni  
Christians.

**R**utheni omnes postquam semel fidem Christianam Græcorum ritu, anno restituta per Christum salutis 924. susceperunt, sub Olha Ducissa & Volodimiro filio eius monarcha Russiæ, in ea adhuc usque diem vnanimiter fortiterque perseuerant. Quamuis quidam proceres Russiæ Polono regi subiectæ, doctrinam Lutheranam & Zuinglianam sequantur, sed vulgus omne, maiorque pars magnatum, & nobilium, fidem antiquitus Græcorum ritu susceptam, firmiter retinent. Sic quoque omnes regiones Russiæ, quæ alba dicitur, Moschorum principi subiectæ, Christianæ fidei, quam à Græcis susceperunt, vestigijs firmiter vnanimiterque insistant. Vnus autem totius Russiæ metropolitanus olim erat tam Moschorum, Lituanorumque ducibus, regi que Polonorum tributarius, qui sedem suam primò in Kiouia Russiæ Lituanorum metropoli ciuitate retinebat, tandem in Volodimiriam, postremò in Moschouiam translata est. Cùm autem metropolitanus Moschouix septimo vnoquoque anno Russiam Lituanis subiacentem, causâ exigendarum pecuniarum inuiseret, ablataque magna pecuniarum summa discederet, Vitoldus magnus Lituaniæ Dux, re considerata, prouincijs suis, ne thesauris exhaurirentur, consulere volens, episcopis, abbatibusque Russiæ conuocatis, iudicio eorum metropolitam in sua Russiâ elegit, qui sedem suam Vilnæ (quæ est Lituaniæ metropolis) habet, in Basilica diuæ virginis, quæ Ruthenis, Preczista, id est castissima dicitur. Hic autem metropolita raro

Metropoli-  
tanus Rus-  
sia.

Metropoli-  
tanus Rus-  
sia in Litu-  
nia eligitur.

ratò Vilnæ commoratur. Est verò episcopus Vilnensis præcipuus, secundum ordinem ecclesiæ Romanæ, ipsa enim Vilna Romanum ritum sequitur: sed media pars Ruthenorum eam incolit, pluresque ecclesiæ in ea Ruthenicæ quàm Romanæ conspiciuntur. Porro omnes metropolitæ Ruthenorum à patriarcha Constantinopolitano auctoritatem suam habent, & primò omnium episcoporum, abbatum, & totius ordinis spiritualis iudicio, & consensu metropolita eligebatur, sed nūc hanc auctoritatem magnus Dux Moschouitarum sibi assciuit, suoq; iudicio metropolitam in Moschouia constituit.

A sancto Andrea apostolo Rutheni se fidē Christianam suscepisse iactant, adhuc ante Olham, & Volodimirum, quem ex Græcia per Pontum Euxinum *s. Andreas ad ostia Borysthenis fluij, gentiliter Dnepr dicta, in Russiæ se dicuntur.*

appulisse annales eorum testantur, & inde ad Kiouiam, tunc temporis metropolim Russiæ, aduerso fluuiio peruenisse, atque ibi omnem terram Russiæ benedixisse, & baptizasse, signumq; crucis eum illic constituisse. Ex Kiouia tandem aiunt eum ad fontes Borysthenis Dneprisko dictos, peruenisse. Indeque in Nouogrodia magnam, deinde per mare Germanicū Romā vsq; nauigasse. Postremò in Peloponeso Græciæ, sub Ago huius nominis rege, propter Christum crucifixum fuisse. Archiepiscopi in toto imperio Moschorum duo sunt, vnus in Nouogardia magna, qui

*Archiepiscopus Moschouia Episcopi.*  
*Vestes us episcoporum.*

*Vestitus e-  
piscoporum.*

sicut aliorum monachorū, nigræ, nisi quòd aliquan-  
do sericeas ferūt, & præsertim pallium nigrum, quod  
habet à pectore tres fimbrias albas, ad similitudi-  
nem riuuli fluentis inflexas, quod significat, ex cor-  
dibus eorum riuulos doctrinæ fidei, & bonorum e-  
xemplorū scatere. Metropolita autem, archiepisco-  
pi, & episcopi, abbates, monachi, carnibus perpetuò  
abstinent. Prouentus necessarios ex prædijs & alijs  
extraordinarijs accidentibus & beneficijs habent,  
Arces verò vel ciuitates, & omnes administrationes  
seculares eis ademtæ sunt. Sed metropolita Russiæ  
Polono regi subiectæ, & alij episcopi villas ciuitates-  
que possident.

*Monachi.*

Abbates qui Igonomei, priores qui Archimen-  
dita dicuntur, & omnes monachi durissimas mole-  
stissimasque leges, & regulas præscriptas habent, nullo  
solatij genere recreari eis conceditur. Omnes non  
solum Principis, sed cæterorum nobilium mandatis  
parent: plures eorum ex monasterijs in eremum  
se conferunt, ibique in arctis tuguriolis, aut soli, aut  
cum socijs manent, victum de radicibus arborum, &  
varijs terræ herbis acquirunt.

*Sacerdotū  
regula.*

In sacerdotij gradus hi tantum promouentur, qui  
diu apud ecclesias seruierunt. In diaconum autem  
nemo consecratur, nisi vxorem habuerit, vnde in-  
terdum & matrimonio copulantur, & in diacona-  
tum consecrantur. Præterea qui virgini stuprum ali-  
quando obtulerit, aut vxorem suam primo concu-  
bitu vitiatam animaduenerit, in diaconatum non  
ordinatur. Mortua vxore sacerdos à sacris prorsus  
suspenditur, nisi monasterium ingressus iuxta regu-  
lam viuat, officijs etiam diuinis peragendis si castè vi-  
duus



duus vixerit, velut minister cum cæteris ecclesiæ ministris choro interesse potest. Si autem viduus sacerdos aliam vxorem (quod eis liberum est) duxerit, is munere sacerdotali priuatur, nihilque commune cum clero habet. Nullus sacerdotum monachorumve horas canonicas dicit, nisi habeat imaginem alicuius diui præsentem, quam etiam nemo nisi cum magna veneratione attingit. Qui autem eam in publicum profert, manu eam in altum extollit, quam omnes prætereuntes cruce se signantes, inclinando plurimum venerantur. Libros euangelij maxima veneratione prosequuntur, neque eos manibus tangunt, nisi prius caput multoties inclinando, cruce se munierint. Omnes sacerdotes ex cõtributione quadam certa sustentantur. Assignantur etiam eis domunculæ cum agris & pratis, vnde victum suis vel famulorum manibus, more agricolarum acquirunt.

Sacerdotes Romanos confundunt, qui cælibem vitam ducere sese iuramento obstringunt, cum sancta synodus quæ fuit in Gangra, scribat in quarto canone: Qui spernit sacerdotem secundum legem vxorem habentem, dicens quod non liceat de manibus eius sacramentũ sumere, anathema sit, id eadem synodus dicit, Omnis sacerdos & diaconus propriam vxorem dimittens, sacerdotio priuetur.

Habitu haud dissimili à secularibus vestiuntur, solummodo pileolum nigrum rotundum, quo rasuram tegunt, gestant. Commam ad brachia protensam nutriunt, omnes baculos *Pofoch* dictos, quibus inniuntur, cum manubrijs incuruatis gestant.

Rutheni secundũ calẽdarium suum, plurima festa diuorum, non his diebus quibus Romani, celebrant.

*Festa Ruthenorum.*

Trinitatis festum celebrant feria secunda Pentecostes, in octaua autem Pentecostes festum omnium sanctorum obeunt. Festum verò corporis Christi more Romanæ ecclesiæ non venerantur. Viri præstantiores peractis sacris, ebrietate & comessationibus festos dies consumunt. Ciues artificesq; diuinis peragendis interesse solent, quibus peractis laborib. domesticis, cæterisq; negocijs incumbunt, dicentes feriari & à labore abstinere, dominorum esse.

Nicolaum sanctum inter cæteros diuos præcipuè venerantur, eumq; diuino ferè cultu prosequuntur, templaque præcipua nomini eius dicata erigunt, de cuius plurimis miraculis frequenter prædicant.

Habent etiam in catalogo sanctorum Romanos quosdam pontifices, quos inter sanctos venerantur. Cæteros verò qui post eorum schisma fuerunt (quandò à Romanis disuncti sunt) execrantur, & pro hæreticis grauissimis eos habent, eosque schismaticos appellant.

*Concilium sub Adriano papa.*

In septimo enim generali cōcilio, quod sub Adriano papa celebratum est, conclusum esse dicunt, ut ea quæ in præcedentibus synodis constituta conclusaq; fuerint, in posterum quoque solida rata, acceptaque & perpetua teneantur, nec posthac cuiquā sub graui anathematis pœna aliud concilium celebrare aut accedere licere. In his autem septem concilijs hos pontifices Romanos fuisse constat, quos Rutheni inter sanctos venerantur, dignosque cathedra sancti Petri dicunt, ideo quòd secum sentirent. in prima synodo, papam Syluestrum, in secunda Damasum, in tertia Celestinum, in quarta Leonem, in quinta Vigilium, in sexta Orphanium, in septima Adrianum, omniaq;  
conci-

concilia & synodos, post hos septem prædictos synodos celebrata, maledicta, peruersa, & hæresi turpiter deprauata esse dicunt. Erat quidem metropolitanus *Isidorus me-* Russiæ Isidorus nomine, qui sedem suam in Kiouia *ropolita-* retinebat, is ad cōcilium Florentium, quod celebra- *nus.* tum est sub Eugenio papa, venerat, vbi ecclesias Ruthenicas, abiectis Græcorum ritibus, cum Romana ecclesia vniuerat, tandem in Russiam reuersus, cum propositum suum & rem iam conclusam Ruthenis proponeret, illosque ex verbo Dei ad vnitatem & concordiam fidei instrueret: captus omnibusq; bonis spoliatus, in carceres coniectus est.

Doctores quorum dogmata Rutheni sequuntur, *Doctores Ru-* sunt hi: Basilius magnus, Gregorius Nazianzenus, & *thenorum.* Ioānes Chrysostomus, quem illi Zloto vsti, id est aureum os habentem, appellant. Gregorij etiam pontificis Romani libros de moralibus scriptos habent.

Sacrū siue missa Sclauonica lingua apud illos per- *Sacrum.* agitur, intermixtis etiam aliquando cantionib. Græcis, epistola & euangelium, quo magis à populo percipiatur, extra chorum in medio ecclesiæ astanti populo clara voce recitantur. Concionatoribus carent, satis enim esse putant sacris interfuisse, ac euangelij epistolarumque verbaque vernacula lingua recitat sacrificulus audiuisse, concionarique in suis ecclesijs *Conciona-* obstinatissimè prohibent, dicunt enim se hoc modo *roribus ab-* varias hæreses, & diuersas de fide opiniones effuge- *stinent.* re, quæ ex concionibus & subtilibus argumentis, lo-phisticisque quæstionibus oriuntur.

Panem ad sacrificandum hoc modo sacrificant: vnus eorum præparatum panem ad sacrificandum in patena super capite, per minorem portā de sacrario



*Consecratio  
panis.*

egressus portat, alter verò coopertum calicem vino repletum, ceteris diaconis vel sacerdotibus imagines sanctorum, Petri, Pauli, Nicolai, vel Michaelis archangeli, in magna populi circumstantis acclamatione & veneratione præferunt, quidam ex circumstantibus acclamant vulgari oratione, Domine misere, alij fronte terram gentili more percutiunt, quidam se signo crucis frequentius caput inclinando muniunt, varia denique veneratione ac cultu circumlata signa venerantur. Postea finito circuitu per mediam chori portam sacerdotes in sacrarium ingrediuntur, sacrumque peragunt. Quoties se signo crucis muniunt, id manu dextra sic faciunt, vt frontem primum, deinde pectus, mox dextram, ac demum sinistram pectoris partem punctis in formam crucis tangant. Quod si quis aliter se signo crucis munierit, hunc velut hæreticum obiurgant.

Gloriantur Rutheni se solos cum Græcis veros Christianos esse, Romanos verò & alios Christianos damnant & execrantur, tanquam primitivæ ecclesiæ desertores, & septem sanctarum synodorum prævaricatores.

Baptismi sacramento Rutheni hoc modo vtuntur: nato infante sacerdos statim accersitur, qui ante fores puerperæ habitationis, certas orationes dicere solet, infantiq; nomine imposito domum reuertitur. Postea puer in templum deferitur, hocque modo baptizatur, in aquam immersus, chrismate quod in hebdomada, feria sexta Pascham præcedente, consecratum est, vngitur, deinde myrrha; postea capillos infanti sacerdos abscindit; eosque ceræ intricatos in ecclesia certo loco deponit. Sal autem & saluam

Roma-

Romano more, cum puluere mixtam, inter baptizandum non adhibent, aquam verò baptismatis pro singulis infantibus consecrant, & continuò post baptismum in foueam ad id præparatam, eam effundunt. Fidei iussores verò vel susceptores infantis, quoties circa baptismum sacerdoti interroganti, an Diabolo infans renunciaret, correspondent, toties in terram expuunt.

Confirmationis seu inunctionis sacramentum maximè abhorrent, hocque argumento vanam & damnablem cõfirmationem esse appbant, quòd in synodis omnibus ferè dictum sit, præcipuè verò in Nicena, confiteor vnum baptisma in remissionem peccatorum, cùm autem vnum sit baptisma, vnum etiam esse chrisma, & virtutem eandem sacerdotis & episcopi circa sacramenta distribuenda, dicunt esse.

Purgatorium Græci & Rutheni negant, sed dicunt vnumquenque secundum opera sua, post mortem locum designatum habere, vbi diem iudicij extremi expectaret, pios quidem cum Angelis placidis in lucidis & amœnissimis Elisij viridiferis campis recumbere; impijs autem in obscuris, cæcis, nigrisque caligine obductis voraginibus, cum Angelis terribilibus destinatum esse mansionem, ad expectandam iudicij diem, vnde illæ animæ quæ in locis amœnissimis & splendidis, cum angelis placidis, benignisque collocatæ sunt, gratiam Dei sibi futuram cognoscunt, assidueque iudicium extremum fieri perunt. Aliæ contrà condénationem sibi imminere, & pœnas terribiles in caliginosis voraginibus sita præfagiunt, idque cò maximè allegant, quòd animæ post

*Opinio de  
animabus.*

*Matthæi 25.*

mortem in cælum statim non ascendunt, neq; in infernum. Quibus enim illud verbum à Christo in nouissimo die diceretur: Venite benedicti patris mei, possidete regnum cælorum, &c. cum iam omnes ante in cælo sint: & cōtrā, ite maledicti in ignem æternum, cum iam olim in inferno condemnati fuerint. Neq; etiam animam à corpore separatam pœnis obnoxiam esse credunt, nam cum anima se vitijs eum corpore simul contaminauerit, cum corpore etiam expiandam putant, quod ego Theologis discutiendū relinquo. Funebre autem sacrum pro defunctis ideo faciunt, quòd ijs suffragijs tolerabiliorem animabus locum impetrari sperāt, vbi facilius extremum diem iudicij expectare possint. Imò etiam cum aliquis magnæ autoritatis vir moritur, tunc Metropolitanus siue episcopus, epistolam ad sanctum Petrum scribit, sigillo suo & manu subscriptione munitam, quam super pectus defuncti ponit, danstestimoniū de bonis pijsque operibus eius; utque in cælum facilius post diem iudicij admitteretur, & Christianę religionis Catholicę agnoscat, subscribunt. Præterea agreste vulgus circa mortuorum sepulturam, varijs ceremonijs, & superstitiosis plerunque vtitur. Sepulturæ eorum in syluis, & vbi agris tumulos aggestis, lapidibus muniunt, signumq; crucis super imponūt. Loca pro sepeliendis defunctis non cōsecrant, aiunt enim corporibus baptizatis, sacramentisque Christi dicatis, & cōsecratis, terram ipsam, & non corpora terra consecrari.

*Mortuorū  
ceremoniæ.*

Spiritum quoque sanctum à Patre tantum, & non à Filio procedere confitentur, ac Romanos dicentes credo in Spiritum sanctum, qui à Patre & Filio procedit,



cedit, confundunt, eosq; conformes heresi Macedoniarum & Arianarum dicunt, hac de causa, quod duo principia, duasq; voluntates de Spiritu sancto, & duas virtutes adducerent, & honori Spiritus sancti detraherent. Hic autem Rutheni non intelligunt vnam esse diuinitatis voluntatem, potestatem gloriam, & honorem. Sicq; secundum concilium Nicenum, contra Arium & Constantinopolitanum, contra Macedonium celebratum dicunt: Credo in Deum Patrem, & Filium, & Spiritum sanctum, Dominum verum & viuificantem, a Patre procedentem, qui cum Patre & Filio simul adoratur & conglorificatur.

### IEIUNANDI MOS

*apud Ruthenos.*

**R**utheni in ieiunio, prout in ceteris ceremonijs, à Romanis discrepant, quatuorq; ieiunia magna, quibus carnibus abstinent, habent. Primum in quadragesima septem integris hebdomadis ab esu carniū abstinent. In prima aut̃ hebdomada, quam nos vltimam Bacchanalium dicimus, illi lactarijs & butyraceis cibis vtuntur, eamq; Masina, quasi butyraceam appellāt, reliquis verò septem integris septimanis ad Pascha vsque etiam piscibus abstinent, oleis, cauliculis, raphano, fungisq; cōtenti. Quidam etiam deuotiores Dominicis tantum & Sabbatis diebus (quibus ieiunare peccatum putant) cibum sumunt, reliquis diebus nisi frustulo panis in meridie confortati ab omni cibo abstinent. Alij die Dominico, feria tertia, quinta & septima, cibis coctis vescuntur, reliquis frustulo panis, cum aqua fermentata sumto, totis diebus in ediam tolerant.

*Ieiunium  
Petri.*

Secundò ieiunant post octauam Pentecostes vsq; ad ferias Petri & Pauli apostolorum, appellantque hoc ieiunium diui Petri.

*Ieiuniū di-  
ue Virginis.*

Tertiò à prima Augusti vsque ad assumptionem beatissimæ virginis Mariæ, ieiunio se macerāt. Quartò sex septimanis in aduentu Domini carnem & butyrum abhorrent, vocaturque hoc ieiunium Philippi, inchoatur enim sub festum Philippi secundū Ruthenicum calendarium. Omnibus verò diebus sabbatiuis (exceptis temporibus ieiunij) carne vescuntur. Sed feria quarta & feria sexta grande peccatum carnibus uti credunt, ita, ut si Petri & Pauli, assumptionisque Mariæ festum feria quarta vel sexta contigerit, tum ea quoque die carnibus nō vesci peccatum putant, Romanosque hac de causa maximè redarguunt, argumento Clementis pontificis Romani id comprobantes, qui dicit in statutis Apostolorum canone LXIII. Si ecclesiasticus die Sabbato vel Dominico ieiunans inuentus fuerit, exceptis ieiunij Sabbatis ab ecclesia præscriptis, sacerdotio degradetur, si autem secularis homo fuerit, excommunicetur, & ab ecclesia seiungatur. Nullius sancti vigiliam ieiunio venerantur, præter sancti Ioannis Baptistæ, quam vigesima nona Augusti die (ex præscripto calendarij sui) celebrant.

*Ieiunium  
Philippi.*

Monachi grauioribus ieiunijs præ cæteris onerantur, qui aqua fermentata cum frustulo panis semel in die sumta, contenti esse coguntur.

### CONFITENDI MOS.

Circa Paschatis festum Rutheni præcipuè confiteri solent, hoc modo: Confessor vnà cum confiten-

fitente in medio templi stat, magna cordis cum deuotione, contritioneque ad imaginem alicuius diui vultu reuerenter conuerso, postea confitenti secundum peccati grauitatem iniuncta pœnitentia, ante ipsam imaginem confessor & confitens magna cum deuotione reuerenter sese inclinant, signoque crucis frequenzius frontem pectusque & brachia munientes, alto cum gemitu cōsuetam orationem proferunt: Iesu Christe Fili Dei viui miserere nostri. Quosdam etiam qui grauius aliquid deliquerint, aqua sacrata abluunt, quam in Epiphania Domini toto fluuio vel stagno (secundum morem) consecrato *Aqua con-*  
*secratio.* hauriunt, & pro abstergendis noxialibus delictis, per integrum annum in templo referuant. Quibusdam verò pro pœnitentia ieiunia & breues facilesque orationes iniunguntur. Dominicam enim orationem per pauci ex vulgo sciunt, dicuntque orationem Dominicam scire, dominorum & sacerdotum, qui nullis laboribus occupantur, opus esse. Confessionem etiam quamuis ex præscripto habeant, eam tamen ad dominos pertinere, agrestes dicunt, sibi autem in Deum, & filium eius Iesum Christum, & Spiritum sanctum simpliciter credere, satis esse. Hacque oratione omnes Rutheni promiscuè & peculiariter vtuntur: Iesu Christe Fili Dei viui miserere nobis.

### SACROSANCTÆ EUCHA-

*ristiæ usus.*

**S**acramento Eucharistiæ Rutheni sub vtraque specie vtuntur, aliud autem pro infirmis, & aliud pro communicantibus, secundum consuetudinem habent. Pro infirmis sacramentum in hebdomada



*Duplex a-  
pud Ruthen-  
os Eucha-  
ristia.*

magna ante Pascha, die Iouis consecratum, in vase mundo per integrum annum seruatur. Dum autem id sacerdos pro infirmo daturus est, tum parum vini & aquæ tepidæ addit, portiunculamq; bene humectatam ægroto cochleari de calice porrigit. Si autem puer infirmus fuerit, ad eò ut non possit de pane sumere, tunc infunditur ei gutta vini consecrati in os de calice. Pro communicantibus verò secundum consuetudinem, sacramentum dum sacrum siue lyurgia peragitur, cōsecratur, quod sacerdos cochleari ex calice in portiunculas minutas redactum, & vino commixtum, communicantibus distribuit. Præscriptum communicandi tempus ante festum Paschæ, (vel quotiescunque aliquis voluerit modò confessus sit) habent. Pueros qui septem annos transigerint, ad sacramentum admittunt, dicuntq; hominem septennio transacto contra Deum peccare incipere.

*Nō azymis  
Rutheni,  
sed fermentato  
pane  
utuntur.*

Porro omnes Rutheni pane fermentato, & non azymo (prout Romanæ ecclesiæ mos est) utuntur, idque hac ratione approbant, quia Iudæi in memoriam liberationis suæ ex Ægypto, secundum mandatū diuinum azymis utuntur, se verò semel Christianos factos nunquam in labore Ægyptiorum fuisse; ideo de huiusmodi Iudæorum azymis, Sabbato & circūcisione obseruandis, se liberos esse dicunt, si enim aliquis sequatur vnum ex illis (Paulo attestante) totam legem adimplere tenetur. Eundemque Apostolum dicentem: Fratres, ego enim accepi à Domino, quod & tradidi vobis; quia Dominus in qua nocte tradebatur, accepit panem, benedixit, &c. de pane fermentato & non azymo dixisse intelligunt. Eo enim tempore nec azyma nec Pascha esse, cum Dominus

cœnaret,

enaret, dicunt. Idque hoc argumento maximè approbant, quia Iudæorum pascha stando fit, & comedunt secundum legis præscriptum, hoc autem in cœlo Christi non erat (vt Euangelista dicit) recumbentes eis duodecim, &c.

Item & discipulus recubuit super pectus ipsius in cœna, &c. Quod etiam Christus dicit ibidem: Desiderio desideravi hoc Pascha manducare vobiscum, unde Iudæorum Pascha cum dixisse sentiunt, quod etiam semper comedebat cum Apostolis. Neque azyzum Christum Apostolis dedisse, sed panem fermentum credunt, cum dicit: ecce panis quem ego do vobis. Similiter ad Iudam: cui ego dabo panem intimum, ipse traditurus est me.

Romanos autem in azymis communicantes condempnunt, dicentes eos Iudaicos ritus observare, in hæresimque Iuliani Apolinaris Laodicensis, & Pauli Syrii Satalatensis, Machometi, Eutychij, & Diaferij amoveri, qui erant in sexta synodo depravatissimi hæretici, & spiritu diabolico repleti.

Mulieres autem apud Ruthenos panem ad sacrificium Proskura dictum conficere solent. Seligunt autem ad id mulieres prouectæ ætatis, quæ mentis patiendis amplius non sunt obnoxie, præciue verò viduæ sacerdotum relictæ, id muneris obibent.

### DE MATRIMONIO.

Rutheni matrimonium contrahunt, vt quarumque cōsanguinitatis gradum non attingant. Tertio ducere uxorem viro vix concedunt, & non ad id legitimum matrimonium esse putant. Quare verò hæc concedunt, neque etiam Christianum

esse iudicant. Pro adulterio non computât, si vir habens uxorem cum soluta concubuerit, excepta uxore alterius.

DIVORTIA inter se frequenter celebrant episcopis permittentibus, literasq; repudij dantibus.

*Divortium.* Quidam etiam agrestium, quibus ad episcopos propter longam itineris distantiam aditus difficilis est, diuortium tali modo (more gentili antiquitus obseruato) peragunt, cum sibi vir & uxor utrinque displicent, tunc extra pagum in triuium ambo prodire solent, mantili accepto, quod inter se manibus utrinque tenendo per medium discindunt, hocq; inter se diuiso, matrimonium etiam inter se diuisum esse putant, & uxori repudiatæ vir dicere solet, vade tu hæc, ego illac pergam. Sed hic peruersus diuortij modus nunc prorsus abolitus est.

Hoc autem ritu matrimonium inter sponsam & sponsum contrahitur. In primis mēsa in medio templi adornatur, ingredientibusq; templum sacerdos præcedens certas recitat orationes, deinde patriarcha metropolitano, episcopis, & toto clero, pro monarcha que suo, & omni ordine equestri, & plebeio, qui ritus suæ fidei sequuntur sigillatim sacerdos cum diacono clara voce orant. His peractis sponsus & sponsa mensam præparatam accedunt, in linteoq; secundum morem pedibus substrato uterque stat. Postea sacerdos ex præscripto an alicui olim nō sponderent interrogat; stolaque manus utriusq; annulos commutans, colligat. Deinde coronas ligneas vel ex tilia libro pictas ad id muneris in ecclesia reſeruatas capiti utriusque imponit, dicens: Posuisti Domine coronam super caput eius de lapide pretioso,

*Sponsalium ritus.*



tioso, &c. Euangeliumque de nuptiis in Cana Galilææ celebratis, recitat. Deinde panem & ceruissiam consecratam desponsatis ad prægustandum porrigit, postea stolam (qua sacerdotes collo appensa vt videmus) sponsus & sponsa ab vna parte, & sacerdos ab altera tenent, sacerdotemque præeuntem sequuntur, hæc verba dicentem: Circuite populi Sion, & date gloriam nomini Dei altissimi, terque mensam circumuehentes loca sua occupant, & sacerdos psalmum Miserere nostri Domine secundum magnam misericordiam tuam, &c. recitat; suffragiisque pro omnibus, tam spiritualibus, quam secularibus Deo perfolutis de templo egrediuntur.

## DE EXPEDITIONE BELLICA.

### Caput III.

**M**agnus Moschorum Dux ingentem exercitum longo tempore sustentare potest, neque enim militibus suis stipendia largitur, sed agros illis exiguo pretio elocat, quo beneficio operam militum demeretur. Conscripti autem milites coram magno Duce singuli cōparent, & nummum vnum, quem patrio nomine Dengæ vocant, estimatione vnius grossi Polonici principi dant, reuersiq; ex bello eundem nummum repetunt, occisorum vero numismata princeps retinere solet, atq; ita occisorum numerum cognoscit.

*Numerus  
occisorum  
quomodo  
cognoscitur.*

Nobiles autem omnes, magnates & cōsiliarij ad eò dura seruitute premuntur, vt quemcunque apud se in aula esse velit, vel in bellum ire, aut legationem aliquam obire iusserit, id sumptibus suis facere cogitur. Quando autem aliquem magni nominis virum ad bellum proficisci iubet, literas suas ad illum mandatorias mittit, si autem vel prandens, vel cœnans,

*Obedientiā.*

dormiēsvē prāuentus fuerit à tabellatore, Magni Ducis, literasque quibus ad bellum proficisci iubetur acceperit, continuò à prandio lectòve surgens, equum tabellatore inspiciente armatus ascēdit, mandatumque principis se exequuturum præbet, atque sic omnes qui per facultates rei familiaris possunt, sumptibus propriis militant.

Per singulas quoque prouincias magnus Dux filios nobilium tenuioris fortunæ conscribere solet, vt numerum illorum & quot quisque equos ac seruitores habeat, cognoscere possit, is singulis exiguum stipendium annuum concedit, & in bellum proficisci iubet.

*Frequenter  
Moschi bel-  
ligerant.*

Omniibus autem nobilibus propriis sumptibus militantibus rarò quies datur. nam frequenter bella aut cum Lituanis, Liouonibus, Suetensibus, vel Tartaris Præcopensibus, Turcis aliisque finitimis gentibus gerit, in arcibus quoque campestribus Tartaris finitimis, qui Crimsci, Præcopsci, Noheysci que dicuntur viginti millia hominum, vel plus singulis annis locare solet. Omnes denique & singuli tam stipendiarij, quàm principis gratiam expectantes in bellum propriis sumptibus ire coguntur. Non huiusmodi autem sumptibus prout apud nos Moscho uitæ in bellum expediuntur, nam quicunque nobilium habet sex equos & totidem seruos, vnū equum, qui vitæ necessaria fert, ex iis habet, in primis verò milium siue pultes contritas in sacculo habet, deinde suillæ carnis aliquot frusta, & sal in sacculo, si verò ditior fuerit sal commixtum pipere solet habere, hos autem sacculos cum leguminibus super equum ad id delectum circumligat. præterea vnusquisque se-  
cum

*Victus belli-  
cus Moscho-  
rum.*

cum fert lebetes, ollas cupreas siue areas, cistellasq; ephippio alligatas, cumque necesse est ignem accendunt, ollamque magnam aqua replent, in quam milij tantum vnum cochlear, vel pultium imponunt, faleque conditum coquunt. Aliquando autem cum lautius aliquis eorum epulari vult, tum frustulū paruum carnis suillæ inijcit, hocq; cibo dominus interdum cum sex seruis contentus viuit. quod si dominus famelicus nimium fuerit, totum consumit, serui autem aliquando ad totū biduum triduūve ieiunant. Farinam etiam de auena subtiliter commolitam habere solent, cuius aliquot cochlearia pransuri in cistellam imponunt, modicoque aquæ distillatam comedunt. Cum autem habent allium & cepas, tum facile ceteris leguminibus carere possunt. Duces verò exercitus, & ceteri militiæ præfecti lautius epulantur, tenuiorisque fortunæ nobiles ad prandium inuitare solent.

Moschonitæ tormentis bellicis, & bombardis perditatuque nunquam olim ante annos 40. vtebantur, nunc autem frequentissimè & peritissimè bombardis & tormentis vtuntur, à profugis quibusdam Italis, Germanis, Lituaniisque instructi, arcesque egregie (dictu mirum) propugnant. Campestri verò certamine cū Polonis & Lituaniis rarò confligunt, semper enim ab eis funduntur, solaq; agilitate & industria externi Moschonitæ vincere solent. nam omnes ferè dimicare, armisq; artificialiter decertare imperiti sunt, exceptis quibusdam magnatibus, iisq; perpaucis. Cauendum autem est cum Moscho congregienti, vt armis scitè vtatur, ne in manus eius incidat: brachiis enim lacertis, & toto corpore robustissimi sunt, sed

*Quomodo  
cū Moschis  
dimiscandū.*



arte dimicandi plurimum vincuntur. Tam aut robusti sunt, ut cum vrsis indomitis & efferis absque vlllo genere armorum, solis viribus confici sapius cōgredi audeant, vrsūq; per aures arreptū tamdiu fatigant, donec prorsus debilitatum prosternant.

*Arma Moschorum.*

Hæc præcipua arma sunt, quibus Moschouitæ in bello vtuntur, pharetra sagittis referta, arcus, securis, framea, castus, cultelli oblongi, quibus frequenter pro pugionibus vtuntur. Multi quoq; lanceis præcipuè pedites, equites autē aliqui hostilibus breuioribus vtuntur, ab Vngaricis & Polonicis dissimilibus. Armantur autem loriceis oblongis aliquando duplicibus, armillis, thoracibus, galeisq;. Equos paruos castratos soleis carētes habent, frena leuissima, ephippiis quoque in eum vsum accommodatis vtuntur, ut se in omnes partes absque impedimento vertere, arcumq; intendere faciliè possint. Pedibus curte attractis equis insidere solent, adeo ut nullum hastæ lanceæve imperum sustinere queant. Flagello plerique & cōmuniter, calcaribus verò paucissimi vtuntur. Communiter vestibis oblongis ad talos vique protractis bombyce, lanave suffertis vtuntur. Collocandis castris amplissimum locum eligunt, vbi fortè locus natura sit munitus ea non curribus, sed vepribus, sentibus, arbutisq; circumtexunt, in muri similitudinem, præstantiores in medio tentoria sua erigunt, reliquæ verò multitudinis vulgus ex arbutis casas conficiunt, quidam etiam arbusculas siue arborum frondes, in modum arcus incuruant, de superq; pennulis tegunt, equos ad pascua pellunt, quorum caussa tam latè disuncta castra collocant. Tempore conflictus tubicines multos habent, ij dum gentili

*Castra Moschorum.*

more

more omnes insimul dissonante melodia tubas inflant, mirus ac inusitatus quidam clangor auditur; cōmissuri cum hostibus certamen plus spei in multitudine, quàm robore militum ponunt, semperq; e minus hostes à tergo adorire & circumuenire student, sed campestre certamen rarissimè eis prospicitur, plurimis enim & diuersis armis se verius onerant, quàm armant; externi verò cōsilio magis, quàm armis recti paruis copiis cum eis congregiuntur.

Arces & omnes munitiones strenuè & obstinacissimè propugnant.

DE CONSVETVDINE MO-  
ribusq; Moschouitarum.  
Caput IIII.

**H**Æc omnis gens Moschouitica siue Ruthena, magis seruitute quàm libertate gaudet, cuius egregium executorem principem proprium habent. Omnes enim passim cuiuscunque conditionis sint, (nullo respectu personarum habito) grauissima seruitute premuntur, prout inferius in gestis moderni principis dicitur. Nobiles, magnates, præfecti, primoresq; & consiliarij omnes *Chlopos* se, id est abiectissimos & vilissimos seruos magni Ducis fatentur, & bona sua omnia mobilia & immobilia, quæ propriè possident, non sua, sed magni Ducis esse dicunt. Vt autem equester ordo à magno Duce, sic etiã plebeius ciuilisq; à nobilibus & magnatibus grauissimè premitur: colonorum enim bona & ciuium, militū, & nobilium prædæ exposita sunt, & per contemptum nigri homines, siue Christiani cōmuniter appellantur. Sex dies coloni in septimana dominis

*Seruitus  
Moschouita-  
rum.*

suis laborant, septimus verò dies priuato labori conceditur, neq; hi strenuè laborant, nisi bene verberati. Habēt autem à dominis suis certos attributos agros, & prata, ex quibus viuunt, tributaq; annua soluunt. Artifices secundum præscriptum paruo laborem suum vendunt. Cumq; annonę caritas in pretiū concedit, tunc artifices exiliori tenuiori; in pretio sunt, adeò vt vix panē ipsum pro labore vnius diei (quamuis strenuo) acquirere possint. Ciues quoq; & mercatores grauissimis & intolerabilibus tributis, & exactionibus adinuentitiis onerantur, quashic recensere longum esset. Quòd si magnus Dux aliquem mercatorum argenti aurive paulo ditiozem à delatoribus (quorū plena curia est) rescuerit, tunc eum sibi præsentari iubet, & crimine falso commentito dicit; delatum est ad nos tuum scelestè facinus, ideo vt criminofus punieris. si autem accusatus obtestaretur se innocenter accusatum, tum magnus Dux respondere solet anima testium, qui te accusauerunt, sciant, mea verò nihil refert. Confestim ergo in flu principis arripitur, & tam diu verberatur, donec præscriptam summam monetæ argentæ, magno Duci numeret.

*Debira exigendi mos.*

Est autē hic mos apud Moschouitas receptus, quòd omnes debitores, qui alienum as conflauerunt, non habentes vnde creditoribus suis redderent, ex legis præscripto in locum certum & publicum, ad id ordinatum ducuntur, ibique à seruis prætorianis flagris, baculisq; per suas & crura pedum, grauiter absq; vlla misericordia céduntur, tam diu donec vnde cuique accipiendum sit, creditoribus sua reddere cogantur, quòd si soluendo non sufficerent, tunc verberibus



bus multotiens exagitati creditoribus secūdum valorem debiti seruire coguntur. In hunc quoque locum omnes coram magno Duce, per contumeliam accusati ducuntur, & si ditiores fuerint, cuiuscunque conditionis, tam diu verberantur, donec imperatam pecuniam (quamvis vnquam debitam) magno Duci soluant. Omnes communiter seruos emptos aut captiuos habere solent, quos morituri frequenter manumittunt. Illi tamen continuò seruituti assueti, aliis dominis pecunia accepta in seruitutem se vendunt.

Liberi etiam serui, qui dominis suis pro pretio seruiunt, non possunt quando velint à dominis se abdicare: si enim absque domini voluntate aliquis abierit, ab alio domino in famulatum non assumitur, nisi fuerit à domino, cui primò seruiuit, vel ab amicis se pro fidelitate eius obstringentibus commendatus.

Pater etiam habet potestatem filium quater vendendi, ita vt semel venditum quocunq; tandem modo liberatum, vel manumissum, rursus atque iterum iure paterno eum vendere possit. Post quartam autem vèditionem nihil iuris amplius in filium habet.

*Ius patris  
in filium.*

Seruitores in dominos suos plerumque conqueruntur, quòd ab eis probè non essent verberati: credunt enim se dominis displicere, signumq; indignationis esse, si non frequentius verberentur, obiurgarenturq;.

*Verbera ser-  
uis cara.*

Prout autem viri à magno Principe seruitute aggrauantur, sic etiam apud viros suos mulierum conditio miserrima est: nulla enim honesta & pudica creditur, nisi domi conclusa viuat, adèd vt nusquam exeat, domi autem manentes telam fabricant, & filant, nihil prorsus iuris authoritati suæ in arduis ha-

*Mulierum  
conditio.*

bent, omnes enim labores domesticos serui absoluunt, non verberata à maritis plerunq; conqueruntur, & odiosè persecutas dicunt, verberaque lignum amoris putant. Basilicas rarò, rarius etiam ad amicorum colloquia, commestrationesque, nisi omni suspitione carerent, utpote effectæ admittuntur. Certis tamen & festiuis æstate diebus, hanc prærogatiuam exhilarandi animi gratia habent: Omnes communiter cum filiabus in campis viridiferis deambulât, ibique super quadam trabe, duabus finestrabis occupantibus, alternatim sursum ac deorsum mouentur, aut frequētius funem in medij circuli modum duobus stipitibus appendût, desuperque insidentes hinc & inde impulsæ feruntur. Postea quibusdam certis cantilenis manibus pedibusque complodentes, capitibusq; frequentius mouentes sese oblectant, vel manibus se inuicem tenentes, & simili modo canentes choreas in gyrum ducunt. Hæc autem consuetudo præcipuè circa festum Petri & Pauli apostolorum aliquot hebdomadis, ab omnibus Ruthenis promiscuè obseruatur.

*Ædificia.*

Ædes ferè omnes apud Moschouitas, tam in pagis quàm in ciuitatibus insubædificatis præptuariis cellariisq; supernè locantur, ad quas per gradus ascenditur. Quamuis autem vestibula ædium satis ampla & alta habeant, fores tamen habitationum humillimas faciunt, ita ut ingressurus quispiam inclinare & demittere se cogatur. In singulis habitationibus imagines diuorum in tabulis pictas loco honorificetio-  
re sitas, habent; præcipuè autem diui Nicolai, passionis Christi, Mariæ virginis, & S. Petri: hasq; maximo honore prosequuntur, & pro penatibus venerantur.

*Imagines  
domestica.*

Cùm

Cùm autem vnus alium accedit, ingressus habitaculum non statim dominum domus salutatur, sed continuò caput aperiens, vbi imago sit diligenter circumspicit, qua visa, cum magna reuerentia, ter se crucis signo caput inclinando munit, dicens: Iesu Christe Fili Dei viui, miserere nostri. Postea porrectis sibi manibus alterutrum sese inuicem salutantes deosculantur, capitaque more patrio frequentius inclinât, id autem tam viris quàm mulieribus peculiare est, in congressu de omni consanguinitatis familia alterutrum percontari, an rectè pater, mater, vxor, filij, fratres, &c. valeant, post vnâquamque interrogationem, & responsionem caput multoties inclinantes, maximeque mutuò se inspicientes obseruant, vter magis se inclinaret, & ita frequentius caput alternatim inclinando de honore concertant: hospes tandem discessurus ter se signat cruce priora verba reuerenter proferens, salute alterutrum data, abit. In honore captando venandoq; mirabilibus & superstitiosis ceremoniis vtuntur. Tenuioris etiam fortunæ hominibus intra portam alicuius præstantioris viri equitare nō licet. Insigniores domini & consiliarij, vulgares etiam nobiles intra priuatos parietes quotidie delitescunt, & in publicum rarius prodeunt, eò quò maiorem auctoritatem sui que obseruantiam apud populum captarent, nullusque nobilius ad quartam vel quintam domum pedes progreditur, (quod & Lituani quidam assuescere cœperunt) nisi equus subsequatur, idque non propter vsum, sed ostentationis causa faciunt. Nobilis quamuis egenus & pauper fuerit, tamen ignominiosum sibi putat, si manu laboraret.

*Hospitalitas.*

*Honoris cupiditas.*



*Malefactorum  
iudicia.*

Præfectorum pauci auctoritatem habent, vltimo supplicio reos plectendi, omnes enim caussæ & controuersia in Moschouiam ad magnum Ducem consiliariosque suos deferuntur. Ex subditis nemo aliquem torquere audet, cuiusvis enim conditionis malefactores magnus Dux vel consiliarij principales morti adiudicare solent. Pauperibus non semper patet ad magnum Ducem aditus, sed ad consiliarios, isque difficillimus, vnde omnis iustitia magna ex parte tenuioribus venalis fit.

Consul siue prætor, qui personam iudicis obtinet, à magno Principe in vnaquaque principali ciuitate ordinatur, gentiliter *Ocolnik* dictus.

*Habitus  
Moschorum.*

Vestibus omnes oblongis absque plicis ad talos demissis vtuntur, præcipue verò lazurini vel albi coloris. Pileos albos apicatos crustatosque ex lana coacta gestant, ocreis omnes ferè rubeis, iisque breuioribus, quæ genua non attingunt, vtuntur, quarum soleas in digitis paululum erectas clauiculis ferreis muniunt: indusia variis coloribus sericeis circa collum exornata apud præcipuos, auro intertexta gestant, eaque monilibus, gemmis, vnionibus, seu globulis argenteis, aut cupreis deauratis exornant. Cruces argenteas, vel aureas lapidibus pretiosis exornatas præstatiores; vulgus verò ferreas, vel cupreas pro sacramento quodam collo appensas gestant.

Omnes autem & singuli suæ conditioni vestibus conuenientibus ex præscripto mandatoque magni Ducis vtuntur: nam tenuioris fortunæ vulgarisque familiæ hominibus vestes pretiosiores elegantioresque, sub graui pœna prohibentur. Si autem aliquem humilioris familiæ virum elegantius vestitum conspi-

conspiciunt, proditorem perfidumque eum appellant, & suspicionis notam ei inurunt, dicentes: perfide vnde tibi talis vestitus, more dominorum (Polonos enim & Lituanos dominos appellant) vestiris, & ad eos deficere perfidiosè moliris, tu enim pro huius vestis pretio non sufficis. Statim ergo accusatus gravissimè ut suspiciosus punitur. Alius itaque tenuioribus nobilibus, alius consiliaribus & magnatibus, alius civibus & colonis habitus est præscriptus, secundum uniuscuiusque dignitatem, conditionem & rei familiaris opulentiam.

*Secundum  
conditionē  
personarum  
habitus.*

In thesauro etiam magni Ducis vestes plurimæ elegantiores, ad id sunt repositæ & confectæ, ut cum aliquando triumphus celebratur; vel cum legatus alicuius principis excipitur, tunc omnibus & singulis aulicis suis magnus Dux illas vestes ad tempus accommodat. Cæteri quoque nobiles ad convivia amicorum nuptiæve celebrandas profecturi, vel si alicuius diuini festi solenne occurreret, tunc volentes solennius elegantiusque vestiri, de magni Ducis thesauro vestes sibi accommodant, certo pretio secundum temporis spacium pro usura vestis attributo, & deinde easdem absque detrimento cum usura præscripta thesaurario restitunt. quod si aliquantulum vestis commaculata fuerit, tunc usurpatur secundum estimationem pecuniam pro ea numerare cogitur, & liberibusque ne id in posterum admitteret, corrigitur. Ad regem Poloniae etiam, vel ad alios externos principes, Moschouicæ princeps oratores missurus, omnibus aulicis & nobilibus cum legatis proficiscentibus, vestes solenniores, arma, & id genus ornamentorum ex thesauro suo ad usurpandum sub prætextu

*Vestes magni Ducis copiosas habet pro suis aulicis.*

*Legatorum expeditio.*

soluendæ vsuræ accommodare solet, administrator-  
 que horum substituitur, qui omnia ornamenta vni-  
 cuique secundum ordinem, quotiens opus fuerit,  
 distribuit, rursusque ea ab eisdem recipit & reseruat:  
 ex legatione tandem reuersi certam pecuniam pro  
 vsurpatione vestium & cæterorum ornamentorum  
 secundum pactum magno Duci numerant, vestesq;  
 restituant: quòd si aliquis ornamentum accommo-  
 datum commaculauerit, tunc verberibus emenda-  
 tus, illud soluere cogitur.

Hic mos apud omnes Ruthenos & Moschouitas,  
 quotiænis certis diebus obseruatur, adolescētes, pue-  
 ri, plurimique viri vxorati, extra ciuitatem pagumve  
 in locum amplum & eminentiorem confluant, vn-  
 de ab hominum congregatione videantur, ibiq; qui-  
 busdam sibilis & vociferationibus (secundum gentis  
 morem) signo dato, concurrunt, manusque absque  
 vllò armorum genere conferunt certamen, pugnis,  
 pedibus, magno cum impetu faciem, pectus, ven-  
 trem, & genitalia vtrinque quatientes, ineunt, sape-  
 que inde semiuiui plerunq; etiam mortui exportan-  
 tur. Hoc autem certaminis genus ideo institutum di-  
 cunt, vt adolescētes assuescant verbera pati, & quos-  
 cunque impetus perferre.

*DE MAGNI MOSCHOVIÆ DV-*  
*cis, Ioannis Basiladis tyrannidē.*

*Caput V.*

**A**bsoluto breuiter situ regionum Russiæ, magno  
 Moschouiæ principi subiectarū, religione, mo-  
 ribus denique, & consuetudine gentis, de moderno  
 principe Moschouiæ Ioanne Basilade, eiusq; tyran-  
 nide



nide quædam dicenda nobis restant. Sed antequam rem ipsam aggrediemur, pauca de titulo illius quo vtitur, lectori haud aspernanda præponemus.

A tempore Ruriczki primi Nouogrodia magnæ Ducis, de quo superius dictum est, omnes ferè principes Ruthia non alio titulo quàm magnorum ducatum, Wolodimiria vel Nouogrodia magnæ, vel Moschouia vtebantur, usq; ad Basilium Ioannis Magni, patrem moderni principis Ioannis Basiliadis, de quo hoc nostrum propositum est. Hic enim Basilius rebus suis feliciter procedentibus, & filius eius post eum modernus princeps titulum & nomen regium plurimorumq; magnorum ducatum sibi vindicare cœperunt, in hunc modum: Nos magnus Dominus, Rex, & magnus Dux totius Russiæ, Ioannes Basiliades, magnus Dux Wolodimiria, Nouogrodia magnæ, Moschouia, Pskouia, Smolenskia, Thweria, Iugaria, Permia, Viatkia, Bulgaria, Rex Casanie, Astrahania, dominus & magnus Dux Nouogrodia inferioris, Czernihouia, Rezania, Wolochdia, Rsovia, Bielloia, Rostouia, Iaroslauia, Poloczka, Bielozierie, Vdoria, Obdoria, Condimia, dominus Seueria, Liuoniaque, & magnarum regionum, Orientem, Meridiem, Septentrionem, & Occidentem versus, dominus legitimus, hæres & successor.

*Titulus Moschouia ducis.*

Nunc autem multi eum imperatoris titulo, præcipuè verò Germani venerantur, qui deductionem verbi *Czar* Slauonica lingua ignorantes, pro rege imperatorem ponunt. Quid igitur hoc nomen *Czar* in Slauonico sonaret, breuiter exponemus. *Czar*, hoc verbum in Ruthenico idiomate, regem, *Czar* vero verò, regnum significat, & hoc nomine Mo-

*Czardictio nis regē significantis expositio.*

schouitæ principem suum, regem totius Russiæ appellant. Cæteri autem Slaui, utpote Poloni, Bohemi, Litvani, & cæteri, qui ab idiomate Ruthenico diuersi sunt, alio nomine regem appellant, scilicet Krol, alij Korol, & Krai, hoc verò nomine Czar solum imperatorem appellari existimant, vnde & Rutheni ipsi Moschouitæque, audientes ab externis nationibus hoc nomine imperatorem significari, & ipsi principem suum imperatorem Russiæ appellare ceperunt, nomen Czar dignius esse, quàm regis (licet idem sonet) putantes. Sed in omnibus Ruthenorum tam sacris, quàm prophanis literis, Czar regis, Kesar verò imperatoris nomen repræsentat. Sic quoque rex Thauricæ Tartarus, Præcopensis Czar, id est rex nuncupatur, & omnes reges Tartarorum hoc nomine efferuntur, sed plurimi ignorantia huius vocis decepti, omnes reges hoc nomine Czar vocatos, Cæsares, hoc est imperatores esse putant. Alij quoque principem Moschouitæ album Cæsarem, præcipuè verò subditi sui appellant, id est regem vel imperatorem Russiæ Albæ. Russiæ etenim, ut suprà dictum est, Moschorum duci subiecta, Alba dicitur; ea verò cui Polonorum rex præest (quamuis & Albæ partem possideat) Nigra appellatur Russiæ. Vel etiam ideo dictum esse regem Album Moschorum principem existimo, quòd incolæ omnium regionum ipsius imperio subiectarum, vestibus albis & pileis plerumque vtantur. Porro Basilius moderni principis parens, ad Romanum pōtificem & imperatorem, ad reges itidem Daniæ & Sueciæ, magistrumque Liuoniæ, & ad Turcam scribens, regis titulum tebatur. Ad regem autem Poloniæ nunquam regis, nisi magni Ducis titulum

lum præsumebat. Nunc verò præsens magnus Dux Moschouia, & ad regem Polonia (quod pater nō faciebat) registitulo vtitur, sed à Polono nūquam, nisi magni Ducis titulo honoratur.

Hic princeps Moschouia Ioannes Basiliades imperio quod in suos exercet, omnes facillè vniuersi orbis monarchas superat: nam autoritate sua (vel potius tyrannide) tã in spirituales, quàm in seculares, & cuiusvis conditionis homines vtitur, liberè & ex voluntate sua de omnium & vita & bonis (nemine obstrepente) constituit. Consiliariorum enim nullus est apud eum tantæ autoritatis, qui dissuadere, aut sibi in re aliqua quamvis iniustissima resistere audeat. Omnes denique tam procures, quàm consiliarij, & totus equestris & spiritualis ordo, fatentur publicè voluntatem sui principis, voluntatem Dei esse. & quicquid princeps quauis perperam egerit, ex voluntate Dei agere. Ob id etiam clauigerum & cubicularium executoremque voluntatis diuinæ eum credunt esse. Vnde & princeps ipse si quando preces consiliariorū interponuntur ad se pro re aliqua idonea, respondere solet, cum Deo placuerit, vel si Deus iusserit, faciam. Ita quoque si de re aliqua incerta & dubia Moschouitas interrogaueris, communiter secundum consuetudinem respondent, Deus nouit & magnus Dux, vel, Deus sic voluit & magnus Princeps. Deniq; in computationibus vnus ad alium præbibens, primò salutem magno Duci, omniaq; fausta & felicia nomine proprio eum appellantes, & ritulos regionum enumerantes, exoptant: idem ante & post prandium omnes & singuli optare solent. Et si aliquid peruersè pessimeque, & cum Reipublicæ

*Autoritas  
magni Ducis.*



dispendio princeps fecerit, ab omnibus tanquam res felicissimas & vtilissimas gesserit, laudatur. Affinibus cognatisque suis nec arces ad legitimè possidendum permittit, nec confidit, solummodo aliquos secundum arbitrium suum, qui sibi placuerint, arcibus & possessionibus certis proponit, & tādē illis quilibet de causā infensus, omnia vt sua, adimit. Ex plebeis equites, palatinos, & consiliarios plerunque secundum voluntatem suam nullo repugnante facit: ex cōsiliariis deinde siue equestris ordinis hominib. plebeios, omnibus bonis illis ademptis & publicatis, reddit. Eodem modo metropolitas, episcopos, abbates, prioresque monasteriorum suo iudicio eligit, & deponit, omnes iuxta durissima seruitute premit, prout suprà in expeditione bellica, consuetudineq; gentis latius diximus.

*Seruitus  
Moschorum.*

Sed cū hęc tota gens Moschorum duci subiecta magis seruitute, quā libertate gaudeat, incertū est, an suis moribus conformem tantū tyrannū exigant, à quo insolentia eorū domaretur. Nam hoc plerunque in illis regionibus obseruatur, quod serui apud dominos, & vxores apud viros gratiam, si ab eis frequentius verberentur, habere, & amore se prosecutos dicūt. Contra si in eos non animaduertitur, nullū signum amoris in se exhibitū conquiruntur, & non solum serui, sed & pleriq; nobiles, magni viri & consiliarij, frequenter à magno Duce absq; vlla dedecoris nota publicè siue priuatim baculis verberantur. Illi verò tunc tēporis amoris signum principem in se exhibuisse gloriantur, verberatq; gratias principi agunt, dicentes: Sanus tu sis & incolumis domine, rex & Dux magne, quod me seruum rusticumque tuum  
verbe-

verberibus emendare dignatus sis. Qua ratione probatur, eos suis moribus conformem dominū (velut quondam ranæ regem ciconiam) necessariò exigere. Sed his Moschorum princeps Ioannes Basiliades leges huius tyrānidis supra modum (iustitia iudice) excedere videtur, qua non solū prædecessores suos, (quid secundum morem & consuetudinem gentis faciebant) superavit : sed illos omnes tyrannos, qui ante & post Christum ad hæc vsque tempora fuerunt, utpote Neronem, Valerianum, Dionysium, Decium, Maximinum, Iulianumque, & ceteros omnes.

Hi etenim quamvis etiam sæpius tyrannidem nefandam exercuerint, attamen aliquantò tolerabiliorē, sed in hoc principe tantam tyrannidem dictū miram, brevīq; temporis intervallo crudeliter perpetratam videre licebit, quam nos bona fide cōscriptam Lectori benigno offerimus.

*Amplificatio  
110 tyranni-  
dis Moscho-  
rum duci.*

### IN ITIVM TYRANNIDIS MOSCHORUM principis Ioannis Basiliadis.

**A**Nnò partæ humano generi per Christum salutis, supra millesimum quingentesimum sexagesimo, Ioannes Basiliades magnus Moschorum dux, postquam Poloczko arcem & ciuitatem celebrem Lituaniis ademisset, rei prosperè gestę successu elatus, in quandam insolentiam prolapsus est. In primisque ad ea quæ pater, auusque suus inceperant cōtinuanda & perficienda, animum apposuit : omnes nimirum principes & alios quosuis magnates castris, possessionibus & munitionibus exuere. Postea omnes magnarum & antiquarum familiarum viros, quos suæ tyrannidi contrarios cernebat trucidare, de medijsq;

*Inirium ty-  
rannidis.*

tollere cœpit. Huius igitur cædis & tyrannidis à ma-  
gno viro OWczinino, Demetrio nomine (filio illius  
OWczinæ olim tutoris sui, qui in Starodub arce ca-  
ptus, Vilnæ Lituanianæ metropoli in vinculis mortuus  
est) exordium sumpsit hoc modo: Inuitavit eum sub  
amicitiæ prætextu ad cœnandum secum, ibique in-  
ter compotandum ipse magnus Dux vas quoddam  
ingentis capedinis impletū mellis liquore, illi OW-  
czinino pro sanitate sua, (prout gentis mos est) vno  
haustu iam temulento ebibendum obtulit, qui iam  
ferè potu oppressus, ne mediū quidem ebibere po-  
tuit, quade causâ magnus Dux perfidiam ei expro-  
brauit, dicens: Siccine mihi domino tuo cuncta bo-  
na exoptas? Siccine me principem tuum clemētem  
diligis? Sed quia hîc præbiberere pro salute mea nolui-  
sti, ad cellarium meum ubi varij potus reconduntur,  
vade, illicq; pro incolumitate mea præbibes. Ille mi-  
ser iam ebrius, verbis placidis magni Ducis, quasi fi-  
delibus deceptus, ad cellarium cum his, qui ad eum  
occidendum erant subornati, perrexit, à quibus ibi-  
dem crudeliter suffocatus est. Postridie verò ad do-  
mū prædicti OWczinini magnus Dux (quasi rei igna-  
rus) misit, mandans ut ad se veniret, vxor verò sua re-  
spondit, maritum hesternæ die ad magnum Ducem  
cœnatum profectum esse, & ab hoc tempore adhuc  
domum non rediisse, sic igitur res ubi fuerit, vel quò  
abierit prædictus Demetrius OWczininus, in du-  
bio stabat. Hæc autem præcipua causâ necis eius e-  
rat: Fouebat quendam iuuenem magnus Dux The-  
odorum nomine, Bosmani cuiusdam nobilis filium,  
cum quo Sodomiam contra opus naturæ (dictu ne-  
farium) explebat, cum isto prædictus OWczininus  
quadam



quadam die ad iurgia deuenit, inter iurgandum autem (vt fit) hoc nefandum facinus ei exprobrauit, dicens: tu Sodomia turpi principi inseruis, ego verò ex magna profapia ortus, semper cum prædecessoribus magna cū laude & Reipubl. vtilitate principi seruiō. Ille igitur iuuenis tali ignominia affectus, ad magnū Ducem flens venit, OWczininūque talia sibi exprobrasse accusauit. Et ab hoc tempore magnus Dux insidias struere cœpit, quomodo OWczininus de vitatolleretur, donec voti compos effectus est.

Porro hoc clanculario furtiuoq̃ue mortis genere, plurimos magni nominis viros iugulare suffocareq̃; procurauit, nemine contra talia ne quidem mulitare audẽte, donec metropolitanus ipse re considerata, episcopiq̃; & omnes equestres viri ad eum conuenerunt, expostulantes & interrogantes, quam obrem sic innocenter populum suum, insignesque viros, absque vlla criminis nota de medio tolleret, quorum conuentu & persuasionibus per semestre anni spatium humanior, & quasi mansuetior effectus erat. Interea tamen cogitare & moliri cœpit, quo pacto suæ tyrannidi conformes seruos & aulicos, quorum opera in explēda crudelitate vteretur, conduceret & conscriberet. Finxit igitur se iam vel-

*Moschus ty-*  
*rannum*  
*molitur.*

*Moschus im-*  
*perium*  
*litiose abdi-*  
*cat.*

*Moschus fa-  
tellosos ma-  
lissimos con-  
scribit.*

acciderit, ad me consilium deferre, cum non longè à vobis in monasterio abfuerim. Confestim ergo per amplam aream extra ciuitatem Moschouiam delegit, & curiam in ea amplissimam cum innumeris ædificiis muro cinctam erigere fecit. Qua extracta arces præstantiores cum optimis annuis redditibus, ex vniuerso imperio delectu habito sibi specialiter (sub prætextu monasticæ vitæ ducendæ) appropriauit. Cum itaque in curia prædicta omnibus necessariis munita & prouisa, quasi imperio abdicato filiisque concessio, seorsimve maneret ingentem facinorosorum manum qui suas partes sequerentur satellitumque coegit, & ad pristinum propositum quod nuper statuerat de excidēdis, è medio tollēdis antiquarum familiarum principibus viris rediit, ad omnesque & singulas arces, quarum præfectos, magni nominis viros occidere proposuit, sexaginta plūve aliquando ex suæ factionis satellitibus, equites, quasi præsidarios cum literis misit, qui in arce tam diu sub prætextu præsidij manebant, donec eius præfectum à principe neci designatū inopinatè opprimerēt, & membratim dissecarent. Et cum iam aliquem ex iis principibus viris occidit, tunc & omnes cognatos, affines, fratres, & omnem denique progeniem, occidere & funditus extirpare facit. Et hoc modo plurimas principales familias, monasticam vitam ducens, exterminauit, & postea imperium vt & prius administrare cœpit.

### DE ROSTOVIENSIS DV-

*cis nece.*

**D**Vcatus Rostouiensis, cuius superius mentionem fecimus secundo genitis, magnorum du-  
cum

cum Russiæ attributus erat. Hunc etiam Basilius magnus Dux vt & ceteros sibi appropriauit, hæredibus subiugatis parua reddituum portione concessa. Ex his ducibus vltimus erat relictus hæres Petrus nomine, præfectus Nouogrodix inferioris, quem modernus magnus Moschorum dux cum progenie sua de medio sustulit hoc modo. Quadraginta equites factionis suæ in Nouogrodiam inferiorem destinauit, quibus vt sibi caput præfecti prædicti ducis Rostouiensis abscissum, attulerint, mandauit. Illi igitur equites prædictum ducem in ecclesia orantem præuenientes, sic allocuti sunt: Domine Rostowski mandato magni Ducis à nobis nunc capieris. Ille confestim mandato audito baculum, quem manu gestabat, in terram abiecit, innuens se officium cui prepositus erat, iam abdicare: nam princeps Moschouix cum aliquem nobilium in officio præponit, tunc illi in manum baculum dare solet, quo significatur, vt ei in omnibus velut principi obtemperaretur. Tandem cum aliquis officio degradatur, tum baculum illum in manus principis, vel eius vices gerentis reddere solet. Cum itaque in ecclesia prædictus dux Rostouiensis caperetur, vestibibus spoliatus est, vt nudus velut matris aluo egressus staret, postea in trahæas vinctus positus & alligatus est. Cumque iam tribus miliaribus à Nouogrodia auctus esset, illi qui eum vehebant ad flumen Volgam, substiterunt: Dux verò vinctus quare starent, causam percontabatur, qui se equos velle adaquasse dicunt: ille contra, non equis hanc aquam, sed mihi (quasi mortis præsciis) bibere, & nunquam ebibere, respondit. Confestim ergo præfectus equitum ei iacenti

*Rostowski  
capitur.*



*Tyrannia  
vagens.*

caput securi amputauit, cadauer verò in flumen gelu concrevummersum est. Cùm autem caput illius principi allatum est, ipse princeps manu & capite nutans, dixit, ach caput caput, multum sanguinis viuum existens effudisti, (bellicosissimus enim extitit) & nunc mortuum eundem effundes, his dictis fremens pede illud trahit, & in profluente abijcere iussit: postea omnes amicos & totam progeniem quinquaginta hominum funditus eradicare excindereque (possessionibus omnibus eorum publicatis) fecit, seruosque eius præcipuos quaterdenos vinctos in carcerem intrusit,

*Moschi con-  
tumelia in-  
uasa.*

Hæc tota gens Moschouitica id à natura ipsa inditum habet, vt sese alterutrum qualibet de causa per fas siue nefas accusarent, contumeliisque variis se inuicem afficiunt, & res suas vnus in alterius domum clanculum frequenter iniit siue importat, easdemque furto sibi ablatas dicit. Magnus verò Dux cùm vnus alium qualibet de re accusat, libenter audit, iam etenim occasionem occidendi illius, qui accusatur, habet. In curia autem illius quando conuentum, vel aliquid tale celebrat, vel morti aliquem adiudicat destinatve, neque submissa neque clara voce aliquid cum socio mullites, nec rideas, nec festiuium hilaremque vultum præ te feras, confestim enim interrogaberis, cur rides? cur hilaris es? &c. sentis tu aliquid cum inimicis magni principis: continuò igitur à delatoribus coram magno Duce accusatur; accusatus verò iussu principis, nulla purgatione criminis obiecti cõcessa à satellitibus arripitur, atq; membratim disseccatur, aut in aquas capite auulso projicitur.

*DE IOANNIS PIOTROVICZ, PA-  
latini supremi Moschouia falsò accusati,  
crudelis nece.*

**A**Nno virginiei salutiferi partus supra millesimū quingentesimum sexagesimooctauo, cum rex Poloniae Sigismundus Augustus, magnus Dux Lituaniae, ad campos Radoscouicenses cum vniuersis Lituaniae viribus in castris esset, fines Moschouiticos inuasurus: Magnus Moschouiae Dux in Wielikieluki ciuitate cum praesidiariis copiis tunc temporis excubabat, postea cum rex Poloniae ex castris re infecta & intetata discessisset, magnus Dux in Moschouiam ciuitatem reuersus est, & ibi progressum quendam nobilium suorum sibi contrarium offendit. Praecipue verò quidam magni nominis vir Ioannes Piotronicz, palatinus principalis, & vices gerens Moschouiae apud eum, per delatores falsò & contumeliosè accusatus est, quasi ille magnum ducatum ambiret, quem magnus Dux confestim nulla purgatione criminis obiecti audita, omnibus bonis, mobilibus & immobilibus spoliare fecit, ipsumque in bellum contra Tartaros proficisci iussit. Ille miser omni suppellectili spoliatus ne equum quidem, in quo ad id praescriptum bellum proficisceretur, relictum habuit: Monachus tamen quidam eius miseriae condolens, equum ei accommodauit, in quo contra Tartaros mandatū principis adimplens, solus tantum (qui nuper ceterua seruorum comitabatur) profectus est. Ex bello tandem reuersus, ad magnum Ducem citatur; omnesque nobiles & ceteri magnates ad tempus designatum in Moschouiam conuocantur. Praedictus igitur Ioannes Piotronicz ad tribunal citatus,

*Judiciū ty-  
ranni.*

uxori, liberis, cæterisque affinis, valedicens, necis futura præscius, magno Duci se præsentavit. Statim ergo ab ipso principe ornamentis ducalibus, diademate, & sceptro, solenniter insignitus in sede siue maiestate regia ad id erecta collocatur, cumque iam sic insignitus & ornatus sederet, omni conventu nobilium & magnatū circumstante, ipse magnus Dux coram eo stans, capite adaperto, quasi honorem exhibens, caput & genua (secundum morem gentis) inclinabat, dicens: Ave magne Dux & monarcha Russiæ, en obtinuisti quod affectabas, en habes quod ambiebas: voluisti enim in locum meum magnum monarchatum Russiæ (sic enim falsò accusatus erat) succedere, en ego ipse te iam magnum Ducem solenniter creavi, sed sicut habui potestatem, te magnum Ducem creandi, ita etiam potens sum te hac de sede & dignitate degradādi: his dictis cultellū oblongum, siue pugionem ipse in cor eius aliquoties infixit, omnisque turba nobilium circumstantium in eum sic crudeliter pugionibus & cultellis sauebat, quoadusque omnia viscera & præcordia ex eo in terram profluerent. Cadaver tandem crudeliter vulneribus confectum, ex arce in forum extractum est. Deinde omnes seruos eius præcipuos laqueis iugulare, trucidare, & aquis obruere mandavit. Tandem in arcē Columna, quam prædicto Ioanni cum omnibus prouētibus, olim concesserat, profectus, omnes quotquot in ea arce & ciuitate ad trecēta plūsve hominum inuenit, aquis immergere, trucidareque fecit, dicens: Occidite, iugulate, aquis obruite hos malefactores: sentiebant enim cum inimico meo periuro & perfido. Postea per integrum ferè anni spā-  
tium

*Crudelitas  
tyranni.*



tium possessionis prædicti Ioannis ciuitates, & villas vastabūdus igne & ferro peragrabat, vbi verò nobiles subditos huius Ioānis, siue Boiarones, (erat enim magnus homo habens sub sua ditione alios nobiles) offendit, hos omnes in vnam habitationem coactos & oculos succendere iussit, pulueribus tormentariis suppositis, omnesque vi accensi pulueris in aërem velut aues volantes eiciebantur. Iumenta insuper omnis generis ad canem & felē vsq;, in frustra membratim dissecare, proterere, & in nihilum conuvertere, villas & prædia igne succendere, cineribusq; commiscere fecit: vxores verò horum nobilium, & virgines coram se turpiter constuprandas satellitibus exposuit, postea easdem in frustra dissecare mandauit. Colonorum autem & infimæ conditionis coniuges vestibibus spoliatas, in siluam nudas perinde vt matris aluo egressas, vel vt brutum pecus agere iussit: in siluis autem satellites latentes subordinati erāt. Cumq; illæ miserrimæ mulierculæ siluæ appropinquarent, satellites cum impetu in eas irruerunt, cædentes & variis plagis afficiētes: illæ timidæ per campos & syluas pallantes & identidem discurrentes omnia fletibus & eiulatu complebant. Sic itaque omnibus possessionibus prædicti Ioannis Piotrouicz olim Palatini Moschouia deuastatis, & funditus extirpatis vxorem eius in monasterium intrusit: progeniem autem eius, totam denique familiam à paruo ad minimum eradicauit.

### *CANCELLARIO SVO QUID*

*fecerit.*

**E**odem supradicto anno trucidato tam insigni viro cum tota familia sua, cancellarium suum

*Cancellarius cum duobus filiis occiditur.*

Kozarin Dubrowski dictum, falsò accusatum (quasi ille subditis nobilium siue Boiaronum, largitionibus corruptus tormenta bellica in suis curribus & equis ducere non iuberet, prout mos est, & quod solummodo magni Ducis id munus obirèt) crudeliter hoc modo trucidauit: Satellitibus suis mandauit, vt in domum prædicti cancellarij imperum facerent, ipsumque membratim (quamuis criminis non cōuictum) dissecarent, quod & dicto otius executum est: nam satellites inopinatè ipsum cancellarium cum filiis duobus membratim securibus ad mēsam sedentem crudeliter dissecarunt, dissecatosque in puteum, qui in medio eiusdem curiæ erat, proiecerunt. Superfuit autem adhuc huius cancellarij filius tertius, qui hoc die, quo pater suus occisus est, ad conuiuium quoddam inuitatus profectus erat, cumque de patris tam crudeli fratrumque necē audisset, in domum amplius redire non audebat, sed per integrum ferè annum, identidem præ timore vagabundus circumambulabāt. Cum verò nunciatum esset magno Duci adhuc vnum filiū cancellarij Kozarini superesse, iussit eum per omnes regiones & ciuitates tam diu inquirere, donec inueniretur, quem captū, & in Moschoniā adductum, magnus Dux quatuor ingentibus rotis ad id excogitatis, in quatuor partes disrumpere fecit. Est autem hoc instrumentum quatuor rotarum ab hoc magno Duce moderno pro cruciandis hominibus adinuentum, ad primam rotam vna manus, ad secundam altera, eodem modo vterque pes ad cæteras duas rotas alligatur. Singulas verò rotas quindecim viri trahunt, tunc ibi & si ferreus vel adamantinus homo fuerit, à sexaginta viris transuersim crudeliter

*Tertius cancellarij filius rotis distrahitur.*

*Instrumentum mortis crudele.*

deliter tractus dirumpitur, & membratim dilaceratur. Ipse autem præsens ad hoc supplicij genus spectare solet, cumque iam aliquis eo inspiciente sic dirumpitur, gentili voce saltando *hoyda, hoyda*, proferens vociferare solet, quasi aliquod opus egregium perfecerit. Omnis quoque nobilium & plebeiorum circumstans turba, eadem voce principi suo correspondere manibus complaudendo solent. Nam si aliquem lugubri tristiq; vultu sub id temporis cōspexerit, vel si aliquis illi *hoyda hoyda* vociferanti exhilaradi particula nō responderet, statim satellitibus eum arripere & dissecare mandat, dicens: perfide, & tu sentiebas cum hoc inimico meo, cur ei condoles? quare de nece eius contristaris? &c.

### SALES ET IOCI MAGNI DV-

*cis circa mensam.*

**Q** Vicunque nobilium vel magnatum apud magnum Ducem inter prandendum turpius spurciusque iocatur, ille egregius peroptimusque & facundissimus aulicus censetur. Tales iocatores duo præcipui in aula eius germani fratres Knesi & Wozdo Wie dicti erant, qui semper sales nefandos circa mensam exercebant, vnus erat Andreas nomine Marschalcus, siue palatij magister, qui peste infectus vitam exhalauit. Alter verò minor natu cubicularij munus obibat: hic quadam die turpissimè cum magno Duce inter prandendum iocabatur, adeò vt magnus Dux nefandis dictis exacerbat, à mensa ei discedere iussit, interdum verò eo discedente caulis calidissima peneq; bulliens de coquina ad mensam allata est, vocans igitur prædictum cubiculariū, iussit



*Cubicula-  
rium truci-  
tate.*

se ei inclinari, & caulem illam calidam inclinato collo post tergum infudit, qui penè combustus dolore urgente vociferari cœpit, dicens: Miserere, miserere celeberrime imperator. Postea discedere volentē, magnus Dux arripuit, cultelloq; quo ad mensam utebatur, eum crudeliter in collum transfixit, à quo vulnere continuò in terram prolapsus, extractus est in atrium. Postea ei condolens magnus Dux, Italum doctorem medicinæ otius accersiri iubet, ei-que venienti assurgens dixit: Dilecte Arnolphe doctor (hoc enim nomen habebat) vade auxiliare aliquid huic cubiculario meo, quem in iocando læsi. Doctor egressus exanimatum offendit, reuersusque dixit: Rex & Dux magne, vtinam tu sanus sis, ille verò iam de vita ad mortem translatus est, Deus autem, & tu magne Domine potens animam ei eripere, ego autem eam restituere nequaquam possum. Ad hæc magnus Dux manu conuiuens dixit, valeat ergo canis cum viuere noluit.

*QUALI MVNERE MAGNVS DVX  
suos honorauit.*

*Auriculam  
Palatino  
abscidit.*

QVodam tempore Boris Tito W magni nominis vir, Palatinus Stariciensis, ad magnum Ducem post prandium mensæ cubito innixum assidentem venit, honoremque secundum morem caput inclinando, exhibuit, cui magnus Dux quasi congratulans dixit: Salue carissime Tite, salue mi fidelissime serue, dignus es ô Tite, aliquo munere à nobis honorari, accede propius, accedenti-que caput inclinare iussit, & cultello euaginato auriculā ei manu propria abscidit. Ille verò auricula priuatus, minimè contradixit,

tradixit, sed humiliter magno Duci gratias egit, dicens: Saluus tu sis celeberrime Rex, Dux & domine magne, quòd me seruum tuum secundum placitum tuum castigare digneris. Cui magnus Dux, accipe nunc hoc exiguum munusculum libenter, donec tibi aliud melius offeratur.

*SOMNIORVM EGREGIUS IN-  
terpres magnus Dux.*

**Q**uidam nobilis Moschouix in carcere aliquot annis detinebatur, carcerisq; durissimi pertæsus, somnium sibi falsò finxit, quasi regem Poloniae captum vinctumq; ad magnum Ducem adductum in somniis videret, hocque somnio se liberaturum fore (spe eum fallente) arbitrabatur. Supplicationem igitur ad consiliarios scriptam misit, dicens, se rem quandam magno Duci necessariam & utilem gratamq; scire. Quem cōsiliarij eductū magno Duci cōfestim præsentant: cui magnus Dux, dic ea nunc quæ dicenda nobis habuisti. Ille verò, celeberrime Rex & imperator, magne Dux & domine, hac nocte in somniis vidi regem Poloniae captivum miserè compedibus vinctum, ad te à tuis militibus adductum. Ad hæc magnus Dux respondit, rectissimè narraisti, statim ego tibi hoc somnium, quid sibi velit, exponam, carnificibus igitur eum cōfestim examinandum torquendumque tradidit, inquirendo ab eo, qua de causa hoc somnium sibi finxisset, ille tormentis adactus falsus est, id causa liberandi ex duro carcere fecisse. Tunc magnus Dux eum in carcerem duriores pristino intrudere iussit, dicens, expecta hinc somnij tui veram efficaciam tam

diu, donec adimplebitur. Ille miser postea acerbissimo carcere consumptus, miserrimè è vita discessit.

*TURPIS MATRONARVM NOBILIVM, apud magnum Ducem  
abusus.*

**H** Abet magnus dux supplantatores, adultores plurimos ad id subordinatos, qui idètidem circumambulantes, quid mulieres ciuium, matronæq; nobilium de se loquerentur, subaudiunt, raptaque verba dicto otius ad eum deferunt, qui satellitibus suis ad domum illius matronæ accusatæ destinatis, eam de lectulo à marito proprio violenter abstrahere, & sibi præsentari iubet. Hanc, si sibi complacuerit, per aliquot hebdomadas pro explenda libidine detinet, sin minus, satellitibus eam turpiter stuprandam exponit, & tandem ad maritum suum eam ablegat. Si verò virum illius matronæ occidere è medioque tollere proposuerit, tunc eam non ablegando iugulare, vel aquis obruere iubet, prout hoc pluribus contigit. Præcipuè verò cuidam magni nominis viro Miessoiedo Wyschly dicto (de quo inferius dicetur) supremo notario suo vxorem cum pedissequa violenter abstractam, & per aliquot hebdomadas detentam, in porta domus mariti sui eam vnà cum pedissequa laqueo suspendere iussit, sicque in porta suspensæ duabus hebdomadis pendebant, donec iussu principis deponerentur. Maritus verò suus subtus vxorem suspensam per illam portam, quò opus fuerat exire & intrare cogebatur. Hoc quoq; vel atrociori modo cuidam notario suo fecit, cui vxorè abstractam & stupratam postea remisit, eamque in habitatione

*Grande facinus.*



bitatione propria, vbi solitus erat cibum capere, super mensam, suspendere fecit, in illaque mensa desuper vxore strangulata pendente, tam diu ille notarius cibum amarissimum capere cogeatur, donec iussu principis illud cadauer asportaretur. Cum autem aliquò magnus Dux proficiscitur, & fortè obuiam sibi (vt fit) aliquam viderit matronam, quamuis magni viri vxor ea esset, sciscitare iubet, cuias sit, vel vnde proficisceretur? Quòd si eam illius viri cui offensus est, vxorem esse intellexerit, tunc eam ex curru descendere, & collo tenus pudenda detegere iubet, & tam diu stare cogitur, donec omnes satellites, equites, & aulici, ipseq; magnus Dux prateriant.

*Aliud crudelissimum facinus.*

*DE INIURIA EXPOSTULANTI-  
bus quid acciderit.*

**A**Nno à Christo nato millesimo quingentesimo sexagesimo sexto conuenerunt ad magnū Ducem nobiles, magnates, & consiliarij, quasi trecenti viri expositulātes cum eo de iniuriis, homicidiis, spoliationibus & inaudita crudelitate, his verbis: Celeberrime Rex, magne Dux, & domine noster, quæ causa est, quòd nos innocenter tantis detrimentis, tantisq; malis & iniuriis affligis, fratres nostros, consanguineos, infantes morti adiudicas, trucidas, aquis obruis, bonis spolias. Insuper satellites tuos in nostrū exitium conuertisti, qui nos intolerabilibus oneribus iniustè affligunt, & an tuo mandato nobis hæc faciant, penitus ignoramus. Nos etenim tibi domino nostro & imperatori legitimo, prout fideles subditos decet, in fide sincera & veritate seruimus, sanguinemq; nostrum tui causā strenuè profundimus.

His dictis magnus Dux ira exandescens in carceres omnes & singulos vinctos intrusit: postea quinque diebus exactis de carceribus eductis, quibusdam linguas abscindere, aliis pedes & manus obtruncare, quinquaginta verò insigniores viros in foro publicè virgis & baculis cedere iussit, reliquos liberos dimisit, quibus quamuis tunc temporis pepercerit, postea tamen in manus eius crudeles & truculentas deueniunt, prout inferius dicitur.

### *QVALEM GRATIAM MAGNVS*

*Dux socero suo exhibuerit.*

**M**ichael Temrucouicz cognomine, claræ familiaria vir, magni Ducis socer, tali amore prosequitur, quòd interdum per duas ampliùsve hebdomadas magnus Dux gratiam amicitiamque ei exhibet. Postea cum eidem qualibet leui de causa infensus fuerit, tunc ad singulas portas, ianuasque curiæ illius, vrsos indomitos horribilesque tres vel quatuor alligare mandatur, qui omnes è curia exire volentes vnguibus confestim dilacerarēt. Interdum ergo dominus socer in ædibus clausus sedet, & si quid habet, comedit, bibit, & hi vrsi aliquando per duas, tresve hebdomadas à foribus curiæ non abducuntur. Quando etiam eundem socerum suum supradictum magnus Dux pecuniis abundare intelligit, tunc eum iubet arripere crimine ei falsò obiecto, & in locum ubi debitores secundum morem gentis baculis virgisque caduntur ducere, ibique tam diu insu principis virgis verberatur, donec omnem thesaurum indicare cogatur. Quando autem in eo magnus Dux nihil potest verberibus extorquere, tunc ei ipse ex thesauro suo certam sum-

mam

nam pecuniâ numerare solet. Hoc itaq; modo magnus Dux socerum suum tractat, aliquâdo eum thesauro spoliât, aliquando ditat. Interdum verò cùm se huic socero suo benigniorem exhibet, tunc ipsi soli parcit; sed præcipuum eius & intimum seruum (qui vices domini suppleret) arripere, & tam diu verberare iubet, donec thesaurum domini sui indicaret: aliquando etiam dominus seruo innocenter cæso cõdolens, tantũ pecuniâ pro eo numerare solet quantum magnus Dux imperauerit. Quadam etiam vice euenit, quòd vector prædicti Michaelis cum vectore magni Ducis in via fortè congressus, ibi ambo inter se litem excitauerunt, ac inter iurgia ad pugnam deuenerunt. Vector igitur magni Ducis grauius percussus ad marschalcum, siue palatij magistrum veniens, à vectore soceri magni Ducis se verberatum cõquestus est. Magister palatij caussam ad magnum Ducem derulit, qui continuò re audita, absque partis accusatæ purgatione, satellites suos in curiam prædicti soceri sui misit, eisq; vt tres seruos illius præcipuos in foribus laqueis suspendèrent, mandauit. Sic ergo illi serui suspensi in foribus pendebant, & omnes ex domo exire, & in domum intrare volentes, per illas fores subter suspensos ambulare duabus hebdomadis cogebâtur, donec iussu principis deponerentur.

*Scæpro Socer  
b. rato Socer  
suspensi.*

## DE CRUDELI MAGNI DUCIS

*Moschorum tyrannide, quam in Nonogrodia magna,  
Pskonia, Tweria, & Nerva ciuitatibus perpe-  
trauit anno Domini 1569.*

**A**Nno per Christum salutis partæ supra millesimum quingentesimum sexagesimo nono, cùm



princeps Moschouia rescivit Nouogrodenſes, Psko-  
 uienſes & ThWerenſes ad regis Poloniae magnique  
 ducis Lituaniae partes aliquantulum propenſiores  
 eſſe, ſtatim quomodo id vlciſceretur cogitare cœpit,  
 & vt inopinatos, & præter ſpem ſecuros opprime-  
 ret, hoc modo in primis progreſſus eſt. Omnibus &  
 ſingulis vtriuſque ſexus hominibus, tam viris quàm  
 fœminis, ſenibus & pueris ſub pœna capitali interdi-  
 xit, ne quiſquam ea via, quæ ex Moſchouia in magnâ  
 Nouogrodiam ducit, ire, proficiſcive præſumeret.  
 Deinde cùm iam numeroſo accinctus exercitu de  
 curia Alexandroua Sloboda dicta, ad Nouogroden-  
 ſes vlciſcendos, & funditus exterminandos egreſſus  
 eſſet, præſidiariorum ſatellitum ante ſe ſeptingentos  
 præmiſit, totidemq; à tergo, & in omnibus circûqua-  
 que locis præſidiarios ſubordinauit, qui omnes quoſ-  
 cunque ea via interdicta euntes inuenerunt, ſecuri-  
 bus membratim cum iumentis, curribus, & id genus  
 aliis rebus, diſſecabant; ita vt nec ex Moſchouia in  
 Nouogrodiam, nec ex Nouogrodia in Moſchouiam  
 quiſquam viuentium tranſire poterit, nemoq; pro-  
 poſitum principis quò contenderet, excepto vno ſe-  
 cretario Ophanasio Wiazimski, ſcire potuit: nâ hæc  
 omnia tam cautè & callidè peragebantur, vt inopi-  
 nati & vnde quaque incluſi Nouogrodenſes citius  
 opprimerentur, & nuſquam euadere poſſint. Cum-  
 què iam à Nouogrodia magna quaſi per mediû mil-  
 liaris cum exercitu abeſſet, tum demum miſeri No-  
 uogrodenſes diem iudicij ſibi imminere cognoue-  
 runt: etenim ſatellites emiſſarij equitesque tractum  
 Nouogrodenſem igne & ferro hoſtiliter vaſtabant;  
 omnes homines cuiuſcunque conditionis fuerint,  
 nobiles

*Regionem  
 ſuam vaſtat  
 Moſchus.*

nobiles & plebeios cædebant, iugulabant, membra-  
timque dissecabant: insuper iumenta omnia, vicos  
& pagos flamma absumebant, satellites etiam præ-  
sidiarij, qui viarum transitus ubiq, custodiebant, ne-  
minem post principem transire (quâvis seruū ipsius  
propriū) sinebant, sed omnes quoscunque offen-  
derint, membratim dissecant. Verebatur enim ma-  
gnus Dux subditorum suorum, nobilium & ma-  
gnatum quorundam erga se conspirationem, & in-  
sidias. Tandem in ipsam Nouogrodiam magnam,  
satellitū aliquot millia, cum equitibus Tartaris præ-  
misit, ad spoliandos & deprædandos omnibus bo-  
nis ciues, quos ipse statim cum toto exercitu secu-  
tus est, & omnes obuios trucidare, membratimque  
dissecare, equis proterere, lanceis induere iussit. Ipse  
quoque manu propria cum filio natu maiore pluri-  
mos lancea transfigebat. Postea duas vastas areas se-  
ptis ligneis circumdare, & trabibus obstruere, illic-  
que omnes ciues præstantiores vinctos cogere, &  
implere fecit, quos ipse cum filio hastis tam diu cru-  
deliter, equis calcaribus adaectis, magno impetu trās-  
figebat, & trucidabat, donec vterque anhelans de-  
fatigaretur. Tandem ad satellites circumstantes, fre-  
mebundus dixit: Irruite in hos perfidos, secate, dis-  
secate, trucidate, neminemque viuum relinquire.  
Illi confestim dicto otius in eam multitudinem ci-  
uiū vinctorum turmatim stantem, impetu facto, o-  
mnes ad vnum membratim dissecarunt, & in aquas  
proiecerunt: deinde aliquot centena hominum in  
flumen gelu concretum, quod mediam ciuitatem  
interfluit, implere, glaciemque in circuitu eorum  
circumcidere iussit, qui omnes glacie circumcisa

*Manu pro-  
pria cū filio  
magnus dux  
ciues truci-  
dat.*

fundum petente, aquis innumersi & obruti sunt.

*Numerus  
occisorum.*

• Tantam igitur in Nouogrodia magna ciuitate celebri, & totius Russiæ primaria magnus Dux tyrannidem perpetravit, vt 2 770. ciuium excepto paupe-

*Spolia.*

re vulgo, sexuque scemineo trucidati & aquis obruti fuerint. Monasteria quoque in toto Nouogrodienſi tractu 175. spoliare, depradare, quædam hostiliter flammis comburere, monachosque trucidare & aquis obruere fecit. Vestimenta sericea & id genus ornamentorum ciuiliū, satellitibus in prædam concessit, auro & argento (cuius ineffabile pondus de ecclesiis & mercatorum thesauris compilauit) sibi relicto, domos etiam ciuium spoliatas diripere,

*Damna.*

euertere, & destruere fecit. Tantaque damna mercatoribus, cæterisque ciuibus in hac celebri vrbe edidit, vt nequaquam refarciri, & iusta computatione æstimari possint. Cerae quoque innumerabiles massas ab annis viginti plûsve apud mercatores repositas in flammis projicere, & in nihilum conuvertere iussit: cera etenim Nouogrodensium, pellesque ferarum præcipua merces erant. Cumque prædictam ciuitatem funditus iam deuastasset, & totum ferè tractum eius crudeliter depopulasset, quingentos equites in Neruiam ciuitatem Liuoniae finitimam, vbi Nouogardenses merces suas deponere solebant, destinauit, & per totam ciuitatem proclamare iussit, ne aliquis merces Nouogrodensium sub pœna capitis & omnium bonorum priuatione emere, aut sibi quolibet modo appropriare audeat. Omnes verò ciues Neruienses, qui à Nouogrodensibus aliquid mercium clanculario emerunt, membratim dillectati, & in lacum proiecti: possessiones

*Neruiapopulatur.*

verò



verò eorum vnà cum domibus igne combustę sunt. Pauperes etiam omnes & mendicos, qui prę nimia fame (tunc temporis grassante) cęsorum cadauera coquebant, & manducabant, illi satellites iussu principis trucidauerunt, trucidatosque in profluentem abiecerunt, & omnes merces Nouogrodenſium varij generis, quas illic repositas inuenerunt, in vnum locum congestas succenderunt.

*Mēdici trucidantur.*

*ARCHIEPISCOPO NOVOGRO-*  
*denſi quid contigerit.*

**C**Um ita crudeliter Moſchōrum princeps Nouogrodiam magnam vastaret, ab archiepiscopo eiusdem ciuitatis (qui Ruthenico idiomate *Wladica* dicitur) ad cibum capiendum inuitatus est. Ille nulla excusatione interiecta, hora prandendi statuta in ades archiepiscopi satellitū armata manu stipatus venit. Inter prandendum autē ecclesiam sanctę Zophie, auri & argenti ditissimam (ad quam omnes ferē ciues thesauros suos, quasi in locum tutissimum comportarant) spoliare & funditus deprędare iussit. Postea prędio peractō archiepiscopum (a quo ad cibum capiendum inuitatus erat) omnibus ornamentiſ, vestiſque archiepiscopalibus denudauit, dicens: minimē tibi conuenit archiepiscopum eſſe, sed potius tibi cinem & vtricularium, vřſorumq; ad choreas peritorum, ductorem. Ideo melius tibi est vxorē ducere, quam ego tibi delegi. Cęteris autem abbatibus, & monasteriorum prioribus, qui prandio intererant, dixit, vos omnes ad nuptias archiepiscopi vestri celebrandas inuito, sed vt etiam ad huius conuiuij necessaria comparanda singuli symbola daretis, oportet,

Omnes igitur abbates prioresq; imperatam & præscriptam summam pecuniæ magno Duci numerare coacti sint, vel ad minimum nummulum omnes penitus spoliati & excoriati fuerint, metu etenim tormentorum territi, omne argentum quantum quisque habebat, principis impulsu exhibuerunt. Cum igitur ab eis hæc symbola exegisset, minisque & tormentis extorsisset, equam albam prægnantem adducere iussit, eamque archiepiscopo digito indicans, dixit: En uxorem habes tuam, ascende super illam, & in Moschouiam proficiscere, illicq; te in numerum siue contubernium tibicinarum & citharædorum, qui vrsos saltatrices ducunt inscribere da. Ille miser inuitus super equam prægnantem viloso panno vestitus ascendere compulsus est, iamque desuper sedenti iussu principis pedes sub ventrem equæ alligati sunt, deinde ipse magnus Dux instrumenta musices, videlicet lyram, fistulam, tibiam & citharam illi archiepiscopo iam sic equæ insidenti porrexit, dicēs: En habes artificij tui instrumenta, plus enim tibi citharistæ, quàm archiepiscopatus officiū arridet. Iam igitur hæc instrumenta musices exerce, & ad contubernium citharistarum in Moschouiam proficiscere, qui per totam ciuitatem in equa pedibus subtus alligatis sedens, vtricularios inflare, stridentibusque & discrepantibus fistulis (nunquam licet in hoc genere musices exercitatus) miserum perstreperè carmen compulsus est. Hoc igitur modo prædictus antistes Nouogrodësis archiepiscopatus dignitate spoliatus, exutus, omnibusq; bonis priuatus, & nefanda ignominia turpiter affectus extitit.

His peractis monachos, abbatesq; & priores monasterio-

nafteriorum, cæterosq; ecclesiasticos omnibus bonis spoliatos, vario mortis genere trucidare, securibus dissecare, lanceisq; induere, & aquis obruere fecit. Postea quendam magni nominis virum Theodorum Sirconij dictum captum, ad se in castra medio milliari à Nouogrodia sita, adducere iussit, eumque fune longo per medium alligare, & in fluuium Volcho W dictū demergere fecit. Cumq; iam aquis penè obrueretur, rursus extractus est, extractumque ipse magnus Dux interrogauit, dicens: Dic mihi quid in fundo huius fluuij vidisti? At ille respōdit: Omnes dæmones magne Dux, qui in hoc flumine & in lacubus Ladoga, Sladoga, Warmiaque degunt, ad tuam animam eripiendam, & in tartaro demergendam, congregatos vidi. Ad hæc magnus Dux, rectè inquit, ait, ego verò pro huius visionis declaratione & expositione gratiam tibi præstabo. Confestim igitur eum arripere, & pedes in aheni aqua bulliente repleto genua tenus coquere iussit, tam diu donec omnem thesaurū indicaret: erat enim auri & argenti ditissimus, duodecimq; monasteria suo sumptu fundauerat & erexerat. Cum verò sic crudeliter absque vlla misericordia concoqueretur, triginta millia florenorum monetæ argenteæ indicauit. Tandem cum fratre Alexio, iussu principis membratim dissecatus, & in proximum fluuium iniectus est.

Hac insigni vrbe antiquissima, & celeberrima omnium ciuitatū Russiæ crudeliter deuastata ad Pskouiam ciuitatem amplissimā, Nouogrodiæ haud dissimilem, eodem modo hostiliter depopulandam profectus est. Cumque iam ciuitati armato cum exercitu appropinquasset, ciues extrema sibi imminere vi-

*Monachi  
trucidantur.*

*In Pskouia  
Castandam  
contendit.*



dentes, singuli menſas vnusquiſq; ante ædēs ſuas ad-  
ornauerunt, ſalq; & panē ſuperpoluerunt. Nam apud  
Moſchos pane gratia, ſale verò amor ſignificatur. His  
itaque diſpoſitis obuiam magno Duci exeuntes, ad  
panem cum ſale comedendū humiliter eum (vt gētis  
mōs eſt) inuitarunt, dicentes: Magne Rex & Dux ce-  
leberrime, domine noſter, nos ſeruuli tui fideles,  
humilibus & ſubmiſſis votis, te ad panem cum ſale  
comedendum inuitamus, nobiſque omnibus & bo-  
nis noſtris vniuerſis ſecundum placitum vttere: nam  
omnia bona quæ poſſidemus, non noſtra, ſed tua pa-  
riter nobiſcū ſunt. Hac igitur humili Pſkouienſium  
oblatione non nihil ſedatus placatusq; extitit, morti  
deſtinatis pepercit. Sed ciues mercatoresq; ditiores  
auro & argēto deprædauit, monachos etiā quosdam  
trucidare, membratim diſſecare, aquis obruere, &  
duas Baſilicas præcipuas theſauri ditiffimas ſpoliauit,  
denique campanas de omnibus eccleſiis abduxit.

*Tweria  
Gaſtatur.*

His in Pſkouia exactis in Tweriā ciuitatem in-  
ſignem olim ducum Twerēſium ſedem proſectus,  
tantam in ea tyrannidem quantam in Nouogrodia  
magna exercuit, incolas trucidauit, aquis obruit, bo-  
niſq; omnibus mobilibus & immobilibus ſpoliauit,  
diuorum templa auro & argento deprædauit: Litua-  
nos etiam & Ruthenos, numero quingentos, qui in  
Poloczka arce capti in carceribus ibidē detinebātur,  
omnes iugulare trucidareq; fecit. Tartarorum quo-  
que decemnouē magnates in bello captos, & in ea-  
dem ciuitate carceribus detentos trucidare iuſſit, ad  
idq; exequendum præfectū ſatellitum Maluitam  
Scuratoꝝ dictū, deſtinauit. Tartari verò re animad-  
uerſa, cum nihil aliud niſi præſens ante oculos exitiū,  
& mi-

& miserabile mortis genus conspicerent, in desperationem adacti, inter se obstinatè & firmiter statuerunt, sese pariter quoad possint defendere: cultellos itaq; in manicis absconditos singuli habebāt, & cū prædictus Maluta cum cæteris satellitibus in eos cum impetu irrueret, Tartari vnanimiter vt leones rugientes strenuè sese defendere cœperunt, vnusquisq; eorum ducem satellitum Malutam cultello appetiit, ventremq; ei quamuis lorica induto ad intestinorū vsque profluxum transfodit. Dum sic res atrociter Tartaris sese obstinatè defendētibus agitur, ex satellitibus quatuor desiderati ceciderunt, vicemq; enormiter vulnerati, cæteri que fugati, re infecta discesserunt. Cumq; magno Duci processus rei nūciaretur, statim quingentos scloppetarios cum bombardis, & arcubus in subsidium illis satellitibus contra decem nouem Tartaros misit, sicq; vndique circumuenti sagittis bombardarumq; glandibus confecti, & membratim dissecati in profluentem abiecti sunt.

*DE TYRANNIDE, QVAM SVPER  
intimum secretarium consiliariumq; suum  
magnus Dux exercuerit.*

CVM proposuerat magnus Dux has supradictas ciuitates funditus deuastare, tum id tam cautè, callidè & occultè peragebat, vt propositum suū nemini, nisi cuidam Ophanasio Wiazimski (quem vnice diligebat) reuelauerit, & aliquando bis per noctē de lectulo surgens, ad prædictum Ophanasium consultandi disceptandi q; de progressu rei gratia, ambulare nō grauabatur, & quamuis etiam Italum Arnolphum doctorem medicinæ singulari gratia profe-

quebatur, attamen nunquā nisi per manus huius Ophanasij medicinas sumebat, eumque pro vnico alumno habebat. Hic aut Ophanasius Hreorum quendam LoWczik dictum, magno Duci cōmendauerat, & iam in gratia apud magnum Ducem habebatur. Qui beneficij ingratus prædictum Ophanasium benefactorem suum, ad magnum Ducem per cōtumeliam criminaliter detulit, quasi ille arcanum sibi creditum de vastandis Nouogrodēsis & Twerensibus quibusdam reuelasset. Cuius falsis dictis magnus Dux persuasus fidem adhibuit, sed non statim se accusato iratum exhibuit: sub prætextu enim pristinae gratiæ & amicitia, seorsim cum eo arcana consilia, ut solitus erat, variis de rebus conferebat, aliud simulando fingendoque, aliud animo occultando, malumq; & exitium ei sub dolo amoris specie machinando. Postea quadam die magnus Dux cum prædicto Ophanasio simili modo consilia conferens, satellitibus suis seruos eius præcipuos interea trucidare iussit, quod & factū est, egressusque ille Ophanasius à magno Duce, seruos suos miserè trucidatos videns, quasi non videret oculis auersis, præterit: deinde iussu principis bonis omnibus spoliatus, & funditus de prædatus, ex familiaque eius decemseptem viri insigniores occisi sunt. Ipsum autem magnus Dux bonis omnibus spoliatum, in locum publicum, vbi debitores baculis ceduntur (prout gentis mos est) ducere iussit, & tam diu crudeliter verberare, donec omne argentum & aurum, quod adhuc secretò reconditum habuit, indicare compulsus fuerit: nihilominus tamen qualibet die bis terve per crura baculis crudeliter verberabatur, iamq; cutis in eo præ duris verberibus perinde



inde vt timpana intumescebat : attamen adhuc eò grauius torquebatur, donec tormentis crudelissimis eò adactus esset, vt cōtumelia aliquot ciues Moscho- uienses, quos ditiores sciebat, afficeret, quasi sibi magnam summam pecuniarum debiti fuerint; & quan- tam apud aliquem summam pecuniarum indicauit, tantam illi principi numerare & rependere (quam- uis nihil debiti, sed per contumeliam accusati) com- pulsi sunt. Neque hac quidem effera tyrannide, tan- tæque summæ argenti à nihil debentibus exactione sibi temperauit, vt explendæ crudelitati satisfecerit, sed ipsum adhuc eò crudelius torquere iussit, crura pedum baculis tondendo, donec præ nimis verberibus spiritum exhalaret. Postea seruos eius reliquos (quibusdam fuga dilapsis) trucidauit, virgines quoq; vxoris eius pedissequas, quadragenas numero, quæ acu pingere peritissimè, filoque aureo intexere, & opus Phrygianum conficere nouerant : ex quibus forma præstantiores & pulciores selegit ad suam explendam libidinem.

*MAGNVS DVX SEX PRÆSTAN-  
tes viros, propter loricam inauratam crude-  
lissimè necari iussit.*

CVM Timotheus Masalski, Lituanus nobilis, il- *Timothei  
Masalski  
crudelis  
fortuna.*  
lustri genere natus, captus in bello, tetra diu-  
turnoq; carcere detineretur à magno Duce, & idem  
magnus Dux iussisset crudeliter tolli è medio, Pala-  
tinus vrbs Moschovię Ioannem Piotrouicium, vt su-  
prà dictum est, tum quidam ex famulis Palatini ani-  
maduertens fortunas domini sui, & bona omnia mi-  
serè perdi ac diripi, nè ve omnia perirent, & nihil ha-

beret: occultè accepit elegātem loricam inauratam, eamque sociis suis seruandam tradidit, qui eodem in carcere erant, vbi & Timotheus Masalski: Postea factum est, vt illi eam oppignorarent Timotheo, qui eam seruandam dedit famulo, is autem liber erat, & suo domino in vinculis seruiebat. Itaque famulus, dum defert loricam in hospitium suum, incidit in vigiles, capitur, & statim offertur præfecto carceris, qui cum videret esse pretiosam loricam, illam sibi vindicauit & occultauit. Erant autem & in eodem carcere duo ex sagittariis scloppetariisve magni Ducis, qui istud viderant. Quare consiliariis principis hanc rem detegunt, & referunt, præfectum carceris, seu commentariensem, accepisse loricam inauratam à Timotheo Masalski, quæ olim fuerat Ioannis Piotrouicij palatini Moschouia, hanc occultasse, penesque se habere: è vestigio consiliarij rem totam deferunt magno Duci, qui confestim iubet extrahi è carceribus Timotheum Masalski, & ante se sisti, sic & Commentariensem, & illos duos Moschouitas, qui pignori illi dederant hanc loricam. At denique illos duos scloppetarios, qui istud detexerāt, tum ibi omnes insu Ducis immanissimè torquebantur, & tandem enecati sunt, quatuor quidem illorum aquis submersi. Ipse autem Timotheus Masalski & Commentariensis simul vincti in urbē Moschouiam missi sunt, ibiq; die sabbathi, in vigilia festi diei Paschati ambo sunt publicè capite truncati, & in aquas coniecti. Sic ob hanc loricam sex supplicio affecti, & è medio sublati.

*Commēta-  
riensis aua-  
ritia puni-  
ta.*

*QVID*

**QVID ACCIDERIT ISTIS, QVI**

*inquirere voluerunt, quid nam ageret  
magnus Dux.*

**Q**uidam secretarius magni Ducis sanguine ipsi iunctus, semel ad epulas inuitarat aliquot aulicos sibi familiares, quos sanè splendide ac lautè excipiebat: oblitus est autem dum ita hilaris esset inter amicos (sicut sapius euenire solet) adire principè magnum Ducem: misit vnum ex suis pueris in palatium principis, qui prospiceret quid nam ageretur in Basilica apud magnum Ducem. Puer autem cum ascendere per gradus palatij, vidit magnum Ducem, alloquentem quendam consiliarium, quo cōspecto famulus reuertitur domum, ad herum id ei relatum. Deinde verò cum magnus Dux amandasset illum consiliarium cum quo conferebat, interrogauit, cuiusnam famulus venisset in aulam, & quam ob causam: Euocatur ille famulus ex itinere, & respondet se eò missum, visum quidnam ageretur in palatio magni Ducis: de repente princeps vbi causam intellexisset, retinuit penes se famulū, & accersi iubet tam ipsum secretarium, quàm eius conuiuas: qui vbi venissent, variis tormentis discruciaci iussit eos, volens ab illis extorquere, cur misissent famulū in regiam, percunctatum de eo: cūrve ad tam splendidum conuenissent conuiuium, pariter rescire cupiebat, quos de ipso sermones secretos tenerēt. Itaque excruciaci tam diris tormentis alij expirarunt, alios verò facultatibus exutos omnibus, semimortuos reliquit. Itaque ab illo tempore, & tam atroci ac tristi facinore, nemo ausus est mittere aliquem famulum, visum quid agatur in palatio principis: immo potius hora

*Quàm periculose sit,  
esse percunctatorē apud  
magnum Ducem.*



statuta ipsi cōsiliarij penitus adsunt, & procures præsentes veniunt.

*Wlodimir  
commiserat  
suo noxia.*

**Q** Vidam etiam Wlodimirus Morozow cognominatus, vir celebritate famæ insignis & maturæ ætatis, grauitateq; plenus Palatinus, semel quadam misericordia motus condere fecit humi miserum hominē, qui magni Ducis imperio interfectus fuerat. Is autem homo fuerat famulus ducis Curpiskij, qui ad regem Poloniae defecerat. Hanc itaque ob causam magnus Dux arguebat hunc Wlodimirum perfidiæ, ac si à partibus fugitiui Curpiskij staret, & in Lituaniam ad ipsum literas dedisset. Itaq; subito coniectus est in carceres, vbi cum longissimo temporis interuallo hæssisset; extractus & oblatus est magno Duci, cum esset in suo palatio & aula regia, Alexandro Wa dicta, discruciatuque est maximis tormentis: cum ab eo nihil extorquere potuissent, tandem mortuus, & cadauer in aquas coniectum est.

*Falsa crimina  
in Basilio  
Dimitrouici.*

**B**asilus Dimitrouicius, vir summus & celebris in Bre militari, affecerat iniuriis aliquot præfectos tormentorum bellicorum, cum Moschouitas, rum & Germanos: quorum duo cum vellent fuga sibi consulere, capti sunt à viarum custodibus in finibus Lituaniæ, illi statim deducti sunt ad magnū Ducem, qui tum erat in arce fortissima, vulgò *Woloehada* appellata, & miseri illi quæstionibus adhibiti, falsi sunt, at falsò, quòd scilicet missi fuissent in Lituaniam à suo illo præfecto Basilio. Itaque magnus Dux Basilium Dimitrouicium ad se accersit ex ipsa Moschouia, variisque tormentorum generibus affligi iussit: in mediis illis cruciatibus cōstanter passus est, se nihil istorum

istorum molitum fuisse, de quibus accusabatur, nec istud vnquam in animo habuisse. At magnus Dux repente iussit adduci quandam equam oculis captam, & iungi curru, & tum Basilius equæ impositus est, eiûque alligatus. Deinde ambo coniici iubet in rapidissimum fluuium, vtēs hac oratione: En tibi equam egregiam dedi, institueras abire ad regem Poloniæ cum adito. Hæc itaque equa cecitate percussa, natabat in alto istius rapidissimi fluminis & velocissimi: ipse autem Dux erat spectator cum suis satellitibus stans ad ripam fluminis, vt istius rei euentum intueretur: ac post longam natationem, hæc misera & cæca equa ad nauigabat ripæ. Verùm præfectus satellitum regionum vocabatur Molunta Scurato W, vt gratificaretur magno Duci: conto abegit equam à ripa & sessorem: sic vi aquæ rapitur iterû equa. Tum magnus Dux exultabundus inquit: O facinus egregium, & valde lepidum. Quare hæc misera equa defatigata vi aquarum rapidissimarum, submersa est, vnâ cum isto Basilio Dimitrouicio.

Aliquando cum versus Nouogrodiam regionem proficisceretur magnus Dux, accidit quendam equitem, famulum cuiusdam magni viri fortè præcessisse illum: & Dux ad latus sinistrum iubet deflectere hominem, ira percitus iussit istum frustulatum disseccari: & segmina membrorum luto & altissimo cæno misceri.

### QUALI VENATIONE MAGNVS Dux plurimum oblectetur.

Quotiescunque magnus Dux cum filio, tempore hyemis respicit ex sua arce, videtq; homines

*Barbarus et  
deceftabilis  
magni Du-  
cis ludus: &  
inhumana  
Voluptas cū  
hominū in-  
feris cen-  
sura.*

turmatim incedentes in lacubus & fluminibus gelu  
concretis, ac præcipuè diebus festis, tum iubet, vt in  
illam confertam hominum multitudinem tres aut  
quatuor vrsi immanes immittantur, & irruāt ex im-  
prouiso. Ibi qui sibi fuga consulere possunt, aufugiūt:  
alij crudelissimè à feris illis dilaniantur. Sic hoc pul-  
cerrimo spectaculo pater & filius delectantur vehe-  
menter, & rident affatim ac si pulcrum esset facinus.  
Deinde cū accedit miser pater, lamentatū se, quòd  
amiserit filium, & etiam vxor maritum, qui ab vrsis  
sic mactati sunt, tunc iubet istis numerari aureum  
nummum, vel duos, quia sic interfecti sint eius sub-  
diti. Addit deinde ipse Dux se magno beneficio affi-  
cere ipsos, quòd eius permittit instituere querimo-  
niam coram se: at si subijciunt rem esse infamem &  
nefariam hoc genus crudelitatis exercere. Iterū re-  
spondent consiliarij magni Ducis, magnum Ducem  
& eius filium magnam ex hac re voluptatem perce-  
pisse, & istud vidisse: sic nullum peccatū esse hīc com-  
missum. Ad extremum si ad ipsum Ducem venit ma-  
ter miserrima lamentando se de cæde filij, aut ipsa v-  
xor ob amissum sic inhumaniter maritum. Breuiter  
excipiūt illi: perbene satisfactum esse ipsis, vbi num-  
mos argenteos monetæ Moschouiticæ centum aut  
ducenti numerati illis fuerint.

Sæpenumero accidit, cū magnus Dux est in suo  
palatio Alexandrova, & cogitat de aliquo summo  
viro sumere suppliciū, tum delectationis causa iubet  
istum obuolui pelle vrsi, & deinde ad spectaculum  
educi: tunc incitat in ipsum aliquot molossos, & ca-  
nes Britannicos efferos: Canes putantes hunc indu-  
tum pelle vrsina esse vrsū, illum morsibus & vn-  
guibus



guibus dilacerant, & crudeliter laniant, eosque quo membratim sic discerptum relinquunt. Ita inhumanner iste vitam finit.

*DE TRVCVLENTO FACINORE, ET  
crudelitate summa, quam ille summus Dux exercuit  
in captiuos Lituanos, Ruthenos  
& Polonos.*

**A**Nno Domini 1569. die Ianuarij nono, cùm Lituanici copias militum non valde magnas cōscripsissent, quarum dux & imperator erat quidam Polubienſius strenuus vir: ceperunt inopinatò urbem & arcem vulgò Izborg dictam, quæ sanè natura loci est satis fortis. Hęc vrbs iam pridem parebat Moscho-uitis: at quia non erat bene nec milite, nec annona hæc arx munita, iterum recepta est à Moscho, & à nostris amissa. Magnus itaque Dux cùm videret se amississet tam munitam arcē, statim furore & rabie quadam plenus, iubet vt omnes Lituani, Rutheni ac Poloni, qui erant in vinculis crudeliter maētentur. Verùm quorundam consilio, qui certas causas ei proferebant, ne id scelus committeret, factum, vt hinc ius furor interciderit, nec quod impiè cogitauerit, perfecit. Atque licet tunc eis pepercerit, tamen postea omnes internecioni dedit, vt suo loco explicabimus. Quamobrem illi captiui, qui in ergastulis in vrbe Moschonia asseruabantur, ad laniendam & macellum ab eo constitutū: nihilominus tamen, quo suum sanguinolētum animum pasceret, sic ipsi placuit, vt eius satellites passim captiuos per arces in vinculis dispositos adducerent, maxime verò eos, qui erāt in carceribus, Pereſlauia, Roſtouiā, Vchlicia, Costroma. Isti aut omnes erant Poloni, Lituani & Rutheni,

*Moschus fa-  
cit in capti-  
vos.*

vnà cum vxoribus & liberis, quos ad vnum crudeli-  
ter perdidit, aquisque obrui iussit. Sic itaque hoc diro  
mandato instructi satellites magni Ducis, ad illas ar-  
tes venerunt, hacq; insidiosa oratione erga illos mi-  
seros vinctos vsi sunt. Nunc magno beneficio magnus  
Dux & imperator vos afficere cupit, & etià regi Po-  
loniæ hunc fauorem declarabit, quòd vos liberos di-  
mitteret in Lituaniam: idcirco vos deducemus ad con-  
siliarios principis, interea vxores & liberi vestri vsq;  
ad triduum hinc vos expectabunt. Arque cum à con-  
spectu carissimarum vxorum & liberòrum abduxis-  
sent illos procul, tum vinctos manibus pedibusque  
proijciebant in rapidissimum fluuium Volga appel-  
latum. Verùm exacto triduo quidā Moschouita mi-  
sertus vicem istarum mulierum frustra maritos ex-  
pectantium, inquit: O misere animæ, & infelices mu-  
lieres, vos eadē fors manet, quam iam passi sunt ma-  
riti vestri, qui sunt proiecti in Volgā fluuium. At  
cum affaretur istas mulieres homo ille, satellites in-  
terueniunt, quorum manus de cæde maritorum e-  
rant adhuc cruentatæ, & spirantes necem, venerunt  
in carcerem, vnde abducunt gregem illum mulierum  
captiuarū cum liberis ad submergendum aquis. Tum  
illæ calamitosæ scæminæ & infortunatissimæ, sibi p-  
ponentes ob oculos vicinam mortem adeò horren-  
dam & terribilem, multis effusis lacrymis petunt ab  
istis administris principis, vt aliquid temporis conce-  
dant, quo sua peccata Deo opt. max. cõlteri possint,  
& eius misericordiā implorent, velitque pro sua cle-  
mentia omnibus eorum erratis clementer ignosce-  
re: id quod à satellitibus eis cõcessum est. Idcirco ho-  
ras duas versabantur in piis orationibus & deprecā-  
tionibus

*Moschus, He-  
rodas infan-  
ticida, supe-  
rat crudeli-  
tatem.*

tionibus, ardentissimis votis petentes à Deo, vt illis pro sua diuina bonitate ac clemētia parceret, & ad se reciperet: ac cantatis diuinis hymnis, animas suas Christo redemptori, ad supplicium mortis subeundum se pararant, mutuisque oculis sibi datis, mirificè se consolabantur, vt forti patientique animo omnia perferrent. Istis rebus omnibus absolutis, ducuntur ad flumen, quarum alix liberos manu trahunt, alix verò infantes suos vberibus admouent. Sed cū iam ad ripam rapidissimi illius fluuij venerūt: tūc pro ingenio & natura muliebri, partim ob inusitatum genus mortis, in tam horrendum eiulatum, fletumque erumpunt, vt & cælum ipsum penetrarint. Satellites autem inhumani, minari eis cœperunt, vrgentes eas, quo illæ sua sponte se aquis traderent. A quo indigno facinore cū abhorrerent, statim illi satellites in eas impetum faciunt, & eas cum liberis in aquas illius fluuij, cuius glacies confracta erat, abijciunt. Et sanè ob tristissimi & crudelissimi istius facinoris aspectum, vulgus Moschouitarum cū non possent se continere, in lacrymas effundebatur, commiseratione summa percussus, quod tam indignissimè istæ infantes foeminae cum liberis tam detestanda morte affectæ fuissent, execrātes in vniuersum carnificum istorum immanitatem. Quapropter cū has voces, lugubres populi audirent satellites, quodque ægerri-  
mè ferrent hoc genus supplicij, tunc minis vtentes ac ferientes populum baculis, abigunt, hæcque verba addunt. O rebelles magni Ducis, apertè videmus, quod propter istos captiuos supplicio affectos, fletis, at propediem credite, vos eadem fata sequentur.



## DE FRATRICIDIO PERPETRA-

to a magno Duce anno Domini

1570.

*Cainū impi-  
tatur ma-  
gnus Dux,  
occidit A-  
belum.*

**F**Rater germanus magni Ducis immeritò ac per-  
fidè delatus fuerat à quodam consiliario, cui no-  
men erat Trzeciak Wiskonati. Audita hac iniusta ac-  
cusatione princeps, nullā fecit potestatem fratri fal-  
sum crimen diluendi, atque quàm ingentes crucia-  
tus excogitare potest, illos adhiberi iubet ad excar-  
nificandum & torquendum fratrem. Dumque est in  
mediis cruciatibus, exegit ac extorsit ab eo omnes il-  
lius thesauros, & bona omnia tam mobilia, quàm im-  
mobilia sibi vendicat, atque cum præ magnitudine  
tormentorum vix semiuiuus esset, tum iussu princi-  
pis securi illum ferit carnifex. Deinde fratriam suam,  
quæ ante conspectum eius procumbebat in terram,  
facie demissa, implorans misericordiam, arripi iubet  
à satellitibus, omnibus vestimentis exui, & turpissi-  
mè nudam cōstitui. Ita diutissimè illa miserrima fœ-  
mina nuda omnium oculis exposita fuit.

*Neroniana  
crudelitas.*

Deinde quidam miles iubente principe eam funi  
alligat, & conscenso equo, velocissimo cursu sine vl-  
la misericordia, pertrahit illam in flumen, & aquis  
submergit ac perdit. Sic iste magnus Dux tam ἀσέπτος  
& impius exitit in fratrem & fratriam.

*QVO AMORE MUTVO SE PRO-  
sequi soleant Moschouita.*

*In Moscho-  
nia homo  
homini lu-  
pus.*

**H**Oc genus hominum Moschouita, est adeò bar-  
barum & perfidum, vt nihil sinceri sit apud eos,  
nec se vnquam vero ac naturali amore prosequun-  
tur, alter alterum impudentissimè & cōfidentissimè,  
sic

sic sunt perfrictæ frontis, criminis alicuius insimulare non veretur, siue palàm, siue clàm, aut apertè, aut per insidias inuicem perniciem sibi machinatur, mutuisque conuitiis laceffere se soliti sunt. Familiare est apud eos patrem filio insultare, & filium in patrem irruere, ac fratrem perfidè deferre, sic vt nulla apud eos fides, & sanguinis reuerentia sit, etiã in conspectu magni Ducis se proscindunt contumeliosè. Itaque accidit semel ante principem anno 1570. quosdam duos fratres germanos, & nobiles, istius rei luculentum documentum edidisse, horum vnus vocabatur Mikieta Obolinski, qui malo genio præditus familiaris gentisq; nomen patrium suum commutauerat: idq; audiente ipso Duce, excogitauerat aliud cognomen; nèpe PoWrozoWski, ac si diceres funigerum aut furciferum, & patibulo dignum hominem. Alter autè frater sue nobilitatis haud immemor, gentileque nomen retinens, cùm fratrem alloqueretur, cõpellare cœpit nomine gentili Obolinski, qui velut furens, & atroci iniuria à fratre affectus, magnũ Ducem adit, & ad eum sic fratrem defert: Princeps serenissime, peto abs te, vt ius mihi administres de fratre, qui infami nomine me contaminauit. Vocor PoWrozoWski, & me contemptim appellauit Obolinski. Idcirco supplex te oro, vt meritas ille luat pœnas, non enim leuem ab eo mihi factam iniuriam cõfesso. Tum magnus Dux euocat consiliarios, quasi de re maximi ponderis consultandum fuisset, inquiring: Necessè est, vt vos hanc contentionẽ & grauẽ controuersiam inter istos duos fratres exortam adhibitorũ summo iudicio, & magna cum æquitate diiudicetis. Frater itaq; ille, qui ita turpiter abnegauerat suam

*Nec frater à fratre, nec scer à genere suum.*

*Crudelissimam ob nobilitatis defensionem adversus degenerem.*

nobilitatem, accessit ipsos consiliarios, ut rem totam enarraret, & sibi ius reddi postulet adversus fratrem: Atque cum iam venisset frater alter, qui merito suam nobilitatem intuebatur, en in caput illius inuolat iste perfidus, & obijcit vrsus, qui eum unguibus dilaniare incipit, crudeliterque dilacerat. Et cum immanis iste frater videret quodam modo feram bestiam lassari, ense ferit alterum fratrem in pede, & statim magna vis sanguinis profluxit, quo ille inunxit os vrsi, qui cum primum lambendo cruorem humanum iterum degustavit: & sic animatus vrsus secundo apprehendit illum miserum nobilem, & horribiliter deformem reddidit. Quare iam iste impius frater, videns sibi pro iniuria scilicet esse satisfactum, voluit feram abstrahere & arcere, ne amplius saeviret, neve fratrem mactaret: at vrsus ita aestuabat, & ad mactandum accensus erat, ut nec ab illo, neque a multis aliis posset difficulter ab illo dilaniando abstrahi, tandem ex faucibus vrsi, & carnificina illa ereptus est ille nobilis.

Simile quoddam facinus huic accidit, cum magnus Dux Novogrodiam depopularetur, ferro, inquam, & igne omnia perderet, ut supra dictum est, ducti sunt captivi aliquot nobiles in Moschouiam urbem, inter etiam illos fuit quidam cum vxore & liberis, quem nobilis commendavit cuidam aulico regio amico suo. Iste cum detineretur captivus diu ab isto aulico, semel conqueri coepit, idque gravissimè de inaudita illa tyrannide, qua usus est magnus Dux in Novogrodiensibus internecioni dandis, deque iniuriis, quibus ille & tota nobilitas affecta fuerat: & plane iugum istius tyranni esse intolerabile, hisce verbis: Deus qui solus iustus est, haud dubiè suo tempore vin-



revindictam sumet de illo sanguine innocentū tam inhumaniter & crudeliter sparso, in ipsum Ducem & totam eius posteritatem: dignis pro meritis pœnis ipsum castigabit. Deinde paucis post diebus, cū in animo suo volueret, se nimis temere ista effutiuisse, & hunc nobilē, apud quem erat in captiuitate, hęc delaturum ad principem. Itaque fraudulenter excogitare cœpit, nihil esse melius, quàm si potius in hospitem suum hoc crimen transferret. Scribit supplicem libellum ad principem, in quo indicabat magno Duci hunc aulicum principis hęc verba in dedecus ipsius protulisse: tradidit eundem libellum deferendum aulico, qui inscius erat omnium quę scripta fuerant. Magnus dux quàm primū perlegit supplicem libellum, iubet ad se accersi illum Nouogrodiensem nobilem, qui erat captiuus apud hunc aulicum. Iste oblatus principi, ferrea fronte pœditus, statim confert crimen, quo erat reus in ipsum aulicum impudentissimè, & ita se rem habere asserit, inquit: Serenissime domine & magne Dux, tu nos subditos & seruos fideles affligis miris modis, interfici, membratimque disseccari iubes: facultates & fortunas nostras nobis rapis, proditores nos appellas, rebelles & periuros, & alia horrenda nobis obijciuntur, & ob oculos ponuntur, quę omnia immeritò patimur, nec istorum rei sumus. At si scires quo odio vel plusquam Vatiniano te prosequantur tui domestici, & & quanta sit perfidia illorum, quibus plurimum fidis, erga te, quos quotidie maximis accumulas beneficiis: profectò egregiè eos exciperes, ex quorum numero est iste aulicus tuus, cuius carceri me tradidisti. Nam heri vesperi me præsente & audiente, ia-

*Nec hospes  
ab hospite  
tutus. Sin-  
gens ingra-  
titudinis e-  
xemplum.*

Et abundus hæc verba pronunciabat: O vtinam Deus citissimè innocentes vindicet à crudelitate istius tyranni magni Ducis, nam ille diris tormentis suos afficit, mactat & trucidat infontes, eorum bona & opes sibi adscribit, contra omnem æquitatem. De quibus rebus & iniquitatibus Deus breui sumet supplicium, istum principem & tyrannum conteret & euertet cum tota eius familia, nec patietur eius successorem regnare. Tum magnus Dux irrumpit in iram, & sic inquit ad hunc miserum aulicum iniuste ab ipso captiuo accusatum: O perfide percipisne ea, quæ iste contra te profert? nec data illi potestate respondendi & diluendi falsam criminationem, variis quæstionum generibus torquetur: qui cum nihil fateretur, & confictum crimen diceret: iussit hominem membratim disseccari, & postea in profluentem iaci: sic ille nobilis ignobilis planè & belluini ingenij falsò detulerat ad principem infontem, lingua sua mendaci accersiuir necem innocenti, & ipse ex alterius interitu vitam & libertatem sibi comparauit.

*MISERABILIS ET INDIGNISSI-*  
*malaniens, cum duorum procerum Moschouitarum,*  
*um etiam reliquorum Lituanorum ac Po-*  
*lonorum captiuorum, quibus pau-*  
*lo antè pepercerat ma-*  
*gnus Dux.*

*Dies festos*  
*Dux Moscho-*  
*uia sanctifica-*  
*re soles.*

**A**Nno Domini 1570. cum ex Moschouia internuncij regis Polonia, proceres Poloni & Lituanici discessissent, die Eliæ prophætæ, qui dies festus apud Ruthenos est celeberrimus, & magnus Dux accuberet mensæ, & ei apponerentur secunda fercula, velut

velut quodam æstro correptus, surgit à mensa, & sic alloquitur sibi astâtes satellites, sequimini me, quod faciunt ipsi, & mille quingenti catapultarij equites: ille verò princeps pernicissimo cursu pergit ad arcē, ibique omnes ordine se collocât ante palatium Ducis, tum etiam in hac arce cūm habitaret vir summus, & ex proceribus non postremus, Petrus Serebrinus, & rei bellicæ peritissimus, iubet magnus Dux ipsius domum more hostili impeti & inuadi ab istis militibus, ipsum autem capite diminui & truncari: dicto principis parentes irruunt in domum illam, statim capiunt, & miserum illum Serebrinum extrahunt ex ædibus, ac offerunt magno Duci, qui sine alia inquisitione, nec facta vllius facinoris admissi ab eo mentione, cōfestim ille satellitum præfectus ScWator, arrepta securi caput illi amputat. Ad extremum cūm magnus Dux, quicquid illi visum fuerat, rapuit & ex fortunis istius Petri Serebrini, reliquum permisit prædæ militum; & ne quid superesset bonorum illius, iussit reliquias flammis & igne perdi. Vbi istud perpetrasset, conuertit se ad alium locum arcis: (est autem hæc arx amplissima, & valde spaciola: vbi complures magnates & nobiles habent ædes suas) & iubet magnus Dux cuidam nomine Bulato magistro equitum, vt cum nō parua manu militum ædes adeat clarissimi & magni nominis viri Miessoiedi. Huic magno viro princeps vix ante annum rapuerat vxorem elegantis formæ fœminam & ancillam, quâ turpissimè abusus, & illas vbi violasset, fecerat suspendi ac strangulari in superiori limine ianua edium istius viri, vt suprâ diximus. Iste præfectus equitum aggreditur illas edes, & expugnat facillimè,

*Petrus Serebrinus inique perit.*

*Eadem fors est viri illustis Miessoiedi.*



hunc Miessoiedi in medium forum trahunt: & ipse præfectus caput illi acinace obtruncat: qui cum iam commisisset istud sceleratum homicidiū, ense & manibus cruore madentibus procedit ad magnum Ducem, & velut re maximi momenti præclare gesta, ait: Serenissime domine & magne Dux, iam summo cum honore perfeci quod tu mihi in mandatis dederas. Ibi magnus Dux pro suo more vociferari cœpit suū *Hoyda, hoyda*, cuius clamorem tota turba sequuta est, eadem felici acclamatione vtentes. Ex arce deinde magnus Dux deflectit ad carceres, vbi erant multi captiui Poloni & Lituani, suis satellitibus armatis comitatus. Vbi quidam mercator ciuis Moschouiticus, quid ageretur ignarus, vbi eminus conspicit magnum Ducem cum tanto satellitio, retrogreditur præ metu tyranni, quem statim apprehendi iubet & frustulatim dissecari, inquiens, ne vnquam fugias ante conspectum tui supremi domini. Atque cum propius ad carcerem veniret, ipse Commentariensis, qui ibat petitum panem pro captiuis, aspiciendo principem aduentare, præ timore etiā reuersus est, & eundem magnus Dux raptum, minutim secari iubet, dicens: alia vice non timebis. Itaq; cum iam appropinquaret portas primi carceris, dicit custodi, vt citissime fores aperiat, qui metu correptus & tremebundis manibus vix aperuit: Aperto carcere indicit primo educendos nobiles captiuos Polonos & Lituanos, quorum primus fuit Petrus Biekoſki eques Polonus strenuus miles, illius pectus transfodit magnus Dux lancea, at tam generosi fuit animi ille Biekoſki, vt lanceā arripuerit manibus, & intorquere voluerit in ipsum magnū Ducem, vt hoc pacto perpetuam

*Obuios ma-*  
*stat Dux.*

*Belluina*  
*crudelitas*  
*in captiuos.*

*Magnani-*  
*mitas Bie-*  
*koſki in*  
*tyrannum*  
*Moschum.*

peruam nominis famam sibi conciliaret, quòd tam infensum generi humano tyrannum sustulisset. At magnus Dux hoc animaduerso, cœpit exclamare in filium: Iuuan I Wan, id est Ioannes fili fer opem, qui celeriter accurrit, & iterum illum Bieko Wski hasta transfodit, & sic mortuus in terram cecidit. Secundò productus ad Ianienam alter nobilis Polonus Albertus Bugaski, hūc etiā ipse Dux sarissā sua trāsuerberauit. Tertius fuit Besus, nobilis & magnæ familie, gente Silesius, qui eodem mortis genere periit. Quare cū istos strenuos viros & nobiles Polonos manibus suis interfecisset, cœpit suo acclamationis genere vri, velut magnam victoriam adeptus fuisset, *Hoyda, Hoyda*, quem ita ouāntem omnes clamātes & vsurpantes hanc vocem persequuti sunt. Tum sic affatur suos satellites: Mactate mi iuuenes: irruite in carcerem, & obuios quosq; captiuos sine discrimine & vlla misericordia membratim dissecate omnes. Isti dicto parentes, in primo carcere quinquaginta occidunt vinctos: Postea accedit secundos carceres, & similiter manibus suis occidit tres nobiles, quorum vnus erat Ruthenus, ætatis maturæ, Polocensis Iacobus Molski, alter erat gener illius, eques Polonus, Iacobus Molski, sic & tertium similiter nobilem Polonum, quibus omnibus ita trucidatis erumpit in suam vocem lætitiæ solitam, & omnes ei accinunt ac respondent: & statim reliquos iubet à suis satellitibus dissecari, quod factum est; erant autem quinquaginta quinque, exceptis multis infantibus, qui vix nati erāt dies septem. Terriò cū accessisset carceres, ibi & manibus suis edidit crudelitatis suæ exempla, tres mactando nobiles Polonos, alios ferē

*Litat Plus  
tons Mosch,  
trucidando  
captiuos, in  
omnib. car-  
ceribus po-  
sitos.*

quinquaginta quinque, cum securibus & ensibus satellites membratim trucidarunt. Sic perpetrata hac immani strage & inaudita tyrannide, sic sparsa dissectaq; illa corpora iacere permisit supra terram, quæ iam epota & imbuta erat, & mollissima reddita ex effusione sanguinis illius humani. Quamobrem rediit triumphans & ouans in palatium, & totum illum diem in hymnis & tripudiis, & omni sonitu instrumentorum musicorum consumpsit: non aliter ac si magnam victoriam de hostibus adeptus fuisset: Sub vesperum præcepit frustula membrorum istorum occisorum colligi, & extra urbem poni: qui in tres cumulos sunt collocati, & aspersi arena & terra: sic mādati sunt sepulturæ. Erat inter cadauerum frusta mulier nobilis vxor illius Molski, quæ cūm fuisset grauitè fauciata, nondum mortua, hæc orabat pollinctores qui fossam faciebant, vt eam dimitterent liberè & parcerent ipsi: at illi nulla moti misericordia sepelierunt eam viuam cum illis fœtidis cadaueribus.

*Mexentius  
augebat &  
na corpora  
mortuis, sic  
Moschus fa-  
cit.*

Duo nobiles captiui ex ista immani laniena remanserant, quos tamen postridie iste tyrānus capite plecti iussit, & extra urbem projici, vixq; aliquid terræ illis iniectum. Vbi erant illa cadauera tot nobilium & strenuorum virorum, vix arena superiecta fuerat, id quod haud dubiè ex composito fieri iusserat magnus Dux ille, vt essent alitibus & feris præda. Tertio deinde die, quidam Germanus tormētorum bellicorum præfectus, misertus hanc projectionem cadauerum, quibūsdam tres taleros dedit, vt fossa profunda facta, vel maximè terræ tumulo iniecto, hæc cadauerum reliquias sepelirent & tumularent.

*Bombarda-  
rij Germani  
facinus mi-  
sericordia  
plenum.*



## DE TRVCI CARNIFICINA, QVAM

*exercuit magnus Dux in clarissimos quosque  
suos consiliarios & optimates.*

**D**e sancti Iacobi in Iulio anno 1570. in ipsa vrbe Moschouia, magnus Dux iussit affigi octodecim palos grandes, & supra illos totidem trabes in transversum apponi in formam furcarum. Ciues cum primum animaduertunt tale theatrum parari & instrui, ingenti metu correpti, se in fugam proripiunt, etiam mercibus & tabernis meritoriis relictis, prædæq; expositis: nemo sanè præ metu in forum prodire audebat, Nam isti rumores in vulgus sparsi fuerāt, ipsum magnum Ducem instituisse omnes ciues vrbis Moschouia: extremo afficere supplicio, crucique cōplures affixosiri. Satellites ad maiorem terrorem incutiendum, in medium forum adferebāt varia genera tormentorum & quæstionum ad homines torquendos, quæ admouebant ististrabibus. Deinde excitato luculento igne, vas ingens aheneum apponebant aqua plenum, vt bulliret & feruoret per multas horas. Quibus rebus ita comparatis venit magnus ille tyrannus, stipatus ampla & copiosa suorū satellitum caterua: & ita instructus, quasi vellet in aciem & pugnam exire: sequebantur eum velut à triariis mille & quingenti catapultarij: Duxque ipse se collocauit penes ahenū, exercitus verò militum in circuli & coronæ formā dispositus. Tum adducti sunt in proscenium trecenti nobiles Moschouia:, antiquissimarum & nobilissimarum familiarum homines, qui paulo antè præ nimio quæstionum cruciatu ita mutilati, & pessimè tractati fuerant, vt vix semiuui

*Theatrum  
luctuosum,  
& miserabile erectū à  
magno Duce  
die S. Iacobi.*

*Descriptio  
noui suppli-  
cij.*

viderentur, vixque pedibus stare poterant, sed à militibus trudebantur turmatim, ut pecudes ante principis conspectum.

Is cum perspiceret omnes præ pauore & ingenti timore se abdidisse in latebras & domos suas, ipse tunc obequitare cœpit per omnes vrbis plateas, clara voce euocabat cives, inquiens: venite absque vlllo metu, securi estote, prodite spectatum, nihil grauius in vos cōstituiam, hoc vobis polliceor, quamuis is meus fuisset paulò antè animus, vos omnes funditus dele- re & perdere, sed iam mihi hæc mēs mutata est, tutò egredi potestis, & in forū venire intuitum quid age- tur. Tum miserrimus ille populus egressus turmatim & confertim, forū repleuit, imò erat tanta multitu- do spectatorum, ut multi ascenderint domorum te- cta, quò quis istius tragœdiæ futurus esset exitus, vi- derent. Atque postea affatur sic illam promiscuam hominum multitudinem: An num, ô subditi, iustissi- mē ago, quòd ita pœnas luāt perfidi & scelerati pro- ditores mei? tum populus statim vno ore acclamare cœpit: Viuat diu felix, & incolumis princeps & rex noster: at improbi & flagitiosi suis meritis dent di- gnas pœnas. Deinde magnus Dux iubet produci centum & octuaginta ex illo damnatorum nume- ro: postea sic alloquitur nobiles, qui ad illud specta- culum venerant: En vobis istos liberaliter dono, do- que eis vitam, accipite illos, liberos à noxa dimitto: eisque pro mea clementia, gratia ac fauore igno- sco, hoc pacto isti liberè dimissi, & ex præsentī mor- te diuino beneficio erepti. Tandem prodit magni Ducis primus secretarius, qui damnatorum album & catalogum habebat: & tum iubet educi quendam

Moscho-

*Malus ani-  
mils in Du-  
ce, & mala  
mens.*

*Mis ex popu-  
lus præ timo-  
re applau-  
dit Duci.*

*Præter spem  
multi libe-  
rati.*

Moschouitam antiquissimo genere cretum, præci- *Falsa accu-*  
 puus inter eos, qui ab intimis consiliis Ducis sunt, e- *sationes in*  
 rat: appellabatur Ioannes Michaelowic Wisko Wa- *cancellariū*  
 ty. Ibi ille secretarius principis, longa serie referre *principis.*  
 incipit crimina, quibus falsò ille vir præstantissimus  
 accusatus fuerat hisce verbis: Ioannes Michaelowic  
 Wisko Waty, cancellarius magni Ducis, perfidissimè  
 & impiè se gessit in principem. In primis scripsit regi  
 Poloniae se ei velle tradere ciuitatem & arcem mu-  
 nitam, sui supremi domini, quæ est in magna Nouo-  
 grodia: & hæc est prima in te accusatio: at tum scutica  
 illum in caput percussit, addendo hæc verba: Perfi-  
 dus es & ingratus, quòd vsus sis hac improbitate ad-  
 uersus tuum supremum dominum. Altera perfidia  
 est ista, quòd literas dederis ad imperatorem Turca-  
 rum, vt cum exercitu potentissimo veniat occupa-  
 tum & debellatum regna Scythica, Casanense & As-  
 traense, vt erat illi in votis: quo dicto similiter fla-  
 gello cæsus est in caput, subiecitque, & secundò tuum  
 principem fraude doloque pròdere voluisti. Ter-  
 tium facinus quod admisisti est, quòd ad Scytharum  
 Cæsarem literas dedisti, quibus ipsum hortatus es, vt  
 cum suo copiosissimo exercitu irrumperet in Mo-  
 schouiam, eamque deuastaret & depopularetur, at-  
 que occuparet: vnde factum est, vt ingens damnum  
 & irreparabile dederint Tartari in Moschouia: tam  
 ipsius Ducis arces igne perdendo, quàm etiam lon-  
 gè lateque miserum populum ferro interficiendo,  
 & vinctos multos catenis in durissimam seruitu-  
 tem, innumerabilem inquam vtriusque sexus tur-  
 bam abigendo: quorum cum sis author tantorum  
 malorum, meritò vltimo es afficiendus supplicio:



*Gravis apo-  
logia cancella-  
rii ad con-  
fessas crimi-  
nationes.*

atque ut antea fecerat, flagro asperrimè eum cæci-  
dit regis secretarius. Tum miser cancellarius istis fal-  
sis criminationibus insimulatus, & cum se innocen-  
tem esse sciret, sic respondit: Testor Deum optim.  
max. qui solus est scrutator cordiū & renum, in cuius  
conspectu profiteor me esse peccatorem, sed confi-  
do eum pro sua diuina clementia, propter sanguinè  
effusum carissimi sui Filij, mei misertum iri. Testor,  
inquam, Deum, me semper fidum & diligentem fu-  
isse in munere publico mihi commissio à magno Du-  
ce, ut fas est: ideo à falsis istis accusatoribus prouo-  
co ad tribunal Dei, quòd iniustè sum accusatus & tra-  
ductus apud principem, atque hac impostura dete-  
getur in extremo die iudicij. Princeps, cum stabis ad  
conspectum diuinæ maiestatis, mea innocentia ap-  
parebit: nunc verò apud te nulla ratio & æquitas lo-  
cum habet, nec me à criminibus falsò mihi imposi-  
tis licet purgare. Adeò est tua auaritia inexplibilis, &  
pertinacia vlciscendique libido, ut sitias sanguinem  
meum: ebibe igitur illum pro lubito, & iam satisfac-  
cias tuæ improbitati, ut constituisti: nunc quidem  
tua figmenta & importuna commenta videntur ha-  
bere speciem veri: quia omnia per vim agis. Itaque  
satellites excipiunt, en videmus te esse reum, cum  
ram dura oratione insurgis in principem, turpiter  
lapsus es, & tuos sermones optimè expendimus. At  
ille cancellarius ait: Vos ô infelices homines cum  
magno Duce, estis prædones, & omnis improbita-  
tis illius administri: effunditis immeritò cruorem in-  
nocentem: tyrannicè omnia agitis, per fas & nefas  
ruitis in cades mortalium. Hac omnia quæ mihi ob-  
ijciuntur, falsissima sunt, nihil vobis facilius, quàm  
tollere

tollere è medio in fontem: at Deus aliquando, & veniet hora, quæ non speratur, cum vos puniet, & pro meritis in vos grauitè animaduertet: quæ cum tam liberè protulisset, conspuìt in faciem illorum. Quare magnus Dux iubet carnificibus hominem rapere: quem statim raptum, exuunt & ligant ad furcas illas sic dispositas: & suspendunt prono capite & ore in terram. Præfectus satellitum sic affatur ipsum magnum ducem: Quo genere supplicij istum affici iubes? Tum respondet, vos omnes aulici mei suo ordine istum excarnificare debetis & dilaniare: Quare accingit se operi iste præfectus Molut W dictus, & ex equo descendens, accepto cultro auriculam dextram illi abscidit, alter aulicus sinistram excidit, tertius labra amputat, & sic ordine omnes illum membris mutilarunt, vt omnes se tam nefando homicidio contaminarent, & cæde istius innocentis essent rei. Ad extremum quidam secretarius principis ne quid deesset ad cumulum crudelitatis, eòscidit illi pudenda, & tum statim exalauit animam miser cancellarius. Quare magnus Dux videns ob abscissum membrum genitale, statim obiisse cancellarium, indignissime tulit, atque dira imprecatus huic secretario, sic in eum inuectus est: O scelerate, expectes paululum, istud totum est tibi exedendum, quod iste exedere debuit. Nam penitus credebat, quod commiseratione motus, cruentas manus ita illi intulisset, vt citò è viuis discederet. Cõstituerat sanè istum secretarium morte truculenta punire, sed Deus anteuertit tyrannidè principis, quia paulo post lue infectus, mortuus est. Satellites deinde demortui Ioannis Wiskonati corpus deponunt ex furcis, & sic sequire incipiunt.

*Crudele supplicium, quo affectus indignè cancellarius.*

in illud cadauer, frustulatim illud conscidendo, prius tamen abscisso illi capite. Iste est exitus istius præstantissimi ingenio & virtutibus multis, excellentissimi viri cæcellarij magni Ducis, cui parem nunquam habuit imperium Moschouiticum.

*Theſaurarius magni Ducis eadē bonitate cōscientia freſus, quæ cæcellarij præſtatur ad necem.*

Iuſſit ſecundo loco produci in theatrum, ſuū theſaurarium, cui nomen erat Michael Funichow, vir magni nominis & ingenij acerrimi, ſocius fidusque amicus illius cancellarij. Iſte non longis verborum ambagibus uſus eſt in ſua deſenſione, ſed breuiter ſic loquitur: Appello ad Deum, qui omnium rerum eſt conſcius, & cuius oculus omnia intuetur, quia nunquam quicquam in te dominum meum commiſi, ſemper bona fide & ſine fraude in adminiſtratione mei muneris me geſſi: & cū accuſer abſ te, impiè & iniquè iam tibi dicam ſcribo, & anima tua in altero ſeculo ſe ſiſtat coram diuina maiestate, ut mihi ſatisfaciat. Hæc verba ubi protuliſſet, iubet magnus Dux arripi miſerum, & exui, atque ſurcis alligari eo modo quo & cæcellarius. Tum poſtea ille Maluta præfectus ſatellitum haurit ex vaſe æneo, ubi erat aqua feruidiſſima, & deinde alter equorum magiſter accepit vaſ plenum aqua frigidiffima; iſte primò illa aqua caput abluere cœpit, poſtea calidam & feruidiſſimam aquam infundebat: ſic ille infortunatus vim feruoris & ardoris illius aquæ ſentiens, ob atrocem feruorem vociferabatur mirificè: at ille miniſter tyrannidis Maluta magis ac magis infundebat illam calidiſſimam aquam, ita ut tandem pellis capitis contraheretur in modum ſerpentis, cū ſe in ſpiras contorquet: ita hoc crudeliſſimo ſupplicij genere conſectus, expirauit. Tertiò iubet adduci in medium

ſuum

*Genus ſupplicij immmanè.*



suum cocum, iste cocus infinitis falsis testimoniis reuserat peractus, eoque genere supplicij est affectus, quo & Ioannes Wiskowaty, nempe membratim est dissectus, amputatis illi pudendis. Deinde iussit adduci quendam Georgium Czapkinu cum vxore & liberis, qui inter amanuenses & secretarios non postremum locum tenuit, cumque ex equo descenderet magnus Dux, Basilius Themkin iussu principis caput illi abscidit, sic & vxori ac liberis. Iste Themkin erat proscriptus ex Lituania, ob necem Palatini Ploccensis, & in Moschouiam aufugerat, tanquam ad asylum, primumque locum ac precipuum inter aulicos principis tenebat.

*Coco suo nō parcat magnus Dux.*

*Georgius Czapkinus cum vxore & liberis occiditur.*

Deinde productus est alter secretarius, cui nomen Ioannes Bulhakow, qui fuit vnā cum vxore, & liberis etiam capite truncatus à Palatino Chirnouiensi, is vocabatur Pietrouicius.

*Sic & Ioannes Bulhakow.*

Tunc iubet educi & secretarium suum Basilium Stepanow, quem & indicta caussa aulicus è vestigio capitali pœna afficit mandato principis.

*Idem fatū Basilij Stepanow.*

Ad extremum, vt ad hoc tragicum ac crudele spectaculū nihil prætermitteret, præcipit magnus Dux ducentos nobiles captiuos extrahi in arenam, quos nominatim iubens sisti ante se, damnat morti, & singuli aulici ordine eos capite truncant, quæ cæde confecta, prodeunt in conspectum principis manibus & gladiis cruentatis cum hac voce latitiæ *Hoyda, Hoyda*. Sic se turpissimè aulici magni Ducis sanguine innoxio contaminarunt. Tum eodem tempore mandat magnus Dux è vinculis venerandum quendam senem adduci, quem statim in equo ille arrepta hasta transfixit: & quamuis sic transfossus miser senex

*Crudelis mors ducentorum nobilium.*

obierit: vt impleret suam crudelitatem illum plus quàm sedecim vulneribus sauciauit. Hæc crudelitatis & tyrannidis horrèda facinora perpetravit intra horas quatuor. Illa cadauera nuda ita iacebant in terra, quorum non paruus erat numerus: & cùm lustraret illa cadauera quidam ex principis satellitibus, caput-  
 que Michaelis thesaurarij intueretur, exerto ense caput in duas dissecuit partes, hisce verbis additis: R e-  
 corderis quid mecum egeris. Sub vesperum cadaue-  
 ra illa sunt in vnum cumulum collecta, & extra vrbis portas elata, ibique ingenti fossa facta, iniecta & ter-  
 ra obruta. Sic crudelissimè tot cædibus perpetratis iam in palatium princeps rediens, defleat ad ades  
 Michaelis thesaurarij, vbi inuenit vxorem illius, ele-  
 ganti forma præditam, & verè honestam, valde lu-  
 ctu & dolore magno plenam, atque suspirantem, ob  
 mariti necem, ducis Ophanasi Wiazinski soror erat,  
 de quo supra mentionem fecimus. Magnus dux spi-  
 rans suam immanitatem, apprehendi iubet, & exten-  
 di funem asperrimum, qui ab vna partè muri ad alte-  
 ram extēdebatur, & cum natibus nudis assidere huic  
 funi, qui plurimum carnem & cutem excoriabat, vt-  
 que detegeret mariti thesauros, ab vna parte vsq; ad  
 alteram extraheretur cum summo cruciatu. Filia e-  
 ius, quæ erat quindecim annorum, hoc crudele ge-  
 nus tormenti videns, non potuit se continere, quin  
 eiulatu testaretur dolorem suū. Dux iubet illam ra-  
 pi in medium, at filius Ducis maior natu, commiseratione  
 motus, accurrit, & vestem eius tenens sic affa-  
 tur patrem: Pater carissime, dona me hac puella, ego  
 cæceribus illam occludam: tum pater, accipe tu qui-  
 dem, sed postea matrem illam reddas. Deniq; cum istis  
 magnis

*Impudēs &  
 crudele fa-  
 cinus in v-  
 xorem the-  
 saurarij.*

*In Exores &  
 liberos occi-  
 sorum suorum  
 procerū sa-  
 nit, & bona  
 omnia diri-  
 pit.*

magnis cruciatibus & tanto dedecore honestam illam matronam affecisset, & filiam eius in monasterium relegauit: vbi illa ob magnitudinem vulnerum & cruciatuum quæ passa fuerat, dum traheretur per funem, non diu superstes extitit. Filium etiam istius thesaurarij in vincula coniëcit, & omnes fortunas eius cuiuscunque essent generis, ei accepit: sicque distribuit, vt meliorem partem sibi vindicaret & attribuerit, quod erat vilius prædæ suorum militum exposuerit.

Eodem die venit in edes Ioannis Wisko Waty summi olim eius consiliarij, qui antea truculentè mactatus fuerat, vxorem in quoddam cœnobium deportari iubet: filium autem eius damnat perpetuis carceribus, & relegat in arcem munitissimam, quæ Biáleziezoro dicitur, ac si dicas lacum album: acceptis omnibus eius bonis. Postquam sic tam horribilem & truculentissimam edidisset crudelitatem, exactis tribus diebus, iubet produci in forum ex carceribus aliquot egregios nobiles, qui statim capite truncati sunt, ab ipso Maluta præfecto satellitum: & ita diu iacuerunt humi, quos ipse aliquot vulneribus, vt suam sarciret tyrannidem, feriebat, vtens securi. Cadauera illorum ita nuda in medio foro iacebant, vbi venales prostant merces, septem dierum spacio: vbi tandem à canibus deuorati, ossa verò hinc inde asportata ab iisdem canibus. Postridie iubet octuaginta feminas generosas istorum nobilium, qui ita immannerit trucidati fuerant, ad flumen deduci, ibique aquis submergi: illæ autem innocentes frustra eiulari & lamentari. Satellites enim, crudele hominum genus, ipsas in aquas iniiciebant & perdebant.

*Denegata  
sepultura  
inhumanis  
ter.*



*Moschouita  
fame perci-  
ti, sauiūt in  
corporamū-  
tus.*

Anno Domini 1569. missi sunt centum & quin-  
quaginta coloni ad aedificandam arcem, quæ vulgò  
Orlo dicitur, & cum cibo destituerentur, quia tum  
in illis locis ingens fames grassabatur: coacti sunt mi-  
seri, ob annonæ penuriam, ex suis nouem mactare,  
& illorum carnibus vesci, & sic diram compescere  
famem.

*Ob Vitulum  
mactatum  
Moschouita  
combusti.*

Eodem anno cū ipse Dux esset in arce Woloch-  
da, quam extrui & muniri iubebat, ipsi artifices ni-  
mis dura fame pressi, emerunt vitulum, & eum ma-  
ctarunt, famem hoc pacto expleuerunt. Quam rem  
vbi audiuisset magnus Dux, iussit omnes cōprehendi  
& flammis tradi: cū tamen ipsa necessitas durū te-  
lum, eos excusare potuisset. Superstitio enim hæc à  
multis seculis recepta inter Ruthenos & Moschoui-  
tas, vt sit grande nefas, morteq; piandū, qui vitulum  
mactarit, & eo vesci ausus fuerit. Inter Moschouitas  
centum & quinquaginta egregij viri, pertasi tyran-  
nidem magni Ducis, & ferociam satellitum: consti-  
tuerant se recipere ad regem Poloniae. Quam rem  
vbi accepisset magnus Dux, iussit omnes in quādam  
profundam lacunam valde cœnosam iniici, & ibi in  
modum pontis subterni: quos tam diu calcari fecit,  
donec profundissimè in luto perirent ac submerge-  
rentur, & planè luto æquarentur.

*Moschouita  
loco pontis  
dispositi.*

Eadem die venit colonus ad secretarium magni  
Ducis, ei offerens lucium piscein lepidissimum. Qui-  
dam monachus istud animaduertens, qui simulta-  
tes alebat cum isto secretario, idcirco statim accedit  
principein, & hisce verbis illum alloquitur. Secreta-  
rius tuus, ô princeps, nunquam minutioribus vesci-  
tur piscibus, sed maioribus, quos piscatur in tuis lacu-  
bus, &

bus, & solet lautissima suis congerronibus celebrare conuiuia. Itaque magnus Dux iubet ipsum secretarium ad se euocari, & nulla data facultate se defendendi, sic eum damnat: iubet manibus pedibusque vinciri, & in lacum profundissimum conijci, hisce verbis vtens: O nebulo qui tot pisces minores & maiores solebas tibi piscari, abi nunc, & quibuscunque volueris, vescitor.

*Secretarius  
ob piscē sub-  
mersus.*

*QVO PACTO MAGNVS DVX SVOS  
exercet, & instituit in ratione pugna ad-  
uersus inimicos.*

CVM Lituanī ex improviso cepissent arcē munitissimam, vulgò dictam Borsko: ceperat ibi Palatinum & uxorem eius, quos captiuos ad regē Poloniae miserant. At magnus Dux paulo post eū redemerat, dato in eius locum magno viro nobile Polono, qui cum rediisset in Moschouiam cum aliis duobus nobilibus Moschouitis, tum iussu principis arrepti sunt ad supplicium: nimirum tria ligna sunt affixa in medio foro, vbi funibus per mediā corporis partem appensi, ipse cum filio sagittis eos eiaculabatur, & transfigebat, inquiens: O strenui defensores, sic oportet vos me & meas arces defendere: postea ad exemplum principis, & turba illa satellitum sic sagittis frequentissimis illos impetierunt, vt iam præ multitudine sagittarum non viderentur eorum corpora.

*Crudelis ad  
pugnam in-  
stitutio.*

*QVO PREMIO ET MERCEDE  
ampla soleat magnus Dux suos adula-  
tores afficere.*

ILLUSTRES ac clari viri, Ozyphas Scerbary, & Georgius Boratinski, qui munere Palatinatus funge-

bantur, cùm missi fuissent ad defendendam & tuendam arcem Susa, intercepti sunt ab illo bellicoso Lituanicarum copiarum imperatore: à Duce Romano & ab eius exercitu, in quo conflictu magna strages Moschorum est edita, & inter alios illi præcipui viri duo capti, qui postea per permutationem captiuorum redempti sunt. Qui cùm primùm venerunt in Moschouiam, hilari fronte à magno Duce excepti, & ad eius mensam inuitati. Tandem absoluto prædiorum muneribus lautis & pretiosis eos afficit: nimirum vnicuique illorum dedit vestem ex holoserico suffultam Zebellinis pellibus raris & elegantissimis, dedit & singulis preciosos pileos albos. Atque inter alia quæ cum illis conferebat, sciscitatus est ab eis, quid ageretur in Polonia & Lituania. Tum Oziphaz ille retulit ea omnia, quæ viderat ac intellexerat candidè & bona fide. At Georgius Boratinski rogatus, contra protulit ea, quæ putabat grata fore magno Duci, ipsi pal-pum faciendo & adulando: quæ planè absona erant à rei veritate, & absurda. Ac inter alia sic ausus proloqui: Inclyte & inuictissime Moschorum Cæsar, si tibi persuadeas, cùm rex Poloniæ audit, tuos milites iam adesse in finibus, & ibi grassari, maximo metu percussus, quærit latebras & loca abdita. Magnus dux statim fucû sibi fieri intellexit, & subiunxit: Rex Poloniæ igitur me timet? At ille, procul dubio: clarissime & serenissime Dux, ita se res habet, & si copiosus exercitus irruerit in Lituaniam, ille non est tam animosus, ut velit tecum in aciem descendere: aufugiet procul in aliquam munitissimam arcem, neque etiam viribus par, aut arcibus munitis est tecum conferendus. Denique, nūquam tui exercitus impetum & vires sustine-

*Tyranno etiam aliquando veritatis oratio grata.*



sustinere poterit: succumbet protinus, & terga dabit. Quæ conficta verba, cùm in ipsius gratiam ac fauorem excogitatam & comparatam orationem esse vidisset: detestatus adulatorium & leue hominis ingenium, cœpit nutare caput, inquit: O rex infelix, ô rex miserrime, tui planè misereor, qui ita me times: adeo quæ sum tibi terrori, vt ad mei mentionem cogites de fuga, vbi in Lituaniam venero. Hac oratione finita, tam contumeliosa oratione sicistû Boratinski est allocutus: O perfide & scelerate homo, iam tua perfidia & mendacia mihi optimè sunt perspecta. Quocirca baculo quo vti solet, ferit illi caput, & cædit tergum, ac denique totum corpus, nulla ratione habita illius preciosæ vestis, qua eum induerat: At miser Boratinski hinc inde se vertebat: hacquæ oratione utebatur: O princeps serenissime, Deus te diu sospitem seruet, quodquæ ab te verberor, gratum est mihi, & sic me planè hominem obscurû & ignobilem castigare dignaris: nunquam ego potuissem eripi ex captiuitate, nisi tua ope: sed quamprimum liberatus sum ex vinculis Lituanicis, citissimè me ad te contuli. Verùm magnus Dux non desinebat hominem crudelius tractare, sæpius repetens hæc verba: ô perfide & scelerate, te esse turpissimum & mendacem adulatorem noui. Quare sic est ab eo tam diu verberatus, donec suum baculum princeps confregit in minutissimas partes.

*Eidem com-  
ficta & mē-  
dax oratio  
odiosa.*

*Insumpre-  
mium adu-  
latoris.*

*QUALIS SIT RELIGIO, ET PIE-  
tas magni Ducis Moschonia.*

**Q**Vando magnus Dux in suum palatiû Alexandro Wa, olim antequâ pulcerrimè extrueretur,

*Inepta reli-  
gio Vel po-  
tius super-  
stitio magni  
Ducis.*

Slobodam dictum, venire solet animi recreandi gra-  
tia, tum ibi quādam nouam religionem simulare so-  
let & effingere. Primū se nouo quodam monachi ni-  
gri vestitu induit, cuius etiam imitatores sunt omnes  
eius aulici, simul eodem vestitu iam parato vtentes.  
Satellites verò illius armati adsunt, qui ad omnia of-  
ficia prompti paratiq; sunt. Ille autē magnus Dux ita ve-  
stitus cū suis aulicis ingreditur fanum, ad preces ma-  
tutinas, & alias ceremonias peragēdas, quibus vtun-  
tur Rutheni. Sunt autē succincti loro, cui adiunctus  
cultellus, manibus tenentes lucernam, in qua est ac-  
censa candela: quod si quis aulicorū refugerit vti hoc  
vestitu & ceremonia, grauissimē creditur virgis à sa-  
tellitibus principis. Hosce omnes vocat princeps fra-  
tres, & se eodem nomine appellari iubet, hæc est san-  
cta aulicorum Moschouitarum fraternitas. At cū  
iam est tempus prandij, porrigitur cibus, magno Du-  
ci priuū, quem habet in sua cistella, tanquā prima-  
rio fratri, & sic deinceps reliqui fratres ex suis cistellis  
accipiunt suum cibum: Quod ad potum, singulis da-  
tur ad certam mēsuram. Tandem absoluto prandio,  
omnes cum suis cultellis & cistellis se recipiūt in suas  
cellulas. Nam hoc palatium est ædificatum planē in  
formam monasterij. Quare cū secūdum suum ri-  
tum absoluit, magnus Dux suas preces & horas ca-  
nonicas: tanquam maior natus frater egreditur ex il-  
lo cœnobio, ac iubet aliquot captiuos, iam morti de-  
stinatos produci ex carceribus, ibi omnes variis mor-  
tis generibus afficiuntur: alij ad palmum & rotam alli-  
gantur, alij securi percutiūtur, alij suspenduntur, alij  
miserrimē cruciantur, & frustulatim dillecantur: de-  
niq; multi aquis obruūtur. Ita quandiu ibi degit, sin-  
gulis

*Religionem  
suā sangui-  
ne innocen-  
tum sancti-  
ficat.*

gulis diebus decem aut viginti in fontes ab eo supplicis grauiſſimi tolluntur è medio: ita vt præfœtore cadauerũ illac nemo incedere poſſit. En fructus religionis magni principis Moſchorum: ſic ſuam religionem ſanctificat. Et quia patrem ſequitur ſua proles, ille magnus Dux filium habet ſibi ſuiſq; truculentiffimis moribus perſimilem. Nam ille voluptatis gratia ſolet per illa mortua corpora obâbulare, illa calcando, & baculo ſuo capita illorum confringit, vel in illorũ cerebra aciem baculi ferrati infigit, inquiring: vos ô ſclerati inſurrexeratis in veſtrum imperatorem ac principem, & me etiam.

*Quale futurum ſit imperium filij magni Ducis, qui à patre nō degenerat.*

Quotieſcunq; magnus Dux ad illud palatium Alexandro Wa, à ſiquem ex ſuis inuitat conſiliariis, nemo eſt illorum, qui nō credat ſe ad præſentem mortem accerſi, nec vnquam inde domum incolumem reuerſurum, idcirco diſceſſurus, primũ domi ſuæ diſponit, & vxori ac liberis valedicit, & amicis ſua committit: ac ita eſt, ni enim Deus ipſe, vel mirabilis fortunæ caſus illum hominem conſeruat, de illo actum eſt. Quod ſi impune & liberè ſuos à ſe amandat, tamen poſtea non euadunt manus principis, vel quidpiam deterius eos manet. Sicut ſanè accidit cuidã viro raræ ſanè virtutis, Theodoro illi nomen fuit. Iſte non ita pridem functus erat legatione apud regem Polonię, & vbi rediſſet à legatione, inuitatus eſt ad principem vnã cum ſuis nobilibus, ad Alexandro uam arcem. Qui licet inuitus, tamen ſe ſiſtit ad diem dictam vnã cum ſuis. Sanè lautiffimè & opiparè ille Theodorus & omnes eius excepti ſunt ac donati ab ipſo principe multis pretioſis veſtibus, ſubductis pellibus Zebellinis. At via qua illi fuit tranſeundum, ſa-

*Premiũ legatiſ reditum.*



tellites per insidias erant collocati. Cùm aut essent securi & nihil sibi metuerent, en irruunt in eos satellites principis, & illos spoliant nobiles, & potissimum ipsum legatum: eosq; sic nudos reliquunt, vt ex vtero matris exierunt. Atq; eo tempore maxima erat vis hiemis, quod ad augendam calamitatis eorum grauitatem pertinebat, exuti spoliatiq; sunt currubus & equis. Itaque sic miserè & crudeliter tractati, coacti sunt pedes ire vsq; ad urbem Moschouiam. Vnde factum est, vt alij propter vehementiam frigoris intèssimi auriculas amiserint, alij digitos manuum, & articulos pedum, & nasum. Plurimi qui frigus ita horridum ferre non poterant, interierunt in ipsa via. Ipse orator Theodorus fortè fortuna à quodam rustico nactus est vestem pellium caprinarum, qui hac vsus, arcuit à se vim frigoris, vt potuit. Ita iste legatus cum suis splendidè exceptus à magno Duce, & honorificè donatus, postea crudeliter illusus, rediit in urbem Moschouiam. Pulcerrimum scilicet exemplum iustitiae Neronis, & eius humanitatis, qua erga de se bene meritos vri solitus est.

F I N I S.

### EPILOGVS OPERIS.

**S**ed hac satis sint de inmanitate & truculètia Moschonitica. Nos autem bona fide & studio recto, iustoq; ordine literarum monumentis mandauimus, posteritatiq; legendum de dimus quae scitu necessaria sunt de tota Sarmatia, id est, de Polonia, Lituania, Prussia atq; Russia: quae cum suo nomine complectatur Moschouiam, & de ea attigimus, quae putauimus esse cognitu

gnitu utilia. Quoniam autem hodie, is qui imperium Moschoriticum tenet, superat sua crudelitate Neronem, Caligulam, Heliogobalum, Maximinum, Phalarim Agrigentinum: vel etiam Busiridem aut Mezentium: denique tyrānos, qui celebres sunt ac famosi apud historicos, vel etiā apud poetas: ex infinitis nonnulla crudelitatis illius exempla delineauimus. Quod sane mirum esse non debet, cum gens ipsa fera sit: Moschi siquidem a Mesech dicti, ac si dicas, homines arcus extendentes. Sane Moschis scriptores crudelitatem, morumque feritatem semper attribuerunt, testis est illa querela psalmi: Heu mihi quod exulo inter Mesech & Cedar, id est inter Moschos & Arabes. Sedes Moschorum vetus fuit in Cappadocia, qua non procul abest a Syria: & ideo illa gens fuit nota Iudais. Innuit itaque propheta, ecclesiam Dei extremis istis temporibus afflictiones maximas perpassurā, tam a Moschis, quam ab ipsis Turcis: qui ex Arabia prodierunt. Accepit autem gens Moschoritica, ritus religionis Græcæ, anno Domini 987. sed successu temporis addiderunt illi multas superstitiones. Grauiissimus vir & scriptor nobilissimus Sigismundus ab Herberstein scribit, nunquam populum Moschoriticum publica explicatione doctrinæ & concionibus erudiri: Et quia sunt oppressi tyrannide horribili, opiniones sui principis, etiam in religione solent habere pro lege immutabili: sicut Athenienses degeneres fecerant decretum, quicquid visum esset regi, illud pium & iustum esse. Sed tueatur nos Filius

Dei Ab impietate & crudelitate Mesech & Cedar. Amen.

Quæ & qualis sit gens Moschoritica.

TARTARORVM CAM-  
PESTRIVM, IN HORDAS DI-  
VISORVM, MORVMQVE ET CON-  
*suetudinis vitæ eorundem breuissi-  
ma descriptio.*



**D**E Cazanensibus Tartaris (antequam ceteros in hordas diuisos attingemus) Moschouitico imperio confinibus, dicendum nobis in primis occurrit, quos magnus Moschouix dux Basilius, anno Domini millesimo quingentesimo quinquagesimo primo, ditioni suæ, plurimis diuersisque bellorum euentibus exantlatis, subegit. Hi verò à Campestribus differunt, quòd agros colant domosque inhabitent.

*DE REGNO CAZANENSI.*

**S**Vra fluuius, imperium Moschouiticum à Cazanensi regno dislimitat, qui ex Meridie fluens viginti octo miliaribus infra Nouogrodiam inferiorem, cursu in Orientem reflexo, in Volgam exoneratur, in quorum confluxu Basilius princeps castrum à suo nomine Basilo W Grod appellatum contra Cazanenses arcendos erexit. Porro regnum Cazanense sexaginta miliaribus Polonicis infra Nouogrodiam inferiorem (de qua superius) limites suos secundum Volgam fluuium incipit, Orientem & Meridiem versus cāpis desertis, qui ducētis miliaribus Polonicis patent, terminatur. Ad Orientē verò est iualē,

Tarta-

*Fines regni  
Cazanen-  
sis.*



Tartaros qui Shibanski & Cozaczki appellantur, finitimos habent.

**C**AZAN vrbs, totius regni metropolis ad Volgam fluuium & Cazannam, à qua nomen sortitur, in vltiore ripa condita est. Arcem natura & opportunitate loci munitissimam & inexpugnabilem habet, à Nouogrodia inferiore septuaginta miliaribus distat.

Hij Tartari Cazanenſes reliquis ingenioſiores, & aliquantulum humaniores ſunt, circa agriculturam, remque domesticam (qua à cæteris maximè differūt) verſantur. In domibus non in caſteſtribus degunt, mercimonia, rerumque permutationes varias, cum vicinis Moſchouitis, Turcis & cæteris Tartaris exercent. Reges ſui iuris ad Baſilij vſque Ducis Moſchouia tempora habebant, neminique tributa perſoluebāt, ſed prædictus Baſilius eos ſibi tributarios multis annis cum illis vario Marte bellagerens, effecit, *Cazanenſes à Moſchoſubingats.* atque pro ſuo arbitrio reges illis conſtituebat. Id autem Cazanenſes maximè coacti ſunt ſubire, partim propter opportunitatem fluuiorum ex Moſchouia in Volgam influentium, partim ob mutua commercia cum Moſchouitis conſucta, à quibus inimicitia tempore arcebantur.

Primus itaq; Cazanenſium rex fuit Chelealeczk, *Reges Cazans.* qui tributarius Baſilij feudalisque extitit. Hic relictæ vxore Nurfultan, abſque liberis moritur, cui Abrahamin magni nominis Tartarus, ducta vxore eius vidua, conſenſu magni Moſchouicæ ducis Baſilij, in regno ſuccedit, qui ex priore vxore filium Alegum nomine habuit: ex Chelealeczk autem relictæ, duos poſtea Machmedenim, & Abdelatiph filios ſuſcepit.

*Alega regis  
exitus.*

Prædicto igitur Abrahamin mortuo, Alega velut primogenitus regno potitur, qui cum mandatis Moschorum principis non admodum obtemperaret, à proceribus Moschouiticis, qui ad consilia eius obseruanda constituti erant, quadam die in conuiuio inebriatus, ac in vehiculo illa nocte, quasi in domum vereretur, Moschouiam vsque deductus est, ibidemq; in vinculis aliquandiu detentus, tandem in Volochedam arcem relegatus, vitam terminauit. Alega igitur ita regno deiecto Abdelatiph frater ei succedit, qui etiam perinde vt Alega regno priuatus est. Machmedenimque frater in locum eius à Moschorum principe suffectus, quo regnante anno Domini 1504. Cazanenses iugum Moschorum excusserunt, ab eisque defecerunt. Hanc defectionem cum Basilus Moschorum Princeps didicisset, rei indignitate commotus, cum infestis armis & tormentis bellicis exercitum copiosum contra Cazanenses destinauit, qui à Cazanensibus & Ceremissis arcu vti peritis dolo circumuenti, impari Marte cæsi & fugati, tormentisq; & castris spoliati, captiuiq; in Astrahanense emporium, quod mari Caspio siue Persico adhæret, relegati Turcis, Tartaris & Persis venditi sunt.

*Cazanenses Moschos  
profugant.*

Postea Cazanenses Scheale regem hereditariū, qui Machmedemini mortuo successerat, Moschorum partibus fauentem expulerunt, Sapiregiumque Mendligeri Tauricæ regis filium, ad regnum suscipiendum vocauerunt, qui coniunctis viribus cum fra-

*Tartari crudeliter Moschouiam castrant.*

tre Machmetigero Tauricæ rege, Moschouia maximam partem crudeliter deuastarunt, ad ipsamq; urbem Moschouiam penetrantes, grauissima obsidione eam presserunt, ab eaque non discesserunt, donec Princeps

Princeps Moschouia se tributarium prædicto Machmetigero regi Tauricæ perpetuò fore obstringeret, quod postea non præstitit. Ingentem autem & vix credibilem tunc temporis hominum captiuitatem, trecenta videlicet millia Tartari in Moschouia cepisse eduxisseq; dicuntur. Quam cladem irrefarciabilem Moschorum Princeps vlcisei volens, exercitum copiosissimum conscripsit, Machmetigerique Tauricæ regem ad certamen prouocabat, dicēs se superiore anno ab eo non indicto bello ex insidijs furum latronumq; more oppressum fuisse. Ad ea Machmetiger respondit, sibi ad inuadendam Moschouiam satis vias multas patere, bella non magis armorum quàm temporum esse, proinde ea se magis suo, quàm alieno arbitrio gerere solere. Moschouia autem Princeps videns se delusum fore, vlciscendi libidine ardens, anno Domini 1523. exercitum ad Cazanense regnum expugnandum duxit, in finibusq; Cazanensium, ad Volgæ & Suræ fluuiorum confluxum, munitionem propter infestandos Cazanenses condidit, quam à suo nomine BasiloWGorod appellauit. Postea re infecta exercitum dimisit.

*Numerus  
captiuorū.*

*Tartaricū  
responsū.*

Anno deinde sequenti 1524. ad Cazanense regnum occupandum, ingentes numerosasq; copias, cum duce quodam Michaële Georgij destinauit, Cazanque arcem quinta decima Augusti oppugnare cœpit, quam quidam Moschouia ad id subornati incenderunt, intuenteq; Moschorum exercitu funditus exusta est. Attamen in tam facili occupandi castri occasione, Moschouia ad expugnandum occupandumq; castri combusti collem ne accedere quidem audebant: Tartarosq; id denuo ædificātes non

*Moschouia  
Cazan op-  
pugnant.*



*Cazan comburitur.*

impediebant, atque ita postea arx Tartarorum strenua opera, Moschouitarumque negligentia restaurata est. Moschouitæ verò frustra moras trahentes, consumto comineatu fame laborare incipiunt. nam Ceremissis tuentibus partes Cazanensium, hostium itinera diligenter obseruantibus, emissariosque excutientibus, nihil adferri poterat, adeò vt nec princeps de suorum qua premebatur necessitate cognoscere, nec ipsi quicquam illi significare de rerum suarum statu possent, & aliquot millia Moschouitarum à Ceremissis caesa & fugata, nauesque plurimæ, quibus comæatus deferebatur, ademptæ, & aquis obrutæ

*Cazan iterum oppugnatur.*

sunt. Tandem Moschouitæ auxilijs aduenientibus castrum combustum denuò restauratum obstinatissimè oppugnare cœperunt, tormentis machinisque bellicis admotis, obsessi quoque exoneratis pariter in hostem bombardis strenuè se propugnabant, donec bombardario magistro, quem vnicum in castro habebant, glande scloppetario à Moschouitis icto priuarentur; atque certis sub conditionibus Cazanenses cum ducibus exercitus Moschouitici, inducias pepigere compulsi sunt, tributaque secundum pactum ad mortem vsque Basilij persoluebant. Mortuo tãdem Basilio, Ioanni moderni Principi filio eius

*Cazan capitur, expugnaturque.*

recalcitrare Cazanenses cœperunt, quos ille septem perpetuis annis bello acerrimo, vario tamen Marte pressit, arcemque & ciuitatem Cazaniam regionis metropolim tormentis bellicis, & obstinato impetu militum suorum, puluerumque bombardariorum suppositione anno Domini 1551. expugnauit; paternumque opus strenuè perfecit, & ab hoc tempore Cazanensium regnum, & vrbs Cazan cum arce,

Princi-

Principi Moschorum Ioanni Basilij filio subacta est, titulumque regni prædictus Princeps sibi vsurpat, seque Czar Kazanski, id est regem vel imperatorem appellat. Magna autem pars Tartarorum Cazanensium tunc temporis capta, Principis impulsu baptizata est, multi quoque baptismum respuentes, capite multati, aquisque obruti sunt: nunc tamen communiter omnes Mahometi dogma, erroresque gentiles profitentur, exceptis perpaucis, iisque insignioribus, qui Ruthenico ritu, fidei Christianæ præceptis initiati sunt. Atque hæc de Cazanensibus Tartaris breuiter dicta sufficiant, nunc confines Tartaros Nohaycenses, cæterosque campestres in Hordas distributos attingemus.

## NOHAICENSIVM TARTARORVM

*rorum Horda.*

**T**artari Campestres, cateruatim in campis nullis finibus obseruatis degunt, in Hordasque veluti in quasdam prouincias, à quibus & cognominantur, diuiduntur. Horda autem conuenrum, & multitudinis congregationem, cœtumque hominum, in formam ciuitatis coactū significat. Cæterum vnaquæque Horda nomine suo peculiari appellatur, quæ multæ *Horda quid significat.* ab inuicemque moribus aliquantulum diuersæ sunt, ex quibus præcipuè Nohaicensis, Zauolensis, Præcopensis, Crimscensis, Cosaczkiensis, Tumenensis, Calmuckiensis, Turcomanensis, & id genus aliæ, quæ omnes Mahometi dogma amplectuntur, profitenturque.

Nohaicensium Tartarorum Horda, post Tartaros Cazanenses Orientem versus procededo in pri-

mis occurrit, quæ ultra Volgam fluuium amplissimū circa mare Caspium ad fluuium Iayczk, ex prouincia Sibier decurrentem, sita est. Huius regionis Tartari incolæ non reges, sed duces habent, in tresq; ducatus diuiditur, quorum primus cum ciuitate Scharayczik dicta, ultra fluuium Volgam Orientem versus, cum adiacente ad Iayczk fluuiū regione extenditur, Scharaycensisque ducatus à ciuitate Scharayczik dicitur. Secundus ducatus in Horda Nohaycensi inter Cammam Iayczk, & Volgam fluuios situs est. Tertius eiusdem regionis ducatus Sibieriensis prouinciæ partem, (de qua superius) & omnem circumiacentem regionem attingit. Atq; hæc omnes regiones siluosa sunt, excepta ea quæ ad Scharayczik ciuitatem vergit, quæ tota campestris est.

*Scharay-  
czik.*

*Iurgenczi.*

*Rex de Ca-  
tagia.*

A ducatu Scharaycensi Nohaycensis regni Orientem versus procedēdo, occurrunt populi Iurgenczi, à Moschouitis appellati, quibus frater Magni Cham supremi regis Tartarorum imperat, à Iurgenczijs autem decem dierū itinere ad regiones Magni Cham, regis de Catagia (qui maximam Tartarorum partem possidet) peruenitur.

### TARTARORUM ZAVOL- hensium Horda.

**B**ulgaria siue Volgaria, vel Zauolhensium Tartarorum Horda, à Cazanensi regno, & Nohaycensi Horda nonnihil in Meridiem reflectendo, occurrit. Traxit autem cognomen à Volga fluuiō celeberrimo, qui eam longo tractu interfuit. Ex hac regione Bulgari, Slauones, qui nunc Turcarum imperatori parent, & Volinci, Rutheni, Lituaniæ populi, regi

*Bulgari &  
Volincij.*

Poloniæ



Poloniæ subiecti, oriundi perhibentur, prout latius in deductione Polonorum patet.

Zauolhensis autem Horda præcipua, & quasi princeps cæterarum omnium olim extitit, incolarum videlicet multitudine & rerum gestarum fortitudine, locique affluentia & opportunitate, ex qua cæteri omnes Tartari Campeftres ortum genusque duxerunt. Hæc autem Horda Zauolhensis inter Volgam & Iayczk fluuios iuxta mare Caspium siue Persicum sita est. Reges sui iuris ad Alexandri vsque regis Poloniæ tempora, moderni regis Poloniæ Sigismundi Augusti patrum habebat, infra annum Domini 1506. Sed tandem Sachmat rex Zauolhensis vltimus, ob iniuriam quandam quam olim Crimsijs Tartaris prædecessores eius fecerant, à Machmatgirey Tauricæ rege, ex Crimsca Horda oriundo regno pulsus fugatusque est. Qui ad Alexandrum prædictum regem Poloniæ, magnamque Ducem Lituaniæ profugit, auxilij contra Machmatgirey implorandi gratia. Cum autem Lituani & Poloni auxilia longius differebant, interim Machmetgirey Tauricæ rex, Zauolhensis regis supra nominati exercitum profli-  
gavit, totamque regionem eius occupauit. Et ab hoc tempore Zauolhensis Horda penitus diuexata, & regibus orbata est, quam postea Basilij princeps Moschouicæ imperio suo subegit, cuius titulum Ioannes modernus princeps huius Basilij filius sibi vendicat, seque Bulgariæ, id est Zauolhensem regem appellat.

*Zauolhensis  
Horda oc-  
cupata.*

Tandem vltra Viaticam regionem, & Cazanensem regnum Tartarorum tres Hordæ, qui Thumenski, Schibanski, & Cozaccki appellatur, in campestribus

*Mores Tu-  
mensium.*

habitant, cateruatimque viuunt, ac tot quot lubet ducunt vxores. Potum ex lacte equino habent, frugum vsum nesciunt, pecunijsque non vtuntur, exorcismis & incantationibus supra modum dediti, quibus caligines aliasque intempestates cæli sæpius excitant, hocque modo hostes frequenter profligant. Hæc autem omnia herbis, verbis, lapidibus, radicibusque ab eis miris incantationibus conficiuntur.

*Calmucz-  
kiensis Horda.*

Calmuczkiensis Horda trans Volgam fluvium sita est, Caspio mari confinis, huius incolæ in campis vitam ducunt, à crinibusque quos nutriunt Calmuczki Tartari appellantur.

### *ASTRACHAN TARTARICÆ regnum.*

*Astrachan  
vrbs.*

**A**strachanense regnum, post Tartaros Nohaycenses, & Cazanenses ad mare Caspium situm est, compluresque ciuitates habet, ex quibus Astrachan vrbs opulentissima, in qua emporium celeberrimum est, à qua tota circumiacens regio nomen accepit, ad ostia Volgæ sita est, ibi autem Volga fluvius septuaginta pluribusve ostijs in mare Caspium exoneratur, multas ibidem insulas faciens, tantaque aquarum copia ingreditur, vt procul spectatibus maris formam præ se ferat. Hoc regnum olim sui iuris erat, regesque hæreditarios habebat, sed anno Domini 1554. à Ioanne Basiliade Moschorum principe vnà cum vrbe subactum occupatumque est, cuius titulum sibi vsurpat.

*Expeditio  
Turcarum  
ad Astra-  
chan.*

Ad hoc regnum occupandum Sultam Zelim imperator Turcarum, inuidia avaritiaque prolatandi imperij Tartarici ductus anno Domini 1569. 20.

Martij

Martij die, ex Constantinopoli terra & mari exercitum ingentem Turcarum 25 000. equitum, & Ianiczarorum 3 000. destinavit, naualis classis centum quinquaginta galeris, & multis celocibus constabat. His demum omnes Hordæ Tartarorum Præcopensium, ex mandato Imperatoris adiunctæ sunt, 80000. equitum excedentes. Sicque iunctis viribus, longissimo eoque periculosissimo campestri itinere, multis fluvijs & paludibus superatis, ad Azoph peruenērunt, omni commeatu prorsus consumto. Azoph autem in ostijs Tanais fluuij Turcica arx sita est, ad paludes Maotidis. Postea ad victum necessarijs comparatis, omnis equitatus Turcicus & Tartaricus, per campestria & Hordas Tartarorum Nahaicensium, & Circassorum quinquemontanorum, rædiosissimo itinere sub Astrachan, 5. Septembris venerunt, 24. hebdomadis cum ineffabili famis & sitis angustia in via transactis. Hebdomadam integram sub arce quicquam tentantes consumserunt; aditum enim ad eam vasta Volga circumfluētis amplitudo prohibet. Interea Moschouitarū aliquot millia aurora instante, in nauibus & celocibus, Tutcas & Tartaros inopinata excursione, magno cū impetu Duce Serebrny adoriuntur, multitudineque eorum prostrata, spolijs onusti armata manu incolumes in arcem redierunt. Tartarorum quoque aliquot millia ad vnum trucidauerūt, vt nemo ex illis euaserit, qui sub arcem pabuli acquirendi gratia superato fluuio Volga excurrerant. Naualis quoque Turcarum illi exercitus, centum quinquaginta galerarum tormenta magna, pulueres bombardarios, commeatum, & alia belli expugnandique instrumenta vehens, cum aduerso

*Astrachan  
a Turcis ob-  
sessa.*



Tanai ab Azoph ad montem PereWloka dictū, duobus ferè mensibus transactis veniret; nauesque siue galeras terrā in instrumentis ad id pertinentibus, per illum montem (qui miliaribus septem à Tanai ad Volgam fluuium magnum sub Astrachan fluentem distabat) transferre vellent, Moschouitarum 15000. illos adoriuntur. sex millibusque Turcarum prostratis, spolia & instrumenta multa iam in terram exposita abstulerunt, reliqui vix ad naues aufugerunt, huiusmodique insperata clade accepta, ad Asoph redire coacti sunt, vndique eos Moschouitis persequentibus. In Azoph existentibus aliud infortunium accidit: pulueres enim tormentarij quos in arce deposuerant, igne fortè adueniente succensi sunt, cum ingenti Turcarum & arcis damno; ceteri Constantinopolim petentes, in paludibus Marotidis naufragio perierunt. Sed ad rem intermissam redeo. Tartari & Turcæ Astrachan frustra cum quotidiana diminutione suorum obsidentes, de naualis classis, in qua spes eorum tecumbebat, perditione audientes, vndique hostis imminētis, famisque & sitis angustia pressi, coangustati, & ad extrema redacti 21. die Septembris cum ingenti dedecore, damnoque irrefectibili, absque vlllo Moschouitarum detrimento, obsidionem soluere coacti sunt. Ad Azoph 23. Octobris die venerunt, quinque hebdomadis in reditu cum ineffabili periculolissimaque miseria, & intolerabili angustia transactis, per campestria enim desolata illis iter erat, vt nusquam pabulum acquirere, & pro se & pro equis reficiendis poterint. Moschouitæ enim gramina omnia passim succenderant, & aqua interdum quinque integris diebus carebant, omnesque ferè

*Turci à Moschouitis prostrati.*

ferè illo exercitu Turcico, cum equis pariter fame & siti coangustati, misetè perierunt: quidam in paludibus Mæotidis Constantinopolim repetentes, aquis submersi sunt, ita vt 225 000. equitū, 3000. Ianiczarorum, & centum quinquaginta galeris amissi, vix 2000. Constantinopolim redierunt. *Turcarum clades.*

Est quoque Schamachia vrbs Tartarorum, ad *Samachia* mare Caspium condita, quæ ab Astrachan sex die- *vrbs Gre-*  
rum itinere abest, ab ea tota regio siue Horda Scha- *gio.*  
machia nuncupatur, hanc rex Persarum possidet. Incolæ autem huius regionis texendis sericeis vestibus excellentissimi sunt artifices. Turcomanorum *Turcoma-*  
Horda vltra Caspium mare sita est, eius imperium *us.*  
inter quinque fratres partitum est, quorum qui primas tenet Azynchan nominatur, reliqui verò Solrani appellantur, in totoque imperio solummodo quinque oppida reperiuntur. Incolæ Mahometicam hæresin amplexantur, viuuntque iuxta Nahaycensium Tartarorum consuetudinem, & cum Persarum principe, vulgò Zophi nuncupato, frequentissimè bella mouent.

Sarmacandia Orientem versus procedendo, vltra Turcomaniam, vrbs est amplissima, quæ olim totius Tartariæ metropolis extitit, nunc verò ruinis deformis iacet, vnà cum multis antiquitatis vestigijs, In ea sepultus est Tamerlanes ille Tartarorum rex, *Tamerlanes.*  
qui olim Turcarum imperatorem Baiazethem cum exercitu numerosissimo profligatum, captiuum aureis catenis vinctum, in cauea velut auem per totam Asiam circumuehebat. Huius regionis incolæ Mahometani sunt.

## K Y R G E S S O R U M H O R D A .

*Ritus Kyrgessorum.*

**K**Yrgessi Tartari cateruatim in campis degunt, habentque ritum gentilem huiusmodi. Sacerdos ipsorum quo tempore rem diuinam peragit, tunc sanguinem, lac, & simum iumentorum, terramque sumit, commixtioneque in simul facta, in vas quoddam infundit, & vnà cum hoc arborem ascendit, ad populumque circumstantem concionatur; concioneque peracta in stultam plebeculam, praedictam commixtionem spargit, populus vero in terram pronus prouoluitur, aspersiunculamque hanc pro Deo colit, firmeque credit nihil esse perinde salutare humano generi, ac terram, pecus, armentaue. Mortuos loco sepulturae arboribus suspendunt, his finitimi sunt Baschirdi Tartari ab Occidente, & Hieseliti ab Oriente.

*Baschirdi.  
Hieseliti.*

*Molgomo-  
zani, Bay-  
daij, ritus  
eorum.*

Ab ijs ultra Imaum montem longo tractu procedendo ad Oceanum Scythicum, Molgomozani, Baydaique Tartari occurrunt, hi Solem vel rubrum pannum stipiti appensum, cultu diuino adorant; in castris cauernisque subterraneis vitam ducunt; omniumque animantium & reptilium serpentum, vermiumque, murium, & id genus aliarum rerum incomestibilem, carne vescuntur. Idioma proprium habent, ijs contermini sunt Macriti, & Samogides, quasi se ipsos comedentes populi.

Hijs longè positis & penè ignotis Tartaris, populisque campestribus in Oriente ultra Imaum montem & Oceanum Scythicum degentibus breuiter descriptis ad reliquos Tartaros campestres Moschovitico imperio confines, qui Crimskij, Præcopskij, & Pie-



& Pietiorskij, id est quinquemontani appellantur, reuertemur.

## CIRCASSI PIETIORSCZII

*Tartari.*

**A** Regno Astrachan, quod mari Caspio, vt supra diximus, adiacet, in Occidentem tandemque in Meridiem reflectendo, circa Maotidis paludes, & Pontum Euxinum, ad fluuium Cupa, qui in Maotidem exoneratur, Aphgasi populi in primis occurrunt, vbi etiam vsque ad fluuium Merulam, qui Pontum Euxinū ingreditur, montes eminentissimi sunt, in quibus Tartari Circassi, Pietiorsczij dicti, id est quinquemontani, habitant. Viri sunt strenui, & bellicosi, montium, quibus interclusi sunt, asperi atque, & difficili aditu (à quibus & nomen traxerunt) freti, Turcis & Tartaris fortiter sapissime repugnant, lingua propria vtuntur, & Christianissimum cum Ruthenicis siue Græcis ceremonijs conuenientes, profitentur, linguaque Slauonica, sacra Ruthenorum more peragunt. In castris vt ceteri Tartari viuunt, & in propinquorum funeribus pompas ducunt, magnificasque exequias celebrant, & in memoriam mortis amicorum auriculam integram, partemve eius, testificantem amorem, sibi ipsis amputant. Audacissimi piratae sunt, nam fluuijs qui ex montibus eorum fluunt in Euxinum Pontum, siue paludes Maotidis nauibus delapsi, quoscunque reperiunt spoliant, & executiunt, eos praesertim qui ex Capha Constantiopolim versus nauigant.

*Aphgasi.*

*Circassi  
Christiani.*

*Circassorum  
funebres  
exequiae.*

( R I M S C I I S I V E P R A E -  
c o p s k i j T a r t a r i .

*Campi de-*  
*ferti.*  
*Azoph &*  
*Achasz.*  
*Crym vrbs.*  
*Pracopskij*  
*Unde dicti.*  
*Pracop vrbs.*  
*Taurica*  
*cherfonesus.*  
*Capha.*

INter Cazan & Astrachan regna Tartarorum, quæ  
Inunc Moschorum principi subsunt, longo secun-  
dum Volgam fluvium celeberrimum tractu, ducen-  
tis videlicet & triginta milliaribus Polonicis, ad Bo-  
rysthenem vsque fluvium campi deserti sunt, quos  
Tartari nullis certis sedibus observatis incolunt,  
præter Azoph & Ahasz civitates, ad Tanais fluvij o-  
stia sitas, Turcis tributarias, quas Tartarorum ma-  
gna pars incolis, & circumquaq; certis sedibus mo-  
rantur, remq; familiarem magna ex parte exercent.  
In his prædictis campis desertis civitas Crym olim  
regum Tauricæ sedes, à qua Crymskij nominaban-  
tur, sita est. Postea verò toto Isthmo spacio mille du-  
centorum passuum, ad insulæ formam perfollo, re-  
ges Tauricæ non Crymskij, sed Pracopskij, ab illa ni-  
mirum perfolliatione sumto vocabulo, (*Pracop* enim  
Slauonica lingua fossam, vel aliquid perfolium so-  
nat) appellantur. Hæc autem civitas Pracop nomi-  
nata, in Taurica chersoneso sita est, quæ ab Azoph  
civitate celebri, ubi est emporium insigne, quinque  
dierum itinere distat. Tota autem chersonesus Tau-  
rica, silva quadam per medium scinditur, cuius medi-  
am partem quæ ad Pontum Euxinum vergit, Turca-  
rum imperator possidet, in qua Capha insignis vrbs,  
olim Theodolia dicta, Genuensium quondam iuris  
existens condita est. Hanc autem Capham empori-  
um totius Asiæ celeberrimum, Mahomeres Turca-  
rum imperator (expugnata Constantinopoli) Ge-  
nuensibus quatuordecim annorum spacio obsidione  
eam

eam premens, prodicione quorundam Genuensium largitionibus corruptorum ademit.

Alteram peninsulæ partem Tartari Præcopenſes tenent. Omnes autem Tartari Præcopenſes ſiue Crymſcij (qui nunc Tauricæ regnum incolunt) originem ſuam ex Zauolhenſium Tartarorum Horda ducunt. cùm enim propter inſtaminam domeſticam-que ſeditione regno pulſi fuiſſent, nec uſquam in uicinia firmum domicilium habere poſſent, hanc Europæ partem occupauerunt, veteriſque iniuriæ haud inmemores cum Zauolhenſibus Tartaris, varijs bellorum euentibus belligerabāt, donec eos regno prorsus exuerent, regesq; eorum extinguerent.

**O**CZAKOW caſtrum & ciuitas, in oſtijs Boryſthenis fluuij, ad Pontum Euxinum ſita, quam Tauricæ rex ademtam Lituaniæ ducibuſtenet, Tartarique Præcopenſes eam incolunt. Turcarum verò imperatori nunc tributaria eſt, à Præcopciuitate quadraginta milliaribus diſtat, ab Alba, quæ Moncaſtro antiquis dicitur, vrbe Valachiæ ad fluuij Tyræ oſtia ſita totidem, à Circas verò oppido ad Boryſthenem condito quadraginta. Porro ab hac ciuitate Oczakow Tartari Præcopenſes, qui eam incolunt, Oczakowſczy Tartari dicuntur, frequenterque varijs excuſſionibus Podoliam Ruſſiæ regionem ſibi in uicinia adhaerentem; & aliquando Lituaniam i-  
pſam, cæterasque Ruſſiæ partes infeſtant, prædaſque & ſpolia cum hominibus abigunt, maximè verò ea de cauſſa huiuſmodi excuſſiones facere ſolent, cùm illis ſtipendia conſuetà à rege Poloniæ plus iuſto retinentur. Solet enim rex Poloniæ huic regi Tauricæ

*Tartari Oc-  
zakowſcij.*



stipendia certa quotannis soluere, ea conditione, vt opera illius quauis urgente necessitate vteretur, qui aduersus quoscunque hostes Polonorum, & Lituanorum, cum certis copijs militare quolibet tempore paratus est. Præcipuè verò Moschouix principis regiones ex parte Polonorum infestat, varijsque excursionibus debilitat, vnde & princeps Moschorum missis subinde muneribus aliquando illum sibi deuincere solet. Tartarus verò muneribus interdum vtrunque acceptis, vtrumque etiam vana spe lactat, regi tamen Polonorum impensius fideliusque & obstinatus militat; ac omnes prouincias Moschouix monarchæ subiectas nomine illius deuexat; & frequentibus insultibus igne & ferro vndiquaque peragrat; amplissimaque spolia educit, prout & nuper anno Domini 1571. mense Maio, ipso die ascensionis Dominicæ Moschouiam ipsam urbem cum arce & totam circumiacentem regionem, ad quinquaginta milliaria in latitudinem & lōgitudinem flamma ferroque protriuit, vastauit, mancipiaque & spolia dictu incredibilia eduxit, exercitum etiam ingentem sibi oppositum cum multis ducibus & insignibus belli præfectis fudit, & ad internicionem profligauit, trucidauitque, adeò vt memoria tantæ crudelitatis Tartaricæ (quàmuis antea quoque frequentes eorum excursiones forent) non extaret.

Hij autem Tartari Præcopenſes Christianis infestissimi sunt, Turcarumque imperatori quotannis trecentos Christicolas pro stipendio pendunt. A Septentrione magni Ducis Moschouix regionibus, ab Oriente Tartaris Quinquemontanis, ab Occidente & aliquantulumque à Septentrione Russiæ Polono regi

*Moschouia  
à Tartaris  
exusta.*

*Fines Præ-  
copenſium.*

regi subiectæ, à Meridie Moldaviæ, Valachiæque contigui sunt. In Campestribus circa Pontum Euxinum & paludes Mæotidis, in totoque Isthmo & chersoneso Tauricæ degunt. Rex eorum frequentius in castris, interdum verò in Oczakow ciuitate (quæ quondam Vitoldi tempore Lituaniæ colonia erat) commorari solet. Horum Tartarorum situm mores, & barbaricam crudelitatem Ouidius Naso ibidem exulans, suis in Elegijs de Ponto latissimè describit, hosq; fluuios in Pontum Euxinum exonerari carmine infrascripto (quod subscribere libuit) Elegia ad Albinouanum decima, recenset.

*Adde quòd hic clauso miscentur flumina Ponto,  
Vimq; freium multo perdit ab amne suam.*

*Huc Lycus, huc Sagaris, Pencusq;, Hispanusq;, Ora-  
Influit, & crebro vertice tortus Hælis, (resq;)*

*Partheniusq; rapax, & voluens saxa (ynapes  
Labitur, & nullotardior amne Tyras.*

*Et in fœminea Thermodon cognite turme,  
Et quondam Graijs Phasipette viris.*

*Cumq; Borysthenio liquidissimus amne Dyrraspes,  
Et iacne peragens lene Melanithus iter.*

*Quiq; duas terras, Asiam Cadmiq; sororem  
Separat, & cursus inter utrang; facit:*

*Innumeriq; alij, quos inter maximus omnes  
Credere Danubius se tibi Nile negat.*

*Copia tot laticum quos auget, adulterat undas,  
Nec patiur vires æquor habere suas.*

*Quin etiam stagno similis, pigraq; paludi,  
Ceruleus vix est diluuiusq; color.*

*Innatat unda fœto dulcis, leniorq; marina est,  
Quæ proprium misto de sale pondus habet, &c.*

Hic Ovidius solummodo præcipuos eosq; capitales fluuios recensuit, reliquos verò complures & absq; numero amnes insignes, qui prædictis immiscentur carminis breuitati consulens omisit.

*DE MORIBVS, CONSVETVDI-  
neq; vita Tartarorum.*

**A**bsolutis breuiter Tartarorum hordis siue regionibus earumq; situ, nunc de vitæ eorū moribus, vestimentorumq; vsu & victu pauca subiiciemus. Omnes autem Tartari prædicti, Machometi dogma, exceptis Circassis Quinquemontanis amplectuntur, Turcarum ritu. Turcas tamen se appellari molestissimè ferunt, probriq; id loco ducūt, sed Besurmanos, quasi gentem electam se nominari gaudent.

*Statura*

*Tartarorū.*

Hemines sunt statura mediocri, obesa, lataq; facie, distortis & concavis oculis, barba capris simili horridi, capite rasi, exceptis excellentioribus viris, qui crines contortos, eosq; nigerrimos secundum aures protensos nutriunt, corpore valido robustoque, animo audaci, in Venerem eamq; naturæ contrariam lasciuui. Victū ex omnibus animalibus quomodocunq; inactatis, maximè autem ex equis habent, exceptis porcis à quibus ex præscripto legis, ut refoedissima & immunda abhorrent. Famis somniq; supramodum patientes, ut ea nonnunquam toto triduo quatrduove perferant, tandem verò occasionem ad vorandum naēti, supra modum se cibo & potu ingurgitant, eaq; crapula priorem in ediam refarciunt, licq; cibi & potus superfluitate obruti, biduo triduo ve dormiunt, in quos sic somno penē



penè suffocatos , & oppressos Lituani & Rutheni (in quorum frequenter regiones excurrunt) der repente irruentes, incautos profligant, prædasq; repertunt. Cùm autem aliquò proficiscuntur, & si fame sitiq;ue cruciantur, equis quibus insident venas incidunt, haustoq;ue eorum sanguine sitim famemq; sedant, equis verò huiusmodi venarum incisionè maximè prodesse putant. Equarum lacte supramodum delectantur, quo robustos pinguesq; se fieri arbitrantur. Herbis varijs, maximè autem ijs quæ iuxta fluvium Tanaim crescunt suauiter vescuntur, sale rarissimè vruntur, ideoq; visum sibi acutiorem inesse dicunt. Quòd si aliquando reges siue duces exercitui suo com meatum distribuunt, quadraginta viris vnum equum dare solent, quibus mactatis milites carnes inter se partiuntur, præstantiores verò intestina tantum vt rem opiparam & suauiore sumunt, quæ ad ignem parû calefacta, vt videlicet adherentia stercora excuti possint, vnà cum cineribus & carbonibus de igne otius erepta rapaciter vorât. Non solum autem digitos pinguedine perunctos, sed etiam cultellum, lignumve, quo stercora detergant suauiter lingunt, suguntq;ue. Capita equorum apud eos in delicijs habentur, insignioribusq; tantummodo apponuntur. Cibus verò capestrari, locum quo cibus apponitur circum sedent, pedibus subtus transuersim attractis, eodem quoq; modo mensam si adest (præcipue legationem apud Polonos Lituanosve obeuntes) circum sedent; præstantiores verò super mensam accumbunt, sed suis in regionibus nunquam ferè in mēsa, nisi super terram comedunt. Insigniores tapetas sibi substernunt.

*Arma Tar-  
tarorum.*

Arma quibus in bello vtuntur hæc gestare so-  
lent, arcum cum pharetra sagittifera, cestum, secu-  
rim, frameamq; Sagittas autem veneno subtiliter  
inficiunt, de quibus etiam Ouidius de Ponto, Elegia  
secunda & tertia ad Maximum libro primo testatur,  
cùm dicit:

*Hostibus in medijs, interq; pericula versor.  
Tantum cum patria pax sit adempta mihi.  
Qui mortis sæno geminent, ut vulnere caussas,  
Omnia vipereo, spicula felle, linunt.  
His eques instructus, perterrita mœnia lustrat,  
More lupi clausas circumcuntis oues.  
At semel intentus nervo levis arcus equino,  
Vincula semper habens irresoluta, manet.  
Testa rigent fixis veluti vallata sagittis,  
Portaq; vix firma submonet arma sera.*

Adeundem Elegia tertia.

*Tartarorū  
scilicet.*

*Maxima pars hominum \* nec te pulcerrima curat  
Roma: nec Ausonij militis arma timet.  
Dant illis animos arcus plenaq; pharetra,  
Quamq; libet longis cursibus aptus equus.  
Quodq; sitim didicere diu tolerare, famemq;  
Quodq; sequens nullas hostis habebit aquas.*

Idem Tristium libro tertio, Elegia decima.

*Et Citerius  
ibidem.*

*Sauromata cingunt, fera gens Bessiq; Getaq;  
Que non ingenio nomina digna meo.  
Protinus equato siccis Aquilonibus Istro  
Inuoluunt celeri barbarus hostis equo.  
Hostis equo pollens, longeq; volante sagitta,  
Vicinum late depopulatur humum.*

*Diffu-*

*Diffugiunt alij, nullisq; tuentibus agros  
Incustodita diripiuntur opes.*

*Ruris opes parua pecus, & stridentia plaustra,  
Et quas diuitias incola pauper habet.*

*Pars agitur vinctis post tergum capta lacertis  
Respiciens frustra rura, laremq; suum.*

*Pars cadit hamatis miserè confixa sagittis,  
Nam volucris ferro inctile virus inest.*

*Quæ nequeunt secum ferre, aut abducere perdunt,  
Et cremat insonites hostica turba casas.*

*Tum quoq; cum pax est, trepidant formidine belli,  
Nec quisquam presso, vomere sulcat humum.*

*Aut videt, aut metuit locus hic, quæ non videt hostem  
Cessat iners rigido, terra relicta sinu.*

Equos quorum (genus *Bachmat* vocant) ceruice *Equi Tartarorum.* depressa, pusillosque, sed fortes habent, qui more dominorum suorum, laborem in ediamque & cursum longissimum diutissimè sustinent, ramisque & corticibus foliisve arborum radicibusque vngulis è terra excussis, & euulsis pascuntur, his ita ad laborem assuefactis Tartari commodissimè vtuntur. Habent quoque alios eodem nomine appellatos equos generosos, corporulentos, & obesos, qui caput sursum erectum inter currendum gestant. Hos autem omnes equos castratos habent, quibus scilicet in bello vtuntur: tales enim plus laboris & inedia tolerare posse arbitrantur. Dum autem in regionem aliquam depopulandam, vel ad confligendum cum hostibus proficiscuntur, vnusquisque eorum binos tresve equos secum ducere solet, vt scilicet vno defatigato, in alium ascendere possit: lassatos verò ma-



*Ornatus  
equestris.*

nuducūt, vel ad comedēdū mactāt. In his eqs flumina trāsnatāt, qui forte fugiētes insequētū hostiū vim extimuerint, sellis, vestibis cæterisq; impedimētis à se abiectis, armis tātūm exceptis effusissimè fugiunt. Equos baiulos qui vitæ bellivæ necessaria portant, sic affuetos habēt, vt ipsi absq; ductore vel stimulatore equos cæteros (licet ipsis fugientibus aquasve tranantibus,) sequantur. Frena autem leuissima & simplicia habent, flagellisq; præ calcaribus vtūtur; cellas quoq; leuissimas, firmissimas tamen habent.

*Confligendi  
cū hostibus  
ordo.*

Conflitum cum hostibus eminus audacissimè ineunt, in quo non diu perseverantes, hostibus insequendi occasionem dant, fugientes autē maximè cauendi sunt: nam in hostes insequentes à tergo tela scitè peritissimèq; retorquent. Tandem conuersis de repente equis in dissipatas hostium insequētium ordines, denuo impetum faciunt, pugnamq; redintegrant. In patentibus autem campis cum hostibus confligunt, agmine sinuoso in gyrum ordinato, quo certior & liberior nulla re obstante, hostem iaculandi via pateret, iamque manus conferentes vndique hostium tela extorquēdo circumferuntur, estque euntium & redeuntium mirus quidam ordo. Ductores verò quos sequuntur harum rerū peritissimos habent, quā si fortè, vel ab hostibus occisi fuerint, vel metu percussi in ducendis ordinibus aberrauerint, tanta totius exercitus fit confusio, vt nec amplius in ordinem reduci, nec tela in hostem torquere possint, hocque genus certaminis à similitudine *Chorem* appellant. In angusto autem loco si fortè eis decertandum venerit, nullus huius ordinationis est vsus, atque ideo fugam arripiunt: nam neque

neque clypeo, nec lancea, nec galea muniti sunt, ut hostem in stataria pugna sustinere possint. In equitando verò hunc morem seruant, ut contractis in sellam pedibus, breuissimè stapedibus infideant, quo facilius in vtrumque latus se possint conuertere, telaque in hostes identidem contorquere, & si quid fortè in terram delapsum fuerit, id continuò, nulla re obstante stapedibus innixi tollunt. In hoc autem ad eò exercitati sunt, ut etiam celerrimè currentibus equis id efficiant; hastis verò lanceisve impediti, in alterum latus subitò se demittunt, altera duntaxat manu pedeque equo adhaerentes, & sic frequenter aduersariorum ictus eludunt. Peditatu inter confligendum nunquam vtuntur; arces rarissimè oppugnant, tormentis enim & bombardis vti prorsus ignorant: quòd si fortè aliquas arces dolo occupare, vel igne supposito succedere possent, eas funditus exurunt, captiuisque & exuijs eductis vacuas dimittunt.

Cùm autem incertis & nullis finibus obseruatis sedibus vagantur; inter ducendos exercitus, stellatarum aspectu, maximè verò poli Arctici (qui Sclauonica lingua, *Zesefnij Kot*, quasi ferreus stipes dicitur) cursum suum dirigere solent.

Vestibus oblongis ad talos demissis pileisque apicatis communiter tam enim viri quàm feminae vtuntur, nec in cultu mulieres à viris quicquam differunt, nisi quod velo lineo caput tegunt. Caligas quoque lineas gestant. Reliqua communis turbaque in campis passim degit, vestes ex ouium pellibus confectas habent, quas non mutant, nisi longo vsu prorsus attritae laceraque fuerint. Eorum reginae &

*Vestitus  
Tartarorum.*

magnatum nobiliumq; præcipuorum vxores, dum in publicum procedunt, facies velis lineis obtegere solent.

*Mutatio locorum Tartaris dulcis.*

Vno in loco non diu commorantur, sed depastis pascuis cum armentis, vxoribus, & liberis, quos in planstris, & equis secū circumferunt, aliò cōmigrāt, exceptis ijs qui in oppidis degunt. Grauem autem infelicitatem putant, diu in eodem loco morari, itaque liberis suis sic graue malum imprecantur, dicentes: O vtinam eodem in loco perinde vt Christianus perpetuò hareres, propriumque fœtorem olfaceres. Si verò bello aliquo grauiore vrgentur, vxores, liberos, senesque in loca tutiora collocant. Quotiescunque in aliquas prouincias excurrunt, eas deprædatis captiuis abductis, igne ferroq; funditus proterunt, & tandem otius fugiunt. Quo verò plures prouincias desolauerint, hoc se regna sua (in campis enim sub dio viuere solēt) ampliora reddidisse dicunt.

*Panis & sum ignorant.*

*Mercatores.*

Homines sunt rapacissimi, alienis bonis semper inhiantes, pecora hominesque in captiuitatem, præcipuè Christianos abigunt, prædaque & spolijs vitætant, laborem enim remque familiarem prorsus detrectant, inde & panis vsus (exceptis ijs qui sunt confines Podoliæ, regioni Russiæ Polonis subiectæ) penitus ignorant. Auri argenti que apud illos vsus nullus est, extra mercatores, rerumque tantum permutatione vtuntur. Quod si aliquid pecuniarum ex spolijs rebusque venditis à vicinis adepti fuerint, ea vestes in Russiæ cæteraque necessaria vitæ comparant. Captiuos in seruitutem quosdam sibi redigunt, cæteros Turcis alijsque quibusuis extraneis negociato.



ciatoribus aut vendunt, aut redimendos cōcedunt, *Captiui*  
 virginibus reseruatis. Senes autem & infirmos, qui *quomodo*  
 ad perferendos labores inutiles sunt, vel qui magno *vtuntur.*  
 vendi non possunt, hos illi iuuenibus velut canibus  
 lepores exponunt, quo prima militia tirocinia inde  
 addiscant. Eos itaque illi iuuenes aut sagittis velut  
 certum iaculandi signum conficiunt, vel obtrun-  
 cant, decollant, lapidibus obruunt in aquasque præ-  
 cipitant.

Iusticia apud eos nulla obseruatur: nam vt quis *Iusticia Tar-*  
 que re aliqua indiguerit, eam ab altero impunè ra- *tarorum.*  
 pere potest, & si apud iudicem de vi illataque iniu-  
 ria conqueritur, reus non negat, sed se ea re carere  
 non potuisse dicit. Tum iudex huiusmodi proferre  
 sententiam solet: Si tu vicissim re aliqua indigueris,  
 rape ab alio. Si in contentione aliqua quispiam oc-  
 cidatur, authoresque sceleris capti fuerint, equis, ar-  
 mis vestibusque spoliati dimittuntur: in dimissione  
 verò iudex vilem equum & arcum dat homicidæ  
 dicens, abi, remque tuam cura. Cumque quietis im-  
 patientissimi sint, mutuò tamen se non interficiunt,  
 nisi reges inter se dissideant.

Nomina dignitatum apud Tartaros hæc ferè sunt,  
*Chan* regem sonat, *Soltan* filius regis, *Bij* dux, *Mur-*  
*sa* filius ducis, magni nominis vir, *Olbout* nobilis vel  
 consiliarius, *Olboadulu* alicuius nobilis filius. *Seijd*  
 verò supremus sacerdos dicitur, qui apud Tartaros *Supremus*  
 in tanta authoritate & reuerentia habetur, vt reges *sacerdos*  
 ei aduenienti occurrant, stantesque equo infidenti *Tartarorum.*  
 manum porrigant, capiteque inclinato manum il-  
 lius osculantur, idque ipsis regibus permissum est.  
 Duces verò non manum sed genua, nobiles pedes

deosculant. Plebei autē vestes tantū aut equū mānibus attingunt. Homo priuatus *Xi* appellatur. Officiorū verò *Vlan*, horū autem secunda est à rege dignitas. Nam reges Tartarorum quatuor viros precipuos iuxta se habere solent, quorum consilio in rebus grauibz vtuntur, ex his primus *Schiryn*, secundus *Baryn*, tertius *Gargyn*, quartus autem *Triptzan* vocatur, & omnes sub hoc nomine *Vlan* comprehenduntur.

*Tartarorū  
audacia.*

Fines hij Tartari Campestris nullos habent, sed cateruatim passim in campis degunt, idque à natura inditum habent, vt ab hostibus equis delecti, vulnerari, armisque omnibus spoliati, semiuiniq; relictī, manibus, pedibus, dentibusq; quoad & quacunq; ratione possint, ad extremum vsque spiritum sese defendere solent, & tunc temporis maximè cauendus est, dum eum victum moriq; incipientem putas: moriturus enim alium post se trahit. atq; hic finis totius descriptionis Tartarorum esto.

RELI-



RELIGIO MOSCHOVI-  
TARVM IOHANNIS FABRI,  
AD FERDINANDVM REGEM

*Romanorum cui à confes-  
sionibus erat.*

**M**oschouitæ fidem Christianam sequuntur, quam à sancto Andrea apostolo fratre Simonis Petri, primum eis prædicatam affirmant. Ea quoque quæ sub Constantino Magno à CCCXVIII. episcopis, in Nicea vrbe Bithyniæ primo Niceno concilio conclusa, ac à Basilio Magno & sancto Chrysostomo tradita & prædicata fuerunt, tam sancta, tam firma, tam sincera esse credunt, vt ab illis hætenus nunquam licuerit transuerso digito (vt aiunt) recedere cuiquam, sicut neq; ab Euangelio Christi. Ea quoq; modestia est eorum, vt quæ à sanctis Patribus in suis cõsilijs, semel sunt decisa, nunquam audeat quisquam suæ professionis, in dubium denuo vocare. Verùm si qua vel fidei difficultas, vel ritus religiõis inciderit, vniuersa ad archiepiscopũ ac reliquos episcopos, per ipsorum tantũ spiritũ definienda refertur: neq; quicquã incõstanti vulgo & incõcordi relinquitur. Sacerdotis enim labia custodiunt legẽ Dei, & lex ex ore eius requirenda erit. Habent aut archiepiscopum qui in vrbe Moschouia, in eo loco vbi sedem imperator habet cathedram archiepiscopalem obtinet. Sunt & episcopi quamplures in Nouogradia, vnus, in qua & Isidorus extitit, sub Eugenio pontifice Rom. Cardinalis teste Raphaelẽ Volaterrano. In Rosciua alius,



alius in Sustali, alius in Otiferi, alius in Smolne, alius  
 in Refani, Colmum, Volut, & Frotini præficiuntur  
 episcopi, qui & suas habent diœceses. Hi quidem o-  
 mnes episcopi, archiepiscopum velut supremum a-  
 gnoscunt. Archiepiscopus autem ille, antequam  
 Patriarcha Constantinopolitanus à Machometica  
 tyrannide suppressus esset, semper hûc Patriarcham  
 vt superiorem recognouit. Huic tamen Romanum  
 pontificem, veluti Petri successorẽ præcessisse sem-  
 per ac meritò fatentur. Neq; hodie huius rei imme-  
 mor Ruthenorû imperator, adhuc pietatis eiusho-  
 di diligens custos: quotannis enim Constantino-  
 politano Patriarchæ in hanc vsq; horam quo viuere &  
 Ægyptiacæ seruitutis finem æqua mente expectare  
 possit eleemosynam mittere consuevit. Apud Mo-  
 schouitas ea lex & sanctio est, vt presbyteros & o-  
 mnes quotquot clerici sunt soli ordinent episcopi.  
 Neq; vlli presbytero vnquam quenquam cõfirma-  
 re licet. Hoc enim muneris episcopo soli incumbere  
 asserunt, vt posteaquam tinctus aqua, adultus fiat,  
 per impositionẽ manuum episcopi & signaculum  
 crucis, adeptæ fidei testimonium reddat, firmeturq;  
 per vnctionem quæ in fronte fieri solet. Iidem in  
 cœna Domini chrisma & oleum celebrant, atque  
 conficiunt. Cuius dein vsus sit in baptizando, con-  
 firmando, vngendo infirmos. Soli sunt qui instituunt  
 & destituunt presbyteros. Neque vnquam licet lai-  
 cis in ipsos animaduertere, rectè ob oculos habètes  
 Pauli doct̃inam ad Timotheum qua dicit: Accusa-  
 tionem aduersus presbyterum ne admiseris, nisi sub  
 duobus aut tribus testibus. Ita nec se vnquam Impe-  
 rator ipse de pœnis clericorum ingerit. hoc episco-  
 palis

palis tantum animaduersionis constanter affirmat  
& prædicant ut eos arguat & castiget quos sibi sub-  
ditos Evangelicus ordo, ac in sortem Domini voca-  
tio fecerit. Habent & episcopi suos vicarios & offi-  
ciales, quemadmodum & nostri qui iurisdictionem  
in subditos exercent, & iusticiam in rebus ecclesia-  
sticis administrant. Decimis quemadmodum à Deo  
decretum est quoque viuunt episcopi: dominijs utun-  
tur iure concessis: villas ac castra possident. Reliqua  
verò sacerdotum turba, aliquibus decimis, oblatio-  
nibus, & alijs quamplurimis tam viuorum quam mor-  
tuorum aluntur. Pro ijs enim beneficia habent fun-  
data, quorum patroni sunt tam spirituales quam lai-  
ci. Seueriori tamen cura hic agitur, quam soleat in-  
terdum nobiscum, negligentius scilicet. Nemini e-  
nim facile aliquod munus Ecclesiasticum comen-  
datur, neque confertur beneficium, nisi prius huic ipsi  
satisfacere posse comprobetur, per eius rei tamen  
peritos velut episcopos aut vicarios. Sunt episcopis  
sue familie, tum nobilibus tum alijs constitutæ. Hi  
certè sunt episcopi, per quos statque caditque vniuer-  
sa Ruthenorum religio. Diuina sepe, quum cum Im-  
peratore conueniunt peragere solent. Pro insigni-  
bus huius muneris, baculis utuntur & mitris. Perin-  
de atque nostri solent episcopi. Ea verò abstinentia  
est, quæ nunquam satis laudari poterit, insignis ad-  
modum & magna, tum archiepiscopi, tum reliquo-  
rum episcoporum, cibi atque potus, nec minor ferè  
quam monachis eius regionis, quibus ipsa solet esse  
refertissima, qui quidem ea lege obstricti sunt absti-  
nentia, ut nunquam in perpetuum carnibus vesci  
liceat. Nō procul ab vrbe Moschouia monasterium

est ampliffimum, in quo trecenti fratres, perpetuò  
ferè sub regula magni Basilij degunt. in quo etiam  
sepulcrum sancti Sergij abbatis, quod ab exteris è  
longissimis etiam agris frequentatur. Multis enim  
miraculis celebre factum est, Christianorum admi-  
ratione non parum dignis. Equibus vel vnicum in  
medium prolatum sufficiet, omnium illustrissimum,  
quod paucos ante annos illic contigit, duobus cæcis  
quidè visus donatus est. Cùm enim abbas ille viue-  
ret, tanta vitæ sanctitate extitit, vt facile sibi persua-  
serint, atq; credant iam multa ipsum precibus suis a-  
pud Deum posse efficere atq; consequi mortalibus.  
Ideoque monumentum eius, crebrò miracum de-  
uotione accedunt honorantq;. Vniuersi enim tum  
monachi tum virgines Vestales, quotquot sunt in  
monasterijs, vnicæ regulæ vniq;ue habitui obno-  
xij, nigro scilicet, vsque adeò religiosè viuunt, vt  
non mirentur solum, verum etiam summo hono-  
re eos prosequantur. Neque ipsi tam vilis ratio voti  
habetur velut hodie nobiscum. Verum cùm quis  
ingressus fuerit monasterium, nunquam in perpe-  
tuum quoquo modo, quæue indulgentia ei licebit  
exire, aut aliquo votum irritum facere. Vota verò  
tria sunt quæ exhibent ceu nostri, obedientiæ scili-  
cet, paupertatis, & castitatis. Quæ si quis prætergres-  
sus, è monasterio qui prosiliit deprehenditur, per-  
petuo carcere in pœnâ tanti sceleris clauditur. Tan-  
ta est votorum sanctitas, vt etiam quamuis multa  
apud Ruthenos archiepiscopi & episcoporum au-  
thoritas sit, in his tamen illis minimè quicquam  
concessum est. Quod vouendum & reddendum  
Domino, vtriusque testamenti scriptura edoceat,  
imò



imò ipsa veritas requirat. Castitatis itaque adeò ratio haberi solet, vt nunquam monachis vxores ducere, neque monialibus nubere liceat. Ita enim à Paulo & tota ecclesia prohibentur. Is autem qui virginem bonæ famæ duxit in sacerdotem ordinatur, in monachum tamen nunquam recipitur. Episcopus autem vel sacerdos, posteaquam cælebs in sortem Domini vocatus atque conscriptus fuerit, coniugio non copulatur, sed perpetuæ castitati adstringitur. Quod si quis concubinatus crimen admiserit (quod tamē apud Ruthenos vitium est rarissimum) acerrima pœna ab episcopo affligitur, suoque beneficio priuatur. Cumque vxor semel mortua fuerit quā primò duxit, in perpetuum quoque aliam in vxorem nunquam ducit. Non bigamum namque, at vnius vxoris virum episcopum instituit Paulus. Et quod pietati collophonium adferre videtur deuotionis spiritum augere, vt cum sacerdos diuina celebraturus est, in coniugio constitutus, maximeque in Missa celebranda obseruari solet, minimè fas esse putant præcedenti nocte cum vxore dormire, periculum enim illic esse verentur, si non cum peccato id fiat. Ideo quoque pro pleniori reuerentia nocte sequenti ab vxoribus quoque abstinent. Ea est in his quidem tanti corporis & sanguinis mysterij reuerentia, is cultus, hæc spiritus persuasio. Videant igitur nunc nostri quàm pollutis manibus hoc sacrosanctum mysterium, pignus omnis redemptionis nostræ tractare soleant. Moueret optarim vel vnicum Dauidis exemplum, qui cum extremo iam ferè ieiunio laboraret, non tamen propositio- nis panes ab Abimelech obtinuisset, nisi ipse

& serui eius ab heri & nudiustertius ab vxoribus aut alijs mundi fuissent. Curigitur non mundiciei ille quoq; studeret magis, qui vasa Domini, imò ipsum Dominum administraturus est & manibus contrectaturus? Est & aliud officium sacerdotum præcipuum, vt Euangelium Christi populo annuncient, salutem scilicet & pacem: id quod fieri cōsuevit vbi-que omnibus diebus dominicis, festis quoque diuæ virginis Mariæ: Apostolorum item & quorundam confessorum martyrumq;. Verbum autem Domini pari denotione & prædicatur & auditur. Magna quoq; est illis reuerentia virginis Mariæ, crebris quidem orationibus, veluti Christi mater pro intercessionem apud filium rogatur. Verè enim ea putatur, cum θεοτόκος sit, quæ pro nobis in terris, plurima possit à Filio consequi. Festa itaq; eius Annunciationis, Purificationis, Natiuitatis, Assumptionis, & quotquot deniq; inciderit, ieiunijs indictis, orationibus, missis tum lectis, tum decantatis celebrare, pro communi ritu ecclesiæ solent Græcorum: quemadmodum & toto anni spatio, excepto quadragesimali tempore, quando S. Georgij missam theologi celebrare consueuerunt. Est autem vtraq; missa ter prolixior, quàm sit ea quæ apud Latinos communis habetur. Deuotis quidem mentibus accedunt, illam populi audituri, tanquam participes futuri eius. Solet autem hoc differre illorum Missa à nostra, quod Moschouitæ in pane fermentato, Græcorum more conficiunt. Calici item tantum aquæ quantum vini rubei miscent: quam aquam & calidam esse volunt, quod ex latere Domini non sine mysterio magno, profluxerit sanguis & aqua, quam calidam fuisse credere

dere fas est: alioqui enim miraculum vix censeripot-  
set. Hocque Sacramentum corporis & sanguinis  
à solo sacerdote consecratur, qui veluti nostri ferè,  
stola alba indutus, tota mente ad Deum eleuata, id  
efficere conatur mysterium, quod pro sufficienti  
pignore omnium promissionum suarum Christus,  
in vltima Cœna reliquit, quemadmodum vniuersus  
orbis fatetur. Epistolam item & Euangelium æquè  
in Missis habent. At lecto Euangelio, non mox Ni-  
cenum illud Symbolum, sed post angelicū cantum,  
qui Sanctus appellatur, primū fides Nicœna decā-  
tari solet, cumque dominicæ orationis finis factus  
fuerit, mox antiphonia de beata virgine Maria se-  
quitur. Consecratio itaque æquè ab ipsis verbis fit  
à Christo probatis, quibus & eam vim cōcessam cre-  
dunt, vt prolatis ipsis à sacerdote, mox creatura crea-  
tori suo cedat, illudque quasi necessarium esse. Dum  
verò sic cōficitur, ecce panis iustę magnitudinis hor-  
deaceus apponitur, in cuius medio hostia est, cui cru-  
cifixi forma perinde, vt apud nos, impressa cernitur,  
quam vi benedictionis in corpus Christi cōuersam,  
sacerdos sibi sumit & manducat, reliquum verò pa-  
nis per frustra diuisum petentibus distribuit: quem  
singuli nō vt corpus Christi, sed veluti benedictum  
aliquem, & quodammodo sanctum panem, cum  
summa deuotione suscipiunt. Solent itaq; has Mis-  
sas celebrare de Trinitate, & beata Virgine, deq; alijs  
sanctis. Et quoniam illis proculdubio Purgatorii o-  
pinio est, assidue pro defunctis orant, Missis subue-  
niunt. In qua quidem re tanta illorum est religio, vt  
plerique bina pro mortuis anniuersaria, vt vocant,  
agant. Alterum, qui fatalis quo mortuus est die agi-



tur. Alterum autem, quo ab ecclesia institutum, sancti illius, cuius nomen habuit proprium festum celebratur. Ad hæc fiunt frequentes oblationes & elemosynæ Christianorum. Hoc quicquid est rituum & potissimum Missarum, omne quidem ex institutione primævæ ecclesiæ esse affirmant, vti tradunt etiam Chrysostomus, Basilus Magnus, aut Gregorius theologus. Hæc igitur sint brevius dicta quam vel par sit huic mysterio: Eucharistiæ quidem Sacramentum quantum ipsis in usu est, populo administrari solet, tempore quo Christus ipse instituit: & dein sequuta ecclesia, paschali scilicet. alia tamen ferie forsan quàm Romana ecclesia faciat atq; decre-

*Baptismus.*

uerit. Baptismum pro Sacramento primo, adeoque præcipuo ducunt. Quapropter hoc si quisquam neglexerit deriseritque, mortis pœna affligitur. Baptizant itaque pueros, in nomine Patris, Filij & Spiritus sancti. Huic muneri fungendo quæcunque necessitas inciderit, nemo hominum sufficere putatur nisi sacerdos exriterit. Prius verò quàm Baptismus administratur, orationes fiunt frequentes ac deuotæ, à sacerdote, à parentibus, à patrinis, à proximis, ab amicis, & quicumq; deniq; adsunt, quo Deus opt. max. sese è cælo per plenitudinē gratiæ suæ puero per vniuersum vitæ suæ curriculum assistere dignetur. Quibus certè precib. ad Deum fulis, in ecclesia, ad quod peragendum illic baptisterium ordinatum est, aut tempore brumali molestiam frigoris fugientes, in loco secretiori puer baptizari solet. In cuius rei testimonium adhibetur patrini, pro more etiam nostro quibus ex pollicitis incumbit, vt huius baptismi memores esse velint, vt puerum olim, cùm ætas patitur

aut

aut expostularit, in fide erudire non negligent, ut Deum pro tanta gratia laudent, ac orent, ut donum hoc diuinissimum fidei datum, indies augere dignetur. Prædictis itaq; orationibus, atque etiam exorcismis, cum puer fortioribus naturæ viribus apparet, ter totus immergitur, alioquin aqua tingitur, raro tamen, conspersio enim minus sufficiens iudicatur. Oleo & chrismate interim quoq; appositis fronti & scapulis. Sal verò quod à nostris adhibetur, & lutum ex saliva, & puluere, non admodum receptum est Moschouitis, abrenunciationem verò trinam fidei quoque confessionem trinam in usu retinent. Interrogati dein per nos quantum ipsi Circumcisioni tribuerint, num & ipsi in usu haberent: Procul quidem ab eis abesse responderunt, ut vel scintillam veteris & aboliti Iudaismi obseruent; imò in detestationem illius nec quisquam Iudæorum per vniuersum Ruthenorum imperiam admittitur, etiam si multis millibus aureorum hoc consequi præsumeret. Cum verò iam adultus est puer, & perfectam ætatem consequutus, ita ut suæ fidei Christianæ testimonia reddere potest, ad episcopum ducitur, ut confirmationis huiusmodi fidei Sacramentum recipiat, quod & chrismate in fronte per signum crucis confertur. Administratio verò huiusmodi Sacramenti, nulli concessa nisi episcopis: quo coniecturare licet atque argumenti loco haberi, quandoquidem omnem religionem suam per manus traditam habent ab apostolis, impositionem illam manuum vel in confirmatione, vel in ordine sacro, soli episcopo traditam esse, sicq; hætenus monumeta omnia renuerunt, atq; perpetua obseruatione custoditum est. De matrimonio si que

dicenda sunt, hoc certum esse affirmarunt, consanguinitatis simul atq; affinitatis, multum curæ ac sollicitudinis esse ipsis, neq; vnquā facile negligi, adeò quoq;, vt nec vnquam in quarto gradu repertus sit, qui contraxerit, neq; indultum, verum perpetuò illicitum. Hoc enim à sanctis patribus sancitū semel, nunquam irritum facere conatur. Et quod plus est, illud quicquid est cognationis quod in baptismo, & confirmatione contrahunt patrini, in vniuersum æquè obseruare solent atque ecclesiæ Romanæ decretis cautum est. Quod si in his decernendis cōcertatio oborta fuerit, lis omnis episcoporum arbitrio dirimitur, ita tamen, vt nequaquam indulgentia causam leniorem fecerint, quo nulla fraus fiat omnino constitutionibus. Adulterij abominatio fortassis maior illis quàm nobis existit. Illud enim summa execratione detestari & persequi solēt. Lex est etiam firma, vt quamdiu vir vixerit, simul alteri nubere vxor non possit. At hoc defuncto primū etiam lege liberatur, alioqui indiuidua consuetudine vitæ cum marito commorandum est. Sacri ordines quoque apud ipsos suis quibuldam obsecrationibus & carimonijs sacerdotibus conferuntur. Neque illis clauium potestas tradita creditur, nisi ad imitationem Christi in aures illorum dicatur, Accipite Spiritū sanctum, quorum remiseritis peccata, remittuntur eis. Huiusmodi certè Euāgelij forma à Christo nobis præscripta, omni huic qui ab episcopo vocatus, ordinatusq; in presbyterum fuerit, authoritas tribuitur, qua vel à peccatis soluere, vel ijs ipsis obnoxios sinere potest. Sacerdotali enim hoc ministerio, Moschouitæ ad pœnitentiam vtuntur.



tur. Quisquis namque ad prouectiorem aetatem, atque eam venerit, quæ ingenij sui viribus uti potest, ac discernere inter bonū & malū, rectū & prauum, leprā, & nō leprā, per cōtritionē sese peccasse agnouerit, rectē spiritus cōtribulati sacrificium reddens, mox ad pedes sacerdotis procidit, & in aurem illi, ut qui sedem Dei teneat, scelera omnia admissa sigillatim, quantum memoria recolligere potest, ex ordine cum planctu aut gemitu declarat, à quo postea beneficium absolutionis, tanquam Christi vicario accipit. Huic rei conficiundæ, tempus quoq; habent constitutum: quotannis enim Paschæ festo pro ecclesiastica ordinatione facere coguntur, plerique tamen deuotiores, ad celebriores festiuitates ex omni loge sin auricularem facere non negligunt. Id si quis constituto tempore Paschatis neglexerit, anathema esse solet omnibus, abominaturq; ipse ab omnium conuersatione, adeoq; ab ecclesiæ ingressu coercetur. Confessus itaque, quò dignè particeps fieri possit tãti mysterij corporis & sanguinis Domini, prius per aliquot dies corpus affligat oportet, & in seruitutem vsque redigat carnem suam, reliquosq; pœnitentiæ fructus dignos in testimonium afflictæ conscientiae peragat. Proin ieiunium illud quadragesimale, à Christo & apostolis nobis institutum prorsus affirmât, quo quidē tempore, quoniam omnium procreantium, Veneri commodissimum est, atque pruritibus acerbissimos, animantiū cunctorum, non est, quod plus prouocet, opus est summè ut veteris illius Adæ insultus, per domemus carnis abstinentia, quæ certè abstinentia, apud hos quidē septem hebdomadis summa diligentia perficitur, adeò ut hoc

*Confessio.*

*Præparatio  
ad sacram  
synaxim.*

tempore in perpetuum nulli suorū hominū carnibus, ouis, caseo, & butyro vesci liceat. Præter hoc etiam à decima die Nouembris, ad festum vsque Natiuitatis saluatoris nostri Iesu Christi, ieiunant: habent & alias hebdomadas continuas, quibus ieiunant, vt in Iunio ad festum Petri & Pauli. Aliquot item hebdomadas in Augusto ad festum assumptionis Mariæ, tum diē Veneris per vniuersum annum, quidam & Mercurij. Votum proin fecerant octo ex peregrinis illis, qui cum sua serenitate fuerunt, vt singulis hebdomadis tres dies ab esu carniū absternerent, Lunæ scilicet, Mercurij & Veneris, id quod diuina gratia hætenus obseruatum aiebat interpretes. Tanta est autem illis harum constitutionum obseruantia, vt quocunque ieiunio piaculum esset, aliquem carnibus vesci aut cuis. Narrabant interim quoq; ex suis inueniri, qui cū ieiunia persoluunt, nihil quod vnquam visum sit vita fungi, neq; pisces ipsos ederent. Inueniri & alios qui ieiunio statutis diebus, neque vinum, neq; quicquam aliud potuum bibant. Qua re audita ita moti, vt mente, *ἐὶ θοὴν ἰαγὼν* correpti, destituti videremur, quod admodum iniquam esse nostrorum Christianorum cum illis, in rebus istis Christi religionem concernentibus comparisonem apparebat. Nec magis vnquam quicquam animis nostris tenacius inhæsit, quod nos qui nobis ipsis multum persuademus de arbore fidei nostræ, fructu quidem deteriores illis esse contingat. Tuentur & alios pœnitentiæ gradus, quibus Deum nobis reconciliari credunt. Ex quibus & potissimus est oratio, in qua frequentanda non facild similes reperiri censeo. Omni namq; diluculo cuncti

Et eorum, toto corpore in puluerē ipsū prostrati, prolixas orationes, & quotidianas ad Deum fundūt, & ferē absque omni temporis intercapedine orant precibus. Quarum primum locum obtinet oratio Dominica, dein cum archangelo Gabriele, diua Virgo salatur. Dicunt & fidei professionem symbolo, quod apostolorum esse à veteribus persuasi sumus: & nullus eorum est, qui nō singulis diebus litaniā persoluat. Qui verò ditiores sunt, ē quorum facultatibus est magnos pro ijs sumptus posse facere Ruthenicis literis imbuti, libros orationum sibi comparant, earum solū tum quæ ab ecclesia receptæ sunt, cuiusmodi apud Oratores vidimus. Imaginum verò non tam levis cura, aut contemptus apud ipsos viget, veluti apud nos his factionibus huius sæculi increbuit, præter omnem pietatem: verū vt monumenta, quò nec vnquam immemores beneficiorum Dei fieri cōtingat, præ oculis habent. Frequentes conueniunt in ecclesijs quas & ipsi magnis sumptibus extruunt, orationis domos ex Euangelio vocitantes, quasq; imaginibus varijs crucifixi, diuæ Virginis, apostolorum, & aliorum quorundam ornant, id quod licere sibi ex moribus vetustissimorū Christianorū prædicant. Neq; tam facilē ipsos mouet, quod apud Græcos Constantinopoli ante septingentos annos extiterunt, qui imagines idololatriæ conuenire docuerunt, neque fas esse, vt cum verē Christianis reperiantur. Qui certē secunda dein Nicena synodo damnati fuerunt, quotquot pertinaci animo hanc sententiam sunt tutati. Neq; est vt vel vnum aut alterum, qui his vt monumentis vti-  
tur, adorare, facilē reperiri queas. Quoniā nemo



qui vel ignoret à lege prohibitum esse ne veneremur lapides. E contra etiam nullibi scripturæ locus est, quo nō vti liceat ijs monumentis, qui vetet. Imò & in conuiujs illi ob oculos ponere consueuerunt monumēta huiusmodi, vt in perpetuum animo obuerſentur, quæ præstitit nobis Deus, atq; facilius recordentur vniuersę vitæ nostræ exempli Christi. At quod è cærimonijs est, communē habent nobiscum vñum, in sacris cādelarum. quoniam cera opulentissimi sunt, frugibus verò terræ, & ijs omnibus, quæ ex substantia sunt alicuius, venerandū ducūt Deum, quæ candelæ tunc potissimum accenduntur, quando totius redemptionis nostræ mysterium corporis & sanguinis Domini, Missa à sacerdote cōtrectatur. In organa verò illa Pipiniana, quæ tamen nobis primò à Græcia sunt missa, nullos omnino sumptus faciunt neq; hætenus vñi.

Neq; illud quidem minori, quàm reliqua quæ egregiè faciunt, loco habendū erit, quod plurimum commendatos habent pauperes, quibus quisq; pro sua facultate, atq; quātum Euangelij pietas consulit, exponit eleemosynas, vestit, potat, pascit, hospites colligit, & reliqua agit huiusmodi, quibus filios Dei in vita prouehere potest. Constituunt ad hæc peregrinationes, ad præscripta quædam ac sancta loca, quam rem nunc lubens prætereo. Is quoq; qui morbo aliquo prægrauatus est, cuiusmodi in extremum mortis periculum ducere videtur, non solū auralari confessione sua peccata enumerare solet: verū ad hoc etiam, vt fidem suam testetur in Christum qui hoc modo testamento reliquit se remissum à noxam, sacramento Eucharistiæ prouidetur.

Extre-

Extremam item vnctionem minimè negligit. Tum *Extrema*  
 pro agrotante frequenter fiunt orationes, atque li- *vnctio.*  
 tania res agitur. Sicque tandem exacta exomologesi,  
 pro rituq; communi Christianorum omnibus per-  
 petratis, cōfessus ille à sacerdote absoluitur. Septem  
 igitur numero Sacramenta habent, velut ea quæ si-  
 ne omni fraude promissionum suarū eum qui pro  
 Christiana pietate ipsis vtitur, participem, ac compo-  
 tem faciunt. Præcepta item decem eadem authori-  
 tate tenent, qua Mosi primò tradita sunt, quasi nun-  
 quam intermoritura, certi per verbum eius, quod  
 venerit vt impleret legem, minimè vt solueret. In- *Indulgentia.*  
 dulgentias ab archiepiscopo & episcopis accipiunt,  
 magis tamen castè forsitan ab ipsis agitur in ea re,  
 quam à nostris. Impijssimum enim esse dicunt, vt  
 quæ ipsi gratis acceperint sibi magnis sumptibus  
 redimenda essent. Neque fas est vlli episcopo dare  
 potestatem vescendi carnibus. Matthæus, Marcus,  
 Lucas, Iohannes, epistolæ Pauli, & reliquæ à nobis  
 receptæ cum Apocalipsi, inter canonicas noui Te-  
 stamenti scripturas recensentur. De canonicis ve-  
 rò veteris Testamenti idem asserunt, quod decreuit  
 ecclesia catholica. Pontificem Roma. vt Christi vi-  
 carium & successorem Petri agnoscunt. Propterea  
 S. Clementis S. Leonis, & diui Gregorij festa apud  
 Moschouitas celebrari consueuerunt. Quod autem  
 ab eo veluti apostatæ ac schismatici damnentur hoc  
 se iudicio iusti iudicis Dei cōmittere, dicebant. Sæ-  
 pissime certè tentatum est eos persuaderi, quò ad  
 occidentale in ecclesiam redirent. Quæ tamen fue-  
 rint, quæ infelicius homini frustrata sint, fortè plus  
 profuerit obticere quam commemorādo vel scan-

dalum infirmioribus præbere, vel odium quorundam in me contrahere. Dissentiunt à nobis in Sacramenti cōsecratione aliquantulum, ac fractione panis. Spiritum sanctum à solo Patre nec à Filio procedere perinde atq; Grati tuentur. Quanquam verò sint apud Græcos plerique qui purgatorium negant, & alij qui purgatorium scripturis probare conentur. In hoc tamen se non facile scissuram pati affirmant, quin id ipsum firmiter cum Romana ecclesia teneant. Missas nostras animo pròptissimo audiunt, neq; aliud magis cruciari aiunt, quàm quod à quibusdam quasi alieni à fide vitentur, quando omnia ferè nostra sacra cum studio obseruent. Festa item quatuor solennia celebrant. Natalis scilicet Domini, Paschæ, & Pentecostes, atq; diei quo mater Domini assumpta est in cælum. Magno loco habet apostolos, præcipuè tamen sanctum Nicolaum, quem celebrant, honorant atq; inuocant. Diem Palmarum ad imitationem ecclesiæ Rom. celebrant, palmas & oliuas, atq; reliquas huiusmodi arbores benedicentes. Hæcque benedictionem creaturarum, nō solum ab ecclesia piè receptam, sed & sacris literis rectè fundatam probant. Ex qua enim quæ est in Numeris cap. quinto & decimonono aperte mōstratur, quid execrationes possint. Et è Paulo ad Timotheum, sanctificari creaturam per verbum & orationem, notissimum est omnibus. Apud ipsos denique per verba incantari serpentes, per verba eijsi daemones, & liberari obsessos cōmune sit. Per ieiunium enim & orationem expelli Dæmonium Christus post se scriptum reliquit. Signum crucis ac imaginē crucifixi, etiam contra hostes pugnaturo secum deferunt, inde



inde triumphari desiderantes vnde & Christus, Sanctos verè pro nobis apud Deum intercedere posse credunt, ac quod sedulò faciant sperant, quorum etiam vota facilius exaudiri autumant. Quare & eos inuocant & venerantur. Eos quoq; qui publicè peccant, excommunicatione persequuntur, quam eorum lingua *Obscha* vocant, quam si quis incurrit, è communi omnium hominum consortio, & cōversatione ecclesiastica eiicitur. Vnicum est quod à nobis sanè probari non potest, & à nostris institutis alienissimum, quod pueris vix dum tres annos natis, Eucharistiæ sacramentum præbent, quodque in pane fermentato coficiunt, & ex cocleari panem vino intritū pro corpore & sanguine populo ministrant. Hi sunt itaq; mores Moschouitarum, hæc religio, illa pieras, serenissime princeps, quæ in vniuersum inclita tua in rebus diuinis procurandis sedulitas ignorare omnino doluit, ideoq; iussu tuo hæc certè illorum hominum perquisita sunt. Data Tubingæ XVIII. Septembris, anni M. D. XXV.

ELVCIDARIVS ERRO-  
RVM RITVS RVTHENICI, IO-  
ANNIS SACRANI CRACOVI-

*ensis ecclesiæ Canonici, anno Domini*

*1500. scriptus.*

**E**X omni gente Christianum gerente titulum, præcisatamen ab vnione ecclesiæ, in defensione sui erroris schismatici, nulla pertinacior inuenitur gente Ruthena. Adcò namque in secta & errore

suo, dura & inflexibilis est gēs, vt nulli scripturarum  
 veritati, nulli Ecclesiasticę determinationi, nulli do-  
 ctorum Catholicorum, aut conciliorum sententię,  
 assensu cedit vnquam, quando potius visę & agnitę  
 veritati, proh dolor pertinaciter contradicit, & do-  
 ctos Catholicos, etiam sui ritus viros refugit, sanam-  
 que doctrinam eorum odit semper, ac disciplinam  
 salutarem exhorret. Et hæreticorum Valdensium  
 more (quorum temeratissima rusticitas Innocentij  
 secundi temporibus, virus pestiferum admodum in  
 ecclesiam iniecerat, quod necdum est in Bohemia  
 consepultum) ambitionis fastu inflati, se duntaxat  
 veros apostolorum, & ecclesię primitiue sectato-  
 res audent astruere & in eo, quod abscessi ab ecclesia  
 vltro dissident, eius excommunicationem contra  
 se tanquam schismaticos, aternam reputant bene-  
 dictionem. Multa contra ecclesię Catholicę ritum,  
 ordinem atque authoritatem blasphemantes, quę  
 sequenti capitulo notabuntur, qui tamen & Græ-  
 canico ritu in plurimis abutentes, ab eis semper, &  
 vsque modo pro hæreticis eorum habiti sunt, tenti,  
 & reputati. Hi Christianum sanguinem, non minus  
 hostibus crucis Christi sitiunt assidue, toto nisu co-  
 nantes, vt è medio fideles quosque exterminent, vt  
 sic nomen Ecclesiasticę religionis, apud & inter eos  
 abolitione prorsus interiret, nec probatione aut  
 exemplis externis nobis opus est. Misso quidẽ exe-  
 crabili, nulla tamen obliteratione præteribili sacri-  
 legio, quod in dominũ Isidorum Kyouiensem Me-  
 tropolitam, de cõcilio Florentino missum cum col-  
 lega, quodam episcopo ad se venientes, vt iuxta Flo-  
 rentini concilij determinationem cum Græcis, oc-  
 ciden-

*Valdenses.*  
*Coronatus*  
*Innocentius*  
*Anno 1130.*  
*sedit in tem-*  
*plo Dei 13.*  
*annos.*

cidentaliseu ecclesiæ Romanæ concorporarentur & vnirentur, commiserunt, oppugnatione rabida consentientes nequaquam, tum decreta vnioni recens hoc de anno Domini 1500. facinus admissum vniuersorum obtutibus ante positum innotescat. Diuus ac religiosissimus princeps, dominus Alexander magnus, Lituaniæ Dux modernus, ignitus Catholicæ fidei amore zelotypo, instar Vitoldi incliti aui sui, qui prima fidei ecclesiæ fundamenta in Lituania iecerat, secum deliberans, quemadmodum in amplissimo Ducatu suo honesta quapiam ratione, ad vnitatem ecclesiæ ditionis suæ Ruthenos reduceret. Dum itaque pia, benigna ac paterna adhortatione adoriendos statueret, ipsique præsentirent propositum deuotionis suæ in eius cunctorumque sibi subiectorum, fidelium perniciem, & exterminium, rabido furore coniurati dutes, & certi primores eorum, ad magnum Moschouitarum Ducem schismatis & eorum sectæ tutorem, è vestigio defecerunt. Cuius quidem filiam infectam paterno contagio, idē Deo deuotus & innocentissimus princeps suorum optimatum & armigerorum suasu, & instantia coactus, pacis & affuturæ amicitiae fiducia, paulò antè thoro matrimonialiter sibi constituit. Sanè præfatus Dux Moschouitarum ad iniuriam sibi referens; religiosissimi principis huiusmodi propositum, gaudēs hac occasione sibi (longè antè præconceptam) præbitam licentiam, ad inuadenda, deturbandaque ac populanda eius dominia, & ad pacem vnionemq; Christi fidelium cōuulnerandam, mox neruis Tartaricarum gentium vicinarum obfirmatus, socer genero patentibus indictis insidijs,

*Circiter  
annū 1386.*



non ante cruentum plenè saginavit affectum, do-  
 nec innumera millia Christianorum, iam per suos  
 ex Litvano dominio, iam per subinductos Tartaros  
 ex dominijs serenissimi Christianissimiq̃ue domini  
 Iohannis Alberti Poloniae regis in perpetuam, at-  
 que infamei seruitutem abigeret. Hæc enim schi-  
 smatis huius Ruthenici, vna eademq̃ue est voluntas  
 omnium, vt aduersus Romanam ecclesiam, & eius  
 ritum odio fremant, insectenturq̃; eam maledictis  
 suis, & fideles de obedientia eius, fide, bonis, gloria,  
 vitaq̃ue nudare, ac priuare moluntur semper, nec  
 mirum. Nam cùm non sint de vnitæte & societate  
 ecclesiæ, & per consequens nec de regno Christi, a-  
 liud agere nequeunt, nisi vt adinventionibus varijs,  
 molestant Christi fideles, & persequantur, blasphem-  
 entq̃ue sanctam matrem ecclesiam. Non habentes  
 illud in prospectu, quod scribit Hieronymus su-  
 per epistolam ad Titum 3. & habetur XXIII. que-  
 stione III. capite. Si igitur quomodo Michael archa-  
 gelus, non fuit ausus Diabolo certæ maledictionis  
 dignissimo iudicium inferre blasphemix, disputans  
 de corpore Moyse, vt in epistola Iudæ apostoli scribi-  
 tur, sed dixit imperet tibi Deus. Si igitur Michael nō  
 fuit ausus blasphemix iudicium inferre Diabolo per  
 cuius os maledictum blasphemix, ipsius exire non  
 debuit, quomodo ipsi Rutheni blasphemare audent  
 seruos Christi, & ecclesiam suam Catholicam, quæ  
 vnica est, & in duo vel plura diuidi non potest, quæ  
 corpus Christi est, qui vnus & indiuisus est, vt habe-  
 tur 24. quæst. 1. cap. Didicimus c. Schisma & super v-  
 nam petram ædificata est, vt habetur 24. quæstione.  
 1. capite, loquitur Dominus. Cùm & apostolus cuius  
 fingunt

ſingunt ſe imitatores fieri, ad Titum 3. dicat, admo-  
ne ad omne opus bonum paratos eſſe. Neminem  
blaſphemare. Et quia dicit, neminem, Ergo non  
tantum hominem, ſed nullam creaturam Dei, vt  
exponit Hieronymus ibidem, & per conſequens,  
non eccleſiam Catholicam in qua ſola eſt Chriſti  
regnum. Nam dicit beatus Auguſtinus ſuper Io-  
hannem, quod ſoli fideles Chriſtiani, ſunt regnum  
Chriſti, quod non colligitur, ſed emitur ſanguine  
Chriſti. Et in alio loco ibidem, quid eſt regnum  
Chriſti, niſi credentes, quod demonſtrat etiam Au-  
guſtinus in homilia zizaniorum, vbi dicit, hi quos  
ſchiſmaticos communionis direpta ſocietas facit,  
ſpiciſ corruptis comparantur vel paleis ariſtarum  
fractis, & ereptis de ſegete, quæ non ſimiliter cum  
frumento intrant in promptuaria dominorum, &  
contra ibidem Gregorius dicit eos eſſe zizania, nec  
in vnum concludi ſagena eccleſiæ, in qua regnat  
Chriſtus, & non obſtante quod ex eodem ſemine  
Euangelij & nomine Chriſti procreati ſunt. Non  
habent tamen fidei aut eccleſiæ niſi ſolius Chriſtia-  
ni nominis ſocietatem, quamobrem hoſtes vnio-  
nis facti, pacis & veritatis, ac in diuerſorum errorum  
præcipitium lapſi commentis varijs, quæ monſtroſa  
& peſtifera hæreticorum ingenia ab initio conſla-  
uerunt, ſtatum, auctoritatem ritumque ſanctæ ma-  
tris eccleſiæ deprauare, non formidant, &  
quæ qualiæve vomant au-  
diamus,

## CAPITVLVM II. DE ERRONEIS

*articulis Ruthenorum qui in hoc capitulo demon-  
strantur esse quadraginta, quamuis mul-  
tò plures sint, quos inferere radio-  
sum fuit.*

## I.

**N**egant Rutheni sanctum Petrum, verum Pa-  
pam & verum Romanæ sedis antistitem & ec-  
clesiæ militantis caput vnicum fuisse, nec accepisse  
plenitudinē auctoritatis à Christo, quod & de quo-  
libet Romano pontifice successore eius tenent, &  
cōmunem eum cum alijs pontificibus esse dicunt,

## I I.

Negant ecclesiam Romanam caput esse eccle-  
siarum omnium principem rectoricē & magistrā,  
secundum quod scribitur dist. 23. c. Sacrosancta.

## I I I.

Dicunt omnes obediētes ecclesiæ Romanæ, ve-  
ros Christianos non esse, neque saluandos, eò quòd  
ab ecclesia primitiua discrepent. Se verò solos esse  
veros Christianos asseuerant, sectatores Christi &  
apostolorum, & sic esse de numero saluandorum.  
Imò dominum papam cum ecclesia Romana di-  
cunt hæreticum esse, de hæresi Arriana, & Catholi-  
cōs omnes Arrianistas vocant, & anathematizant  
ipsū tempore cœnæ Domini cum suo clero, di-  
cuntque non habere plenam potestatem ligandi &  
soluendi, quod sumptērunt ex sectione seu diuisione  
Græcorum decima ab ecclesia Romana, de qua  
infra.

Dicunt



## IIII.

Dicunt omnes Latinos ecclesiæ doctores nullius veritatis & efficaciam esse, fuisseque, hinc nec aliquis eorum dicta suscipiunt, quantumcumque forent ab ecclesia suscepta & approbata, nec credunt afflatu Spiritus sancti locutos fuisse aut scripsisse, hinc nec libris aut scriptis beatorum Hieronymi, Augustini, Gregorii, Ambrosii, & ex consequentia aliorum doctorum fidem dant, & eorum auctoritatem nullo modo suscipiunt.

## V.

Dicta doctorum Græcorum suscipiunt, dummodo nihil aduersus eorum errorem in eis inuenerint. Si verò quid ex eis quod aduersus sectionem & ritum eorum erroneum fieret acceperint, corrupta dicunt & vitiata esse ac fidem eis adhibere, non debere asseuerant.

## VI.

Sanctos ex ecclesia & fide Catholica, Romanæ professionis & obedientiam blasphemant, & dñant sicut infra patebit in septimo schismate.

## VII.

Imagines operis, & artificij catholicorum horrent, & quātum ex eis est, inhonorant, etiam si crucifixi, aut eorum Sanctorum fierent. Sui verò artificij venerantur, dummodo in synagogis eorum locatæ aut pictæ fuerint, alias non.

## VIII.

Ecclesias catholicorum spernunt, confutant, inhonorant, ac blasphemant contra canonem Innocentij tertij de Baptismo c. Licet Græcos. Nec ullam

in eis exhibent reuerentiam facerrimo sacramento nisi coacti, aut metu maiorum offensæ, aut simulata assentatione, & sic de earūdem ecclesiarum consecratione, nihil tenent. Sic & de consecratione corporis Christi dicentes, in azymis ipsum cōsecrari nō posse. Eorum verò synagogas per simplices eorum sacerdotes consecrari posse dicunt, prout de facto consecrant.

## I X.

Statuta Ecclesiæ dictaq; aut scripta seu Canones, & Conciliorum determinationes, ac decreta, nulla esse dicunt, etiam & de primis Concilijs dicūt, quod à septima Synodo omnia concilia nullius efficacix fuere, neq; de iure Catholico, quod sine eorū consensu agebantur & approbatione.

## X.

Omnia ecclesiæ sacramenta profanāt & blasphe-  
mant, ridentq; & inhonorant, præcipuè sacramenta Baptismi & sacra Eucharistiæ, eò quòd non secundum formam ritus eorum fiant.

## X I.

Nullum pontificem Catholicū habere potestatem dicunt chrisma cōsecrandi, solum patriarcham, quem se habere iactant Constantinopoli, per quem si semel consecratum fuerit dicunt, ad annos plurimos illud efficaciam habere ad vñctionem.

## X I I.

Ordines, benedictiones, pontificia, sacerdotia, orationes, ieiunia, indulgentias, iubileos, & omnia ecclesiastica officia, & ea quæ auctoritate clauium dispensat ecclesia damnant, nec vllius efficacix dicunt esse. Similiter obedientiam ecclesiasticam auctori-

thoritatemq; rident, & sicut de indulgentijs, sic & de excommunicationibus ecclesiæ nihil tenent.

## X I I I.

Dicunt confirmationis Sacramentum nullum esse. Ideo nec illud accipiunt, sine quo promouent sacerdotes suos, nec habent tempora limitata ad ordines, sed passim & vno die promouet, & plures ordines conferunt.

## X I I I I.

Dicunt Sacramentum extremæ vnctionis, nullam aduersus peccati reatū medelam cōferre posse, & B. Iacobum vnctionem intellexisse, tamē ad medicinam languoris corporalis.

## X V.

Sicut quandoq; baptizant in acetabulo, id est, in qua acida, expressa de succo pomorū, aut fructuum, confecta cum aqua naturali & fermento: dum aqua pro tempore caruerint, discretionem in aqua non ponentes: sic in defectu vini in eodem acetabulo sacrificant, imò, execrant.

## X V I.

In præparatione calicis duas aut tres guttas vini aquæ immiscet calidæ, nec vinum sentitur in aqua absumptum, & damnant ecclesiæ ritum quod aquam frigidam ad calicis præparationem accipiant, & panem fermentatum pro sacrificio recipientes diuidunt bifariam, superiorem partem in panis medio triangulariter, in profundam excidētes, in corpus Christi consecrant. Reliquum panis beatæ Virginis corpus designare dicūt, & in veneratione conseruāt, in cuius panis præparatione farinā recipiunt,



In nomine Patris, fermentum mittunt in nomine Filij, calidam fundunt aquam in nomine Spiritus sancti. Item ad panis sacrificium plures panes associant & apponunt, vnum in nomine Mariæ, alium in nomine præcursoris, alium in nomine Basilij, tandem Leonis, Heliæ, & sic consequenter singulis panibus sanctos singulos inuocatione attribuunt. Vnde & in calicibus ligneis, in locis plurimis sacrificant. Vbi pane ex pluribus, vt tactum est polentis exempto, offam quandam faciunt, & consecrant, tandem in consumptionem coclearibus ligneis, & sordidis vorant, & inicas seu reliquias panniculis detergunt, eijciuntque. Sic quoque communicant, & populum coclearibus, ex calice expromendo, & in esum offerendo.

## X V I I.

Sumunt experientiam de calicis consecratione, tanquam dubitantes de consecratione eius. Nam antequam communicant in sacrificio, faciunt eis dari aquam calidam quam infundunt in calicem consecratum, vnde si vapor exalauerit, credunt verè illic esse sacramentum, tum primò communicant. Et si pars in calice relicta fuerit, seruatur, & peractis prandijs à sacerdote redeunte voratur.

## X V I I I.

Consecrant pro bellantibus panem similagineum, in corpus Christi, & laicis in bella procedentibus tradunt in manus, qui cum sunt cum hoste conflicturi & iam manus confecturi, replent vas escarium aut pocularium, quod in promptu fuerit aliquo liquore, qui tunc occurrerit, & illic pane illo posito, seiplos ordine communicant.

Sacar-

## X I X.

Sacramentum Eucharistiæ, quod die cœnæ sacræ consecrant, illud solum dicunt pro infirmis procurandis valere, & non aliud, quod diebus alijs consecratur, & tale ad anni decursum conseruant in calice præparato, quod vermiculosum & tabidum, infirmiori imprimunt cocleari.

## X X.

Ante præparationem calicis incensis cereis, panem consecrandum cum vino, & aqua calida in calicem fusa, velut dictum est, cum reuerentia summa spectandum populo offerunt, & circumferunt, vbi populus pronus cadit veneratur & idololatrat. Et post in altari positum, & consecratum nemo veneratur, neque eleuatur.

## X X I.

Non solum in forma Baptismi ab ecclesia discrepant, sed etiam in materia. Quanquam vt supra in articulo 15. dictum est & sacro Epiphaniarum die, loco fontis ecclesiastici flumina rapidè manantia, dum modo haberi poterunt, pro Baptismate infantium consecrant, instar Iordanis. Et quem puerum in mersione ibidem mori frigore, aut è manibus elabi & mergi contingat, ab Angelo raptum dicunt in cælum, neque mundum eius præsentia fuisse dignum aiunt.

## X X I I.

Sacerdotes eorum communiter non orant, nisi quando missæ officium suo more sint habituri, & quæ aut quales horæ eorum sunt Deus videat. Et dicunt presbytero sufficere ad conscientia purifica-

tionem, cum vxore cubanti & celebrare volenti, quod se fermentata aqua calida abluat, à vertice capitis ad pedum vestigia. Hanc loturam tantæ dicunt efficaciæ quanta foret confessio.

*X X I I I.*

Si casu quis Catholicorum presbyterorum in altaribus eorum celebrauerit, mox velut execratum violant & effringunt, & dicunt quod in vno altari tantum missa vna debet in die celebrari.

*X X I I I I.*

Dicunt populum mereri, & magnæ indulgentiæ fieri, quotiens quis hominem Catholicum obedientiæ Romanæ interemerit.

*X X V.*

Dicunt suos presbyteros irregularitatem incurere; cum passerem, aut aliquod volatile occiderint, qui non prius regularitatem acquirunt, donec idem volatile sub ascellis gestum ab eis, totaliter computrescat. Hæc eorum est poenitentia, quæ non esset adeò dura si Christianum hominem occiderint.

*X X V I.*

Falso iurare aduersus inimicum & præcipuè contra virum Romanæ professionis nō esse peccatum dicunt. Similiter & decipere, damnificare aut fraudare eundem.

*X X V I I.*

Sicut Sabbatum in Quadragesima, nullo modo fore ieiunandum, & peccare eos mortaliter, qui ieiunauerint. Neque Missam celebrandam in tota

Qua-



Quadragesima, nisi Sabbaticis diebus & Dominicis. Vnde damnant ecclesiam Romanam, celebrantem alijs diebus Quadragesimalibus præter Sabbatum & Dominicum. Et simili errore ante ieiunia sua octo diebus solennitant. Similiter & post ieiunia, carnes vorantes quotidie ferijs sextis. Imò & in Vigilijs, si qua tum occurrerint. Nec piscibus licere vti dicunt nisi eorum intestinis, cum ieiunia Quadragesimalia peragunt.

## X X V I I I.

Christi fideles peccare mortaliter dicunt, quòd barbas radant, & manducant suffocata. Et similiter damnant Christianos carnes edentes vltima Dominica antè Carnispruium, & consequenter.

## X X I X.

Dicunt licitè vendi posse praelaturas, ac beneficia, aut emi. Similiter & sacros ordines, & qua beneficia patres tenuere dicunt, filij ad ea ius hæreditarium se habere.

## X X X.

Dicunt viuentem hominem, mortaliter peccare non posse.

## X X X I.

Dicunt fornicationem simplicem non esse peccatum mortale, similiter & vsuram.

## X X X I I.

Dicunt furi sufficere rationem furti sui, septem sacerdotibus repræsentari, & fateri crimen, & petere olei vñctionem ab eis. Nulla tamen post hoc pecunia, nec restitutionis debito debere onerari.

## X X X I I I.

Asserunt non esse purgatorium, solum esse duo receptacula animarum, cælum & infernum.

## X X X I I I I.

Dicunt animam ante diem iudicii beatitudinis gloriam non habere, quod & credunt. Corpore in terra manente. Omnia hæc in concilio Florentino callata sunt, & per Bullam Eugenij correctæ.

## X X X V.

Dicunt quod viuorum suffragia prosint damnatis in inferno, & non alijs.

## X X X V I.

Dicunt Spiritum sanctum non procedere à persona Filij nisi solius Patris. Aliàs duo essent principia, & duæ spirationes, quod tamen sufficienter explanatum est in Concilio Florentino 1439.

## X X X V I I.

Diuortia faciunt in matrimonijs nulla rationabili causa interueniente, pro sola auaritia & libitu, quæ laici simplices inter coniuges faciunt. Et dicunt quemlibet qui petit separari licere.

## X X X V I I I.

Dicunt secundas & tertias nuptias, ac deinceps, esse illegitimas, nec facere verum matrimonium, nec inde sequi prolem legitimam.

## X X X I X.

Mortuorum tumulos, peracta sepultura iubentur singuli per sacerdotē, suos osculari, & post ipsam sepulturam conuiuantur, vorantes quasdam polentæ ab ipsis presbyteris benedictas.

Dicunt

## X L.

Dicunt secularibus dominis eorum præsidibus, licere sine nota excommunicationis maioris verberare & deponere eorum patriarchas episcopos, sacerdotes cuius rei origo cœpit, ut dicetur in 10. diuisione Græcorum ab ecclesia. sunt & aliæ plures leuitates & stultitiæ eorum & errores, quos præsentibus omitto inferere. Satis hinc liquidè patere poterit, quod horrendis erroribus, si veteratores & sectatores prophanam à veritate & saluari ecclesiæ Catholicæ determinatione discrepent, secti ab unitate fidei orthodoxæ. Vnde in simplicitate & humilitate simulata, venientibus ad apostolicam sedem, an euestigio credendum dispensandumque sit cum eis de plano, non defimo.

*CAPITVLVM TERTIVM DE PERTINACIA Ruthenorum, qui nec in obedientia, neque in iurisdictione petenda ab ecclesia, Græcos redeuntes voluerunt vnquam imitari.*

**E**T quia in Græcorum atque Ruthenorum schismate claruit semper, & vsq; modo liquidè certitur, inobedienciæ pertinacia maior esse in Ruthenis quàm in Græcis, qui non solum animaduerrere volunt potestatem & iurisdictionem omnem, non nisi ab ecclesiæ Catholicæ auctoritate manâre: nec aliunde consequi eam oportere. Quin potius imperium authoritatemque eius omnem nihili ducentes, à tertia Græcorum ab ecclesia sectione, seu ab Ephesina synodo hæretica diuisi cum eis ab ecclesia.



Vbi Dioscorus Alexandrinus episcopus Leonem papam primum contumeliosis verbis afficere, & excommunicare primus temere ausus est. Post in Chalcedonensi catholico concilio damnatus, nunquam deinceps vniri ecclesiæ voluerunt.

*Græci duodecies defecerunt à Romana eccles.*

At verò Græci post eandem diuisionem tertiam, redire nouies perhibentur. De quorum abitione & reditionibus præsens quoque capitulum introducit incidentaliter. Græcos itaque seu Orientales ecclesias à Romana seu Occidentali ecclesiā omnium ecclesiarum matre & magistra, cui singuli quique omnium conditionum statuumque subesse & obedire, eamque sequi, venerari, ac in credendis & idire tenentur, velut habetur Distin. 19. cap. in memoriam: duodecies præcidi legimus per diuersas hereses & schismata. Ipsam tamen Romanā ecclesiam, semper in vna vera & solida fide Catholica persistisse, perstituramque ad sæculi consummationem iuxta illud Lucæ 22. Ego rogavi pro te vt non deficiat fides tua. Secundum quod & beatus Hieronymus ad Damasum papam dicit, & habentur verba eius 24. Quæstione. 1. Can. Hac est fides. Sacra Romana ecclesia, quæ semper immaculata permansit, Domino prouidente & beato Petro apostolo opem ferente in futuro permanebit sine vlla hereticorum insultatione, scilicet præualente, atque firma & immobilis omni tempore persistet.

Vnde huiusmodi præcisiones eorum, post translata imperij sedem ab vrbe Romana in Constantinopolim per Constantinum Imperatorem secutas legimus ad illam vltimam, in qua nunc obstinati persistunt, quæ post Florentinum cōcilium accessit.

Qui-

Quibus redeuntibus, tamen minus susceptionis ab ecclesia gratiose impendebatur semper, vt habetur 22. Distinctione. C4. Sacrosancta. Quæ quidem Orientales ecclesiæ, principales & patriarchales fuerant quatuor: Constantinopolitana; Alexandria, Antiochena, & Hierosolymitana. Quæ iam diuissim, iam quandoque coniunctim se ab obedientia ecclesiæ Romanæ subtrahebant. Constantinopolitana tamen ecclesia, fiebat semper alijs occasio huiusmodi abcessionis.

4. Patriarchales ecclesiæ.

Vnde prima sectio fuit anno Domini 335. tempore Iulij pape & Cōstantini imperatoris, Constantini magni filij, Arriana hæresi plurimum infecti, qui seductus per Eusebium Antiochenum, patriarcham, & alterum Eusebium Nicomediensem episcopum, ambos sectatores Arrij hæretici: qui in Alexandria dogmatizabat. Filium in quantum Deus, minorem esse Patre. Imò potius dicebat eum creatum esse non Dominum non coæternum, nec eiusdem substantiæ cum Patre, & alia nefanda plura: multas & graues persecutiones intulit omnibus catholicis, tam Orientalibus quàm occidentalibus, quosdam suffocans quosdam in exilium condemnans.

Prima diuissio Græcorum à Romanis.

Eius igitur fauoris fiducia, idem Eusebius patriarcha Antiochenus, non quæsita papæ licentia: volens determinationem Niceni concilij in Symbolo damnare de consubstantialitate Patris & Filij: Concilium in Antiochia congregauit. Et ad illud cunctos episcopos Catholicos citari fecit. Vtpote Anathasium Alexandrinum episcopum, & patriarcham Paulum Constantinopolitanum, Marcel- lum Anchiræ episcopum, & Lucianum Andrioli-

tem, qui Orthodoxæ fidei erant veri zelatores.

Illi verò pro eo, quod sine papæ consensu interveniente factum esset: ad tale cōciliabulum venire contempserunt. Quapropter per eum excommunicati ad Iulium papam appellârunt. Eusebius verò literis papæ de audacia temera correptus atque citatus ad reddendam de tanta præsumptione rationem, spreto mandato papæ ab obedientia sua & ecclesiæ Romanæ se subtraxit. Mox in exilio Paulum Constantinopolitanum episcopum, eius suggestu imperator clâm sub altari in Ensa ciuitate suffocari præcipiens, Eusebium Nicomediensem hæreticum transtulit in sedem Constantinopolitanam. Quæ ab eo annis duodecim, pòst à Macedonio hæresiarcha Spiritum sanctum creaturam asseuerante occupata anno vno. Tandem à tribus alijs hæreticis Eudofio Demophilo, Euagrio, annis viginti tribus residentibus, vsque ad Felicis papæ, & Theodosij Catholici imperatoris tempora subfessione tenta est & gubernata. Donèc à Gregorio Nazianzeno suscepta, ab huiusmodi erroribus & schismate fuerat purgata & reunita ecclesiæ Catholicæ, ac sub obedientia Romani pontificis tenta est. Posthæc annis 45. sub quinque pontificibus Catholicis, videlicet Nestorio 16. Chrysostomo 6. Arsacio 2. Achito 20. Sisinio 1.

Secunda diuisio fuit tempore Cælestini papæ & Theodosij imperatoris iunioris, anno Domini 406. Cùm Sisinio episcopo Constantinopolitano mortuo, Nestorius præbyter Hæresiarcha occultus, de Antiochia ad illam sedem vocatus esset, qui in concionando dogmatizabat, primò:

Quòd



Quòd nullus audeat beatam Virginem dicere matrem Dei sed Christi, quia non genuit Deum sed hominem, cum Deus generari nequeat ab homine. Dicebat quoq; duas in Christo personas distinctas vnā Filij Dei, aliam Filij Virginis.

Idem dogmatizabat Spiritum sanctum, nec esse à Filio, nec habere existentiam à Filio, sed à Patre solo procedere. Hunc errorem Phocius maximè plantauit in Græcis, vt infra patebit de processione Spiritus sancti, quem vsque modo Græci errorem defendunt cum Ruthenis. Hunc Cyrillus Alexandrinus episcopus, vir Catholicus yenerationis plurimæ apud Græcos, plurimis epistolis reprehendit, de tam impio errore. Detulitque eum papæ Cælestino, qui sibi mandauit vt Cyrilli scripta catholica susceperet, & corrigeret errata, & credendis, ecclesiam Romanam sequeretur. Qui tandem mandata papæ respuit, ei que contempsit obedire. Et quia nulla alia orientalis ecclesia eum secuta fuerat, sed nec tota Constantinopolitana. Quia multi clerici & laici resistebant suis erratis. Idcirco durare non potuit schisma & ille error. Nam post triennium Synodus vniuersalis per papam Cælestinum in Epheso celebrata est. Vbi congregatione ducentorum episcoporum eadem est hæresis reuocata. Et constitutum vt nullus aliam fidem exponeret vel doceret, quam illam quæ scripta est à sanctis Patribus 328. in Nicena synodo congregatis de qua synodo in. C. Canones. dist. 15.

*Concilium  
Ephesinum  
anno 430.*

Tertia diuisiō fuit, generalis omnium ecclesiarū Orientalium tempore Leonis papæ, primi & præfati Theodosij iunioris imperatoris, anno Domini

quadringētesimo, quadagesimo quarto: dum post mortem Cyrilli Alexandrini episcopi doctoris Catholici, & zelatoris fidei Orthodoxæ, Dioscorus sedem eius accepisset, & ecclesiam Constantinopolitanam Flavianus Catholicus episcopus tenuisset. Monachus quidam Eutyches nomine Archimandrita, id est, plurimorum monasteriorum præses, seu abbas, qui Nestorij hæresim vehementer impugnans, duas in Christo personas asseuerantis in aliam illi oppositam inquit, dogmatizando vnam tantum in Christo naturam fuisse diuinam, & humanam absumptam esse, & in illam conuersam. Dumque Flavianus Constantinopolitanus, illum hæc palam concionatam redargueret, & eius pertinaciam nequiuisset moderari, vt hæreticum de ecclesia eiecit, & abstulit monasteriorum gubernationem. Qui dum appellasset petissetque Concilium generale, ac se iudicari super erratis ab Dioscoro Alexandrino episcopo, Leonis papæ dicti auctoritate, synodus congregata est in Epheso, & legati missi qui nomine papæ illi præsiderent, Dioscorus monachis vallatus & militibus, veniens ad synodum, contra papæ mandatum violenter synodali præsentia usurpata, cogebat omnes vt subscriptione faterentur Eutychetis fidem esse Catholicam.

*Hæresis Eutychetis.*

Quo viso legati papæ fugerunt, ne errori tali & eiuste meritati cōsentirent, qui tandem Flavianum episcopum mox detinuit, & pro sententia aduersus Eutychetem lata tanquam iniusta, coniecit in carcerem, appellantemque ad papam noctu fecit iugulari. Quo quidem iugulato, archidiaconum suum nomine Anatolium sue opinionis, in episcopum Con-

Constantinopolitanum consecrauit, & Eutychem restituit officijs & monasterijs. Similiter Antiochenum tunc episcopum restituit, & alios quatuor. Et in eius sedem quendam nomine Maximum, equè hæreticum instituit, vt sic contra papam firmaretur. Quo tempore Hierosolymitanam quoque ecclesiam administrabat Iuuenalis episcopus, & pariformiter in omnibus consentiens. Sic itaque ecclesias Orientales omnes sibi concilians, ad inobedientiam papæ prouocauit. Audiens Leo papa & gesta omnia illius synodi irrita faciens, scripsit Imperatori vt annueret aliam synodum fieri intra Italia: vt & error ipse, & Dioscori nequitia corrigeretur, qui ecclesiam perturbauit. Ille verò non solum non annuit, sed & decreta dictæ synodi potenter defendit. Sic itaque Dioscorus ab obedientia papæ cum ecclesijs Orientalibus se subtrahēs, omnium primus contra papam non solum libellum famosum scripsit, caput eum putridum nuncupans; sed etiam temera præsumptione ausus est papam excommunicare. Et ista sectio stetit toto tempore Theodosij & durauit annis septem. Nullū enim aliud Imperator concilium voluit admittere vt in loco quopiam celebrari potuisset. Verū dum Imperator Catholicus Martianus, Theodosio mortuo in imperium successisset, papæq; annuisset vbi vellet synodum celebrare & intercessisset pro Anatolio Constantinopolitano episcopo qui timore depositionis ad vnionem accedebat, vt suæ sessioni consentiret, papa tandem & Anatolium suscepit & confirmauit.

*Papa exco-  
municatur.*

Et in Chalcedone ciuitate synodo sexcentorum triginta Patrum congregata, cui & Imperator in-

*Synodus  
Chalcedo-  
nensis, anno*



tererat, vt habetur Dist. 96. C. Nos ad fidē ecclesias ipsas ad vnionem cum eis suscepit, & Eutychetis hæresim damnauit. Et declarauit in vna persona Iesu Christi, duas esse naturas distinctas, & cōstituit beatam Virginem matrem Dei dici debere Gracē θεοτόκος. Toleratisq; tribus episcopis in ecclesijs eorū scilicet Constantinopolitano, Antiocheno, & Hierosolymitano, solū Dioscorum Alexandrinum condemnauit, ex eo præcipuē, quod fuerit ausus leuare contra papam excommunicationem, vt habetur Dist. 21. C. In tantum. Et exinde fuit aliqualis turbatio in Alexandrina ecclesiā ex parte cleri & populi particularis, qui Dioscori partibus fauebant. Hic Leo epistolam daturus Fabiano Constantinopolitano episcopo, contra hæreses Nestorij & Eutychetis, prius eam posuit supra sepulcrum beati Petri apostoli petens errata corrigi, & quæ deficerent in ea suppleri. Die tandem quadragesima beatus Petrus illi apparens dixit: Legi & emandaui, vnde vidit in ea aliqua manu Apostoli emendata, aliqua suppleta.

*Petrus apostolus mortuus scripsit.*

Quarta diuisiō fuit per Achatium Constantinopolitanū episcopum, in Orientalibus ecclesijs concitata tempore Simplicij papæ & Zenonis imperatoris, anno Domini quadringentesimo, septuagesimo. Cui diuisioni Sectio in Alexandrina ecclesia occasionem præstitit. In qua sede vacante, Catholici suum elegerunt episcopum, nomine Timotheum Fasciolū, & heretici suum etiā nomine Timotheum Elurum, qui dum vix anno vno viueret, substituerūt ei alterum, scilicet Petrum Mongium. Achatius tandem ingratus primū de Petro Mōgio à papa Simplicio

plicio literis obtinuit, vt nullo modo Petri Mongij  
 fessione cōsentiret, sed potius auctoritatem ei con-  
 ferret, ad eijciendum eum de sede tanquam hæreti-  
 cum. Qua concessa vsus suffragio & potestate impe-  
 ratoris, Petrum Mongium eiecit, & solum Timo-  
 theum Fasciolum Catholicum in sede reliquit. Quo  
 breui mortuo, clerus Iohannem Catholicū virum *Mos episco-*  
 elegit in episcopum. Et quia consuetum fuerat epi- *porum no-*  
 scopis nouiter confirmatis, papæ & patriarchis ac *uorum.*  
 coepiscopis suis literas synodales mox mittere, & in  
 eis fidem profiteri: Iohannes, facta suorum synodo,  
 ex ea papæ literas synodales misit. Misit insuper An-  
 tiocheno & Hierosolymitano episcopis. Miserat  
 non minus & Achacio Constantinopolitano, quæ *Achacius e-*  
 neglectu nunciij redditæ sibi non fuerunt. Ille verò *piscopus Cō-*  
 despectum huiusmodi ad iniuriam sibi referēs, cum *stant. eccle-*  
 Petro Mongio à se deposito, tunc Constantinopoli *siaturbat.*  
 præsentē conuenit: conciliatoque Imperatore voto  
 suo Iohannem ipsū de sede repulit, & Petrū Mon-  
 gium restituit. Expulit & Antiochenū episcopum  
 & hæreticum quendam Petrum nomine in sua se-  
 de constituit, quod & fecit patriarchæ Hierosoly-  
 mitano. Et sic omnes ecclesias Orientales suis fau-  
 toribus occupauit & rebelles fecit Romano pon-  
 tifici. Et quamuis in tali sectione papa plures illi mi-  
 serit epistolas corripuitque eum de temeritate & ille  
 nihili duceret omnia, deposuit eum. Ille verò nihilo-  
 minus Constantinopolitanam sedem imperatoris  
 fauore & præsidio occupabat diutius. Quo deinde  
 mortuo Flauitius in episcopum Constantinopoli-  
 tanum electus, noluit nisi de approbatione papæ in  
 sede residere. Quo vnico anno sedente Eufemia-

nus electus, cum simili consensu papæ petito sedem accepit, & annis sex in ea sedet, donec ab Anastasio imperatore hæretico, qui Zenoni successerat deponeretur. Cui Macedonium substituit nequitiarum omnium sentinam, scripturarum falsificatorem. Quo deposito post annos tres Timotheus hereticus surrogatur in sedem, qui diuinam naturam in Christo passam dicebat, & tenuit sedem annis sex. Et sic hæc scissio durauit annis 45. vsq; ad tempora Iustini imperatoris Catholici, qui succedens Anastasio, Iohannem Timotheo mortuo, in Constantinopolitana ecclesia sedere fecit, & sic ecclesiam Orientalem cum Occidentali vniuit. Quæ unio durauit ad tempora Iustini imperatoris & Agapeti papæ.

Quinta diuisio fuit circa annum Domini quingentesimum octogesimum, tempore papæ Pelagij & imperatoris Mauritij, quæ venit ex fastu & superbie tumore cuiusdam Iohannis Constantinopolitani episcopi, qui se pro papa vniuersali gessit, & se papam vniuersalẽ appellari fecit. Dicebat enim quod ciuitas imperialis debet esse etiã sedes pontificis supremi. Quemadmodum Roma fuerat antè.

Vnde non ex aliqua hæresi, sed sola superbia hæc scissio prouenerat, vnde Pelagius papa corripuit eum epistolis suis, & friuolam eius rationem elisit. Similiter beatus Gregorius primus, qui Pelagio anno Domini 590. successerat, scripsit ei, & imperatori Mauricio suam superbiam redarguens, vt patet in Registro suo, & Dist. 99. ca. Nullus. & ad supprimendam tam temeram superbiam suam, humilitatis titulum sibi apponens, se in literis omnibus seruum seruorũ Dei intitulare cœpit. Quem vsq; modo sequuntur

*Iohānes papa vniuersalis titulum usurpat.*

*Seruus seruorum Dei.*



quuntur omnes Romani pontifices, licet quidā putent Damasum papam hunc primū titulum assumpsisse, & ab alijs successoribus fuisse prætermisum, donec à beato Gregorio continuaretur. Hæc diuifio pauco tempore durauit, quia mortuo Iohanne successor eius in illa elatione non perstitit, sed ad ecclesiasticam vñionem accessit. Quibus temporibus fuit Artenius hereticus episcopus Constantinopolitanus, qui dogmatizabat vnam tantum fuisse in Christo voluntatem & operationem. Quem papa Pelagius veniens Constantinopolim eiecit de sede, & sub iisdem temporibus quinta synodus celebrata est auctoritate papæ Vigiliij, imperante Iustiniano.

*Quinta synodus.*

Sexta diuifio fuit, & cœpta est Sergij papæ & Heraclij imperatoris temporibus, anno Domini sexingentesimo octogesimo, & durauit annis 65. ferè vsque ad tempora Agapeti papæ & Constantini quarti imperatoris Catholici, filij Constantini tertij omnium imperatorum pessimi ex Heraclio geniti, qui papam Martinum ab vrbe Constantinopolim tractum, damnauit exilio in Cersonam, vbi loci & beatus Clemens exulabat. Quam diuifionem & scissionem fecit Sergius episcopus Constantinopolitanus hereticus, qui similiter vt Artenius tenuit vnam voluntatem & operationem fuisse in Christo & pertinaciter stetit sub inobedientia cum alijs sex episcopis, videlicet Piro, Paulo, Petro, Thoma, Piro, Theodoro se sequētibus hereticis fiducia Heraclij, qui Heraclius post multa facta egregia, de quibus mētio fit in Legēda exaltationis sanctę crucis, quæ pro fide & ecclesia fecerat, lapsus erat in eundē errorē Artenij, suggestu Sergij seductus, do-

*Sexta Syno-  
dus.*

nec tempore Agapiti papæ Theodoro, in Constantinopolitana sede, Georgius vir Catholicus successerat, & Constantino tertio imperatori, filio Heraclij deteriore patre in hæresi. Constantinus quartus filius eius princeps Catholicus succedens gessit imperium, sub quibus ecclesia iterum vnita fuit. *En* sexta Synodus vniuersalis de qua distinctione sedecima capitulo sexto Synodus, per Agathonem papam celebrata. durauit vnio quasi annis viginti tribus ad tempora Iohannis papæ sexti, tenentibus sedē Constantinopolitanam successiue quatuor episcopis Catholicis, Georgio, Theodoro, Paulo, Calónico. donec Titus successerat eidem Calónico hæreticus de errore Arteni.

*Iconomachi.*

Septima sectio cœpit à Tito Constantinopolitano episcopo hæretico, ferè totidem annis durans vt præcedens. Incipiens tempore Iohannis Papæ sexti, qui Græcus fuit, durauit ad tempora Adriani papæ primi, & Constantini imperatoris quinti, qui cum Hirene matre tūc tenuit imperium. Qui Titus, cum duobus successoribus Iohanne & Germano sedit, sedi Romanæ inobediens annis 24. hæresim tenens Arteni. Quæ quidem hæresis in successore Germani finem accepit. tamen alia consurrexit scilicet sub Anastasio, qui annis 24. sedit in sede Constantinopolitana ecclesiæ Romanæ inobediens, cum successoribus duobus, Constantio & Niceta. Vnde hæresis Iconomachorum consurrexit in destruendum & persequentium imagines. Contra quos est capitulum de Consecratione dist. 3. Venerabiles imagines. De qua hæresi fuit Anastasius cum duobus sequentibus.

Terasio

Terasio tandem episcopo Catholico Nicetæ succedenti in eccles. Constantinopolitana, qui in ea sedit An. 12. Et Imp. Constantino V. cum Hirene matre sua imperium gubernante, viro Catholico, synodus per Adrianum papam primum, in Nicea ciuitate Asiæ celebrata est, anno Domini septingentesimo septuagesimo quinto, & vnita ecclesia. Ibi-  
dem fuerat synodus illa quam tempore Constantini imperatoris Syluester papa congregarat. Et durauit vnio ad tempora Leonis imperatoris, qui fuit Armenus genere, & Baro Michaelis imperatoris: & occiso Michaele, qui post Constantinū V. & Hirenē imperauerat, quæ filium Cōstantinū eundē exocularū, in carcerē cōiecerat, quod eam priuarat imperio. Imperiū tyrānicè inuasit & occupauit, ac sopitā hæresim Iconomachicā à cōcilio septimo re accēdit, tēporibus Nicephori patriarche Cōstantinopolitani, qui Terasio successerat, & sedit annis nouem.

*Nicena synodus.*

*Hirene imperatrix.*

Octaua diuissio circa annum Domini octingentesimum trigesium, tempore dicti Leonis imperatoris fuit, sub tribus Patriarchis Constantinopolitanis hæreticis, Iconomachicis, scilicet Theodoro, qui sedit annis sex, & Antonio, qui sedit annis tredecim, & Iohanne, qui annis nouem.

*Octaua synodus.*

Qui tres nominatim anathematizati sunt, per octauam synodum, & durauit annis quasi 27. Donec Methodius vir Christianissimus in sede Constantinopolitana sedit. Sub quo totaliter defecit hæresis Iconomachica, qui annis quatuor residens ecclesiam iniuit. Cui Methodio cum Ignatius vir sanctus, & constans, miraculis successisset, & cum iam sedisset annis 11. per imperatoris Michaelis, qui Leoni



in imperium successerat, auunculum, Vardam nomine, cognomento Ebriosum, de sede pulsus est.

*Phocius S. sanctū à solo P. ut reproce- dere docuit.* Qui excommunicabat eum, quod spreta legitima vxore nurū suā superduxerat, nec absoluerere voluit, nisi rediret ad pristinū cōiugium: & per violentiam fecit eligi quendā Phocium laicum scelestum hominem in patriarcham Constantinopolitanum.

Nona diuisione cœpit à prænominato Phocio Nicolai papæ primi, & Michaelis imperatoris temporibus, circa annum octingentesimum quinquagesimum octauum.

Nam petēte dicto Michaele imperatore vt papa Nicolaus Phocium ad sedē Constantinopolitanam cōfirmaret, papaq; hortaretur, è cōtra pluribus eum literis vt Ignatium iniuste à suis inferioribus, contra Canones depositum restitueret sedi suę, vt habetur 21. Dist. C. Inferior sedes, cum 5. capitulis sequētib. Dumq; cerneret ea in re obstinatiores imperatorem, Phocium deposuit, & multas contra eum excommunicationum sententias promulgauit.

Ipsē verò fauore & præsidio imperatoris sedem occupabat violenter, modum & viam quærens conatu toto, quo se ab obedientia papæ eximeret. Et quia veteres hæreses sensit ea in re nō fore sibi profuturas, nouam conflauit.

Nam versuta calliditate constituit quasi generale Concilium comportare, vt pertinaciter de processione Spiritus sancti Nestorij dogma defenderet. Quod quia sine papæ auctoritate & consensu facere nequiuert: subduxit ignotos viros, eos esse legatos simulans, nō solū Romanæ ecclesiæ, sed etiā principalium sedium aliarum, scilicet Alexandrinæ, Antioche-

tiochenæ, Hierosolymitana. Et congregans metropo-  
 litas & episcopos per se agebat omnia. Nicolaum  
 papam, multis criminibus accusando, maximè quòd  
 excommunicatus esset, eò quòd ad Symbolum ad-  
 diderat Spiritum sanctum & à Filio procedere, &  
 esse depositum gestis tertij Concilij cōtra cuius de-  
 creta fecerat. Quæ pertinacia magis imbuit Græcos  
 in hoc errore, & eos irritauit contra Latinos, qui &  
 plures ac varios accusatores cum testibus subduxit,  
 vt coram Concilio contra papam acclamentent. &  
 sic adiudicauit contra papam vt petebatur. Et hæc  
 scissio sterit annis nouem durante eodem Phocio & *Ebrietatē*  
 imperatore Michaelē. Quo deinde Michaelē occiso, *mala.*  
 per Basiliū collegā suum, qui veritus ne in ebrietate  
 furens eum aliquādo occideret, qui etiam carissimos  
 suos in hoc furore solitus fuerat occidere, eū occide-  
 re maluit, & possessō imperio, voto papæ Nicolai pa-  
 renis, Phociū de Cōstantinopolitana sede expulit,  
 & Ignatiū reuocatum in ea collocauit. Iste ergo  
 Phocius procurauit diuisionem plus alijs inter Græ-  
 cam, & Latinā ecclesiam occasione processionis Spi-  
 ritus sancti tantū à Patre, & Græcos in eo seduxit,  
 cum eorum sequacibus Ruthenis. Interim papa Ni-  
 colaus moritur, & Adrianus secundus eligitur in pa-  
 pam, qui similiter omnia facta contra Phociū per  
 Nicolaum cōfirmavit. Et missis nihilominus legatis  
 tribus in Græciam, Donato, Stephano episcopis &  
 maximo Diacono, discernere cōmisit eis inter Igna-  
 tiū & Phociū. Illi cōuocato Cōcilio inuenerunt  
 detectas fraudes, falsitates, & varias fictiōes Phocij.  
 Vnde cum nollet fateri crimina, neque pœnitere  
 pro tot reatibus, anathematizauerūt eum cum tota

Synodo duodecim anathematibus, & expulerunt à Synodo, vnde vnita fuit ecclesia. Qui Phocius nihilominus clām varias machinationes instruens, dolo cuiusdā à se cōfectæ, & tanquā veteris prophetiæ in vulgus emissæ, & velut sibi diuinitus reuelatæ ad intelligendum, gratiam Cæsaris adquisiuit. Sic quod post mortem Ignatij, vi quadam eum in sedem Constantinopolitanam reposuit. Ipse verò falsitate solita literas Iohannis papæ octaui super sua confirmatione, tanquam ad petita imperatoris cōfinxit & sedem occupauit, donec Stephanus papa Iohannis octaui successor eum palām deiecit & expulit.

Decima diuisio fuit tempore Constantini sexti filij Basilij, qui Monachus dictus est. Et Leonis pape noni, qui fuit anno millesimo quinquagesimo, quo tempore quoque fuit Michaël quidam illiteratus homo & ambitiosus, patriarcha Constantinopolitanus. Cui Constantino dum Sicilia fuisset subiecta, veniensq; ad eam cum thesauris multis & gemmis, & urbem & ecclesias eius spoliasset, misissetq; Constantinopolim ad constructionem monasterij sancti Gregorij, mox in eius egressu rebellarunt, & regem sibi constituerunt, Leoni papæ querela super tyrannica Constantini expoliatione exposita. Quo cognito Imperator dum apud papam instaret, vt eos à defectione per excommunicationem retraheret ab vna ipse quoq;, ab altera parte armis huiusmodi rebellionem se frenaturum disponderet : Papa rescribente quod id facere sibi non liceret, eò quòd iuxta querelam Siculorum occasionem solus præstitit rebellandi.



Indignatus Imperator iudicauit papam eorum defectionis esse authorem. Et non valens se de papa quouis alio modo vindicare cum Gracia tora ab eius obedientia se subtraxit. Ad quod facinus parati semper Græci extiterunt.

*Gracia defici-  
cit à papa  
Romano.*

Constituens igitur patriarcham Constantinopolitanum vniuersalem papam facere tractatu super ea re cum Michael patriarcha Constantinopolitano habito: ipsoque homine ambitiosissimo annuente voto suo, conuocato concilio, episcoporum omnium Orientalium, coram eis dictum Michael vniuersalem patriarcham orbis totius pronuntiavit, & dextrauit eum super equum insidentem per hypodronium palatij, prout imperator facere papæ solitus est, ducens frenum equi sui aliaque omnia insignia papalia ei contulit.

*Imperator  
papa equisq.*

Mox miser stulta elatione inflatus, Romanum papam in illo conciliabulo cum omnibus occidentalis ecclesiæ episcopis ac clero vniuerso denunciavit esse depositos & excommunicatos. Quia contra Niceni concilij determinationem addiderunt symbolo, Spiritum sanctum à Filio procedere; quod Nicæna eadem synodus non posuerat. Et in sequente synodo iterum decretum fuerat: omnem qui aliam fidem teneret vel doceret si foret clericus deponi: Si laici excommunicari debere. Quo facto dixit ad se iure pertinere regimē vniuersalis ecclesiæ cum esset patriarcha primus post Romanum pontificem nec depositus nec excommunicatus: Itaque stulta praesidentia eius procures milites & populus quisque coeperunt in omnibus occurrentibus ad eum velut ad papam recurrere, & honorem ac reuerentiam exhibere tanquam

papæ. Audiens hoc Leo papa duriter literis exprobrabat Michaeli, redarguēs eum, & ostendens quomodo in prima synodo Nicena, cui Syluester papa & Constantinus magnus intererant, decretum fuit cum subscriptione totius synodi & Constantini, quòd summa sedes Romana à nemine iudicaretur, & ut Romano pontifici omnes sacerdotes totius orbis subditi essent ut capiti. Quod decretum synodi seu cōcilia plura approbarunt. Primò synodus Constantinopolitana prima, cui Theodosius senior intererat: Ephesina prima cui Theodosius iunior filius Arcadij aderat: Chalcedonenfis quæ præsentia Marciani imperatoris acta est: Constantinopolitana tertia, quæ tēpore Constantini iunioris fuit. Omnes hæc cōcordi voto & subscriptione cōfirmarūt sanctā Romanā ecclesiam, & apostolicam sedē post Dominū Iesum Christum caput esse omniū ecclesiarū, hæc & alia plura illi obijciēs. Ille tamen velut temerarius nullis decretis attentus in sua pertinacia permansit, ppter quod iusto Dei iudicio breui vindictā accepit.

Nam Constantinus imperator videns tantum ei deferri honorem ab omnibus, vehemēter eum exaltationis suæ pœnituit. Timens quoq; ne sumptu aliqua occasione leui excommunicaret eum, & ne procures in eius defectionem ceu excōmunicati aliquando cogeret, cum præsertim habeatur pro papa vniuersali: arguebatq; intra se, quod si papa remotus Romanus hoc facere potuit, quid non faciet papa præsens? Vocato ergo ipso patriarcha Michaeli, & alijs episcopis, sicut coram eis eum instituerat: sic & coram omnibus à cunctis dignitatibus eum deiecit, & spoliauit non solum insignibus papalibus, & col-

latis

*Papa sunt  
terrori im-  
peratores.*

latis priuilegijs: sed & alijs quæ dudum antè patriarcha Constantinopolitanus habebat, ab alijs imperatoribus cōcessa, quo sibi audaciam omnem agendi contra se amputauit, libertates omnes adimendo.

Iustè igitur Dei iudicio factum est, vt careret proprijs, qui aliena iura contra fas & ius vsurpatione inuaserat. Et exinde Græci imperatores similiter ius cōperūt, vti patriarchas & clericos omnes teneant subiugatos, quos, & quando volunt instituunt, & etiam destituunt.

Similiter Rutheni principes faciunt, & idem pessimus hominum Constātinus, volens Græcos cum Latinis in perpetuo ponere dissidio, & separatiōe sempiterna: fecit publicè proclamare, vt quisq; contra ecclesiam Romanam scriberet mala quæ sciret & abominabilia, præmia scriptoribus pollicendo, vt sic populo Romanam ecclesiam contemptibilem redderet. Sic itaq; multi multa scripserunt fatua, ficta & nephanda, & quanto abominabiliora, tanto misero imperatori gratiora. Et sic apud eos, ac Ruthenos magis velut aduersus ecclesiam Romanam blasphemia. Vnde etiam ecclesiæ cōsuetudines omnes, quas habet Romana ecclesia, quæ non sunt apud eos, tenent pro heresi. Sicut cōficere in azymis, comedere carnes feria secunda & tertia Carnispriuij, radere barbas & alia plura. Exinde fama in vulgus dispersa fuit, quòd Latini nonaginta nouem articulos erroneos haberent. Hinc Græci obstinatissimi fiebant, & cōtra Romanam ecclesiam sæniebant. Quorum pertinaciam sequētes Rutheni aduersus Christicolas omnes, maledictiones, blasphemias calumniosè & mendaciter conflant, & latratibus ructuant. Et

*Græci cum  
Rom. eccles.  
conciantur.*



*Imperium  
ex oriente  
in occiden-  
tem redit.*

scissi semel ac diuisi ab ecclesia Romana, nunquam redire, nec de ecclesia aliter, nisi impiè sentire voluerunt. Et huius mali occasio non minus etiam sumpta est, postquam Carolus magnus, orientale imperium in occidentem translulit circa annos Domini octingentos. Et hæc nephanda scissio durauit, quousque Latini imperium orientale susceperant circa annos Domini millesimum ducentesium temporibus Innocentij tertij, Alexio filio Isaurij Græcorum imperatoris cum patre occiso. Quos Latinus quidam cum classe maxima Gallorū & Venetorum à Venetis impetrata, promissione affuturæ vnionis ecclesiasticæ procurandæ, dum Alexius Constantinopolim versus educeret imperium recuperaturus, & captiuo patri auxilium præbiturus ac dimicaturus, contra germanum patris, qui eodem patre suo rapto & exoculato ac coniecto in carcerem imperiū vi occupauerat. Cum quibus cōserto bello cum occupatore imperij eum in fugam conuertit imperio restitutus. Vnde pro gratia Latinis reddenda homo pestifer nitebatur primo classem eorum exuere: vbi prapeditus, cōserto cum eis aperto prælio vnà cum patre occisus est. Et Græcis hincinde dispersis, imperio Constantinopolitano potiti sunt Latini annis 50. & vnio facta est, de qua vnione habetur. Extra de bap. Licet Græcos.

*Græci Victi  
à Gallis &  
Venetis, im-  
periū amis-  
tunt, anno  
1200.*

Et creatus Imperator primus cōmes Gallicus nomine Balduinus & patriarcha Cōstantinopolitanus quidam Venetus. Post annos tandem quinquaginta Græci recuperauerūt imperium Genuensium adiutorio de manibus Latinorum. Factusq; est imperator Græcus Michael Palæologus, qui misit ad concilium

cilium Lugdunense per Gregorium decimum celebratum, offerens se velle concordare & vnire cum ecclesia Latina. De processione tamen Spiritus sancti cupiuit erudiri, si procedens à Filio non procedat à duobus principijs, eo quòd omnia ab vno procedunt principio.

Vnde in eodem Concilio declaratum est, & decretum Spiritum sanctum procedere à Patre & Filio non sicut à duobus principijs, sed sicut ab vno principio & non duabus Spirationibus, sed vna, vt habetur de sum. Trin. & fide Ca. lib. 6. cap. 1. Et hanc confessionem fecerunt legati Michaelis imperatoris Græcorum, & receperunt, ac reuersi publicarunt in populis decantantes Symbolum Latinum scilicet in Spiritum sanctum qui ex Patre Filioque procedit. Vnde ex hoc Symbolo Niceno nihil additur, sed potius fit declaratio veritatis.

*Symbolum  
Latinum  
accipiunt.*

Et sic quamuis ecclesia Orientalis in vnione permanebat. tamen decrant qui contradicerent vnioni, alij palàm, alij occultè. Tamen imperator multos hæreticos obstinatos tales abbates & monachos occidi fecit, alios mergi, qui nec rationibus nec auctoritatibus sanctorum valebant à sua pertinacia reuocari, qui etiam Ioseph patriarcham Constantinopolitanum hæreticum depositum eiecit & priuauit sede illa, & Iohannem dictum Vechum, hominem Catholicum in sede collocauit, & sub eius vita tota, durauit vnio.

Vndecima diuisió cœpit per Andronicum filium Michaelis imperatoris, qui vnà cum patre in imperium coronatus fuit, vbi Gregorio decimo iurauerat de fidelitate fidei & obedientiæ Romana: patre tan-

*Coronatus  
hic Grego-  
rius anno  
1272.*

dem mortuo solus gubernauit imperium, homo pusillanimis, timidus & peruersus, qui fratrem anhelantem ad imperium & Græcorum à se defectionem ad eum, metuens, cum incarceratione.

Et animaduertens Græcos in vnione fidei & Romanę obedientię vacillantes ac ad defectionem paratos, congregatis omnibus in ecclesia maiori sanctę Sophię Constantinopoli cōtra iuramentū factū ecclesię Romanę palam dixit: Vobiscū tenui semper, teneboq; fidē antecessorum nostrorum profitēdo de processione Spiritus sancti à solo patre, patriq; suo defuncto maledixit voce alta, & anathematizauit eū cū omnib. qui fide sibi adhibebāt. Cuius incitatione Græci reuersi ad vsitatum vomitum diuisi sunt ab ecclesiā Romana, sed vindice Deo quod miser & ignarus metuebat, euenit. Namq; vecordia sua imperium penè totum amisit. Turci namq; totam sub eo minorem Asiam rapuerunt. Et citra maria dominia vastarunt, alij quoq; ciuitatibus iam à Tartaris, iam etiam à varijs tyrannis direptis, Constantinopolim cum paucis ciuitatibus possedit. Qui nihilominus factus obstinatioꝝ, & vt aduersus Romanam ecclesiam Græcos concitatioꝝ & pertinacioꝝ efficeret, Iohannem Vechum patriarcham Constantinopolitanum virū Catholicum, de sede turpiter eiecit & vnā cum alijs quos ad errorē suum deflectere nequiuera cōiectum in carcerē fame necauit. Et Ioseph perfidum antè depositū hæreticum in sedē eius substituit, quem ex eo quod pertinacissimè veritati fidei ecclesię Romanę resisteret, magnam calumniam fidei appellauit. Finaliter tamen per nepotem suum constrictus, & imperio priuatus vitam

miser-

*Turce Asiā  
minorem  
vastant.*



miserabiliter finiuit. Durauit hæc iterum diuifio ad annum Domini millesimum quadringentesimum trigefimum ad Florentinum concilium, & à tempore Phocij ſc. ab anno octingenteſimo quinquageſimo octauo. Schiſma hoc ad idem concilium ſte- *Schiſma*  
tit annis 581. vel citra, quo tempore venit ad conci- *Gracum dux*  
lium Florentinum per Eugenium papam celebra- *rat annos*  
tum Iohannes Palaologus, imperator Græcorum *581. & ſq. ad*  
cum germano ſuo, & patriarcha Conſtantinopoli- *annu 1439.*  
tano Ioseph nomine, & multo clero ac proceribus. Qui auditis terminationibus luculentis ex varijs ſcripturis & præſertim doctorum eorum, Anaſtaſij, Baſilij, Cyrilli, Maximi, Dydimi, Chryſoſtomi quod procedat Spiritus ſanctus à Patre & Filio, adque uerunt & tandem confeſſionem ſulceperunt cum eccleſia Latina. Et ſic denuo fuit vnita eccleſia Græca ad Latinam.

Duodecima & vltima diuiſio. Nam quamuis Imperator cum ſuis domum rediſſet vnitus eccleſiæ, & eius dogma profeſſus, cum inde paucis proſectus acceſſit. Nam etſi ordinati fuerunt doctores & prædicatores, qui hæc populo diſſerent: clerici tamen eorū & præſertim monachi à quibus populi informabantur in doctrina credendi & viuendi, pro maiori parte pertinaces exiſtentes in errore & perfidia, aliud dogma ſtabant & indurabant populum. Quapropter Dominus Deus malum hoc amplius non tolerans & eccleſiam Catholicam irrideri toties nō ſinens, poſt annos quatuordecim permiſit in eos exterminium, vt capta Conſtantinopoli *Conſtantina-*  
à Turcis, miſeri impio tyranno & inimico crucis *polis capta*  
Chriſti curuarent, ceruices ſuas, qui Chriſti vicario *anno 1453.*

Romano pontifici subesse voluerunt & qui Christianis Occidentalis ecclesiæ commisceri & conuiuere, mutua vnione fuerant dedignati, iuste cōmeruerunt, vt qui miserabilem mortem euaserūt cum Iudæis & infidelibus in ignominiosa seruitute vniti permaneant.

Qui Turcus nunc ecclesias Orientales omnes veraciter separauit. Sed proh dolor, homines miseritā horrendo exterminio ferè imperterriti vsque modo permanet in sua pertinaci obstinatione; maluntq; calamitatem omnē perpeti, quàm ecclesiasticæ concorporari veritati, sapientia suorum maiorum prorsus fatuati, non attendentes quantam eis reuerentiam ecclesia Catholica exhibuerit, & vsq; modo exhibet. Itaque eorum sapientiæ dans honorem, & cultui iustitiæ ab eis exorte, ac recognoscens, quod Græci fidem salutarem, primum à Paulo & Barnaba susceperunt, vt scribitur Actuum 13. à quibus ad ecclesiam Romanam deriuata est Petro & Paulo ex Græcia Romam venientibus, traditiones Græcorum certas in Missæ certis concentibus continet vsque modo. Et non mirum est, quod adeò fremant aduersus ecclesiam, desæuiantque in omnes quos sub eius obedientia cernunt consistere, quoniam à iustitia, caritate, & humilitate prorsus sunt alieni, cum omnibus sui ritus schismaticis Ruthenis. A iustitia inquam: dicit enim beatus Augustinus, & habentur verba in Canone vigesima quarta quæst. i. cap. vbi. Quod vbi sana fides non est, non potest esse iustitia quæ scribitur Abacuc secundo, & ad Rom. i. Iustus ex fide viuit, vbi subditur, neq; schismatici aliquid sibi ex ista mercede promittant. Et quod magis est de

*Fides à Græcis ad Romanos deriuata.*

est de quo constat, quod caret virtute verę fidei præsumitur quod non caret omni vitio, & præsertim fidei oppositio, scilicet perfidia. Huic ecclesię veram fidem profitendi, molesti sunt, & infensi & aduersi verę pietati religionis Catholicę, quę prima & summa iusticia est. Quod autem caritate careant, sola diuisione ab vnione ecclesiastica demonstratur, quę ex odio caritati contrario procedit. Caritas namque imperat cõcordę fraternę vnitatē, quia dilectio proximi, malū non operatur Rom. 13. & inclinatur in actus omnes virtutū omnium, quę vbi defuerit, irę & odij remanet incēdium, nec nō contētionēs rixę, discordiæ, detractiones, contumeliæ, blasphemiæ, & ceteri quique actus viciosi meritò succedunt, dicitur enim in qua st. & cap. quo supra. Quod si hæretici aut schismatici caritatem haberent, non dilaniarent corpus Christi, quod est ecclesia Catholica. Ex eadem tandem radice liquet, eos humilitate carere, quę est ornamentum præcipuum hominis Christiani, quia ecclesię suę iugum abijciunt, & fortē detrectant, contra quos queritur Dominus in persona ecclesię Ierem. 2. Confregisti iugum meum, rupisti vincula mea, dixisti non seruiam, scilicet constitutionibus & ordinationibus, ritui & sacramentis tuis, arguant te malitia tua, & auersio tua increpabit te. Hęc ibi, & 24. 9. c. Audiuimus. Dicitur Christus non habitare in cordibus eorum qui superbię singularitatem secuti, a corporis Christi compage semetipsos abrumpunt. hinc præcisione sua laborantes, ad ecclesię Catholicę detrimentum, famę glorięq; confuscationem, semetipsos infames reddiderunt, iuxta illud Dionisij papæ 29. 7. cap. Alieni. vbi dicitur: Infames esse o-

*In hæreticis  
non est caritas.*



omnes cōselemus, qui Christianam legem prauaricantur, aut apostolicam vel regularem postponunt auctoritatem, & ambientes superioritatis & prioritatis titulum in ecclesia, se tanquam primitiuae ecclesiae sectatores, primos & veros Christianos existimantes infimi facti sunt Christianorum omnium, iuxta illud Alexandri 2. 24. 9. 1. cap. Audiuimus. Item cum Dominus. circa finem, liquido constat eum, qui ab integritate Catholicae fidei recedit, maledicendi & benedicendi potestatem minimè habere. Catholicum nanque, utpote se superiorem maledicere non valet, id est excommunicare.

## APPENDIX DE ERRORIBVS MOSCHORVM.

**P**Lura eiusmodi, quae Sacranus Russica refutans, ex scholastica profert Theologia, existimaui per parum emolumenti, si hic ponerentur Lectori allatura esse. Sunt enim merae argutiae humanae, vel raris, vel nullis firmatae testimonijs diuinis, quibus solis omnis redarguitur in fide error. Quamobrem ijs omisissis, Petrum quoque Scargam Iesuitam Vilensem, similia recensentem audiamus. Positistamen in primis Graecorum rationibus, quibus suam à Romana ecclesia defectionem excusare conantur. Primum, inquit, octo capita, deinde nouem, postea sex & viginti, Graeci Russis aduersus ecclesiam Romanam edidere. Photius patriarcha Constantinopolitanus, octo conscripsit, quae Nicolaus papa ad Ignatium atchimystam Renensem scripto, recenset.

Primo

Primò quia Romani sabbatho ieiunant.

2. Spiritum S. à Filio quoque procedere asserunt.

3. A matrimonio abhorrent.

4. Sacerdotes confirmationem Baptismi facere non permittunt.

5. Interuallum temporis ante Quadragesimam producant.

6. Agnum Paschalem vnà cum corpore Christi, in altari consecrant.

7. Sacerdotes illorum barbas radunt.

8. Diaconos absq; sacerdotio, episcopos faciunt.

*Errores La-  
icorum.*

Posthac ducentis fermè interiectis annis, papa Leonis IX. tempore, hoc etiam nouum caput addidere. Quia iidē Romani, pane azymo in Sacramento corporis Domini vtuntur. Plura deinceps alia, ira inuidiaque flagrant commenti sunt & hæreses vocarunt, quo, eò magis Russos, gentem simplicem, è quorum monumentis hæc producimus deciperent.

10. Quòd Romani pontifices in bella prodeunt.

11. Ieiunij tempore pueros, lacticiuijs vesci sinūt.

12. Non contenti pictis imaginibus, sculptis etiam vtuntur.

13. Crucem digito humi factam pedibusterant.

14. Virginem Mariam Dei genitricem non vocant.

15. Ad altare mulieres admittunt.

16. Suffocatis auib; alijsq; cum sanguine, item ranis & vris vescuntur.

17. Ori baptizati, sal ingerunt, & luto ex sputo facto, aures illinunt.

18. Aqua se quotidie, ritu Iudaico aspergunt.

19. Tota manu benedicunt, signum autem crucis vno digito exprimunt.
20. Ab tempore ieiunij, vsq; ad Pascha, Halleluia non canunt.
21. Cadavera mortuorum episcoporum, aliquot hebdomadas insepulta seruant, nec illorum manus transuersim, figura crucis componunt.
22. Sacerdotes eorum, tres vno die Missas celebrant.
23. Consanguineas in matrimonium ducunt.
24. Monachi ipsorum carnes comedunt.
25. Tempore quadragesimæ sanctā crucem abscondunt, neq; flexu poplitem adorant.
26. Loco participationis Cœnæ Domini, sacerdotem sacrificantem osculantur.

Hæc Scarga cap. 12. libri 2. Polonici, anno 1577. Vilnæ exculi de vno pastore, vnitæ ecclesiæ, & Græcorum ab illa secessione. Capite verò 2. partis 3. hosce errores tam Græcorum quàm Russorum enumerat.

*Errata Russorum.*

1. De processione Spiritus S. perperam sentiunt, æqualitati Filij cum Patre hac ratione detrahentes.
2. Datam esse à Deo ecclesiæ Rom. eam auctoritatem, vt totius mundi ecclesijs præsit, negant.
3. Nondum esse sanctos in cælis, nec dum frui faciei aspectu Dei, propterea quòd nondum resurrexerint, credunt.
4. Nullum esse purgatorium aiunt, nihilominus tamen pro mortuis orant.
5. Matrimonium voce diuina indissolubile pronuntiatum, posse per hominem solui putant. Vnus illorum aliquot vxores simul habet, Popæ, id est, sacerdo-



cerdotes atque episcopi, vota Deo nuncupata, ac id ipsum sacramentum disiungunt dissoluuntq̃. Potentiores autē, tonsas monachas in matrimonium sumunt.

6. Septem tantum Concilia esse debere, si verò vel octauum vel nonum foret, id pro anathemate habendum dicunt.

7. Corpus Christi, in pane infermentato consecrari, nefas habent.

8. In Missa, panem nondum consecratum, genibus flexis adorant: cū autem consecratus fuerit, nullum honorem sanctiss. Christi corpori exhibēt.

9. Et corpus & sanguinem Christi in ara, non solo Dei verbo, sed sacerdotis etiam precationibus fieri existimant.

10. Idem sacramentum, feria quarta tantum ante Pascha consecratum, propter agrotos, totū annum conseruant, negantes alijs diebus idem consecrare, dariq̃; iisdem licere, cū tamdiu haud possit panis species, salua durare.

11. Popæ, id quod reliquum est corporis Christi, à fidelibus non absumti, peracto prandio templum ingressi interdum semipoti, vel nulla vel parua cum reuerentia comedunt.

12. Parui id pendunt, si vino, accedentiū frequentia exhausto, tantum aquæ post consecrationem affundatur, vt nullus eius sapor superfit, quod vbi fit, nec sacrari, nec esse sanguis Christi potest.

13. Nec pluris faciunt cōfessionem peccatorum, nam Popæ peccatis contaminati, nulla alia confessione facta præter eam, quæ vulgo fit ab omnibus semel in anno, ad Liturgiam obeundam accedunt:

quo pacto non id solum quod sacramento absque poenitentia sumpto iniuria fiat, verumetiam communicantes sibi exitium attrahunt.

14. Confirmatio Baptismi nō est illis Sacramentum, quæ etsi ad solum pertinent apostolorum successorem episcopum, tamen eam vulgaris sacerdos peragit.

15. Extrēmam olei vñctionem, errore intolerando, homini mortuo adhibent, quasi soli corpori anima destituto, accommodanda sint Sacramenta.

16. Neminem, vxore carentem ad sacerdotium admittunt, nec vllam Popam, cui Popadia non sit habent. quo facto castitatem excelsam noui Testamenti virtutem contemnunt, donum Dei corrumpunt, quodque idem Deus largè nonnullis dare potest, id omnibus detrahunt, & a sacerdotali dignitate reiiciunt.

17. Cleri apud eos consecratio, non fit sine pecunia. Dare enim consecrandum episcopo consecranti, aliquot florenos oportet, quod tamē minimè dicitur esse peccatum.

18. Negant chrysmā, episcopo siue metropolitæ, præter solum patriarcham consecrare fas esse. At verò tam longè petatum, aut in itinere perit, aut adulteratur, vel a tate consumitur. Id autem apud Catholicos, episcopus quotannis renouat, sacramentis quibusdam adhibendum.

19. Carimonijs ritibusque plus quàm par est confidunt. Ad hoc in imaginibus, sanctis inuocandis, alijsque ecclesiasticis rebus, multa iniquè committunt. Hæc sunt Scargæ verba paucis comprehensa, qui capite tertio ait Moschos, adeò abominati detestaturque

statique

statique ecclesiæ Romanæ homines, vt illos pro Ethnicis habeant, & si occidant, obsequium se Deo præstare, sibi persuadeant. Addit idem allegatum superioribus annis ad Lituanos, à patriarcha Constantinopolitano, quendam sacrati ordinis virum, perducì eò non potuisse, vt Valerianum episcopum Vilnensem saluaret, negans sibi suisque quidquam commercij in rebus fidei, cum hominibus Latinae ecclesiæ, qui ipsis hæretici essent, habere licere.

Et Scarga quidem ecclesiastes, doctissimi Andree Volani Evangelici aduersarius, ista de odio Græcorum Russorumque aduersum Romanenses, suum in Evangelicos egregiè dissimulans. quod tum re ipsa declarauit, cum anno 1580. Lutheranos, ita esse omnibus exosos debere, suos Vilnæ doceret, vt & obuios conspuerent. Cuius rei, cum ipsemet obuio concionatori Evangelico factus, exemplum edidit alijs imitandum, (audita refero) contusum os, ex quo spurum exierat, manu cuiusdam, id spectantis pij nobilis, homo maledicus domum retulit.

Bb iiij





R E R V M P O L O N.  
 DE RVSSORVM RELI-  
 GIONE, RITIBVS NVPTIA-  
 RVM, FVNERVM, VICTV,  
 VESTITV &c.

E T  
 DE TARTARORVM RELI-  
 GIONE AC MORIBVS  
 vera & luculenta nar-

ratio,

A D

*D. Dauidem Chytræum recens scripta.*



Nepistola mea, XVII. Kal. Maij ad te missa, pollicitus sum, de Russo- rum religione & ritibus pauca me tibi perscripturum, accipe igitur e- recta fronte quod mittimus, & hoc tibi persuade, fieri posse, vt verba quidem nō satis Romana scribam. Res autem ipsas mendacij & vanitatis penitus fore expertes. Nihil enim ex alijs auditum, nihil ex aliorum libris hau- stum, nihilque incognitum commemorabimus, sed quidquid oculis vidimus nostris, de illo contestabi- mur.

Polocia de ditione recuperata, Soccolia, Czussa, Turobla & alijs Alba Russiae oppidis ferro & flamma funditus euersis, Germani omnes, qui sub Chri- stophoro Bomlstorffio militabant, dimissi sunt. so- lis Borussis, in Russia manendum fuit, vt aliquo ta- men

men præsidio istarum terrarum incolæ defende-  
rentur, si quam fortè eruptionem facere vicini vel-  
lent Moschi.

Ego itaque media in barbarie hærens, amaras a-  
nimi molestias ista ferè ratione semper excussi: Fla-  
mines Ruthenicos adij, cumq; illis per interpretem  
de fide & religione collocutus sum. Si verò interro-  
gantur, an in sanctam Trinitatem credant, constan-  
tissimè quidem hoc ipsum adfirmant, si testimonia  
sacrarum literarum tibi dari petis, illi in libris suis  
quos per manus à maioribus acceperint, ita scriptū  
esse aiunt. porrò si LIBROS istos videre quis auet,  
Psalterium prophetæ & regis Davidis, quod ipsorū  
lingua apud Ostorocenses impressum Excel. tuæ  
mitto, ostendunt. Nouum præterea Testamentum,  
apostolorum res gestas. D. Pauli epistolas omnes:  
Item Homilias Chrysostomi, Basilij, Gregorij Na-  
zianzeni ex Græco conuersas & manu scriptas ha-  
bent, cum præculis quibusdam ad beatam Dei geni-  
tricem & S. Nicolaum dicentis, neque tamen quare  
hos libros possideant, scire possum, cum diebus Do-  
minicis puras solūmodo fabulas populo prælegant.  
Ista enim feria qua nos legimus Euangelion de re-  
nato ex mortuis filio viduæ Nainicæ, hospes meus,  
consul Deisenensis, Alexius Cæsarinus Ruthenus in  
suo se templo hanc lectionem audiuisse dicebat:  
Christum matri Mariæ obuiam factam suppliciter  
ab ea vnum rogasse numum. Matrem verò cū &  
ipsa nihil haberet argenti filium Christum cum do-  
lore suo dimisisse è conspectu. Vides qualibus nu-  
gis decipiant miseram plebeculam, sed nec ipsi do-  
ctores meliora sciunt, & si audiunt, cachinno quo-

*Religio Rus-  
sorum.*

*Doctrina.*

dam explodunt, soli namque suam admirantur barbariem.

*Archiepi-  
scopus.*

Papæ Romani nomen agrè in aures dimittunt suas, seq; Græcorū socios in religione, & pontificis Byzantini maiestatem venerari clamant, qui quidem suum metropolitam in vrbe Moschouia habet, virum apud Ioannem Basiliadem summæ auctoritatis & exultimationis, quod ex Christiano Boccornio, magni Ducis concionatore, qui triennium in aula Moschorum cum suo principe vixit, intellexi.

Rutheni verò, qui regis nostri imperio parent, metropolitam suum Vilnæ habent, cui nomen est Anticephoro. Hunc magnifico & splendidissimo habitu indutum, senioq; & cana barba venerabilem, 20. Iunij Vilnæ sacra peragentem vidi.

*Templa.*

Russi delubra habet plerumq; lignea, tecto scandalari, in summitate templi signū Christi in crucem sublati cōspicitur. Horologijs sciotericis planè destituuntur: & tamen die Solis circiter quartam matutinam *вѣсро́днє* eorum tintinnabulis pulsans populum ad sacra vocat. Tum verò matres atq; viri, pueri innuptæq; puellæ lecto valedicentes, vestem sumūt, & ad ecclesiam summa cum festinatione properāt.

Verū enimvero pedem domo non efferunt, nisi prius genium suum dictis precibus mitigaauerint. Habent autem tabellam quisque ligneam, in qua capita aliquot depicta conspiciuntur, ad hanc cum tora familia accedentes, cum gemitu & lacrymis S. Nicolaum, eiusq; in cælo commilitones pro salute domus suæ supplices deprecantur, atq; interiū tanta cum deuotione pectus tundunt, vt cuius astanti facilè cordolium excitent.

iamq;



Iamq; penatibus placatis ad sacram ædem discedunt, cuius limina quamprimum tetigerunt, magna cum reuerentia caput telluri illidunt. Et sanè, si frons animi ianua rectè dicitur, non video quali sub sidere homines Dei numen religiosius adoraturi sint, quàm hi de quibus loquimur, si modò pro vanis fabulis verbi caelestis veritatem aliquando cognoscant. Dolendum autem magnopere est, lucem clarissimam Euangelij illis nondum pænitus illuxisse.

Locum templi secretiorem Flamines bini occupant, hîc ara sancto Nicolao dedicata videtur cum eiusdem imagine. Auditores & populus in ambitu templi sese continet. Fœminæ verò quæ præterita nocte Veneri militârunt in penetralia sanctæ adis non veniunt, ne locum profanent. Cæterę accedentes propius candelas cereas inflammant, & sacrificulo offerunt. Ille candida veste bombycina indutus est, caluitio & pallida facie deformis, crucem sanguinei coloris à tergo pensilem habens.

Tandem è sacrario egreditur, & thuribulum dextra tenens, tam forti odore Diabolus ex loco sancto abigit. Mox rituales libros promit, & aliquam fabellam de S. Nicolao recitat, quem illi tanquam Deum tutelarem semper colunt. Euangelij lectionem vnâ nunquam hîc audiui. Interea adytû clauditur. Sacerdos si inter legendum aut errer, aut lingua tituber, aut vocem aliquam depressius enûcier, grauissimè propterea ab auditoribus obiurgatur qui eum & sacro loco indignum, & libros alij tradendos vnanimi voce proclamant.

*Conciones.*

Lectiōe finita ad anticum sacrarij in quo ima-

go Nicolai asseruatur, sese conuertit, Deumque patrium multis suspirijs rogat, vt commoda Russorum & gentem sibi deditam contra hostes incolumē seruare dignetur. Orantem lamentabili vociferatione & quiritatu excipiunt non tantum scholastici, sed omnes quotquot isto videntur in fano: subinde iterantes hanc vocem, *Hospody pomyloy*, hoc est, propitiare nobis ô Domine. Dum hæc aguntur, anticum sacrarij non aperitur.

Mystra autem per pseudothyrum in illud ingreditur daduchis tribus præcedēribus. Cū in aditum ventum est sacram Cœnam verbis ab ipso Christo expressis consecrat, sed lingua tantum patria. atque hæc fiunt in ara Nicolao sacrata.

Mox fores patent, populus verò quia certum numen in isto loco habitare existimat, egredienti sacrificio magno eiulatu occurrit, sexcenties hanc vocem decantans, *Hospody pomyloy*. Hunc clamorem & cymbalorum tinnitus mirum in modum auget.

Vt verò in toto iam facta silentia templo, sacerdos pedetentim procedens, arcana sacra toti populo commonstrat, calicemq; plumbeum, cum operculo serico in dextra, & scutellam ex eodem metallo in sinistra tenens, dum in genua procidunt auditores, ille lingua Ruthenica hæc verba proloquitur: *Hoc est corpus, & hic est sanguis Domini Iesu Christi, quem Iudæi innocentem morte mulctarunt.* Tum denuo inter gemitus & suspiria muliebriter lamentantur, & tundunt pectora palmis.

Flamen illico in sacrarium regressus, in ara Nicolai sacramentum deponit, donec veniant qui eo vrantur, quod interdum fit sequenti die. Calicem, si  
vinum

vinum non habent, ex calido Medone consecrant. Panem verò azymum domi suæ pinſunt ciues, & deinde quoties cæleſte illud conuiuium accedere gaudent, ſacerdoti offerunt vt conſecret, & cum calice diſtribuat.

Peraſtis ſacris, libro ad manum reſumpto Pſalmum vnum vel plures demurmurat ſacrificulus, crucemque ex argento puro factam omnibus exhibet oſculandam, poſtea ſuam quiſq; domum diſcedunt, & admodum rari ad veſpertinaſ preces reuertuntur.

Polocix autem & Vilnæ, maiori pompa & ſplendore rebus diuinis vacât. Vbi ſupelleſtilem ex auro & argento copioſam habent in eccleſijs, Vilnæ triginta templa habent, omnia ferè opere lateritio ſtructa.

Statuas nullas in templis venerantur, ſed D. Nicolai & Mariæ virginis imaginibus ſcrupos quosdâ argenteos, coralia & alias exuias dono dederunt. Has quoque picturas, tanquam numinis aliquid habentes religioſè colunt, & quotannis in Duna fluuiio bis abluunt, atq; tãdem magna cum pompa priſtinum reducunt ad locum.

Præterea myſticę ablutionis ſacramentum in ſuo cœtu retinent, ita tamē vt in hoc negotio per omnia ferè quàm proximè ad Romanenſes accedant. Multum hîc perditur olei, operæ & vnguenti. Poſt longam tandem ceremonias Flamen toto congio perfundere ſolet infantem, ita inquiens: Baptizo te per nomen Patris, & Filij, & ſancti Spiritus. A patrinis deinde more patrio urnis aliquot tenellus puſſio hunc ſtatur: & licet hîc aſpera hiems crudeliſſimè



ſæuiat, tamen tanta gelidarum copia aquarum ſuam ſobolem abluunt. Si quis cauſſam quærit, reſpōdent illi, à teneris aſſueſcere multum eſt. Poſtremò Flamen infantulum iterum comprehenſum blandè exoſculatur, illiusque caput ad crucem, quæ templi foribus inciſa eſt, magno impetu ter vibrat, & niſi teſtes baptiſmi ictus audiant, indignatur propterea, neque puerum rectè ſacris initiatum credunt. Sacro finito Flamine tres panes (quos à forma pyramidalis *Piracno* vocant) porriguntur cum numis aliquot argenteis, templumque clauditur.

*Sacerdotes.*

Sacerdotes Ruthenici proprias vxores habent, & ſunt coniuges. Si quis dicit à papa matrimonium clericorum improbari, exandescūt vti rapidis cum ferrea flammis lamina Cyclopum excoquitur flagrante camino. Reditus certos & certa ſtipendia non accipiunt, & tamen auditorum beneficentia liberaliter aluntur. Cucullos prorſus ignorant. Cærulei coloris tunicam plerumque duplicem habent, capillis ad humeros & pectus dependentibus apprimere gaudet: & quo quiſque eſt nigrior, & adſpectu inamabilior, tantò maiori apud populum eſt indignatione. Raſo præterea vertice & immiſſa barba grauitatem præſe ferunt ſingularem. Vitæ alioqui adeò impuræ & execrabilis, vt non delubris deorum, ſed piſtrinis molitorū dignos adfirmare poſſis. Si quoties enorme aliquod flagitium perpetrarunt, ad populum ſe ſatis arrogàter excuſant, ſeq; deorum fratres & vicarios eſſe aiunt, ita quidem, vt quicquid egerint, id cæli Quiritibus gratum exiſtiſſe minimè dubitent. In tabernis publicis vinum aduſtum totos dies potant. Cumque iam nec mens nec pedes officium

cium faciunt, saepe velut emortui in medijs plateis concidunt, & obdormiscunt. Germani certè milites non semel iacentes perminxerunt. Postero die cum ad peragenda sacra in templum redeunt, non aliter coluntur à populo & amantur, quàm si nuper ex concilio immortalium deorum missi venissent legati.

Scholas semper templis adiunctas habent, in il- *Schola.*  
lis triginta annorum iuuenis prima literarum rudimenta pueritiam docet. Literæ ipsorum alphabetice veteribus Græcis quàm similimæ sunt. Catechesi nulla vtuntur: sed preculas ad beatam Virginem & D. Nicolaum in libris descriptas pueris proponunt. Symbolū tamen apostolorū verbis quibusdā immutatis addiscunt. huic adduntur Hymni Dauidis, quos illi nocturna versantq; manu, versantq; diurna. Pueri annorum trium & quatuor, si fortè in uale tudine aliqua corripuntur, statim Flamen aduolat, & sacramentum sub vtraque specie illis etiam distribuit. Tum verò iussu sacerdotis seriò providendum est parētibus ne iste puer, sacra qui vltus est cœna, toto biduo oris excrementa in terram exspuat.

Ferijs esurialibus plebs miserè obnoxia est. Cūq; totus iam præterijt annus vix paucis diebus illis carnes comedere licuit.

Matrimonij contrahendi ratio talis est. Iuuenis si cui fauet puellæ propinquos treis quatuorve ablegat, qui parētes de elocanda virgine interpellent. hi verò vt vehementius animū proci irritent, nihil isto de negotio cōfieri posse adfirmant, & quandā apud internuncios simulant grauitatem. Sponsus tali spe frustratus, alia rē via aggreditur, tempusq; & occa-

sionem venandæ virginis diligentissimè obseruat. Illaverò si fortè dōmo paterna egreditur, ministri in insidijs collocati incautam, & nihil tale timētem in casses sponsi venatoris conijciunt: quæ simul atque deflorata fuerit, mittūtur alij ad parentes legati, qui partim culpam deprecentur; partim amoris vehementiam accusent. Tum demum parentum impetrato consensu, nuptijs dies dicitur: neque enim illis cohabitare licet nisi solennitate publica copulentur. Igitur circa horā noctis vndecimam, sponsi cum fidibus, facibus & fistulis ad delubrum deducuntur. Ante illorum aduentum, aliquot vascula, sicera, melicrato & cereuisia plena huc aduecta sunt. Conuiue itaque vtriusque sexus saltando, ludendo, clamando & ridendo bonam noctis obscure partem consumunt. Interea mittuntur certi homines, qui Flaminem accersant, hi plerunque re infecta semel atque iterum discedunt, idque fit propter temulentiam deplorati sacrificuli, qui vino & somno sepultus iacet. Vulgus interim ducendis choreis occupatur. Postea moræ & absentia impatientes illi qui sponsum ad finitatem attingunt, Flaminis poti domum effringunt, & vi abreptum ad peragēda sacra eundem pertrahunt. Ille, dum solito vult fungi officio, nec tamen rectis pedibus consistere potest, sæpe concidit in medio templo. Exoritur igitur damnable risus & barbaries, ut vix opiner, Ethnicos Veneris sacra scurrilius peregisse. Accurrunt illico qui lurconem teneant, ne collabatur. Tum primò panes sibi debitos adferri iubet.

Deinde libro aperto stentorea voce aliquem Hymnum Dauidicum cantat. Postea intortam sponsi  
cæsa-



caſariem manu cōprehendens in hanc ſententiam eundem affatur: Dic mihi, ô ſponſe, ô frater, ô amice, numquid tu huic teneræ vir eſſe potes? numquid eam fuſtibus aliquando mulctabis? numquid agro-ram, ſcabioſam & decrepitam derelinques? Hic ſanctè iurat ſponſus, ſe facturum viri boni officium. Ad ſponſam igitur ſermonem conuertens, eam quoq; interrogat, An viro ferendo ſufficiat? (nam puellæ decem & vndecim annorum hîc nubunt) an rei familiaris curâ agere? an cæco, curuo & decrepito marito fida velit eſſe comes? adfirmat illa. Mox Flamen ſerto ligneo viridi vtriuſque caput coronat. In circumferentia coronarum deſcripta ſunt Ruthenicè hæc verba: *Crescite & multiplicamini*. Ille dum hæc agit, inflammantur ab omnibus cereæ candela, & patera medone ſpumâs ſacrificulo traditur, eam nouis ſponſis vno propinat hauſtu, illi ſimili alacritate euacuant, & viro religioſo reddunt. Abiecto iam ligneo caſſiculo & pedibus cōtrito, nouas inſtituunt choreas, hîc Flamen choragus eſt, cæteri longo ordine eundem inſequuntur. Fæminæ etiam lupulum in templo ſpargunt, & linum, cum tali acclamatione: Dij noſtri tutelares faciant, ne noui coniuges vllò vnquam deſtituantur bono. Sic tandem tumultuum finis eſt. Sacrificulus domum reducitur: conuiuæ ſponſos comitantur, & in tali conuentione egregiè potant, & mœchantur. Viri autem qui ex coniuge fato functa maſculam ſobolem ſuſceperunt, perſæpe impuberi filio ſponſam quærunt, cum qua tamen illi dormiunt & liberos procreant. Nato deinde ex ephebis egreſſo, nouâ nuptam à ſe cōſtitutam & ſobolem vnâ adducit pater, ita inquit: Vi-

des fili tuam coniugem & tuos liberos? Patris scortum, si filio placet, accipit illud, sin secus, prædam asperratur, & de alia ducenda cogitat.

*Functus  
visus.*

Iam de Sepultura mortuorum quædam annotabimus. Homines rebus humanis exemptos in mensam nudos deponunt, & calidis vndis per integram horam abluunt, idque tantum faciunt noctu. Sordibus ita absterfis, in sella mediæ domus constituunt eoldem, propterea nimirum, ut patrem familias etiam mortuum venerentur, & metuant quotquot ista degunt in habitatione. Vidi semel atque iterum, sed obstupui, steteruntque comæ, & vox faucibus hæsit. Funus tandem tertio die effertur, præcedunt in ordine Scholastici, hi lamentabile carmen ingeminant, cuius sensus est: *Aspicite ô cives hoc cadaver, & vobis cauete.* Nam nos omnes sic ibimus, ibitis, ibunt. Sandapilarios tres insequuntur Flamines, medius thuribulo circum circum fumat. Existimant enim hunc odorem malis genijs ita contrarium esse ut perinde eum fugiant, ac sanctæ crucis signum. Cum iam ventum est ad sepulturæ locum, Orciniana ista sponda deponitur. Fœminæ verò, quæ ut flerent, oculos erudiere suos, magna cum lamentatione ad urnam feralem, quæ hinc aperitur accurrunt, & cadaveri oscula figunt, ita interrogantes: Cur nostro abiisti è conspectu ô carissime? numquid cibi & potus inopiate occidit? numquid infelicitis coniugij capistro caput subtrahere voluisti? Fatere nobis, quæ te res mouere potuit, ut non tantum suauissimam thalami confortem, & liberos dulcissimos tuos desereres, sed etiam delitijs pulcerrimi huius mundi, tuis præterea fortunis & familiaribus omnibus abrenuntiares? Sed  
hic

hîc verum est illud, Surdo narratur fabula. Accedens igitur sacrificus, plorantes fœminas arcet à feretro, Deoq; manium imperat, vt ne vlla re mortuum impediât hominem, sed liberè eum abire permittat ad locum istum beatarum mētium, ad quem maiores ipsius iam olim præcesserint. vtq; expeditius, tam longum nec satis tutum iter conficere possit, quidquid in omni vita preciosa supellectilis habuit, illud in vrnâ feralem inferunt, iamq; antea domi suæ recentibus ocreis & veste noua abeuntem herum induerunt. Mortuo etiam cervical substernunt, siccaterra refertum. Cumq; iam ferale murmur Flamines absoluerunt, defuncti coniunx iterum accurrens cum eiulatu & clamore maritum ad vitam reuocat. Huius gemitum ipsi sacrifici cum cantoribus excipiunt, & sesquihoram vociferâdo perdunt: adfertur deinde & argentea crux, eam capulo superimponunt, & demorruum monēt, vt ne suam patriam in consuetudine celestium animorum obliuiscatur, sed pro ea apud cœlites assiduè deprecetur. Rogant etiam vt ante omnes D. Nicolaum sibi cōciliet, hûc namq; Deum esse tutelarem omnium Russorum. Tandem cadauer in fossam demittitur, Flamen verò ficci pulueris tantum vrnæ superiniicit, quantû manu tenere potest. Cateri deinde mortuum sepeliunt. Atque ita piacularia sacra suum sortiuntur finem.

Eodem die cenam satis opiparè & apparatè in- *Continua*  
struunt, ad hanc Christiani (ita mendicos appellant) *funebria.*  
vocantur, vt nimirum tanquam ociosi pro mortuo Deos inclament. Flamines item & omnes consanguinitate propinquos inuitant. Cumq; & mihi hûc



haberent honorem lubenter ecastor eos adij, capotissimum de caussa, vt mores eorum rectius cōtemplari & obseruare possem.

Hospites osculo blandissimè excipiūt, & quemq;, vt dignior est, ad mensam collocant. Sed hic tibi illud ad mentem reuoces velim, Russos omnes S. Nicolaum tanquam Deum adorare, eiusq; imaginem in domibus omnium videri. Accumbentibus cōuiuis ardentem statim adferunt candelam, eamq; Nicolao consecrant, deprecantes sedulò pro salute & beatitudine amici demortui. Postea in scutella argentea triticum cum superinfuso melicrato apponunt.

Singuli ligulam sumentes, manibus defuncti rerum abundantiam, & nepotibus supellectilem copiosam vno optant ore. Mox calix vino adusto plenus obambulat, & hunc liquorem nō aliter potant, quàm vaccaē argentes vndas, vt in prouerbio dicitur. Neq; tamen hoc ipsorum factū certa ratione caret. Vix enim illos ob ciborum cruditatem viuere posse arbitror, si tam forti potu stomachi frigiditatē non propullarēt. Ferculis demum apposis senior inter Flamines iterum pinguia thura adolet, & lemures eijcit foràs, postea scripto crucis signo, cibo benedicit. Peregrinis hominibus elephantem honoris gratia præbunt, illosq; si alicuius sunt dignationis & præminentia, muneribus adficiunt liberaliter. Dumq; omnes pro salute sui regis, pro beatitudine amici mortui, pro felicitate adfinium & cognatorum, plenis cantharis bibunt: fit ferè, vt vix duo vel tres istis ab exequijs sobrij domum discedant. Eleemosynas illi qui lautioris fortunæ sunt, die Veneris

ris distribuunt, sed exiguam tantum gregarij panis particulam.

Porro de vanis superstitionibus, quibus hæ gentes deditæ sunt, quid attinet dicere? Multi, serpentes *Alia superstitiones.* in domibus familiares habent & alunt.

Dæmonem quoque meridianum metunt & colunt. Ille enim cum iam maturæ resecat fruges, habitu viduæ lugentis ruri obambulat, operansq; vni vel pluribus, nisi protinus viso spectro in terram proni concidant, brachia frangit & crura. neque tamen contra hanc quoq; plagam remedio destituuntur. Habent enim in vicina sylva arbores religione patrum cultas, harum cortice vulneri super inposito, illud non tantum sanant facile, sed & dolorem loripedi eximunt.

Luem castrensem, quam nostri milites huc aduexerant, tali modo eos propulsare vidi. Funem accipiunt, eumque per foramen scamni in domo vetustioris tantisper trahunt & retrahunt, donec ignis scintillam ex arido allere eliceant: flamma conspecta, cereum in delubro vndis lustralibus perfusum accendunt. Omnes deinde qui ex hac fauilla prunas vel torrem domi conseruant, rutos fore credunt à pestifera contagione, & sic nonnunquam, ut euentus fidei respondeat.

Doloribus dorsi talem adhibet medicinam. Pueros illegitimos, quorum hic ingens est numerus, certo ære conducunt, illorumque tergum pedibus sexcenties premunt & conculcant. Hoc medicamentum anodynum maioribus profuisse allerunt.

Magistratum de voluntate regis accipiunt. *Leges & illæ dicuntur* Opidis Starosta, hoc est, Capitanei imperat, hi pro suo

arbitrio leges figunt, & in plebeculam securi dominantur. Caussæ criminales ad iudicia rarò deferuntur. Qui se conuicia dixisse negat, absoluitur. Nam palinodiam pro pœna irrogata reputant. Iuris Romani scrupulosa volumina, Bartolos & Baldos frustra euoluisti, si hîc esse voles. Statutis enim, id est, legibus scriptis vtuntur. In illis & hoc sancitum est: Homicidam, nisi in ipso facto deprehensus sit, quinque florenis vitam redimere posse. Homini autem qui alterius canem ceciderit, mulctam decem florenorum irrogandam esse. Fustuarij pœna ipsis inter præcipua tormenta est. Nobiles enim, suos agricolas, heri mancipia sua si quando peccarunt, horrendum in modum fustibus dolant. Qui verò grauius deliquerunt, virgis ferreis lacerantur.

Gense est natura ad arma propensior. Machæris, frameis, & falcatis ensibus pugnant: persæpe etiam claua lignea, quam semper ad manum habent. Si rus abeunt, Costram in dextra tenent, arcum autem Tartaricum cum pharetra & arûdinibus venenatis lateri alligant.

*Ludi.* In commellationibus non tantùm rubri chartacea symbola regis lubenter tractant, sed & ludo reserario gaudent. Summa autem solertia prælia latronum ludunt. Vt gemini inter se reges albusque nigerq; pro laude oppositi certent bicoloribus armis. In hac profectò arte ita excellunt, vt haud sciam an vlla gens cum illis comparari debeat.

*Merces.* Cùm pax est, ferarum pelles ex Moschouia in Poloniam & Liunioniam venales asportant. Mel, ceram, & corium magna copia peregrinis vendunt. Cateri venando & latrocinia exercendo victum queritant.

Vndi-



Vndique enim densissimis & inuijs nemoribus se- *Ferarum*  
 pti sunt. Lupos, lince, & martes sæpe intra ipsa oppi- *Venatio.*  
 dorum mœnia venantur. Martes quidem in sum-  
 mitatibus arborum plerumque manent, & mel ab  
 apibus congestum audissimè lingunt. Rustici igitur  
 canes alunt vestigatores, odoratu produnt ani-  
 mal inter arborum frondes absconditum. Tum ve-  
 nator magno ictu arborem percutiens, martem de  
 summo vertice deijcit, quem illico *ixvutic* ille den-  
 tium morfu necat. *Káσωπες* quoq; in locis paludosis  
 habitantes simili ratione decipiūt. Hoc animal, quia *Castores.*  
 in extremis amnium oris commoratur, nō capitur,  
 nisi Nouēbri & Decembri mensibus, cū terra du-  
 rissimo frigore riger. Fluuiū igitur glacie constricto  
 aduolat rulticus cum cane odorisequo. *Kάσωπ* adue-  
 nientis animū minimè ignorans effossos, in ripa cu-  
 niculos deserit, & sub glacie in argentibus vndis na-  
 tat. Canis autem naribus locum supra caput natan-  
 tis exactè prodit. Sequitur igitur venator, qui iam  
 antè à glacie perfossa ad fauces fluminis rete de lino  
 triplici factum disposuit. Ad hoc cū iam deuenit  
 Castor, perrupturum se sperans, occiditur fustibus,  
 & extrahitur. Pellis eius apud hos populos summo  
 est in pretio. Hanc quoq; venationē impune nun-  
 quam vidi: nam penè cæli intemperies me occidit.

Moribus Rusi erga hospites sunt tolerabilibus:  
 nisi fortè eorum trullas ames. Nam inter pocula  
 homines esse desinunt.

Viri & fœminæ, si à fortunæ bonis firmiores sunt, *Vestitus;*  
 eodem ferè habitu vestiuntur. Tunicam talarem  
 varij coloris ex panno Britannico habent: limbis  
 vestium taniā sericas, & globulos deauratos in-

tertexunt: vterque ocreis calceatus. Fœminæ virtis & mitra caput tegunt, viri cudone pileo ve coloris diuersissimi. Rusticorū filia ex capitibus serpentum torquem collo circumdant. Vulgus autem ex pelli- bus ferinis tunicas, ex cortice arborum calceos pa- rat: Et tot hîc sunt sutores quot rustici.

*Forma cor-  
porum.*

Natura profectò sub aspero calo homines etiam elegantes producit. Corpora plerunque solida ha- bent & succi plena. Neque adeò informis est sexus muliebris, si quis formarum velit esse spectator. Om- nem autem decorem suum vnico potandi vitio mulieres obfuscant. In hac enim re si maritos non vincunt, certè non sunt illis inferiores.

*Musica.*

Musica subtilioris ignari sunt. Panduras nulla ar- te tractant & tantùm tibias vtriculares in delitijs habent. In nuptijs & alijs solennitatibus persæpe ad manuum complosarum fragorem choreas du- cunt.

*Libri.*

Libros Latinos & Græcos nunquam viderunt, & tamen de religione Græcorum multa gloriantur. Ego cùm semel nouum Testamentum Tiguri Græ- cè impressum mecùm haberem, rogaremque Fla- mines vt aliquam periodum legerent, illi hoc sese facturos pernegabant: sanctè adfirmantes, eiusmo- di typos nunquam sibi antè visos esse.

*Vitus.*

Mensa elegantiam non magnopere curant, sed crudos cibos Deos Egyptiorum, porrū & cœpe au- didissimè ingurgitant. Ditiore vinum & medonem, vulgus *Quastum*, hoc est, aquam bibit admixto sale vulgari, & pâne mucido squarosoq; vescitur.

*Edificia.*

Domus Ruthenica lignæ sunt, & quidem malè materiata. Ita tamen delipiunt, vt existiment parie-

tem

tem cratitium lateritio præferendum esse. Cemen-  
ti apud eos nullus ferè vsus est. Polocia tantum tria  
templa sunt, opere lateritio exstructa. Ex his tertium  
more Italico pulcerrimè expolitum nunc ibidem  
conspicitur. Cætera Moschorum Dux Ioannes Basi-  
lides deuastauit, cum ante annos octodecim Polo-  
tiam deditione in suam accepit potestatem.

Pacis tempore opimos accipiunt ex agris prouen- *Vitæ.*  
tus: nec ullis ferè frugibus hominū utilitati seruien-  
tibus carèt. Aues omnis generis, perdices putà, pha-  
sianos, attagenes erythraones summa solertia per  
insidias capiunt, & leui ære diuendunt. Piscium lau-  
tissimorum admirabilem copiam perennia illis  
suppeditant flumina, Borysthenes, Duna, Drisna,  
Drissa, Polotta, ex quibus innumeri lacus & ἰχθυοπό-  
φια sese effundunt. Ex cocto sale Iberico cibos con-  
diunt.

Metallum quidem patrio in solo non effodiunt, *Moneta.*  
& tamen auri obryci signatiq; argenti maximo de-  
siderio tenentur, atq; hoc vitium cum cæteris mor-  
talibus commune habent. Nummos eorum argen-  
teos ouali forma procusos ad tuam Excell. mitto: ij  
vno in latere Cataphracto signantur: in altero de-  
scripta sunt Ruthenicè hæc verba: Κῆς βασιλεὺς Ἰβέρων hoc  
est, princeps magnus Ioannes.

Hæc ferè ea sunt, Dauid Chytræ, quæ in Orien-  
tiori Russia obseruatione digna putauì, quæ qui-  
dem, vt tuæ cupiditati satisfacerem, libenter in has  
paginas conieci. Nec tamē omnia attingi, sed tantum  
summa sequutus sum fastigia rerum, Apes vt tenero  
studens liquori libat summa thymi, aut crocum ru-  
bentem.



*Armenij.*

De Armenijs quoque antea ad te perscripsi, neque dubito literas tibi redditas esse. Hos frequentes habitare Leopoli, atq; ibidem pulcerrima templa habere, Tidemannus Gisius 7. Iunii Caunæ mihi dixit. Ego quidem, si aliquando officij ratione hoc ipsum licebit, Leopolim excurram, & vicinam Armeniam perlustrabo, fufiusque deinde omnia literis tractabo.

*Tartari.*

Restat nunc vt de Tartaris per pauca subiiciamus. Cùm verò epistolam ad te scribere decreuerim, nō est quod historiam expectes. Nolim namq; γλῶσσοις εἰς Ἀθήνας Tartarorum quidē copias minimè contemnendas regijs in castris persæpe vidi, atque hi ex Præcopiensium Horda aduenerunt, ex qua nunc quoq; militem conscripsit Stephanus Victor. Ceteri Polonis notiores sunt Tauricenses, Asturcenses, Naianenses, Rezihorenses, & Circassii. Principem Hordæ sua lingua *Czar*, hoc est, Imperatorem appellant. Nobiles autem, quibus res mediocriter sunt secundæ, *Cnesi*, id est, Principes vocantur. Tantus nimirum barbaræ gentis fastus est, vt etiam titulos & magna miseri aucupentur nomina. Religio eorum siue dubio diuersissima est.

*Religio**Tartaro-  
rum.*

Ego illorum ritus, qui regis nostri sceptrū agnoscunt, breuiter attingam. Bellici sanè tumultus eos à numinis cultu nō auocant. Nam Veneris die, cùm vix sol ipse nitētes spargere iam cœpit radios, in medio camporum æquore frequentes conuolant. Hic Papa nudo vertice & pedibus complicatis humi sedens, schedulam sinistra in manu tenet, in hanc descripta ex Alcorano paradoxa aliquot congeffit, quæ voce clara ad circumstantes recitat. Illi si quan-  
do no-

do nomen Dei & Mahometis audiunt, gemitu & capitis inflexione reuerentiam suam declarant. Lektionē finita, in stationem quisque suam reuertuntur. Cæteritamen, qui pacem bello, œconomiam militiæ præferunt, alijs quoq; ceremonijs occupantur. Hi vno à Vilna miliari, ad fluminis Velæ ripas, gurgustia aliquot & pagū amœnissimo loco situm habent. Huc ego XII. Kal. Iul. cum Ioanne Gamrato Stralsundino, mercatore & ciue Vilnensi exspaciatus, delubrum eorum intraui. In illo certè, nec cuius Diui, nec atri Dæmonis simulacrum vllum videtur. Nudi vbiq; parietes. Area tamen pictis tapetis instrata est. Die Veneri dicata semper ad sacra conueniunt, ea, vt opinor, de causâ, vt significant neq; Iudæorum superstitiones, neq; Christianorum nomen & religionem sibi probari. Delubrum nulli nisi discalceato ingredi licet. Campanarum boatum minimè tolerant. Papa autem, ex orto sole, in summitate templi exedræ insistens, stentorea voce populum ad conciones vocat. Cumq; iam frequentes adsunt, sumto ad manum Alcorano quem Arabicis literis scriptum mihi monstrarunt, numinis colendi rationē illis exponit. Postea de apotheosi Mahometis, deq; illius maiestate & præcellentia carmen agreste decantant, & tunc comitiorum finis est. Si Alcoranum, vel alium quemuis librum typis editum hîc videre licuisset, eum certè, magno vel pretio comparatum, ad tē misissem. In tanto autem librorum defectu nihil se vendere posse dicebant. De Deo Iesu Christo & Spiritu sancto frustra eos interrogabis. Veram enim pietatē ita curant, vt numerū lupus aut torrentia flumina ripas. Non semel igitur

admiratus sum cùm inter Christianos habitent, cur adeò duri sint & Christianam religionē aspernentur, & video sanè Iesuitarum nugas, qui de conuertendis ad Romanam ecclesiam gentibus multa & grandia fabulantur, cùm nequaquam hos, qui vicinis in parietibus commorantur, à vana superstitione abducere possint. neq; tamen & hoc negare auisim esse in Scythia homines Iesu nomen adorantes, cùm dictum sit per Dauidem de voce Euangelij per Apostolos in gentes spargenda, in omnem terram exiuit amussis eorum, & in finem orbis oratio eorum. Porrò non fugit excellentiam tuam dogma Mahometarum magna ex parte Iudæorum superstitionibus & somnijs esse refertum. Tartari igitur Circumcisionem quoque retinent, sed diuersa ab Hebræis ratione. Secundo enim & tertio annis à natiuitate, prout papæ visum est, circumciduntur.

Lingua eorum à Polono idiomate tam longè abest, vt in Scythiam, illi in Sarmatiam cômigrantes, rana Scythia non iniuria dici queant. Qui tamen in Polonia, & Lituania, & vtraq; Russia longè lateq; dispersi sunt, plerumq; hominū, quibuscum degunt, linguam addiscunt & callent.

Præterea illorum papa hoc mihi in sermone dixit: In multis suæ gentis regionibus, solem, ignem, malos item genios, tanquam Deos coli. Moribus feris sunt, & duri laboris patientissimi: nec etiam vna vxore cõtenti. Nam plurimas ducunt, quarum penè miranda domi est concordia. Sed prior cæteris grator habetur & acceptabilior.

Mortuos hîc non cremant, sed defodiunt. Sponsos etiam fato functos addita dote & rebus œconomiz



nomiæ necessarijs, matrimonio iungunt, ridiculis mehercle ceremonijs, quos alio in orbe & reuicturos, & vnà semper futuros autumant. De animabus demortuorū ita sentiunt, eas videlicet ex vno corpore in aliud tantisper demigrare, donec præcellentem aliquam & diu quæsitam inueniant habitationem, atq; hinc magna ista mundi lumina Calares & viros principes enatos esse.

Victus illorum miserrimus & Cyclopicus. Nam prandentes aliquoties cum horrore aspexi. Carnes certè equinas ac semicoctas audissimè deuorant. nullus illis mensarum & sediliorum est vsus. Cutes equorum iam tum fumantes, & recens bestię detractas pro scamnis confessuri consternunt. Lac equarum tanquam vinum Cretense admirantur & epotant. Hi bellis, acynacibus, arcu & sagittis pugnant, bellatorum præstantia equorum omnibus facile anteponendi.

Præcopiensium legatus XIX. Iunij Vilnam adueniens regi euangelion adferebat, de re à suis contra Moschos animosè & fortiter gesta. Quod videlicet non tantum maximas hostis prouincias ferro flammaq; feliciter peruagati sint: sed & ad ipsam metropolim Moschouiæ mœnia penetrarint. Horū studium voce sua rex collaudans, magnam se ipsis aliquando gratiā habiturum dicebat, si deinceps quoque magnanimo conatu in aduersam gentem arma & bellum inferant.

Iam de rebus Polonicis quales ex nunc sunt, scribendum aliquid erit. Quia nihil enim abste literarum tribus penè mensibus accepi, meas epistolas, quas Maio & Iulio exaravi, intercidisse video. Rex

Stephanus Victor, 29. Aprilis ex comitijs Warfauiensibus Vilnam reuersus est. VIII. autem Kal. Iun. Bogdanus Bielscius, Moschus nobilissimus, à suo principe profugus ad regem venit Vilnam, qui non tantum humanissimè nouum & insperatum hospitem excepit, sed & muneribus adfecit liberaliter. Sunt homines qui ominis loco illius aduētum excipiant, & fore confidant, vt ex solius consilio rex plurimis in rebus adiuuetur.

Sequenti die, quierat 26. Maij, legatos Moschicos aduentare vidimus, comitatum habentes satis splendidum. Cum illis aliquot diebus de pace tractatum est, effectum verò nihil. Conditiones à rege propositæ tales sunt: Moschus Liunioniam tradat. Impedimenta bellica & commeatum in arcibus deditis relinquat. Sumptus etiam duabus expeditionibus factos persoluat. Pacem perpetuam sanciat. Danorum & Suecorum reges hoc fœdere comprehendantur. Captiui λῶβω vel permutatione redimantur. Ipse princeps in finibus vtriusq; regni ad colloquiū se sistat. Internuncij cum dicerent nihil horum suis in mandatis annotatū esse, intercessione procerum, decem dierum spacium impetrarunt, vt interea per veredarium principis sui mentem explorarent. Ille, quia die dicto reuersus non est, rex quidem legatos dimisit.

Ipse verò 19. Iunij, equum in gyros tortū conscendens, Vilna egressus est circiter decimam diei horam, cælo ita sereno & tam faustis hominum acclamationibus, vt dubitare nemo possit, hunc principem diuinitus Polonorum genti datum, ex hydra ista Lernæa feliciter debellata, famam reportaturum esse

esse immortalem. Equitabant in agmine variarum gentium procures, inter quos non postremus erat legatus pontificius Ioannes Andreas Caligarius, episcopus Brittoniensis, qui pro confirmatione regni pecuniam papæ debitam deposcens, indulgentias simul & peccatorum remissionē largissimam attulit. Proximum ab illo locum tenebat generosus vir, Leuinus Bulouius, ab illustrissimo Marchione Brädeburgensi & Borussiae duce in legatione huc missus, qui postea Caenam reuersus, cum ad prandium me inuissset, amāter hoc à me petijt, vt suo nomine salutē tibi plurimā adscriberem, addens & illud: In Borussia quidem te hoc tempore non venturū, id quod ego summo cum dolore audiui: Statueram enim salutandi gratia Regiomontē ad te excurrere.

Tidemannus quoque Gisius, I. V. D. & regis intimus Secretarius, homo omnium hominum humanissimus, & optimis literis egregiē excultus. 21. Iunij, historiam Augustanæ Confessionis tuam, ab Ritro Latina ciuitate donatam, Vlnæ mihi monstrauit. Cumque sumptis semel iterumque calamo scriberet tibi vellent, neque tamen tanta & indicibili negotiorum mole oppressus, sibi ipsi satisfacere pollet, inuitus quidem hoc tempore officium tuæ excellentiæ debitum intermisit, meque per Apollinem rogauit, vt hanc candidissimæ mentis suæ affectionem per epistolam tibi significarem, id quod me facturum, vti debui, ita lubenter promisi. De omnibus tamen rebus, quæ hæcenus gestæ sunt, & quæ deinceps numinis auspicio gerentur, faciet te paulò post certior.

Regis nostri frater, Transyluania princeps, nu-



per decessit, cuius obitum rex grauitè tulit, vt par est. metuit fortassis aliquam in istis locis mutationem, quanquam filius demortui, decem annorum puer, à subditis patris successor nominatus est. Eodem die quo Transylvanorum dominus extinctus est, generosissimus regis equus exanimis concidit & periit, qui non procul ab arce Vilnensi defossus est, & columnam habet ligneam.

Belli suscepti moles hac æstate Pleſcouiam tanget. Milites vndiq; huc confluunt, ille ex Germania, alter ex Calydonia, tertius ex Britannia, vt nimirum venales animas tantò citius Plutoni propinēt. Nam vndiq; ad inferos tantundem viæ est.

Rex dum foris hostem quærit, nos domi propiè-  
tate bellum gerimus. Proceres quidem Polonici, qui purioris doctrinæ professoribus fauent, & partim Zuinglianos defendunt, partim Augustanam Confessionem sequuntur: ante abitum suum de ineunda concordia suaserunt, certum esse adfirmantes, quod N. Romę nuper creatus in perniciem Lutheranorum iuramentum præstiterit Pont. Max. Huius verò tyrannidem non adeò metuendam esse, si nos piè in religione consentiamus. Maio igitur mense conuenimus Vilnæ, effecimus nihil. Summam actionis adiunctæ continent paginæ. Ipse Dei filius, vtinam gloriosissimo aduentu suo vulnera ecclesiæ citò sanet, & beatitudinem nobis donet sempiternam. In hoc quidem seculo sinceram sperare pacem non licet. Anabaptistas vicinos per occasionem erroris admonui. Horum superintendentes Laurens Criscouius, hæresin se defensurum scribit. cùm prodierint chartæ, habebimus sanè  
quod

quod aut contemnamus, aut etiam quod auctoritate sanctarum scripturarū refutemus. Literas ipsius Crisouij ad tuam Excellentiam transmittō. Iamq; Colophonis vice etiam atq; etiam vehementer te rogo, vt hasce paginas tuo iudicio emendes, ac vel legas, vel diuulges, vel abijcias, quidquid horum feceris, meo facies consensu. Summum Pontificem ecclesiæ, Iesum Christum, Dei ac Virginis filium, qui solus est longitudo dierū nostrorum, toto pectore precor, vt tuam Excellentiam spiritu sanctissimo suo gubernet, & diutissimè incolumem conseruet, meque tuæ beneuolentiæ & amoris totum trado. VIII. Kalend. August. anno. M. D. LXXXI.

## E P I S T O L A

## DE RELIGIONE ET SACRIFICIIS VETERVM BO-

russorum, Io. MELETII

*Ad*

GEORGIVM SABINVM.

**C**VM elegiam illam tuā, quam ad Petrum Bembum Cardinalem scripsisti, mihi legendam exhibuisset Hieronymus filius meus, qui tuis scriptis plurimū delectari solet, in qua de sacrificio capri, & anguium cultu, quæ nonnullæ Sarmaticæ gentes faciunt, commemoras: continere me non potui, quin ea quæ de vano cultu earum gentium comperi, ad te scriberem, tibi vtique non ingratum fore sperans, si earum gentiū, ad quas fato quodam vocatus es, & in quarum vicinia vitam agis, mores &

idololatriam plenius cognosceres. Multi enim superstitiosi ritus, idololatrici que cultus passim in his regionibus adhuc occultè seruantur, qui tibi aduenæ nondum fortè cogniti sunt. Itaque visum est communicare tecum, quicquid de illis compertum habeo. Ac ne longiore vtar procæmio, referam primò sacrificia, quibus olim Borussi, Samogitæ, Litvani, Rutheni & Liuones, coluerūt demonia pro dijs, atque etiam nunc multis in locis colunt occultè: deinde superstitiosos quosdam ritus, quibus nuptiæ, funera & parentalia apud easdem gentes celebrantur.

Die Georgij sacrificium facere solent Pergrubrio qui florum, platarum, omniumq; germinum Deus creditur. Huic Pergrubrio sacrificant hoc modo. Sacrificulus, quem *Vurschayten* appellant, tenet dextra obbam cereuisiæ plenam, inuocatoque demonij nomine, decantat illius laudes: Tu (inquit) abigis hyemem, tu reducis amœnitatem veris: per te agri & horti virent, per te nemora & sylvæ frondēt. Hac cantilena finita, dentibus apprehendens obbam, ebibit cereuisiam nulla adhibita manu: ipsamque obbam ita mordicus epotam retro supra caput iacit. Quæ cum è terra sublata, iterumq; impleta est, omnes quotquot adsunt ex ea bibunt ordine, atque in laudem Pergrubrij hymnum canunt. Postea epulantur tota die, & choreas ducunt.

Similiter quando iam segetes sunt maturæ, rustici in agris ad sacrificium congregantur, quod lingua Ruthenica *Zazinc* vocatur, id est, initium messis. Hoc sacro peracto, vnus è multitudine electus, messem auspicatur, manipulo demesso quem do-  
mum



mum adfert. Postridie omnes, primò illius domesti-  
ci, deinde cæteri quicunq; volunt, messē faciunt.

Facta autem messe, solenne sacrificium pro gra-  
tiarum actione conficiunt, quod Ruthenica lingua  
*Ozinck*, id est, consummatio messis dicitur. in hoc  
sacrificio, Sudini Borussiae populi, apud quos succi-  
num colligitur, capro litant, sicut in elegia tua ad  
Bembum scribis.

Litandi verò ritus est talis. Congregato populi  
cœtu in horreo, adducitur caper, quem *Vursichay-  
tes* illorum sacrificulus mactaturus, imponit victi-  
mæ utrang; manum, inuocatq; ordine dæmones,  
quos ipsi Deos esse credunt: videlicet, Occopirnum,  
deum cæli & terræ. Antrimpum, deum maris: Gar-  
doæten, deum nautarum, qualis olim apud Roma-  
nos fuit Portunus. Potrympum, deum fluuiorum  
ac fontium. Pilnitum, deum diuitiarum, quem Lati-  
ni Plutum vocant. Pergrubrium, deum veris. Par-  
gnum, deum tonitruum ac tempestatū. Pocclum,  
deum inferni & tenebrarum. Poccollum Deum  
aëriorum spirituum. Putscætum, deum qui sacros  
lucos tuetur. Auscentum, deum incolumitatis & æ-  
gritudinis: Marcoppolum, deum magnatum & no-  
bilibum: Barstuccas quos Germani *Erdmenlen*, hoc  
est, subterraneos vocant.

His dæmonibus inuocatis, quotquot adsunt in  
horreo, omnes simul extollunt caprum, sublimem-  
q; tenent, donec canatur hymnus, quo finito, rur-  
sus demittunt ac sistunt caprum in terram. Tum sa-  
crificulus admonet populum, ut solenne hoc sacri-  
ficiū à maioribus piè institutum, summa cum ve-  
neratione faciant, eiusq; memoriam religiosè ad

posteroribus conseruent. Hac conciuncula ad populum habita, ipse mactat victimam, sanguinemque patina exceptum dispergit. Carnem verò tradit mulieribus eodem in horreo coquendam. Hæ interea dum caro coquitur, parant è farina siliginea placentas, quas non imponunt in furnum, sed viri focum circumstantes, hinc illinc per ignem iaciunt absque cessatione, tãdiu quoad illæ indurescant, & coquantur. His peractis epulantur atq; helluantur tota die ac nocte vsque ad vomitum. Ebrij deinde summo mane extra villam progrediuntur, vbi reliquias epularum quæ remanserunt, certo in loco terra operiunt, ne vel à volatilibus vel à feris diripiantur. Postea dimisso cœtu, suam quisque domum repetit.

Cæterum, ex omnibus Sarmatiæ gentibus suprâ nominatis, multi adhuc singulari veneratione colunt Putscatum, qui sacris arboribus & lucis præest. Is sub arbore Sambuco domicilium habere creditur. Huic passim homines superstitionis litant pane, cereuisia, alijsque cibis sub arbore sambuco positis, precantes à Putscato vt placatum efficiat Marcopolum, deum magnatum & nobilium, ne grauiore seruitute à dominis ipsi premantur: vtque tibi mittantur Barstuccæ, qui (vt suprâ dictum est) subterranei vocantur. His enim dæmonibus in domo versantibus se fieri credunt fortunatiores: eisque collocant vesperi in horreo super mensam mappa stratum panes, caseos, butyrum, & cereuisiam: nec dubitant de fortunatarum accessione, si manè reperiant cibos illic assumptos. Et si quando intactus cibus in mensa remanet, tunc magna anguntur cura nihil non aduersi metuentes.

Eadem

Eadem gentes colunt spiritus quosdam visibiles, qui lingua Ruthenica *Colky*, Græca Coboli, Germanica *Coboldi*, vocantur. Hos spiritus credunt habitare in occultis ædium locis, vel in congerie lignorum: nutriuntque eos lautè omni ciborum genere, eò quòd afferre soleant nutritoribus suis frumentum ex alienis horreis furto ablatum.

Cùm verò hi spiritus alicubi habitare ac nutrirì cupiunt, hoc modo suam erga patremfamilias voluntatem declarant. In domo congerunt noctu segmenta lignorum, & mulctris lacte plenis imponunt varia animalium stercora. Quod vbi paterfamilias animaduerterit, nec dissipauerit segmenta, nec stercora è mulctris eiecerit sed de inquinato lacte cum omni familia sua comederit, tunc illi apparere & permanere dicuntur.

Præterea Litواني & Samogitæ in domibus sub fornace, vel in angulo vaporarij vbi mensa stat, serpentes fouent, quos numinis instar colentes, certo anni tempore precibus sacrificuli euocant ad mensam. Hi verò exeuntes, per mundū lintheolum conscendunt, & super mensam assident. Vbi postquam singula fercula delibarunt, rursus descendunt, seque abdunt in cauernis. Serpentibus digressis, homines lati fercula illa prægustata comedunt, ac sperant illo anno omnia prosperè sibi euentura. Quod si ad preces sacrificuli non exierint serpentes aut fercula super mensam posita non delibauerint, tum credunt se anno illo subituros magnam calamitatem.

Ad hæc eadem gentes habent inter se sortilegos, qui lingua Ruthenica *Burty* vocantur, qui Potrimpum inuocantes, ceram in aquam fundunt, atque



ex signis siue imaginibus inter fundendum figuratis, pronunciant ac vaticinantur de quibuscunque rebus interrogati fuerint. Noui ipse mulierculam, quæ cum diu reditum absentis filij frustra expectasset: erat enim filius ex Borussia in Daniã profectus: consulit sortilegum, à quo edocta est, illum naufragio perijsse. Cera enim in aquam fusa, expressit formam fractæ nauis, & effigiem resupini hominis, iuxta nauim fluitantis.

Apud Samogitas est mons ad flumini Nauuassam situs, in cuius vertice olim perpetuus ignis à sacerdote conseruabatur, in honorem ipsius Pargni, qui tonitruum & tempestatum potens à supersticiosa gente adhuc creditur. Hactenus de sacrificijs.

Nunc de ritibus Nuptiarum, funerum, & parentalium, narrabo non ininus ridicula quàm supersticiosa. Apud Sudinos, Curonenses, Samogitas, & Lituanos, nobiles puellæ multis in locis gestant tintinnabulum, quod funiculo alligatum è cingulo dependet vsque ad genua. nec ducuntur, sed rapiuntur in matrimonium, veteri Lacedæmoniorum more à Lycurgo instituto. Rapiuntur autem non ab ipso sponso, sed à duobus sponsi cognatis. Ac postquam raptæ sunt, tunc primùm requisito parentum consensu matrimonium contrahitur.

Cùm nuptiæ iam celebrantur, sponsa ducitur ter circa focū. Deinde in sellam ibi collocatur. Sedit super sellā, pedes lauantur. Ea verò aqua, qua sponsæ lauantur pedes, conspergitur lectus nuptialis ac tota supellex domestica: Consperguntur item hospites, qui ad nuptias inuitati sunt. Postea sponsæ os oblinitur melle, & oculi teguntur velamine, velatis oculis

oculis ipsa ducitur ad omnes ædium fores, quasi iubetur contingere ac pulsare dextro pede. Ad singulas fores circumspargitur tritico, siligine, auena, hordeo, pis, fabis & papauere. Qui enim lequitur sponsam, gestat saccum plenum omni genere frugum: cumque illam circumspargit, ait, nihil horum defuturum sponsæ, si religionem piè coluerit, remque domesticam curauerit ea diligentia, qua debet. His actis, aufertur sponsæ velamē ab oculis, & conuiuium celebratur.

Vesperi cum sponsa ad lectū deducenda est, inter saltandum ei abscinduntur crines, quibus abscissis, mulieres imponunt ei sertum, niueo linteolo adornatū, quod vxoribus gestare licet, donec filiū pepererint. Tadiu enim vxores pro virginibus se gesserunt. Ad extremū introducit in cubiculū, vbi pulsata & verberata, cōijcitur in lectū, sponsoq; traditur. Tum pro bellarijs afferuntur testiculi caprini, vel vrsini, quibus ipso nuptiarum die commanducatis, coniuges creduntur fieri fœcundi. Hac de causa nullum quoq; animal castratum illic ad nuptias mactatur.

In Funeribus hic seruatur ritus à rusticanis, defunctorum cadauera vestibis & calceis induuntur, & erecta locantur super sellam, cui assidentes illorum propinqui, perpotant ac helluantur, epotata cereuisia, fit lamentatio funebris, quæ in lingua Ruthenica sic sonat *Hale le, le le, y procz ty mene vmarl? ij za tij nie miel sto yesty albo pity? y procz tij vmarl? Hale le, le le ij za ty nie miel kras ne mlodzi-ce? ij procz tij vmarl?* Id est, Hei, hei mihi. Quare mortuus es? Num tibi deerat esca aut potus? Quare ergo mortuus es? Hei hei mihi: An non habuisti,

formosam coniugem? Quare ergo mortuus es? &c. Hoc modo lamentantes enumerant ordine omnia externa illius bona, cuius mortem deplorant: nempe, liberos, oues, boues, equos, anseres, gallinas, &c. Ad quæ singula respondentes, occinunt hanc Nænam, Cur ergo mortuus es, qui hæc habebas?

Post lamentationem dantur cadaueri munuscula, nempe, mulieri fila cum acu: viro linteolum, idque eius collo implicatur. Cum ad sepulturam effertur cadauer, plerique in equis funus prosequuntur, & currum obequitant quo cadauer vehitur: eductisque gladijs, verberant auras, vociferantes, *Geygeythe begaythe peckelle*. id est, aufugite vos dæmones in infernum. Qui funus mortuo faciunt, nummos projiciunt in sepulcrum, tanquam viatico mortuum prosequentes. Collocant quoque panem, & lagenam cereuisiæ plenam ad caput cadaueris in sepulcrum illati, ne anima vel sitiat vel esuriat. Vxor mane & vesperi, oriente & occidente sole, super extincti coniugis sepulcrum sedens vel iacens, lamentatur diebus triginta. Cognati verò ineunt conuiuia die tertio, sexto, nono, & quadragesimo à funere. Ad quæ conuiuia animam defuncti inuitant, precantes ante ianuam. In his conuiujs, quibus mortuo parentant, tacite assident mensæ tanquam muti, nec vtuntur cultris. Ad mensam verò ministrant duæ mulieres, quæ hospicibus cibum apponunt, nullo etiam cultello vtentes. Singuli de vnoquoque ferculo aliquid sub mensam iaciunt, quo animam pasci credunt, eisque potum effundunt. Si quid fortè deciderit de mensa in terram, id non tollunt, sed defertis (vt ipsi loquuntur) animabus relinquunt manducan-



ducandum, quæ nullos habent vel cognatos vel amicos viuentes, à quibus excipiantur conuiuio. Peracto prandio, sacrificulus surgit de mensa, ac scopis domum purgat, animasque mortuorum cum puluere eijcit, tanquam pulices, atque his precatur verbis, vt è domo recedant. *Iely, Pily ducisse: nu Wen, nu Wen:* hoc est, edistis ac bibistis animæ dilectæ, ite foras, ite foras. Post hæc incipiunt conuiuia inter se colloqui & certare poculis. Mulieres viris præbunt & viri vicissim mulieribus, seque mutuo osculantur.

De hac oblatione ciborum super tumulos defunctorum meminit etiam Augustinus sermone 15. de Sanctis, cuius verba hæc sunt: Miror cur apud quosdam infideles hodie tam perniciosus error increuerit, vt super tumulos defunctorum cibos & vina conferant, quasi egressæ de corporibus animæ, carnales cibos requirant. Epulas enim & refectiões caro tantum requirit: Spiritus autem & anima ijs non indigent. Parare aliquis suis caris dicit quod ipse deuorat. Quod præstat ventri, imputat pietati, &c. Hactenus Augustinus.

Hæc, quæ de superstitiosis ritibus, & ceremonijs illarum gentium narraui, partim ipse vidi, partim ab hominibus fide dignis audiui. Tu verò, præstantissime vir, qui variarum rerum cognitione delectari solitus es, pro ea qua excellis humanitate, meum

hoc qualecunque scriptum ab homine tui  
amantissimo profectum, boni  
consulas, oro.

FINIS II. TOMI  
Rerum Polonicarum.



TOMVS III.

RERVM POLO-  
NICARVM, IN QVO  
RES PARTICVLARITER  
gestæ à Polonis comprehenduntur.

ILLVSTRIBVS ET MAGNIFI-  
CIS VIRIS, DN. NICOLAO MIE-  
leczki, Voiuodę Podolię, Grodensi, & Nico.  
Sieniauuski, Striensi præfecto, atque  
copiarum regni in Russia pri-  
mario ductori,

IOANNES LASICIVS S.



*IS* Inos certa merces laborum, Chri-  
stianorum caussa susceptorum, in ca-  
lis maneret: nihil vobis, illustres viri,  
ceterisq; istic pacis publicæ conser-  
uatoribus foret infelicius. Tanta sunt  
vestra in Rempub. Christianam me-  
rita, me latet aniam remunerata. Hac verò est illa  
maxima caritas, de qua sic inquit noster Seruator:  
Maiorem hac caritatem nemo habet, quàm si animã  
suam ponat pro amicis suis: hoc illud quod Sirachus  
faciendum suadet, ne fratris & amici caussa pecunie  
parca-

parcamus, hoc quod Paulus scribit: Caritas non quaerit quae sua sunt: & omnia sustinet. Quae, quanta sint, quis nō videt? Testis rei huius est, inter alia, hac quam ad vos mitto, *VALACHICA HISTORIA*: nam quid vos aliud in Valachia, tanto cum discrimine vite, nec absque impensis, & domesticis rebus postpositis, anno 1572. egistis, quam ut Bogdano, gentis nostra amantissimo, in illam reducto, tutum ab illa parte à Turcis regnū Polonicum, firmissimum Germania murum, redderetis? quo beneficio quod aliud maius à vobis in Rempub. proficisci potuit? Itaq; ne dubitate, veniet aliquando illud tempus, cū, ut omnium Christo fidentium virtutes, ita vestra quoq; hac de populo Dei merita, magnis pramijs afficientur. Nec ego valde miror, optatis, conatibusq; vestris fortunā non respondisse: cū nemo sit hominum, cui semper secunda sint omnia. In magnis (ait Poeta) & voluisse sat est. Satis vos patria, satis amico dedistis afflicto. Si Deo, mundi, quem creauit, admirādo rectori, secus visum: quid dolemus? voluntati illius quis resistet? is ut dat, ita aufert, reges, regna mutat, excitat & inmittit hostes, non tamen absq; causa: sed propter impunita scelera, idololatriam, superstitionem, pauperum oppressionem, iniurias, fraudes, furta, cades, luxus, libidines, ebrietates. Ductus est in captiuitatem populus meus, ait vates Esaias, propterea quod non fuerit praeclara scientia: tympanum, tibia & vinum in conuiuijs illorum: opus autem Dei non respiciunt. Neq; verò vos tunc solum praclaram patriā operam nauastis: magna semper ab illo tempore, ex quo vos in Russia diuina cōstituit prouidentia vtriusq; vestrum, maiorumq; vestrorum, in repellenda vi Barbarorum, vigilantia, in-



*duſtria, fortitudo enituit: ſi modò alij conatus adiu-  
 uiſſent veſtros, vel ſi plura perficere per iram diuinam  
 licuiſſet. Utinam autem noſtri, tam crebris Scytharũ  
 incurſionibus exciti, qui mihi nihil niſi prodromi Tur-  
 carum eſſe videntur, de locis, quã illis acceſſus ad nos  
 patet, muniendi tandem aliquando cogitarent. Vidi-  
 ſti tu, ſapientiſſime Mieleci, in tua illa cum Comite  
 Tarnonio & Stanislao Lataſcio peregrinatione, vi-  
 diſti inquam inuenis, ut Itali Turcis, Hiſpani Mau-  
 ris, Galli Anglis, Dani Suecis, Zelandi & Hollandi  
 quibus ſuis, cum bellum eſt, nauibus ad ſe aditum pro-  
 hibeant: ut ijs in locis, quibus commodus eſt ad eos ac-  
 ceſſus, arces, præſidiaq; habeant: collapsa inſtaurent,  
 dies & noctes excubent. Cuius rei documenta ſi nunc  
 hactua & atate, & authoritate ad tuum Neſtrum  
 atq; Neprum, quã ſerus Scythia incurrit, ederes: ceriẽ  
 hoc inter tot tuos, quos in arcendis hoſtibus ſuſcipis la-  
 bores, præcipuum, idemq; immortale opus eſſet futu-  
 rum. Nè verò id, hoſte iam nobis propinquo, & incu-  
 ria noſtra nimium audaci factò, maturè feceritis, quĩs  
 mirabitur ſequutam poſſeſſionis direptionẽ: quæ, prob  
 dolor, iam magna eſt, ubi nulla ſepes fuit? Cui ducen-  
 da non dubito quin poſt tot calamitates, & Turcarum  
 in Valachiam ingreſſum, manus ſitis celeriter admo-  
 turi. Opto vobis Gedeonis fortitudinem, Sam-  
 ſonis vires, Dauidis felicitatem. Bar-  
 cini, Kal. Octobr. 1 5 7 7.*

IOANNIS



IOANNIS LASICII  
HISTORIA DE INGRESSV  
POLONORVM IN VALACHIAM,  
*cum Bogdano Voinoda, (cui successit Iuonia) &  
cade Turcarum: ducibus Mielez kio & Sie-  
nia Wskio: an. M. D. LXXII.*



ARIA esse gentis cuiusuis, vt virtutes, ita vitia, nemo est qui ignoret. Valachorum sanè ea est leuitas animi, & perfidia, vt maior esse nequeat. li paucis antè annis, ne superiora commemorem, Alexandro principe suo eiecto, quendam Iacobum Despotem, qui Rostochij Mathemata docebat, nostris quibusdam suo cum dispendio eum adiuantibus, receperunt: quo occiso, rursus Alexandrum, postea Bogdanum admiserunt. Hoc fastidito, Iuoniæ se subiecerunt, isto Turcis prodito, ad Petrum defece-  
runt, quem quis diutius his regnaturum credat? Ita illud à Salomone verè dictum, vt omnia, propter improbitatem terræ, multos principes eius esse. Quamobrem haud mirū est, proposuisse id in concilio Lucensi, anno Christi 1429. Sigismundum Hungarorum, Romanorumq; regem, (vt testis est lib. 4. Chronicorum Polonicorum noster Miecho-



uiensis) vt gens Valachica, vnà cum suis Voiuodis exterminaretur: quod nemini fida foret, furto ac præda viueret, sed Wladislaum regem Poloniae, Vitoudo duce Lituaniae, fratre suo, praesente, respondisse: non esse æquum vt Valachi, regni Poloniae subiecti, exterminarentur: quorum si aliqui furto viuerent, id tamen nō posse de omnibus dici. Licet autem hoc tum discordia regum non fuerit factum: at nostra ætate, magnis eos cladibus affligi: tandē etiam diuino permisso, Turcarū iugo subijci vidimus. Sic enim propheta Amosus, Dei nomine: Ecce, inquit, oculi Domini lehoux in regnum quod peccauit: disperdamq, illud è terra. Sic & apud Ieremiam Deus ait: Ego feci terram, & dedi eā illi cui mihi visum est: dedi omnes has terras Nebuchadnefaro Babylonio seruo meo. Quis igitur miretur tot gentes, quarū fides lubrica, iam in prouerbium abierat, in Turcicam deuenisse potestatem: nam quid Deo magis exosum, bilingui, perfido, fraudulento? Sed nos iam historiam aggrediamur, Paprocium sequuti.

Valachi, qui olim Getæ & Daci, post ab colonia Italorum, quos Wlochos vocamus, Valachi cognominati, gens misti seminis, ideoq; ingenij varij & inquieti: cōcepto odio contra Bogdanum, suū Voiuodam, (vox ea lingua nostra exercitus ducē significat) quodd Polonorum magna consuetudine sua in aula vteretur, his plurimum fidei haberet, horum beneuolentiam liberalitate demereretur, vni illorū sororē suam nuptū dedisset, ipse quoq; vxorē genere Polonā ducturus esset: clām ineunt consiliū de alio in locum illius sublegendo. Erat tum apud Imperatorem Turcarum luonia, (sic illi Ioānem appellant) filius



filius Stephani, Voiuodæ illorū, è cōcubina pro-  
 nat: qui anno salutiferi partus 1561. rege Sigismundo  
 Augusto comitia Lublini agente, Ioannis Fierlei,  
 Voiuodę Lublinēsis, Marschalciq; regni Polonię, se-  
 natoris grauissimi, minister fuit. Is Valachis visus est  
 ad suscipiendum imperium satis idoneus. Ad hunc  
 ergo de nouo principatu scribunt: quæ & quanta à  
 Bogdano & Polonis perferāt mala, significāt: si citò  
 cum aliqua Turcarū manu veniret, prodituros se ei  
 obuiam pollicentur: Polonosq; vnā cum Bogdano,  
 & Petro fratre ipsius, vinctos viuos in potestatem  
 eius tradituros. Iuonia iam dudum cupidine domi-  
 nādi flagrans, accepto tali nūtio, protinus colligit  
 Cæsaris sui permissu, circiter viginti millia Turcarū,  
 Græcorum & Serborū. Porro Bogdanus, factus de  
 his consilijs à quodam Valacho certior, simulq; mo-  
 nitus vt profectus in Poloniam ad amicos, maturè  
 pararet auxilia, quibus se ab iniuria tueretur, vitaret  
 insidias: illo ipso quo hæc accepit die, (qui fuit Domi-  
 nicus præcedēs Bacchanalia anni 1572.) Valachia ex-  
 cedit: vbi primū Polonis, suis familiaribus, perfidi-  
 am, insidiasq; subiectorum suorū aperit. Egresso è  
 Valachia Bogdano, ingressus in eā est Ioannes, ipsius  
 æmulus, magnis Turcarum copijs stipatus: cui obuiā  
 primates profecti, Gabriel Logofet, Dinga dux ex-  
 ercitus, Craczonus eremita, Visternicus lasus, Lupu-  
 lus Stroiz, cateriq; prodiitores: salutatūq; reueren-  
 ter, Iasum, vbi sedes Voiuodarū est, deducunt. Tum  
 verò cognouēre periuri Valachi, quā leuia fue-  
 rint priora incommoda illis, quæ à Turcis patiebantur:  
 nam nostri milites nihil aliud quā pabulum  
 in vsum equorum, ex agris, horreisq; incola-

rum auferebant: at Turcæ, præter id, vxores quoq;  
 illorum, virgines, pueros constuprabant: parentes,  
 propinquos flagitia prohibentes pullabant: omnia-  
 que alia arbitratu suo agebant: adeò licenter, vt il-  
 lostum pluribus incommodis vnus Turca affece-  
 rit, quàm antea triginta Poloni: nec dissimilis eorū  
 conditio luonia imperante, illi Israelitarum, Abi-  
 melecho rerum potiente, fuerit: quæ fors commu-  
 nis est ijs omnibus, qui excusso dominatu à Deo ac-  
 cepto, alium sibi pro sua libidine, nefariè accersunt.  
 Nam & ipse luonia, vel ob leuissimum delictum,  
 pœnam capitis insontes statuebat, vi ros excoria-  
 bat, palis infigebat, oculis priuabat, (quæ pœna apud  
 Valachos familiaris est) naso & auribus præcisus de-  
 formes homines reddebat: breuiter, si quis illo in-  
 uito seu racemum suæ vineæ, seu quidpiam aliud,  
 ex quo census penditur, vendidisset: hunc ille aut  
 occidebat, aut hamo per nares illius traducto, ma-  
 nibusque post tergum colligatis, tortoribus, vel, si  
 isti non essent, Nigritis (quos Ziganos vocant) per  
 plateas immisericorditer flagellandum obijciebat:  
 & (quod immanius est) cæsorū cadauera, in sepul-  
 ta esse in foro sinebat, vt canes esu illorum satura-  
 rentur, homines aspectu obedientiores redderen-  
 tur. Hac tali feritate, tantum sui metum, amoremq;  
 (si modò in metu esse potest amor) plebi incussit, vt  
 illum postea non modò honorarint, horruerintq;, ,  
 verum etiam fortiter pro eo depugnauerint. Tale  
 in illis locis, & ad Septentrionem, vulgi hominum  
 ingenium est, vt castigatum promptius, quàm sua  
 sponte officium faciat. Est in Russiâ nobilissimæ  
 prosapiæ Casparus Paniewskius, præfecti Zidacz-  
 uienſis

uiensis forma conspicua filius: huic Bogdanus suam sororem, matre id volente, bona cum dote locauit. Ipse etiam Bogdanus, Ioannis Tarlonis, signiferi Leopoliensis, pudoris, pulcritudinisq; eximia filiam, ducturus in matrimonium erat: cui filia, matrisq; eius, viro mortuo, rex Augustus tutores dedit senatores illustres, Georgium Iaslouiecium Russie, Nicolaum Mielecium Podoliae Voiuodas: qui puellam sponso, non secus quam si regia filia foret, tradituri erant. Ad hos ergo Bogdanus ubi venit, opem illorum contra infidos Valachos implorat: suum honorem tuendum ut suscipiant, omnibus precibus rogat: idem petit & à militibus, finium regni custodibus. Hi itaq; omnes, rei indignitate commoti, & illud Sirachi consilium sequuti: Iniuriam (inquit) patientem eripe è manu iniuriam inferentis: neq; vindicando animum paruum habebas: & eritis tanquam filij altissimi: quod & Dauid, Salomon, Ieremias, homines diuini, faciendum censuerunt: operas illi suas, ad vindicandum ius amissum, obtulere: miserat & ad Augustum regem certos homines, qui idem abs eo flagitarèt: sed fœdus cum Turcis antiquum, auxilia ferre non fuit: tamē quod præstare potuit, fecit: missō ad Turcam nobili legationib. viro, Andrea Tarano Wskio, Bogdano ut reconciliaretur, si modò offensus ab illo esset, utq; eiectū in patrium principatū restitueret, orauit. Egresso è Valachia absq; omni operæ pretio legato, cōfestim Bogdanus cum bis mille ferè, voluntarijs militibus è nobilitate conflatis, in patriam irrumpit: quos traducto Nestro flumine, voluntate omnium, Nicolao Mielecio, propter prudētiā & rei bellicæ sciētiā inter omnes summo, ducendos, regendosq; cōmit-

Ec



tit. Is sibi laboris socium & adiutorem adiungit Nicolaum Sienia Wskium, Palatini Russia filium, Striensem præfectum, non minùs quàm ipse, rei militaris scientia clarum : cui breui pòst, omnis ore illius militiæ cura à rege commissæ est. Horum ductu ingressi in Valachiam, rei frumentariæ paulò licentiùs studere cœperunt: quare cognita, Mielecius furcam medijs in castris erigit, pœna capitis raptoribus statuta: quòd non ad hostes, sed ad suos venissent, quibus dominũ restituere conarètur expulsum. Habitus est ibidẽ delectus militũ, sepringeti, bello gerẽdo parũ idonei, domũ reuerti iussi, mille treceti relictis: pauci numero, sed animi, corporisq; virib. præstâtes. Postero die iter ingressi per syluã faginã (quæ quondã ab incolis callide succisa, nostris perniciosa fuit) ad Prutũ amnẽ peruenẽre: vnde misso Pila Wskio centurione cũ Bogdani famulis, vt Chocimo tormenta bellica adueherèt : ad Stepano Wczum (qui locus ad eundẽ fluuiũ est) pcesere: vbi facti de vicinis hostib. certiores: visum imperatorib. est, quòd ad illos suis cũ ceturijs pficiscerètur insignis fortitudinis audacięq; viri, Stanislaus Lanczeoronskius Scalensis, Michael Iaslouiecius Chmielnicẽsis præfecti. Nicolaus Herburtus, Stanislaus Volskius, Crusielniczkus, Temrucus Pietichorensis cũ suis, & triginta Croatis. Hos Valachi cõspicati, quorũ ductor Dãbroua, Pruto celeriter traiecto, terga dedere: ibãt ergo nostri secundum vnã ripam, hostes ex aduerso secundũ alteram: eius animi, vt sex millia virorũ quadringentos Polonos nō fuerint adoriri ausi. Nostri, nulla re memorabili patrata, in castra reuersi, ire rursus ad excubias agendas iussi sunt: profecti, incidunt in Turcicos & Vala-

Valachicos excubitores: q̄ multis in locis ignes excitant, vt hac ratione, quāuis mille capita nō superarent, plures esse viderētur. His nōstri celo iam albēte visis, etsi impares, tamē se tenere nō potuerunt. quin sublato clamore in illos irruerēt: ac Turcæ, armis p̄tinus correptis, cōclamant & ipsi: Volsianosq; atq; Croatas, qui eos inuaferāt priores, abs se propellunt. sed posteaquā Herburtus, Lanczcorōskius, Iaslouicius, Crusielnizkius cū tympanis excessēre, illico pedibus salutē quæsierūt: nostris fugiētes, veluti pecora cēdētibz, viginti quatuor viui capti: nostri omnes salui. Croatę solūm vnus, cui effrenatus equus erat, Turca fugiens, caput ac cynace abstulit. Hic cū quidā Temrukianus Scythæ, Volskij cohortē repulsam esse ab hoste vidisset, inscijs omnibus, ad imperatorē cū nuncio cæsorū Polonorū aduolat: cui præmij loco, catenæ iniectæ, quod vano rumore animos militū frāgeret. Subiecti quæstionibz. captiui, in proximo esse magnas suorū copias cōfessi sunt. Quapropter centuriones, suos quisq; p̄tinus instruunt ac ordināt: imperatorē de victoria, & hoste vltra montē abdito, edocēt, maioraq; auxilia rogāt Voiuoda, interrogato iuvene an nobili genere ortus esset: eoq; id aīcte, Lesciniūq; dici, & Herburti famulū esse, respondet: Ergo (inquit) ea quę refers, vera sunt: nā nihil magis nobili, quā v̄t semper vera & cōperta dicat, curę est: accipe, ingenue adolescēs, hoc lēti nūtij præmiū, quo seruus Scythæ minimē dignus fuit. Lescinio muneribz. affecto, & suorū animis recreatis, præmissisq; ad illos q̄ opē implorabāt, Ioāne Iordano & Cosielskio: imple itē eos Voiuoda cū reliqua manu sequitur: vbi cōuenerūt, primū Deo, authori salutis omnium,

cordis verò hostiū: pòst ipsis etiā, pro opera primo ag-  
 gressu bene nauata, gratias egit. Interim Pilaſkius  
 cum tormētis venit: quę Iacobi Iordani fidei tradita  
 sunt. Progressi omnes ad Iasum, animaduertūt, ma-  
 gna Turcarū, Valachorūq; agmina tumulos Stepa-  
 nowcios in sedisse: adhęc, Valachos cōspectis nostris,  
 acies suas ostētare. Hic Mielecius, quid hostes aude-  
 rent, periclitaturus: Herburtū, Iasloniezkium, Tem-  
 ritcum, eos ad præludiū pugnae elicere iubet. Verū  
 ij, animaduensis in sidijs, (posuerat enim dux in occul-  
 to Czeremissios præstātes iaculatores) prodire in a-  
 ciem noluēre. Mielecius quoq;, cōsideratis hostium  
 viribus, nec ignarus aliud resistēdi, aliud ceddēdi tem-  
 pus esse: regredi potius quā temere cum paucis in  
 Valachiam progredi, cōsiliū capit: quare iubet per  
 speciem quęri vada Pruthi, quasi Iasum iter flexurus,  
 cū (opinor) reditus Chocimum versus esset in ani-  
 mo: cur enim infinitis hostibus exiguum suorū nu-  
 merum, nulla habens certa auxilia, opponeret? Dies  
 Iouis prima à Paschate fuit, cū conuersi Chocimū,  
 sequētes se propē magnis agminibus habuerunt ho-  
 stes. Quorū audaciam minimē ferendā esse Voiuo-  
 da existimans, monet Herburtū, Lanczcorōskium,  
 & aliquot alios, vt illos suis à ceruicibus reijcerent:  
 quod hi propter loci iniquitatē, & quia sol ad occa-  
 sum vergebat, facere tū detrectarūt, operā suā loco  
 æquiore, temporeq; magis opportuno ipsi polliciti.  
 Proin nostri procedebāt vlteriūs, hoste in cassum ē  
 decliui loco tela tormētis in eos iacente, donec in-  
 ter Pruth & alium fluuiolū peruenerunt. Nocte sub  
 armis vigilāter trāsacta, cernūt prima luce hostes id  
 vnū conari, quò ipsos circūuenirent, & in angustias  
 redige-



redigerent. Sed Herburtus sua cū centuria, quę semper extremum agmen claudebat, multitudinē hostium falcata aggressus, in aquas compellit. Quibus actis effudit se quidam ē suorū grege Turca hastatus, more militari aliquē ē nostris ad monomachiā prouocās. Vix hec effatus, aduolat à latere cū venabulo Stanislaus Vistēpus, exigui quidē corporis, sed (vt tales sunt) pectoris impauidi: quo venabulo Turcā vno ictu trāsuerberat. Accurrūt Turcę subsidio prouocatori animam agēti: nostri itē Vistempo triumphanti. Fit mediocre certainē: in quo Zebro, Polonus centurię Lanczcoronskianę, occubuit. Turcę tali viro amisso, ibāt quieti die illo, qui Veneris fuit: illis ideo sacer, vel quod Mahometes creatus ab illis hoc ipso die rex foret: vel quia, vt à Christianis superstitione diuersi sunt, ita etiam aliud colendi Dei tempus, aliumq; modum habēt. Nos enim ad orientem solem, patrię orientalis, ē qua Adam eiectus est, memores: illi, ad meridiē cōuersi, Deum hac die adorāt. Postera luce, nostros Chocimū tendētes magna phalanx Turcarū insequuta est: vbi rursus alius Stanislaum Ciolcum, armis habituq; , qui luteus erat, inter ceteros fulgētem, ad singularem pugnam euocat. His auditis, currit ad Voiuodā Ciolcus, ac vt ipsum in sui hōnorem, tāto cum viro hasta certare permittat, etiam atq; etiā orat, obsecrat. Cui is: Ego verò (inquit) nō sinam vt quisquam vestrum, qui diuitiores habemini, tali barbarico certamine, periculo se exponat. Ere magis vestra futurū, si iunctis animis, dextrisq; hostē, vbi necesse erit, aggrediamini. Dolenter hac Ciolcus tulit: Hoste in prouocatione perstāte, & lingua Sclauonica, veste, pennisq; nitentē prouocante,

obsecrat prouocatus, vt, si hoc sibi nō liceret, saltem quispiam suorum famulorum cum barbaro in arenam descenderet: ne impune Christianis insultare videretur. Data facultate, statim contra illum cum hasta proruit Paulus Chauzowskius: nec id segnius Turca fecit: sed vterq; cursu irrito. Tum Paulus, manu promptus iuuenis, districtum subitò ensē frōti hostis infigit: adhuc vulneratum, ferrum hærens extrahentem, brachijs corripit. Visā longiuscula luctatione, decurrunt ad commilitonem Stanislaus Visga, & Stanislaus Niegoczkius: hic, Ba Woro Wskij, ille Herburti minister. Turca manib. Pauli elapsus, recipit se ad suos: qui subitò, lethali cognito vulnere, cōplures adorti illos tres, egregiè se à vi magna defendentes, vndiq; petunt. Laborantib. subueniunt suis cum turmis Heiburtus & Volskius: fit cedes magno strepitu, sospitat Christus prælium Christianis, barbari in fugam vertuntur: quos ij cedentes acriter persequuntur. Exclamant imperatores, sine persequendi factō, pedem referrent, & ad signa redirent: clamitant & centuriones, inhibentq; frustra: adeo iam animi victorū incaluerant, vt reuocari ab incepto nō potuerint. Quod cernentes alij centuriones, nō multis in castris relictis, pugnātib. animos suo aduētu addidēre. Tum verò omnes simul multo feruētius hosti numerofo instare, casim pūctim ferire, donec illos ad ipsa statua Valachica cōpulerūt. Prouecti calore pugnādi vltra tubicines & tympanorribas, animaduēstūt se nimium procul à suis abscessisse: quā ppter coacti in vnū ad eos redeūt. Res mira, nec alij quā Deo, suorū pilos numeratos habēti, adscribēda, quòd eousq; pugnādo progressi, nec circūdati ab hosti-

hostibus essent, nec in cōflictu acerrimo plures vni-  
co, qui fuit Volskij, ceciderint. Reuersos palam ob-  
iurgabat imperator Mielecius, tacitè laudabat forti-  
tudinem, quod prater suum iussum, rem summi pe-  
riculi pauci tentassent. Nos verò, respōdent, collega  
tui permissu id fecimus: quidni enim, Deo conatus  
secundate nostros, hostē fugientē persequeremur?  
Loco quodā cœnoso superato, qui haud procul Cho-  
cimo aberat, Turcæ nostros ea cum vociferatione  
alleguntur, vt viros deuoraturi viderētur. Stanislai  
verò Czureli centuria maximè petebatur: ad quos  
conuertente se Czurelo, procurrit cū malleo acuto  
Mielecij minister Radeckzius, bellandi cum Turcis  
gnarus: quē capiti vnusvbi impigisset, eximere non  
quiuit: hūc imitatus Czurelo, cum centū suis equiti-  
bus, tantum hostium numerū aggressus est, vt nostri  
inter illos dispersi, nō iam apparerent: at imperator  
extemplo mādauit Ossowski, vt cum suorū equi-  
tū manu perturbatis succurreret. Caterūm Turcæ,  
visis pluribus nostrū ad se, tāquā irritatis feris, cur-  
rentibus euestigio retrocesserunt: vt enim Scythas,  
ita etiam Turcæ, fortitudo statim deficit vbi quis il-  
lis viriliter resistit: imbellem si videant, magno eum  
imperu inuadunt. Sex tantūm ē Czurelianis deside-  
rat: at verò Turcæ atq; Valachi concisi, cōtritiq; pas-  
sim iacebant. Tendentes nostris Neltrum versūs,  
Turcæ suq; incursum nouissimos penē attingebāt. Mo-  
lestè id ferebat respectās animosus Herburtus: nihil  
tamē iniussu sui ducis tentare ausus. Triginta Czere-  
missij ab tergo constituti, glandibus tormentorū in-  
cursantes repellebant. Fuit ibidem quidam palustris  
locus, nostris transeundus: ad quem hostes celeriter



concurrerunt, aditu eos prohibuiti: verum iussu  
 vicarij imperatoris, exonerata contra illos à Stepha-  
 no Garnissio, Herburti sub centurione, 12. minora  
 tormenta, vnum maius ab ipsomet Ciolco, contur-  
 batos vltra montem reiecerunt. Exantlatis tot ad-  
 uersis, tandem ad Chocimensem arcem, concubia  
 nocte venerunt: quam arcem Dobroffolouius Po-  
 lonus, paruo præsidio tenebat, & fide bona (cuius  
 gens nostra natura seruans est) Bogdano tamdiu  
 seruabat: vbi Turcæ nostros, iam secutiores, & or-  
 dinis negligentes, facile oppressissent, ni Temrucus  
 centurio, tamdiu illos sustinuisset, dum singuli suis  
 sub signis consisterent. Godzisse Wskius prior e cen-  
 turia Goraiskij hostes sensit, deinde alij: qui celeri-  
 ter à Sienia Wskio ordinati, productis ante aciem  
 tormentis, hostem opperiebantur: nec res, tametsi  
 copijs nostri multo forèt inferiores, certamini mo-  
 ram fecit. Venerat autem Mielecus, ne quid ipse  
 Bogdanus attentaret: sed contentus ijs quæ alij pro  
 eo subirent, in castris, vbi erant præstantiores, ma-  
 neret. Ibi prima contentio inter nostrum exiguum  
 peditarum, & Valachos de sepe quadam orta. De-  
 hinc Turcæ nostros inuadere, premereque. Rogan-  
 te Ciemerinskio auxilia, Temrucus & Herburtus,  
 à Sienia Wskio ferre iussi, respondent, minimè com-  
 mitti debere velites loricatos, venabulis videntes,  
 cum Turcis hastatis & scutatis (nam facile ab illis di-  
 spergerentur) sed hastatos cum hastatis, vt sit pugna  
 æquior: se verò præsto fore, vt hostem alia ex parte  
 inuadant. Tali excusatione vsus successit Sienia Ws-  
 kij mandato, Iacobus Iordanus: cuius centuria ha-  
 stata ex imberbibus cōstabat, sed quibus erant ani-  
 mi

mi Herculei, in hac quatuor fratres ipsius germani  
fuere. Hi omnes, diuina ope implorata, eo impetu  
in hostem incurrunt, vt nullius hasta ab aduersario  
aberrauerit: pugnantibus subueniunt à latere Her-  
burtus & Sigismundus Rozenus: sed protinus resi-  
lierunt faucij Turcæ: quos hi verberando, vsque ad  
ipforum castra varijs tramitibus fugarunt. Callidè  
autem, dum fugerent, arma, pileos, cæteraque im-  
pedimenta abijciebant, dummodo se insequentes  
ad ea colligenda pertraherent: sed quia de vita &  
gloria certamen fuit, spreta hæc omnia à victore.  
Porro Garnissus, ybi illos plus satis excurrisse vidit,  
alta inclamauit voce, vt seruato ordine retrocede-  
rent. Fecit hoc vnum Lanczcoronskio Herburtus:  
redigunt paucos in ordinem à cæde retractos, & re-  
ducunt: Iordanianis nihilominus, varijs in sylua lo-  
cis, hostem dispalatum persequentibus. Inest enim  
nostris quidam pugnandi ardor, vt cessare nesciant  
antè quàm vel vincantur vel vincant: ferrum nihil  
ducunt, modò ad illum qui ferit, perueniant, & cæ-  
dendo cupiditatem expleant suam. Postquam Tur-  
cæ nostros longè digressos, & omnibus destitutos  
auxilijs vident: de integro circiter sexcenti integri,  
quadraginta defessos aggrediuntur, & magnò con-  
cursu multi paucos premunt: opportunè autem tunc  
ad illos forte fortuna delati fuere, Rozenus & Io.  
Radeczkius, generosi pugnatores. Tum Herbur-  
tus paucis socios cohortatur, ne ipsorū animi mul-  
titudine hostium labescerent: quos, Deo freti, non  
secus quàm prius disiecturi forent, modò honesti  
& famæ memores, quæ bona fortes sequitur, dimi-  
carent viriliter. Quibus dictis, seq; sequi iussis, inci-

rat equum in hostes appropinquantes. Inuadunt in  
 eos, etiam reliqui. Instauratur acris pugna, si quæ vn-  
 quam alia. Qua crudescente, auullum ab alijs Her-  
 burtum permulti impetunt. Et ipse quidē singulari  
 fato patriæ seruatus est: verū socij eius quatuor,  
 Dobruczkus, Golinskius, Vodziraczkius, Conars-  
 kius, interemti sunt. Vagabatur aliquādiu inter ho-  
 stes Herburtus, pro Valacho ab illis propter vestem  
 habitus: ita oculi illorū diuinitus obæcati erant, vt,  
 cuius conspectū toties fugissent, cum nequaquam  
 agnoscerent. Sicne in bello quidē, diuina homines  
 probos destituit prouidentia. Verū enim uero ne  
 illinc quoq; sine damno dato discederet nactus op-  
 portunū tempus & locum cōmodum, vni ē Turcis  
 graue infligit vulnus, seq; subito fuge mādatis follam  
 quandā mirē latam & profundā equo adacto trans-  
 ilit. Tollitur clamor Turcicē: *Gaur, gaur, vur, vur.*  
 Valachicē autē: *Ocide, ocide*, hoc est, Occide Ethni-  
 cū. Ad quæ verba prosiliunt duo Turcē: quorū vnus  
 à dextro latere ipsum ita sarissa petit, vt ex ephippo  
 penē iā excuteret: alter, ab sinistro, momento eodē,  
 (admirandam Dei prouidentia) conatus trāsuerbe-  
 rare, in equū subleuat. Accepto tali beneficio, equo  
 addit calcar. Fugienti, capite humerisq; gladio pro-  
 tectis, obuius fit Slesinskius, armiger Lanczkorōs-  
 kij: hūc agnitū, sibi vt opituletur, si quid possit, orat.  
 Facit hoc non impigrē armiger. Sed Turcē, viso pre-  
 senti auxilio, destitit cursu. Auxiliator benignē re-  
 muneratus, & magnā apud omnes, quod tantū vitū  
 seruasset, inijt gratiā. Famuli mœsti, viso reduce he-  
 ro, maiore in modū refocillati sunt, perijisse illū iam  
 opinati. In tā impari pugna, præter hos quos cōme-  
 morauī,



morauī, haud plures vel octo, vel decem interiēre,  
 qui erant Lanczkoronskij & Ioannis Iordani: quos  
 inter nobilior fuit Stanislaus Gosdzikouuskus, Ior-  
 dani collega, quo cū sui famuli occumbere, quā illo  
 deserto, vitā suā fuga cōsulere maluerūt. Vulnerati  
 non pauci. Cateri iētus hostium incurrentiū armis  
 auertentes, incolumes ad castra reuenēre. Venien-  
 tes Cofielskius cēturio, Turcas esse opinatus, hastis  
 excipere voluit, ni sermo Polonos esse prodidisset.  
 Non desiere Turcæ in Cofielskianam centuriā, quę  
 primāciē tuebatur, impressionē facere, donec eos  
 Iacobus Iordanus, tormētis & peditatui præfectus,  
 abegit. Fuit autē vnus ex illis, præ ceteris audacior,  
 magni (vt videbatur) inter suos nominis: nam, quo-  
 cunq; iter intende bat, semper illū turmatim ceteri  
 sequebātur, is identidē nostros ad pugnam laceffe-  
 bat, nitmiūm gestientē Mlodeczkius, Kofielskij so-  
 cius globo perit tormentario: labentemq; ex equo  
 hisce verbis alloquitur: Itāne verò hīc iam iaces bac-  
 chanā? Fuit enim pennis struthiocameli, & exutius  
 leopardinis, instar persone, cū Bacchi festū agitur,  
 per bellē ornatus: hunc asseclę correptū ad suos cur-  
 sum deferunt. Post hęc Mielecius, rebus hostiū bene  
 cōsideratis, monitusq; à Pencoslauuskio, Iac. Iorda-  
 ni vicario, castra illinc aliō mouit, ab hostibus ita in-  
 festata, vt cassidem Gabrielis Remboskij, assidui se-  
 ctatoris Mielecij, glans ferrea attigerit. Tū autē Co-  
 sielskius, & mādato ducis, & successu hortāte prio-  
 re, castra ad ortus hostilia, cōplures in eis interfecit:  
 insuper tormēta aliquot parua, & signū militare ru-  
 brū, illis eripuit: tā audaci incursum hostes haud me-  
 diocriter perturbati: frequentissimi paucis cedebāt,

quibus eo modo repulſis, caſtra locata ſunt ad Chocimum. Primarij in arcem ingreſſi: cæteri, ſtationes ſuas foris ſeruabant. Hinc Bogdanus ad luoniam mittit Radeckium, nobilem Mielecij famulum, orans eum ne ſibi patrium dominatum, in quem ius haberet nullum, vi eriperet: alioquin non futurum diuturnum, iniquè acquiſitum imperium, cogitaret, nihil eſſe grauius quàm de ſtatu priſtinæ dignitatis, propter vim alicuius, demigrare. Ideo expectaret ab alio paria ijs quæ faceret alteri. Deum enim hac ratione ſolere vlcisci omnem iniuriam. Auxit rē eam verbis pluribus. Quibus minimè motus luonia, legatum cuſtodia Pyriczauiſi tradit: dehinc, cū nulla alia ratione quenquam è Polonis nanciſci viuum potuerit, iure gentium violato, Selymo imperatori, domino ſuo, mittit. Perductum ad Mehmet Baſſam, ait Pyrius captum in prælio eſſe: negat id Radeckius, ſed tamen non ſit ideo liber. Fuerunt tunc temporis Conſtantinopoli nobiles Poloni, Andreas Taranouſkius, & Chriſtophorus Dzierkius: hic interpres, ille nuncius regius. Li non nihil tentauēre, ne quid grauius in inſontem Radeckium ſtatueretur: verū Baſſa, poſtquam de ſtrage ſuæ gentis hominum in Valachia, intellexit, non ſolū tulit hoc acerbiffimè, ſed etiam captiuum, more aliorum reuigum, toto corpore raium, ad triremes damnauit: multa hi tum aduerſa à Turcis experti. Non prætereundum hīc eſſe videtur huius Dzierſcij, dum Conſtantinopoli diſceret ſermonem Turcicum, ſingulare in gentem Polonam ſtudium: multos enim captiuos, varijs artibus, dura ſeruitute liberauit: ſæpe hoſtium de nobis cōſilia, præſertim

sertim interregni tempore, Senatui aperuit: pericula hoc nomine adiit: impensis non pepercit. Huius opera Mielecius (cuius is munificentiam erga se maximè sensit) vsus apud Bassam primum est, in liberando Radeczko: qui Bassa, cum & ex alijs Czaussis, (aulicos illi, qui huc atque illuc cum mandatis mittuntur, sic vocant) & ex Petro Bogdani fratre, qui post ibidem decessit è viuis, cognouisset, Radeczko non in praelio, sed legatione ad Luoniam fungentem, captum fuisse: diu perquisitum (iam enim triremes in pelago erant) reddi Dzierzko iussit: verum (ut isti mali solent) clam ei porrecto veneno: quod ipsi mortem attulisset, ni ibidem liberator, dato maturè remedio, succurrisset. Liberatus, rediit, post in patriam cum Martino Broniewskio, ad petendas inducias, dum in locum demortui Augusti, alius rex substitutus esset, misso. Mielecius, videns indies copias augeri Luonianas, suas verò magis ac magis inedia confici, (nam dies aliquot equis nostrum, nullum aliud pabulum quàm frondes & frutices erant) adhuc memor illius oraculi, Dei voluntate dari populis, abrogarique reges, quam obrem, ne cum Deo pugnare videretur, neve quos induxit, perderet, de reditu in patriam cogitare cepit. Interim Iaslovecius, copiarum regni Poloniae ductor, cognito Valachiae turbulento statu, iam iam erat Nestrum traiecturus cum equitatu octingentorum ferè virorum, ni id prudens Mielecius dissuasisset: opinor, ne magis irritatis barbaris, suos in discrimen adduceret. Ne verò nihil ageret, mittit quosdam è suis ad praefectum Bialogrodensem, qui hac illi dicerent. Hi (inquit) Poloni, quos Bogdanus,



neq; rege, neq; me sciēte, dominatum recuperaturus auitū, è Polonia eduxit, amici mei sunt: quibus Cæsaris tui volūtas à Bogdano alienata, & in Iuoniā propensa, minimè nota fuit. At verò, vbi ita se rehabe-  
 re, ex Cæsarianis quotidie crescentib. copijs perceperunt: reuerti illò vnde exierant, voluerunt, sed à tuis impediti sunt: quare, si lubet, ita tuos cōpescce, ne quod nostris abijciatur impedimentū. Quod nifeceris, necesse me erit cū his paucis, quibuscum ad terminos regni nostri & tui Cæsaris veni, breui plures, habiturus, meos amicos ab omni iniuriā tueri atq; vindicare. Quod si factū erit, vereor ne te cōsiliij tui pœniteat. Præfectus (Sendziacū illi vocāt) simulatq; hæc audiuit, cōtinuò Turcas atq; Valachos à ripa Nestri abscedere iussit. Traijcientibus nostris angustis nauigijs quinq; diebus flumen, multi equi ex eis præcipitati, vi fluminis abrepti ac suffocati sunt. Non discesserant verò à ripa omnes Valachi: qui extremum agmē carpere conati, & à peditatu in tergo collocato cum tormentis, & ex ipsā arce Choci-  
 mensi, iaculis repressi fuēre. Nostri, traducto Nestro, Deo in primis, deinde ductorib. suis gratias egere: hi contrā illis, quòd obedientes, quòd fortes in prælijs se præbuisent. Vulgò creditum, Mielecium suis vitam à Deo deprecatum esse: non rarò enim pernox supplicare Deo visus. Quamobrem magnā hinc ille laudem suo cum collega tulit. Ibant autem omnes seruato ordine vsq; ad Cameneciam arcem, diuina manu munitam. Vbi Bogdanus, indignè patrimonio spoliatus, actis omnibus gratijs, qui se ipsius causa in numeris periculis exposuerant, cuius quidem eorum beneuolentiā, quoad viueret, qua-

licunq;

licumq; fortuna, memor esse veller: diuersum ab illis iter cum aliquot Polonis suscepit. Porro relictus in arce Chocimenſi Dobroſſolouiſ, cum ſeptuaginta iaculandi peritis peditibus, fortiſſimè illam à vi Turcica aliquot hebdomadas, factis interdū eruptionibus, defendit. Hūc luonia, cū nec precibus, nec minis eò adducere poſſet vt arce excederet: ſcribit ad Iaſlouiecium litteras, quibus illam tradi ſibi petit: ſe tale iuſiurandum daturum ſuis cum proceribus promittens, quale rex Auguſtus dari mandaret: (nondum enim mors ipſius diuulgata erat) annuit Iaſlouiecius, quòd hæc mandata abs rege accepiſſet. Igitur in hæc verba iurat: Nos (inquit) Iohan Voiuoda, terrarū Moldauiæ & Valachia dominus, atq; hæres: iuro per Deum omnipotentem, ac ritu feudali promitto, nos ſucceſſoresq; nostros, vnà cū ſenatu & ſubditis noſtris, fideles, conſtantes, obediētes fore ſereniſſ. Polonia regi Sigisimundo Auguſto, ſucceſſoribus, ſenatoribusq; eius, ac ipſi rei publicæ. Idem Senatus iurauit. Fuerunt autem iſti præcipuè Iſaias epiſcopus Radziouiēſis, Ioannes, Golofelt Moldauiæ, Bógdanus. Poſt hæc Dobroſſolouiſ, ab imperatore Iaſlouiecio verbis regijs inſſus, cum milite ex arce deſcendit. His ita tranſactis, Turcæ, Valachi, Scythæ, numero circiter centū millia virūm, accepto de obitu, regis Auguſti nūcio, (erat autē ſeptimus Iulij dies, quo vita functus eſt Sigisimūdus Auguſtus) intēti in Ruſſiā, non priuſ à Neſto ſecedere voluerūt, quàm ea de re Cæſarē cōſuluiſſent, & precibus luonia à propoſito reuocati eſſent. Parci fœderatis Cæſar Selymus iuſſit: niſi fortè talē ſibi ipſi cōſtituerent regē, qui ipſius hoſtis eſſet.

(quo in numero & Moschum & familiam Austria-  
cam habebat) Lectus rex Henricus, dux Andium,  
Henrici 2. regis Gallorū filius: vbi regnum largitio-  
ne quæsitum, & 4. solū menses administratum,  
patrio postposuisset: hos eosdē Scythas discessu suo,  
anno Christi 1574. in Russiam, mense Octobre at-  
traxit: quo anno Iuonia, iniquè parti dominatus:  
Valachi, perfidiæ pœnas dederunt.

ILLVSTRI AC MAGNI-  
FICO VIRO, DN. ANDREÆ,  
COMITI GORCANO, CASTELLANO  
*Miedirecensi, Capitaneo Gnesnensi, Valcensiq., Leon-  
bardus Gorecius, Eques Polonus, & se, & officia  
sua commendat, patrono ac macena-  
ti clementiss.*

**A**TTVLIT mihi magnifice Comes, Crassovius,  
puer fratris Rochi, a te ex castris literas: quibus  
mihi & gratias agis pro oratione ad te missa, qua Ge-  
danenses ad deponenda arma, contra principem  
suum insolenter suscepta, hortatus sum: & ad maio-  
ra scribenda me excitas, eaque in parte operam mihi  
tuam polliceris. Agnosco, illustris comes, præstan-  
tem ac eximiam voluntatem tuam, ad iuvandos vi-  
ros doctos promptam & alacrem: qui personam pa-  
tristui, olim in Repub. nostra florentissimi, & opi-  
bus, autoritate, acumine, iudicio facilè principis, nō  
solū nomine, sed re ipsa repræsentas. Quare, vt me  
gratum esse tuæ huius benevolentia declarem: hāc  
meam historiam Valachicam, in qua scribenda Bar-  
thol.



thol. Paprociū sequutus sum, ad te mitto: quā non dubito quin sis eodem animo quo tibi offertur, accepturus: mihiq, commētaria rerum gestarum, non solūm de hoc Gedanensi bello, sed & quæcunq; de rebus maiorum nostrorum habes, suppeditaturus. Quibus ego habitis, & istud Gedanense bellum absoluiam, & historiam meam ad hæc tempora in quibus versamur, pertraham: vbi se mihi præclarus locus mentionem honorificam Stephani, regis nostri potentiss. faciendi offeret: qui mihi & omni conformatione membrorum, & magnitudine rerum gestarum, illos priscos reges Polonia, Boleslaos & Casimiros, repræsentare videtur, qui non solūm Prussos cum vrbe Gedanensi, sed & vicinas gentes perdomuerunt. Singulare certè beneficium diuinum in nos Polonos exitit, quòd post occasum Sigismūdi Augusti, talem regem habeamus, qualem hoc regnum hac in perturbatione rerum omnium, poscebat flagitabatq;. Cuius quæ & quantæ virtutes sint, initium regni demonstrauit, exitus pòst declaraturus est: qui de se viuētib; materiam præclarā scribendi relinquet, & apud Deum immortalem æternū præmiū consequetur. Quid enim hac in vita prodest alios laudare, eos ad summa sidera euehere, si diuinum iudiciū non accesserit? Sed ego regem Stephanum vtrunq; habiturum & spero & confido: quem & cōsensus totius populi laudabit, (quod iam nunc faciunt principum Germaniæ ad eum missi legati) & præclaris eximijsq; virtutibus suis habitum in Christum fide, æternam immortalitatem consequetur. Cæterū Christiani monarchæ cogitent quā longè lateq; virus acerbitalis suę Mahome-

res propagarit ob hæc intestina eorum dissidia: quæ  
 utinã inter eos conquiescant, omnesq; simul iunctis  
 armis, eadẽ huic teterrimo hosti non minus Christiani  
 inferat: quibus ut Deus successus det, ex animo pre-  
 cor. Sed iam lege, si placet, hanc historiam, ex qua &  
 cognosces nõ tã validas esse Turcarum vires, ut con-  
 sensu Christianorum ac cõcordia debellari nõ pos-  
 sint: & præclaras virtutes Polonicorũ equitum reco-  
 gnosces, quorum opera luonia vsus Turcas ad inter-  
 necionẽ persequutus est: à quibus minimè de gene-  
 rasse tui quoque tunc visi, cum pauci cum multis ad  
 Dantiscũ 12. Augusti dimicarẽt, Sdrouuscusq; tuus  
 insignem quendã Hællum cepisset, ex quo per multa  
 rebellium contra regẽ suum cõsilia cognita sunt: ad  
 verò id 17. Aprilis maximè apparuit, cum duo millia  
 nostrũm, Hungarorumq; duodecim Gedanensium  
 millia ita profligarunt, ut quater mille & quingenti  
 hostes in acie ceciderint, mille viui capti fuerint, è  
 nostris solũm duode sexaginta cassis: quã historiam  
 Lasicius noster, ut verè, ita breuiter, historico stylo  
 descripsit. Vale illustris Comes, Gorecij tui memor.  
 E Saniki, 15. Octob. anno 1577.

CASPAR LINDENERVS, MEDICVS ET  
 philosophus Posnaniensis.

*Historiam vitæ veteres dixere magistram:*

*Historia quando multa docemur ope.*

*Tam bene quis Romam, doctas quis nossit Athenas,*

*Liuius æternum ni fabricasset opus?*

*Non multi legerent Valachũm, vel gesta Poloniũ,*

*Nobile Gorecij si latuisset opus.*

*Hinc potes effectus bellorum, & discere causas,*

*Ei quam Turcarum sit male tuta fides.*

LEON-

LEONHARDI GORECII,  
EQVITIS POLONI, DESCRI-  
PTIO BELLI IVONIAE, PALATINI

*Valachia, quod is cum Selymo Turcarum imperato-  
re, magno cum successu gessit ab initio, demum à  
Ieremia Czarna Wieczio Valacho prodi-  
tus, & à Turcis contra fidem datam  
ac sacramento confirmatam  
occisus.*



ELLVM scripturus, quod ab initio  
magno cum successu Iuonia regu-  
lus Valachia, cum Selymo Turca-  
rum Cæsare gessit, operapretium  
me facturum puto, vt de situ Vala-  
chia, incrementis gentis, feracitate  
soli, moribus, & de alijs ad eam rem pertinentibus,  
ex secunda decade historiæ gentis nostræ Polonicę,  
quâ viginti libris, vsq; ad exitû Sigismûdi I. regis Po-  
loniæ persecuti sumus, dicâ. Valachia, quæ olim My-  
sia & Dacia dicta fuit, habet ab ortu Euxinum, à me-  
ridie Istrum, seu Danubiû: ab occasu Transyluania,  
ad Boream Russiæ, seu Roxolanis, contermina. Tota  
regio in partes duas diuiditur, in Valachiam Trāsal-  
pinam, ac Moldauiam. Transalpina quidē, ab orien-  
te habet piscosum lacum, quem Hirassus amnis, ab  
accolis Pruthes vocatus, efficit, suis deniq; aquis ad-  
auctum, ac latē stagnātem relinquēs, in Istrum euol-  
uitur: ad meridiem vergit terminata Danubio, atq;  
item ab occasu Transyluanię fines attingens, ad op-  
pidum Seuerinum, vbi Traiani pontis admirabiles  
pilæ triginta quatuor, nequaquam totas obruente

*Situs Vala-  
chia.*



*Danubij  
descriptio.*

Danubio, visuntur. Ad Septétrionem autem finitur Hoina, ignobili flumine, & directis terrestribus terminis ad Istrū, curuata ad modū regionis frōte contra Paucem insulam, spargente sese primò in ingētes ramos profluēte Istro, antiquis scriptoribus notam, quā hodie Barillanā dicūt. Oritur autē Danubius in iugis Arbonē mōtis Germaniē, ex aduerso Rot Wilē oppidi Sueuiā, in Nigra sylua apud pagum Dōnesing. Vbi primū Illyricum alluit, Ister appellatus, sexaginta annibus receptis, medio ferme numero eorum nauigabili, in Pontum vastis sex fluminibus, euoluitur. Altera pars Valachiē agrorū & pastionū multitudine maior, armētisq; & militarib. eqs opulētior, ab amne Moldaua, qui mediā interfecat, Moldauia dicitur. Is ortū habet paulò infra Hirassi fontes è Transyluania montibus, quibus antiqua Dacia ad ingentis theatri similitudinem, obuersa in occasum scena præcingitur, delapsusq; Soczauiam, quod oppidum est sedes Palatinorum, præterfluit. Atq; inde violentus Hoinam, Dobenisam, Argiamq; , paruos, sed perennes amnes secum trahens in Olta effunditur. Olta verò, qui antiquitus Allutus fuit, nō Transyluania modò, cuius partē ab aduersis mōtibus descendēs rigat, sed Moldauia & Transalpinā minora flumina, in orientem reflexus, ad Nicopolim in Danubium rapit. Omnium verò amplissimus Tyaras, qui ab incolis vocatur Nester, ad Aquilonē Moldauia terminat. Ortus enim à Carpatho monte Sarmatiē, & rectā in Euxinū contendens, Russiē & Podoliē fines tandem attingit. Qui primi loca Valachia tenebant, nihil potest certi ex tāta vetustate scriptorum erui, quā variæ gentes, vt Vngariam, obtinebāt. Hodiernæ

diernę gentis Valachicę originę quidam referunt ad Flaccum præsidem Romanum, à quo nomine leniter deflexo, & ipsa Valachia nuncupata esse videtur. Ab eo enim tēpore quo Flaccus cum imperio Mysiæ siue Daciæ præfuit, quæ ultra Istrum ad Scythicam gentē extenditur, Flacciam appellari constat: quam demum corrupta voce, sensim in Valachiam abiisse perspicimus. Apud Valachos enim nō modò Romanę disciplinę mores certi, legesq; vigēt: sed ipsa quoque Latine lingüę vocabula permulta seruātur. Vnde Vulochorū & Valachorum nomē idem quidam esse volunt, quos *Wlochos*, id est, Italos, etiā Germani lingua sua *Welschen* vocant, vtraq; gens Itala: ideo cōmune nomen. Qua ratione autē eam regionem Flaccus occupauit, Æneas Syluius, qui pōst Rom. pontifex fuit, sic tradit. Tempore Traiani imperatoris, Daci, seu Gothi, detrectātes Romani iugum imperij, missus est eò Flaccus cū triginta millib. hominum: quibus in coloniam deductis, ibidem ararent, cōmeatum Romano exercitui, qui ibidē semper in armis cōtra Scythas ac Sarmatas fuit, præberent. Vnde pōst interiecto tēporis pulsus Gothi, illa tota regio, quæ Valachia à Flacco est appellata, Romanis cessit: cuius sententiæ haud pœniter me esse. Sed diuersum alios scripsisse videmus, qui Syluium, in laudem suorū propēsū, falsa tradidisse affirmāt. Post quē qui scripsēre historiam, eadē quidē de gentis origine, sed diuersa ratione scribunt, qui hodiernorū Valachorum stirpē ad Romanos quidē referunt, sed ad exules, qui eò relegati erāt. Quorū cū tātus numerus fuisset, vt non tantū cōtra incolas potentes fuerint, sed & Gothi inde eiectis, fidelem operā po-

*Hodierni Valachi ad quę stirpē suam referunt.*

*Flaccus quare ratione Valachiam occupat.*

*Aliorum de Valachia incolis sententia.*

pularibus suis nauandam rati: pōte Danubio imposito, eadem loca obtinuēre: qui in partes duas diuisi, vti à nobis dictum est, Valachos Transalpinos, ac Moldanos: vtraque pars regulos suos habuit. Nam Transalpina Valachia, quæ à Turcis Carabogdana minor, eò quòd nigrum frumentum ferat, vocatur, præcipuam ciuitatē Tarnouizam habet: quæ est regia regulorum Transalpinæ Valachix, qui continuo parēdi obsequio, Turcarum amicitiam tuentur, aureumq; nummū in myriadē, tributum nomine quotānis pendunt: eaq; vel indecora pace perfruuntur, quòd impunē fidē mutare nequeant, cū in opposita Danubij ripa, Seruix, Bulgariæq; præsidia in antiquis Triballorū sedibus spectentur. Illa quoq; pars Valachix, quam Nester à Podolia disiungit, à Turcis duce Mahomete Cæsare, qui Constantinopolim: olim Byzantium dictam, ceperat, subacta, eisdem tributum pendebat: sed superiori anno, Iuonia à Turcis per fraudem capto, ac crudeliter occiso, vtraq; Valachia Turcarum ditionis facta est. Modicum tum ab initio tributū Turcicis imperatoribus Palatini Moldauix pendebāt: eò quòd Casimirus, pater Sigismūdi primi regis Poloniæ, occupatus bello Crucifero, Petrum iuuare cōtra Mahometē non potuit: cui Mahometes nōmine tributum, solum duo millia nummū aureū, anno à Christi regis ortu, supra millesimū quadringētesimum quinquagesimo quinto imposuit. Demū interiecto tempore, imperatorib. Turcicis Asiatico, Persico, Ismaelitico, Ægyptiaco bello distentis, Valachi partim imperio Vngarico, partim Polonico subiecti fuere. Qui pōst in tātas vires creuere, vt nostris exercitibus aliquoties deletis, Vngarorum

*Moldania  
quādo à Turcis occupata.*

*Valachia  
Vngaris Polonisq; subiecta.*



rorum iugo excusso, demū ad imperium Turcarum pertracti sunt. Iurabant & in verba regum Poloniæ, se cum eis pacem habituros: quibus semper vectigales fuere. Ac si maior vigilãtia demortui Augusti regis fuisset, etiam nū Valachia vectigalis Polonorum esset; cuius oppido Chocimo Albertus Lascius, vir consilio, manuq; promptus, aliquandiu obtento, regem Augustum obtestabatur vt sibi daret auxilia: nam se Valachiam totam facillè eius adiecturum imperio: per eumq; Iacobus Despotes, perq; Lascociū, Philippouium, ac ceteros (qui genus suum ad antiquos regulos Valachiæ eodẽ nomine appellatos referebat) superioribus annis in Valachiam restitutus fuit. Eiectoq; Alexandro, tanti motus bellorū in Valachia excitati fuere, vt à Valachis Despota crudeliter occiso, ac Visnieuicio insigni bellatore capto, & in Turciam misso, (de quo ibidẽ supplicium sumtum est) Lascius Chocimum nōnullo tēporis spatio retentum, post Alexandro restituere coactus fuerit. Alexandro filius Bogdanus successit, Bogdano Iuonia, (Ioānem ea vox significat) de quo hīc historiam scribendam sumpsimus. Is armis Turcicis adiutus, exercitu Bogdani profligato, aliquandiu Valachis præfuit. Habuit Valachia insignes ac bello egregios ante hæc tempora regulos: in primis verò illum Stephanum, qui sæpiissime tot exercitibus Moschorum & Scytharum deletis, ex eis præclarissimas victorias reportauit omnibusq; terrori ac formidini fuit, præcipuè autē Turcis, quorū numerosos exercitus profligauit, ad internecionemq; dedit: deinde Draculam, quem vt

*Lascius Despotam Valachiam restituit.*



*Reguli Valachia insignes.*

*Dracula*

chia: nos ad institutam historiam reuertamur. Bogdanus igitur, Valachia post mortem Alexandri ob-  
tēta, adeò Turcarum imperium aspernari visus est,  
vt cum Augusto rege Poloniae, anno millesimo, *Inchoat hi-*  
quingentesimo, septuagesimo secundo, mortuo, *storiā.*  
fœdere perpetuo percussio, legatis missis impetra-  
uerit, vt sibi ex Valachia in Russiam, quando veller,  
conmeare, domos magnatum vetustæ stirpis inui-  
sere liceret, vt cuius virgo sibi pudore, formaque  
præstans placeret, eam vxorem duceret, ac vt ex fœ-  
dere belli tempore Augusto regi viginti quatuor  
millia equorum armis, virisque instructa mitteret.  
Omnium de eo vulgarior fama fuit, eum bona sibi  
in Russia emere voluisse, ac Valachica gente perfidi-  
ssima, si quis ita casus tulisset, vel si à suis pellere-  
tur, relicta, in Russia mansurum fuisse. Augustus  
Turcicam fidem suspectum habens, (quorum Tur-  
carum si non instinctu, at saltem conniunte Sely-  
mano, patre Selymi, Scythæ, gens bello inuicta, il-  
lam partem Russiae quæ Nestrum attingit, sæpe in-  
genti clade belli affecerunt, oppida, villas, vicos ex-  
usserunt, maximam multitudinem pecorum, pari-  
ter cum hominibus, abduxerunt) vt Bogdano in fide  
retento, si quando bellum contra Turcas suscipien-  
dum foret, habita Valachia fœderata, (quæ inter di-  
tionem regum Poloniae, ac Turcicum imperium,  
tanquam firmissimus murus, propugnaculumque  
quoddam, est interposita) omnem barbarorum im-  
perum facilius sustinere posset: adhæc, non ignorās,  
maiores suos sæpe cum Valachis religiosissimè fœ-  
dus conseruasse, quibus sæpe periculosissimis ac dif-  
ficillimis temporibus contra vim Turcarum auxilio

*Consilium  
Selymi de  
abdicando  
imperio Va-  
lachia Bog-  
dano.*

fuere: id facile Bogdano concedit. Bogdanus igitur, hac tali amicitia tanti regis fretus, sæpius in Russiam venit, summorum domos obit, eos muneribus explet. Quæ cum ad aures Selymi Turcarum imperatoris, qui iam Selymano patri in imperio successe-  
rat, perlata fuissent: in primis verò illa re offensus, quòd tatum equitatum Augusto ex fœdere in sub-  
sidium belli dare debuit: tacitis cōsilijs agitatur, ut ab-  
dicato imperio Valachia Bogdano, illud ad quem-  
piam alium deferret, cogitans, si quando sibi cum  
Polonis, gente ad arma nata, belligerandum foret, eis Bogdani arma, ac totius Valachie, maximo adiu-  
mento fore. Iamq; Bogdanus ingenti invidia apud suos populares flagrabat, eò quòd nō solum totum se ad amicitiam Polonorum contulerat, sed eisdem militari stipendio constituto, eos apud se liberaliter fouebat, Sboronioque Christophoro, fratri Petri, Palatini Cracouiensis, sororem se suam in matrimo-  
nium daturum pollicetur, quoniam antè Casparo Panicuio Russo alteram dederat. Sboronius ea ex-  
reatus, quoniam ingens æs alienum contraxerat, ut ex eodem sese euolueret, ad Bogdanum magno comitatu, pulcerrimo habitu exornato, in Valachiam venit: à quo pòst elusus, vindictam animo spirans, re infecta in Russiam, ubi amplas possessiones habebat, redit: ac si quando occasio daretur, ut Bogdanum vlcisci posset, animo intentus erat. Bogdanus igitur adornata profectioe in Russiam ad Ioannem Tarlonem, cuius filiam, virginem specie ac pudicitia insignem, in matrimonium ducere statuit, transmissò Nestro in cisis, quoniam tum glacie obduratus erat, vno atque altero ministro comi-

*Aduentus  
Sboronij in  
Valachiam.*

*Aduentus  
Bogdani in  
Russiam.*



comitatus, longēque à suorum agmine seiunctus, in Sborouij puerum, quem ille cum literis peregrè miserat, incidit: qui à Bogdano cuius esset percunctatus, dolenter lamentatur se literas cum sarcinula amisisse, quas herus suus sibi perferendas commiserit. Quare subditis equo calcaribus, ad herum redit: vbi Bogdanum nullo comitatu septum viderit, narrat. Ibi Sborouius cum aliquot ministris, conscensis pernicipibus equis, ad Bogdanum adolat: cui à Secignieuio, non impigro iuvene, secundum aurem vulnus infligitur: dehinc eum Sborouius secum abducit, & in custodiam dat: nec aliter dimittere vult, quàm sibi satisfaciât pro impensis & damnis, quæ subierat cùm ab ipso in Valachiam venire iussus esset. Bogdanus tam inopinato periculo circumuentus, sex millia nummum aureum Sborouio dat: reliquam pecuniam se ad certum tempus dissoluturum pollicetur: pro quo Panieuius fidem interponit. Constat id factum Sborouij Augustum regem iniquo animo tulisse. Valachi igitur, siue fidem Bogdani suspectam habentes, siue eum in Polonia interiisse rati, Selymum sollicitabant vt ipsis alium, in locum Bogdani, daret. Erat Iuonia (quem quidam Polonum fuisse, in Masonia natum, dicunt) stirpis Valachicæ, qui se antiquis prognatū regulis Valachiæ aiebat, vir proceræ staturæ, facie decora, oculis gracilibus, quodammodoque minacibus, toto corpore lacertosus, viribus pollens. Is igitur post mortē Alexandri, viuo adhuc Selymano, Palatinus Valachiæ fieri voluit: cui ille Bogdanum, filiū Alexandri, prætulit. Aliquandiu

*Bogdanus se  
Sborouio re-  
demis.*

*Origo Iuo-  
nia stirpis.*

*Iuonia solli-  
citatur pur-  
puratos.*

*Selymus  
Valachiam  
ad Iuoniam  
defert.*

post hæc in Russia ac Turcia vnà cum Ieremia Czar-  
nieuieczio Valacho, cuius in eum hoc in bello insi-  
gnis perfidia extitit, versatus: vt sibi animos Turca-  
rum magis atq; magis conciliaret, suscepta circum-  
cisione ac religione Mahometana, animum ad am-  
plam, copiosamque mercaturam exercendam ad-  
iecit. Cuius magnitudine ac splendore, non solum  
in purpuratorum, qui Bassæ (id est capita) vocantur,  
notitiam peruenit, sed & ipsius Selymi. Isigitur ex  
purpuratis cognito consilio Selymi de imperio Va-  
lachia alteri demandando, eos largitionibus cor-  
rumpit, oratque authoritatem suam apud Selymū  
ita interponant, vt ipsum Voiuodam Valachia re-  
nunciet. Ostendit fidem Bogdani esse suspectam,  
qui se totum ad amicitiam regis Polonia cōtulerit:  
fieri posse vt Polonorum auxilio adiutus, post Tur-  
carum imperium excutiat, abijciatque. Selymus,  
propensa purpuratorum voluntate cognita, nactus  
absentiam Bogdani, qui in Russia degens ex vulne-  
ribus nondum conualescerat, Palatinatum (id est, do-  
minatum) Valachia ad Iuoniam defert, eumq; per  
speciem mercaturæ exercendæ, in Valachiam, ad-  
dito ei numero equitatu, vt omnes in verba ipsi-  
us, iussu Selymi, iurent, mittit. Dicitur ea de re Au-  
gustus rex cum Selymo exposulasse. At ille respon-  
dit, Iuoniam in Valachiam causâ mercaturæ exer-  
cendæ profectum esse. Iuonia in Valachia veniens,  
facile ab omnibus iuramentum accipit. Est arx in  
Valachia Chocimum, natura loci munita, quam fir-  
mo præsidio Bogdanus firmauerat: hanc præsidarij  
milites Turcis dedere nolunt, sed eam contra vim  
ipsorum strenuè defendunt. Bogdanus de rebus  
dome-

domesticis turbulentis certior factus, vt se contra vium Turcarum tueretur, ac defenderet, auxilium sibi ex fœdere ab Augusto dari postulat: cui quatuor millia equorum, plus minus, dantur, ductore Nicolao Mielicchio, Palatino Podoliæ vigilantissimo, sapientissimoque, vt ipsum in Valachiam reduceret: sed incassum. Nam adeò vires Turcarum in Valachia inualuerant, vt ille totus exercitus cum Bogdano in Valachiam missus, collocato Chocimi Bogdano, in Russiam incolumis regressus sit, non tamen sine cæde Turcarum: qua in expeditione, præclara virtus cum aliorum, tum verò Nicolai Herbutti, nobilis ac egregij viri, belloq; clari, enituit: qui vndique ab equitatu Turcico septus, eorum acie perfracta, multis occisis, ad suos nullo lethifero vulnere accepto, saluus redijt. Bogdanus verò, aliquandiu Chocimæ innotatus, eam arcem, quàm firmissimo præsidio potuit, munit: qua Dobrosolouio, stirpis Polonica viro egregio, commissa, ipsemet in Moschouiam fugit, illicq; degere dicitur. At Dobrosolouius, nonnullo temporis spatio Chocimensi arce retenta, eam post Luonia tradere, ita iubente Iaslovecio, magistro equitum campestri, cum id Augustum velle (cuius tum mors nondū diuulgata erat) dictaret, coactus fuit. Iam Luonia omni turbulento statu Valachia composito, eum pacatè obtinebat, tributum solitum Selymo pendens: ex his quoque supplicium, quos sibi aduersari videt, sumit: præsertim ex propinquis Bogdani, summo loco ortos, opibusque florentes, crudeliter contrucidat, fortunæ suæ impendentis immemor, paulò insolentius victoriam exercet. Erat Palatinus Transalpinæ Va-

*Augustus  
iuvat Bog-  
danum.*

*Luonia Cho-  
cimem tra-  
ditur.*



*Consilium  
Palatini  
Valachia  
Transalpinae.*

lachia, quem non mediocriter fortuna Petri fratris sollicitabat. Quare de eo anxius, Selymi purpuratos in regia prensabat, vt, quemadmodum Bogdanum Iuonia, fultus auxilio Selymi, ex Valachia eiecerat: sic Petrus adiutus auxilio eiusdem, posset Iuoniam eijcere. Quare eadē via purpuratos, qua olim Iuonia, aggreditur: & si Palatinatum Valachia apud Selymum fratri Petro impetret, se duplo maius tributum, hoc est, centum viginti millia nummū aureū, daturum pollicetur. Iuonia fidem esse suspectam, qui religione Mahometana spreta, iterum Christianam susceperit, ideoque Christianis apprimere faueat: foreque breui vt Bogdanum secutus, post ad amicitiam Polonorum se conferat, quorum auxilio adiutus, Turcicum imperium abijciat. Purpurati, magnitudine tributi pellecti, ac hisce verbis moti, Selymo suadent, vt missa legatione ad Iuoniam, ipsummet ad se venire iubeat, illique quem eò mitteret, Valachia cedere. Quod si dicto ipsius minùs pareat, id se armis consecuturum. Selymus, qui ingenti cupiditate pecuniæ flagrabat, post profusum ararium in classem quæ in Ionio mari à Venetis, post captam ab ipso Cyprum, in alto depressa fuit, ad id se facilè pertrahi patitur. Quare legatum ad Iuoniam mittit: quem sic verba fecisse, quæ dies erat vigesima prima Februarij, cū Henrico Gallo à nostris Cracouie diadema imponeretur, accepimus: Selymus Turcarū Cæsar, Iuonia, Palatini Valachia, me ad te tributarium suū, cum hisce mādatis, quibuste quā primū, nulla mora interposita, satisfacere vult, mittit, vt sibi tributum, nō quale olim, sed duplo maius, nimirum centum viginti mil-

*Purpurati  
assensuerunt  
Selymo.*

1571.

*Oratio lega-  
ti Selymi ad  
Iuoniam.*

millium nummum aureum, mittas. Ni feceris, est alius qui idem se tributum ipsi sua cum posteritate daturum pollicetur. Sed Selymus, memor constantiæ, virtutis, fidei tuæ, non vult tibi in imperio Valachiæ molestus, si id tributum quamprimū mittas, esse. Quod si id detrectas, cede alteri, ac è vestigio simul mecum ipsemet, ad dicendam causam, Constantinopolim proficiscere. Si tibi id molestum est facere, Selymus me tibi denuntiare iussit, se cum firmissimo equitatu, alium ad occupandam Valachiam missurum: cuius voluntati si tu aduersaberis, te ad extrema quæque adducet: tibi que non solum de regno, sed de vita periclitandum erit. Hac legati verba in animum Iuoniæ, altius quàm quisquam existimare potuit, ascenderunt. Quare dissimulata animi ægritudine, legatum suos in hospitium deducere iubet: rem esse maioris deliberationis, quàm vt eadem die legato possit responderi: ac, cum ad totum Senatum pertineat, eum se exemplo conuocaturum dicit, ac ea dere, tam ardua & difficili, consulturū, quidq; omnes animi habeant, se ei statim dicturū. Deducto legato in hospitium, omnia postulata Selymi animo pēsāt: gentem vniuersam Turcicam esse perfidissimam, quæ Christianis regibus fidē iuramento cōfirmatam (quamuis ipsemet Christiana fide abiurata, nescio quo pacto iterum Christianus fuerit) nō seruet, sed capta occasione eos in fraudem inductos fallat, decipiatq;. Si id tributum, tam amplum, in tāta inopia regni, quod ciuilibus bellis exhaustum sit, cōcedat, eo Selymū minimè contentū fore, sed illud insequenti anno aucturū esse, taleq; demum exacturū, qua-

*Perturbatio  
Ioannis.*

*Consultatio  
Ioannis.*

*Oratio Iu-  
nia ad Se-  
natum.*

le cum vniuersa gente non possit dissoluere: nec se iam tutum fore, exorto aliò qui hac imperata sit facturus. Quare vniuerso Senatu ad se conuocato, in hunc modum ad eum verba fecit: Si vnquam de re ardua ac difficili vobis consulendum, deliberandumque fuit, hoc certè tempore est. Nam Selymus incredibili auaritia æstuans, nescio cuius instinctu, non contentus eo tributo quod ei pendere soliti sumus, duplo maius à nobis extorquet. Si concesseritis, mea nihil refert: utpote cùm non mihi, domino, sed vobis, liberisque vestris pendendum sit. Quòd si id negamus, extemplò vim, bellum, direptionem oppidorum, incendia, rapinas denuntiat. In hac igitur inopia regni nostri, quod est vniuersum ciuilibus bellis exhaustum, quomodo ei illud dissoluere poterimus? Proinde quid omnes animi habeatis, exponite. Ego quidem illud animo prouideo, si tam amplum ac immensum tributum Selymo iam concesseritis, minimè eum fore contentum, sed singulis annis maius exacturum, donec opes nostræ planè exhauriantur. Præstat igitur vitam pariter cum vxoribus, paruisque natis amittere, quàm tantum dedecus pati. Nec fortuna mea adeò angor: cùm sciam illud vobis esse pendendum, non mihi. Quare si hanc indecoram, flagitiosamque seruitutem non vultis pati, omnes absque vlla cunctatione dicite. Ego certè diligenter prouidebo atque curabo, ut huic Ethnico cani, non solum hoc nouum, tamque amplum tributum dem, sed ne vllum planè deinceps pendam, dummodo vos mihi non defueritis. Scio, collegæ carissimi, quid ego vobis debeam, quid Reipub. vestræ: pro quorum salute ac incolu-



incolumitate vitam meā profundere paratus sum.

Hæc ubi dixit, tacitus mœror, ac insolitū silentium, *Mæror Senatus Valachia.*

vnuerſum Senatum cœpit: tandem tanquam graui ſomno expergefacti, fremunt. Seruitutem ſibi à Turcis imperatoribus multiplicari. Iuoniam non tam luculenter quàm verè de tributo loqui. Mori ſe malle, quàm tantum dedecus, ſumma cum turpitudine coniunctum, pati. Proinde, vxores, liberos, ac quicquid precioſioris ſupellectilis habeāt, in arcem Chocimeneſem, cuius munitioni fidant, ſe importaturos, ac ibi omnia ſe collocaturos, pollicentur, ſeq; Iuoniæ proprijs ſumptibus militaturos, hoſtiq; ad Danubiū, qua parte ad ſe delendos veniat, vnà cum illo occuſuros, cum eoq; ad vltimam dimicationem congreſſuros: quæ omnia ſe iureiurando facturos confirmant. Iuonia, omnium conſtanti voluntate cognita, paucisq; verbis collaudata, fidem ac iuſiurandum omnes inter ſe dare iubet, vt ſimul ſecum iunctis armis, Turcas ad internecionem perſequantur: ſe verò etiam atque etiam diligenter curaturum, vt non ſolùm influentes copias Turcarū, à ceruicibus Valachiæ reiſciat: ſed longè, lateq; eorum regno euacuat, honeſtam pacem ac quietem vnà cum eis ſibi compareret. Accepſo ab omnibus iuramento, legatum ad ſe Selymi accire iubet: cui tale reſponſum audiente Senatu dat: Equidem pro veteri fide mea, quam datam Selymo domino meo conſeruare ſolitus ſum, de dando tributo libenter parêrem, ni voluntatem meorum ab eo abhorrere ſcirem: qui quæque acerbiffima ac duriffima ferre malint, quàm eam indecoram ſeruitutem, nulla ratione ferendam. Quare, cū id à meis nullo pacto

*Iuonia legato reſpondet.*

extorquere queam, Selymum me, ne in malam partem accipiat, vehementer precari: cuius amicitiam mihi ornamento & præsidio, non detrimento esse velim: ideoq; me ea spe Palatinatum Valachia: ab illo & petijisse, & ob meam singularem fidem in ipsum, obtinuisse. Quæ spes ne me fallat, etiam atque etiam oro. Hisce dictis legatum, nulla mora interposita, è finibus Valachia: excedere, cumque nullis muneribus, uti alios legatos solitus erat, ornatum, equites Valachicos ad ripam Danubij deducere iubet. Quæ res ipsi haud mediocrem suspicionem attulit, Luonia: animum esse à Selymo alienum.

*Luonia legatum ex Valachia excedere iubet.*

*Luonia exercitum comparat.*

Luonia, respõso dato legato, ad comparandum exercitum continuo animum adiecit: ubi illico omnes pedites stipendio militari inautorati: quiq; equo stipedia merere soliti erant, ad Luoniam cõueniunt: qui iuramẽto se iterum atq; iterum obstringunt, se contra Selymum, tam crudelem dominum, ad internecionem, supremamque dimicationem, pugnaturos, omniaq; potius, patriam, vitam, vxores, carissima pignora liberos, amissuros, quàm Palatinum suum deserturos. Tributum autem se statim exacturos, in idque collaturos, ut Luonia equitibus Polonicis, quorum tum maxima opinio virtutis esset, militari stipendio inautoratis, expedita opera eorum in bello contra Selymum vratur. Quo consilio Luonia auidè arrepto, credidit illos fideles erga se fore. Itaque legatũ suum Cracouiam ad Hentricum & vniuersum Senatũ, eum de statu rerum Valachicarũ certiore faciens, mittit, in quo periculo constituta sint demonstrans, auxiliumque ab ipso petens: sibi enim cum Selymo acerrimum bellum fore. Reges Polonia: cum Pala-

*Legatio Luonia: ad Hentricũ regem Polonia:.*

tinis

tinis Valachia semper fœdus religiosissimè conser-  
 uasse, ac eos contra Turcicos imperatores defendis-  
 se, semperque hos regum Polonię clientes fuisse: ob  
 eamque causam tanto temporis spatio regnum Po-  
 loniæ saluum ac incolumè stetisse: alioquin, Vala-  
 chia armis Turcicis occupata, statim regnum Polo-  
 niæ in summo discrimine futurum. Nunc se regem  
 maximopere orare, non vt aliquo conductitio mi-  
 lite se iuuet, sed vt Camieniecia, Leopoli, passimque  
 in reliquis oppidis, per præconem proclamare iu-  
 beat, quicumque in Valachiam ad accipiendum sti-  
 pendium militare proficisci velit, Palatinum tan-  
 tum ei stipendium numeraturum, quantum ipse  
 poscat: plus enim apud se omnium incolumitatem,  
 quàm impensas valere. Hisce Henricus auditis, se  
 luoniam nullo auxilio posse iuuare respondet, nec  
 cuiquam, vt ad promerendum stipendium in Va-  
 lachiam proficiscatur, permissurum: idque ideo,  
 quòd supra centum annos antiqua fœdera regibus  
 Poloniæ cum Turcicis imperatoribus sint. Luonia  
 tristi nuntio ab Henrico de denegatis auxilijs per-  
 turbatus, fit à suis certior, leuem armaturam equi-  
 tum Polonicorum, qui ad Borysthenem & Ponti  
 ostia, causa prædæ acquirendę degunt, esse: gentem  
 tot bellis induratum, vt eis ad vincendum nihil ar-  
 duum sit: iam eos domum nulla præda consecuta re-  
 gredi velle: ad eos igitur subito internuntios mit-  
 tendos censent, vt ad ipsum in Valachiam veniant,  
 qui eis paratum stipendium, quantum velint, dis-  
 soluturus sit, modò opera eorum contra Turcas,  
 quos ipsi etiam oderint, vtatur: vim totam belli  
 in eo equitatu sitam esse. Luonia consilio suorum ar-

*Henricus  
 Palatino  
 respondet.*



repto, subitò vnum atque alterum internuntium ad illos ipsos equites (qui velites optimo iure nominari possent, eò quòd nusquam in loco certo consistunt, solùm abacta hostili præda, huc illuc per loca hostium auia, abdita, occulta, vastamque eorum regionem euagantur) mittit, vt ad se quamprimum veniant: esse quod cum eis de rebus eorum loqui velit. Quòd si quas occultas insidias pertimescant, eis apertè denuntiare iubet, Palatino graue bellum cum Selymo Turcarum imperatore imminere: quod cùm gerendum suscepit, si stipendio militari in auctorari velint, Palatinum velle eis, non solùm in vnam partem anni, aut semestre, sed & singulis diebus tantum constituere quantum ipsi polcant. Quæ cùm ad aures Kosacorum (sic enim ij velites à nostris vocantur) ab internuntijs perlata fuissent, nihil de Henrico rege cogitantes, id iter suum in Valachiam voluntati ipsius aduersari, ex illis ipsis patentibus campis ad Palatinum in Valachiam proficiscuntur: qui de more, gloriæ ac prædæ, tam sibi quàm heris suis acquirendæ causâ, in illos vastissimos campos, permissu suorum herorū excurrunt, vt aliquo numero Scytharum vel Turcarum comprehenso, quid in solo eorum agatur, vel quæ consilia hostium sint, scire possint. Nam quamuis Turcæ ac Scythæ pacem cum regibus Poloniae seruare videntur, eiusdemque volunt cupidi videri: tamen ingēti manu suorum coadunata, solum Podolicum ac Russicum effusè depopulari, magnaque damna inferre solent, ni subitò velites eis occurrât, ac nonnulla manu suorum subnixi, numerosas eorum copias fugant. Erant autem ij præcipui ductores veli-

tum.

*Velites in  
Valachiam  
proficiscun-  
tur.*

tum. Suierceuius habuit sub signis ducentos equites, vir omnibus artibus, pariter militaribus, instructus, viribusque pollens. Barfanus ducentos duxit. Braslauiensium quoque erant ducenti. Hi sese omnes Suierceuij imperio committere, nec sine ipsius voluntate cum hoste cōgredi ausi. Cossouius quoque ducentos duxit: Stufenius itidem: Iancius centum: Socolouius totidem. Qui omnes in Valachia simul ad Palatinum omni metu deposito, profecti fuere. Postquam igitur velites fines Valachiae attingere, de his Iuonia edoctus, ex templō, qui eos honorificè nomine suo, ac liberaliter exciperet, commeatumque ac rerum omnium copiam, quęque ad victum necessaria essent, liberaliter suppedita-  
*rent, Iuonia ad  
 Velites pro-  
 ficiscitur.*

mittit. Cū ad secundum lapidem à castris Iuoniae velites cum ductoribus Valachicis abessent, de eis Iuonia certior factus, ipsemet cū pulcherrimo equitatu, adiunctus sibi aliquot ex Senatu, obuiam eis proficiscitur: vt se exhibito, animique sui in eos voluntate declarata, illos post obsequentiores haberet, ac ad quauis pericula adeunda alacriores: vbi in conspectum eorum venit, præ nimio gaudio, paucis verbis salutaros, singultus vi lacrymarum impediēte, ne verbum quidem proloqui potuit, sed secum ductoribus illorum acceptis, eos sese in castra comitari iubet: vt militari conuiuio exceptis, post cum eis de periculis imminētibz suis, de belloque; sibi Selymi ingruente, liberiùs loqui possit, reliquis se sequi iussis. Vbi in castra ventum est, bombardarum maiorum artifices ingentem boatum edere iubet, sic vt cælum sonitu resonare, terra strepere visa fuerit. Postquam satis concentui datum fuit, tot

pedites è numero suorum, quot equites velitum erant, egredi iubet, vt singulorum equis acceptis, quod satis pabuli esset, darent, eosque curarent. Hisce ita imperatis, Kosacos non certè militari prandio, sed magnifico ac copioso conuiuio excipit. Ductores illorum, suosque proceres, secum in tabernaculum, quod in patenti campo erectum erat, ducit, eosque secum epulari, vbi & senatus erat, cogit. Reliquos Kosacos in aliqua tabernacula ductos simili ratione tractare iubet. Postquam epulæ remotæ fuere, iubet aliquot argenteas patinas nummis aureis onustas afferri, ac ex eis tantum ductoribus Kosacorum, eorumque ministris apponi, quantum satis esset: dictitans, id eis eo nomine se largiri, vt longinquitate itineris fatigati in balneis lauent, corporaque curent. Illi pariter pudore ac quadam admiratione defixi, se accepturos negant. Sed vi coacti, ac precibus non solum Iuonia, sed & procerum Valachicorum fracti, accepere, gratijsque actis pro tanta in se munificentia Iuonia, omnes assurgentes, in conspectu eius steterunt. Ille dextra eis ad laeuam partem castrorum suorum, quæ in proximo erant, vt ibi stationem haberent, innuit. Deinde mittit eis sex grandia vasa vini generosissimi, sexcentosque thaleros, vt illud in memoriam nominis sui exhauriant. Nam alioquin illi militi aqua solum in illis vastis solitudinibus perpetuus potus est. Ad hæc parochos iisdem, ne quid omnino tam ipsis quam ipsorum iumentis desit, addit. Appropinquante luce, ipse met ad ductores velitum venit: quos, vt in tabernaculum suum veniant vnà cum comitatu suo, orat: esse quod ad eos de summa rei referat, & quid eos face-

reve-

*Iuonia velites tractat.*

*Iuonia ad se Kosacos accersit.*



re velit, omnibus exponat. Qui vbi alacres venêre, talem orationem ad eos lingua Polonica habuisse dicitur. Si de vestra fide, virtute, constantia, fortissimi equites, certò mihi non persuasissimam, nunquam hoc difficili ac periculoso tempore, vos proculè patria vestra euocassem. Sed cum hæc omnium constanti ore celebrata fuisset, vos huc euocaui, vt mihi operam vestram & industriam, in hoc bello gerendo contra Selymum, infensissimum hostem, præbeatis: pro qua nauata si vobis certum stipendium militare constituere velim: non mediocriter perimisco ne meritis vestris minùs dignum præmium detur: sed, quicunque successus nostri contra hunc teterimum hostem erunt, omnia vobis, milites, à me largè suppeditabuntur, commeatus, pecunia, equis pabulum, ac id genus alia ad eam rem pertinentia. Ego vos, pristinae virtutis memores, ita vos gesturos esse hoc in bello arbitror, prout de vobis omnium opinio est, ac eam in animo meo excitastis. Vobis autem summas, perpetuasque gratias, & ago, & habeo, quòd ad me, hominem Christianum, ipsi etiam Christiani veneritis: quorum voluntatis erga me, semper gratum ac memorem me fore polliceor. Qui etiam pro magnitudine periculi mei pauci estis: tamen non minùs mihi gratus est conspectus vester, quàm si duodecim millia mihi in auxiliũ aliunde missa fuissent. Quare quaecunq; stipendium volueritis, id me vobis dissoluturum recipio. Nec vos vires Turcarum ita animo pensare velim, quasi à nobis vinci non possint. Fateor eos hactenus miro successu vsos fuisse, qui à sordidissimo initio orti, in tãtam amplitudinẽ peruenêre: sed quæ ab eorũ per-

*Oratio Iacobi ad Romanos.*

fidia, non virtute, profecta, summo cum scelere cōiuncta sit. Fateor item Deum immortalem cōsueſſe, quò grauius homines ex commutatione rerum doleant, quos pro ſcelere eorum vlcisci velit, his ſecundiores interdum res & diuturniorem impunitatem concedere. Sic Turcæ ſi haſtenus felici ſucceſſu uſi ſunt, id ita volente ac permittente Deo factum eſt, vt quantò altiùs aſcenderunt, tantò grauiùs corruant. Plura loqui me vis lacrymarum non patitur. Qui ſit animus erga vos meus, vos optimè & perſpicere, & intelligere poſſe video. Quemcunque caſum fortuna inuexerit, hūc vobiſcum communē ducam. Hæc proloquuto Suierceuius pauca pro omnibus militari ac rudi ſermone ſic reſpondiſſe, dicitur: Non ſtipendium tuum, Iuonia, vt ad te veniremus, nos pellexit: quod nos ſemper pro minimo duximus: ſed potiùs virtus noſtra ſingularis, vt cōtra hunc fœdiſſimum ac acerrimum Chriſtianorum hoſtem pro incolumitate tua dimicemus. Stipendium non curamus: qualis tandem fortuna noſtra futura eſt, exitus belli declarabit: ſatis à te remunerati videbimur, ſi hoſte tuo intra fines regnī hiſce noſtris dextris repreſſo, honeſtam pacem cum eo habueris. Tu verò quid poſtea nobis præſtare debebis, fortuna noſtra id te docebit. Nec vires Turcarum horremus: quotū ſucceſſus quales tandem adhuc erunt, eos diuinæ prouidentiae iam cōmittendos cenſemus: nos in hoſtem intenti erimus, vt eum à iugulis tuorum auertere poſſimus. Oratione Suierceuij Iuonia confirmatus, ductores Koſacorum ſecum prandere iubet, quibus epulum dat: alteram menſam Logafetus, Veremias magiſter

*Suierceuius  
pro omnibus  
Iuonia re-  
ſpondit.*

ster equitum, cum reliquis Senatoribus occupat. Hæc acta sunt vigesima die Martij. Caterùm Selymus audito responso Iuoniæ, simul ira, indignationeque accensus, (quam legatus amarulentis verbis, eò quòd nulla munera à Iuonia acceperat, auxit) sine mora Palatino Transalpinæ Valachiæ triginta millia Turcarum, duo Vngarorum mittit, vt coadunata suorum manu, Iuoniam capiat, eoque ad se misso, ipse totam Moldauiam occupet, in eaque Petrum fratrem suum, Palatinum constituat. Is mandato Selymi alacriter suscepto, suisq; ad arma conuocatis, simul cum Turcis ac Vngaris flumen Moldauiam tranat. Erant ferè omnium centum duo millia fortissimorum virorum. Qui non solùm Iuoniam è Valachia eiicere poterant, sed & quemque fortissimum regem bello laceßere ac vincere. Hinc nocturno, diurnoque itinere fatigati, vt tam sua quàm equorum corpora reficerent, nil de Iuoniæ inopinato aduentu suspicati, in loca herbida, quæ supra flumen latè patent, equos effusè euagari patiuntur. Interea speculatores ad Iuoniam prandentem veniunt: flumen Moldauam maximam vim hostium tranasse, quibus Turcæ simul cum Vngaris intermixti sint: nec eorum certum numerum sciri posse, sed supra centum millia esse suspicari: nunc omnes equis in pascua læta missis, se quieti dedisse. Quos si Iuonia cū parata suorum manu aggredietur, facile ad vnum deleri, vinci que posse. Hæc tanta alacritate animi à Iuonia audita fuere, vt Suierceuium cum suis confestim præcurrere, datis ei sex millibus Valachorum, qui linguæ Turcicæ gnari, omnia certiùs cognoscerent, iusserit: ipsemet verò

*Indignatio  
Selymi in  
Iuoniam.*

*Exercitus  
Palatini  
Transalpinæ  
Valachiæ  
contra Iuoniam.*

*Iuonia fit  
de hostibus  
certiora*



cum suis, quoniam paulò onustiores armis erant, subsequitur. Suierceuius omnes orat, vt, si lata ex hoste victoria potiri velint, quanto silentio possint, ad hostiũ castra nullo clamore dissono, aut tumultu edito perueniant. Hisce ita inter se compositis, in speculatores Moldauorum, qui supra castra suorum stationes, ne quis impetus in quietos fieret, agebāt, incidit. Erant verò hi quadringenti: qui omnes à Kosacis circumuenti capiuntur. Quos primò benignè, demum minaciter alloquuntur, quid cōsiliij hostes habeant, vbi sint, quid agant: si indigna nolint pati, vt exponant, cogunt. Illi suppliciter & ingenuè, presentis periculi metu perterriti, fatentur, Valachos Transalpinos pariter cum Turcis, quibus intermixti Vngari sint, non tam longinquitate ac difficultate itineris fatigatos, quieti se dedisse, ac corpora curare, quàm vluoniam vegetiores inopinatum aggrediatur. Quos si iam securos ac omni cura dissolutos inuadat, eum faciliè compotem victoriæ futurum. Valachorum Transalpinorum non esse ampliùs septuaginta millia, Turcarum triginta, Vngarorum tria. Hisce Kosaci cognitis, subitò ad Ioannem nuntios mittunt, in quo statu res hostium sint, eum certiore faciant: vt cum suis maturè (in manu enim victoriam esse) approperet. Ipsi verò non procul ab hostium castris, duabus horis stationes, vigilasque taciti agunt, ne vsquam hostis commoueatur, aut quicquam incipiat. Quæ vbi celeriter ad luoniam perlata fuissent, statim ipsemet adest, Suierceniumque suos disponere, ac quamprimum cum hoste configere iubet. Ipse verò, quoniam multitudine abundabat, sua acie in longitudinem extensa, tribus

*Capiuntur  
speculatores.*

*luonia de  
statu hostiũ  
cognoscit.*

ex partibus hostium castra, omni praefidio nudata, aggreditur. Sui ceruenius parte ab altera cum suis citatissimè ad hostem, antequàm Iuonia accessisset, peruenit: ibiq; sublato clamore, castra hostium inuadit. Hostes, ignoto & horribili sonitu repente exciti, neque fugere, neq; arma capere, neq; omnino facere, aut prouidere quidquam poterat. Ita cunctos strepitu, clamore, & nullo subueniente, Kosacis instantibus, tumultu, terrore, formidine, quasi vecordia ceperat. Ecce tibi in tanta strage hostium subito Iuonia cum suis adest: qui & ipse stratos ac perturbatos egregiè cedit. Fugæ nusquam locus est. Nam Moldani procul equos à se in pascua abegerant, nec quomodo fugerent habebant: omnes nudi, inermesq; hosti, ad primos successus victoriæ exultanti, iugulū præbent. Fit totis castris plâctus, gemitusq;. Ex tanto numero hostiū nemo, præter Palatinum Transalpinæ Valachiæ, vnà cum Petro fratre, quem in Valachiam fretus tâtis copijs deducebat, fugit. Hi igitur, conscensis equis, qui in tanto periculo vix eis oblati erât, pernicibus, per lacū qui ex Danubio oritur, tranant, peruenereq; ad arcē Brailouiensem ad præfectum Selymi: reliqui omnes ad vnum cæsi, alitibusq; obiecti. Tum spectaculum fuit horribile, in cæpis patētibus omnes viri afflicti: ac multi vulneribus acceptis, neq; fugere posse, neq; quietē pati, niti modò, & statim cōcidere. Postremò, omnia quâ visus erat, cōstrata telis, armis, cadaveribus: & humus infecta sanguine. In castris multū opulentiæ repertū fuit: quæ Iuoniæ omnis cessit: quam ille militibus, in primis verò Kosacis dat, qua plurimū ditati fuere. Iuonia in iisdem castris quatrimum moratus, vt

*Stratagemata Iuonia.*

*Prima cades hostiū.*

*Fuga Palatini cū fratre Petro.*

*Castra capiuntur.*

*Luonia Pala-  
tini ditionē  
Castas.*

suorum corpora cæde hostium defatigata, viribusq;  
exhausta reficeret, cadauer Palatini ac fratris Petri  
summa cura requirit. Quo haud reperto, rectà exer-  
citus in regionem Palatini Valachiæ Transalpinæ  
inducit: castella, oppidaq; & natura, & viris parum  
munita, adgreditur: quosque obuios nulla sceminei  
sexus ratione habita, necare, puberes interficere,  
villas & vicos pariter cum oppidis igne succendere  
imperat. Triste ac miserum ibi spectaculum fuit,  
cùm illam partem Valachiæ Transalpinæ omnes  
fumantem, ac flammarelucentem aspiciebant. Tra-  
hebantur senes ad cædem, rapiebantur parui pueri  
ad necem, matronæ pariter cum virginibus stupra-  
bantur: quæque crudelissima & acerbissima perpe-  
trabantur. Luonia vniuersos laudat, atque agit gra-  
tias: hortatur ad cætera quæ leuia sunt, parem ani-  
mum pro victoria gerant: satis iam pugnatum: reli-  
quos labores pro præda fore. Hac tali populatione  
victor exercitus ad Transylvaniam, siue Sedmigro-  
densem regionem peruenit: visaque Brailouien-  
si arce, iter ad inferiorem Danubij ripam deflexit. Ibi  
cognoscit Palatinum Transalpinæ Valachiæ vnà  
cum Petro fratre esse in arce: itaque protinus ad-  
uersum illud oppidum suos ducit. Est ciuitas Brailo-  
uiensis supra Danubium sita: quæ arcem percom-  
modam habet, & natura loci & firmo præsidio be-  
ne munitam. Ibi Luonia non procul ab oppido Brailo-  
uia, arceque, nactus locum per commodum com-  
muniendis castris, sic vt ex arce tormentis murali-  
bus nulla ratione infestari posset, aberat. Hinc scri-  
bit literas ad præfectum arcis, easque duobus capti-  
uis Moldauis perferendas committit: quibus illum

*Castra Luo-  
nia ad Brailo-  
uiam.*



orat ut Palatinum Transalpinæ Valachiæ, perennē hostem suum, vnā cum Petro fratre, qui ob nullum ipsius maleficium bellum ipsi intulerint, ac post infeliciter tentatū prælium ad eum ex acie fugerint, extemplo sibi tradat: alioquin se exercitum ab oppido non remoturum, donec vi adactus eos dedat. Ad has literas sic præfectus arcis, per quatuor Turcici sanguinis, (quorum duo oppidani erant, duo ex arce domestici) responderet, ac simul Iuoniæ decem globos grandes tormentarios, totidem minores cum duabus sagittis mittit. Audio te (inquit) ministrum esse Selymi: ideo rationem tui habeo: eos minimè apud me esse, quos petis, nego: sed cum ad aures meas perlatum fuisset, te ingentem multitudinem exercitus Cæsaris cecidisse, qui mandatis ipsius parentes, in Valachiam Petrum fratrem Palatini Transalpinæ Valachiæ deducebant: edico tibi, nisi hinc obsidionem quam primum solueris, huiusmodi ferulis cum tuis pascēris: quibus vnā cum exercitu tuo satiatus, post ruetabis. Hoc tale responsum tantam Iuoniæ indignationem mouit, ut illis ipsis internuntijs quatuor comprehensis, naribusq; eorum simul cum labijs ac auribus præcisis, pedes singulorum sursum versos longissimæ trabi ferreis clauis affigere iusserit, eosque terram capitibus attingentes ante oppidum sclopetarios ferre, abijcereque imperarit. Horrendum id omnibus spectaculum fuit: quo Iuonia præfecto arcis demonstrare voluit, eum similem exitum vnā cum profugis manere. Hoc tali tristitæ exemplo edito, nulla mora interposita, pedites scalis in eum usum paratis, admotis, mœnia vrbis clamore sublato conscendere iubet. Nec consilium euentus

*Responsum  
præfecti ar-  
cis.*

*Iuonia indi-  
gnatio in-  
ternuntios.*

*Novum ge-  
nus crudeli-  
tatis.*

*Celeritas  
peditem.*

*Capitur op-  
pidum, ac  
caedes ingēs.*

*Funditus de-  
letur Vrbs.*

moratus est. Nam pedites tanta celeritate sese sub  
mœnia oppidi insinuauêre, vt priusquam oppidani  
sese ad resistendum opponerent, euaderent in mu-  
rum: quo diruto, totus exercitus in oppidū irrupit.  
Ibi ingens cædes Turcarū facta fuit, nemini parsum:  
vbi ex cæsorū cadaueribus sanguis instar riui in Da-  
nubium profluxit: parui pueri ac vberibus matrum  
abrepti, vagientes occisi. Quatriduum ibi in cædibus  
perseueratum est: in locis abditis ac occultis latitan-  
tes homines quæsit, ex latebrisq; ad cædem tracti:  
tota vrbs direpta, ac per iram incensa, nullo homi-  
num, ac ne canū quidem inter incendia, ruinasq; re-  
lieto. Plurimum ibi auri, argenti, pecuniæ signatæ, v-  
nionum, margaritarum, repertum est: quæ omnia  
prædæ militum celsêre. Erat ea ciuitas in illis locis o-  
mnium opulentissima, eò quòd post occupatam à  
Turcis Graciam, multū diuq; in pace vixit: qua par-  
ta, nullo motu belli conquisita, supremā dum cla-  
dem adiit. Nam à victore hoste ne vna quidem do-  
mus integra relicta fuit: omnia euersa ac solo ada-  
quata fuere, præter arcem, quæ omni præsidio vrbs  
nudata, sola relicta fuit. Ad quam capiendam Iuonia  
suos ad mouere voluit, ni à præsidio, quo arx validè  
firmata fuit, clades pœnitēda subeūda foret. Interea  
Iuonia in direptione vrbs occupato, speculatores  
adsunt, qui ipsum certiorē faciunt, quindecim mil-  
lia Turcarum magnis itineribus in subsidium arci  
Brailouienti venire. Quibus ille cognitis, ac nihil tā-  
ta multitudine hostium territus, confestim Suierce-  
uium cum Kosacis, additis ei octo millib. equitū Va-  
lachicorum, contra illos mitrit. Ad quos vbi is præ-  
properè aduolasset, nullo illis spatio ad recolligēdas

vires

vires dato, cum eis alacriter prælum init. Omnes  
 occisi ac perempti, præter mille equites, quos fuga  
 subtraxit. Quibus Suierceuius insecutis, multos pel-  
 lat & cædit. Qui cædi supererāt, fuga ad arcē Teinen-  
 sem, quæ ditionis Turcarum erat, delati sunt. Erant  
 in proximo, nō procul ab illa ipsa arce, Turcarū co-  
 piæ, quibus agmina Scytharū intermixta erāt. Subi-  
 tō Suierceuius ad luoniam cum lato victoriæ nun-  
 tio mittit, certissimam ex hoste victoriam pollicēs,  
 modò ommissa oppugnatione arcis Brailouiēsis, cum  
 omnibus copijs absq; mora adsit. Ille, tam læto nun-  
 tio accepto, arce Brailouiensi neglecta, cuius expu-  
 gnationē & sibi difficilem, & periculosam esse scie-  
 bat, ad Suierceuium celeriter venit. Quo cum consi-  
 lijs cōmunicatis, simul illas ipsas copias aggressi de-  
 lent, & ad interuentionem dant. Hinc ad oppidum  
 Teinense exercitus admotus. Quò facilè, sine vllò  
 oppugnationis labore, & expugnato & capto, om-  
 nes oppidanos, pariter cum fœminis, crudeliter,  
 ne vno quidem ex tanta multitudine relicto, ne-  
 cat. Hocce luoniæ successus Suierceuius cum suis  
 Kosacis adiuuabat. Nam primus semper cum Turcis  
 hastatis prælum inibat: in prima frōte equites cum  
 tormentis manuarijs locabat: quorum horrédo so-  
 nitu, crebrisq; ictibus globorum, semper Turcarum  
 aciem nō mediocriter turbabat. A dextro cornu eis  
 sagittarios opponebat: qui grandine sagittarum im-  
 missa Turcicas acies vulnerabant. A leua parte erant  
 locati, qui erectis breuioribus lanceis, in omnē oc-  
 casionē intenti, Turcas eis cōfodiebant. Quos Suier-  
 ceuius ab his cōturbatos, cædi Valachorū obijciebat.  
 Interea sexcēti Kosaci oppidū Bialodrogense versus,

*Victoria  
Suierceuij.*

*Alia copia  
Turcarum.*

*Inopia ad  
Suierceuiū  
venit.*

*Oppidum à  
luonia captū  
est.*

*Stratagemā  
Suierceuij.*



*Iuonia exerci-  
tum quie-  
tere fecit.*

*Iuonia ora-  
tio ad Kosa-  
cos.*

*Suierceuius  
Iuonia re-  
spondit.*

quod est ditionis Turcarum, citato agmine profici-  
scuntur: quo direpto ac succēso, dimidiata pars ipsius  
fædo incendio conflagrauit. Plurimum ibi prædæ  
nō ignobilis repertum fuit: qua militi obiecta, mul-  
tum ea ditatus fuit. Iuonia verò cæde Turcarum fa-  
tigatus, læta quiete, non procul ab arce Teinicensi,  
quam nudum in patenribus campis reliquerat, per  
octiduum suos reficiebat. Vbi iterum repēte fit cer-  
tior, Turcarum simul cum Scythis aliquot agmina,  
ab oppido Bialogrodenſi proficisci, qui in proximo  
Iuoniam cum exercitu adesse ignorantes, dispalati  
huc illuc, reperto vado tranabant. Quos procul Ko-  
saci conspicati, orant Iuoniam vt ipsis potestatem il-  
los inuadendi, pellendique det. Ad quos sic Iuoniam  
verba fecisse, vt author est Bartholomeus Paprocius,  
intelleximus. Vestra incredibilis, Poloni fortissimi,  
virtus facit, hicq; ardor pugnandi, ij vestri successus,  
vt vobis nolim quicquam à me denegatum esse. Ite  
Deo comite, proficiscimini felices: hostiumq; exer-  
citus, vt vsu edocti estis, cadite. Tibi autem, Suierce-  
ui, hic totus exercitus curæ sit: quos ita contra ho-  
stem instrues, prout occasio rerum gerendarum po-  
stulabit. Hæc vbi dixit, Suierceui tria millia Vala-  
chorum, vt eorum opera contra hostem vtatur, ad-  
dit. Quibus ille acceptis, ei gratias agit, quòd de se  
tantam opinionem habeat: quam ne fallat, se etiam  
atque etiam diligenter curaturum. Acceptos igitur  
Valachos cū Kosacis non miscet, sed ab agmine suo-  
rum remotos, ex eis nouam aciem quandam post  
terga Kosacorum instruit. Suos verò illos ducentos  
mille Kosacos, in tria agmina disponit. Quadringen-  
tos in prima fronte scutis rotundis tectos locat, ac  
hastariis

hastatis Turcis obijcit. Ipsemet sibi dextrum cornu cum sagittarijs quadringentis sumit. In læuo toridè cum lanceis missilibus locat. Turci eorum paucitatem conspicati, eamque præ se contemnentes, prælio sese expediunt. Qua visa re Suierceuius equites, quos in prima acie collocauerat, torimenta in eos displodere iubet. Quibusturbatis nimbo sagittarū, in eorum agema suis immissis ex læuo latere, eos hastis vrgerè iubet. Sic illi ancipiti prælio distenti, (nam in vnicum tantum agmen coadunati erant) egregiè à Kosacis cæduntur: quibus, qua vi possunt, Turcæ simul conglobati resistunt. Ab initio ferè horam anceps prælium stetit: donec Valachi, post velites à Suierceuio dispositi, intenti in pugnam, vegetes animo ac corporibus, haud secus quam diu retentæ feræ concitati, cum ingenti clamore ad velites aduolant: qui maxima vi in agema Turcarum turbatum incurrunt, eosque omnibus ex partibus, quibus pedites intermixti erant, aggrediuntur. Pedites nunc equis crura succidunt, nunc ilia suffodiunt: qui in fugam dissipati, omnes ferme terga vertunt, à velitibusque cæduntur. Ex quibus solum tres desiderati, ex Valachicis centū: sic Polonis paruo tum insignis victoria stetit. Luonia ex longinquo tam inclytæ victoriæ spectator fuit. Hostium castra cum impedimentis & capta, & direpta fuere: plurimum ibi prædæ inuentum: quæ viritim militi distributa. Capti erāt hostiū ducenti: qui omnes ad luoniam tāquam pecudes adducti fuere. Quos is inter pedites sclopetarios pellere iubet: qui omnes ad vnum, falcibus maioribus, quibus scænum secari solet, in frustra conciduntur. Dux illius victi exercitus,

*Committitur pugna.*

*Victoria Gelicum.*

*Opulentia  
ducis.*

in potestatem Polonorum venit: homo tantæ opulentiæ, vt sexies se liberari atq; redimere, modò ne Palatino viuus traderetur, voluerit, bis auro in altera statera posito, ter argento, semel margaritis. Fuit egregiæ ac proceræ staturæ, ad promerendamq; gratiam habilis. Sed apud Polonos plus fides quam luoniæ dederant valuit. Nam antè ex tot spolijs Turcarum, auro & argento satiati, omnes pollicitationes eius flocci pendentes, eum viuum in potestatem Luoniæ tradunt. Quo cum ille per aliquot dies colloquium de rebus Turcicis habuit: posthac eum pedibus membratim dissecandum obijcit. Hinc ad Vfsam oppidū suum copias mouit: vbi tot prælijs fracti

*Selymi ter-  
ror.*

exercitus vires refocillauit. Interea Selymus, Constantinopoli tot Luoniæ victorijs perturbatus, ac ter-ritus ne plane Valachia exueretur, ac è Græcia (quod illi, opinor, contigisset, ni defectio Czarniewiecij ad Turcas obstitisset) pelleretur: cum suis Deo more suo supplicat. Nam Turcæ peculiarem religionem, à Muamede, seu Mahomete, hinc ab anno Christi millesimo supra vigesimum, quam Mahometes Saracenis anno Christi sexcentesimo vigesimo tertio obtruserat, acceptam habent. Ne verò quis Saracenos & Turcas eiuldem stirpis aut originis esse existimet, nonnulla mihi de origine vtriusq; gentis esse dicenda videntur. Saraceni longè sunt vetustiores Turcis. Ij sedes suas, regnante tum Lechone apud Polonos, in ea parte Arabiæ, quæ Petræa dicitur, habuere, vocabanturq; ab incolatu loci Arabes: stipendiumque sub Heraclio, tum bellum cum Costrea rege Persarum gerente, merebant. A quo stipendio militari exautorati, vt ignominiam nomini suo iniustam vl-

cisce-

*Proponit se  
de origine  
Saracenorū  
ac Turcarū  
discuturum.*



ciscerentur, Mahometo se adiungunt: qui Meccā, in vrbe opulenta, in tanto dissidio Christianorum de religione, adiutus à Sergio, monacho factionis Nestorianæ, à Christianis diuersa docere cœpit. Arabes enim vana opinione ducti, se vnicos mortalium esse à Sara, vxore Abrahe, genitos, regniq; cælestis legitimos hæredes, opinati sunt: quorum opinioni Muamedes assentiendo, eos ad se pellexit. Vtq; militarem disciplinam inter eos constitueret, multitudini decem duces, ex nobilioribus, potentioribus, ac sibi affinitate iunctis præfecit, eamq; in cohortes ac centurias distribuit: cuius viribus adiutus, Meccā, urbem in Arabia opulentam, demū aliquot oppida capit, ditionisq; suæ facit. Hinc facilè tota Arabia potitus, venerabilem se tot populis præstitit. Post cuius mortem, apud Saracenos, pontifices ad Caliphum, seu Mustacenum, in Perside potentes fuere. Hinc Africa potiti, pariter cum magna parte Hispaniæ, sæpe Siciliam, quondā populi Romani, victoris tot gentium, Prouinciā, Italiā, Galliam, infestarunt. Quorum audaciam Carolus Magnus armis vix repressit. Pòst, anno Christi nongentesimo supra octogesimū primum, vel pauld plus, minúsve, Scytharū multitudo, qui præceteris ad orientē vergūt, circaq; Tanaim sedes suas habent, domo profecta, sine duce, sine legibus, vagi, dispalatiq;, ex raptu, prædaq; aliquandiu vixerunt: donec Persas, qui tum Saracenis subiecti erant, bello adorti, eorum urbem magnam & opulentam, Turcem nominatam, occuparunt: à qua se pòst eodem nomine Turcas, seu Turcos, dici voluerunt. De Turcarum origine alios diuersa tradidisse video: quos aiunt ex Caucaſi portis egres-

*Opinio Arabum de sua stirpe.*

*Potētia Saracenorum.*

*Asia à Tur-  
cis occupa-  
tur anno  
Christi 844*

fos, primùm finitimas gentes, & in his Armenios, in-  
ualisse: inde minorem Asiam, abhinc anno Christi  
844. ab eis occupatam fuisse. Quæq; ipsi de se memo-  
rant, nō omnino diuersa à superioribus esse videtur,  
quorum hæc sententia est. Gentis authores suæ, ex  
Caspijs montibus ac finitimis pulsos, in Persidem &  
minorem Asiam descendisse: nec prius apud eos re-  
giam familiam cœpisse, quàm sint è Scythia profecti,  
cùm antea sine duce, sine legibus viuerent. Inde (vt  
sunt humanarū rerum vices) ex cuiusdā Othomani  
succellu, celebrari vnā familiam cōtigisse: ex qua  
reges, demum Cæsares creare cōsueuerint, & hodie  
creent: idq; ita accidisse memorant, vt tres numero  
fratres, in ampla & regia fortuna à patre relictī, cū  
vicissim imperitare cœpissent, siue pudore impedi-  
ente, siue metu, quā parum tutum esset nō cede-  
re ætati: duo minores natu, Aleus & Othomanus,  
regno maiori fratri relictō, domo vterq; cum manu  
sua profecti, hic Cappadociam, Galatiam & Bithy-  
niam occuparit: ille Carmaniam, Lycaoniam, & eas  
terras quæ Tauro adiacēt. Et hæc Turci de se memo-  
rant: quibus perbellè se Scythas esse fatentur. Cælius  
Curio, qui Saracenicam historiam scripsit, de origi-  
ne gēris, eorumq; regibus prorsus diuersa tradit: qui  
vult Turcas originem stirpis ab Hunnis sumere, nec  
apud eos tum primū Othomanum regnasse, sed  
longè antè, ante Trangolipicem Mucaletum. Ete-  
nim Saraceni, in aliquot factiones principū, qui tum  
totam Persidem pariter cum Africa obtinebant, di-  
uisi, inter se domestica bella gerebāt, seseq; ciuili fer-  
ro cōfodiebāt: orto igitur bello inter Muhumetum,  
qui tum in Perside regnabat, & Babyloniu Calysam,  
Muhu-

*Sententia  
Curionis de  
origine  
Turcarum.*

*Trāgolspix  
primus rex  
Turcarum.*

Muhumetes ad se Trāgolipicem, qui è Caucasi mō-  
tis angustijs cum Turcica multitudine egressus, circa  
fines Persarum vagabundus degebat, accersit. A quo  
adiutus, Calysam facile vincit, superatque. Turcæ  
igitur ex Perside cum duce suo regredi volentes,  
transitumque sibi tutum per pontem qui Araxi flu-  
mini impositus erat, concedi à Muhumeto postu-  
lantes, (quos ille apud se retinere cupiuit, vt opera  
eorum contra Indos vteretur) id se facturum detre-  
ctat. Illi, simul ira, indignationeq; accensi, (quorum  
solum tria millia erant) veritiq; grauius periculum,  
in Curbātidem solitudinem sese subtrahunt, indeq;  
crebris excursionibus agros Saracenorum depopu-  
lantur. Quorum ferociam Muhumetes reprimen-  
dam ratus, triginta millia Saracenorum cum certis  
ducibus ad eos delendos mittit. Sed Turcæ, audito  
aduentu eorum ad se, in densiores solitudines sese  
subducūt, vt captata occasione Saracenos opprime-  
re possint. Nec consilium euētus moratus est. Nam  
exercitus Muhumetis, Turcas metu celsisse ratus,  
nullis stationibus habitis, ab eis per insidias contru-  
cidatur. Hac tam insigni clade suorum Muhumetes  
irritatus, comparata ingenti manu suorum, ipsemet  
cōtra Turcas, quorum iam exercitus ex collumie tot  
gentium creuerat, proficiscitur. Quibuscū non me-  
liori euentu collatis signis acriter dimicat. Nam Tur-  
cæ, assueti Saracenos vincere, Muhumeto occiso, qui  
equo lapso ceruices, cū suos ad acriter prēlium in-  
cundum adhortaretur, fregerat, ex Saracenis facile  
victoria potiuntur. Cuius admiratione Saraceni de-  
fixi, illū ipsum ducē Turcarum, Trāgolipicē, regem  
apud se creant: qui accepta pariter cum suis religio-



*Origo nomi-  
nis Sultani.*

*Turca à Scy-  
this in Per-  
siae deletis,  
anno Christi*

1240.

*Turca vires  
recuperant.*

ne Mahometana, vnà cum Saracenis in vnum cor-  
pus Reip. coaluit. Trangolipix igitur à Saracenis in  
Perside rex factus, omnes magistratus, dignitatesq;  
à Persis in suos transfert, indigenisq; Persis, quorum  
reliquia adhuc supererant, oppressis, inter suos ac  
Saracenos vniuersam Persidem diuidit. Quoq; fini-  
timis terribilior esset, à suis nouo nomine Sultanus  
(quod nomē lingua Latina summum imperatorem  
sonat) appellatur. Qui post per manus posteritati suę  
regnum tradidit. Ac ne qua inter Saracenos ac suos  
discordia esset, omnes Turcas, à ciuitate quę in Persi-  
de diues opum fuit, appellat. Turcæ, tanta potentia  
aucti, illos ipsos Saracenos qui in Africa potentes e-  
rant, adorti, cum eis societate ineunt, simulq; armis  
iunctis, Constantinopolitanis imperatoribus, reli-  
quoq; Romano imperio, terrori, formidiniq; quod  
ad Germanos trāslatum fuit, fuere. Durauit poten-  
tia Sultanorū Turcarum vsq; ad bellum Scythicum,  
seu Tartaricum, quod Scythæ Turcis illis qui Persi-  
dem obtinebant, anno Christi 1240. intulerūt. Qui-  
bus deletis, (quo etiam tempore vniuersa Polonia,  
vino rege Pudico, ab eisdem Scythis magnā cladem  
acceperat) vix ex tam numerosa multitudine pauci  
eorum relictī fuere: qui infima plebe sibi ascita, nil  
secum præter arcum ac pharetram gestātes, latroci-  
nari cœperunt, nec vllō rege vsi sunt. Nihilominus  
nomen Sultanorum manit penes illos Saracenos  
qui in Africa erant: qui se antiquo nomine Sarace-  
nico quā Turcico appellare maluerunt. Turcæ  
igitur latrocinij assueti, angustias montiū insident;  
ex eisq; finitimos agros, & Romani imperij vrbes  
crebris incursionibus vexant. Non tamen viribus

Scy-

Scytharum, quibus finitimi erāt, pares esse poterāt: quos illi ad finitima Græciæ pellebant: & quā infirmi contra Scythas erant, tam fortes contra Græcos existerant: adeo ut tandem etiam cum Græcis Cæsaribus ad aperta bella deuenirent: quorum copijs sepe deletis, Romanas prouincias depopulabātur, ad Sangariumq; amnē vsq; populatione peruenerunt. Hinc à mari Pōtico atq; à Galatia ad Lycium atq; Carium mare, & Eurymedontem fluuium, omnia ditionis suæ fecere: veterisq; nominis sui memores, quod fortassis in gēte non abolitū fuit, Turcas se appellant. Quoniam verò se cōmodè sine ducibus viuere nō posse vident, sex potissimū è numero suo legūt: inter quos omnes prouincias, quas breui temporis spatio consecuti sūt, partiuntur, eorumq; imperio se subijciunt. Caramanū Alisurium: cui Phrygiā mediterraneam, Philadelphiam vsq; & prope Antiochiam ad Mæandrum fluuium sitam, (à cuius nomine pōst illa tota regio Caramania appellata est) concedunt. Saraconem: cui quicquid est Smyrnam vsq; ad interiorem Ioniam oram, dant. Safanum: cui Magnesiā, Prienen, Ephesum largiuntur. Calanum, eiusq; filium Cerasum: cui Lydiam, Ætoliam, Mysiam quæ est ad Hellespōtum sita, impertiuntur. Armarij filios: quibus eas terras quæ à flumine Sangario ad Paphlagoniam vsque extenduntur, frundas permittunt. Atmanum, seu Orthomanum: quem omnibus regionibus quæ circa Olympum sūt, præficiunt. A quo Orthomano hodierni Turcici Cæsares hinc ab Christi regis ortu 1301. originem sumunt: à quo tam Italici quā Germanici scriptores historiam suam inchoant. Atque hæc quidem

*Tarca inter  
suos duces  
imperium  
partiuntur.  
Caraman  
regnum.*

*Saraconis.  
Safani.  
Calani.*

*Armarij  
filij.  
Orthomani.*

*Orthomanus  
regnare co-  
pit an. Chr.  
1301.*

*Othomani  
imperium  
ac felicitas.*

*Orchanes  
Othomano  
succedit.*

*Baiazethes  
à Tamberla-  
ne captus,  
anno Chris-  
ti 1392.*

*Amura-  
thes.  
Mahome-  
tes 2.*

origo Turcarum, eorumque regum successus mihi  
verior, ut Cælius tradit, esse videtur, quàm quòd pri-  
mò ad Othomanū referatur: siquidem illi longè an-  
tè Turcicis Sultanis, quemadmodū ex superioribus  
liquere puto, hinc ferè à sexcentesimo anno si sunt.  
Othomanus igitur præ illis reliquis, inter quos Tur-  
cicum imperium diuisum fuit, longè gloria rerum  
gestarum superior fuit: quibus non multò pòst bel-  
lo illato, eidem iugum imposuit. Nec hic successus  
ipsius solūm cōtra Turcicos imperatores fuit, sed &  
cōtra Christianos: inter quos cum discordia glisce-  
ret, Bithyniam & omnes circa Pontum prouincias,  
decem annorū spatio (tandiu enim rex fuit) ditio-  
nis suæ fecit. Filius huius Orchanes, paternæ virtutis æ-  
mulus, bellum per manus acceptū strenuè est exe-  
cutus: miraq; felicitate Mysiam, Lycaoniam, Phry-  
giam, Cariam, subegit: armaq; sua in Hellespontum  
vsque ad Euxini littora promouit. Post hunc alij qui  
regnarunt, celeri cursu victoriæ, vti mira felicitate,  
tot populos vsque ad Baiazethem subegerunt: cuius  
Tamberlanes, Scytharū rex, obscuro loco ortus, im-  
perium adeò labefactauerat, ut eodē capto, caueatq;  
incluso, eum in ludibrium per totam Asiam secum  
duceret: cui si quando equus conscendendus erat,  
tergo ipsius pro scabello vsus fuit. Pòst Amurathes  
exercitū in Europam depottauit. Mahometes verò  
secundus, Cōstantinopolim, toties armis Saraceno-  
rum oppugnatam, (quæ olim Byzantium dicta fuit)  
occupato regno Trapezuntis, nomineq; Cæsaris oc-  
cidentalis assumpto, Græciam omnem, Thraciam &  
Mysiam, seu Valachiam, cū Illyrici parte, & ad Istrum  
latè omnia per Pontum occupauit. Tam insolenter

Maho-



Mahometes accrudeliter, capta Constantinopoli, *Constantino-*  
victoriam exercuit, vt omnibus Christianis gladio *polim cepit,*  
dissectis, Constantinum eius vrbs Cæsarem inter- *anno Christi*  
fecerit, eiusque caput ludibrij causa pilo affixum in *1453.*  
castris circumferri iusserit. Post sæuitia sua in nobili-  
tatem conuersa, omnes inter cōiunia per ludibrium  
contrucidauit. Magna iam tum potentia, post impe-  
rium occidentis à Turcis occupatum, Cæsarum Tur-  
carum fuit: quam duo potentissimi reges non me-  
diocriter infringebant: quorum alter Asimbæus, *Duo reges*  
quem Vscanassanum, quali heroa magnum, Persæ *potentiam*  
appellabant, fuit: qui in Parthia & Perside regna- *Turcarum*  
bat: cuius regnum ibidem initium à Mutare sum- *infringunt.*  
sit: quem Iozedus, filius Muabiæ, qui post Mahome- *Asimbæus*  
rem Saracenis præfuit, præfecit. Sed Mutaris regnū *Turcarum*  
in Perside apud Saracenos propemodū extinctum *hostis.*  
fuit: quod post longam seriem annorum à quodam *Initium re-*  
Sopho, qui in Perside Ardenolim oppidum tenuit, *gni Asimbæi,*  
ab anno Christi 1480. qui Mahometanæ religionis *Sophæ origo.*  
erat, renouatum fuit. De Sophi pietate ac sanctitate, *Sophianorū*  
tanta opinio apud vulgum fuit, vt magno numero *regnum in*  
mortalium ad se pertracto, ab eo tēpore in Perside *Perside, an-*  
reges qui Sophini appellantur, regnent. Ibiq; stirps *no Christi*  
Saracenica, quæ à Turcis extincta erat, renouata fuit: *1480.*  
acerrimaq; bella vsq; hætenus cū Turcicis impera-  
toribus gerunt: quorum vires non mediocriter, si  
quando bella eis hic in Europa cum Christianis ge-  
renda sint, distinentur. Alter, Sultanus in Ægypto:  
quorum Sultanorum nomen ab illis Turcarū regi-  
bus, qui idē nomē à primo rege Trangoliplice sum-  
pserunt, desumptum est. Obtinebant nōnulo tem-  
pore Ægyptum Hierosolymitani reges: quæ eis

*Secūdus rex*  
*Sultanus*  
*Turcarum*  
*hostis.*

*Saladinus  
regnum Æ-  
gypti occu-  
pauit, anno  
Christi  
1105.*

à Saladino hinc ab anno Christi 1105. qui stirpis Turcicę fuit, erepta erat. Qui, incolarum mollitiem pertæsus, Calyfaq; (fuit id nomen pontificis summi apud Saracenos) vnà cū vniuersa stirpe deleta, siue à nepote ipſus, nouum genus militiæ ibidem instituit. Nam cū populos, qui magis ad septentrionē vergunt, australibus ad belli vsum aptiores esse videret, subitò cum populis quibusdam circa Męotim & Pontum sedes habentibus, qui à veteribus Zigi, à nostris Circassi appellatur, scđus in it: à quibus emptis pueris, adolescentulis, eos in Ægyptum perducit: quos ab ineunte ætate in militari disciplina erudit: armorumq; vsum edocti, ad eò hic in Ægypto ordo creuit, vt penes eos solos armorū vsus, ac belli potestas, omniumq; dignitatum, fuerit: qui Mamaluchi, id est, serui, sunt appellati. Pòst, Saladini stirpe in Ægypto, anno à nato Iesu Christo 1400. extincta, ad eos Mamaluchos regnum Ægypti trāslatum est: qui è numero suo rege creato, terribiles ac formidolosi Turcicis imperatoribus fuere. Arque eo tempore in oriente tria regna solū potentissima, certis limitibus terminata fuere: Sophianorum, qui in Perfide, Media, Mesopotamia atq; Assyria regnabant: Sultanorum Ægypti, qui à Cyrenæis Africa, per oram maritimam liliicum sinum, qui Ciliciam à Syria disiungit, & introrsus hinc ad Euphratem & desertæ Arabiæ terminos, illinc aduerso vsq; ad arenarum solitudines, læua, dextraq; per Arabicum sinum ad Erythræas angustias extendebatur. Turcarum Cæsarum, quicquid Euphrate, & Amanomonte, Cilicioq; mari ac Euxino continetur, erat: hisce adde Græciam omnem, Thraciam & Mysiam,

quæ

*Regnum So-  
phianorum.  
Sultanorū.  
Turcarum  
Cæsarum.*

que Valachia vocatur, cum Illyrici parte, & ad Istrum  
late omnia per Pontum, vsq; ad Theodosiam, Thra-  
cie Cherfonesi emporium. Siq; ea concordia Chri-  
stianorū regum fuisset, vt omnibus ex partibus Tur-  
cas aggressi essent, facile eos non solum è Græcia, sed  
& ex Asia ultra Caucaſum montem, vnde primò e-  
gressi fuerant, pellere potuissent: cum & Scander-  
bechus, Epirotarum regulus, cōtra eos feliciter bel-  
ligerabat: quorum tum supra trecenta millia ad in-  
terneccionem dedit, ipseq; Amurathes sub mœnibus  
Croia Turcarum imperator expirare coactus fuit.  
Sed illi successus Scanderbechi contra Mahometem  
non profuerunt. Post cuius mortem, ab eo capta  
Epiro, exercituq; Persarum regum deleto, Turcica  
vires à Sultanis Ægyptiacis haud sustineri poterant.  
Nam Selymus, Baiazethis filius, gloria & impetij a-  
uidus, bello Campſoni Sultano Ægypti illato, eum  
interemit. Post cuius interitum Tomumbeium à  
Mamaluchis constitutum, non solum regno, sed &  
vita, omnibus Mamaluchis deletis, spoliauit. Hinc  
ferro in promiscuam multitudinem conuerso, vni-  
uersum nomen Sultanorum funditus sustulit, vni-  
uersa Ægypto potitus, illaque parte Mesopotamiae  
in qua Hierosolyma fuit, quæ tum deserta, incultaq;  
erat, nec à Iudeis, veteribus incolis, qui tum toto or-  
be extorres, in admissi sceleris pœnā, nec sedem, nec  
patriā habebant, habitabatur. Huius filius Solyman-  
nus, memor virtutis paternæ, Rhodum imperio suo  
memoria patrum adiunxit: Vngariæque bello illa-  
to, cum antè Vladislaus, patruus Sigismundi, qui  
tum & rex Vngariæ & Poloniæ fuit, ab Amura-  
the, omni exercitu ipsius profligato, interemptus

*Selymi bel-  
lum contra  
Campsonem.*

*Successus So-  
lymanni.*



*Selymi im-  
perium.*

fuert, cum Ludouico, nepote Sigismundi primi, regis Poloniae, collatis signis, fortiter dimicauit: in qua pugna tristi, Ludouicus, omnium cum acerbo desiderio, interijt, suiq; in animis omnium triste desiderium reliquit. Hinc per speciem ferendi opem Isabellae, ac Ioanni filiolo, in cunis vagienti, contra Ferdinandum tum regem Vngariae, Budam cum adiacetibus locis occupauit, Selymoq; filio amplum ac florens imperium, Caroli Caesaris in Africa saepius classe in alto, Venetorumque depressa, reliquit. Qui Venetis erepta Cypro, supremam cladem luoniae, perfidia Czarnieuecij adiutus, attulit. Vnde quiuis facile iudicare potest, impiam Turcicam gentem, à tenui principio ortam, ad tantam amplitudinem imperij nulla alia re, solum per scelus ac per fraudem, Christianorum discordia subnixam, occupato regno Aegypti, omnibusq; prouincijs quae Sultanorum erant, peruenisse: quod Alexandri Magni, Romanorumq; potentiae comparari potest, ne dicam anteferri. Quod non tam facile vnusq; viribus infringi potest, solum consensu omnium Christianorum: qui in tanta eorum discordia nunquam opinor, futurus est: imò inter eos magis discordiam gliscere videmus, quae eos ad ciuile ferrum, domesticumq; sanguinem effundendum adducit. Sed nos cœptam historiam cōtinuemus, ad luoniamq; vnde digressi sumus, reuertamur.

*Redit ad his-  
toriam.*

*Oratio Iuo-  
niae ad Czarnieuecij.*

Iuonia post tot ex Turcis partas victorias, ad se Ieremiam Czarnieuecium Barcabalum, praefectum arcis Chocimensis (eo enim nomine praefecti arcium lingua Valachica appellantur) accersit, sicq; verba fecisse in cōspectu omnium dicitur: Cum optatis nostris fortuna, Czarnieueci, successibusq;, quibus contra  
Turcas

Turcas, crudelissimos hostes, hæcenus vñ sumus, respondeat: est quòd gratis animis id prosequamur, ipsiq; Deo Opt. Max. perpetuas ac sempiternas gratias & agamus, & habeamus, quòd res nostras contra hosce terribilissimos hostes secundat, nobisq; ex eis tot, tantarumq; victoriarum author est. Nunc quid aliud restat, nisi vt exercitum tot laboribus fatigatū domum remittam, proficisci que patiar, vt, cū ad nostras aures de aduentu Turcarum peruenerit, illico ad primum signum, quod classico dabitur, recreati adsint. Tu verò, cuius fides erga me constans fuit, hunc exercitum à me (erant autem Valachorū tredecim millia, armis, virisq; instructa, qui cuiq; validissimo hosti opponi poterant) cape: quocum ad Danubij ripam proficiscere, transire que, si eum Turcæ tentare velint, arce. Est ibi in proximo ex altera parte super Danubium, oppidum Oblacienſe, Turcarum ditionis: in quod tu intentus eris, (ne alibi vado Turcæ reperto, Danubium traiciant) meq; de eorum aduentu quam primum certiore facies. Postquam hæc Iuonia dixit, multistum hæc verba lacrymas excusserunt. Demum osculo Czarnieui-  
cium excipit, vt eum maiore obsequio sibi deuinciret, obsequētioremq; redderet. Ille poplite flexo, fidem, operamq; ei suam pollicetur. Iuonia cōmisso exercitu Czarnieuiocio, alijs nonnullo temporis spatio vacationem militiæ concedit, eosque domos reuiscere iubet, vt reſectis corporibus labore fatigatis, & obſonijs acceptis, quamprimum signum daretur, omnes equis, armisq; instructi, ad persequēdum hostem conuenirent. Czarnieuiocius, accepto exercitu, ita vt iussus erat, Danubium versus profi-

*Omnium  
lacryma  
præſentis  
frandis  
Czarnie-  
uicij.*

ciscitur, stationes intentissimè agit, ne quis Turcarum Danubiũ traiciat. Adfuit eorum infinitus numerus, qui non auli Danubium tranare erant. Quo viso, Bassa certos internuntios ad Czarnieuihium mittunt: eisque triginta millia nummũ aureũ Vngaricorum dant, vt quoquo modo animo Czarnieuihij tentato, ad ipsos colloquendi gratia occultus veniat. Ille, magnitudine pecuniæ illectus, fidem dat se venturum, pecuniamq; missam accipit. Hinc occultè, suis inscijs, in colloquium cum Petro Palatiniade Valachiæ Transalpinæ, qui trans Danubium cum magnis Turcarum copijs erat, venit. Coram quo Petrus, in quo & quanto periculo Iuoniæ res constitutæ sint, commemorat. Ostendit quàm in eum Selymus animo offenso, exacerbatoque sit, quòd ipsius tributarius tantos exercitus deleuerit: eum Selymò aliter nõ posse satisfacere, solum pœna capitis: nec ampliùs dominatum Valachiæ obtinere posse: se certo certius genti illi imperaturum. Proinde (inquit) si sapias, cùm adhuc integræ res sunt, animum Selymi nouo ac recenti aliquo beneficio tibi cõcilia. Omne bellũ sumi faciliè, ceterum agerrimè desinere: non in eiusdem potestate initium eius ac finem esse: incipere cuius, etiam ignauo, licere: non deponi nisi cùm victores velint. Habere illum magnam opportunitatem & copiam societatis, atq; amicitiae secum coniungendæ, quæ bello potior sit. Et quamuis Iuoniæ opibus consideret, tamen nõ debere incerta pro certis ponere. Nunc accepisti triginta millia nummũ aureũ: pòst plura accipies. Proinde si tibi consulere vis, ne florentes res tuas cum Iuoniæ perditis misceas: verum liberè

Turcas

*Bassa Czernieuihium  
ad defensionem sollicitant.*

*Colloquium  
Petri cum  
Czarnieuihio.*



Turcas omnes per Danubium transire permittas. Se enim cum ingenti exercitu ad occupandam Valachiam à Selymo, capiendumq; luoniam mitti. Vbi, cōsecuto Palatinatu Valachia, tu quaq; summa adepturus vnà cum tuis es. Opus igitur esse vt aduētum Turcarum coram luonia tantisper occultet, & à Danubio abscedat, dum per ipsum vniuerso exercitu traiecto pōst luoniam facile capere, ipsiusq; vniuersum exercitū opprimere, cladesq; acceptas superiores vna hora vlcisci possint. Histot, talibusq; precibus & blanditijs, lacrymas addit, oratq; Czarnieuiecium, vt quamprimū agnoscere suorum à Danubio remoto, tutò cum Turcis flumen vorticosum transire possit. Czarnieuiecius, Petri promissis inescatus ac infatuatus, accipit conditionem, quamq; iure iurando fidem confirmatā luonia dederat, eam frangit. Hinc ab ea parte Danubij vbi stationes diligenter suorum agebat, agnoscere seducto, liberum per flumen transitum Turcis permittit. Erant Turcarum ducenta millia, qui cum tormentis muralibus, omniq; apparatu oppugnandarum arcium, Danubium tranauere. Transmisso Danubio, iubent vt Czarnieuiecius luoniam ea de re certiore faciat. Hic celeriter ad luoniā veniens, narrat qua ratione Turcē multitudine suorū subnixi, Danubium trāsierint, quib. ille nulla ratione obfistere potuerit: quare luonia bene rebus suis consuleret, si quāprimū cum exercitu adesset, eorūq; conatibus primis obuiam iret, suasq; infirmas copias inuaret. Non sine læritia hæc luonia audiuit. Quare plenus bonæ spei, Czarnieuiecium quis & quantus hostium numerus sit, percūctatur. Sunt (inquit) decē; nec amplius duo-

*Lacryma  
Petri.*

*Dolus Czarnieuieci.*

decim millia. Sed antequam tu cum copijs aderis, in horas numerus eorum augebitur, & ad quindecim millia excrescet. Erat Iuonia vnà cum suis Kosacis ad arcem Teinicensē, quam expugnare voluit. Demum conuocato senatu, qui tū cogi potuit, omnes, quid sibi faciendum esset, consulit, an arcem prius expugnare deberet, vel hosti tot cruentis prælijs irritato occurrere, eiusq; copias in fugam conuertere. Ibi omnium vna ac eadem sententia erat, vt prius hostilem exercitum dispalaret, deleretq;: quo deleta, post arces expugnaret. Quorum consilium ille secutus, habita peditum ratione, quarta demum die, ad castra hostium, quæ à suis duodecim milliaribus aberant, cum cantu cornicinum, tubicinumq; peruenit. Nona die Iunij, eiusdem anni, castra ab hoste ad tertium lapidem Iuonia ponit: ibi velites simul conueniunt, de summa rei consultaturi. Se quidem paratis animis contra acerrimum hostem, tot prælijs irritatum, proficisci: verum se neminem habere qui linguæ hostium gnarus esset, Iuoniam nescio quo cōsilio fretum, totam rationem belli certis hominibus credidisse, in primis verò Czarnieuiécio, cui nos omnino fidere nolimus. Quare in tā rebus nostris dubijs ac plenis periculi, vt ipsimet cum Iuonia colloquamur, necesse est. Igitur ad eum citato gressu veniunt, factaq; potestate dicēdi, sic Suiereceuius pro omnib. verba fecisse dicitur: Illustri Palatine, nos hætenus fidem tuam secuti, tecum contra hunc crudelissimum hostem, locia arma iunximus: in quibus ferendis quæ & quāta opera nostra extitit, optimè nosti. Huc iterū à te contra eūeducti, ad interfectionē cū eo dimicare parati sumus: nec illi iter

*Consultatio  
Kosacorum.*

in Valachiam patet, solùm per stragem cadauerum nostrum: solùm nobis necessariò providendum ac cogitandum est, ne temere in prælum ruêtes, nullo consilio hostium cognito, quantus eorum numerus sit, quis castrorum tractus, in insidias præcipitati, ab eis instar belluarum mactemur. Quare quod tibi consilium belligerandi cum eis sit, effare, proloquereq; Iuonia oratione Suierceuij commotus, alta suspiria ex intimis præcordijs ducens, paucis ac breuibus responder. Et virtus mihi vestra, equites fortissimi, vita mea mihi cariores, nota, perspectaque est, (cuius spectator fui) & totius belli omnia consilia nota. Non igitur obiectos vos temere cædi hostium velim, sed consilij eorum prius exploratis, nos cum eis dimicare velim. In proximo Czarnieuicius cum exercitu meo est: qui in hostem intentus, omnia consilia eorum cognita habet. Nec ego tantam rem cuius commisi, sed huic, cuius mihi fides semper in dubijs ac difficillimis rebus perspecta est: quem comitem tot peregrinationum mearum, propemodumque exilij habui. Ipsemet modò ad me retulit, Turcarum non esse amplius quàm quindecim millia. Qui etiâsi triginta essent, eos nos diuino auxilio freti ad satietatem cædemus. Hæc ubi respondit, vt in eo loco sese cum vniuerso exercitu contineret, Iuoniam Suierceuius orat: se cum suis aduersum hostem profecturum, vt aliquê ex castris ipsorum capere possit, certioraq; de consilio hostiũ explorare, cognoscereq; Iuonia prompto, alacrique animo concedit: cui Veremiam cum sex millibus Valachorum, magistrum equitum adiungit. Qui simul profecti, in speculatores Turci-

*Responsum  
Iuonia.*

*Iuonia  
Suierceuij  
contra ho-  
stes mittit.*



cos, quorum agmen sex milliū fortissimorum equitum erat, incidunt. Subito cum eis prælio inito, eos pallant, in fugamque conuertunt: è quorum numero vnum capiunt: qui tot, tantisque vulneribus affectus, cum sese subito moriturum præsentit, simulater narrat paucos Turcas esse in armis. Sed velites, ficta eum narrare animaduertentes, nec contemnendum numerum esse hostium coniicientes, qui in tantam multitudinem speculatorum inciderrint: subito de hisce Iuoniam certiore faciunt, vt rebus suis consular, quidque fidendum Czarnieui-  
cio sit, etiam atque etiam cogitet, videaturque. Qui nil aliud respondisse dicitur, solum illud: iam non est vt perturbemur, aut horrescamus. Ego scio cui fidam: breui numerum hostium ipsi cognoscemus. Ego enim eo animo huc processi, vt patriam meam contra hanc crudelitatem hostium, ad vltimum exitum vitæ tuear, defendamque. Atque ita communis castri-  
stris suorū ad lacum qui ex Danubio profluit, vt opportunam aquationē haberet, iubet equos trecen-  
tos adducere, vt velites eis cum Valachis conscensis, qui superiore nocte Turcas pallauerant, omnes simul contra hostem proficiscantur. Erat prope hostium castra collis arduus ac sublimis: quo conscenso cum socijs, Iuonia hostiū castra contemplari voluit. Sed ea nulla ratione conspici potuit, eò quod in declinui loco posita erant, nec à quoquam è longinquo loco conspici, nisi quis ad ea propè accederet, poterant: solum in diuersis locis quatuor inter se disiunctis, speculatores hostium animaduerti: qui, conspectum Valachorum declinantes, sese in quen-  
dam tumultum per diuersos tramites, qui non pro-  
cul

*Iuonia re-  
sponsum.*

*Profectio  
Iuonia con-  
tra hostem.*

*Iuonia ho-  
stium castra  
contempla-  
tur.*

cul à suorum castris erant, abdunt. Iuonia, propè hostem adesse suspicatus, totum exercitum suum, (erat autem triginta millium) quoniâ multitudine abundabat, in triginta turmas, per intervalla disponit. Ante singulas turmas tormenta muralia miræ magnitudinis collocat. Erant autem octoginta, quæ ex sese globos igniferos euomebant. Pedites similitudine ab equitibus semotos, quorum magnus numerus erat, disponit: qui Iuoniam apud se retentum, ad equites haud patiuntur progredi, non mediocriter de vita ipsius, ne à primoribus deceptus, viuis in potestatem Turcarum veniret, pertimescentes: solum ad Kosacos Polonos cum interdum, eum committere patiuntur. Nam pedites, gens rustica, singulari fide ac animo in Iuoniam fuere: quorum arma, falces, arcus, gladij reflexi, Turcicorum similes, ac fustes erant. Instructa acie, firmissimisq; subsidijs firmata, Iuonia, antequam signa canerentur, iterum collem arduum, ut ex proximo loco castra hostium contemplaretur, conscendit: quorum multitudine præter spem ac opinionem visa, cognoscit, se esse à Czarnieuiocio in fraudem inductum: quare eum ad se accire iubet, qui respondet: sibi iam facultatem ad ipsum veniendi non dari, se statim cum Turcis certamen pro incolumitate ipsius initurum. Habuit autem Czarnieuiecius fortissimorum equitum, quibus præfuit, tredecim millia, optimè armis instructa. Cum igitur signa canerentur, Turcæque acie suorum optimè disposita, prælio sese expedirèt, ibi proditor Czarnieuiecius, primus prælium init. Cumque illi dimicandum, congregiendumque cum hoste esset, uti cum Turcis constitue-

*Stratagemæ  
Iuonia.*

*Peditum singularis in  
Iuoniam fides.*

*Iuonia fraudem Czarnieuiecij cognoscit.*

*Iuonia pu-  
gna cum  
Turcis.*

*Magnitudo  
animi Iuo-  
nia.*

*Exitus pro-  
ditorum.*

rat, iubet suos vexillum demittere, & pileos hastis ensibusque impositos, eleuare, ac capita flectere. Ibi Turcæ, animaduersa voluntaria deditione, in sublimē hastis suis erectis, eos ad se trāsire iubēt. Hac tali defectione Czarnieuiacij, exercitus Iuoniæ cōsternatus, omnes retrocedentes, properē ad Iuoniam accurrunt: rem esse perditam narrant. Quorum ille vocibus minimē consternatus, (ut erat in rebus dubijs, subitisque intrepido animo) eos id pro nihilo ducere, ac contra Turcas sese expedire iubet. Sed Turcæ, postquam turmas Valachicas trepidare vident, agema suorum contra eos mouent: ante se illos ipsos Valachos propellunt, ac tergiuersantes cadunt. Quibus Iuonia visis, ira percitus, in eos vim tormentorum exonerare iubet. Sic illi partim à suis, partim à Turcis in medio cāsi fuēre. Turcæ verò proditorum terga secuti, eisque tecti, per stragem cadauerum ad exercitum Iuoniæ, sanguine eis iter, qui instar riuī ex cēsis Valachis fluebat, intercludente, peruenēre. Quos Kosaci, more solito, à lateribus aggressi dissipant, non mediocriterque turbant. Adiunt alij Valachi, animo, armis, vigore, ac viribus corporis, Turcis longē superiores: qui sibi aditu parafacto, Turcas egregiē cēdunt. Hinc clamor permixtus hortatione, latitia, gemitu oritur: item strepitus armorum ad cælum ferri, sagittæ utrinque volare cœperunt. Non sustinuēre vim Valachicam Turcæ: subito terga, seu timore perculsi, seu data opera, dant: ac quingentos passus, ut Valachos ad locum insidiarum pertraherent, ubi vim tormentorū in abditiis locis condiderant, retrocedunt. Sensit eum dolum Suierceuius hostium. Quare sublato clamore,

monet



monet turmas tam Polonicas quàm Valachicas, vt pedem referant. His illi adhortationibus concitati, imminente se periculo manu armata subtrahunt. In hos Turcæ recentes impetum faciunt: sed Valachi eos egregiè sustinent, nullaque memorabili clade accepta, ad castra suorum incolumes reuertuntur. Iuonia ex suorum successu lætus, tam Valachorum quàm Polonorum, iuxta tormēta aciem disponit: vbi singuli impletis pharetris pluribus sagittis, lanceis alijs acceptis, intenti in hostem erant. Turcæ recentibus viribus feroces facti, subitò in Valachos irruunt. Quibuscum fortiter congressi, nullius imminētis periculi ratione habita, displosis tormentis in Valachos, eorum aciem non mediocriter turbant. Quorum conatibus Valachi obuiam euntes, fit atrox pugna, eademque propemodum par. Cadebant præcipites tam Turcæ quàm Valachi ex equis: iam vires viris, iam ferro sua vis deerat. Tantus puluis è tormentis, è quibus crebri, violentiq; globi emittebantur, excitatus fuit, vt ipsius densitas solem obscurauerit: nec vlla vox hominum in tanta multitudine exaudiri potuit, nec quisquam à quoquam videri: nec magistri tormentorum, in quam partem eis globi mittendi essent, scire. Nec in tam aspero negotio Iuonia territus, suisque succurrendum ratus, sublata voce proclamat, vt retro post tormenta cedant, vexillaque sequantur. Turcæ quoque retro cessere. Oppidani Oblacienses, tantam atrocitatem pugnae ex oppido spectantes, cernentesque copias Turcarum à Valachis prægrauari, fugam parant. Est id oppidum trans Danubium, ditionis Turcarum: ex quo effusa multitudo, in remotiora Turciæ fugit.

*Pugna Valachorum cum Turcis.*

*Stratagema Iuonia.*

*Iuonia suas renocat.*

*Vis imbris.*

Postquam quasi ex composito, ab utraque parte ab armis discessum fuit, repente ingentibus procellis fusus imber: quo vniuersa agmina tam Valachorum quam Turcarum perfusa fuere: illeque totus pulvis, ingenti boatu tormentorum, & pedibus dimicantium excitatus, in terram delapsus, discussus fuit: sed maximo detrimento Valachica tormenta affecit, quæ eis magno adiumento contra omnem vim Turcicam fuere. Nam ea caelesti aqua perfusa, globos emittere nequibant. Hodiernorum tam muralium, tam eorum quibus, tam equites quam pedites utuntur, apud veteres nullus usus fuit. Non ita pridem hæc sunt, circiter annum millesimum, trecentesium, supra septuagesimum sextum, inuenta. Quæ accepta primò Veneti à Germanis, hisce in eo bello vñ sunt, quod contra Genuenses ad Clodiam fossam gessere. Primi tormenti inuentor fuit quidam Germanus, cuius nomen à scriptoribus non proditur: cui casu in mentem venit tale quid in perniciem hominum inuenire. Fertur enim feruasse domi in mortario puluerem sulphureum, cuiusdam medicinæ causâ faciendæ, illumque texisse lapide: ac inde contigisse, ut cum ignem propè ex filice exouteret, scintilla nitro inciderit, subitoque flamma concepta, eadem eruperit, atque lapidem in altum tulerit. Quam ille rem penitus considerans, postea ferrea facta fistula, & puluere confecto, machinam reperit: in quam immisso prius pulvere, demum globo igne admoto, ex eo sonitum terribilem, eundemque violentum edidit. Huius usus est apud omnes gentes: formæ sunt varix, ad expugnandasque yrbes aptissimæ, ut in eis

*Tormento-  
rũ & sus ca-  
pit an. Chri-  
sti 1378.  
Germanus  
inuentor pri-  
mi tormen-  
ti.*

*Bombarda-  
rũ Scilicet.*

omnis

omnis vis peditum, omnis equestris splendor, omnis-  
 deniq; bellica virtus constet. Cum violentia pulue-  
 ris globus excutitur, quicquid obuiū offendit, quas-  
 sat, dissipat, frangit, contundit: adeo ut nullus locus  
 sit, quamuis natura munitus, qui non facile expugne-  
 tur. Is igitur machine huiusmodi repertor, pro mer-  
 cede (ut opinor) accepit ut nomen eius silentio per-  
 petuo premeretur, ne omni tempore à cunctis mor-  
 talibus diris deuoueretur: dignus scilicet qui prior  
 ipse vice Salmonei, fulmine flagrasset: (Salmoneus  
 enim, Æoli filius, cum Iouem vellet in fulminibus  
 iaciendis æmulari, ab eo de cælo tactus, detruditur)  
 quando hæc fulmini, odore, luce, sonitu, impetu si-  
 millima est. Sed nos ad institutam historiam reuer-  
 tamur. Irritatis tam Valachicis quam Turcicis ani-  
 mis certamine, etiā acrius concursus est. Nam Tur-  
 cæ, eductis suorum viginti millibus in aciem, in læ-  
 uam partē, ubi tormenta Valachica disposita erant,  
 profiliunt. Ibi Valachi in eos tormenta displodere ne-  
 queunt. Nam iam à cælesti aqua corrupta fuerant.  
 Nihilominus mutuò sese cohortātes, in Turcas ma-  
 gnum impetum faciunt, cum eisq; ad ultimam defa-  
 tigationē dimicant. Subito adsunt Scythæ, cū recen-  
 tibus copijs Turcarū: qui, cum sese nullo à tormen-  
 tis detrimento affici vident, ex inferiore loco per di-  
 uersos tramites in quibus latitabant, egrediuntur. Ibi  
 dissensu clamore perterrefaciunt Valachos, & à tor-  
 mentis remouent, in fugamq; cōuertunt: qui per Va-  
 lachicos patentes cāpos dispalati, instar pecudum à  
 Turcis cæduntur. Nec iam plures ad hoc usq; tem-  
 pus, quam ducenti quinquaginta velites, seu Kosaci,  
 supererant. Sic mutata fortuna belli, vnius perfr-

*Nota de Sal-  
moneo.*

*Redit ad hi-  
storiā.*

*Pugna Va-  
lachorum  
cum Turcis.*

*Victoria  
Turcarum.*



dia Czarnieuiacij: quæ non multo pòst supremam cladem luonia attulit. Nam luonia accurrens, ad reliquum peditatum, & illos ducentos quinquaginta velites (quos Turcæ fatigati cæde Valachorum, aggredi non ausi erant) conuersa oratione sic dixisse fertur: Video, fortissimi viri, nos vnus Czarnieuiacij perfidia in extremum periculum adductos esse: sed vbicunque corpora vestra ferro hostili interfecta iacuerint, ibi & meum inter vestra erit: anima cælum petat. Ad quem ita Suierceuius: Hæc præsens mors, luonia, vti fortes viros decet, nos minimè mouet, modò summa vi innixi, hosce caries, hostes nominini Christiano infensissimos, ad satietatem, antequam nobis intercundum erit, cædamus. Hæc effatus, subitò velites ex equis descendunt, seseque cum peditibus coniungunt: quibuscum simul conglobati, sexaginta tormenta muralia Turcis subtraxere: solus luonia vno arrepto, quod vix duodecim equi trahere poterant (tantæ vires illi fuere) illud trahit. Quo Poloni viso, illud ipsi ademere, leuiori dato. Hinc compositis pedestribus copijs, quorum adhuc erant viginti millia, luonia retrocedit. Quoniam verò tormenta eis maximo impedimento erant, ea abijciunt: sed ita vt Turcis pòst nulli vsui fuerint. Nā maxima vi pulueris in ea imposita, cum ea Turcæ disploderent, omnia disrupta fuere. Interea luonia, qui iam & animo & corpore deficiebat, cum omnibus pedestribus copijs, & nonnullis tormentis, vestigia cæsi exercitus sequitur: nec plus vna die, ob ingentem stragem cumulumq; cadauerum, quæ passim caesa in vijs insepulta iacebant, mille passus progredi poterant. Qui cum vniuerso peditatu in locum

*Verba luonia ad Polonos.*

*Kosaci sese cum peditibus coniungunt.*

*Luonia retrocedit.*

cum vbi antè villa incensa fuerat, quædamq; recen-  
 tia rudera extabant, cùm venisset, castra sua ibi  
 communivit, eaque fossa, ne subitò à Turcis occupati  
 possint, cingit. Ea in parte (sed fatis obfistere difficile  
 erat) consilium luoniæ dignum reprehensione fuit,  
 quòd ibi suos vallo cinxisset, vbi nulla commoda a-  
 quatio fuit. Nam siti homines enecti moriebantur,  
 seseque Turcis non multo pòst dedidere. Sole iam  
 iam occidente, eadem die decima mensis Iunij, Tur-  
 cæ à fuga Valachorum, quos persequiebantur, reuer-  
 si, subitò castra luoniæ circumdant, atque coarctant:  
 quorum tantà multitudo fuisse dicitur, vt oculis ter-  
 minari nequirit. Quibus circumdatis, neminem ex  
 exercitu luoniæ egredi patiuntur: vtque spẽ omnem  
 ei com meatus præciderent, villas castris luoniæ pro-  
 ximas, in quibus ampla prædia erant, tota nocte in-  
 cendio graui consumunt: idque ideo, ne quis obsessio-  
 rum effugeret: nève extra vallum obscura nocte e-  
 gressi, ipsos inuaderent. Appropinquante luce, (quæ  
 fuit vndecima Iunij) Turcæ in castra luoniæ multi-  
 tudinem globorum è machinis muralibus emittunt:  
 sed illa nullo detrimento affecta fuere, eò quòd alto  
 aggere obuallata erant, vnde sese Valachi, pariter  
 cum Polonis, contra Turcas egregiè defendebant,  
 in eisque ingentem stragem toto triduo faciebant.  
 Turcæ, difficilem expugnationem castrorum luoni-  
 æ animo cernentes, per internuntios cum eo col-  
 loquia ferunt, vt ille omni cunctatione omissa sese  
 dedat: spem ei maiorem debere esse in misericor-  
 dia Turcarum, quàm in suis vllis viribus: præsertim  
 cùm omni ope, auxilioque destitutus, pòst se dedere  
 cogatur. Quare spontanea hac deditione præoccu-

*Luonia ca-  
stra munio.*

*11. Iunij dies  
extrema luo-  
nia fuit.*

*Turca ca-  
stra luonia  
insestant.*

*Colloquium  
Turcarum  
cum luonia.*

*Luonia re-  
sponsum.*

paret animos ipsorum, nec in tam anceps periculū  
& suas copias, & Turcicas iniiceret. Ad ea sic respon-  
det luonia: Video ac animo cerno, in quam aduer-  
sam necessitatem adductus sum: sed, cum penes me  
firmissimas copias pedestres habeam, possim certe  
non sine vestra clade cadere. Quare, cum fortunæ  
hoc tempore cedendum, ac necessitati arbitrer, nō  
renuo deditionem: solū ductores vestri me à vo-  
bis conseruatū iri, ac quascunq; vobis cōditiones  
proposuero, vos eas integras conseruaturōs iurent:  
nec id semel, sed quiniis septies. Hisce dictis, inter-  
nuntios extra munimenta castrorum excedere iu-  
bet: quibus se quamprimum responsū daturū pol-  
licetur. Hisce ita compositis, omnes ad se Polonos,  
pariterq; Valachos conuocat, ad quos sic verba fe-  
cisse memoratur: Hodierna dies hæc tristis ac mise-  
ra à nobis, fortissimi viri, aut deditionem extorquet,  
aut hīc inter hæc septa eneētos mori iubet. Quare  
vtrum consultius rebus nostris sit, an sese huic truci  
hosti dedere, vel portis castrorū patefactis in indu-  
bitatam mortem ruere, ac non sine cēde hostiū glo-  
riose cadere, in medium consulite. Mors certē sola  
finem omnium malorum afferet, quæ corpus à cru-  
ciatu, oculos ab indignis rebus auertet, nosq; diuino  
conspectu frui efficiet. Plurā loqui volentem accu-  
pientem vis lacrymarū orta præpediuit. Ad quæ sic  
Poloni: Mors nobis, luonia, nunquā acerba ac atrox,  
& est, & erit. Quare, si ita animo destinasti, hunc  
crudelem hostem inuadamus, potiusq; gloriose ca-  
damus, quàm ab ea capti, per ludibrium, per dede-  
cus, per varios cruciatus, non sine cōtumelia vitam  
finiamus, præsertim cū nulli Christianorū fi-

*Oratio Iuo-  
nia ad suos.*

*Polonorum  
responsum.*

dem



dem datam conseruet. At contrà Valachi, quorum tantus animus in mortem non fuit. Deditiōem quidem nō ab se abnuere, si pro certo Iuonia sciret, Turcisq; fidere, quòd ipsum incolumem conseruaturi essent, posset. Si de fide eorum dubitaret, se cum Polonis ad vltimam internationem, fidei semel ipsi datæ memores, cōtra Turcas malle dimicare, quàm per fraudem illorum omnibus esset pereundum. Iuonia huc illuc animo fluctuans, quid sibi faciendum esset, animi dubius, in diuersum curis trahebatur. Mouebatur indigna calamitate suorū, eò quòd multi siti enecti, in dies magis atque magis moriebantur, ac breui pòst omnibus pereundum erat: se- rò culpans consiliū suū, quòd in tam iniquo loco castra posuisset. Quare summo cum gemitu, & lacrymis sanguinolentis ita exclamat: Malo me hosti dedere, quodque aduersa fors attulerit, pati, quàm vt mea causa tot millia hominum siti percant. Percunctabor nihilominus legatos ad me missos, an in hascē conditiones quas eis proposuero, iurare velint: Si iurauerint, tum me eis dedam. Quare legatos Turcarum, qui extra munimenta castrorum responsū expectabant, acciri iubet, eosq; ita affatur: Ite, vestrisque imperatoribus hæc nunciate. Quamuis firmissimas copias, quas ipsi cernitis, habeam: quorum fideli subsidio subnixus, hæc vestras vires sustinere possim: tamen necessitati hoc tempore cedendum arbitror: Quare si omnes imperatores & præfecti vestri, singuli septies, in has cōditiones mihi iurabūt, tum primum me dedam. Primum, vt vniuersum equitatum Polonicum, singulari fide ac virtute præditū, vnà cum suis equis ac impe-

*Valachorum  
responsum.*

*Iuonia Verba  
luctuosa.*

*Iuonia lega-  
tis respondet.*

*Prima condi-  
ditio.*

*Secunda.**Tertia.**Oratio Iu-  
nia ad pur-  
puratos.**Novissima  
oratio ad Po-  
lonos.*

dimentis, à quavis gente magnificandum, qui ad postulata mea venêre, sine vlllo impedimêto saluum reuerti patiantur, liberumque eis trāsitum per Nestrum flumen dent. Secundò, vt me ad Selymum, Turcarum imperatorem, dominum meum, viuum ac incolumẽ deducant. De Valachis nihil dico: quos æquum est, cùm Cæsaris dedititij sint, conseruare: quos si vos violaueritis, vel trucidaueritis, ingês detrimentum Cæsari, vel ei quem ille pòst Valachiz præficiet, estis allaturi. Hæc legati vbi purpuratis, & arcium præfectis exposuissent, omnes pedibus in conditiones eas eunt: septiesq; singuli omnia postulata iuramento militari, etiam suorum militum nomine, confirmant. Tandem ipsemet ad purpuratos Turcarum, omni metu deposito, impendentisq; periculi nescius, è castris egreditur, coramq; sic pro equitatu Polonico verba facit: Cùm ita Deo Opt. Max. visum sit, vt potestatis vestræ factus sim: vos ego per fidem vestram, quam mihi sacramento militari sanxistis, oro ac obtestor, vt equitatum Polonicum, liberè in equis ad suos cum omnibus impedimentis reuerti patiamini. Digni etenim sunt ij viri, vt eos omnes mortales colant, suspiciant, magnificent. Si quod vestrum odium est in eos, illud in me conuertite: quod ego pro eis ferre, sustinereq; paratus sum. Demum suis paulisper à castris remotis, ad Polonos, quos educebat, illa verba nouissima dixisse fertur: Nunc grauis ac acerba fortuna, viri fortissimi, me à vobis disiungit: quare hanc dextram vobis singulis porrigo, testorq; quoad vsque spiritus meus hoc in mortali corpore supererit, nomen vestrum grata animi memoria me prosequuturum.

Non

Non sine lacrymis hæc Poloni audiuerunt: cuius dextram cum flebili ululatu amplexi exosculabantur. Qui cum iam ad tertium teli ictum à castris abfuisſent, Valachos quoque pari ratione è castris educit: quibus non sine lacrymis valedicit. Recordatus auri ac vnionum, quos penes se habebat, iterum ad Polonos reuerſus, gladio accinctus vtrique acuto, omnia eis largitur, tandemque flens ſic inquit: O ſi mihi iam ad manus veſtræ copiarum quàm priores ille duplo maiores eſſent, vel ſaltem eæ integræ: efficerem profeſſo, Deo adiuuante, ne quis iſtorum canum ad occaſum ſolis in hac regione, quam mihi Deus propter magnitudinem ſclerum meorum adimit, ſuperſtes foret. Sed fruſtra vos, viri fortiſſimi, volubilitate verborum inani detineo: id ferre cogor, quicquid mihi Deus imponet. Vos ita à me diſcedere velim, & opto, vt vos Deus Opt. Max. incolumes ad patrios lares deducat. Me quoque ſi Deus è manibus cruentis horum teterrimorum hoſtium conſeruet, meque Turcici Baſſæ, vti polliciti ſunt, viuum & incolumem Selymo ſiſtent, iureiurando mihi pro re certa polliceor, me poſt beneficio Selymi, cuius ſenſus omnes calleo, Valachiam iterum habiturum. Vos interim oro, vt dulciſſima recordatione ſemper memoriam mei colatis. Quicquid opum & diuitiarum mihi poſt erit, id in vos conferam, veſtræque ſtirpis Polonicæ homines ad ſummos gradus honoris, quoniam fides, fortitudo, cōſtancia veſtra, in rebus dubijs eſt mihi perſpecta ac cognita, eueham. Hæc effatus, quicquid reſidui, vnionum aureorum habuit, id Polonis largitur, inquit: Nolo vt id in manus horum immaniſſimorum hoſtium per-

*Valachi à  
Iuonia edu-  
cuntur.*

*Iuonia Ser-  
ba ad Polo-  
nos.*



ueniat. Proinde considerans fortitudinem vestram, & fidelem operam, quam mihi adhuc nauastis, & eum affectum sanè mirum, quo me prosequuti estis: omnia vobis dono: animi grati beneuolentiam erga vos, ac omnem gētem vestram, penes me relinquo: quam semper ad extremum spiritum retinebo: cuius rei testem Deum, huius vniuersitatis creatorem, inuoco: cui vos commendo. Huiusmodi precatio ac obtestatio luonia, omnibus Polonis lacrymas excussit: cui gratias egēre. Qui armis à se abiectis, more supplicum, ad castra Turcarum, sumpto secum Polono Osimolio, peruenit: quibuscum integras quatuor horas colloquium habet. Ibi Bassa Capucius, fortassis oratione eius offensus, immemot fidei sacramento militari confirmata, quam luonia dederat, stricto gladio, ventrem, faciemque eius discidit. Ita vulneratum lanczari corripiant, & semiuivo caput amputant: deinde truncum, pedibus duorum camelorum alligatum, discerpendum obijciunt: quod belluæ in diuersum concitatae discerpunt. Caput hastæ infixum: cadauer discerptum, in frustaque minutissima concisum: cuius ossibus inter se partitis, cruore cadaueris recentis gladios perungebant, sanguinemque equis suis bibendum porrigebant, Deo supplicantes quòd in ipsis quoque idem virilis animus, & eadem belligerandi ratio esset. Eum exitum luonia, vir memorabilis, habuit: qui perfidia Turcarum tam crudeliter ac nefariè, omnium cum tristi desiderio, è medio sublatus fuit. Quod ei, reor, non accidisset, si in religione Christiana constanter fuisset, & imperata fecisset. Dolendus ipsius casus, in exemplum est, documentumque inconstantiae

*Miserabilis  
exitus Iuo-  
nia.*

*Exemplum  
luonia in-*

stantiæ rerum humanarum. Nam sicut antè secunda fortuna rebus supra vota fluentibus, tot, tamque inclytas victorias ex Turcis attraxerat: ita nunc aduersa, quæ ei indulgebat, velut in ostentationem fragilitatis humanæ, destruens quæ cumulauerat, exitum miserabilem, horrendam ruinam, sædamque mortem luonia adiecit. Turcæ miserabiliter luonia occiso, subitò in Valachos, quos luonia è castris eduxerat, impetum faciunt, eosque instar pedum crudeliter interficiunt. Poloni velites, visa perfidia Turcarum, nec sibi tutum reditum in Poloniam esse cernentes, in castra iterum, ex quibus excesserant, regredi volebant. Sed ea à Turcis occupata iam erât. Demum, sese mutuò cohortati, in agmina densa Turcarum, pleni animi, spēsque summa vi incurrunt: quibus disruptis, disiectisq; omnes fortiter occubuerè: pauci grauitè vulnerati: qui post Turcis admirationi fuere, quòd paucissimi in numerosos proruisent, pugnarentq; viriliter: quodq; lethaliter sauci, per media castra ambulassent, nec ob id mortui essent. Illi autem præcipui capti è Polonis fuerunt: Suierceuius, cuius præcipua virtus, industriaq; singularis in eo bello extitit: Coslonius; Sadoi seuus, lancius, Zalescius, Copitscius, Rescouius, Socolonius, Libisouius, Cifoulus, Sucinius, Bogficius: qui omnes post ab heris suis grandæ re redempti fuere. Sollicitabant autem eos Turcæ, vt religione Mahometi amplexa, in verba eorum iurarent: pollicentes, fore vt amplissimis bonis à Selymo acceptis apud eos vitā tranquillam, beatamq; ducerent. Sed illi omnibus Turcarū pollicitationibus spretis, maluerunt apud suos vitam inopem agere, quàm in

*constantia  
rerum hu-  
manarum.*

*Extremum  
conatus ve-  
litum.*

*Capti Polo-  
norum præ-  
cipui.*

*Constantia  
Polonorum.*

*Turca capti-  
vas Polonos  
laudans.*

*Captivi vir-  
tutem suam  
eleuant.*

*Selymus to-  
tam Molda-  
uiam occu-  
pat.*

*Pocucensis  
et a situs.*

opulentia ac omnium rerum affluentia, cum animæ iactura, apud Turcas: magnæ admirationis virtus eorum fuit: qui Turcæ, quamvis in suorum laudem propensi sunt, tamen vulgo sermonibus iactitarunt, in toto regno Poloniæ, viribus, industria, belligerandi promptitudine, eis minimè pares esse. Illi, hisce auditis, imò nos omnium (inquiunt) sumus infimi: qui ob inopiam apud nostros nullo loco habito, in hæc oras venimus, vel ut honestè patriam defendentes, mortem oppeteremus, vel præda nacti, ea onusti, ad nostros reuerteremur. Quibus ut crederent, haud id in animum suum inducere poterant.

Post tam ignobilem cædem Iuonia, Selymus totam Moldauiam occupat: omnes ferè stirpis Valachicæ, tam summos quàm infimos, crudeliter è medio tollit. Totaque Valachia occupata, arcibusque ipsius firmo præsidio munitis, alia multitudo alibi in colonias deducta, in Russiam intentus est. Quæ sibi vnà cum vniuersa Polonia, à tam potenti, perfido & immani ssimo hoste caueat. Nam optimè, solerti animo Turcæ cernunt, occupata à se Valachia, ac deinde Pocucensi oræ, (quæ est regio inter Hirassum & Tyram, ultra Camenecium versus Haliciam, Podoliæ emporium, in vltiore Polonicæ ditionis ripa, contra Zuthannam Tyræ impositum) pro qua Poloni cum Valachis ad internecionem pugnabāt, bello illato, omnia in Podolia ipsorum aperta fore libidini, quæ se in Poloniam quoque extendere possit. Nam id est Turcicis imperatoribus in more positum, ut, si finitimi alicui genti sint, aucupata occasione, ac iniectis factionibus inter principes illius gentis, eam post facile bello aggressum vincant, ei-  
que



que perpetuum iugum imponant: vt memoria patrum Græcis fecere, nostra Vngaris, non ita pridem Valachis. Polonia est eis vndique præsidio tot gentium nudata: quæ hactenus viros eorum, Scythicasque, in tanto dissidio Christianorû, qui sese cum applausu Mahometi, ciuili ferro confodiunt, sustinuit. De qua occupanda, non mediocris ea cura stimulat, vt per illam vniuersæ Germaniæ bellum inferre possint: cùm ipsis ad Germaniam vastandam difficilis aditus per Austriam, ob munitiones Vinnenses, pateat. Non diu post captam Valachiam Selymus superstes fuit: qui ferè 4. anno post quàm à patre Solymano regnare cœpisset, fatalem horam anno Christi 1574. quindecima die Decembris, obiuit: in cuius locum filius, stirpis maximus, Sultanus Amuratha, tanto silentio à Bassis occupandum imperium accitus successit, vt prius ad Constantinopolim veniret antequàm adesse ab omnibus suspicaretur. Qui imperium suum à cæde quinque fratrum, duarumque matrum, (quarum vna grauida erat) & multorum procerum, secutus morem veterum Turcarum Cæsarum, inchoatus, omnibus terrori ac formidini studet esse. Hic, vt lanczaros frementes placaret, quod ipsis inscijs à Bassis accitus imperium inuasisset, hæc eis postulata concessit. Largitus est singulis à summo ad minimum septuaginta quinque thaleros: stipendium illorum auxit: filios ipsorum, vbi adoluerent, lanczaris ascribendos statuit. Numerum lanczarorum duobus millibus maiorem fecit: ita vt iam sint sedecim millia. Postremò, in prælio mutilatos, immunes à bello fecit, & omnè victum ad vitam transigendam eis dari iussit. His ita

*Mors Sely-  
mi, anno  
Christi  
1574.*

*Post Selymū  
regnat sul-  
tānus Amu-  
rathā.*

*Scythæ Rus-  
siam vastas.*

compositis, inemor cladis quam Iuonia cum Polo-  
nis Kosacis, ditionibus Turcicis intulerat, vt aliquan-  
do Polonos vlcisceretur, immisis mensē Octobri,  
anni 1575. centum & vndecim millibus Scytharum  
Præcopiensium, regiones Russicas quaqua versus,  
ad quadraginta milliaria peruastrauit. Ducentas do-  
mos equestris ordinis, ac pagos permultos, flamma  
iniecta ij immites hostes exusserunt: senes è plebe,  
puerulosq; plorantes contrucidarunt. Nobiles ta-  
men haud plures triginta vel in prælijs occiderunt,  
vel pariter cum vxoribus, liberisque in Valachiam,  
miseris modis colligatos abduxerunt: multi greges  
boum, ouiumque, multa equorum armenta, ab illis  
abacta sunt. Lassis crura succidebant: viuis coria ad  
vincendos homines detrahebant. In traiectu Ne-  
stri fluminis, magnus captiuorum planctus auditus  
est, quod se iam planè in acerbissimi hostis potesta-  
tem venisse viderent. Quos nostri liberaturi fuisset,  
ni confisi vanis promissis Petri Palatini Vala-  
chiæ, qui se Scythis reditū in patriam, per Valachiam  
permisurum negabat, nostrisq; id sanctè promitte-  
bat, ad Kiouiam, quā hostis venerat, eadem speran-  
tes rediturum, conuersi, paulò tardiùs ad Nestrum  
eōcurrissent. Multi quidem tum Scythæ occisi: plu-  
res tamen Russi abacti ab illis sunt: qui passim gra-  
sante tam numeroso hoste, cōuenire ad Mieliecium  
Palatinum Podoliæ, haud potuerunt. Interemptus  
quidam Scythæ à Iacobo Niezabitouio, cum septin-  
gentis, quos ducebat: cuius frons viginti quatuor  
digitos lata fuit: manus & pedes, adeoque totum  
corpus stupendæ magnitudinis: humi iacens cada-  
uer, vmbilicum viri stantis attingebat. Dum verò  
illi

24

*[Handwritten signature]*

isti prædam in Valachia cum Palatino partiuntur, Kofaci, Borysthenis accolæ, milites generosissimi, ductore Bogdano Rosinskio, in Scythiam irruunt, flamma & cadibus omnia complent, fœminarum vbera abscindunt, alias excæcant, liberos illarum collidunt, veteres captiuos liberant. Sed iam placet historiæ finem imponere. Ex qua id inter alia discimus, Turcas vinci à Christianis posse, si sint fideles & impauidi milites, firma auxilia: ac (quod primum est) si sit fortis & gnarus militiæ imperator.

## EPISTOLA PISONIS AD IOANNEM CORITIVM DE CONFLICTV POLONO-

*rum, & Lituano- rum cum  
Moschouitis.*

PISO CORITIO S.

SCIO ego ambiguum tibi esse, Coriti mi carissime, in humanis ne sim, an verò minus, qui totum iam ferme annum, quo Roma absun, tam pertinaciter tecum sileam. Par item de te quoq; cogitatio me suspēdit, qui nihil omnino scripseris: nisi forte tuæ mihi reddi non potuerint, in certissimis hucusq; vagato sedibus. Quæ etiam causâ fecit, vt cessator & ipse fierem, cū alioqui ad scribendū nemo me sit minùs piger. Nosti quam non spontè obierim hanc prouinciam, vt ad serenissimum Poloniae regem, ac deinceps ad Moschouiae ducem, quò pacem inter ipsos pōtificis, & legati nomine firmarem proficiscerer. Sed non erat integrū reluctari diutiùs mihi, veni



tandem Iulio mense Vilnam, quæ caput est Lituanix, ubi à principe, præterquam, quod pro sedis apostolicæ reuerentia amplissimè acceptus fui, habitus sum pro singulari sua in me veterè aliqui clientem beneuolentia, admodum gratiosè: nam humaniter dicere regiæ celsitudinis dignitas vetat. Data deinde diebus duob. sequētib. bis audientia, post tertium aduentus mei diem, rex hinc in castramouit, quo antedies aliquot, nisi me operiri dignum duxisset, omnino ire statuerat. Iam enim vtrinque ad bellum, & quidem atrocissimum, inclinata erant omnia. Pacis nomine ob interpositas pontificis partes auditum nō ingrātè. Cæterùm inter tubas, inter tympanas, inter alios armorum strepitus facilè oppressum. Iā enim & hostis arce Smolensko supra Borysthenē sita per prodicionem poritus, factus erat intolerior. Et rex exercitum validissimum ex equitatu, peditatuque stipendio conduxerat, pugnx audum in primis. Erant in ijs Cataphracti duo millia, quibus nihil esse possit, neque ornatum, neq; armatum, magis: peditū plus paulò, duo itē millia, in quibus belli postea moles stetit. Fuere deinde alia sexdecim equitum millia fortissimorum virorum. Id enim credas volo, neque vidisse me vnquam maiorem equitatum, quàm constituere hic princeps possit, neque crediturum fuisse, si non vidissem, vt certè, si velit, valeat centum millium equitatum armare. Iam verò maior fide quadrigarum numerus est comineatum ferentium. Neq; enim ipse crederem cuicumq; ita narranti, nisi meos ipse oculos testes habuissem. Quis enim crederet viginti quadrigarum millia cōduci posse? tantum iam abest, vt scribere hæc aude-

rem.

rem. Scribit hæc tibi Piso, Piso iam non poëtarum, sed annalium scriptoris æmulus: nisi fortè, ne oculato quidem testi adhuc credis. Fit id non voluptatis, sed necessitatis causa, homini, iumento victus ferendus est, propter loca sola solitudine nobilia, qui tamdiu duret, quàm sit manere necesse diu. Centum milliaribus Lituanicis, quæ Germanica centum viginti faciunt (tantum enim via est à Vilna ad Smolensko) præter lustra, eadèq; palustria nihil ferme videtur: sterilia & inhospita omnia. Æstima nunc tecum, quanto sit com meatu opus. Adde quod vbi etiam in locum venerimus destinatum, non minore sis frumenti, aliarumque rerum necessarium laboraturus inopia, cum ob soli sterilitatem, tum quod hostiliter vastata sint omnia. Eum itaque exercitum vbi rex ipse recensuisset proficisci in hostes iubet: interea præfectus arcis, & domini Poloczka, alia quadam via, terras Moschi inuadit, ibique populatus omnia, ingenti onustus præda reuertitur. Dum itaq; exercitus discessui se parat, videntur in loco quodam exploratores hostium. Nostri cognito illorum numero (erant enim viri bellatores mille trecenti) lectis ad hoc sexcentis equitibus illos obruere, armaque capientes maiore ex parte trucidare, duce eorum, cum nonnullis nobilibus capto. Idem fecere postridie in alijs mille ducentis pari euentu. Moschus recognita exercitum omnem, qui octoginta millibus constabat, loco quodam ad hæc electo, vltra Borysthenem collocat, ratus nostros pugnae auiditate, armum non formidaturos. Verum id non sine periculo, cum vadum ipsi tam bombardis, quàm milite muniuissent, eumque vnicum: nam alibi Borysthe-

nes, utpote & altus, & vorticosus, neutriq; , & vadabilis. Nostri, relictis aliquot millibus, qui se citra amnem hosti circum equitantes ostenderent, reliqui interim percontato alibi flumine, pōticulum ex ratibus, lintribusq; nectunt, quo peditatum cum machinis trāsinnant. Equites acie, ut erant, instructa omnes se vno impetu, sed ex ordine conijciunt in amnem, feliciterq; tranant, credo dijs freti, haud plus vno desiderio. Nō erat hoc incognitum hostibus, & poterant, vel amnem ingredi volentes cohibere, vel iam partim egressos opprimere. Verū cum & ipsi multitudini nimium fiderent, & nostros præ paucitate contemnerent, loco se tantisper, utpote opportuno, mouere distulerunt, dum nostri iam non modò amnem transirent, verū etiam & pugna locum caperent, & ordines vel reficerent, vel mutarent: tantumq; fuit temporis medijs, & tribus ferme horis manuum consertione vtrinq; abstinerent. Vbi ad manus deinde ventum fuit, hostes arte vsi, circūuenire nostros à tergo per vallem, vbi non apparebant, (nam & collis dumetis consitus impediebat aspectum) magno impetu nitebantur. Nostri re explorata derepente, ut in subitis fit casibus, mutant consilium. Et ea ex parte in iussu pugnam committunt. Nā aliò belli dux acies inclinarat, vbi & ipse tunc ferebatur. Quod cum ex nostris nonnulli bello aliàs probè exerciti cōspicerent, neq; aut consultandi, aut ducem conueniendi tempus, locūve daretur, in hostem conclamant, fortiterq; pugnando reprimunt. Hac à leuo cornu acta, mōx à dextro, & omni ex parte consertæ manus: tubarum clangor, ut ex ijs, qui interfuere, accepi supra vsitatū modum.

Fuere



Fuêre enim tubicines in hostili exercitu plus multò quingentis: atq; ita fortissimè dimicatum vtrinq; inclinante iam ad vesperā sole, timor hostes, mox desperatio occupat. Iam neq; nostrorum impetū ferre diutius, qui proximi erāt, neq; fuge viam à tergo reperire valebant, prementibus vltimis, qui & ipsi ordines faciliè explicare nequibant. In ea trepidatione clades facta ingens: fugientes deinde tumultuatim omnes nostri in longam noctem secuti quoscunque cedere, nisi qui vel nemorum densitate latere, vel noctis beneficio elabi poterant. Ibi direpta castra, in prædam versa omnia: cecidêre ex hostibus millia circiter quadraginta: capta quatuor millia, & in ijs præfecti exercitus omnes, qui octo fuerant, inter quos primi à duce Moschorum, dux Michaël Golycza cum trecentis nobilibus, inter quos sunt Barones multi. Hos secum rex nudiustertius quasi in triumpho Vilnam vexit, conspicuos omnino viros. Mihi certè in omni vita nihil videre circa pompas bellicas, obrigit gloriosius. Reliqui captiui partim per municipia distributi sunt, partim apud victores: vbi adhuc & signa tenentur, quæ & ipsa ablata fuêre ad vnum omnia. Rex enim cum domesticis tantum, paucis admodum redijt, misso, quem secum in præsidijs habebat, ad belli duces exercitu recenti millium quatuor, vti victoriam sequerentur, maximè verò, vti arcem Smolensko recuperarent. Moschus enim mox suorum accepta clade, paucis admodum stipatus tam præcipiti ad propria cursu festinârat, vt die atque nocte 300. passuum millia superaret: siue, vt novum repente exercitum scriberet: siue quod vero

esse similius creditum est, vt famam rei malè gestæ præqueret, quò minùs fratres rebus nouis in oliendis, ansam antè caperent, malæ tractationis memores, vtpote, qui seruitutem apud tyrannum fratrem seruire coguntur. Parum enim ad recuperandum exercitum superesse spei fatentur & captini, populo Moschum asserentes adhuc plurimo abundare, verùm rustico, & bellis inepto, cùm in hanc expeditionem omnem ferme nobilitatem duxerit. Sic ille, qui paulò antè capta dolo superbus arce, Polonis omnibus necem: Lituanis verò compedes minitatus fuerat, turpissimam coactus inire fugam est, vt seipsum tam neci, quàm vinculis eriperet. Nam ita certam demens ipse sibi victoriam spoponderat, vt postea apud duces belli captos repertæ cum mandatis atque stratagematis epistolæ fuerint, quibus quid facto cuiuslibet post victoriam opus esset, commiserat, vt scilicet regem in præsidijs positum vno agmine adorirentur: eo vtcunq; potiti, in tres sese vias diuiso exercitu diffunderent, Vilnamque direptum festinarent. Sed nesciebat homo, & priuatim, & publicè periurus Deum violatæ sine causâ fidei vindicem, aliter longè constitutū ire. Dij enim immortales ob periurium (vt ait pro Roscio Cicero) hominibus irasci, & succensere consueuerunt. Dedit condignas perfidiæ suæ pœnas: cùm ex nostris ne vnus quidem captus sit, vulnerati multi, & ij aduerso corpore omnes. Mortui vix supra quadringentos, & in ijs Barones quatuor elegantissimi, identq; fortissimi iuuenes, quorum corpora huc relata sunt, & tumulata honestissimè, duobus sub infusâ episcopis cum vniuerso clero ad ciuitatis portas progressis: quorū  
tamen

ramen mors immēsa hostium clade piata est, vt certè fateri necesse sit, hæc sine diuūm numine nō euenisse: cūm alioqui rex ipse re quidem vera Christianissimus sit, semperque fuerit. Assiduus enim pro victoria supplicationibus: ea deinde parata, gratiarum actionibus templa omnia sonabant, quin & publicè ad Deum omnia princeps refert, maximè cum Tartari, qui sub idem tempus iuxta pactum cōuentum adesse maiestati suæ debuisse, fraude se subduxerint. Iam verò & illud non omiserim, esse apud Moschum ducem Michaëlem Glyusky, virum animi & corporis dotibus egregiè insignem. Is olim non leuibus ex causis regē Poloniae fugiens ad Moschum cum suis migravit, qui & priorum, & horum causā motuum fuit. Hunc rex ad serenissimi Vngariæ regis instantiam, in gratiam secretò admiserat, & iam tacitò redire parantem, sui, quibus nimium fiebat, Moscho detulere, qui hominem euestigiò vinctum, domum sub custodia remisit, incertum, quid de eo velit statuere. Is si fortè transfugisset (vt cōuenerat) ad nostros, magnam sibi huius victorię partem vindicare contendisset. Nam id circiter Calendas Septembris contigerat: prælium verò octaua Septembris ipso die natali Virginis factum est. In summa Dei omnino munera sunt hæc præcipuè: deinde principis Deo gratissimi, cuius fortunam utiq; prælustrem non ex ariolorum nugis, sed ex summa vita sanctimonia, prudentia, fortitudine, temperantia atque iustitia, metior. In quo illud pulcrum est, vt si clementiam ipsam velis effingere, nullo certè alio neque ore, neque colore, quàm huius principis id præstare possis efficacius. Mihi profectò post exātla-



to tot viarum labores, ex hac victoriâ tantum accessit lætitiæ, vt nihil asperum, siue terra, siue mari tulisse videar, siue quia principis huius sim, fuerimque semper studiosissimus, siue quod hac factû præsentē victoriâ, vt ire ad Moschum nō sit necesse mihi: quæ mea profectò summa est expectatio. Nam præter viarum cū longitudinem, tum difficultatem valde me terret hominis etiam iurati perfidia. Satis mihi est cōfessori esse, superbam martyrij palmam non ambio. Misi ad illum Calend. adhuc Augustis famulum cū literis pro saluo conductu, scio peruenisse, sed neque responsum, neque famulum vidi. Audio in amnem conijci fuisse iussum. Non libenter bibo tam largo cantharo, sed iocor verbis: retamen vera serium est, quod scribo. Scilicet mihi seruabit, si etiam dederit fidem, quam neque regibus, ac ne Deo quidem ipsi seruare solet?

*Inunc Schismatico vitam committet tyranno,*

*Vt te per Scythicas sub Styga mittat aquas.*

Nollem in ijs sinistrū mihi omen præcinere, qui initio certè inuitus feci, vt hanc experirer molestiam. Tolerabilia fuere hætenus omnia, quamuis aspera, in reliquis quoq; superanda omnis fortuna, ferendo est. Nondum satis intelligo, quid firmū de me sit, cū omnis adhuc exercitus, arcis recuperationi studeat, eam breui futuram speramus: quod nisi & viarum sub hæc tēpora difficultas, & anni ratio nostris obstaret, victorē omnino exercitū in ipsa Moschici dominij viscera transferrent, ibidē hybernaturi: qua illorum sententia facilè residuo itinere absoluerer. Sed durare tamdiu vix poterunt, commeatus penuria, præsertim pro iumentis. Habent enim præter suum

suum equitatum prædatitios equos circiter viginti millia, quos saluare si possent, plurimum vellēt. Habere enim dicitur Moschonia equos laborib. ferendis admodum idoneos: res diu extrahi non poterit, quicquid erit, non patiar te nescire: tuum erit interea literas has nullo constantes ordine boni consilere. Vt enim sparsim relata mihi sunt omnia, ita variegata congesta, vt licet vix vnus esse corporis videantur. Mitto nummos argēteos sex Moschicos, ex præda ad me missos. Hos tibi cum amicis communes esse volo. Inuenies in illis inscriptiones Græcas partim, partim Ruthenas. Symbolum habent Ruthenæ cum Græcis literis: deinde par etiam est Religio: sunt utique Christiani, sed Schismatici. Templâ habent, hîc præsertim Vilnæ, auro, argento, & gemmis opulenta: paucis etiam hinc annis ex lapide ædificari cœpta, & quidem sumptuosè, cum lignea tantum prius habuerint, non culta admodum. Sunt autem Rutheni (vt illud quoque auctarium addam) ingenio Lituanis promptiore, quò fit, vt operibus non mediocriter excellant. Multi ex ijs peculiare proditionis vitium habent, quod ad Principum, siue Ducum aliquorum domos irrepfit. Quin & hoc nuper bello Dux quidam Ruthenius ab omnibus suis Moscho se dedit, quamuis egregium adolescentem filium in regis aula reliquisset. Sentiunt multi ex ijs secretò (vt creditur) pro Moscho, nulla alia magis, quàm religionis causa. Eam enim per omnia communem habent, transfugerentq; passim multi, nisi exploratam Moschi tyrannidem formidarēt. Is enim sæuissimis subditos legibus coërcet, Omnia illi nascuntur, omnia crescunt,

omnia adducuntur. Si qui sunt, qui vel genere, vel dignitate magni sunt, in illius nihilominus manu sunt, neq; diutius diuites, quàm ipse velit. Commercium eorum terra, mariq; plurima. Aurum, argentum, pro pellibus inferre soliti mercatores, nihil aliud referunt: ea omnia Principi accedunt. Hinc opes istæ tantæ, quantas neminem unum in Europa Principem habere, fama est. Populo miris artificijs insigni potēs. Italos habet domesticos multos, & honestè, & vtiliter. Cæterùm circa fidē partes coactos sequi. Hæc ab ijs, qui istic versati sunt, didici. Si quando (quod maximè deprecor) eò iero, redieroq; quod precor, vel per literas, vel coràm de omnibus affatim; interea autem adhuc & hinc erit, quod scribam. Restat enim nonnihil militibus nostris circa arcis recuperationem, quod negotium extrahi diu non poterit. Si enim deditionem facere obfessi noluerint, aliud nostri pro rei, & temporis qualitate, consilium sunt apprehensuri. Sunt enim adhuc in exercitu præfecti, & tribuni militum omnes veterani, qui vel sub manu captare consilium non ignorant: ante omnes autem, Illustrissime Dux Constantinus, inter nostri temporis Imperatores in re bellica facilè Princeps, qui signis collatister, & trigesies dimicando victor fuit. Idem iunior tamen apud Moschum septennio manicis, pedicisq; constrictus fuerat, bello captus. Vir est domi Numa religiosior, foris Romulo non inferior, quo duce, & hoc bellū gestum est. In quo nihil esse vno omnes ore aiunt, quod probari nequeat, nisi quia Ruthenus, idemq; Schismaticus sit, ita à parentibus errore, quasi per manus accepto. Neque enim parùm refert, quam quisque



quisque à maioribus religionem acceperit. Ceterum ita maiorum suorum traditiones omnes sanctè obseruat, vt ne latum quidem ab ijs vnguem recedat: qui si ad S. matris Ecclesiæ obedientiam reduci posset, innumeris dubiò procul ad idem agendum præluceret. Tanti est apud suos momenti, Principi autem ob eximias virtutes facilè carissimus. Sed de ijs tandem plus satis: veniam tamen mihi dederis (vt spero) non grauatim, culpam ingenuè fasso, qui non epistolam, sed libellum ex bello fecisse me haudquaquam negauerim. Leges aliquando nō pauciora ijs, de itineris mei ratione, quod vtinam non tentassem, parum à Septentrionali disto Oceano, & longius adhuc progredi cogor. Iam hic September initium est brumæ: quæ tã sæua solet ingruere, vt multis sine naso contingat esse. Noctes æstate breuissimæ, hyeme diei parum. Sub diuo Iulio pontifice laudatissimæ memoriæ, minus mense, annū Roma ad duos missus reges, abfui, nō paruo certè labore. Sed nihil ad hæc, quæ hæctenus mihi æquali temporis, sed diuerso laborum calculo incidere, & tamen difficiliora adhuc restant. Leuius sit patientia, quicquid corrigere est nefas. Mihi certè satis erit pontificis, legatiqu; expectationi respondere. Quod vt facere gratè valeam, pro sanctitatis suæ ac sedis Apostolicæ nomine gloria, amplitudine, ne glacialè quidem (vel sub bruma) sum reformidaturus Oceanū. Sed iam vale, & Volumen hoc boni consule. Ad neminem enim diffusius scripsi: cū sciam mea tibi omnia, vtpote mei semper amantissimo, non displicere. Ego valeo, & Principis munificentia bene habeo. Vlnæ, 26. Septemb. anno M. D. XIII.

## EPISTOLA SERENISS.

AC INVICTISS. D. SIGISMVN-

DI REGIS POLONIÆ, MAGNI DV-

*cis Lituania, Russia, Prussiaq; domini, & ha-  
redis ad sanctiss. D. Leonem X. Pont.**Max. de Victoria**contra*

SCHISMATICOS, MOSCHOVIOS,

apud Aras Alexandri Magni

parta, &amp;c.

**B**eatissime pater & domine clementissime, post  
 pedum oscula beatorum: cū non ignorem V.  
 sanctitatem, tum ex pastoralis suo debito, tum etiam  
 ex genuina pietate in religionis sacrosanctæ incre-  
 mētum, magna cum voluptate audire solere, quan-  
 do aliquis Catholicorum regum, aduersus infideles,  
 aut schismaticos inconfutilem Saluatoris nostri tu-  
 nicam scindentes, ac dilacerantes, Dei virtute adiu-  
 tus aliquid feliciter gerat. Hinc conuenit, vt ego qui  
 Turcā infestum, communemq; Christiani no-  
 minis hostem vicinum habeā, Tartaros etiam, alias-  
 que Transstanitanas Scythicas gentes, numerosas,  
 feroces, ac infideles, humeris meis à nullo Christia-  
 norum Principum adiutus, solus sustineam. Et præ-  
 ter hos omnes magnum Moschouiæ Ducem, cum  
 quo nunc atrocia bellagero, Sarmatiæ, Asiaticæ ty-  
 rannum, opibus, armis, equis, virisque potentem, ac  
 multis contra alios vicinos suos victorijs tumētē:  
 blasphemū tamen ac schismaticum, sanctę Romanę  
 eccle-

ecclesiæ infestissimum, hostē insolentissimum habeam. Huius belli motus, & præstitam mihi à Deo victoriam contra ipsum perfidū Moschouitam, Sanctitati vestræ perferibam. Anno etenim exacto, fractis inter nos antea pactis, iuramētoq; firmatis fœderibus, immemor præstitæ fidei, & spreta iuramēti religione, quæ modica, aut nulla in blasphemo, & schismatico esse potest, dominia mea in magno Lituanix Ducatu consistentia, exercitu multorum millium equitum bellatorum, comparato, magna vi machinarum bellicarum, tormentorumque æneorum subsequēte, hostiliter inuasit, dumq; arces aliquas graui obsidione premeret, nec propter valida præsidia mea, quæ illic erant, proficeret multis, sicut anno præterito Sanctitati vestræ significaueram, ex suis, in oppugnationibus munitorum locorum, & tumultuarijs prælijs amissis, domum re malè gelta non absque grauissimo dolore regressus erat, qui tamen iam aliàs sibi persuasisset, armis, opibus, & potentix suæ cuncta esse peruia, nec aliquid conatibus suis (in quo tamē deceptus erat) obstare potuisset. Æstate demum proximè exacta, tanquam ignominiam susceptam, damnaque prioris expeditionis, & bellum non satis prosperè anno præterito cœptum & gestum vindicaturus, iterum validissimum exercitum comparauit, in quo plures grauis armaturæ equites inerant, nixusque est, me certis castris exuere, & præcipuè castro Smolensko nuncupato: vt subinde tantò facilius totum magnū Ducatum Lituanix, aliæque mea dominia bello atrociori vteretur, & totam Rubeorum Russiam sui schismatici ritus, quæ ditionis meæ est mihi eripere posset.



Potitus tandē ex adminiculo fraudis arce ipsa Smolensko est, de suis plurimis amissis. Subinde verò insolentior factus, exercitum auxit, ita vt excederet octuaginta millia hominum equestrium, aususque est sibi polliceri, quod iam facilè reliqua dominia mea opprimere posset. Progredi itaq; aduersus me suum exercitum vsque ad fluuium Beresinam mandauit. At ego qui in Domino Deo rectè sperauerim, eundem fluuium exercitum meum equitatu, & pediatu, tormentisq; bellicis bene instructum, magna celeritate traicere imperaui, hostisq; exercitum pedem referre, ita vt retrocedere coactus est, compuli. Et dum exercitus hostilis per meum arceretur, vigesima septima Augusti particulari praelio à meis militibus pulcerrima clades eidem hosti inflicta est. Alia iterum Calendis Septembris, & ex utroque praelio plures ac insignes captiui mihi adducti sunt, & multi ex hostibus cæsi. Miles autem meus eiusmodi victorijs, quasi auspicijs præludijs accensus, ultro in pugnam ruebat. Equidem verò in præsentissima clementia Dei, & iniusticia, causæ meæ confidens, maximam iam de orta victoria securitatem mihi pollicebar, & feci magno animo meum exercitum procedere, & stationibus hostis appropinquare, dumq; hostis sentiret, meum exercitum sibi imminere, Borysthenem tunc solito magis exuberantem nando traiecit. Meus verò exercitus insigne animis ad pugnam præparatis, hostem retrocedentem sequutus est, & similiter Borysthenē, dum in retam subita, & potis faciendi potestas, & nauigia ad transportandum militem deessent, ad eā ripe partem, in qua iam hostis ordinatis aciebus, tor-

men-

mentisque dispositis, conflictum præstolabatur, nando intrepidè transmiserit. Et tandem Deo auspice, qui in se sperantes non deferit, & confundit manus filiorum alienorum, die Natali beatissimæ Virginis, quæ erat octaua Septembris, cum hostibus eisdem feliciter pugnavit, totumq; eundem validissimum hostis exercitum, qui (vt præmissum est) ex octuaginta millibus hominum fuit, comparatus, vna acie fudit, fugavitque, & tanquam vilissima pecora totis campis cum fœda strage, & multa cæde vltra quadraginta millia passuum ante se egit, itaq; supra triginta millia hostium, & cæsa, & submersa sunt. Castra hostilia plena, opulenta præda direpta, & decem præcipui Duces, & Satrapæ, & triginta septem Barones, Consiliarij, primores: officiales autem & armigeri nobiles supra duo millia capti, cum signis sui exercitus mihi adducti sunt. De meis verò, Deo auspice, pauci desiderantur. Quamobrem hanc tam insignem, & longo tempore memorandam, sed nec minus mirandam (quoniam dextera Excelsi facta est) victoriam vestræ Sanctitati, pro mea in ipsam summa, & eximia deuotione cognitam esse volui, vt Sanctitas vestra ex eadem iucundum, atque alacrem animum concipiat, mihiq; suo deuotissimo filio gratuletur. Quandoquidem pro sacrosancta religione, proque sede Apostolica, & Sanctitas vestra decorè ad ea, quæ factu sunt possibilis, semper sum paratus. Collocaui namque magnam spem, & cōfidentiam in vestra Sanctitate erga me, regnumque meum clementia. Quoniam verò hostis ipse adeò superbus, & obstinatus existit, necesse est, vt tantò studiosius ipsum sine intermissione persequar,

& bello vrgeam, ne tam citò vires recuperet, ac re-  
 pareret, quandoquidem non priuatam meam, & re-  
 gui mei rem nunc ago, sed totius Christianę Reipu-  
 blicę, ne tam validus hostis sacrosanctę Romanę  
 ecclesię inimicus, quandoque aduersus sanctam Ec-  
 clesiam pro ritu suo, falso, blasphemio, & schismatico  
 inualecat. Et vt hæc mea gesta, quę mihi ex miseri-  
 cordia Dei feliciter euenerunt, audacter vestrę San-  
 ctitati scribo, sic etiam semper audire cupio, vt sacro  
 sancta Rom. eccl. vniuersalis status omni felicitate  
 præfulgeat, atque vt vestra sanctitas incolumem, &  
 longæuam, felicemque vitam cum reuerendissimis  
 patribus sanctę Romanę ecclesię cardinalibus du-  
 cat. Oratorem autem meum, & res meas vnà me-  
 cum vestrę sanctitati commendo, qui quidem ora-  
 tor meus V. Sanct. tam ea, quę gesta sunt, quoniam  
 & gens, & loca, in quibus gesta sunt hæc, sibi cogni-  
 ta existunt, quàm alia è mente mea, planius expo-  
 ner. Datum in castris circa Borisouo, decima octaua  
 Septembris, anno Domini, millesimo, quingente-  
 simo, quartodecimo.

*Vicesimo quinto Ianuarij die,  
 M. D. XV. a Leone Papa  
 X. ob eam ipsam victoriam  
 Deo opt. maxi. eũxapisiã  
 habita est in Sixti sacello.*

ORATIO



# ORATIO PER REV. PATREM DOMINVM ERASMVV VITELLIVM, EPISCOPVVM PLOCEN.

*in celeberrimo August. conuentu ad Casarem Maximilianum, nomine victoriosissimi regis Polonia Sigismundi, habita coram omnibus sacri Imperij Electoribus, plurimisq; Germania Principibus, die Veneris XX. Augusti, anno Domini 1518.*

ILLVSTRI DOMINO ERASMO ROTERODAMO vtriusq; Literaturæ principi, & Theologorum duci, Iacobus Spiegel Selestadien. Imperialis Secretarius, S. P. D.



RO muictissimo Polonia rege Sigismundo, qui non multos ante annos, & menses, maxima victoria in Hamaxobitas (quos ipsi Moschos appellant) & Schytas (quos Tartaros dicunt) potius est. Reuerendiss. Dn.

Erasmus Vitellius episcopus Plocesis, singulari integritate vite, raraq; doctrina, Romanaq; facundia insignis, vel eo mihi nomine precipue colendus, quia cognominis, de te perquam egregiam frequenter facis mentionem. Primam (ut aulicus, aulico utar verbo) audientiam coram Casare, sacri Imperij Electoribus omnibus, & ceteris Germaniarum principibus, proceribusq; obtinuit. Sic ornate, sic grauius orauit, ut ad intimamvsque precordia auditorum, vehementia sententiarum penetrauerit, pluresq; ad fletum concitauit, et

vero docto simul & facundo, omnes docti, & eloquentes palmam tribuunt. Aderant enim viri non pauci, tum exquisitè docti, tum in iudicando nares emunctissimè. Anistes Tergestinus, Pentingerus, Huittenus, Bartholinus, Spalatinus, & Stabius ille in nullo doctrinae genere non versatus. Henricus Stromer medicus, & Laurentius Zochus iurisperitus, Cardinalis Maguntini florentissimi principis Cancellarius. Igitur facta mihi primum præ ceteris elegantissimè huius orationis copia. Quia digna multorum lectione visa fuit eruditorum calculo, & ab omnibus desiderata, imprimendam curavi, sub augusto tuo nomine, quod omnia pietate sacra iure sibi vendicat, quam haud subducto supercilio accipere digneris. Non dubito quin ut audientibus lacrymas commouit, ita hæc eadem legentibus magis copiosas excutiet, & in rem Christianam propensiores eorum animos reddet. Valere tecum bene Rhenanum verè beatum cupio, quem animo mecum circumfero, utriq; fila vitæ. quem maxime longæva exopto, ut indies magis ac magis felicibus auspicijs bona litera, & maxime sacra reflorescant. Huittenus, quia nihil est visus cacutientibus popularis literationis admiratorib. nominis nihil pepererit. Quem te Frobenio nostro publicandum iterum, si tibi visum fuerit, tradere velim. Mutam eius de vita aulica Dialogum quamprimum prodierit in lucem. Vale iterum ex Augusta Vindelicia, pridie Calend. Septembris, anno post partum Virginis matris, 1518.

## ORATIO.



ENIMVS à rege nostro, sacratiss. Imperator, ad hunc celeberrimum conuentum, quem solita vigilantia tua pro salute Christiani status æquè commendatè, vt opportunè, hoc loco, & tempore instituere curasti, acturi, maiestatis regiae, & amplissimorum eius dominiorum nomine, quæ ad sanctam expeditionem generalem, contra immanissimos Turcas, totiens propositam commodè attinebunt. Quantum verò necessariæ sint, simulq; cum vita omnium nostrum desideratissimæ præparationes istæ: Christianorum coadunatis viribus, hostis aucta potentia testatur, iã annos circiter septuaginta post infelicem, & calamitosam Byfantij captionem, quæ patulam ad nos hostibus ianuam præbuit, nihil aliud audimus, quàm clades atque excidia continua Christianorum à Turcis. Et dum omnes ad resistendum (vt par esset) consurgere negligimus, tot principes cum subditis suis, tot reges cum eorum populis: tot deniq; ditissima, cum magna iniuria religionis nostræ, & maxima indignitate Christiani imperij miserabiliter deleta sunt, quæ singillatim enumerare, dolor profectò mœrore plenus prohibet. Quandoquidem neque ea me referre, neque vos audire, sicis oculis liceret, capita vt cunque decerptam. Nonne videmus Asiam vniuersam, quæ è tribus orbis triangulis maior est, his & alijs infidelibus occupatam? Aphricam verò totam, impijs ac sceleratis eorum manibus desolatam? Europe magnam partem,



tot incendijs, & assiduis vastationibus debilitatam? & hucusque dormitauimus. Sed neque his contentus hostis, vt fortior fieret Ægypti, & Syriæ regem, quem Soltanum dicunt, aggressus superauit, totiusque Syriæ, & Ægypti, ea victoria (sed & Hierosolymæ matris nostræ, vbi salus orta est) vnicum se dominum constituit. Et altero verè imperio longè ante formidabilem potentiam suam auxit. Nos verò torpemus, & bellis intestinis, plus intolerenter, quàm necessariò exagitati gladijs nostris, domesticos fidei, aut potius nos ipsos, detestanda malignitate confodimus: nec Prophetæ sapientis verba, quæ aduersus nos, tanquam Ethnicos clamitant, attenduntur, dignaque, facinori supplicia annunciant. Ipsi (inquit) contra sanguinem suum insidiantur, & infrà. Ego verò dum eis repentina ingruerit calamitas, non exaudiam. Parat nunc in Christianos, terra, marique arma sua, instat Turcarum framea, capiti & collis nostris, & adhuc oscitamus, vixque ad pacem mutuò amplectendam, tanta periculi magnitudine urgente, mētes componere volumus Leone sanctissimo, id dies, noctesque curante, hortatur nos hostis, excitat à somno: commonefacit desides: torpētes terret, dum iam pridem ad ostia Tiberina: nūc verò ante paucos menses, circum Rachanati mœnia, & hisce iam diebus, dum hic agimus, iterū ad Ostiæ portus, ferro, & sanguine debacchatus sit. Nos tamen fati sic volentibus omnia hæc, quæ vltimum omnibus exitium minantur, ridiculum putamus, vt iam illud diui Petri naufragantis, dum sibi in fluctibus dexteram dari poposcit, & meruit, dicere libear. Salua nos Domine, perimus.

Colle-

Collegerat similem conuentum feli. re. carissimi genitor tuus, post insperatam Carniolæ suæ depopulationem. Multa illic in eam sententiam à viris doctissimis declamata sunt: multa etiam prophético quodam spiritu prædicta, nisi tunc instantibus, & euidentissimis periculis aliter prouisum fuisset. Quæ omnia flebilis tandem effectus complèuit, cum nulla consulta inuicem, & constituta nulla, suo ordine, vt necessitas postulabat, debita executioni mandarètur, & omnis rei benegerendæ commoditas, simul cum tempore amissa fuit turpiter, aut neglecta. Nunc iterum Cæsar inuidissime, pro dignitate & debito tuo, conuentum hunc bono cœptum omine, diligenter prosequeris, vt labenti Reipubl. Christianæ efficaci opera subuenire possis, & iustè quidem: sic enim Christianorum Imperator, re pariter constabis & nomine, dum hi, qui tuo subsunt imperio, à Cæsare suo adiuti fuerint, & defensi. Quam equidem deliberationem multo iam tempore pro connata animi tui magnitudine concœperas, qui annis his proximis tres Christianos reges potentissimos, in Austriæ tuæ vrbe primaria, tum splendide, tum honorificè tecum habueris, fœdereque simul immaculata fide percussio, plura cum eis in rem Christianam mutuis tractasti consilijs. Quod reuera pro singulari gloria tua, omnium ora passim prædicare non desistent, pluresque Adamantinis scriptis perpetuare curabunt. Neque enim parens tuus, neque Cæsares alij tantum actum, triumphis Octauij meritò æquandum, pro suo vnuquam desiderio efficere poterant. Omitto nunc cateruam immensam victoriarum tuarum, quæ ti-

& vero pastore dignas, ad hoc vnum conuertit, vt communi potētia tantis periculis vltimum iam interitum secum ferentibus, quantotius succurratur. Quæ omnia dignissimi hi legati sanctitatis suæ magis abunde explicarunt. Rectè gubernabant populum Dei Moyses & Aaron, Dauid & Nathan, pluresq; Romani pontifices, cum imperatoribus Christianis, iuncta simul gratia, vtraque potestas. Binum nobis reliquit gladium, transiturus ad Patrem, Saluator noster: bina coluerunt elemēta Persæ, Ignem, & Aquam: duobus & nos saluamur, Fide, & Opere. Curabis & tu, Cæsar inclyte, cum Leone sanctissimo, vtroque iuncto gladio, eripere de faucibus inimicorum, & tot calamitatibus, oues Christi. Inconutilem enim tunicam suam representatis, quæ sub hoc tempore vestro, non abs re profectò inuenta est: adhibebit ignem orationis, & spiritum fortitudinis benedictum sacerdotium, neque impensa deerit. Tu aquam non gelidam, sed feruentissimæ defensionis, cum regibus Christianis, indefessè suggeres, fidemque nostram & spem omnium opere adimplebis, vt à ferocitate Turcæ salui simus, vnica namque est gloria, penates nostros, & religionem, in qua nati sumus, tueri & defendere, pro qua iam omnes maiores tui, tot reges & Cæsares sanctorum nonnulli Cathalogo ascripti, felices & candidissimæ animæ plura bella in Europa, & Asia gloriose susceperunt, qui semper magnanimitate ingenita, aliena quærere, non sua amittere didicerant. Gignit nos natura miserè, viuimus demum tot onusti curis, & tanquam flos citò arescimus: decidimus tandem, & morimur, solus is diu viuere perhibetur, qui dum



vita excesserit, perpetuam sui nominis, bene gestis, aut factis, memoriam propagauerit, quò fit, vt adsumus absentes, mortuique viuamus. Tritum fuit Adagium apud veteres: Pulcrum mori, decorat vitam. Quod plurimi, vt patriam conseruassent, corpus simul & animam deuouentes, viuis effectibus comprobauerunt. Tui tidem sacratissime Imperator, vt tui secretiores referunt priora de Christiano statu secum repetens, & futura ante oculos ponens, mente vt fit liberiore, dicere soles, nullum mortis genus te gratius excipere velle, quàm quod in castris militaribus contra infideles, ad virentes campos feliciter eueniret. O virtus animi commendatissima: sic corporis robori tanti principis insita & coniuncta. Non hominis profectò deliberatio ista est, sed numinis vox quædam, & solo digna Cæsare, dum non lectum eburneum: non sericeum puluinat: non auratum cubiculum, sed prata virentia, & fœnum rusticum pro delicijs regalibus exposcas, vt debito Imperiali, quo toti Christianitati teneris, ingenuè satisfacias, pro quo tibi omnes, mentem sanam in corpore sano, vitæque diuturnitatem precabuntur. Et vt in hoc tam gloriosissimo propolito, animo incòculso persistas, erectis in cælum palmis, attentius orabunt.

Sed iam factis res aggredienda foret, constantique pectore, sine omni vltiore cunctatione prosequenda, post tot consilia, & decreta multa: post tot conuentus, & exhortationes varias, post tot instructiones, & tractatus plurimos: armis tandem, non argumentis opus est. Iam enim de his tam crebris, sed vanis, aut nullis consultationibus, & praparamen-

ramentis nostris (vt quidam Mediolanensis ex Turcia profugus nuper in cōspectu regis nostri retulit) sepius dicit Turca, admodum subfanantis, consulant Christiani, consulant, & ego faciam, quod re ipsa, & stupendis indies victorijs demonstrat. Nos si veri Christiani sumus, quemadmodū Turca in dedecus potius nostrū affirmat, Christi fidem, ad sanguinem vsq; , mente intrepida, non ostentatione solum, sed affectibus synceris obseruare, tueri, & quantum in nobis est, manu tenere debemus. Quoadusque vita nostra, Christiano aduersabitur nomini? vt qui Christū imitari, pro Christo nos opponere, religionis vinculo arctamur, contra eius legem: cōtra oues suas: contra ipsum Christum, ignauia, arrogantia, & excessibus nostris, in cælum vsque cum Gigantibus, lethiferas sagittas, impudenter dirigimus, de locis certamus, publica negligentes: hostis verò nos, & nostra omnia, ac loca simul, deglutire contendit. Vnum hoc conclamatum est, Turcas consilijs quibuscunque non conuertemus, si armis non vincemus, quæ diuini verbi Concionatoribus elucidanda relinquo, quandoquidem multa nunc est messis, & operarij pauci.

Neq; id deterreat, quod tam longo tempore, Orientali imperio, hostis crudelitas potita sit, & desidia nostra, eius potentia sic increuerit, vt firmata esse videatur. Ad Occasum intueri volenti, possibilia omnia, & facillima comperiet, cū Sarracenorum immanitas Granatam, & magnam Hispaniæ partem, supra septingentos annos hæreditario admodum iure possederit. At Ferdinandi regis victoriosissimi constantia, reginæque Elizabeth deuotione,

& suorum fortitudine, paucis annis, nedum recuperata sunt omnia, sed tota infidelium potentia, nō à regni solū finibus abacta est. Verū adusq; inferiora Mauritaniæ littora, cum perenni illius regis gloria eiecta. Ille verò proprijs tantū viribus, & vnica suorum manu, strenuè hæc gessit. Tu cōmune bellum paras, & generalem (vt aiunt) expeditionem, tua opera, consilio, & auspicijs, regumq; omnium assensu, & horum prudentissimorum principum consilio (qui tuo lateri tanquam validissimæ columnæ adhærent) instituere debes. Quis oro, tot regibus, & principibus, tanquam numerosæ multitudini resistere poterit? Dum & pacem exulantem, multisq; ante seculis, inter Christianos desideratam, nūciam commodissimè pro tui, & Leonis animi satisfactione, restitutam vides, & nouo quodā quinquennali fœdere, cum omnium, qui bonæ voluntatis sunt gratitudine, firmatam intueris, vt nihil est amplius, quod ad rem propositam feliciter gerendam desit, aut quod impedire possit.

Non deerit votis tuis, & Leonis sanctissimi, serenissimus rex noster cum omnibus dominijs suis, & tota illa Septentrionis ora, modò bellis, alijs, quibus continuò impetitur, finem optatum imponere possit. Quos verò hostes regnum nostrum habeat, & quib. difficultatibus, rex ille bellicosissimus detineatur, paucissimis explicabo, ne pijs auribus fastidij præbeam offendiculum. Notum est hac ætate nostra, Sigismundi nomen celebre, longè, lateq; plurimis victorijs, fama refertissima peruolante. Nolo nunc genealogiam & ortum clarissimi regis texere, quæ tuæ celsitudini, & his omnibus satis cognita esse



esse debet, Casimirea domus est, quæ regnare semper didicit, & vincere, præsentiam matura pulcritudine, & aspectu iucundissimo decoram, tu nosti, ita ex omni parte compositam, procerâque grauitati coniunctam, vt ad Maiestatem ipsam, natam esse videatur. Hic auito, paternoque & fratrum regno, senatu vocante succedens, bello fortissimum, pace verò splendidissimum se præstitit, & reddit. Quippe qui incomparabili iustitia, clementia, & liberalitate, sic apud liuos omnes carus est: sic eorum affectus, æquitate, & mansuetudine, ac modestissimis legibus in se deuinxit, vt inter tot bellorum tumultus, non quod ex veteri instituto solitum est, sed quod rex ipse præcipit, aut nutu solo designat, illico à suis omnibus cum summa animi alacritate perficitur. Quæ profectò suprema laus regum est, dum quisque subiectionis suæ debitum, amore illectus, non timore perculsus, serena fronte, & libera exequitur, idque efficit, vt dum Scythæ fugaces (quos nostri Tartaros vocant) subito interdum & insperate, fines nostros irruant, mox nobilitas è centro regni primaria, benignitati principis satisfaciens, vitam propriam, & salutem, mera ipsorum virtute defouere, & in media vsq; hostium agmina obijcere non metuat, spem reponens firmissimam, in optima regis munificentia, qui benemerita cuiusque dignis præmijs excitare consuevit.

Vrgetur namque multis hostibus: regnum illud amplissimū, tribus à parte vna: Scytharum ducibus potentissimis, multa centena millia bellatorum in statione campestri secum ducentibus, qui se etiam Cæsares dicunt, vno Theodosiæ propinquo, post

Borysthenem ad latus maris Pontici, in Taurica residente, alter circa Tanaim, & paludem Maotidem loca tenet, & is in manibus regis est: tertij sunt remotiores. Asiatici vastissimam incolentes solitudinem, & latissimos tenentes campos: hi omnes repētinis incursionibus regnum deprædari, & continuè defatigare non cessant, famem, sitim, æstum & algorem, & omnem inedia[m] contemnentes. Sæpius etiã Turcis iuncti, qui Monocaustum, & Licoftomum occuparunt, maiora & horrenda dāma nostris inferunt. Turcarum enim Scythæ omnes dependent, dum eadē secta sit, Mahometicis simul erroribus implicata: è quibus planè deprehendi potest, facilius catulos à maternis vberibus, quàm Tartaros à Turcarum assistentia diuelli posse, qui nunc etiam contra regem Persarum optatas viginti millium equitum suppetias tulerunt. De his rex noster multas & insignes reportauit victorias, vt arces, & loca regni munitissima ostendunt, quæ pacis tempore pro sui nominis immortalitate ornatissimè restaurat: vbi Scytharum catenatæ acies, latericio in muris erigendis certamine quotidie congregi videntur. Est & alter hostis non minor ad rigentem Arcton, circa mare glaciale cōsistens, Roxolanorū dux, quem nos Moschum dicimus, sola perfidia, & detestando schismate famosus. Is partem regni Lituānorū videlicet prouinciam, magno etiam bellorum motu turbat indies. Sed & hunc rex noster, patrocinate iustitia, tudit sæpius, eiusq; potentiam triginta millibus in loco cæsis, profligauit, quàm plurimis primoribus ad vincula coniectis, qui in omnibus Lituaniæ castris arctissima detinentur custodia.

stodia. Multis etiam alijs captiuorum millibus per vniuersum ferè orbem, varijs Christianorum principibus, mancipiorum loco dono datis.

Iamq; cruentum hoc bellum decennium superauit, dum sint, qui eas discordias seminent, concitent, & turpiter alere non verentur. Sed, proh dolor, non pudet etiam religionis professores tantorum malorum auctores, & faces esse, qui literis, & nuncijs ad eam rem fouendam, magisq; irritandam, terra & mari sursum ac deorsum cursitant, vt reges & principes alioquin fortè quieturos, ad pugnam inflamment. Salutis insigne, & candidam innocentiam vestem deferunt, tanquam pacis amatores, & fratrum perniciem sitiunt, bellorumq; fomitem, & totam causam præstant, hi sunt, qui loquuntur pacem cum proximo suo, mala autè in cordibus eorum, sed reuera, Deus facis non illuditur. Breui namq; eis secundum nequitiam adinventionum ipsorum retribuet. Tuè verò sacratissimæ integritatis studium erga se, & statum suum pacandum cognitum habet rex noster, pro qua beneuolentia, te vt parentem alterum obseruat, veneratur, & colit, velleq; vicissim eius maiestatem omni opera, & facultate eniti, vt quacunque occasione, & modis, tuè celsitudini mutuò gratificari, & æquè fraternum officium præstare possit.

Et vt finem dictis imponam, his hostibus & quidem assiduis regnum nostrum à trecentis penè annis premitur. Verùm suo ære tantum, suo milite, & maximis laboribus, totam hanc belli molem sustinuit, nemine Christianorū principum suffragante: spe alebamur cōtinua, & nudis semper pollicitationibus detinebamur, sumptibus & humeris nostris



vicina hucusque oia fouebamus, vt iam tanquam defessi & imbecilles, à maioribus impensis continere non possemus, & deberemus meritò. Nunc tamen vt priuatos effectus publica vincat vtilitas. Expeditionem hanc generalem commendat summo opere, & approbat, serenissimus rex noster: laudat modum de colligendo neruo bellico, & exercitu congregando. Quem sanctiss. dominus noster, & tuæ celsitudinis prouidentia constituit. Alij q; reges & principes Christiani proponunt. Sed neque de eo pro nunc Maiestatem regiam cum senatu, & subditis suis, quicquam decernere potuisse, inter domesticas difficultates, & bellicam occupationem cum ea, quem nemini hostilitate, quibus aliqua ex parte, utcunq; compositis, & deliberatione huius dignissimi cōuentus procedente, mox maiestatem suam, & de colligendo nummo, & describendo milite, in regno & dominijs suis itidem cōstituere velle. Nec pratermissurum quicquam, quæ vires eius, ac regni, & dominiorum suorum ferre potuerint. Et quæ ad tam sanctum, diuq; desideratum opus pertinebunt, dūmodo aliquando cum effectu aliquo Christianæ saluti consulatur, pro qua (vt verbis vtar regijs) & thesauros omnes, & sanguinem ipsum cum vita effundere parata est.

Perge igitur, quo cœpisti, sacratissime Imperator, & tot actatīs gloriosissimis triumphis tuis, vnicum hunc, qui cunctos alios superabit, apponere contende, vt vtriusque Imperij habenas, Christiani omnes, te moderantem aspiciant, & latentur. Vinctes proculdubio in signo crucis hostes deterrimos, profligabis cum tanto apparatu, & omnium potentia.

ria. Turcas impios exterminabis cum Leone sanctissimo, & tot regibus spurcissimos, infideles, & ad ultimos usque fines terræ, tanquam Christo alienos propullabis, ut quate Augustum in Augusta tua, & mense hoc Augusti, augustè comperimus, post multas de infidelibus partas victorias, Mahometiq; deleti nomine, Augustissimum tandem videamus. Iter autem parabit, & diriget Dominus, cuius res agitur, carmine prophetico attestante, Reuela Domino viam tuam, & spera in eo, & ipse faciet.

## VICTORIA SERENISS.

PRINCIPIS, ET D. D. SIGISMUNDI EIVS NOMINIS PRIMI REGIS

*Polonia, magni Ducis Lituania, Russia, Prussia, ac Massonia, &c. domini, heredis contra Vayuodam Muldavia, olim Dacia, Turca tributarium, & subditum. cui subest Valachia, Mysia inferioris pars ad flumen Tyram influens Pontum Euxinum, qua à*

*Deo data fuit terna in Mense Augusto præterito,*

*& consummata XXII. die eiusdem*

*mensis, anno Domini*

M. D. XXXI.



AYEVODA Muldavię, & prædecessores eius, ut perfidorum mos est, nihil unquam longo iam tempore regibus, & regno Polonię, quod tenebantur, præstiterunt, cui ipse Vayuoda innixus, hyeme præterita, præter omnem expectationem fœderibus, & iuramentis, qua fecer-

Mm

rat, neglectis: nullaque hostilitatis denunciatione præmissa, prouinciam regni Polonię Pokuczię nuncupatam fide, & honore posthabito, occupauit. Quam iniuriã, quum serenissimus Polonię rex diutius ferre non posset, exercitum selectorum mercenariorum militum ex regno suo cõparauit, & conscribi iussit, opera magnifici Domini Ioannis Comitis de Tharnouu, Palatini Russiã, & exercituum regni Polonię capitanei generalis, viri in militaribus, clarisq; alijs in rebus præstantissimi, quem ille varijs in locis, ne hostis certum numerum scire posset, collegerat, & disposuerat, & non multò ante festum sancti Iacobi ad loca, quæ præsidijs hostis firmata erant, admoueri iusserat. Constabatq; totus ille exercitus equitibus, præter trecetos pedites, qui machinis, & bombardis erant addicti. Ex his equitibus ipse capitaneus generalis præmisit duo millia, & aliquot centum equites, qui præter Valachorum spem, & scientiam varijs in locis prouinciam illam Pokucziã adorirentur. Valachorum ibidem in præsidijs erant fortassis 1400. bello apti, præter aliam colluiem. Poloni milites mādāta capitanei strenuè exequentes, non vna ex parte eam prouinciam inuasērunt, configentes cum hostibus multos trucidarunt, & non paucos viuos ceperunt, inter quos erant pleriq; ipsius Valachi familiares, & aulici, atq; in duobus diebus totam illam prouinciam recuperarunt, præter castrum quoddā Guuosdziecz, quod cuidam nobili Polono Thuuorouuski nuncupato fuerat ademptum. Hoc tamen etiam paulò post obfidentes, in potestatē suam redegerunt, & illi quendam præfectum militum Vlodek nomine præfecerunt,



runt: pauci ex illa Polonorum irruptione, Valachorum, qui superfuerant, euasere in Valachiam. Huic victoriae capitaneus generalis Comes de Tharnouu non interfuit, sed cum potiore exercitus parte rerum euentum non procul praestolabatur. Victoriae verò nuncium cum quibusdam captiuis, nobilis quidam iuuenis Spitek de Tharnouu serenissimo Poloniae regi Cracouiam apportauit. Paulò post appulit etià ad sereniss. Maiest. regiam generosus dominus Hieronymus Schaffranycz, qui plurimos ex ea victoria captiuos attulit, hiq; hinc inde per castra regia habentur distributi. Post hanc acceptam cladē Vayeuoda Valachus percitus, omnes quas potuit suorum topias cōgessit, & in tres exercitus diuisit, eratq; numerus omniū supra viginti millia. Cum his in provinciam Pokuczia perueniens, sex millia equitū ad recuperandum castrum Guuosdziecz transmisit. De quo certior factus comes de Tharnouu, capitaneus generalis, maturè cum toto suo exercitu, & his qui ultro se adiunxerant, ad succurrendum obfessis, & castro affuit. Hoc videntes Valachi, 19. Augusti praeteriti cum exercitu Polono manus conseruerunt. In eo conflictu, cum Dei adiutorio, Poloni superiores facti, Valachorum illa sex millia profligarunt, & in fugam verterunt: multi illorum caesi, capti quàm plurimi, & praesertim de illis, qui ipsius Vayeuodae curiae inseruiunt. Hanc suorum stragem, quā à duobus suis capitaneis, qui ex praelio profugerant, Vayeuoda audiuisset, commotus, iussit illis amputari capita, sed aliorum precibus victus, catenis ferreis victos custodiae mandauit. Haec est Valachorum consuetudo, vt eos omnes, qui ex pugna euadentes do-

num reuertuntur, supplicijs grauioribus, quàm si in bello cecidissent, afficiant. Hinc fit, vt in cõfligendo multis alijs nationibus sint ferociores. Accēsus itaq; Valachus ira pariter, & pudore, ipse in persona cum suis omnibus, Polonos septos castris, vt eorum mos est, curribus, & vallis factis, cum multis magnis bellicis tormentis, quæ secum duxerat, aggressus est. Quumq; Poloni sic cincti, non excedentes sextam partem numeri militum, quem secum habuit Valachus, vim globorum vltiùs ferre nō possent, prioribus victorijs animati, & ope diuina adiuti, extra vallum in ordinibus suis prosilientes prælium commiserūt, & cum hostibus de perfidia expostulantes, & certantes ad quinq; horas, sine intermissione cōseruerunt manus, illosq; ad internecionem vique prostrarunt. Namq; præter multa alia millia caëtorum Vayeuoda ipse fugiens duobus vulneribus est affectus. Tormenta bellica magna quinquaginta cum pulueribus, globis, curribus onerarijs, & toto com meatu capta, inter quæ fuerant quædam ante 34. annos Polonis, & superioribus annis ipsis Trāsfyluanis Vngaris adempta. Item duo vexilla maiora & principaliora, tympana, & multa alia bellica paramenta. Quæ omnia facta sunt 22. Augusti præteriti. Poloni prosequentes victoriam, insequuti sunt fugientes Valachos per milliare Germanicum vnum & dimidiatum, trucidantes, & plerosque de nobilioribus viuos capientes. Fuit caëtorum ingens numerus, & inter eos multi de primoribus Valachi reperti. Hunc latum victoriæ nuncium attulit serenniss. Poloniae regi quidam præfectus militum, nomine Szuuienziciki 29. Augusti Cracouiam. Postero die

ro die missus à comite de Tharnouu capitaneo generali quidam iuuenis nobilis nomine Sbigneus Szienyenski, quosdam sereniss. Maiest. regiae etiam captiuos attulit. Et inde alius praefectus militum Ias-louuiecki duxit secum magnum captiuorum numerum, inter quos est, qui dicitur sermone Valacho Glogofer, quod est apud illos supremi cancellarii nomen. Item & pocillator, seu pincerna, & structor mensae, cum plerisque alijs ipsius Valachi officialibus. In summa nihil aliud ex eo conflictu secum, quam duobus vulneribus saucium corpus asportauit Valachus, qui non immerito perfidiae suae sic dedit poenas. Hinc tantus timor suos in Valachia inuasit, ut multi in Vngariam, & Moldauiam quotidie cum bonis suis profugerent. Christo Domino sit honor, & gloria, atque omnis gratiarum actio, qui sereniss. Poloniae regem quam diutissimè contra crucis suae hostes viuere, & triumphare concedat, Amen.

EXCERPTA est haec victoriae historia ex ipsis sereniss. Poloniae regis literis, & quorundam, qui omnia magis peculiariter scripserunt.

Datum Bruxellis, in curia Caesareae Maiestatis, 24. Septembris, anno Domini M. D. XXXI.

Per R. D. Ioannem Dantiscum, C. Episcopum Culmensensem, oratorem ipsius serenissimi regis.



550 R E R V M P O L O N .  
FRAGMENTVM EX LI-  
BERO BARONE DE HERBER-  
STAIN NEYPERG, ET GVETTEN-  
hag, &c. de bello Poloni, &  
Moschi. >



RAT Ioanni magno duci ex So-  
phia, filia Helena, quam collocauit  
Alexandro Magno duci Lituaniae,  
qui postea rex Poloniae declaratus  
est. Sperabant Lituani iam grauissi-  
mas utriusque principis discordias eo  
matrimonio sopitas fore : at longè grauiores inde  
exorta sunt. In sponsalibus namque conclusum erat,  
ut templum Ruthenico ritu in castro Vilnensi, de-  
stinato loco exedificaretur, ei que certa matronae ac  
virgines eiusdem ritus iungerentur, quae cum ali-  
quanto tempore fieri negligerentur, sumit socer caus-  
sam belli contra Alexandrum : & triplici exercitu  
instructo, contra eum progreditur. Primum versus  
prouinciam SeWeram in Meridiem : secundum ve-  
rò in Occidentem contra Toropecz, & Biela insti-  
tuit, tertium in medio versus Drogobusch, & Smo-  
lenczko collocat : ab ijs exercitum in subsidijs reti-  
net, quò ei maximè, contra quem Lituanos pugna-  
tores animaduerneret, succurrere posset. Postquam  
autem ad fluuium quendam Wedrasch uterque exer-  
citus venisset, Lituani duce Constantino Ostroski  
maxima procerum, & nobilium frequentia septo,  
ex quibusdam captiuis numerum hostium ac du-  
cum quoque cum cognouissent, magnam spem pro-  
fligan-

figandi hostium concipiunt. Porro cum fluuiolus  
cōflictum impediret, ab vtrifq; transitus seu vadum  
quæritur. Primi autem Moschi aliquot, superata ri-  
pa, Lituanos ad pugnam laceffunt: atq; illi haud ti-  
midi resistunt, eosq; insequuntur, fugant, vltraque  
fluuiolum pellunt: mox vtrinq; acies cōmittuntur,  
præliumq; atrox oritur. Interea dum vtrinq; eodem  
ardore animorum acriter certarent, exercitus in in-  
sidijs collocatus, quem paucissimi Rutheni adfutu-  
rum sciebant, ex latere in medios hostes inducitur.  
Litواني metu perculsi, dilabuntur: Imperator exer-  
citus vnà cum plerisque nobilibus capitur: reliqui  
perterriti, castra hosti concedunt: se & arces, Dro-  
gobusch, Toropecz, & Biela pariter dedunt. Exerci-  
tus verò, qui meridiem versus processerat, cui præ-  
erat dux Machmethem in Tartarus rex Casani, fortè  
Brensko ciuitatis præfectum, quem vernacula lin-  
gua Waiuodam vocant, comprehendit, Brensko-  
que ciuitate positur. Duo post germani fratres, Ba-  
silius patrueles, alter de Staradub: alter verò Semecz-  
itz dicti, bonam partem prouinciæ Seueræ possi-  
dentes, alioqui Lituaniæ ducibus obedientes, impe-  
rij Moschi se tradunt. Sic vnico cōflictu, & eodem  
anno adeptus erat Moschus, quæ Vitoldus ma-  
gnus dux Lituaniæ multis annis, maximisque la-  
boribus obtinuerat. Porro cum hisce captiuis Li-  
tuanis, Moschus crudelius egit, grauissimis catenis  
vinctos detinuit: egitque cum Constantino Du-  
ce, vt relicto domino naturali, sibi seruiret, qui  
cùm aliam spem elabendi non haberet, conditio-  
nem accepit, obstrictusque grauissimo iuramento,  
liberatus est. Huic porro quamuis prædia, possessio-

nesq; pro status sui conditione attributæ essent : ijs tamen placari ac detineri adeò non poterat, vt ad primam occasionem, per inuias syluas redierit. Alexander rex Poloniae, magnus dux Lituaniae, qui perpetuò magis pace, quàm bello gaudebat, relictis omnibus prouincijs, & castris à Moscho occupatis, liberatione suorum contentus, pacem cum socero fecit.

Moritur autem Ioannes ille magnus, anno mundi 7014. cui filius Gabriel, postea Basilius dictus, magnus dux successit, habens in captiuitate Demetrium nepotem ex fratre, qui auo adhuc viuentē iuxta gentis cōsuetudinem legitimus monarcha creatus erat: & ob id viuo adhuc, atq; etiam mortuo pòst nepote, solenniter Basilius creari monarcha noluit. Patrem multis rebus imitatus est: ea quæ sibi reliquerat pater, integra custodinit: ad hæc multas prouincias non tam bello, in quo erat infelicior, quàm industria, imperio suo adiecit, quemadmodū pater Nouogardiam magnam in seruitutem suam redegerat, ita & ipse Plescouiam, sociam vrbein: item insignem principatum Smolenzko, qui plus quàm centum annis sub ditione Lituānorum fuerat, adeptus est. Mortuo etenim Alexandro rege Poloniae, etsi belli causam contra Sigismundum regem Poloniae, & magnum ducem Lituaniae nullam haberet, tamen quia regem ad pacem magis, quàm bellū inclinatum: Lituānos verò bellum pariter abhorrentes videret, occasionem belli inuenit. Sororem videlicet suam, Alexandri relictam, dicebat ab eis minimè pro dignitate tractari: regem præterea Sigismundum inimulabat, Tartaros contra se concita-



citauisse. Quare bellum indicit, Smolenczko obsidet, ad motis tormentis: ne quicquam tamen oppugnat. Interea Michaël Lynczky, ex principum Ruthenorum nobilistemma, & familia ortus, qui quondam summam rerum apud Alexandrum tenebat, ad magnum ducem Moschouia profugit, quemadmodum infra patebit: mox Basilium ad arma hortatur, eiq; promittit, se Smolenczko, si iam denuò obsideretur, expugnaturum: ea tamen lege, ut sibi hunc principatum Moschus concedat. Post cum ad conditiones à Michaële propositas assensus esset Basilius, atque Smolenczko graui iam denuò premeret obsidione, Lynczky pactiōibus, seu largitione verius vrbe potitus, militiaq; præfectos omnes secum in Moschouiam duxit: vno duntaxat excepto, qui ad dominum suum, nullo proditiōis crimine sibi conscius, redierat: reliqui verò centuriones corrupti pecunia, & muneribus, redire in Lituaniā nō audebant: & ut culpæ suæ patrociniū prætenderent, iniecerunt metum militibus, dicentes: Si Lituaniā versus iter arripiemus, passim aut spoliabimur, aut occidemur: quo malo perculsi milites, omnes in Moschouiam profecti sunt, stipendioq; principis aluntur.

Hac victoriā elatus Basilius, exercitum suum continuo in Lituaniā progredi iubet: ipse verò in Smolenczko manet. Dein cum aliquot propinquo ra castra, & oppida deditione capta essent, tum primum Sigismundus rex Poloniæ obsessis in Smolenczko, coacto exercitu auxilium, sed tardius, misit: mox occupato Smolenczko, vbi Lituaniā versus Moschi exercitum ire animaduertit, ipse Bori-

fossi iuxta fluuium Beresina situm aduolat, atq; inde  
 exercitum suū Constātinō Ostroskij duce, dimittit:  
 qui cū attigisset Borysthenem, circa Orsam oppi-  
 dum, quod à Smolenczko 24. mill. German. distat,  
 aderat tum iam exercitus Moschi circiter 80. millia:  
 Lituanicis autē non excedebat triginta quinq; millia  
 hominum, adiunctis tamē aliquot bellicis tormen-  
 tis. Constantinus mense Septemb. die 8. anni 1514.  
 strato ponte, peditem vltra Borysthenem, iuxta Or-  
 sam oppidum transfert: equitatus autem angustum  
 vadum sub ipso castro Orsæ superat. Mox vbi dimi-  
 dia pars exercitus Borysthenem transisset, nuncia-  
 tur Ioanni Andreæ Czeladin, cui summa rerum à  
 Moscho erat commissā, vt hāc exercitus partem in-  
 tuaderet, contereretq̃ue. At ille respondit: Si partem  
 hanc exercitus oppresserimus, supererit altera pars,  
 cui fortē aliæ iungi copię possent, atq; ita nobis ma-  
 ius periculum immineret: expectemus tantisper,  
 dum totus exercitus transferatur: tantæ enim sunt  
 nostræ vires, vt sine dubio, nec magno labore, hunc  
 exercitum aut opprimere, aut circumuentum Mo-  
 schouiam vsque, veluti iumenta agere possimus.  
 Tandem, quod vnicum restat, totam occupemus  
 Lituaniam. Interim appropinquabat exercitus Li-  
 tuanicus, Polonis & externo milite mixtus: & cum  
 quatuor millibus passuum ab Orsā processisset,  
 vterque subsistit. Moschorum duæ alæ longius ab  
 exercitu recesserant, vt hostem à tergo circumue-  
 nirent: acies autem instructa in medio stabat, sub-  
 ductis quibusdam in fronte, qui hostem ad pugnam  
 lacerarent. Ex aduerso Lituanus diuersas copias, or-  
 dine longo collocabat: singuli etenim principatus,

suæ gentis copias, & ducem miserant, atque ita singulis suis in acie dabatur locus. Tandem cohortibus in fronte constitutis, Moschi classicum canentes, primi in Lituanos impetum faciunt: illi haud timidi resistunt, eosque repellunt: quibus mox alij in auxilium missi, vicissim Lituanos in fugam conuertunt: sic aliquoties vtraque pars novis subsidij aucta, alteram repellebat. Postremò maxima viceratur. Litواني studio cedentes ad locum, vbi tormenta bellica collocauerant, ea in Moschos insequentes conuertunt: extremamque aciem eorum in subsidij arctius collocatam feriunt, turbant, dirimuntque. Hoc nouo belli genere Moschi, qui primos dumtaxat in acie cum hoste confligentes, in periculo esse putabant, terrentur, turbati que primam aciem iam iam fusam putantes, fugam capessunt, quos Litواني conuersi, omnibus copijs effusis insequuntur, fugant, cæduntque. Hanc cædem sola nox ac syluæ diremerunt. Est inter Orsam, & Dobrounam (quæ quatuor mill. German. distant) fluuius Cropsna dictus: in cuius dubijs, & altis ripis fugientes, tot Moschi submersi sunt, vt cursus fluminis impediretur. Capti sunt in eo conflictu omnes militiae præfecti ac consiliarij: quorum præstantiores, Constantinus sequenti die lautissimè accepit: dein ad regem misit, qui per castra Lituanica sunt distributi. Ioannes Czeladin cum alijs duobus præcipuis ingrauescentis iam ætatis ducibus, habebatur, in ferreis compedibus Vilnæ: hos ego, cum à Cæsare Maximiliano legatus in Moschouiam misus essem, permittente rege Sigismundo, accessi, eosque consolabar: aureos præterea aliquot, obsecran-



tibus mutuò dederam. Princeps porrò accepta suorum clade, Smolenczko continuò relinquens, in Moschouiam fugit: & ne castrum Drogobusch Litواني occuparent, incendi iubet. Lituanicus exercitus rectà Smolenczko ciuitatem contendit, sed capere eam non potuit: quòd præsidijs impositis, Moschus eam bene firmatā reliquerat: & quòd hyems impendens obsidionē impediēbat: tum quod plurimi post conflictum prædæ onusti, satis se effecisse rati, domum repetebant: denique, quòd neque Litواني, neque Moschi expugnare arces, aut vi capere norunt. Ex ea autem victoria, præter recuperata citra Smolensko tria castra, rex nihil reportauerat. Anno post hunc conflictum quarto, misit in Lituaniā exercitus Moschus, atque intra meatus Duuinæ fluuij, & Poloczko castrum consedit: ac inde bonam exercitus partem, quæ Lituaniā abacta præda, cæde, & incendijs depopularetur, dimisit. Albertus Gastold Poloczkijs Vuayuoda vna noctium egressus, flumine superato, aceruum fœni, quod ad longam obsidionem congesserant Moschi, incendit, hostem inuadit: quorum alij cæsi ferro, alij fugiendo submersi, alij capti, pauci euaserunt: cæteri, qui palantes Lituaniā vastabant, pars in locis diuersis deuicti, alij in syluis errantes à colonis trucidati sunt.

MARTINI

MARTINI CROMERI  
ORATIO IN FVNERE OPTIMI  
ET MAXIMI PRINCIPIS, SIGISMVN-  
di, eius nominis primi, Polonorum, Lituano-  
rum, Russorum, Prussorum, & Masouiorum regis,  
&c. an. M. D. XLVIII. Calend.

April. defuncti.

SERENISSIMO PRINCIPI ET DOMI-  
no, Domino Sigismundo Augusto Dei gratia regi  
Poloniae, magno duci Lituaniae, Russiae, Prussiae,  
Masouiae, Samogitiae, &c. Domino & heredi,  
Domino suo clementissimo, MAR-  
TINVS CROMERVS.



*I*N publico & acerbissimo omnium  
nostrum luctu, quem tecum pariter,  
Sigismunde Auguster rex inclite, mor-  
te sanctissimi regis nostri S I G I-  
S M V N D I, patris tui, nuper hau-  
simus, nulla est (mea quidem senten-  
tia) maior, & efficacior doloris lenatio, quam hone-  
stissime, & laudabiliter in primis ab eo acta, & reli-  
giose exacta atq; posita vita: beneq; & feliciter, sapien-  
ter & cum approbatione omnium bonorum admini-  
strati regni huius recordatio. Quia in parte cum ego  
pro meo de multis bene merendi studio, opis aliquid nō  
nisi, neq; maioribus natu (qui multos annos in Repub.  
hac nostra, & in aula eius regis versati, exactius o-  
mnia norunt, & memoria tenent) sed minoribus &  
imperitiis afferre cuperem, prius quam ab te orator

Historia Po-  
lonica ab  
autore con-  
scripta.

ad Pont. max. Paulum eius nominis tertium profici-  
scerer, scripsi ei funebrem orationem, siue laudatio-  
nem: qua vitam eius penè omnem, resq; gestas illustrio-  
res, nudè & succinctè, quoad fieri potuit, exponendo,  
non verbis amplificando ( quod per longum, & non  
mearum sanè virium opus futurum erat ) complexus  
sum, ut esset commentarij vice interim, dum sine à no-  
bis ipsis in instituta historia gentis nostræ, siue quod  
malim à doctiori atq; disertiori quopiam diligentius  
omnia pertractentur. Nec sanè desunt in hoc tuo re-  
gno, quod multò florentius, & belli, & pacis artibus  
pater tuus reddidit, quàm acceperat: qui, si tua beni-  
gnitas acceperit, & libenter id opus suscepturi sint, &  
cum dignitate persecuturi. Equidem, si nihil aliud hoc  
labore meo assequar, certè doctiorum cessantium ad-  
huc studia excitabo, & persequi hac accuratè, & or-  
natè volentibus materiam subministrabo. Tibi verò  
in primis, inclysterex, orationem hanc dicare volui,  
cui me ipsum non ita pridem addixi, & ad quem he-  
reditas paterna gloria maximè pertinet: ut si quidem  
placebit, nonnulla, si non cum voluptate, certè cum le-  
uatione desiderij paterni, domestica decora recogno-  
scas: & nostri siue ocij, siue negocij fructum, & quasi  
primitias quasdam delibes: si displicebit ( quod ma-  
gis credo ) melioribus des id negocium, ut ne cum  
eorum, qui nunc viuunt, mortalium memoria, sa-  
pientissimi, & optimi patris tui laudes intermo-  
riantur.

Quamquam viuent ea ( nisi me vanum fallit au-  
gurium ) ævo sempiterno, easq; posteri nostri longè  
etiam, quam nos gratiore, & incundiore memoria  
prosequantur. Quod reliquum est, Deum precor,



*Et fausta tibi, nobisq, omnibus regni tui initia esse  
velit, & latioribus indies successibus id cumulet, ac  
diutissime incolume, fortunatumq, præstet. Cracouia  
9. Calend. Aug. M. D. XLVIII.*

SANCTI POLONIÆ, &c. RE-  
GIS SIGISMVNDI PRIMI E-  
pitaphium.

*Sigismundus in hoc iacet sepulcro,  
Quod vivens sibi providè paravit.  
Primus Sarmatiae potens feracis  
Hoc rex nomine, quem Iagielliana  
Ex magnis Ducibus vetus propago,  
Gestis, iustitia, fideq, clarum,  
Produxit: quibus & diu Polonos  
Rexit magnanimos, eosq, multis  
Auxit divitijs, honoribusq,  
Et tot magnificis ubique passim  
Structuris, ut in hac patefuit arce,  
In templis, & item Deo dicatis.*

*Armis atque toga probè per omnes  
Insignis procul inde nationes,  
Veri cultor erat, tenax honesti,  
Et prudens, sapiens, pius, modestus,  
In cunctis ratione semper usus,  
Non praeceps, neque concitus notatus.*

*Tandem transijt hinc, bis octo lustris  
Ex hoc pondere corporis, peractis:  
Sanctè sicut in hoc agebat, hoc sic  
Est iam tempore, mortuusq<sub>3</sub> sanctè,  
Christus, quo tumultum die reliquit,  
Coniunctus superùm beatitati.*

Natus anno Domini 1467. prima Ianuarij. Electus  
1506. octaua Decembris. Coronatus 1507.  
vigesima quarta Ianuarij. Mortuus 1548. pri-  
ma Aprilis.

*Ioannes Dantiscus episcopus Varmiensis, domino suo  
bene merenti non sine lacrymis posuit.*

## SIGISMVNDVS REX IPSE

DE SE.

*Cinibus, externisq<sub>3</sub> mea est clementia nota,  
Consilium, grauitas, religio, atq<sub>3</sub> fides.  
Pax mihi cara fuit: tamen haud me impune laceffit  
Teutho, Lino, Moschus, Turca, Scythia atq<sub>3</sub> Getes.*

## ORATIO.



NTEMPERANTIVS fortasse, Sigi-  
smunde Auguste rex inclyte, & vos  
Patres amplissimi, ac ceteri viri vn-  
dequaq<sub>3</sub> ornatissimi, abuti facilita-  
te, & patientia vestra videor, qui lo-  
cum hunc augustum, apud vos hoc  
tempore dicturus, conscenderim: nihil neque con-  
spectum, confessumq<sub>3</sub> istum vestrum amplissimum,  
gra-

grauissimumq; reueritus: neque rei, de qua dicendū est, magnitudine dereritus. Neq; ego ita sum hebes, vt non intelligam, quid & quantum sit, quod nunc à vobis expectetur: neque ita mihi ipse placeo, vt nō perspiciam, quid à me præstari possit. Quod si Alexander ille Magnus, rex Macedonum, qui res maximas mira celeritate, & rara felicitate gessit, neque pingi se, nisi ab Apelle, neque fingi, nisi à Lysippo, præstâtissimis suæ ætatis artificibus, passus est: quanto acumine, quàm varia doctrina, quàm solido iudicio, qua memoria, quàm vbere denique, & illustri eloquentia esse oportet cum, qui de optimi, fortissimi, sapientissimi, clementissimi, & pientissimi regis SIGISMUNDI, cuius nunc exequias Polonia, Lituania, Russia, Prussia, Samagitia, & Massouia omnis, mœsta & pullata celebrat, laudibus, & vita omni, verè, & pro meritis eius dicere velit? Et effigiem quidem cuiusquam aptè, seu pingere, seu fingere, non maximi est ingenij, neque laboris, ac ne operæ precij quidem. Patent omnium obtutibus corporis lineamenta: neque magnopere cuiusquam refert, quo colore, qua figura oris, quo corporis totius habitu, quæve statura quisque fuerit, qui inter homines esse desijt: animorum habitudines, vitamque omnem, non cuiusvis est neq; exactè perspicere, neq; dicendo aptè, & ad viuum exprimere. Magnorum autem virorum, & excellenti virtute præditorum laudes celebrare, apprime vtile est vitæ hominum, & necessarium: vt & illis, quoad fieri potest, pro meritis suis gratia referatur: & ceteri habeant, vnde virtutis, & laudis exempla petant, & quò ad benè merendum de suis incitentur. Tanti sunt autem huius

*Alexandri  
Magni dele-  
ctus pictori,  
& sculpto-  
rum.*

*Propositio.*

*Animorum  
habitudines  
exprimere  
difficile.  
Virtutes ex  
laude bono-  
rum.  
Sigismundi  
regis Virtu-  
tes.*



optimi regis virtutes, vt summis pariter ac imis abundè exemplorū, ad vitā rectè, & honestè instituentiam suppedirent: tanta in nos & in patriam hāc nostram cōmunē merita, & beneficia, vt ea sempiterna immortalitatis laude consecrari à nobis oporteat.

*Authoris  
modestia.*

Neque tamen is ego sum, qui id me rectissimè, & cum excellentibus sanctissimi illius regis virtutibus, tum perpurpatis vestris auribus, dignè facere possē cōfidam. Ablit hāc à me arrogātia: nō adeò effrons, demensq; sum: intelligo nullam in me esse doctrinam, nullum dicendi vium, & exercitationem, nullum excellens ingenium, nullam deniq; memoriā. Quanam verò tanta est cuiusquam eloquentia? in quo tantum flumen lectissimorum verborum? in quo tanta vis, & (vt ita dicam, flumen sententiarum? in quo deniq; tanta memoria, & pronuncianti dignitas, vt clarissimis optimi regis virtutibus atq; meritis par esse possit? Sed si lautis & delicatis epulis deficiamus, anne cibarium quidem panem hospitibus apponemus? Et, si auro, gemmis, preciosaq; veste caremus, ne malo quidem cotoneo, vel scypho aquæ ex præterlabenti amne haustæ, gratitudinem animorum nostrorum sanctissimæ huius regis animæ ostēdemus? Vetis est prouerbiū, Eos, qui thura nō habent, mola salsa litare. Certè vel cum periculo priuatæ temeritatis, & impudentiæ, nō est prodenda causa publica: neq; committendum est, vt dum singuli pudori nostro contulimus, cuncti hoc extremo laudationis officio in funere talis ac tam bene meriti regis prætermisso, ingritudinis (ne dicam impietatis) reprehensionem apud hos ornatissimos magnorū principū oratores, & apud omnes gentes

*Excusatio  
insufficien-  
tia.*

*Iusta lau-  
dādis causa.*

gentes, quæ humanitatē colūt, meritò incurramus. Audendum est igitur, & eo quidem maiore fiducia, quod ijs de rebus dicendum est, quæ vobis plerisq; omnibus æquè ac mihi notæ, nonnullis etiam notiores sunt: nempe quas vidistis ipsi ferè, & meministis, & quarum (vt ait Poëta quidam) pars magna fuistis. Ita enim futurum est, vt me rudi, & inculto, sed plano tamē sermone, capita modò rerum attingente, cætera vos ipsi diligentius mecum recognoscatis, & grata, iucundaq; (vt par est) memoria recolatis. Ac de tribus honorum generibus, quæ sola sunt laudabilia: primùm externa: deinde de corporis: postremò animi eius bona succinctè persequar. Quod dum facio, vos mihi quæso, viri præstantissimi, benignos vos, & attentos præbeatis.

**G**enus paternum Sigisimundi à Cazimiro est, Vladislai Iagellonis filio. Nemo est autem sic hospes in Polonia, ac in toto ferme Septentrione, cui non sit auditum de Iagellonum familia, quæ iam supra centum, & quinquaginta annos apud nos regnat, à vetustis Lituanorum ducens originem. Cuius princeps Iagello, cui Vladislao nomen, bono, veroque omine, quasi qui gloria potens esset, maiores nostri indiderunt. Huius auus, tuus autem Sigisimunde Auguste, proauus, cum Lituaniæ, & magnæ partis Rusiæ dominatu potiretur, expetitus à Polonis, & ad regnum vnà cum coniugio religiosissime virginis Hedwigis, de mortui Ludouici regis Vngarorum & Polonorum filiæ, repudiatis quibusdam alijs procis, accitus: religioni Christianæ sese, & cunctam simul Lituaniam addixit, ditionesque suas omnes Poloniæ scødere sempiterno adiunxit

*Virgil.  
Partitio.*

*Iagellonum  
Verus stirps.*

*Vladislao  
Iagello.  
Vladislai  
etymon.*

*Hedwigis re-  
gina Ludo-  
uici filia.  
Lituanorū  
ad hristiā  
conuersio.*

*Jagellonis  
studium in  
propaganda  
religione.  
Bohemi.  
Vladislai  
regis gesta.*

in curanda & prodigiosis dæmonū superstitionibus ad veri Dei cultum conuertendo gente sua agresti, & barbara, per multum laboris, operæ, sumptuum-  
que impendit. Nec indecorū sibi duxit præpotens rex, doctoris, & apostoli munere fungi apud rudē, & vilem plebeculam, cum nostri sacerdotes eius lingua penitus essent imperiti. In Bohemis quoq; ad sanitatem, priscamq; religionem à multiplici errore, quo se authore Ioanne Hussō implicarant, reuocandis, non parum operæ sumpsit: cumq; pertinaciores eos esse animaduertisset, regnum ab eis delatum repudiavit. Silesios quosdam, & Russos duces domuit. Cruciferos Germanos non modò Lituaniæ inhiantes, verū etiam Poloniam ipsam, parentem & nutricem suam crudeliter, & impiè laniantes, clarissimis aliquot victorijs repressit: victis, fractisq; pacem æquis cōditionibus dedit. Erat enim singulari lenitate, & mansuetudine, ad remittendas offensas perfacilis, & supra modum credulus: quippe qui fallere neminem ipse consueuisset. Quò magis obnoxius, & opportunus fuit dolis, & iniurijs cum Sigismundi Cæsaris, tum Vitoudi, & Suitrigellonis proximorum suorum, de quibus erat bene meritis: per quos factum est, vt in administrando regno plusculum haberet negocij. Huic decrepita valde ætate, cum duodequingenta annos regnasset, vita defuncto, de duobus filijs impuberibus, quos è quarta vxore Sophia Russa Kiouic̃sum ducis filia suscep-

*Jagellō cru-  
delis, & cā-  
didus.*

*Suitrigello-  
nis.*

*Jagellonis  
filij.*

*Vladislaus  
rex Vngar.  
& Pol. apud  
Varnam à  
Turcis occi-  
sus.*

Vngarorū quoq; regno suscepto, & profligatis summa cum gloria aliquot Turcarum exercitibus, cum prius ad Macedonię, deinde ad Thraciæ fines, hosti  
pacem



pacem petēti formidabilis, cum animosiore, quàm validiore exercitu penetrasset, apud Varnam inter confertissimos hostes incautiùs dimicans, certam propemodum victoriam cū vita pariter amisit: cum vndecim ferme apud nos: apud Vngaros verò non totos quinq; annos regnasset.

Post hunc Cazimirus natus minor frater, tuus Sigismunde Auguste, auus, regnum hoc suscepit: cui peruastata à Tattaris (tamen si profligatis semel atque iterum) Podolia & Russia, & amissus per defectionem ad Moschos dominatus Seuerienlis, ac domesticus motus, seu veriùs offensæ voluntates multorum, propterea quòd Lituanis plusculum indulgeret, malisq; consultoribus vteretur, non parū de æterna felicitate detraxere. Prussiam tamen, & Pomeraniam per deditiōem recepit. Cruciferis fœderum non tenacibus post tredecim annorum bellum supplicibus, & iureiurando in verba sua, & posterorum suorum regum Poloniae adactis, relicta parte Prussiae pacem dedit. Valachorum palatinum bellicosissimum Stephanum, in clientelam accepit, & in cōsilio suo locum ei dedit, ac magno ei ad profligendos Turcas adiumento fuit: cum Vngaris & Bohemis vario Marte bella gessit. Filios sex, & septē filias ex Elizabetha Alberti Cæsaris filia, Ladislai Vngarorum, & Bohemorum regis sorore, fœmina honestissima, & religiosissima, suscepit. Ex his viuens Vladislaum natu maximum Bohemis Cazimirum, ac deinde Ioannem Albertum Vngaris reges dedit. Sed utroque hoc dissensione partium deserto, Vngariam quoque Vladislaus obtinuit. De quo nati Ludouicus quidem filius, bimulus viuēte patre co-

*Cazimirus  
rex.*

*Prussia per  
deditiōem  
Polonis ad-  
iuncta.*

*Cruciferi  
iuraverunt in  
verba regis  
Polon.*

*Valachus  
clens Polon.*

*Vxor & filij  
eius sex, &  
filia septem.  
Vladislaus  
Vnga. &  
Bohem. rex.*

*Ludouicus  
rex.*

& propinquitatibus illustrium virorū, & mulierū, quas enumerare perlongum esset, nobis deuinxere. Sed ad institutū nostrum reuertamur. Hoc igitur Sigismundi genus cōpluribus, quēadmodū videtis, præclaris principibus ac regibus fœcundum fuit. Atque is ab ineunte primū pueritia, vna cū alijs fratribus, ab honestissima, & religiosissima matre, sanctè ac temperatè educatus, & à præceptoribus, viris eruditis, bonis, grauibus, & pijs ad virtutē in primis, & pietatem, cultumq; diuinum institutus, in literis quoq; non cōtemnendos progressus fecit: ita, vt Latine scribentes, & loquentes sine interprete intelligeret, nec in cōmodū ipse ea lingua vteretur. Germanicā verò, cuius propter finitimos atq; etiā incolas Germanos, non exiguus est vsus apud nos, exactiùs didicit. Porro in diuinis Scripturis ita fuit exercitatus, vt multa inde senior meminisset: ac sæpe eas in ore haberet, nō ad scurrilem iocum, aut ad curiosam disceptationem, vt nunc improbus, ne dicā impius, mos inoleuit, sed serio, & ad moderandas actiones, vitamq; omñe: eoq; timorē Dei, iustitiam, & virtutē maximè semper præ oculis habuit. Per multū. n. refert, quib. rebus quis ab ineunte ætate assuefactus fuerit. Nec scio, an ad vitam sic vel sic degendā longè plus faciat, quo modo quis à puero eductus, & institutus, quàm quo modo natus sit. Solent enim plerunque etiam bonæ, & generosæ indoles, praua, atque adeò negligentiore quoque educatione deprauari: vitiosam verò naturam sæpe bona educatio corrigit. Sic igitur educatis Sigismundus, adolescēs singulari indole, modestia, comitate, grauitate, & industria, quæ res maximè ætatem illam cōmen-

*Educatio  
Sigismundi.*

*Linguarum  
perita.*

*Pius vsus  
sacrarum  
literarum.*

*Educatio-  
nis bona &  
relitas.  
Adolescētia  
Sigismundi.*

*Favor Sigi-  
smundi apud  
Vngaros, &  
Bohemos.*

*Glogouieſis  
& Opaſen-  
ſis domina-  
tus, & ſupre-  
ma prefe-  
ctura Sile-  
ſia.*

*Regna ob-  
lata, ſed non  
acceptata.*

dant, magnam ſibi non modò noſtrorū hominum, ſed etiam externorum, Vngarorū, inquam, Bohemorum, Sileſiorum, & Germanorum, cum quibus vixit, beneuolentiam adiunxit. Nam cū regnante Ioanne Alberto fratre poſt patrem, iuuenis in Vngariam ad Vuladiſlaum alterum fratrem ſe contuliſſet, ibi ea dignatione fuit, vt Vngari, & Bohemi magis eum propemodum, quàm regem ſuum reuererentur: per eum, quæ cuperent, publicè & priuatim à rege peterent: eius autoritati, & iudicio libenter ſtarent. Vſque adeò maiorem vim habet ad tenendos in officio etiam feroces homines, equitatis, grauitatis, conſtantix, & ſapientix opinio, quàm regium ſceptrum, quàm etiam carcer, bonorū conſiſcatio, proſcriptio, virgæ deniq; & ſecures. Itaque magno omnium favore, Glogouiſem, & Opauiſem dominatum, & ſummam vtriuſque Sileſiæ præfecturam à Vuladiſlao fratre obtinuit: adeoque carus ac venerandus fuit Sileſijs, vt hodie etiam eius imperium grata, & iucunda memoria proſequantur. Quid illud, nōne ingens eſt bonæ exiſtimationis, & beneuolentiæ hominum erga eū documentum? quòd cū regnaret iam in Polonia, à Suetijs, poſt eiectum Chriſtiernum regem, & item ab Vngaris atq; Bohemis, poſt miſerabilem Ludouici fratris filij interitum, vt illa quoq; regna ſuſciperet, ex- peritus eſt? Neq; deterrebat Suetios tanta terre, marisq; intercapedo, quanta à nobis diſiunguntur: ac ne Vngaros quidem, & Bohemos pacta conuenta cum Maximiliani Cæſaris liberis, aut Caroli, & Ferdinandi maximorum principum potentia, ſi Sigismundus delatum ſibi regnum ſuſcipere voluiſſet.

Apud



Apud suos verò quàm gratioſus fuerit, vel illud per- *Gratioſus*  
 magno argumento eſt, quòd Ioanne Alberto rege *apud Polo-*  
 mortuo, prælatus fuiſſet proculdubio in regno, ma- *nos.*  
 iorì natu fratri Alexandro cunctorum ſuffragijs, niſi  
 plus publica quies atq; tranquillitas, & vetuſta cum  
 Lituanis, quos iam Alexander ditione tenebat, fœ-  
 dera valuiffent. Iam verò quantum ei honorẽ ſum- *Amicitia,*  
 mi quiq; Principes habuerint, redite quæ ſo mecum *& fœdus cū*  
 pauliſper in memoriam. Primum enim Maximilia- *Maximi-*  
 nus Cæſar, nō minoris animi, quàm prudentiẽ prin- *lian. Imp.*  
 cept, dudum hoſtis accerrimus, poſt celebrẽ illum *Viennensis*  
 congreſſum Viennẽſem, eo ipſum honore profe- *cum Cæſare*  
 quutus, ea caritate complexus eſt, vt in loco fratris *congreſſus.*  
 deinceps eum haberet : eius gratia fœdus cum Ba-  
 filio magno Moſchorum duce iẽctum reſpueret, ac  
 non modò defenderet contra Sigismundum Cruci-  
 feros in Pruſſia, quos defendendos ſuſceperat, ve-  
 rùm etiam auxilia ei contra illos, ſi quid noui moli-  
 rentur ſuo, nepotumq; ſuorum nomine promitte-  
 ret. Qua de re extat apud nos diploma eius.

Huius verò nepos Carolus, qui nunc latè & feli- *Amicitia*  
 citer imperat, nōne hunc Sigismundo honorem *cum Carolo*  
 habuit, vt inclytæ huic reginæ Bonæ, vxori eius con- *V. Imper.*  
 iunctiſſimæ, Barẽſem principatum, quem poſt obi-  
 tum matris eius in poteſtatem ſuam redegerat, red-  
 deret? ipſum ſocietate ſua, & aureo vellere vltro di-  
 gnaretur? ſæpe honorificentiffimam eius mentionẽ  
 faceret? neq; vnquam Cruciferis, & alijs Germanis  
 bellum contra eum flagitantibus indulgeret? Adeſt  
 hic vir clariffimus Stanislauſ Laſcius palatinus Sira- *Stan. La-*  
 dienſis, haud ita pridem apud illum potentiffimum *ſcum.*  
 Imperatorem legatione functus. Adſunt item viri

*Petrus Opal-*  
*lenius.*

*Stan Bor-*  
*gius.*

*Nicol. My-*  
*scovius.*

*Joan. Dan-*  
*tyscus epi-*  
*scopus.*

*Amicitia*  
*cum Ferda-*  
*nando rege,*  
*& Cesare.*

*Nicol. Radi-*  
*vilas, &*  
*Mar. Crom-*  
*erators ad*  
*Ferdinand.*

*Amicitia*  
*cū maximis*  
*regibus, &*  
*pontificibus*  
*Rom.*

præstantes, Petrus Opaleniſius caſtellanus Gneſneri. Staniflaus Borgius Decanus Cracouiſis, Nicolaus Myſcouius regiæ menſæ ſtructur. Vellem adeſſet etiam vir eruditiffimus Ioannes Dantiſcus, epiſcopus Varmienſis: qui omnes idem munus apud eundem imperatorem cum laude ſuperioribus temporibus obierunt. Ex his cuique licet diſcere, quantopere ille princeps maximus, & grauiffimus Sigifmundum regem obſeruârit. Quid frater eius Ferdinandus Cæſar & Rex potentiſſimus? nōne plurimum eum & amauit, & coluit? Nōne eius arbitrio controuerſiam ſuam cum Ioanne rege regno Vngarorum permiſit? Non dico, quibus verbis, & rebus præterea ſæpenumero idem rex quanti Sigifmundum faceret declarauit. Poſſem autem non vano rumore accepta referre, ſed quæ cū de grauiſus viris accepi, tum ipſe explorata habeo, cū nuper ad illum à te, rex Sigifmunde Auguſte, cum Nicolao Radiuilo, viro illuſtri, & acuto, Lituaniæ ſummo Marſchalto miſſus eſſem. Ne illud quidem commemoro, quanto animi dolore idem nuper Sigifmundi noſtri mortem proſequutus, quantoque ſtudio pariter, & apparatu exequias ei in maxima principum Germaniæ celebritate feciſſe dicitur. Vt autem & Gallorum regem Franciſcum, qui anno ſuperiore deceſſit, Iulium ſecundum, Leonem decimum, Clementem ſeptimum: & hunc qui nunc præſidet, ſapientiſſimum Paulum tertium, pontifices maximos præteream, quorum illuſtria habiti huic regi honoris documenta commemorare poſſem: vt magnorum item & grauium quorundam Germaniæ principum perhonorifica de ipſo

de ipso elogia, quæ ipse his auribus audiui nuper, o-  
mittam. Barbari nonne eum præ cæteris regibus, &  
monarchis reueriti sunt? Quo enim rege cultior, &  
populosior fuit Russia, & Podolia? hoc est, quo re-  
ge quietiores fuere Tartari, prædis & acpto alioqui  
vivere soliti? Quid ego dicam de Turcis, qui felicitate  
sua elati, omnes homines atq; Gentes præ se con-  
temnunt? Annón Solimannus bellicosissimus, &  
felicissimus eorum imperator, cum eo perpetuum  
fœdus percussit, & religiosè coluit? negare id alijs  
postulantibus, aut ad tempus modò concedere, nec  
admodum superstitiosè servare solitus. Annón Va-  
lachis ac Tartaris vectigalibus suis, ne Sigismundi  
regis diriones infestarent, edixit? Annón idem, huic  
etiam eius filio Sigismundo Augusto, per Petrum  
Opalenium, & Ioannem Ocellum castellanum  
Bieensem, viros ornatos, pacem, & amicitiam  
in gratiam patris promisit? Annón eiusdem intuitu,  
filiam eius Isabellam reginam viduam, nepo-  
temque, hætenus incolumes esse barbarus tyran-  
nus passus est? qui ne ad Valachiam quidem adspi-  
rasset, nisi eum intempestivè, ne quid aliud dicam,  
dissensiones nostræ animassent. Quid Selimus  
Solimanni huius pater, ferox, & in patrem etiam  
suum impius, annón Sigismundi amicitiam splen-  
dida legatione olim expetiuit? Nimirum admira-  
bantur in eo cuncti virtutem, gravitatem, & con-  
stantiam singularem: reverebantur etiam nonni-  
hil eius felicitatem. Quis enim tot annorum spacio  
in tâta orbis terrarum perturbatione felicius eo re-  
gnavit? quis regnum, superiorum regum infelici-  
tate diuexatum ac deformatum, aut pacatius admini-

*Barbari Si-  
gismundum  
reueriti.*

*Cum Soli-  
manno.*

*Ioan. Ocell-  
sius orator  
ad Soliman-  
num Turc.  
imper.  
Isabella re-  
gina Vngar.*

*Regnū flo-  
rens & pa-  
catum.*



*Reges, & duces inclyti.*

stravit, & retinuit, aut florentius, & opulentiùs reliquit? Quis tot ac tam difficilia bella, tam secunda fortuna, tantaq; celeritate confecit? Commemorantur à veteribus scriptoribus, Cyrus Persarū, Alexander Macedonum, Mithridates Póti, Carolus Magnus Germanorum, maximi & fortunatissimi reges. Celebrantur Alcibiades, Conon, Themistocles atq; Timotheus Atheniensium: Agesilaus, Pausanias, Lysander Lacedæmoniorum: Pelopidas, & Epaminondas Thebanorum: Hannibal, & Asdrubal Carthaginensiu: Romanorū verò (vt multos omit- tam) Fabij, Scipiones, L. Lucullus, Gn. Pompeius, & C. Cæsar, clarissimi Duces, & Imperatores. Ne nostrorum quidem Boleslaorum, & Wladislaorum obscura est gloria. Verùm illi omnes partim cum imbellibus populis rem habuerunt: partim bello felices, cæteris rebus infortunati fuerunt: partim claudibus victorias propemodum adæquarunt: partim etiā aliquousq; à fortuna euecti, in medio cursu destituti, & ad extremum sævis eiusdem procellis obruti sunt. At Sigismundum nostrum ab initio ad finē vsq; secūdo flatu fortuna prosecuta est. Cum quibus verò bella is gessit? Nempe cum potentissimis Moschis, ferocissimis Tartaris, acerrimis Valachis, fortissimis Germanis, cum Turcis deniq; vel ipsa victoriarum perpetuitate formidabilibus. Quarum gentium validos exercitus, vel insignibus prælijs vicit, & profligauit, atq; adeò deleuit etiam, vel castris exiit, vel deniq; regiones earum impune vastauit: quasdā etiam domuit. Atque, vt à Tartaris, perpetuis nostris hostibus incipiam: horum quidem nō contemnendos tres exercitus apud Sluscum tribus prælijs duce

*Comparatio Sigismundi cum clariss. principib. Bella Sigismundi.*

*Victi ab eo Tartari deuersi prælijs.*

Con-

Constantino Ostrogio, principe omnium seculorum memoria dignissimo, ad internecionem penè cecidit. Deinde apud Visnoueciam vigintiquatuor millia, cum se per Russiâ populabunda diffudissent, sexies fusa leuibus, & particularibus prælijs, ad extremum tota acie in abeuntes facto impetu, Nicolao Camenecio palatino Cracouiensi, & eodem Constantino, ducibus profligauit, cum nostri sex milium equitum numerum nō excederent, de quibus vix centum eo prælio desiderati sunt. Hostium verò multò minor pars pernici fuga euasit. In Valachia quoq; ante multos annos à Bogdano Palatino, huius regis auspicijs, & armis ijdem hostes graui prælio victi sunt. Ne illæ quidem victoriæ sunt, quæ apud Voronouiam Ioanne Camenecio, apud Buscū Stanislao Lancoronio, apud Zincouiam arcem Iacobo Sencignouio, atq; iterum palatino Kiouiensi, in Volinia Constantino, & Ostaphæo ter, apud Ossacouiam hostilem arcem eodem Ostaphæo, & Prædislao Lancoronio Ducibus, & quæ in Podolia Trebini, quæque apud Camenecia, & Verestatincium pagum, & con. pluribus alijs in locis Nicolai Senauij viri fortis, & magnanimi, qui nunc palatinus Belensis est, ductu, & fratrum eius Alexandri, & Procopij, ac Bernardi Pratificij Silesij opera partæ sunt. Nam leuiores cum his apud Treboulham, Podhaciâ, Medibozum, & multis alijs in locis prosperè item gesta certamina, sciens, volensque prætereo, ne sum longior. Tot enim fere sunt, quot excursion-  
nes ea gens rapacissima, & famelica, & vel è flamma, quod dicitur cibum petere solita, in ditiones eius ipso regnante fecit: perrarò enim impune id

*Constanti-  
nus Ostro-  
gus dux.*

*Nicolaus Co-  
menecius.*

*Valachi Vi-  
cti.*

*Ioannes Ca-  
menecius.*

*Stan. Lan-  
coronius.*

*Iacobus Sen-  
cignonius.*

*Ostaphæus.*

*Prædislaus*

*Lancoro-  
nius.*

*Nicolaus Se-  
nauius.*

*Bernard.*

*Pratificius.*

abstulit. Quid illa apud Caniouiam in Lituania ante vnum & viginti annos, nōne omnibus seculis est memorabilis victoria, qua viginti sex millia Tartarorum eodem illo Constantino duce parua manu profligata sunt?

*Bella cum  
Turcis gesta.*

Cum Turcis nullum hic rex apertè bellum gessit: sed tamen aduersus eos, cū vel Tartaris intermixti è Podolia prædas agerent, vel Valachis opem ferrent, vel denique nostros circum Bialogrodum, quod & Moncastrum vocant, populabundos insequerentur, cū ab alijs, tum à Prædi-

*Præd. Lasc.*

flao Lancoronix regis huius auspicijs prosperè dimicatum est. Bis contra eosdem in Vngariam Ludouico regi missa auxilia. quo quidem vtroq; tempore, vtinam prius quidem viro illustri, & incomparabili Ioanni Tarnouio, earum copiarum ductori: posterius verò Gnoinio obtemperatum esset. Vterque Turcica arma, viresque periclitatus erat in Podolia: cū illi inde, irritati à nostris, aliquoties prædas egissent. Sed magis comes Tarnouius, cuius præclara virtus enituit, quo tempore Turcæ ad tredecim millia, Pôdoliā, & Russiam ad Leopolum vsque & fines Vngariæ ferro, ignique vastantes, tria millia, plus minùs de suis, particularibus aliquot prælijs fusi, amisere. Quod si idem robur animi fuisset in eo, penes, quem tunc erat militare imperium, potuerat exercitus ille cunctus deleri. Taceo duodecim millia Turcarum in Austria, ante quindecim (nisi fallor) annos, nostratium trium millium opera, & virtute in primis penè ad internecionem deleta. Nam ij tunc, quamuis Sigismundo regnante, tamen non publicè, neque Sigismundi auspicijs, sed

*Ioann. Tarnouius comes.  
Tarnouij  
laus.*



sed Caroli Cæsaris, & Germanorum stipendijs militarunt. Iam Valachos dolis atque artibus vſitatis fretos, & clade noſtrorum Ioanne Alberto regnante apud Bucophinam ſiluaſ accepta, Turcarumque ac Tartarorum auxilijs tumentes, quantā non modò felicitate, verū etiam celeritate vic-  
cit, ac domuit: caſisque eorum copijs, vaſtatis longè, lateque agris, ſenatu penè omni capto, Bogdanum regulum gentis, quem Voieuodam, & Palatinum vocant, reſtituentem prædam, quam paulò antè in Ruſſia cœperat, in verba ſua iurare coëgit: & amiſſam maiorum ſuorum culpa Pocutiam ab eo recepit. Noſtra verò memoria, cū Petrus palatinus rebellaret, Pocutiamque rursus inuaſiſſet, primū ſex millia hoſtiū apud Guoſdeciam ar-  
cem, ac mox viginti duo millia apud Obertinum pagum vix à quatuor millibus noſtrorum, duce hoc Ioanne comite Tarnouio viro clariſſimo, & primario bellatore, inſigni, & inopinata clade proſtigata ſunt, erepta cum bombardis cætera impedimenta, Palatinus ipſe ſaucius vix fuga euasiſt. Nectamen ad officium redijt, donec poſtea in arce Chocimenſi obſeſſus, & ad extrema redactus, ſolenne vnà cum proceribus, & cuncta nobilitate ſua regi iuſurandum dedit. Porro cum Germanis Prulliam ſibi vendicantibus, quo tempore tu Sigismunde Auguſte natus es, bellatum quidem varie, ſed nunquam, niſi proſperè à noſtris dimicatum eſt. Nepe apud Pruſmarcū, Zeburgā, Guteltadiam, Brunsbergam, Reſlam, & Raſteburgum, à Iacobo Sencignouio: apud Piſſiam à Stanislao Maſſouio-

*Bogdanus  
Valachus  
ſcilicet.*

*Petrus Va-  
lachus du-  
ctus Tarno-  
uſij ſcilicet.*

*Bella cum  
Cruciſeris  
Teuthonis-  
cus geſtaſſe  
Pruſſia.*

*Iacobus Sen-  
cignouius.*

*Lanſcoron.  
Joan. Za-  
remba.  
Alexander  
Ilouius.*

rum duce: in ſinu Varmienſi, ſiue Habo lacu nauali prælio à Gedanenſibus, bis apud Bartenſteinam, ſæpiùs à Prædiſlao Lanſcoronio, & Ioanne Zaremba palatino Califfienſi multis in locis: apud Heiliſbergam ab Alexandro Ilouio, Gdani, & Elbinge, cum eas vrbes adorti eſſent, à ciuibus fuſi, & proſtigati: ad extremum tot cladibus, & inedia, vigilijs, & iugi noſtrorum equitum vexatione fracti, & ad paucos reducti, Pruſſia exceſſere.

*Victoria de  
Moſchis par  
ta.  
Ioannes Bo-  
ratini.*

Quid ego de Moſchis loquar? qui vel præcipuam gloriæ, & victoriarum materiam huic regi præbueret? Apud Poloſcum, olim quidem ſeptem millia hoſtium à Ioanne Boratinio, viro acri, & animoſo, interfecta: deinde verò tredecimo abhinc anno, cum ij Lituaniam non ampliùs decem & octo milliarijs à Vilna metropoli, hyberna excuſſione depopulati, reuerterentur, mille extremi agminis, quos ſolos Litwana nobilitas cum aulico regis comitatu, tumultuariè accurrens, aſſequi potuit, trucidati. Superiore etiam quodam tempore in interiore Lituania prædabundi, magnum ſuorum numerum, & prædam, quam abigebant, Lituaniſ inſequentibus, amiſſere. Iam apud Starodubum Radogoftiam, & apud Smolenſcum aliquoties ante tredecim annos, ductu Georgij Radiuili caſtellani Vilnenſis, non ſine magnis cladibus proſtigati: apud Oriam verò cum primum Sigismūduſ regnare cœpiſſet, ne expectare quidem noſtros, dum Boryſthenem tranarent, ſuſtinuere, experti vim eorum in vna, & altera turma, quæ primo impetu incredibili audacia traiecerant: verum dilapſi, cum vaſtari ſua vltra Veſmam etiam atque Drohobuſum cernerent, denuo coadunati ad cen-

*Georgius  
Radiuili.*

tum

tum millia, ne adoriri quidē ter mille nostros mercenarios milites cum paucis Lituanis longiūs à castris regijs ad Smolenskum positis proctessos, ausi sunt. Magnis verò incommodis affecti, Mosiro, Turouio, & alijs quibusdā munitioibus, quas dudum Michael Glinicius ad eos per fugiens interceperat, redditis, commutatisque captiuis quinquaginta nobilioribus ac senatorij ordinis, quos de Lituanis Alexandro rege victo apud Vedrusios ceperant, pacem accepere. Nec maiore ij fuere fiducia longè post, cū Radogostiam, ac deinde Ioanne Tarnouio nostros ducente, Horniam & Starodubum arcēs à nostris partim vicaptā, partim in deditionem acceptas amisere. Et Starodubum quidem, cū amplius quindecim millibus armatorum, qui fuerunt in eius arcis præsidio: qui soli nostrorum numerum longè superabant, virtute per paucorum militum nostrorum, & sulphurati pulueris, ignisque aduimento expugnatum, & euersum. Neq; verò ij tanto temporis, hoc est, plus quàm viginti annorum interuallo, quantum inter Orsensē pugnam, de qua iam dicam, & hoc extremum Starodubense bellum intercessit, abiectos semel spiritus recipere potuerē. Orsensē verò illam celeberrimam, & cum omnibus ferè omnium gentium atq; seculorum victorijs comparandam victoriam, quid hic pluribus commemorare attinet? Eadem opera soli lumen adderē. Quis enim est, qui nesciat, illo prælio, Constantino Ostrogio principe, & Ioanne Suirzouio ducibus, octoginta millia Motchorum bellatorum, qui omnem nostrum exercitum nō modò proterre polle videbātur, verū etiam Borysthenem tra-

*Orsensē de  
Moschu me-  
morabilis  
victoria.*

*Ioannes  
Suirzonius*



*Basilium  
Moschoni-  
tarum prin-  
ceps.*

nare passi, pecudum in modum flagris abigere in Moschouiam destinant, ingenti strage interfecta esse: ita ut desideratorum numerus ad quadraginta ferè millia peruenisse, vel certè duo & triginta millia superasse dicatur? Ductores eius exercitus, viros illustres, omnemque senatum gentis, & supra quater mille captiuos viuos in potestatem venisse, direpta castra opulentissima: ducè ipsum Basilium bellatorem exercitatum, & contra Tartaros, & alias gentes finitimas victoriosum vsque ad regiam suam Mosquam profugisse: atque ibi amplius centum, & viginti milliaribus bene longis à loco conflictus, tamen vix tutò se subsistere posse credidisse. Tantus verò tunc panor Moschorum animos occupat, ut Smolenscum, Seueriense Nouogrodum, & complures alias munitiones, quæ ferè fraude, & perfidia Russorum, partim hoc ipso rege regnante, partim superioribus temporibus in potestatem hostium venerant, desertas tunc ac vacuas defensoribus, nullo negotio recuperare nostri potuerint, si prosequi statim victoriam per tempus anni quieuisent. Atque hæc quidem sunt bellica huius regis decora præcipua (nam leuiora multa prætereo, ne anxie & minutatim cuncta exquirere, & persequi videar) quæ quidem hoc sunt admirabiliora, quò magis inopinata: utpote in summa ærarij inopia, & pleraque omnia longè imparibus viribus gesta: ita, ut bene cum nostris agi videretur, quoties non plus duplo hostium multitudo excederet. Has tot ac tantas victorias, tanta imparitate copiarum quæ sitas, nihil mirum est (ut est rerum humanarum conditio varia, & instabilis) si quæ clades interpolant. Sed quot-

nam,

*Clades pan-  
na & parna  
in tot bellis.*

nam, & quantulae sunt ea? Vna apud Socalum à Tartaris, temeritate Russicae nobilitatis accepta, vbi quatuor fortasse millia nostrorum à quadraginta millibus Tartarorum loci opportunitate vsorum, defatigata veriùs, quàm superata, non incruentam hostibus victoriam concessere. Nostri mille ducenti desiderati, barbarorum verò caesa quatuor millia. Itaque raptim ij cum præda, quamuis victores retrocessere. Altera apud Serethum amnem, cum perpauci nostri in hostico palantes, à Valachis circumfufis oppressi sunt: vbi tamen non plures, ducentis nostris periëre. Nam cum perualtata longe, lateque circum Pescouiam, siue Plescouiam Moschouia, ab oppugnatione Oposce à valido hostium præsidio reiecti sumus, ignominia illa veriùs, quàm clades fuit, ductorum incertia, & incuria (nolo dicere ignauia) accepta. Amissa verò magna pars Albae, Russiae Michaelis Glinseij, hominis ambitiosi, & Alexandri regis gratia inflati, proditioni, & Russo- rum atque prædicatorum militum perfidiae impu- tanda est. Porro apud Ozacouiam, cum vir in pri- mis strenuus, Nicolaus Senavius eò vsque cum mil- le (opinor) equitibus priuato consilio populabun- dus excurrisset, priuata illa, non publica clades fuit, crudelitate eius, & perfidia Tartarorum contracta. Hæ sunt vniuersæ clades, quas Sigismundo regnan- te accepimus, quæ omnes vna aliqua ex his, quas su- perius percurrimus, victorijs abundè expiatæ & com- pensatae sunt: nec scio, an quasi naeuuli quidam for- mosum corpus, vel nubecula meridiana solem, tot illas clarissimas victorias illustriores reddidere. Bellone autem tantum clarus, an etiam pace Sigis-

*Michael  
Glinseius.*

*Nicolaus  
Senavius.*

*Pacis stu-  
dia.*

*Splendor, &  
elegantia  
Polonorum.*

*Leges.  
Arces in-  
staurata, &  
templa.  
Urbes opu-  
lenta, sub Si-  
gismundo.  
Thesauri  
regis.*

*Zatoria, &  
Massouia  
recuperata.*

*Prussia, &  
Pomerani  
in clientelā  
accepti.*

mundus fuit? imò verò pace, quam semper expeti-  
uit, clarissimus. Testantur id tantæ opes & faculta-  
tes hominum nostrorum, tam opulenta cùm ex-  
ternis commercia, tantus splendor, ne dicam luxus,  
tanta elegantia cùm in ædificijs, & victu, cultuque  
corporis, tum in sermone, & moribus, quanta nun-  
quam ante hunc regem in Polonia fuit. Loquuntur  
leges diligentius aliquanto conscriptæ, clamant tot  
arces instauratæ, tot exornata templa Dei Opt. Max.  
tam splendide, & magnificè ex ædificata publicis iu-  
xta ac priuatis ædificijs Cracouia, Posnania, Leopo-  
lis Varsovia, Lublinum, Gdanum & aliæ quædam vr-  
bes atque emporia: tam denique culta, & habitata  
Russiæ, Prussii, Lituania, & Podolia, quæ regiones  
antea syluestres, & incultæ, aut superiorum tempo-  
rum conditione desertæ magna ex parte iacuerant.  
Quid ego priuatos Sigismundi thesauros, & arari-  
um sine vlla cuiusquam iniuria, in extremos Reip.  
usus asseruatum? quid tot ac tantas possessiones à  
maioribus eius oppigneratas, ab hoc verò redem-  
ptas, commemorem? Hæc eo sunt maiora, & magis  
honorifica, quò fœdius fuit ac deformius, quosdam  
ante eum reges quotidianis quoque sumptibus in-  
terdum defectos esse. Iam verò non minima est &  
illa felicitatis accessio, quòd eo regnante Zatorien-  
sis ditio, & Massouia post quadringentesimum ferè  
annum ad corpus, & compagem Poloniæ rediue-  
runt: Prussia recusatum diu, & aliquoties excussum  
iugum accepit: Pomerani Stolpenses ad intermis-  
sam aliquandiu huius regni societatem, & cliente-  
lam, iureiurando adacti, reuenère: in qua tamē no-  
stra conuiuentia nō diu permansère. Porro in com-  
memo-



memorandis coniugijs, & liberis, quæ non exigua *Coniugia.*  
 felicitatis humana pars est, diutius me immorari  
 necesse nō est. Per multi sunt in hoc cœtu, qui prio-  
 rem eius vxorem, Barbaram, Stephani comitis Sce- *Barbara*  
 puliensis, ac Transylvanienſium palatini, cuius du- *uxor reſu-*  
 ctu nonnunquam cum Turcis Vngari fortiter di- *ſiſſ.*  
 micarunt, filiam, Ioannis poſtea regis Vngarorum  
 ſororem, ſceminam ſanctiſſimam, & pientiſſimam,  
 nouerunt: quæ quidem maximam illam Orientem  
 de Moſchis victoriam aſſidujs diurnis ac nocturnis  
 precibus, cum lacrymis, & profuſa in egenos bene-  
 ficentia, aſperioreq; cultu corporis, & ieiunio con-  
 iunctis, à Deo impetrallè exiſtimata eſt. Quæ quàm  
 coniunctè cum viro vixerit, magno & longo mœ-  
 rore, & vberi fletu, ac penè muliebri eiulatu poſt  
 mortem eius indulgentiſſimus rex teſtatus eſt. Hac  
 immaturè intra tertium annum amiſſa, alteram ſua-  
 ſu Maximilianſi Cæſaris duxit, Bonam Sphortiam, *Alteræ uxor*  
 Ioannis Galeatij Sphortie Mediolanenſium ducis *Bona Spher-*  
 & Iſabellæ Arragoniæ filiam: cuius auus maternus, *tia.*  
 Alphoſus eius nominis ſecundus, Neapolitano- *Alphoſus*  
 rum rex, & ſtirpis Arragoniorum ac Siculorum re- *rex Arra-*  
 gum, de qua Carolus quoque, & Ferdinandus ſum- *gonum.*  
 mi monarchæ maternum genus ducunt, antiqui-  
 tate, & ſua virtute fuit clariſſimus. Paternus verò  
 proauus Franciſcus Sphortia, Sportie, qui primus *Franciſcus*  
 eam familiam rebus magnis geſtis fundauit, filius, *Sphortia*  
 cum plurima, & grauiffima bella cū maximis prin- *dux Medio-*  
 cipibus, potentiſſimis populis, & præſtantiſſimis bel- *lans.*  
 latoribus per omnem Italiam proſperè geſſiſſet,  
 nominisq; ſui ac terrore eam impleſſet, à Philip-  
 po Maria Mediolanenſium duce, Blanca Mariæ u-

*Bona regi-  
na fides &  
obsequium.  
Sigismundus  
plurimum  
amans Bo-  
na.*

*Hedwigis  
filia.*

*Quatuor fi-  
liae Sigism.  
e Bona.*

*Isabella re-  
gina Vnga-  
ria.*

*Filius Sig.  
Augustus  
puer coro-  
natus.*

lie coniugio, dotaliq̃ue Mediolanensium principa-  
tudignatus est. Hoc igitur tali genere progeneratam  
Bonam, alteram vxorem Sigismundus rex acce-  
pit. De qua, quoniam præsens adest, graui dolore,  
& mœrore amissi dulcissimi mariti, quemadmo-  
dum cernitis prostrata, nihil dicam amplius, nisi  
quòd triginta ferme annos cum eo nupta, tanta ea  
fecit maritum regem, vt his extremis aliquot an-  
nis ægrotantem, & viribus planè destitutum, non  
coniugali caritate, sed ancillari planè ministerio  
sine omni fastidio curaret. Quo factum est, vt plu-  
rimum ei vicissim rex amantissimus indulgeret. Ha-  
rum verò duarum vxorum è Barbara quidam He-  
duigim filiam susceptam, fœminam lectissimam,  
Ioachimo Marchioni Brandenburgensi, Electori  
Roman. imperij, matrimonio iunxit, & nepotibus  
ex ea viuens adhuc auctus est. E Bona verò maximâ  
natu filiam Isabellam, fœminam excelsò & regio  
animo præditam, Ioanni regi Vngarorum affini  
iam prius suo nuptui tradidit: nepotemq̃ue ex ea,  
quemadmodum fertur, indole puerum suscepit:  
quæ mulier complures iam annos post mariti mor-  
tem in præcipua laceri, & afflicti regni parte regnat.  
Reliquas verò tres, Sophiam, Annam, & Cathari-  
nam, virgines spectatissimas, magnorumq̃ue re-  
gum connubijs dignas, quas hic dolore immaturè  
amissi patris miserabiliter lamentantes, & humi ab-  
iectas videtis, elocari ipsi, ita vt optabat, datum non  
est. Filius verò vnicus hic Sigismundus Augustus,  
puer etiam dum decimum agens annum paterno  
regno, ipsius opera, studioq̃ue ante decem & octo  
annos inauguratus, post iuuenis factus, vxorem ac-  
cepit

cepit voluntate patris, Elizabetham, Ferdinãdi Cæsaris, & Vngarorum, ac Bohemorum regis filiam natu maximam. In qua muliere genus cum forma, forma cum comitate, & mansuetudine, hæc cum probitate: probitas denique cum pietate (quæ ipsi patri virtus fuit) certabat, ita vt nescires, quid in ea potissimum admirareris. Quæ vtinam vixisset diutius, & editis focero optatis ac sui similibus nepotibus, felicitatem eius perfecisset, tranquillitatemq; huius regni stabiliuisset. Sed non merebantur hæc, opinor, nostra scelera. Nunc ad Sigismundū redeo. Nonne igitur hoc singularis cuiusdam felicitatis fuit, rege patre, patruo, auoque: matre verò Cæsaris filia, & magni regis sorore ortum esse: tres fratres, & vnus ex his filium, reges vidisse: regem & ipsum supra vnum & quadraginta annos tranquille, feliciterque regnasse? Summis principibus venerabilem, hostibus formidabilem, ceteris admirabilem fuisse? regnum legibus, opibus, ædificijs, humanitate, elegantia, & gloria longè florentius, quàm acceperat, reliquisse? Filiam reginam, alteram verò regina non inferiorem, & ex his nepotes & neptes habuisse? Filium denique regem secum, & post se fecisse? morientem, permagnum sui desiderium bonis omnibus reliquisse? Nonne hæc (inquam) ei præclarissima, & longæ posteritati memorabilia in hac vita contigerunt? Atque hæc tamen pleraque omnia externa sunt bona, in quibus fortuna plurimum sibi vendicat: sed ab eo tamen ratione & consilio moderata sunt. Quid ego nunc formam, & staturam eius, robur cuiusuis honesti laboris patiens, dignitatem oris, dignamque, vt ait Poëta summus

*Elizabeth  
prima Sigs.  
Aug. &xor.*

*Elizabetha  
lana.*

*Nobilitas  
Sigs. regis &  
felicitas.*

*Bona cor-  
poris forma.*



Imperio faciem, depingam? Quod si facere maximè velim, non possim. Priùs enim ferè hæc in eo ætate ingrauescente marcescere cœperunt, quàm ego in hanc lucem prodij: sed tamen permanserunt in eo etiam affecta iam ætate, non obscura earum rerum vestigia. Roboris verò, & virium eius argumenta, fractæ inter manus nō semel florentiore ætate ferreæ equorum soleæ, rupti funes canapei crassiores, intente manu balistæ, discerpti lusoriatū chartarum fasciculi, à maioribus natu, qui hæc fieri ab eo viderunt, prædicantur. Atq; hæc leuiora fortasse cuiquam videantur. Illa quidem nō in postrema bonorū parte numeranda sunt, sanitas, quæ ipsi perpetua ferè ante extremam senectutem fuit: integritas, & solida compago membrorum, quæ afflictas morbo vires facilè recuperabat: vigor sensuum, qui ad extremum vsque eum non destituit: firma, melioribus præsertim annis, memoria: denique acumen ingenij, quo fratres, maioresq; suos longo intervallo anteiuit. Sed & hæc omnia, vt sint magis propria hominis, quàm illa superiora, tamen ad corpus ferè, quæ deterior pars hominis est, pertinet, nec magna laude, & admiratione digna sunt, quippe cum quibus nascamur, quæque in potestate nostra non sint, & ingenuo cum seruis, urbano cum rusticis, nobili cum plebeis, regi cum mediastinis, & baiulis: denique bono viro cum improbis sint communia. Tamen si ne mutæ quidem pecudes, penitus horum bonorum expertes sunt, quin pleraque in illis, quàm in nobis, maiora, & illustriora spectantur. Viribus quidem ab vrsis & leonibus, agilitate à ceruis, & bisontibus, longauitate ab iisdem ceruis, specie

*Robur, &  
Vires.*

*Sanitas.*

*Ingenium.*

*Vigor sensuum  
in quibusdam  
pecudibus.*

fortas-

fortassis ab equis & pavonibus, sanitate à piscibus, sensuum vigore à lyncibus, aquilis, canibus, vulturibus: industria, & ingenio quodāmodo ab elephantibus, vulpibus, & apibus: sic alijs rebus ab alijs fortasse superamur. Ceterum in animo vera hominis, & propria laus est. Corpus enim partim instrumentum, partim domicilium, partim etiam carcerem, & ergastulum animi, sapientissimi homines esse voluerūt: animum ferè hominis appellatione dignati sunt. Qui verò mollissimè senserunt, partem quidem hominis, sed longè deteriorē corpus dixerunt: in animo omnem hominis excellentiam, & principatum collocarunt. Quocirca his, quæ externa, quæque corporis bona dicuntur, ita obiter transcurtis, ad eas, quæ sunt propriæ hominis, atq; ad eò magni & excellentis principis laudes, transeamus. Quas dum, quanta maximè breuitate poterimus, persequemur, quæso, vt benignè, & attente, quod fecistis adhuc audiat. Virtutem, summam animi, atq; ad eò hominis perfectionem, quicumq; rectè philosophati sunt, dixerunt, eiusque virtutis prudentiam, fortitudinem, temperantiam, atque iustitiam, quatuor partes, & quasi fontes quosdam, vnde officium, & omnis honesta & laude digna actio manaret, esse voluerunt. Quanam ergo ex his in hoc præstantissimo rege desiderata est? Prudentiæne? quæ ex præteritis & præsentibus, ea quæ deinceps euertura sint, colligit: causas rerum videt, rectè de rebus iudicat, sibi, suisq; in longum prospicit, impendentia mala sapienter auertit: at ea summa & admirabilis in eo fuit. Argumento est, bene & cum approbatione cunctorum, quoad ei per ætatem, atq; morbum licuit,

*Bona animi.*

*Laus propria hominis est in bonis animi.*

*Virtus, & eius partes. Laus Sigis. à virtutib.*

*Prudentia.*

*Gentes &  
leges varia.*

administrata, & inter tot vndique imminentes hostes per tot annos incolumis conseruata Respublica. Nam quis sapientius eo, siue ex legibus, & moribus nostris, siue ex æquo & bono ius dixit? Nihil eum varietas legū atq; morum, quibus alijs equestris ordo, alijs oppidani, alijs agrestes, deinde diuersis Poloni, Lituani, Massouij, Prussi, Silesijq; vtuntur: nihil diuersa, & pugnantia nonnunquam senatorum iudicia, quò minùs ius suum cuiq; tribueret, perturbarunt. Accidit interdum, vt post dictas à senatu sententias, vltima ipsius, ab omnibus diuersa, & tamen omnium esset æquissima. Porro in consilijs de Republica nihil temerè, & inconsultè faciebat, cuncta ad publicam, non partis, aut ordinis huius, vel illius, sed omnium vtilitatem referens, fortunę quàm minimum sese, suaque permittens: ac tuta consilia lubentiùs, quàm callida, & periculosa semper secutus. Bella, in quibus fortuna plurimùm dominatur, nunquam appetiuit: nec nisi necessariò, & graui iniuria prouocatus, suscepit, & ita quidem, vt ab illa comici Poëtæ sententia non discederet: Omnia priùs experiri, quàm armis, sapientem decet. Itaque à quietis consilijs nunquam, ne inter media quidem arma, & rebus ad nutum fluentibus, abhorruit. Regna à Suetijs, Vngaris, & Bohemis (quemadmodum superiùs dixi) delata recusauit, ne se, patriamq; suam nouis, & periculosis bellis implicaret. Valachos subiugare, siue adedò exterminare, ob rupta crebrò fœdera cum posset, noluit: ne vel illi desperatione adducti, Turcis sese dederent, vel redacta in prouincię formam Valachia, & amoto quasi obice, ipse difficillimum cum potentissimis Turcarum

*Consilia  
quæta.*

*Regna obla-  
ta repudia-  
ta.*

*Valachi cur  
non subacti.*

*Bellum con-  
tra Turcas  
cur densita-  
sit.*

tyran-



tyrannis bellum de finibus gerere coereretur. Non quòd à pia contra barbaros ac deuotos Christiani nominis hostes expeditione penitus abhorreret: sed quòd suas, illorumque vires iusta lance metiretur. Sic enim iudicabat, neque suum esse, neque vnius planè cuiusquam principis, tam validum hostem, qui Asiæ, Aphricæ, Europaque magnam partem ditissime teneret, florentissimum Græciæ imperium euertisset, Caramannos, Cilicas, Syros, Ægyptios, & nescio quas præterea gentes vna astate subiugasset, denique latissimè dominantì Persarum regi grauis esset, debellare. Coniungenda esse Christianis principibus arma, si hostem illum à ceruicibus suis vellent depellere.

Cùm ergo animaduertetet, cæteros principes feralibus odijs inter se digladiari, ac torum penè orbem Christianum plus, quàm ciuilibus bellis arde-  
re, omni honesta ratione semper Turcicum bellum declinauit: & Ludouico, fratris filio, Vngarorum, & Bohemorum regi sedulò idem suasisit: qui iuuenis si patruì, quàm ferociorum quorundam consiliario-  
rum suorum, consilij sobtemperare maluisset, obla-  
tamque à Turcis pacem accepisset, seu verius ipsis ex-  
petitam dedisset, viueret fortassis adhuc, neque mu-  
nirissimum Christianorum regnorum propugna-  
culum Vngariam secum vnà perdidisset. Hæc sanè  
fuit causa, cur apud pietissimum, & Christianissi-  
mum regem Sigismundum nihil valuerunt Iulij se-  
cundi, Leonis decimi, Adriani sexti, & Clementis  
septimi pontificum maximorum preces, & exhor-  
tationes, ad suscipiendum contra Turcas bellum  
incitantium.

*Dissuasor  
belli Turci-  
ci.*

*Consilium  
Sigismundi  
à Ludouico  
rege Vngar.  
neglectum.*

*Pontificum  
exhortatio-  
nes ad bellum  
Turcicum.*

*Bellum Tur-  
cis cōmuni  
regum con-  
silio, & opē  
inferendum.  
Baiazetes  
pacem peti-  
uit à Sigi-  
smundo.*

Optabat quidem sapientissimus rex tempus il-  
lud, cū Christiani principes reſtinctis intestinis  
bellis, reconciliatisq; inter ſe animis, ad inferendum  
Turcis bellum conſpirarent: plurimumq; in id ope-  
ræ, laboris, & ſumptuum impendit, ſiue quādo cum  
Maximiliano Cæſare congreſſus eſt: ſiue cum miſſis  
non ſemel ad diſſidentes principes, & ad Pontifices  
maximos, veluti præſides, & moderatores Reip.  
Chriſtianæ legationibus, accuratè ac diligenter ea  
de re egit. Et cū initio nonnulla eius rei ſpes ei af-  
fulſiſſet, non niſi annuas inducias Baiazeti, Soliman-  
ni huius auo, petenti dare voluit. Ea verò ſpe fru-  
ſtratus, ſæpe diuinavit, nūquam id ſe viuente euen-  
turum eſſe, vt Chriſtiani principes aduerſus com-  
munem illum hoſtem vires coniungerent. Intelli-  
gebat enim, quouſq; nonnullarum nationū mutua  
inter ipſas odia proceſſiſſent: nec deſore Turcis,  
quos à cæterorum conſenſu, ad impediendos pios  
conatus, auellerent. Quid illud? cum principes Chri-  
ſtiani complures, quos nominare neceſſe non eſt,  
ſub Clemente Pontifice, in ſuum fœdus, contra Ca-  
rolum Cæſarem, partim inuidentiæ felicitatis eius,  
partim potentiæ metu initum, pertrahere eum non  
potuerunt? Aut cū nuper primarij Germaniæ prin-  
cipes, affines ferè ipſius, & præpotens illa tot opu-  
lentorum populorum contra eundem Imperatorē,  
& fratrem eius conſpiratio, pellicere eum in ſocie-  
tatem ſuam nequiuit? ne eatenus quidem, vt vel pe-  
cuniæ non nihil mutuò daret affinibus, & cognatis,  
vel conatus illos tacitè approbaret, vel denique, ne  
ſuos homines ſtipendijs eorum militare prohibe-  
ret? Cuius tamen rei non leuē ei exculationem  
dabant

*Bellum con-  
tra Carolū  
Imp. ſemper  
diſſuaſum.  
Smalcaldē-  
ſe fœdus.*

dabāt apud Cēſares, libertas & iſtituta noſtra. Non  
 modò autē nihil eorū fecit, ſed etiam diſſuadere co-  
 natus illos, & pacificatorem ſeſe interponere co-  
 natus eſt. Atque utinam ei obſecundatum eſſet:  
 non tam vaſta quibuſdam locis, neque tam exhau-  
 ſta paſſim eſſet pecunijs iuxta ac viris Germania: &  
 liberi adhuc principes quidam retinerent domina-  
 tus ſuos ampliſſimos. Sed fortaſſe ſic Deo viſum, ut  
 faſtum, & contumaciam, prætextu libertatis Euan-  
 gelicæ, contra ſanctiſſimas leges, & iſtituta maio-  
 rum, contra antiquiſſimum vniuerſi Chriſtiani or-  
 bis conſenſum, & cōtra legitimos magiſtratus ſuos  
 impie ſeſe efferentem, retunderet. Cū igitur hæc  
 vel faceret, vel recuſaret optimus rex Sigismundus,  
 nōne magna fuit illa eius prudentia, cum fide ami-  
 citiæ, & conſtantia coniuncta? Quid? cum Ioanni  
 regi, bis affini ſuo, ne regnum Vngarorum Ferdi-  
 nando Maximiliani nepoti iam prius deſtinatum,  
 ſuſciperet, diſſuadere fruſtra ſtudit? aut cū ei pro-  
 fugo exilij quidem locū apud ſe indulſit, ut aliquid  
 neceſſitudini, & calamitati eius tamen daret: auxi-  
 lia verò contra eundem Ferdinandum negauit? aut  
 cū pacem inter eos componere magna cura  
 inſtituit? Cernebat nimirum ſapientiſſimus prin-  
 ceps à longè, quantum mali intempetiua illa Ioan-  
 nis ambitio Vngaris aduectura, quantisq̃ue malis, &  
 calamitatibus non modò florentiſſimum illud re-  
 gnum, verū etiam finitimas ei regiones inuolu-  
 turum eſſet bellum illud inter duos de regno con-  
 flatum. Iam in reuocandis ad officium Gdanenſibus  
 quodam furore multitudinis ad rebellionem con-  
 citatis, & in eiſciendis è Prūſſia Cruciferis Marianis

*Clades Liga  
 Smalcaldi-  
 ca.*

*Germano-  
 rum contu-  
 macia præ-  
 textu liber-  
 tatis Evan-  
 gelicæ.*

*Erga Ioann.  
 regem Vng.  
 quomodo ſe  
 geſſerit.*

*Intempeti-  
 ua Ioannis  
 ambitio ad  
 regnum.*

*Gdanum  
 pacatum.  
 Cruciferi  
 eiſci è  
 Prūſſia.*



*Stipendium  
Tartaris sa-  
pienter da-  
tum.*

*Iudicium  
in distribu-  
endis hono-  
ribus, & ma-  
gistratibus.*

tam cupidis, tamque contumacibus, vt nunquam ab eis Polonia, & Lituania quietè esse possent, an-  
nòn magno & exquisito consilio vsus est? Ne il-  
lud quidem eius consilium sapientia vacauit, quo,  
cùm hinc à Moschis graui bello distineretur, inde  
Cruciferi non leuius bellum ei ostentarent: Ma-  
ximilianus verò Cæsar, insensus ipsi adhuc, & hos,  
& omnes, quoscunque posset, in eum, & in perni-  
ciem Polonorum concitaret: Tartaris donatium,  
siue stipendium constituit, non modò vt ab assi-  
duis eorum incursionibus ditiones suas, alijs quem-  
admodum dixi, bellis impeditas, liberaret, verùm  
etiam, vt eorum opera in vexandis ac distinendis  
Moschis, & alijs hostibus suis, paruo redempta vte-  
retur. Quare tantum profecit, vt & Moschos ad pe-  
tendam pacem adigeret: & tam culta & habitata  
sit, quàm nunquam sub fratribus, patre & patruo  
eius fuit, Podolia. Quàm solidum verò fuit eius  
iudicium in mandandis honoribus, & magistrati-  
bus, & in allegendis in senatum viris idoneis, quo-  
ties id ei arbitrio suo facere per quosdam importu-  
niores, quibus impensius indulgebat, licuit? At-  
que hoc id admirabilius est, quod difficile est non  
peccare in hac parte maximis quibusque regibus,  
& principibus, propterea quòd alienis ferè & o-  
culis cernunt, & auribus audiunt. Iam peculiaris il-  
la eius in omnibus dictis & factis cunctatio, nei-  
psa quidem sua commendatione caret. Nimirum  
sapientis est, nihil temerè, nihil precipitanter, sed  
omnia consultè ac deliberatè agere. Sic enim caue-  
mus, ne cuius nos dicti aut facti vnquam pœniteat.  
Itaq; celebratur etiamnum literarum monumen-  
tis,

tis, non ignobilis populi Roma. Imperator, Fabius Maximus, de quo vulgatus ille Poëta cuiusdam versiculus:

*Vnus homo nobis cunctando restituit rem.*

Atque hæc tenus quidem de prudentia Sigismundi regis nobis dictum sit modò. Cuius quidem ipsi causa fuit timor Dei, cum lacte nutricis, vt ita dicam, imbibitus. Initium enim sapientiæ, quemadmodum sapientissimi reges, Dauid & Salomon inquirunt, est timor Domini. Fortitudine verò & magnitudine animi, quanta hic rex præditus fuerit, quàm impiger ad propulsanda, & suscipienda pro salute, & incolumitate suorum bella, quàm contemnens earum rerum, quæ maximè in hac vita expetendæ esse videantur (qualia sunt, regna & imperia) satis iam, opinor, intellexistis ex his, quæ superius diximus. Quin ex illo quoque magnitudinem animi eius intelligere licet, quòd Prussico bello, cum terrore non modico aduentantium à Germania auxiliorum, meliore rursus loco res Cruciferorum esse cœpissent, nihil de conditionibus pacis, hosti priùs à se oblati, mutare voluit: aut quòd cum ipsi Lituaniæ possessionem post mortem Alexandri fratres adeunti, ne nouis quorundam Lituatorum motibus renunciaretur, non est deteritus, quò minùs institutum cum paucis comitatu sulico iter prosequeretur. Et cum deinde Michaëlem Glinssium, ducem Russum, qui ad dominatum adspirare, dicebatur, cum valido equitatu aduentare, in balneo tunc fortè sese abluens, cognouisset, ne utiquà turbatus est animo. Venientē cum tranquillo vultu, & comiter accepisset, cuncta ei scelo-

*Timor Dei  
principium  
sapientiæ.  
Fortitudo,  
& magni-  
tudo animi.  
Constantia.*

*Michael  
Glinssius.*

rata consilia (quod Michael ipse postea factus esse fertur) è pectore excussit. Tantum eius animi magnitudo, in graui & cōstanti aspectu relucens, apud hominem Alexandri regis nimia gratia insolescentem, ac dominandi cupiditate incensum valuit. Sic feroces alioqui canes ad molossorum aspectū projicere sese, & adulari cauda solent. Quid illud? quòd Vngaris, & Bohemis, cum suis regibus Viennam ad Maximilianum Casarem proficisci, fideique eius, quem Posonij in constituto cōgressus loco diu frustra expectarant, credere sese ob non leues suspiciones dubitantibus: ipse, non sanè amicū ad eam diem expertus Casarem, permagna fiducia ire ad eum perrexit, ac cæteris idem faciendi, data fide pro Casare, author fuit?

*Fiducia.*

Porro æquabilitate animi in vtraq; fortuna, tanta fuit, vt neque secundis rebus diffliceret, neq; aduersis frangeretur: à superbia, & fastu semper alienus, aditu & affatu facilis fuit. Æstus, frigoris, inedia, & laboris patientissimus: quippe qui ab ineunte ætate molliciei, delicijsque minimè assuefactus esset: crassioribus cibis, & pannis, & caprinis pellibus, quod iactitare ipse solitus erat, innutritus. Morbos, & alię virē incōmoda admodum æquo animo ferebat. Quodā tempore ad sectionē digiti pedis, sacro (vt medici dicunt) igne inflammato, nihil est planè commotus. Porro cū arx hæc conflagrasset, illa de re tātum angebatur animi, quod dubitaret, tantisper se deinceps victurum esse, donec eam instauraret. Publica suorum incommoda depellere, damnaque vindicare non libenter neglexit. Priuatas verò suas iniurias, obrectationes, conuitia, & maledicta

*Animus in  
latis & ad-  
uersis con-  
stans.*

*Tolerantia.  
Educatio  
minus deli-  
cata.  
Iniuriarū  
obliuio.*



ledicta insolentiorum hominum ita contempsit, ut  
 nunquam vindicaret, nec esset ob id deinceps ad  
 beneficentiam in huiusmodi homines restrictior.  
 Iam verò temperantia, & moderatione non modò *Temperantia*  
 cum laudatissimis omnium gentium regibus, & *114.*  
 principibus, verum etiam cum priscis philosophis,  
 quorum seuerior & accuratius instituta fuit vita,  
 certare potuit. Nihil ab eo lenius, nihil cupidius,  
 nihil insolentius, nihil dissolutius, & flagitiosius vn-  
 quam dictum aut factum. Fuit in eo vultus æquabi-  
 lis, & ad seueritatem compositus, incessus lenis,  
 sermo perpaucus & grauis, sale tamen & lepore  
 non inurbano, neque petulanti nonnunquam tem-  
 peratus: à sordibus semper abhorruit: sed frugali  
 tamen victu, & cultu corporis elegantiore, quàm  
 splendidiore usus est, nisi quando externos homi-  
 nes & legatos ad se admissurus erat: nam tunc augu-  
 stiore habitu commendare maiestatem suam stu-  
 debat: eademque de causa splendidius, quàm quis-  
 quam maiorum suorum habitare instituit. Cuius *Ciuitas*  
 exemplo, & imitatione eliminata magna ex parte è *Polonorum.*  
 vita nostrorum hominum pristina barbarie, ciuili-  
 tatem, munditiem, elegantiam, & splendorem cum  
 dignitate consecrari passim cœpimus. Itaq; longè a-  
 lia nunc est facies rerum in Polonia, quàm ante hunc  
 regem fuit. Sobrietatem verò rex idem magnificet, *Sobrietas.*  
 & ab infantia quidem ad senectutem vsq; patris, a-  
 uiq; instituto, planè abstemius, & aque potior fuit: *Abstemius*  
 ingrauescente verò ætate, medicorum suasu vinum *Sigismundus.*  
 bibere didicit, sed ita tamen, ut nunquam eum quis-  
 quam ebrium viderit. Edacior quidem, & libidino- *Edacitas.*  
 sior natura fuit, verum in vtroq; tamen magnopere

sibi imperabat: cum pregrauatum se sentiret, ipse sibi cibum subducere solitus. Quod verò ad Venerem attinet, caelebs quidē viridiore ætate laxius aliquanto vixit, & liberiùs: nec tamen alienos thoros contaminauit, nec vim cuiquam honestæ, & pudicæ intulit: neque fœdus quicquam, quod honestæ aures abhorreant, admisit: & veros illos lubricæ ætatis lapsus multis clarissimis virtutibus compensauit atque contexit. Maritus verò, coniugij fidem sanctè

*Pudicitia.*

*Verecundia*

seruauit. Verecundia summa, & penè virginali, quoad vixit, fuit. Nudū se, aut necessitati naturæ satisfaciētem, non nisi à per paucis interioris cubiculi ministris, conspici passus. Obiurgare & admonere officij eos, qui aliqua dignatione essent, non sine rubore solitus. A probris, maledictis, & acerbioribus verbis, quamuis iratus, omnino sibi temperauit. Quanta verò fuit huius optimi regis modestia? qui cum acri & solido esset cum in iudicando, tum in consul-

*Modestia.*

tando iudicio: & neq; gratia, neque odio facilè deduci se ab æquo, & bono pateretur, tamen nihil ferè maius vnquam sine consilio senatus fecit, aut statuit: ac nonnunquam de recta sententia sua consensu senatus adductus decessit, ne pertinax esse videretur: quod ingense est, & perniciosum plerunq; in principe vitium. Fiunt enim multa interdum iniuste, & inutiliter, atq; etiam temerè, & cum multorum exitio, ab ijs, qui sibi plus, quàm ceteri sapere videntur, dum iudicio suo freti, aliena consilia aspernantur. Iam illud, nonne magnæ fuit modestiæ simul & grauitatis, quod aduersantē sæpe desiderijs suis, vel vtilibus, vel certè non perniciosis Reipub.

*Confidētia caruit.*

*Moderatio  
etque nobilitatem.*

nobilitatem, æquo, & moderato animo pertulit: neque

que

que vi quicquam inuitis extorquere aggressus est, neq; intemperantiorem cuiusquam in se petulantiam acerbius vltus est: ne tum quidem, cum apud Leopolum cōcitata multitudinis conatus prodigio- *Leopolitem*  
*ses turba.*  
 sa tempestate diuinitus disturbati, ferociorem eum facere potuerunt? Ac ne eblandiri quidem præter dignitatem aliquid, quod extorquere nollet voluit. *Studium*  
*nobilis etatis*  
*erga eum.*  
 Non pauca tamē aliquando extra ordinem, & præter debitum huic eius modestiæ consensu, & obsequio multitudinis atq; consiliariorum cōcessa sunt. Ita nimirum sæpe eius impetrat modestia, quàm exprimit imperium & violentia, præsertim ab hominibus, ab humanitate & libertate non alienissimis. *Constantia.*  
 Ab eo verò, quē sibi in omni vita proposuerat, modo, neq; cupiditate vlla, aut metu, neq; ira aut odio, neq; aduersitate & aegritudine animi, neque latitia, deniq; & voluptate (quę res transuersos ferē rapiunt homines) facilē vnquam auocatus est, & abstractus. Porro si quando animum grauib; & cōtinentibus Reip. occupationibus lassum, & quasi fatiscentem recreare, & relaxare voluisset, equitationib; ac ceruorum, onagrorum, aprorum, vrsorum, & bisonum venationibus (quod studium ipsi gentilicium atq; hæreditarium fuit) non sine vtili & salubri corpori & virium, atq; etiam industrię exercitatione id facere solitus est: interdum etiam equestrium certaminum atq; ludorum spectaculis. Scurrilibus quidem iocis, & leuioribus, sordidissve lusibus, mimis item, & histrionibus, & morionibus nō libēter, præsertim integrioribus adhuc viribus vacauit. Nec plura nunc de regis huius temperantia, & modestia dicam. Reliqua est nobis vna maxima, & præclarissi-

*Quales quia  
 in recrea-  
 tiones.*

*Iustitia*



*Iustitia.**Proverb. 16.**Aequitas in  
ireduccendo.**Labor.**Continen-  
tia Sigisf.**Fides eius  
in promissis,  
& federib.*

ma virtus eius, quæ eiusmodi est, vt neq; vesperugo, neq; aurora sit magis admirabilis, quemadmodum inquit Sapiens quidam: Iustitia, inquam, qua firman-  
tur solia, vt ait sapientissimus rex Salomon, stabili-  
unturq; regna: quæ quidem vel maximè in hoc re-  
ge resplenduit. Itaque ergo iure optimo firmatum  
est solium eius, regnumq; stabilitum. Nam siue æ-  
quabilitatem, & æquitatem eius in dicendo iure,  
tã diuerso & vario, quàm est in hoc regno, spectes,  
siue grauitatem, & constantiam inter diuersas ple-  
runq; senatorum, & nonnunquam pugnâtes inter  
se sententias, studiaq; ad gratiam, vel odium (vt fit)  
inclinantium, siue laborem & patientiam in exer-  
cendis iudicijs, quoad ei per valetudinem licuit, &  
audiendis etiam infimorum hominum querimo-  
nijs, est quòd admireris, nedum laudes. Admiranda  
est, & illa eius cōtinentia, quòd nemini vnquam, eo  
regnante, quamuis luculentas, quãuis amœnas pos-  
sessiones regijs vicinas habere obfuit: quin illum vi-  
cinum, quàm proceres quosdam, cuncti maluistis.  
Quid ego fidem eius cum in promissis, tum in fœde-  
ribus, & amicitijs, inimicis iuxtà ac amicis specta-  
tam, prædicem? Commemorauì nōnulla superiùs,  
quæ ad hanc rem pertinent, nempe quòd ad dissol-  
uendam cum Cæsaribus, Carolo & Ferdinando a-  
micitiam adduci se nūquam passus est, ne à necessa-  
rijs quidem & affinis. Promissi verò, quàm tenax  
fuerit, possem hic, si necesse esset, locupletissimos e-  
ius rei testes citare, nōnullos viros amplissimos, qui  
partim hîc adsunt, & hæc taciti audiunt, partim iam  
e viujs excesserunt: quibus quò minus præstaret se-  
mel promissa, neq; gratia, neq; odio, neq; precibus,

neq;

neq; conuitijs, neque lacrymis cuiusquam flecti potuit. Nihil in eo fallax, aut multiplex: aperti verò & simplices fuere mores, pariter & oratio. Et quoniam ea, quæ Respub. continet, tueretur, & florentes facit, iustitia pœna, & præmio, sæueritate, & clementia maximè constat, de his quoq; pauca dicamus. Vtrumque ille quidem coluit: nec dum alterum sequitur, neglexit alterum: sed cùm intelligeret, liberis, & minimè malitiosis populis se imperare, & satis magnam pœnam sceleri & ignauix, institutis maiorum nostrorum esse propositam, infamiam inquam, & odium bonorum virorum: ad sæueritatem quidem, & expetendas de fontibus pœnas fuit remissior: nec nisi necessariò, quemadmodum ad secandum, vrendumq; medici, ad hoc descendebat. Ut, cùm Cazimirienſes aliquot decuriones ob eadem nobilium quorundam, tumultu cõcitatę multitudinis patrata, supplicio capitali affecit, ne quod maius malum inde existeret, & vt illi exemplo essent in posterum magistratibus, multitudinem temerè concitantibus, concitatamve non refrenantibus: vel, cùm Gdani de capitibus seditionis urbane supplicium sumpsit. Vel denique cùm dux adhuc Silesiæ, regionem illam omnem latrocinijs, quibus infamis erat, iam inde ex quo tempore bella ibi à Bohemis & Vngaris, Matthia, & Georgio, ac mox Vladislao regnantibus, gesta sunt, penitus repurgauit. Quod factum eius cùm finitimi omnes laudant, tum Silesij quoq; etiamnum grata memoria prosequuntur. Ad clementiam verò fuit propensior, ita vt cùm aliquando eam ob rem, nescio à quo viro senatorio reprehederetur, urbaniori respõso repres-

*Sinceritas.**Sanctitas  
& lenitas.**Cazimirienſes  
puniti.**Gdanenſes  
seditionis  
puniti.**Purgata à  
latrocinijs  
Silesia.**Clementia  
Sigismundi.*

fisse illam eius acerbitatē feratur: Qui scis, inquis, à quónam sēueritatem istam exordiret? Illud opinor innuens, neque illum culpę exortem esse, & ad multa nonnunquam conuiuendum esse Remp. administranti. Proinde multos capitīs reos vita donauit, nōnullis inuistam iure infamiam sustulit: nullius propemodum bona confiscauit: cōfiscata etiam ijs, quorum fuerant, reddidit. Exules & proscriptos reuocauit, sine accusatore quidem & indicta causā neminem damnauit. Gdanensibus vilis plebeculæ impetu ab officio discedentibus, nihil ferē de pristina libertate & immunitate, nihil de commodis, quę per ampla sunt ciuitati illi publicē, & priuatim, detraxit, autores modò seditionis paucos inuitus partim interfecit, partim exilio multauit. Hostibus supplicibus libentissimē veniam dedit, ita, vt vel de medio victoriarum cursu non grauātē retrahi se ad veniam, reconciliationemq; pateretur. De Valachis quidem iam, diximus. In Cruciferos verò debellatos iam ferē, quā clementer se gessit? Quod nisi fidem eorum suspectam habuisset, non modò siuisset eos retinere, quæ habebāt adhuc, sed ablata quoq;, ni fallor, eis reddidisset. Magistrum quidem eorum, Albertum Marchionem Brandenburgensem, sororis suæ filium, expectatione, & aduentu auxiliorum è Germania, variē tunc, vt quā leuissimo verbo vtar, secum agētem (dabit mihi veniam princeps amplissimus, vulnus suum necessariò refricanti, & beneficentissimi in se auunculi memoriæ hoc non inuitus, vt i spero, donabit) retinere ea, quæ ante bellū illud habuerat, & partim iure belli amiserat, partim amissurus esse videbatur, omnia iussit: & honore auxit,

*Clementia  
erga Gda-  
nenses.*

*In Crucife-  
ros clemētia*

*Albertus  
Marchio  
Brandēbur-  
gen. dux in  
Prussia fa-  
ctus.*



auxit, Magistri appellatione in ducis nomen, quo o- *Prussia in*  
 mnem deinceps rebellandi occasionem tolleretur, *fendum con-*  
 cōmutata: deniq; hereditarium ei, fratribusque eius *cessum Mar-*  
 Cazimiro, & Georgio, in mares duntaxat liberos, *chionibus.*  
 principatum illum constituit. Hæc annōn maxima  
 sunt documēta clementie, hostem, quē minimē esse  
 decuerat, & hostē pertinacem, penē deuictū & for-  
 tunis spoliatum, meliore quā fuisset dudum, con-  
 ditione, in societatem, & amicitiam recipere? Quid  
 illud eodem bello, quōd Germanos milites cōtra se *Clementia*  
 militantes, velitationibus, & leuib; nostrorum *in victos.*  
 prælijs exagitados, & labore, inopia, inedia, vigilijs, *Germania*  
 vulneribusq; confectos, delere, cum posset, noluit? *milites.*  
 Captiuos, quorum plenæ erant turres, & ergastula  
 in maiore Polonia, & Cuiavia, sine vllō precio libe-  
 ros, atq; adeò veste & viatico donatos, dimisit? Cu-  
 ius clemētiæ, benignitatisq; suæ maximū, nisi fallor,  
 fructū cepit: nempe, quōd per tot annos deinceps  
 eo regnāte, in Prusiam Germani, & cōtra Polonos,  
 quamuis sedulo sollicitātibus Cruciferis, arma non  
 sumptum: non tam viribus, & fortuna regis, vt e-  
 quidem credo, deterriti, quā beneficentia victi.  
 Sæpenumero enim ij, qui aliquando victi, fractique  
 sunt, cōtra victores sese recolligunt. At quos victos  
 seruatis ac iuueris, eos beneficij pariter & fortunæ  
 suæ recordatio, pristinos spiritus recipere non tam  
 facilē sinit. Neque illud minus est, nec scio an longē  
 maius clementiæ Sigismundi argumentum, quōd  
 cum permagna libertate, cui reges atque monar-  
 chæ plerique omnes intēsi, & infesti sunt, Respub. *Libertas in*  
 nostra constituta sit, nunquam eam infringere co- *Republ.*  
 natus est: quamuis impellentibus ad id quibusdam,

& maiore nonnullorum licentia aliquando prouocante. Verū cedere furori paucorum, quum detrāhere aliquid propter eos de cōmuni libertate, rex optimus maluit. Quòd si qui reprehendunt, ijdem sanè reprehendant, quòd amari à suis, quàm timeri: & patrem se, quàm dominum haberi maluit. Huc & illud pertinet, quòd procerum similitates atque dissensiones semper sedauit, quoad potuit: quas alere tyranni, & qui priuata cōmoda sua, quàm Remp. pluris faciunt, solent. Nec ex tantum (proh dolor) his extremis eius temporibus inter quosdam inualuissent, magno iustitiæ, & iuris dicūdi impedimento, scelerum impunitate, & periculo, maloq; Reip. dum ea quasi plausum disparibus ac diuersis iumentis, auriga cessante, aut nec quicquam laborante, distrahitur ac diserpitur: non inualuissent, inquam, dissensiones tam pestilentes, si senium, & perpetuus ferè morbus cōsuetudinem, & autoritatē pristinam retinere eum siuisset. Quò fit, vt ipsi iure quodā suo venia danda sit, si nō per omnia eum, quem debuit, quemq; florentiore ipsius ætate tenuerat, cursum Respub. pristino illo sensuum, animi, & memoriæ vigore in eo deficiente, tenuit. Etatis hæc, viri Poloni, & Lituani, non illius culpa est. Ille quidem præclaris virtutibus suis, atq; superioris temporis administratione, & felicitate hæc, si qua fuerunt, extremi corporis incōmoda, penitus (si modò vos æquiores, & gratiores, quàm maligniores haberi mauultis) obscurauit. Neminem vnquam mortalem inuenietis, qui omnes numeros felicitatis absoluat. In carissimis quoq; parētibus, suauissimis vxoribus, dulcissimis liberis, atq; adeò in seruis quoq; vestris multa quo-

*Similitudinē  
Jedator.*

*Similitates  
procerum.*

*Senium Si-  
gismundi.*

ta quo-

ta quotidie vos ferre necesse est, nisi humanitatem exuere prorsus velitis. Quæ enim ista esset iniustitia, & immanitas, atq; adeò impietas, si liberi parentem suum, à quo progeniti, liberaliter educati, & instituti, semper indulgenter habiti, & omni ratione ad iuti, & ornati, summa deniq; omnia cōsecuti essent, ad extremum propter olētem animam, mucidasq; nates: addo etiam, si libet, propter neglectam rem familiarem, abominarentur, aut etiam grauius incusarent, superiorum omnium beneficiorum obli- ti? Non est hoc vestri moris, neq; ingenij, viri Polo- ni: qui nō penitus malos reges, nedum bonos, & be- ne meritos, grata memoria prosequi soletis. Verūm ad institutum nostrum reuertamur: fuit igitur in Si- gismūdo, quemadmodū videtis, singularis clemen- tia, & priuatim, & publicè. At fuit is restrictior in be- ne merentes de se ac Repub. Fuerit sanè ita. Sed quis hoc ei vitio vertat? si bene secum reputet, inane ante eum regem ærarium: oppigneratas à maiorib. eius possessiones plerasq; & bona regia: egentes quosdā reges, ne in quotidianos quidem sumptus pecunia suppetente: nō solutas à patre: ab ipso verò exactas omnium, nisi fallor, sororum dotes: dotatas duas fi- lias, tres etiam reliquas dotandas, & pro dignitate sua, regniq; elocandas: persoluta militibus suis, & externis supra ducenta millia florenorum, emeriti apud Ioannem Albertum, & Alexandrum fratres stipēdij nomine debita: deniq; complura bella non sine magnis impendijs gesta, & alia præterea impen- dentia. Hæc quisquis rectè secum perpendit, simulq; cogitat, quò indignitatis illa ærarij inopia, patrem, fratresq;, atq; etiam maiores eius nōnunquam im-

*Senio cōdo-  
nandum a-  
liquis.*

*Curmanus  
largus fuit.*

*Sumptus.*



*Magnificen-  
tia Sigisf.*

pulerit, æquior multo in hac parte Sigismundo erit. Et tamen nihil is prætermisit, quod ad splendorem regni, & patrię dignitatẽq; suam, & magnificentiam pertinere existimauit. Vt enim illa, quæ modò attingi, non repetam, vt redemptos à barbaris captiuos: restitutas res, ne belli causa essent, potèti hosti à nostris prædabundis ablatas: senas nuptias magnificentissimo apparatus factas: cõstructas aliquot locis, & pro veteribus tugurijs regali magnificentia exornatas domos. Vt hæc, inquam, præteream, ar-

*Arces ab eo  
extructæ,  
aut instauratæ.*

ces quidem, Camenecensis in Podolia, Leopoliensis, Sendomiriensis, Corcinensis, Vilnensis, Cracouiensis, & hæc quidem bis, & aliæ quædam instauratæ, & munitæ: comparatæ, & instructæ per multas, &

*Bombardæ.*

magnæ bombardæ: frequentes legationes ad externos principes missæ, & ab eis vicissim veniẽtes splendide ac liberaliter acceptæ atq; dimissæ, permagno

*Legationes.  
Regum con-  
uentus Vien-  
næ.*

ei constitenterunt. Sumptuosus verò & ille fuit, splendidissimusq; cum Casare Maximiliano, & Vladislao ac Ludouico regibus apud Viennam cõgressus, quo Polonorum & Lituanorum nomen, obscurius antehac, & inopiæ, inertię, barbarięque opinione contemptibile apud externas gentes, illustrius & admirabilius esse cœpit. Post hos tot, tantosque sumptus, nō in luxum, delicias, & voluptates priuatas profusos, sed ad vtilitatem, salutem, decus & ornamentũ Reip. factos, non est sanè reprehendendum, nec scio an valde laudandum, quod ærarium nō inane reliquit, filij hæredis necessitati, & futuris Reip. vsibus, vt filiarum dotes taceam, vtiliter seruiturũ: belliq; si quod alicunde nobis inferretur, neruum futurum. Et tamen cū hoc sibi proposuisset, ne

*Ærarium  
spare.  
Beneficẽtia.*

in priuatos quidem benignitatem, & munificentiam suam clausit: & fortes, doctos, ac sapientes viros, aut quauis alia ratione vtilis Reip. cum donis, tum honorib. & alijs beneficijs prosequutus est. Vt enim literatos homines, nostrates pariter & externos, quorum vel opera honorificè in rebus magnis vel se posse existimabat, vel scriptis & præconijs suum, populorumq; suorum nomen illustratum in sperabar, vt eos igitur omittā, ac de fortibus viris aliquot modò insigniores cōmemorem, nōne Constantinum Ostrogiensem ducem per amplis beneficijs auxit? nōne Ostapheio plebeio, aut obscuro duntaxat homini, sed in Tartaricis bellis exercitissimo, & vigilantissimo, cū aliās, tum post obsessam aliquandiu, & oppugnatam à Turcis atque Tartaricis ab eo verò strenuè defensam arcem Cercassiam, permagnum honorem habuit, & multa largitus est: multa sæpe delinquenti indulgit? Quid Nicolaum Senauium, scientia, & vsu rei militaris præstantem, excellētis virtutis ergo collocupletatum, & ad eum, in quo nunc est, honoris gradum euectum? Quidve virū omni laude cumulatissimum, Ioānem comitem Tarnouium, cū alijs non obscuris beneficijs ornatum, tum ad summum dignitatis fastigium euectum, euidentibusq; grati animi indicijs, & præclaris elogijs, cum siue à Moschico bello, & Starodubo euerso, siue à deuictis apud Obertinum Valachis reuerteretur, ab ipso ornatū, & honorario munere, publico totius Polonię cōsensu binis grossis collatis, cohonestatum, cōmemorem? Viuunt hi duo, & adsunt, & hæc mea dicta nutibus renidentes approbant. Tametsi longè maximum hi virtutis

*Constantinus dux.  
Ostapheius.*

*Senauium.*

*Tarnouius.*

*Honorariū  
publicè decretum  
Tarnouio.*

*Bielscius &  
Lacius Mos-  
chos trans-  
fuga.*

premium sempiternam rerum à se gestarū gloriā,  
quæ eos nunquā destituer, arbitrantur. Taceo Biel-  
scium & Lacium Moschos transfugas perhonorifi-  
cè ab eo acceptos, & luculentis possessionibus do-  
natos, ingenij, fidei, & scientiæ rei militaris ergo. Nō  
fuit ergo Sigismundus, ne in hac quidem parte re-  
strictior. Aut si quando tandem fuit, non sua volun-  
tate, sed necessitate, id quæ ingrauescente maxime

*Pietas, &  
religio Sigisf.*

atate fuit. Quoniam autem illa quoq; vel potissi-  
ma pars est iustitiæ, quæ cum cælitibus hominum,  
quali societatem quandam tuctur, pietas, inquam,  
& religio, de hac quoq; iam tandem postremo loco  
mihi dicendū est. Consulto autem in hunc eam lo-  
cum seruaui, vt quæ reliquas omnes virtutes in se  
continet, & quasi germina quædam ex se emittit,  
hominisq; felicitatem perficit, eadem nobis huius  
optimi regis perficiat laudationem. Absq; hac enim  
cæteræ virtutes, imagines virtutum, & vmbra sunt  
verius, quàm virtutes: neq; omnino laudabiliter, &  
beatè, quamuis rebus ad vota fluentibus, viuitur.  
Qua autem pietate fuerit, quamq; sanctè, & religio-  
sè Deum optimū maximū Sigismundus hic rex co-  
luerit, si alia nulla essent, ea quæ hætenus persecuti  
sumus, satis magno essent argumento: neque enim  
ita se ille tum in administrando regno, tum in omni  
vita gessisset, neq; tantus euasisset, neq; tot bonis, &  
felicitatibus, quot percurrere obiter vix potuimus,  
aut ipse, aut ditiones eius cumulatae fuissent, nisi  
Deum propitium habuisset. Verissimum enim illud  
est, quod est in epistola diui Iacobi Apostoli: Omne  
munus bonum, & omne donum perfectum super-  
ne descendere, à patre luminum. Eum verò nemo

*Regni fel-  
icitas excul-  
ta Dei.*

pro-



propitium habere potest, nisi qui agnoscit, reueretur & colit, omnemq; fiduciam suam in eo collocat.

Sic enim canit David rex & propheta: Inquirentes Dominum, non deficientur vlllo bono. Et alibi: Qui

confidunt in Domino, erunt sicut mons Sion, qui non commouetur in æternum. Cum igitur Sigi-

smundo tot illa, tantaq; bona in omni vita suppetierint, quis negabit eum Deo curæ fuisse? Vt enim

non fallitur, ita neque fallit Spiritus sanctus, qui per Davidem olim locutus est: Quoniam rex sperat in

Domino, & in misericordia altissimi, non commouebitur, & quæ præcedunt: Desiderium cordis eius

tribuisti ei: præuenisti eum in benedictionibus dulcedinis. Et alibi: Propè est Dominus omnibus in-

uocantibus se in veritate: voluntatem timentium se faciet, & preces eorum exaudiet, & saluos faciet eos. Custodit Dominus omnes diligentes se.

Sed quoniam impijs quoq; nonnunquam prospere multa in hac vita cadunt, elucetque in eis etiam

aliquando nonnulla imago virtutis atque probitatis, age videamus, num qua alia ratione pietatem

huius regis ostendere possimus. Et ecce occurrunt nobis templa Dei Opt. Max. partim instaurata, par-

tim à fundamentis excitata, & multis, magnisque donarijs, & preciosis vtensilibus, ad splendorem simul, & vsum cultus diuini, regali munificentia ex-

ornata. Atque vt Vilnensem basilicam, & Rupense, siue Scalcense fanum, & quædam alia, quæ nunc in

mentem non veniunt, præteream: hoc quidem certe delubrum pulcherrimum, & sumptuosissimum

basilicæ huic adiunctum, quod sepulcrum, & monumentum suum ille esse voluit, cum instituto iu-

*Psal. 33.*

*Psal. 124.*

*Psal. 20.*

*Psal. 144.*

*In piorum  
prosperitas.*

*Templa ma  
gnificè cul-  
ta, extructa,  
& ornata.*

*Sedulitas  
in templis.*

*Observantia  
iustitiarum  
ecclesiasti-  
corum.*

*Externus  
cultus Dei.*

*Tob. 12.*

*Matth. 6.*

*Eleemosyna  
Sigismundi.*

giter & concinnè Deum colentium sacerdotū col-  
legio, ferit oculos nostros, & quodā augusto splen-  
dore perstringit. Huic verò basilicæ quàm multa &  
ampla donaria contulit? Iam quis nescit, quàm sedu-  
lo is, dum per ætatem, & morbum potuit, & quàm  
religiosè sacris, cultuique diuino operam dederit,  
nulla neque temporis, neque loci incommoditate,  
neque occupationibus retractus? Quid ego pre-  
cum eius assiduitatem, quid festorum dierum, ieiu-  
niorumq; intemeratam observantiam commemo-  
rem? in quibus omittendis vix valetudinis gratia at-  
que id extremis demum aliquot annis, medicorum  
suasu, & episcoporum permissu, ne dicam hortatu,  
sibi indulgit. Quæ enim à teneris annis cum lacte  
quodammodo materno imbiberat, ad extremū vs-  
que halitum constanter & mordicusea retinebat.  
Externi hi sunt cultus, ritusque, fateor, neque in his  
cardo religionis nostræ vertitur: vera & interior pie-  
tas in mentibus, & voluntatibus nostris penitus in-  
clusa est. Ita sanè. Sed cum ea soli Deo perspecta &  
explorata sit, tamē his externis sese nobis prodit, &  
exerit: ut sic luceat, secundum authorem salutis  
nostræ Christum, lux nostra hominibus, ut ij viden-  
tes opera nostra bona, celebrent, & glorificent pa-  
trem nostrum cælestem. Bona est enim, ait angelus  
ad Tobiam, oratio cum ieiunio, & eleemosyna. Ipse  
quoque CHRISTVS IESVS apud Matthæum ma-  
gnopere hæc tria commendat, dum quomodo fieri  
debeant, præcipit. Quid verò prolixam Sigismundi in  
egenos, quorum victus, vestitusque parandi ratio-  
nes vel morbus, ætas, vel calamitas aliqua, vel deni-  
que arctioris, & addictioris Deo vitæ professio im-  
pedi-

pediuiſſet, beneficentiam, & liberalitatem perſe-  
 quar? Eadem opera lucem hanc diurnam accenſa  
 lucerna illuſtrare coner. Cernitis eni ipſorum tur-  
 mas, non modò templum hoc, verùm etiam vias, &  
 plateas cõplentium, & orbitatem ſuam, tam be-  
 nefico rege amiſſo, miſerabiliter deplorantium. Il-  
 la verò eius in receptis antiquitus Dei placandi riti-  
 bus, & cerimonijs, ſacroſanctè retinendis ac defen-  
 dendis, & in propugnandis Dei miniſtrorum com-  
 modis, præclara voluntas, & conſtantia, in iſta præ-  
 fertim noſtri temporis licentia, & iſto nouarum re-  
 rum, quo nunc leuiſſimi quique homines flagrant,  
 ſtudio, ſeu verius pruritu, nõnne maximum eſt ſin-  
 gularis pietatis argumentum? Vidit enim ſapientiſ-  
 ſimus rex, in religione noſtra nihil melius, nihil ex-  
 actius hoc tempore à quoquã inueniri poſſe, quàm  
 ab ipſis Chriſti ſeruatoris noſtri diſcipulis, eorumq;  
 ſucceſſoribus proximis, ſanctiſſimisq; patrũ Con-  
 cilijs cõſtitutum, & publico Chriſtiani orbis cõſen-  
 ſu tot ſeculis retentum eſſet. Didicerat non hîc, aut  
 illic, & in angulis omnino Chriſtum quærendũ eſſe:  
 neque vnuiusque eſſe, arbitrato ſuo verba, & in-  
 ſtituta Dei interpretari: ſed eccleſiam, eccleſiam, in-  
 quam, in qua certa eſſet ac perpetua, vt inquitunt ve-  
 tuſtiſſimi, ſanctiſſimi, & grauiſſimi doctores, Irene-  
 us, Cyprianus, & Auguſtinus, tot ſeculis continuata,  
 verorum epiſcoporum ſucceſſio, columnam eſſe,  
 quemadmodum ait diuus Paulus, & firmamen-  
 tum veritatis. In ea ſola dari ſpiritum veritatis, qui  
 vt author, ita interpreter quoque ſit ſacræ Scriptu-  
 ræ: non diſſenſionis, verùm pacis Deus. Quo qui-  
 dem illis carere neceſſe eſſet, quibus inter ipſos

*Conſtantia  
 in fide & re-  
 ligione ca-  
 tholica.*

*Eccleſia, &  
 doctores an-  
 tiſti-  
 cus.  
 Matth. 24.*

*1. Tim. 3.  
 1. Cor. 14.*



*Ritus Chri-  
stiani in  
morsente.*

*Virtutes Sig-  
an speculum  
principibus  
posita.*

*Ætas 82. an-  
norum.*

non conueniret: & qui ne ipsi quidem singuli sibi constarent, sed omni vento doctrinæ, quasi nebulæ turbine exagitata, circumferrentur: iam verò illa, quòd moribundus sacra Christi mysteria ritu Christiano expetiuit, & venerabundus accepit, quòd se totum Deo religiosis verbis, & suspirijs commendabat, quòd in eius clementia, & misericordia fiduciam suam omnem collocabat, quæ & isti euidentissima, nisi fallor, veræ pietatis indicia iudicans, nonne certa sunt piè, & religiosè exactæ vitæ testimonia? Cùm igitur tanta pietate, quanta genere illo inclyto, & educatione optima digna fuit, præditus fuerit Sigismundus, nihil mirum, si iustus quoq;, clemens, magnificus & benignus: si temperas, moderatus, pudicus, & modestus: si fortis, constans, patiens, & excelso animo: si præteritorum memor, præsentium sagax indagator, futurorum acutus coniector, & utilium publicè, priuatimq;, diligens & sapiens prouisor fuit. Non mirum, si in hac breuitate vitæ humanæ, magnisq; laboribus viuendo octogesium secundum annum attigit, si viribus & valetudine plerunq; firma fuit, si sensuum, ingenijque vigorem ad extremum penè retinuit. Non mirum, si gratia, & authoritate apud suos pariter, & externos, summos iuxta ac infimos valuit: si amplissimū regnum, elatis post patrem duobus fratribus, maturè adeptus, bellis felix, & victoriosus, pace multa beatus, vxoribus & liberis non infortunatus, ditiorum aliquot accessionib. locupletior, tã bene, tam quietè, tam feliciter, tantoq; bonorum omnium fauore vno & quadraginta annis id administrauit: & florentius multò, quàm acceperat, nō degeneri, vt i-

confi-

confidimus, filio reliquit. Non mirūdeniq; si sem- *Pater pa-*  
 piternum optimi, & fortunati principis, & patris *tria Sigism.*  
 patriæ nomen atque gloriam, nisi me vanū fallit au-  
 gurium, apud longam posteritatem celebris, incly-  
 tusque rex retinebit: quippe, qui superiores omnes *Polonia re-*  
 principes, & reges nostros non modico interuallo *gi virtutes.*  
 post se reliquisset. Nam quæ in singulis illis singula  
 laudabilia fuerunt, ea hic vnus omnia complexus  
 est. Boleslai Chrobri, vt ab hoc potissimū ordiar,  
 solertiam & magnificentiam: Cazimiri monachi,  
 pacis & instaurantæ patriæ superiorum tempo-  
 rum iniuria afflictæ studium: Vladislai eius filij man-  
 fuetudinem, Boleslai Criuousti victorias, Crispi  
 prouidentiam, Miczislai senis grauitatem, Cazimiri  
 horum duorū fratris iustitiam, Lesci albi excelsū  
 animum, Boleslai pudici religionem ac temperan-  
 tiam, Lesci nigri moderationem animi: Vladislai  
 Loctici fortitudinem, & in toletandis aduersis pa-  
 tientiam: Cazimiri magni, in ornando, & munien-  
 do regno studium atque diligentiam: Iagellonis aui,  
 si non propagando, certè in amplificando cultu di-  
 uino, pietatem, laborem, & munificentiam: Vla-  
 dislai patrui magnanimitatem, & clementiam: Ca-  
 zimiri patris facilitatem, & offensarum perbreuem  
 memoriam: denique Ioannis Alberti fratris ad res  
 magnas gerendas, quanquam meliore fortuna, ala-  
 critatem. Has, inquam, omnes omnium, illorum  
 virtutes solus Sigismundus non modò æquauit, sed *Sigismund.*  
 superauit etiam: ita: vt nulla cuiusquam eloquentia, *omnibus ex-*  
 nedū infantia nostra, satis dignè, & pro meritis cum *cellentior.*  
 laudare possit. Sed iam ipsum ex augusto illo mau-  
 soleo, in quo heri recōditus est, nos, quibus præsuit,

alloquentem audiamus. Quàm iustè, quàmq; moderatè, vobis viri Poloni (liceat enim mihi vos omnes, imperio coniunctos, vno nomine appellare) imperauerim, & quanta felicitate regnum hoc auxerim, orinauerim, & cumulauerim, vos ipsi probè nostis: aut si qui per ætatem intelligere, & iudicare adhuc non potuistis, è maioribus natu, bonis & grauib; viris, discere potestis. Pro his meritis meis, iure meo illud à vobis postulo, vt si quid vnquam imprudens offendi, id vel humanæ imbecillitati, vel ætati meæ condonetis: quam verò mihi debetis gratiam, eam liberis meis dulcissimis referatis, morte mea pupillis. Filium hunc meum vnicum, quem ipsi vobis regem, mihi successorem, me volente, & postulante, iam pridem designasti, eodem quo me, aut maiore etiam, si potestis, studio prosequamini, consilijs adiuuetis, consentientibus animis atq; viribus protegatis, ætati eius nōnihil etiam indulgeatis. Ne audiat eos, qui dum suam rem agunt, vestram agere videri volunt: & tamen aliud alibi præ se ferūt, vtrinque vt gratiam ineant, & opes, potentiamque suam augeant, & stabiliant. Cernitis qualia nūc sint tempora, quousque domi progressa sit multorum audacia, quanta huic regno, & communi patriæ pericula à barbaris impendeant. Mature vobis prouidendum est, ne non modò imperium vestrum, & Respub. verum etiam libertas, & vita vestra, vestrorumq; in extremum discrimen veniat. Id verò ita demum rectè prouidebitis, si sublati omnino quorūdam factionibus, dissidijs, & simultatibus mutuis, amore, & officio erga vos inuicem: erga regem verò vestrum studio, & beneuolentia certabitis. Sic enim

*Pathetica  
filijs comen-  
tatio.*

*Consilium  
regis.*



enim fiet, mihi credite, vt qui nūc formidolosi non-  
nullis vidēmini, formidabiles vicinis vestris, holti-  
busque sitis. Ad te verò, fili carissime, hæc mea est  
oratio. Illo autem habitu, illoque vigore, hæc tu, Si- *Verba Sigis-*  
gismunde Auguste, patrem tecum loqui existima- *ad filium.*  
to, quo fuit, cum tibi huius regni habenas, sceptrūq;  
traderet. Nihil est, quòd te vnà cum matre, & sor-  
ribus tuis, puellis lectissimis, propter mortem me-  
am tantopere excrucies. Mihi quidē ego meo tem-  
pore, annorum, vitæ, gloriaq; satur, non dico mor-  
tuus sum, sed ad beatiorē vitam, regnumque mē-  
lius migraui. Vt autem vestro quoque & horum o-  
mnium tempore id factum esse videatur, secundum  
Deum in te, fili, maximè situm est. Tibi, mi fili, deinceps, & mater, & sorores, & verò Resp. maximè curę  
esse debebunt. In te spes omnes omnium, quas fru-  
strari te æquum, non est, sitę sunt. Non nihil quidem  
nobis debet Polonia, quemadmodum audisti, sed  
nos illi multò plus. Quippe quæ nos sibi, maioresq;  
nostros, posthabitis quibusdam illustrioribus, & e-  
legantioribus, atque etiam potentioribus fortasse,  
reges assumpsit, & summa fide, studio obsequioque  
coluit. Te, quemadmodum ipse nosti, puerulum et-  
iam tum, regio diademate insigniuit. Ad eius igitur *Aurea p̃p̃*  
salutem atq; dignitatem, vicissim te voluntatem tu- *patris ma-*  
am, studia & conatus omnes adiungere in primis æ- *nita.*  
quum est. Id verò ita demum rectè facies, si omnib.  
te æquabilem, familiarem verò non nisi grauissimis,  
& sapientissimis quibusq; præbebis: si nullius ius, &  
innocentiam, neq; gratia, neq; odio cuiusquam op-  
primi fines: & in iudicijs exercendis, non cuius co-  
gnatus, necessarius aut cliens quisque sit, sed quàm

iustam causam habeat, attendes: si tenuiores à vi & iniurijs potentiorum vindicabis: si honestatem voluptati, publica commoda tuis priuatis antepones: si nulla in re leuior, aut præceperis, neque de maioribus rebus absq; consilio senatus quicquam statues: cum iuuenibus verò, & iuuenili ardore præditis, consilia non temerè communicabis: si assentatoribus aures non accommodabis (blandum enim est malum, sed pestilens in primis regnis atque regibus, assentatio) si dissensiones ordinum, & similitates procerum, inter ipsos autoritate tua penitus extirpabis: si denique pietatem atq; religionem sanctissimam sedulò & ex animo coles: neque ab institutis maiorum, & iam inde ab exoriente religione Christiana apud omnes gètes recepto, & ad nostra vsque tempora transmissò, retentoq; cultu Dei optimi maximi, venerandisque caeremonijs atque dogmatibus, te cuiusquam, vel insidiosis blanditijs, assentationibus, & illecebris auocari, vel importunitate auelli sustinebis. Harum rerum omnium exempla domestica habes, satis, nisi fallor, illustria. Non ignoras, fili, quo successu, qua felicitate, quantaque gloria nos tam diu regnaui-  
mus: id nostrorum Deo Opt. Max. quem sedulò, ritèque coluimus, acceptum referimus. Existimare autem debes, neque regnum, neque quicquam omnino sanctum & inuiolabile esse posse, vbi religio labefactatur. His tibi vijs, fili suauissime, ad laudem, ad beneuolentiam hominum, ad salutem, tranquillitatemque ditionum tuarum, denique ad decus, & immortalitatem grassandum est. Hac certus est, & exploratus pijs principibus ad cælum aditus. Hæc  
recum

tecum Sigismunde Auguste, pater: illa rex vester vobiscum, viri Poloni. Reliquum est, utrique ut sanctissimis, & saluberrimis monitis eius obtemperetis, eiusque præclara erga vos merita, assidua pietate, & grata memoria semper prosequamini: omnesque pariter eum, uti debemus, viuorum, & mortuorum Deo, apud quem nemo satis iustus & insons est, assiduis precibus commendemus. Vicissim ille in cælis, uti speramus, pro nobis orabit: & quorum salutis, & incolumitati omni ratione, quoad vixit, consuluit, ijs ne nunc quidem, omni iam rerum terrenarum cura, & molestia solutus, studium suum in placando Deo Opt. Max. deesse patietur.

IN FVNERE SIGISMVN-  
DI IAGELLONIS, POLONIÆ  
REGIS, STANISLAI ORICKOVII  
RVTHENI ORATIO.



Ex noster mortuus est, si tamen ille mori potuit, quem sua præstans atque regia virtus immortalem ante obitum reddiderat: quā ille cum cōstanter in omni vita coleret, quid tandem est, cur hunc mortuum dicamus esse potius, quā hoc mortali corpore exutum, ad illam immortalem vitam abiisse, ad quam sibi iter sobriè, iustè, ac piè viuendo parauerat? Abijt ergo hinc, nos flenteis ac dolenteis reliquit in hoc squalore ac sordibus, quibus obsiti, in funere ipsius comparemus, nobis cum illo perière omnia, Equi-



res: illi verò nihil præter hoc mortale corpus decessit: pro quo tamen ipso, cumulatut nunc ipsius acta vitæ æternitate, atq; immortalitate sempiterna. Nostra autem hæc mors verius, quàm vita illius à nobis discessu, quàm afflictæ, exinanitaque sit, testes sunt mæror hic vester, ac vestra pia lacrymæ, quibus deflemus non interitum regis nostri, qui nullus illi est, sed orbitatem nostram. Amisimus enim, equites non dominum: nihil enim ille minùs nobis fuit, sed iustissimum regem, atq; indulgentissimum patrem, qui cum vnum, & †quadragessimum annum regnaret apud nos, quod exemplum regnans non dedit iusti ac moderati Imper. aut quod monumentum post se non reliquit in hoc regno, humanitatis, mansuetudinis atque beneficentiæ erga vos singularis? Quocunq; te animo atq; oculis conuerteris, plena omnia exemplorum illius sapientiæ, iustitiæ, fortitudinis, temperantiæ ac virtutum omnium reliquarum reperies: siue Eccles. Dei videas, quam ille integram atq; incorruptam in Polonia præstitit: siue ipsam Rempublicam, quam ille tanquam bonus pater unicam filiam in sinu suo complexus, tam domi, quàm foris, tam pace, quàm bello, fouit, atxit, ac omnibus ornamentis cumulauit, in qua quidem Republica talem se ille regem gessit, vt & omnes ante se reges faciliè vinceret, & cæteris post se spem imitandi adimeret. Cedant huic omnes reges: soli etiam scientiam regnandi concedant. Non Cyrus ille, non Agesilaus partem laudis æqualem ac gloriæ cum hoc petant, qui non tam rebus ipsis, quàm scribentium ingenijs magni fuerunt: de ijs enim non ad veritatem: hystoria, vt videtur, sed imitationis

† quadra-  
gesimū annos  
regnans.

nis exemplum Græci homines multa fictè scripterunt. At hic noster Sigismundus regum rex, non solum bene viuendo ac sapienter regnando Cyram atque Agésilæum superauit, aut si quid in regum genere maius hisce fuit, sed etiam illorum ipsorū scripta, qui de illis regibus eloquentiss. copiosissimeq; scripserunt. Melius hic vixit, quàm illi dixerunt, melius regnauit, quàm præceperunt. Ita Sigismundus rex noster non fictum, neq; stylo adumbratum, sed viuum exemplum, atque rebus ipsis expressum. Cateris regibus à Deo fuit propositum, vt in hoc rege, ceu in quodam illustri monumento, essent repositæ omnes regiæ virtutes, vnde sumi posset, quò humanum genus seruari, quò regna administrari, quò iura, mores, instituta, leges in hominum vita sanctè ac quietè possint retineri. Quid? solusne regibus ille exemplum viuendi fuit? minime verò, equites. Nemo enim etiam sortis infimæ reperietur, qui ad bene, beateq; viuendum ex hoc rege exemplum non possit sibi sumere: siue enim religionem ipsam spectes, quem anachoritam sanctimonia vitæ non vicit? siue etiam has virtutes vitæ communis consideres, nempe patientiam, obsequium, modestiam ac temperantiam: quis non dico in summo Imper. rex, sed homo ipse priuatus, quem angusta res coërcet, hac ista commendatione Sigisf. par fuit? Pauci equites, & haud scio, an aliquis omnino fuerit. Ita ille summā vitæ absoluit, vt sapientia reges: priuatos verò moderatione vitæ antecelleret, talemq; se in omni vita priuatim ac publice præberet, vt id nulla orationis copia, vt patet, explicari possit, ne illius quidem Xenophontis

Græci, cuius ore Musas tum loquutas ferunt, cum  
Cyrum illum atque Agésilæum verbis magnos face-  
ret. At ne me quis ad Græcorum morem, temporis  
ac luctus vestri, causâ magna hæc facere existimet:  
ostendam, equites, talem regem nos amisisse, qua-  
lis in Polonia ante Sigismundum nemo, extra Po-  
loniam verò pauci omnino apud omnes gētes fue-  
runt, siue bona ipsius propria spectes, siue quæ illi  
natura, aut fortuna largita fuit, consideres, ut me-  
ritò mors huius optimi regis dolorem huic senatui,  
mœrorem equestri ordini, squalorem Polonia, lu-  
ctum ac gemitum omnibus attulerit: & , ut hæc ex  
iusto dolore profecta esse, ac amore intimo omnes  
intelligant, breuiter mihi dicendum est, quod ge-  
nus viri fuerit, qui in regnando mores, quæ fides er-  
ga illum, & voluntas vestra. Vtilis erit & grata hæc  
oratio non solum nobis in malis nostris, sed etiam  
his, qui cum laude viuere, aut gloriosè regnare con-  
cupuerint. Sic enim de Sigismundo rege loquar, ut  
nihil nisi singulare, nisi regium, nisi diuinum, de hoc  
rege à me sitis audituri: idque quod dicam, non fa-  
cultate orationis meæ, à qua longissimè absum, il-  
lustrabo, sed rebus ipsius gestis atque exemplis, cum  
sua sponte clarissimis, tum verò nobis notissimis.  
Non abutar enim conscientia vestra, equites: fal-  
sam enim gratiam ab illo mortuo quid inire stude-  
am, quæ tota morte ipsius sublata est? Sola illius vir-  
tus mansit immortalis, de qua sine inuidia audien-  
dum est: ut illius clarissimi viri recordatione ac de-  
siderio vota faciamus, quo Deus noster similes Si-  
gismundo regnare in Polonia velit, si non omnes,  
(nam id sperare ferè iam fas non est) at saltem ali-  
quos,



quos, hoc nos certè animo esse in hoc exequiarum munere conuenit, vt Deus non huic tantùm mortuo, sed etiam ipsi Poloniae regno, nobisque sit propitius, nostrasque res afflictas, atque in desperationem propemodum adductas, benignus adspiciat me etiam, vt attentè audiat, etsi rogandi non estis, mœror enim hic vester vos satis attentos facit, tamen vt consuetudinem seruem, rogo.

Sigismundus rex, auum habuit Vladislaum Iagellonem, qui ex Lituanagēte in Polonia regnauit primus: virum omnibus tam bellicis, quàm religionis laudibus cumularum: qui cū octo & quadraginta annos in Polonia regnasset, multa trophæa de hostibus omnis generis constituit, inter quos Germanos memorabili pugna ad Dumbrouunum in Prussia deuicit: &, quod nulli vnquam regum \*, neque nationum de Germanis licuit, hic solus est inuentus, qui, cēsis in acie vno die Germanorum quinquaginta millibus, Germanos à Polonis vinci docuerit. Prætereo alias victorias atque triumphos ipsius varios atque infinitos, quod illi nunc nihil ad nos, & si ad nos, nihil ad hoc tempus, de quibustamē eruditi homines multa scripserunt. Hoc tamen dicam, id quod à patribus traditum meminisse debetis, magnum hunc, & excellentem regem, ac admirabili regnandi sapientia in Polonia fuisse, qui nō satis se functum officio ad munere regio putabat, si tantùm res humanas administraret, nisi etiam res diuinas summo studio curaret. Itaque Luthuanam sine Deo gentem ac impiam antehac, ad ouile Christi primus adduxit, in Ecclesiamque dicauit: deinde, cū literas ipse nullas sciret, tamen hic omne li-

terarum genus ac Musas ipsas, tam Latinas, quam  
 Græcas, in Poloniam introduxit; nullum regnum  
 esse ratus absque literis, nihilque sancti ac iusti, ne-  
 que honesti ibi posse esse, ubi Philosophiæ non ver-  
 saretur nomen: quod illa ex agrestibus ciuiles, ex  
 immanibus mites, ex barbaris doctos, ex homini-  
 bus postremò Deos faceret. Huic ergo tam excel-  
 lenti, siue arti, siue virtuti, siue diuinitati potius cui-  
 dam Vladislæus Iagello domicilium in ea vrbe col-  
 locauit, quæ caput ipsius regni fuit. Craconiæ enim  
 gymnasium condidit, quod omni virtutis, ingenij  
 ac doctrinæ laude ad hanc diem floret, vt inde, tan-  
 quam ex equo Troiano innumerabiles viri pro-  
 dierint, sapientia, & doctrina præstantes. In hoc e-  
 nim gymnasio Iagellonis opera, non seposita ali-  
 qua Philosophiæ, seu sapientiæ pars tractatur, sed  
 tota ipsa omnibus suis partibus perfecta atque ab-  
 soluta. Summa hæc laus est, equites, ingens Iagello-  
 nis gloria, immortale etiam in vos, liberosque ve-  
 stros meritum huius optimi & diuini regis, quo ille  
 tanquam luce quadam, atque splendore mirifico,  
 obruit omnes victorias, laudesque non solùm suas,  
 sed etiam aliorum, qui Sarmatiam illam feram, & in-  
 domitam hac ista humanitate literarum expoliuit:  
 vt, cum ferocius gète Polona antea, fuerit nihil, nunc  
 contrà beneficio doctrinæ hac eadem nihil videat-  
 ur esse mansuetius, neque humanius. Hanc ego  
 humanitatem, quam in tēplis, quam in foro, quam  
 in regno ac in moribus nostris versari videtis, Iagel-  
 loni regi omnem debemus: qui accersitis in Polo-  
 niam literis, adhibitisque earum Doctoribus, nos  
 ab agresti vita ad ciuilem vocauit, nobisque per-  
 suasit,

suasit, humanitate, & doctrina nihil esse melius: contra verò, feritate ac inhumanitate nihil esse homine indignius, qua vna re atque sola immortalem gloriam ille est adeptus. Nam vincere bello Germanos magnum quidem illi fuit: sed quod victoriæ non bonorum virorum sunt tantum, sed interdum etiam malorum, ideo vera carent laude: ac curare, vt piè, castè ac religiosè viuatur ab his, quibus præsis solius est (mihi credite) hominis pij, casti atque religiosi. Iam verò, nisi diuino aliquo animi motu lagello rex maiora concupijset, & nisi fuisset † natura † *natura* philosophia in huius viri mente quædam, quomodo ille, huc de literis ipsis, aut de illorum Doctoribus, ac de gymnasio condendo cogitare potuisset, præsertim cum literam ipse legeret nullam? Quàm autem cara fuerit Deo optimo maximo, hæc lagellonis mens atq; voluntas, inde apparet; quod ipsius genus longè, lateque regnare, non in Sarmatia solum, sed in Hungaria, Bohemia, Silesia atque Moravia longaium ac gloriosum voluit: vt lagellana progenies singulari Dei beneficio edita in hanc lucem esse videatur ad retinendos homines in hac ciuili societate ad erudiendam vitam illorum communem, ad cõstituenda regna, ad vnienda imperia: denique ad proferendos fines humanitatis atque religionis. Iam videris, equites, quæ vestra est sapientia, è quo fonte profluxerit Sigismundus rex ad hominum vitam gubernandam atque conseruandam, quàm puro, quàm sancto, quàmq; repleto omni militia atq; sapientiæ laude immortali. Sed antequam de Sigismundo dicam, audite per quos viros hæc auita virtus ad Sigismundum peruenit:



Iagellone è viuis sublato Vladislaus eius filius maior natu, huius autem Sigism. patruus, regnum paternum suscepit dignis. filius illo patre, ac successor, in tuendo paterno regno omnium acerrimus: qui extrema pueritia à Polonis rex est factus: ineunte verò adolescentia, rex est ab Hungaris absens expertus, bello Turcico maximo atque acerrimis hostibus. Tanta opinio de illo animos omnium peruascerat, vt in illius indole salus omnium gentium reposita putaretur, ita vt & Polonis dare salutē, & Hungaros liberare periculis posse videretur. Tanta virtus huius regis fuit, tantus ad virtutem impetus, vt præter ætatem periculosissimis temporibus maximis vndique septus hostibus duo regna maxima Sarmatiæ atq; Hungariæ, summa atque incredibili virtute conseruârit. Scythas in Russiam irruentes sæpe vicit, Valachos Polonis adiunxit, Amurathem ipsum spe atque cupiditate Hungariæ imminentem cum vniuersa Asia ex Hungaria victum, fugatumq; expulit atque eiecit: cui quidem regi, veluti Aaronem quendam sanctissimum atq; fortissimum virum Ioannem Capistranum de familia Francisci, Eugenius Quartus in societatem Turcici belli miserat: quo ille administro atque comite non solùm Hungariam, sed omnes Christianorum provincias ab æterno interitu conseruauit. Nam quandiu vita incolumis Vladislao fuit, tandiu Turcarum genus minus potens, ac minus formidabile provincijs nostris fuit. Illo verò Varnensi prælio victo, quot ille virtuti ac rebus secundis cōfusus, impari militum manu cum Amurathe conflixerat, tantùm Turcarum tyranni postea sunt adepti, quàm nunquam

eo viuo optare sunt ausi, in quo tamen prælio eni-  
tuit illa sagellonis excellens atque inuicta in hoc re-  
ge virtus: cum enim inclinaret iam victoria, spesq;  
in sola restaret fuga, & cum cæteri exceptis Polonis,  
fugerent omnes, ille veluti Cæsar alter, sui oblitus,  
in confertissimas hostium cohortes, opem laturus  
suis, cum magna hostium strage se immisit: & cum  
quidam vi ex prælio reuocare iuuenem conaren-  
tur, ferox monitoribus respondit, Non esse sui san-  
guinis vincere velle, & fugere: ô generosam men-  
tem, & magno rege dignam. Non ego te eo præ-  
lio periisse dicam, Vladislæ, neq; immaturam mor-  
tem hoc loco deflebo tuam. Viuis enim rerum ge-  
starum gloria, & quandiu hic Sol terras adspiciet, vi-  
ues. Nam quod tibi aut puerilis ætas negauit, aut  
immatura mors ademit, id tu suppleuisti virtute ti-  
bi: quam ad hanc diem, nō Hungari solūm, pro qui-  
bus sanguinem fudisti, neque Poloni, quorum cum  
patribus illo in prælio occubuisti, sed illi ipsi Turcæ,  
gentesque omnes barbaræ à te deuictæ venerantur,  
fatalemque tuum sanguinem ad delendum Otto-  
mannicum nomen sibi esse arbitrantur. Sed me lon-  
gius prouexit, equites, recordatio huius regis cum  
grato quodam desiderio cōiuncta, & quod hoc in-  
tuens corpus, de illis quoque recordor, qui ex eo-  
dem sanguine erant creati, vnde & hoc erat sum-  
ptum. Nunc ergo relinquam patrum Sigismundi,  
tanti ac tam inuicti spiritus regem, & ad parentes i-  
psius iam vobis breuiter ostendendos, descendam.  
Vos quæso, quod adhuc fecistis, me diligenter au-  
diatis: Vladislao Varnensi prælio extincto, Casimi-  
rus frater, huius autem Sigismundi pater, regnum

suscepit fraternum, atque paternum, & quinque, & quadraginta annos in Polonia regnavit: quo in spacio res ille tantas gessit, ut, si de singulis mihi dicendum sit, abuterer tempore, & auribus vestris, equites, ipse etiam me ignorare viderer, si ad res magnas huius excellentis regis orationem nequaquam parem adhiberem, præsertim cum ad ipsum Sigismundum tota properet oratio. Hinc tamen Casimirus quantus rex fuerit, inde scire potest, quod contra potentissimos reges, atque summos Imperatores, non solum suæ ætatis, qua ille regnavit, sed omnis ante illum memoriæ, Poloniæ regnum incredibili virtute defendit. Nam cum Matthia rege Hungariæ fortissimo atque bellicosissimo, bellum in Silesia acerrimum gessit, & Stephanum Valachiæ Palatinum, bellatorem inclytum parere Polonorum imperio coëgit, & Mahometem Turcarum tyrannum ex Valachia expulit, pacemque petere compulit, Prussiam maximo bello perdomuit: Motchouiam deuicit: Scythiam sæpe repressit: pacem, ocium ac tranquillitatem, armis atque legibus in suo regno diligenter custodiuit: quibus ille rebus cum esset apud omnes clarissimus, facile obtinuit, ut externis etiam auxilijs regnum Poloniæ muniret, quod sciret regna, nisi finitimorum opibus ac beneuolentia iuuarentur, firma non esse. Itaque quod armis atque bello assequi non potuit, ut pax illi tum Germanis de Prussia esset, id vxore ex Germanis ducta est assequutus. Nam de domo Austriæ clarissima, atque totius Germaniæ potentissima, eaque imperiali, vxorem duxit Elisabetham, huius istius Sigismundi



matrem : filiam autem Alberti ducis, qui idem Romanis, Hungaris, atque Bohemis rex fuit \* cuius \* *Qua*  
nuptiæ, cum essent plenæ dignitatis, plenæ concordia, ac regis cuiusdam maiestatis, ita tamen fecunditate atque prole beata fuerunt, ut vix è veteri regum memoria ullius nuptiæ cum his Casimiri conferri queant: nati enim sunt inde filij sex, omnes patri superstites: quorum serie quadam mirabili atque diuina, Vladislaus natu maior, in Hungaria regnavit viro patre: Ioannes Albertus autem in Polonia patri successit: illi Alexander, huic verò Sigismundus hic rex: restabant duo, quòd illis credo meliora regna hisce terrenis debebantur, Casimirus, & Fridericus, quorum alter in Diuos relatus est: alter verò vrbis Romanæ cardinalis fuit: filias quoque septem numero, ex hoc eodem matrimonio susceptas, omnes Germanis principibus in matrimonium dedit, atq; ita genere ac sanguine suo eundam Germaniam Casimirus compleuit, ut pauci sint ex omnibus Germanis principibus, qui consanguinei non sint Polonis. Felix Casimirus hac ista Deo grata, ac tam illustri apud omnes gentes sobole, ex quo tot ac tanti orbis terræ conseruatores prodierunt: qui felicior, ne in suscipiendis liberis, an diligentior in educandis fuerit, non facile dixerim. Nam ut filias prætermittam, quæ summa pudicitia, & digna illo loco ac genere cura à matre sanctissima atque diligentissima fœmina educabantur: filij certè ea disciplina fuerunt instituti, ut non regis filij, sed priuati cuiusdā viderentur esse. Nullus in ijs educandis regius sumptus, luxus nullus, sed summa moderatio in victu, amictu, atque cultu adhibita fuit.

Norat siquidem ille sapientissimus rex atque idem pater optimus, fundamentum esse omnis reliquæ vitæ cum privatæ, tum publicæ institutionem ipsam educationemque puerilem. Hinc enim petuntur primum rudimenta illa ad laudem, & ad gloriam disposita, nempe quid honestum, quid turpe, quid iustum, quid iniustum, quid expetendum, quid fugiendum sit, quid Deo, quid parentibus, quid amicis, quid civibus, quid legibus, quid ipsi denique Rei publicæ debeas, quæ nisi tu ineunte ætate, in angusta ac severa vita cognoveris, inutilis homo, perniciosus rex tuis futurus sis, necesse est. Quid enim per Deos immortales ab eo expectes, qui sine ullis honestis præceptis ex puellarum cœtu emersus, à cantu, à tibia, à luxu, à tripudijs, à vino, à somno, à stupro, ad summum imperium accesserit? Iactabit se, mihi crede, illius intemperantia in illa copia insolentius, neque quomodo profit, sed quomodo obsit rebus communibus cogitabit. Nam cum voluptas ipsa per se virtuti sit inimica, tum verò si ad illam potestas aliqua maior, aut imperium accedat, in furorē agitur, de statuque omni mentem exturbat humanam. Ex hac tali ratione illæ humani generis pestes prodire partim crudeles, partim verò effœminati tyranni. Hinc enim Busiris atque Phalaris illi veteres: hinc Nerones isti recentiores ac crudeles tyranni: hinc etiā effœminati Sardanapali sunt orti: quorum vitam si inspicias, faciliè reperies ineuntem ætatem illorum, non parsimoniam, neque disciplinæ radicibus, sed ipsius voluptatis atque licentiæ illecebris nixam fuisse. Horum exemplis admonitus Casimirus rex, nihil prius habebat, quàm ut illam primam

nam filiorum suorum aetatem certis legibus pudoris, verecundiae, modestiae, atque ipsius religionis adstringeret, certò sibi persuadens, taleis filios suos in regnando futuros, qualis illorum educatio praecederet, & meritò quidem: institutio enim puerilis regum ipsorum, primùm proculdubio medium atque postremum illis in regnando est. Hinc enim omnis ornatus vitae, regibus est petendus: hinc contra fortunae tela praesidium sumendum: hinc consilium, hinc autoritas ac grauitas petenda: denique id, quod caput est, quid sit regē esse, quid deceat illum, quod officium regis, qui vultus, incessus, victus, habitus: hæc sola recta institutio regi demonstrat. Non capit hæc, mihi credite, angusta ac nulla bona institutione erecta mens, sed vacillat ac titubat in omni regio officio ac munere. Qui enim rex hæc puer non didicit, is vitam miseram, desertam, contemptam, infamem, ac obtreccionibus expositam agat necesse est. His ergo malis atque his incommodis omnibus ab initio Casimirus statuit occurrere, praeposterè se facturū ratus, si regnum ipsum filijs post se relinqueret: filios autem ipsos, quibus illud seruaret, negligeret: quare ne videretur (vt dicitur) plus curare calceum, quàm pedem: summa opè requisivit, cuinam instituendos filios suos traderet. Erat illis temporibus vir doctus, & bonus Ioannes Longus, Olugos à Polonis vocitatus: cuius vita probata, ac inculpati mores, cùm illius cōmendarent doctrinam, facilè Casimiro fuit persuasum, qui hunc filijs suis Doctorem accersierit: vt ex eius viri praeceptis, atque institutis, veluti ex fonte quodam, atque totius honestatis radice flueret illa regia disciplina,



quam docti homines summam esse rerum omnium voluerunt: quæ mentem, linguam ac rationem futurorum regum, ad Reipublicæ gubernationem cum summa laude dirigeret: sic Calimirus non aliquem externum aut alienigenam, ac ignotæ virtutis hominem, filiis suis præceptorem delegerat, sed Sarmatam ac Polonum, eundemque spectatæ doctrinæ ac integerrimæ vitæ virū. Itaille non in externa institutione, neq; in peregrina adolescere mentem liberorum suorum voluit, sed in Polona atque domestica: nec iniuria. Vt enim semina, si in peregrinam mandentur terram, amittunt vim suam, sæpeque in diuersum genus abeunt: sic puerorum ingenia institutione degenerant à patria virtute, vt ex duro Scythia mollis fiat Arabs, ex Latino Græcus, ex Polono Italus. Quare Casimirus, cum se sciret genuisse reges, non Italis, non Græcis, neque Indis, sed solis Polonis: cauit diligenter, ne quis primam illam indolem, nisi Polonus fingeret. Adhibuit itaq; Ioannem Longum, vt Polona institutione, Polonus ipse bonos reges Polonis eò diligentius efficeret, quanto in illorum institutione salutem non solum regni, sed suam etiam inclusam esse videret. Hoc ergo munere Longus non minùs difficili, quàm ope-roso suscepto, statim ab initio amouit è conspectu illius teneræ ætatis pestem ac perniciem iuuentutis libidines omnes, & illarum authores. Non erant auditi in Longi ludo versus impudici, non cantus, neque symphonia turpis, quæ aculeis nequitia incendunt ad vitium iuuenum menteis, nunquam ibi sunt visi turpiloqui, nunquam ebriosi, nunquam mimi, nunquam amore ac vino, & mendacio cor-rupti

rupti histriones: denique nunquam illa dijs irata, quam Itali appellant, mascara in ludo illo fuit: nihilque earum rerum omnium, quarum imitatione atque consuetudine in vitium labitur iuuenilis ætas, talisq; fit, quales sunt ij, quorum cōiuctu lætatur: cum claudo enim (vt dicitur) claudus eris. Quare aures illorū regum ab auditu oculos à conspectu talium flagitiorum diligenter fidelis magister continebat. Libri apud illum à regibus illis pro mascaris tractabantur: viri boni ac moderati, pro histrionibus cum regibus illis versabantur: parsimonia vitæ, morum reprehensio, malorum irrisio, virgæ mediusfidius ipse, atque plagæ, administræ illius institutionis erant, atque comites: meminiq; me audire de nostris senibus, Casimirum dicere solitum, nullum se acroama audire suauius, quàm eiu-lantem, ac virga cæsum ab illo magistro filium: ô regem Sparta dignum, qui in illis lacrymis, ac in illius vitæ angustijs fundamēta bene ac sapienter regnandi filijs suis reposita esse arbitrabatur. Itaque cum magnarum rerum cupiditate, monitore Ioāne Longo, incenderetur assiduè præclara illa ad virtutem indoles, videtis quos fructus maturitate sua postea tulerit. Quid enim aliud causæ putatis esse, quòd omnes vicinæ gentes, atq; nationes, ad Casimiri domum, quasi ad Philosophi scholam cōcurrerent, vnde nō solū reges regnandi, sed etiā magistros bene viuendi peterent? Nulla fuit alia, equites, nisi ipsius institutionis opinio. Hac enim impulsī sunt Hungari, vt ab illo Vladislauum regem sibi peterent: hac eadem Bohemi adducti Ioannem Albertum expetiuerunt, ita Alexandrum Lituani, ita

Sigismundum Silesij: ô felicem tali prole Casimiro: ô ter, quaterque beatam Poloniam, quæ tantæ indolis primùm, deinde virtutis parens atque alitrix extitit: quæ quanta fuerit, testes sunt omnes gentes atque terrarum oræ ultimæ, quæ ab hac ista virtute, aut seruata, aut deuicta, aut cum Poloniæ regno sunt coniunctæ. Nec mirum, naçta enim fuit hæc virtus naturam imperio aptam: ad quam cum accessisset vsus, confirmatioque doctrinæ, ad tantam laudem, dignitatemque peruenit: & cum omnes isti optimi atque omni laude dignissimi fratres florerent ingenij gloria: sic tamen inter hos Sigismundus excelluit, vt tantum ipse vinceret omnium testimonio fratres, quantum illi vincebāt reliquos omnes. Nam quæ vestra opinio, quæta etiam spes omnium de hoc isto iuvene fuerit, testes sunt comitia illa Casimiro mortuo Pitrokouia habitæ, vbi cum de rege deligendo deliberaretis; hunc natu minimum, fratribus maioribus Ioanne Alberto, ac ipsi Alexandro, anteferre ad imperium voluistis: & nisi partim Elisabeth mater, partim verò Sigismundi ipsius contentia, fratri maiori concedentis, obstitisset, antetulissetis. Vos hoc loco appello huius regni robur atque firmamentum, Thencisci, quæ iudicia de hoc isto rege tum fecistis? quanta contentione animorum atque armorum vestrorum hunc regem sufficere patri voluistis? Quid tanto motu rerum spectastis aliud, nisi speciem quandam atq; opinionem excellentis virtutis, quæ cum ipsa summa esset in Sigismundi fratribus, in hoc tamen ita excelleret, vt quantum ætate superaretur à fratribus, tantum ille splendore virtutis ac nominis sui, fratres ipsos supera-



superaret? quod autem ille tum se non extulerit, & quod à præfenti iam regno ac oblato abstinuerit, nōne hanc abſtinentiæ illius laudem cuius regno anteponendam putabimus? niſi enim inſediſſet in huius viri mente conſtans ac æquabilis ratio quædam vitæ, nunquam ille, mihi credite, abſtinuiſſet ab eo, quod illi tum ſumma voluntate ac incredibili veſtra conſpiratione datum, oblatumque fuit. Nam non volitare cupiditate gloriæ, non inflāmari ambitione ad rapienda regna, præfertim cū rex eſſe poſſis, hoc omnium diſticiſſimum opus eſt, equites: hoc ſolius ſapientis, ac huius hominis eſt proprium: qui tamen hoc ipſum, quod fratribus ante ſe conceſſerat, quā cumulatè poſtea à vobis ſit adeptus, res ipſa docuit. Mortuo enim Ioanne Alberto, deinde Alexandro fratribus, vniuerſi hunc ex Sileſia ad regnum paternum vocauisti, in ſummo ipſius regni diſcrimine, ſummoque periculo: ita in eo ſolo reſtare ſpem regni, atq; ſalutis veſtræ tum putatiſtis: quo quidem regno ſuſcepto, ita illud vnum & quadraginta annos adminiſtrauit, vt omnibus opibus florentiſſimum vobis poſt ſe reliquerit. In quo quidem regno, qualem ſe regem ille geſſerit, quibūſve artibus illud adminiſtrārit, res ipſa iam poſcere videtur, vt dicam: fuit enim hoc ſecundum è tribus, quæ de hoc ipſo rege dicenda ab initio propoſuiſmus. Vtinam, equites, ea in nobis eſſet orationis facultas, qua, vt par eſt, dicendo explicare poſſemus, quīnam huius regis in regnando mores, quæ artes, qui modus fuerit. Nunc verò cū virtuti Si-giſmundi regis non tantū mea, quæ nulla eſt, ſed nullius, omnino poſſit par oratio inueniri: date mi-

te sibi adiunxit, partim fœdere reconciliauit, partim vero bello deuicit. Nam Valachiam insperata victoria de Ioanne Alberto elatam, fregit ac domuit. Scythiam quoque multis prælijs secundis deuictam, ad extremum tandem munificentia, liberalitateque sua in fide habuit: perfecitque ut Scytharum genus hominum ferum ac indomitum, liberalitatem ipsius potius, quam arma experirentur: quem illi honorem, ante Sigismundum, nulli regum, ne illi quidem Alexandro domitori Asiæ habuerunt: cum Turcarum etiam tyranno, cum ab omnibus derelictus, solus periculosissimum bellum gereret, fœdus ad extremum fecit, magis ex suorum tempore, quam ut id utile rebus communibus arbitraretur: de quo quidem fœdere dicam alio loco, equites: & ita dicam, ut hoc ipsum fœdus, quod nonnulli reprehendunt, magna necessitate factum fuisse ostendam. Nunc dico, in his fœderibus atque bellis Sigismundum aliud spectasse nihil, quam pacem, & ocium suorum: ut videlicet Polonia tot iactata casibus, tot afflicta cladibus, tot denique oppressa malis, requiesceret aliquando, & se ex diuturno labore pace ac quiete reficeret: quæ eo miseriarum iam venerat, ut neque priuatis, neque publicis opibus, posset contra vim hostium subsistere. Ita enim Iagello Germanico bello, & Vladislaus Turcico, & Casimirus Prutenico atque Hungarico, & Ioannes Albertus Valachico Poloniâ attriuerat, ut in media victoria victa esse propemodum ipsa Polonia videretur. Quare cum spes restituendi regni nusquam, nisi in pace, Sigismundo restaret: propterea hanc ipsam pacem omnib. bellis,

fœderibus, societatibus atque affinitatibus quæsiuit. Nam sorores, quas habebat, in Germaniam nuptum dedit: qua affinitate ille Germaniam cum Polonia non solum coniunxit, sed etiam Germanorum opibus illam contra omnem vim muniuit: nobilissimis enim ac potētissimis ex ea gente illos collocauit: qua sanè re perfecit, vt illi primò omnium Poloniæ regū pax cum Germanis firma esset. Nam quod is cum Prutenis bellum gessit, priuatum illud bellum Prutenorum fuit, nulla publica ipsius Germaniæ auctoritatem susceptum: & ne quid fortè, quod ad pacem spectaret, prætermittere videretur, cum iam Scythas liberalitate, Valachos deditioe, Moschos victoria, Germanos affinitate sibi ac suis obligatos haberet: restabant Hungari, quos etsi illis temporibus Vladislaus frater cum Polonis coniungebat, tamen Sigismundus longiùs prospiciens animo, Hungaros in perpetuum Polonis volebat deuinctos esse. Itaq; cum Scepusia domus princeps in Hungaria esset, Stephanusque Transyluaniæ Palatinus, rerum post regem primus in Hungaria potiretur, eius filiam Barbaram in matrimonium duxit, consentiente senatu, ac approbantibus bonis omnibus. Lata hoc matrimonio Polonia fuit, non tam quod societatem illi nouam attulerat, quam quòd talem reginam ex Hungaria acceperat, quæ ob sanctissimos mores, castissimam vitam, ac ob admirabilem pudoris atq; verecundiæ famam Hester fuit vulgo appellata. Sed hæc voluptas huius lætitiæ nō diuturna Polonis fuit: nam Barbara anno quarto, postquam in Poloniam venerat, vita est functa magno cum mœrore ipsius regis, dolore autem omnium



mnium vestrū in credibili: quæ tamen ipsa moriens, reliquit vobis pignus in itæ societatis cum Hungaris: filiam enim ex ea Hedwigim Sigismundus suscepit: qua Ioachimio Marchioni Brandeburgensi in matrimonium data, pacem Polonis cum Marchia fecit. Ita ille hisce artibus in omnes partes intentus, pace parta, Poloniam assiduis bellis afflictam exinanitam atque proiectam erexit, refecit, ac planè denuo constituit. Quanta hæc fuerit illius sapientia, ex alijs quoque potestis suspicari, equites. Alij enim pace bella quæerunt: hic verò nihil bellis, nisi pacem quæsiuit. Alij regna suscipiunt: vt finitimos bello vexent: hic regnū absq; finitimorū beneuolentia infirmum esse duxit. Alij fœdera ineunt, vt ad euertendā pacē spaciū habeant: hic omnia fœdera quæ cum Turcis, cū Scythijs, cum Moschis, cū Valachis habuit, pace terminauit. Quis hunc regem non ad euertendos homines, sed ad seruandos, non ad bello inter se cōmittendos, sed ad pace coniungendos, natum fuisse neget? cū enim pacem omni regno suo compararet, non tantū suis, sed etiam alijs gentibus atque nationibus pacis author fuit: & quod inter omnes constat, pacem mutuam Christianis prouincijs stabiliorem nūquam fuisse, quàm Sigismūdo rege fuerit: sic ille non tantū quod sibi soli vtile esset, spectabat: sed cōplectabatur ad suam, & ad communem omnium salutem, omnes finitimos reges atq; nationes. Pacis enim author omnibus fuit: ad pacem inuitabat, hortabatur, ac monebat omnes. Valuissetq; vtinam illius diuina vox atque sententia apud Ferdinandum ac Ioannem reges: staret nunc, mihi credite, Hungaria neque Tur-

cis per illam ad nos, ac ad omnes pateret via. Verùm cum illi reges belli, quàm pacis, essent cupidiores, Sigismundumq; nō audirent, ab Hungaria ambo exciderunt: cuius motu atque casu ea quoque dudum antè habebant, cum magno communium rerum detrimento, partim afflixaerunt, partim amiserunt: & meritò quidem: pace enim de medio sublata, quid utrique saluè esse potuit? Pax enim est parens atq; fons omnium rerum bonarū, equites: sine hac nihil hominibus iucundū in vita, nihil stabile potest esse: quā qui oderunt, feri & indomiti ac crudeles tyrāni sunt habiti. Contra verò, qui huius patroni atq; authores fuerūt soli homines, soli sapiētes: ac generis humani cōseruatores sunt dicti: & iure quidem: pace enim viuunt leges, excoluntur mores, tractantur artes: victus postremò ipse, ad vitam degendam necessarius, ipsius pacis est fructus: quo etiam fit, vt difficilius sit pacificum regem esse, quàm bellicosum. Quanto enim quisque ratione magis \* deficitur, tanta est ferocior, & ad bellandum procliuior: at pacis author, atque custos nemo potest esse, nisi idem vir sapiens fuerit. Eadem enim pātes sunt pacis, quæ sunt ipsius sapientis. Nam pacis hic finis est, vt in ea conuenienter naturæ ac legibus viuatur: qui finis idem profectò est, & ipsius sapientis. Hoc enim solū ille curat, ne quid à natura ac legibus aberret. Quare nihil tam cum sapientia pugnat, vt videris, quàm odium, discordiæ, ac bellum. Hinc enim existunt regnorum mutationes, hominumque ipsorum ac legum interitus: quæ conseruare ac constabilire est ipsius sapientis. Quod in Hungaria ne esset tanquam ex aliqua specula denunciabat

Sigi-

*Pacem enco-  
menda.*

*\* deficit,*

Sigismundus Ferdinando atque Ioanni tempestatem futuram : quam cum illi non prospicerent animo , demonstrantemque Sigismundum non audirent , repente illa tempestas inuoluit ac corripuit omnia. Hungariamque sine legibus , iudicijs , sine rege , sine fide exposuit direptionibus , & incendijs. At Sigismundus interea cum conscientia consiliorum suorum niteretur , nunquam facere , agere , ac moliri omnia destitit , quo si minus pacem inter illos reges conciliaret , regnum tamen suum ab illorum contentione abduceret. Qua in re tanta sapientia , tantaque moderatione fuit , ut in summa illorum contentione utriusque carus esset , utriusque socius , atque amicus : cum quibus ut pacem , & amicitiam firmaret , alteri hoc est , Ioanni filiam suam Elisabetham , è secunda vxore , hac ista grauissima atque clarissima Bona Sphortia , de qua dicam alio loco , in matrimonium dedit : alterius verò filiam huic Augusto regi nostro , filio autem suo carissimo atque vnico , quem nobis ex eadem regina reliquit , collocauerat : quæ nuper magno omnium cum dolore , ac mœrore decessit. Ita ille , non arma tantum , opesque omnes suas , sed etiam sanguinem ipsum , genusque suum vniuersum in pacis rationes conferebat : sanguineque suo quàm plurimas gentes atque nationes sibi , regnoque suo obstrictas esse volebat , & cum bellicosissimis nationibus , victoriosissimisque populis præesset , tamen hanc tantam copiam , non bellicorum opes ac neruos , sed pacis instrumenta esse putabat. Quæ pax , inquam , in regno constituta , quanta bona effecerit , quas artes excitauerit , quas opes huic regno tam priuatim , quàm publicè pepererit ,



attendite equites: mentesque vestras paulisper ab hoc mœrore vestro ad res vestras abducite, quarum status, ante Sigismundum, qui fuerit: hæc vestra præsens testatur copia: quam si conferre volueritis cum opibus illis vestris prioribus, inopia summa atque egestas illæ videbuntur esse præ hæc, quæ nunc sunt. An vos illas opes putabitis esse equite Polono dignas? quæ tam modicè fuerunt, ac penè nullæ, ut legibus etiam vestris cautum fuerit, ne triginta marcas dos equitis filia superaret. Non moderationis, mihi credite, sed postremæ inopiæ hæc ista lex fuit, cuius cum nos (ita me Dij ament) subpuderet, legem hanc dotalem tulimus, ut id, quod inopia fiebat, lege fieri putaretur: cum interim bene se illis res haberet, qui locupletes videri volebant, si illorum sanctius ærarium ipsas triginta marcas haberet. Neque verò hæc inopia tantum in ordine equestri fuit, sed ipsi etiam medius fidius senatores, ne plus centum marcis dotis nomine filia nubenti darent, lege, hoc est, egestate prohibebantur. Sed quid ego dotem huius inopiæ signum fuisse commemoro? cum capita occisorum equitum tanquam pecudum, non ipsius interfectoris capite ac sanguine, sed precio accentum marcis, contra omnia diuina sic humana iura, soluerentur? ut non mulctæ, non pœna, non supplicio, sed tam vili ære capita vestra aestimarentur, cædesque expiarentur. Ex hac tanta, ac tam infami, tamque impia aestimatione apparet, egestas illi regni quanta fuerit: quæ tanta fuisse videtur, ut animam quis pro capite facilius daret, quam hanc pecuniam solueret: quam utique illis temporibus grandè fuisse constat, quæ nunc auctore Sigismundo nulla

nulla est. Quid verò illa macula atq; labes nominis ac generis vestri, parùmne indicat, quā inops à pecunia fuerit hoc regnū? Nā si quis fur pecuniā furto à quopiā vestrū abstulerit, capite plectitur atq; suspēdio: si quispiam autē eum cuius hæc pecunia fuerit, occiderit, pecunia occisi caput soluit: ô cōmemorādas leges, & dignas, quæ in hac Rep. versentur, quib. nos, tanquam pecudes, precio ac mercede sicarijs, & interfecto-ribus addicti sumus: quam nos nō legem, sed perniciem atque pestem vestram, primo quoq; tempore de medio tollite, equites, si salui esse, & boni viri haberi vultis, de quo quidem ipso erit fortasse nobis apud vos † alius dicendi locus. Nunc vos † *Alia.* iam perspicitis, quanta hæc inopia fuerit, cui omnes leges diuinæ ac humanæ in Polonia cesserant. Quid? in priuatis ne tantum rebus hæc tanta inopia fuit? imò verò multò etiam maior in publicis: Recordamini enim per Deos immortales, illas angustias ararij amissa vectigalia, bona, villas, vrbes, atque prouincias regias pecunia obligatas priuatis hominibus: tum demum statueris, quantum Sigismūdo regi debeatis, qui hæc omnia redemit, recuperauit, ac libera Reipublicæ restituit: quarum rerum inopia erat factum, vt homines historici literis mādarent, Polono rege miserius esse nihil, & ita profecto res est, si tempora illa respicias, quibus illi scripserunt. An vobis tum regnum hoc diues fuisse videbatur, cum subsidia belli ac ornamenta pacis mendicato penè reges vestri quærerent? cum pignoribus, obligationibus, ac mutationibus, non solum bella administrarent, sed etiam domi viuerent? cum ita exinanitum erat ararium, diminuta vectigalia, o-

mnēs villæ, possessiones, salinæ, prouinciæ pignori oppositæ, ac à regio vsu auersæ, vt rex ipse neruis prorsus careret, quibus Rempubli. gereret? Quis vnquam non dico rex, sed priuatus homo aliquid sepositum ad vsus necessarios non habuit? soli ex omnibus regis vestri sunt inuenti sine vllō sanctiore aratio. Nihil fingo, equites: memoria in medio est res ipsa. Legite priuilegia bonorū obligatorum, facile reperietis eò inopiæ redactos fuisse illos superiores reges, vt, si non dico bellum aliquod ab illis esset gerendum, aut filia elocanda, sed equus ipse emendus, non prius haberent, quàm aliquid adderent ad priuilegij summam. Quare cùm maximus nodus in Republica sit inopia rei pecuniariæ, sæpe fiebat, vt perniciosa consilia regis nostri inirent auferendorum è templis vasorum, ac nouorum imperandorum vobis tributorum, res etiam ipsas ad summam Reipublicæ pertinentes, inchoatas atque affectas, cum magno ipsius Reipublicæ detrimento intermitterbāt. Difficile enim est efficere aliquid magni, cùm egeas: quod pecuniæ nerui sint omnium benegerendarum rerum. Ex his tantis, tam diuturnis, tam postremis difficultatibus, angustijsque, quibus omnes res nostræ priuatæ atq; publicæ premebantur, Sigismundus rex summa sapientia atque incredibili celeritate hoc regnum expediuit: comparatis enim pecunijs, vndiq; collectis Ioannis Bonneri opera, viri præclari atque industrii, salinas primum, deinde præfecturas, postremò villas, vrbes, possessiones omnes redemit: aræque grandi persoluto, vectigalia constituit: fructus prouinciarum auxit: ararium collapsum antè atque effusum, ingenti



genti pecunia cumulatum atque refertum: vobis  
rei que vestrae publice reliquit. Quid verò hoc eo-  
dem principe atque duce, res vestrae priuatae, ex illa  
Reipublicae nocte à Sigismundo productae, quanta  
luce, & quo splendore nunc fulgeant, quis pote-  
rit, ut par est, dicere? Agri mediisfidius ipsi, sylvae  
item ac nemora, ruraque ac coloniae vestrae, quae in  
pacis sinu à Sigismundo collocatae, medio (ut sic di-  
cam) ocij gremio nunc continentur: gestire mihi  
videntur, atque huic auctori, parenti, ac conserva-  
tori suo gratias agere, quae situ antea squallebant  
omnia: nunc verò hac noua luce opum & copiae ab  
hoc illustrata, fulgent, mouentur, seseque ad sum-  
mam utilitatem vestram, rei que publicae dignitatem  
efferunt. Eos enim fructus iam vobis subministrat,  
ut hos nullum bellum, quamuis atrox atque diutur-  
num, exhaurire possit. Mandate hoc memoriae, e-  
quites: spero multa vos, liberosque vestros, ac ma-  
iora indies bona visuros, in hisque semper ita existi-  
mabitis, sine Sigismundo rege nihil horum vos fuisse  
visuros. Nam ante illum quid sperare potuimus,  
in illis praesertim tantis angustiis? cum mentes, ani-  
mi que vestri debilitarentur inopia, ipsasque egestas  
nobis ad omnia, quae concupieramus, magna atque  
praeclara obstaret, quae nunc sublata de medio at-  
que remota, res nostras secundas ornavit, aduersus  
praesidium attulit bello subsidia: paci verò orna-  
menta suppeditauit, auctae iam sunt vestrae dotes,  
quarum modus in lege, ut antea, sed in voluntate ve-  
stra pedit: viluit aurum, cuius usus nimis iam fasti-  
dium vobis parit argentum etiam ipsum, non priua-  
torum hominum videtur esse, sed illorum regum

superiorum. Nihil de ære ipso loquar, quod auto, argentoque vestro obrutum, vix iam compareret. Ita Sigismundus, quasi alter ex Hierosolymis Salomon, non copiam auri atque argenti, sed vtilitatem Polonis attulit, & quod in primis laudatur in Salomone rege, quod ille diuturna pace aurum atq; argentum lapide vilius Hierosolymis reddiderat, hac certe laude Sigismundus non solum illi par, sed etiam superior fuit. Salomonem enim illa copia demeruerat, ac à Deo suo patrio auerterat: hic verò in vberissimis copijs, religiosissimus: in summis verò opibus temperatissimus ad extremum fuit, nihilque ad vltimum spiritum curauit magis, quam vt ipsius regnum in pace vigeret ingenijs, valeret doctrinis, ac omni humanitatis, & religionis laude floreret. Quando, equites, hoc regnum, quando vberius ingenijs, aut cultius vnquam doctrinis fuit? Nunquam, equites: omnia se simul hoc rege in Polonia profuderunt pax, opes, literæ. Rarum fuit antea ac penè inauditum in Polonia Græcarum literarum nomen, quæ ita erant hominibus nostris incognitæ, vt id quod quis non intelligeret, Græcum esse diceret. Iam verò Latina ipsa oratio, quàm absona fuerit atque barbarâ, Biga, & Baraletus sunt testes, boni quidem illi viri, sed tamen inepti magistri ac rustici. Conferte nunc cum his ea, quæ & ipsi didicistis, & in quibus liberi exercentur vestri: non barbariam, sed Græciam, non Sarmatiam, sed Italiam dicetis factam esse Poloniam. Vt iam non Muxæ Græcæ, neque Latinæ, sed vrbes medijs fidius ipsæ, Roma atque Athenæ, honore, præmio, ac fauore Sigismundi inuitatæ commigrasse in Poloniam videantur.

Ita mens, sonus ac subtilitas vtriusq; orationis non externa, sed vernacula: non peregrina, sed domestica, in ore nostrorum hominū versari mihi videtur. Circumspicite, equites, quā vndiq; circumferantur versus optimi: audite quibus laudibus solutę ac iunctę orationis suauissimi huius regis à Polonis celebretur memoria. Nihil dico de me, cuius oratio, quantulacunq; est, aut si quę omnino est, huius regis beneficio creuit. Voluimus quidem & nos de hoc rege aliquid dignum ex hoc loco vestris afferre auribus: sed tamē id assequi, tarditate, vt par fuit, nō potuimus: studio tamen certē, & voluntate proximi illis sumus, qui literas suas, arteisq; optimas huic regi acceptas ferunt: & qui hūc quasi quendā mortalem Deum, alto cælo demissum, mirantur: ac harum ipsarum literarum opera: quas illius beneficio didicerunt, cupiunt eum esse immortalem. Viues ergō, ô diuine rex, laudibus, carminibusque nostris: nosq; è cælo benignius adspicies, tuoq; numine ac munere hæc bona propria nobis velis esse, quę hinc abiens reliquisti. Commouit lacrymas, fletusq; interpellauit orationem meam.

Sed tamen quod institueram dicere, par hic pacis artibus Salomoni regi fuit: constantia verò recti propositi, longē illi superior: quod vt æquabiliter in omni vita tueretur, diffusus ingenio, quā fuit in suo regno socios tantarum rerum tuendarum optimos ac probatissimos. Habuit enim ex delectis viris summa authoritate senatum, ita vt hoc constet, in Polonia simili splendore \* consilium nullius regis vn-

\* *Concilium*



maior authoritas apud homines, nescio quomodo spectatę nobilitatis sit, quàm incognitę: deinde sapientia pręstantes: postremò, sententia & lingua liberos. Quòd si quādo in his legendis remissior fuit, in his magistratibus mandādīs certē fuit, quib. summa nō continetur regni, & in quibus homines non gerunt Rempublicam, sed gerere discunt. In summis autem regni magistratibus quàm diligens fuerit, vt non repetam vetera, testes sunt hęc lumina regni. Recensete viros hos, & illorum familias, non vt illos laudemus, sed vt in illis diligendis iudicium ac sapientiam Sigismundi incredibilem admiremur, adest princeps regni Tharnouia domus: quid ex hac eadem domo maius? quid rebus gestis clarius? quid Dijs, hominibusque carius hoc isto Ioanne Tharnouio Castellano Cracouiensi hoc in regno vnquam fuit? cuius tot extant victorię, quot sunt huius regni inimici: tot trophęa, quot deuictę provincię: tot triumphi, quot ab illo sub iugum missi hostes: quo homine Sigismundus rex custode peritissimo, Imperatore acerrimo ac felicissimo, periculosissimis temporibus, maximisq; hostibus, hoc regnum defendit, Scythiamq;, Valachiam, ac Moscho- uiam deuicit: omnesq; hostes vestros hoc duce, aut parere vobis, aut certē cedere coēgit. Prętermitto Turciam ipsam, quam in Hungaria Ludouico regi infestam, ac inimicam, ne capta Alba Gręca, omnia simul euerteret, hoc eodem Ioanne Tharnouio duce prohibuit atque repressit. Quid verò hic, qui hunc ordine consequitur, Petrus Cmita, lumen atque ornamentum huius regni? non splendore Wisnicensis familię, non sapientia, non authoritate,

non

non iustitia, non rebus gestis à Sigismundo impetravit, ut ad hunc vnum summos magistratus huius regni deferret, Palatinumque Cracouiensem, Marschalcatum, (vtamur enim verbis nostris) prefecturas item magnas ac illustres illi mandaret? Quid hic Ioannes Lathalicus Posnanienſis Palatinus? homo quidem equestri loco ortus, tanta tamen virtute, tantaq; sententiæ libertate præditus, ut ipse suis subnixus opibus in Sigismundi senatum ascenderet? Quid vos decus huius regni atque præsidium Thencisci? quæ ornamenta? Quæ insignia summæ atque excellentissimæ virtutis vestræ à Sigismundo non estis adepti: Vidistis enim Andream ex vestro ortum loco, paruum quidem illum corpore, sed ingenio ac eloquentia summum Castellanum Cracouiensem. Vidistis etiam Ioannem fratrem Palatinum Sendomiriensem nuper defunctum. Sed quid ego mortuos commemoro? cum tu ipse, Ioannes Sendomiriensis Palatine, coram hic præsens adsis, qui cum ob amplissimam, & haud scio, an maximam in hoc regno familiæ tuæ dignitatem, tum verò ob prudentiam sapientissimo sene dignam, à Sigismundo dignus es habitus loco isto, & ordine. Iam verò quomodo, te, Stanislae Laski, præteream? cuius genus, & industria, spiritusq; illi senatorij, domi ac foris cogniti, apud Sigismundum tibi sunt suffragati, ut Si radians Palatinus esses. Verecūdius de te dicere, Nicolae Brudzoui, si meo nunc iudicio vterer, nō alieno. Quanto enim tua erga me beneuolentia maior est, tantò ego minùs possem de tuo genere, virtute, ac doctrina dicere. Nunc verò quoniam senatum Sigismundi, non priuos amicos cōmemoro,

dico Sigismundum in te fuisse secutum, ut Lancien-  
 sis illi Palatinus esses, cum genus ipsum, virtutem-  
 que egregiam, tum verò vel in primis literas, studia-  
 que doctrinæ, quibus instructus atque paratus, vo-  
 catu Sigismundi in illius senatum veneras, ut essetis  
 cum hoc Petro Firlegio Russiæ Palatino, quasi quæ-  
 dam in Sigismundi senatu duo sydera, splendentia  
 omni Philosophiæ laude atque doctrinæ. Vestræ  
 quidem, senatores, succrescit laudi hic Ioannes Co-  
 scielecius, in Nouuladislauiensi Palatinus clarissima  
 atque munificentissima ortus familia, cuius maio-  
 res tantum inopia publica, de qua paulò antè dixi,  
 commouebantur, ut pergrandem pecuniam, qua  
 obligata bona regia habebant, regibus remitterent,  
 † *Mariebur* † Marigeburgoque, ac alijs amplissimis possessioni-  
 † *804* bus ultro Calimiro regi concederent: cum numum  
 nullum ex illa infinita obligatione acciperent: tan-  
 ta fides Coscieleciæ gentis erga vestros reges fuit, ut  
 in summa sua copia inopes se arbitrentur esse, ve-  
 stro egeno rege. Sed quid ago? aut quo progredior?  
 Incidi in numerum vestri, senatores clarissimi, in  
 quo difficile est ex vobis non aliquem, nefas quen-  
 quam præterire. Sed dabitis mihi profectò hanc ve-  
 niam: & quòd in ipso cursu orationis tam multos  
 prætereo: quosdam autem attingo, partim id tem-  
 pori, ac auribus vestris seruiens facio, partim verò,  
 quòd me vox, lingua, latera prius in dicendo defici-  
 ent, quàm ut par est, explicem, quid in vnoquoq; ve-  
 strum deligendo Sigismundus fuerit secutus. Quan-  
 ta tamen sit authoritas omnium vestrum cum lum-  
 ina beneuolentia equitum Polonorum coniuncta,  
 tum ex his, de quibus iam diximus, sciri potest, tum  
 verò



verò vel maximè ex hoc isto Andrea Gorcano comite Poshnaniensi castellano, ac superioris Poloniae præfecto: qui adolescens ac penè puer ita cõmentatione excellentis virtutis Sigismũdo regi carus fuit, vt dignus ab illo, & summis honoribus haberetur, & qui patri Lucae clarissimo viro in amplissima præfectura, ordineq̃ue succederet. Cuius ea est auctoritas apud omnes, ea dignitas, is vitæ splendor, vt nullius opes in hoc regno maiores vnquam fuerint: in quo quidem homine illud, quod Platoni illi Philosophorum Deo difficile videbatur, vt summæ opes cum summa virtute in eodem homine possent esse: ita vtrumque cum summa laude excelluit, vt nihil in Polonia illo sit ditius, nihil etiam melius. Nam bonarum rerum, & literarum, ac ipsius doctrinæ ita studiosus est, vt aliud cupere videatur nihil: opes etiam ipsius non libidinum, neque cupiditatum sunt instrumenta, sed humanitatis, virtutis, atq; dignitatis singularis. Hoc homine, equites, quoniam vehementer nituntur res vestræ, salutem illi ac incolumitatem, quod facitis, velle & optare debetis. Ex his tot & tantis, ac talibus viris apparet, qualis rex iste fuerit, & haud scio, an aliud signum boni sit regis, quàm ipse senatus, apud eum regem præsertim, qui non sua, sed conseruandorum hominum causa se factum esse regem nouit. Quemadmodum enim est in ipsis artibus, in quibus, quales ipsi artifices sint, instrumenta illorum declarant: sic etiam, cùm ars artium omnium scientia sit administrandi regni, nusquam ratio ipsius regis magis apparet, quàm in ipso senatu, qui instrumentum quoddam bene gerendę ciuitatis suo regi est: qui si nequam, si iniustus,

si belluo, si rapax ac sceleratus fuerit: certò scito  
confimilem quoque illi esse regem. Quid ita? quia  
mens ipsa infelix, non iam regis, sed tyranni, cum  
spe atque cupiditate omnia suorum ciuium deuo-  
rârit, nihil agit, nihil aliud dies atque noctes moli-  
tur, quàm vt ne quis illi omnino ad ea obster, quæ  
concupiuit. Quare tyrannus omnis veluti quædam  
immanis bellua, in formam humanam insuta, ante-  
quam sternat ciues, vastet leges, ac solus deuoret o-  
mnia, senatum omnem tollit funditus, si quem ha-  
bet: aut curat, ne quis in senatu illius sit genere, sen-  
tentia atq; lingua liber. Ita tyrânus aut senatu caret,  
aut si quem habet, ex obscurissimis quibusq;, atque  
nequissimis, linguaque ac mente seruis, collectum  
senatum habet: si tamen senatus dicendus est cœ-  
tus ille infelix, ex teterrimis quibusque hominibus  
ideo conflatus, vt cum histyrannus scortetur, pòter,  
leges mutet, Rempublicam vexet, ac quorum assen-  
tatione, quasi cestro quodam, plenus perturbatione  
atque pœnitentia, agatur in furorem, atq; in amen-  
tiam: vt ita viuat sine fide, sine pace, sine certo fœ-  
dere, ac inconcursu plorantium atque tempestate  
querelarum perpetuò versetur, plenus barbarum  
atq; tumultus. Cogitate hoc loco per Deos immor-  
tales, equites, & vestros illos veteres tyrannos, &  
hos etiam aliorum nouos: vt hæc, quæ dico, magis  
ex aliorum contentione, quàm ex oratione mea in-  
telligere possitis: quàm aquus Sigismundi senatus  
fuerit, quàm iustus, sobrius, continens atque san-  
ctus: vt faciliè appareat, hunc regem, non suæ cupi-  
ditatis gratia, sed vestræ salutis causâ, senatum ex  
his viris delectum habuisse. Quem ille ordinem  
tanta

tanta cura coluit, vt ab initio suscepti regni plenum senatum semper habuerit optimorum Pontificum ac fortissimorum virorum, quod sine isto adiumento atque praesidio, neque ipsum se, neque regnum suum putaret esse diuturnum. Quam etiam ob rem tanta veneratione senatus apud illum fuit, vt Pontifices, dominos suos: senatores verò sincerè dilectos in literis appellaret, ô mentem non mortali aliquo regno, sed ipsa immortalitate dignam. Cùm enim penes † solum regni summa † *Enn solus* esset, tamen & regni socios senatores, & Pontifices dominos habere volebat, vt regnum cum socijs certius administraret, & dominos sua spòte sibi preponens in summa potestate nō insolesceret: & cùm solus omnia in regno posset, nihil tamen seorsim ab senatu præter regium nomen haberet: quod tamē ipsum summa moderatione ipsius senatus temperabat, à cuius authoritate nūquam dissensit: nunquam ille, suadente senatu pacem bellum gessit nūquam contra, senatu ad bellum hortate, ille pacem fecit. Ita in cōsilio ipsius partes nullæ, dissensio nulla fuerunt: sed mirificus illo gubernante atq; providente ad cōmunem salutem consensus. Nō senatus illi Reipub. clauum in summis tempestatibus gubernanti è manibus præripiebat, non ille vicissim senatus quasi nauarum remigationem impediēbat. Sed cùm in senatu alij venientem tempestatem denuntiarent, alij pericula Reipublicæ tanquam naui ostenderent, alij velis atque remis incumberent: ille tanquam sapiens nauclerus ad gubernacula Reipublicæ immotus sedebat singulaq; momenta



temporum, locorum, hominum ac periculorum  
 expendens, eò quo spes salutis ostendebatur, consi-  
 lia suorum, cursumque regni dirigebat. Hæc ratio  
 senatus, hæc illius optimi atque sapientissimi regis  
 fuit in hac Republica prouidentia: vt mirum iam  
 videri non debeat, si vna ex omnibus prouincijs at-  
 que terris, in tanto rerum omnium motu, Polonia  
 salua atque integra steterit. Non casu aliquo, mihi  
 credite, id est factum, neque fato. Rationi enim ho-  
 mines subiecti sunt, non casibus, consilijs, non fatis,  
 apud quos si quid non rectè neque ordine geritur,  
 scito ibi non fatum neque casum, sed rationem re-  
 ctam defuisse, quæ cum à consilijs nostris abest, res  
 nostræ cadunt, stare non possunt. Quare, si vos, re-  
 gnumque vestrum sapientia regis vestri, fide verò, &  
 authoritate senatus ad hanc diem stetit: illos, qui  
 iam conciderunt, resque suas amiserunt: stultitia, non  
 casu, amentia, non fato perijsse dicemus. An tu si  
 quam in nauim ita moratam conscenderes, in qua  
 aut nautę nauclero remoto, aut nauclerus ipse reie-  
 cto clauo, cælique ac syderum, ventorumque ratione  
 posthabita, vellet ipse remigare, salutemne tu vllam  
 ibi sperares? aut si quid naufragij accideret, fato cui-  
 dam potius, quàm illis, qui permutatis officijs na-  
 uim euerterunt, naufragium illud tribueres? Ad  
 eum modum, equites, omnes prouinciæ, quas aut i-  
 psi vidistis, aut de quib. ab alijs audiuistis, perierunt,  
 dum rex pro senatu ipse sibi esset, aut dum senatus  
 officium regis obire vellet: prouidere enim ac mo-  
 nere officium est boni senatus: regis verò, guberna-  
 re ac seruare. Quæ ratio administrandi regni atque  
 moderatio, cum semper constans, æquabilisque in  
 senatu

senatu Sigismundi fuerit mirum non est, si soli pro-  
pemodum ex omnibus gentibus ad hanc diem in-  
tegrum sumus, & si hac ista felicitatis parte Polonia,  
cæteras omnes prouincias antecellat, quarum nulla  
illi hac ista parte est par: non Italia, quæ varijs seditio-  
nibus regum cum plebe libertatem amisit: nō Gal-  
lia, quæ sæpius fusa atque cæsa, regē suum captiuum  
vidit: non Germania, quæ nunc studio nouarum re-  
rum, de libertate omni periclitatur, non Hungaria,  
misera atque afflicta: quàm discors à rege senatus, puer  
verò rex funditus euertit, non iam omnes oræ atque;  
exteræ gentes ac nationes se hac parte vobiscū con-  
ferant: quas omnes, aut bellum euertit, aut seditio  
afflixit. Sola Polonia Dei summo beneficio, atque hu-  
ius optimi regis sapientia, ac consilio consentientis  
senatus cunctis nunc floret opibus, viuit suis legi-  
bus, moribus etiam ac institutis antiquis veterem  
suam retinet dignitatem, nec propter aliam caus-  
sam (vt iam dixi) nisi quod in ea, & sapiens ipse re-  
gnabat rex, & reges ipsi (hoc est, senatores) erant sa-  
pientes: qui cum omnia diligenter prospicerent a-  
nimo, rege in ipsa puppi Reipublicæ sedente, ac  
clauum dirigente, nihil fortuna, neque casus in re-  
bus nostris valuit: quæ si quid in rebus humanis va-  
lent, ibi certè valent, vbi non recto consilio, sed præ-  
cipiti temeritate aguntur ac feruntur omnia. Quare  
soli ex omnibus nunquam accusarent hoc rege for-  
tunam, Poloni nūquam de casu sunt questi. Omnia  
enim secundum Deum, & illius prouidentiam in  
Sigismundi ac illius senatus sapientia, tã domi, quàm  
foris, tam pace, quàm bello erant nobis reposita.  
Subegimus hoc rege gētes antea inimicissimas no-

bis atq; inuictas: nonnullas nobis adiunximus: eaq;  
omnia incolumi regno, saluis legibus, ac integrâ li-  
bertate, hoc duce gessimus: domi etiam illo autho-  
re atq; principe conuenientissimè in summa bene-  
uolètia publicè viuimus: subsidia belli ac ornamen-  
ta pacis parta ab illo, relictaque habemus, vt quo-  
cunque oculi nostri inciderint, nihil desiderent ex  
rebus omnibus, quæ ad vitam tutò ac tranquillè  
degendam pertineant. Est enim pax à Sigismundo  
constituta nobis: sunt opes, vigent literæ, est fortis  
atque sapiens senatus. Restat etiam hic Augustus fi-  
lius spes vnica regni, atque tantæ laudis atq; gloriæ  
paternæ hæres: qui vt ea tueatur, quæ illi pater am-  
plissima reliquit, hanc istam sapientiam patris assi-  
duè intuebitur: res ipsius gestas, consilia item, atque  
rationes omnes administrandi regni sibi proponet:  
quæ nullam rem esse declarant, in munère regio  
positam, quæ sapientia Sigismundi regis non com-  
prehendatur. Verùm hæc ista sapientia, quam sum-  
mam fuisse in Sigismundo rege multis argumentis  
perspiciris, & si per se ipsa summa sit, (est enim ocu-  
lus quidam mentis, quo à magnis atq; excellentibus  
viris causæ rerum expetendarum, fugiendarumq;  
cernuntur) tamè hæc ista sapientia, nisi habeat iusti-  
tiam in administrando regno adiunctam, infirmata  
est, rebus etiam humanis nō multum sanè proficua.  
Neque enim satis est, vt causam videas, qua stent,  
cadantq; regni res, nisi etiam causis illis, aut reuer-  
tis, aut remotis, æquabiliter, iustè ac legitimè in ipsa  
Republica versère, vtque in primis cures, vt in tan-  
ta varietate, rerumque humanarum conuersione,  
quàm minimi motus in Republica existant: quòd si  
qui



qui acciderint, vt sine detrimento communi acci-  
dant: quod cum sine maximarum rerum vſu vario  
atq; diuturno teneri non poſſit, quis hac iſta laude  
Sigifmundo excellentior rex fuit? qui cum benefi-  
cio lōgiſſimæ ætatis (vnum enim & octuageſimum  
annum agens, deceſſit) tum etiam prudentia ſingu-  
lari atq; diuina ad eam iuſtitix laudem peruenerat,  
vt in ſua Republica nihil earum rerū eſſet omnium,  
è quib. diſcordiæ, ſeditiones ac bella ciuilia exiſtunt,  
quæ tum fiunt, cum virtus exequatur vitio: cum bo-  
ni præmio, mali verò ſua carent pœna: deniq; cum  
non pro dignitate ac meritis cuiuſq; ſed pro regnan-  
tis libidine, alij plus, alij minùs vtuntur rebus com-  
munibus. Ex hac enim inæqualitate ac intemperan-  
tia quadam oriuntur in Republica morbi illi inſa-  
nabiles, quaſi in corpore ſano atque integro. Hinc  
enim exiſtunt diſcordiæ, ſeditiones, ac bella ciuilia,  
cum ipſarum legum atque hominum interitu: &  
meritò quidē. Quid enim in ea Republica ſalui aut  
diurni futurum ſperes, vbi vitium præcurrit virtuti,  
vbi algent boni, lætantur improbi: vbi dignitas cedit  
pecuniæ, virtus generi, ingenium ſocordiæ atq; ne-  
gligentix? Poſtremò vbi indigniſſimus quiſque a-  
matur, colitur, ornatur, ac ad ampliſſima quæque  
promouetur, ſumma cum deſperatione bonorum?  
Ruant necellè eſt in tali Republica, ac intereant o-  
mnia, quamuis illa magna ſint atque præclara. Non  
agam pluribus, equites: neq; exemplis vtar Græco-  
rum ac Latinorum, & ipſorum etiam Barbarorum,  
qui Reſpubli. ſuas potentes ac florentes amiſerunt,  
dum in illis nullus habetur virtuti honos, nulla  
pœna vitio. Ex ipſo enim Sigifmundo omnium i-

lenti virtuti, fidei, ac integritati tribueret, vt, quo genere ortus esses, quærendum sibi non putaret. Quid verò tu, Martine Sborouuski? parumne es tum expertus, quàm iustus hic rex erga te fuerit, cùm tuæ spectatissimæ virtutis durior aliquando conditio esset? cùm enim virtute, constantia, ac magnitudine animi inuidiam, calumniamq; superares, & salutem Reipublicæ, libertatemq; communem, tuæ oblitus, maximo animo defenderes: tantùm apud Sigismundum ad extremum dignitate valuisti, vt tua nimia (vt quidam putabant) in causâ cõmunis libertas, tibi ad hunc honoris, & dignitatis gradum non obstaret, quem nunc in Republica tenes: quin verò etiam hæc ista bona, & animi, & ingenij tui in Calisiensi hoc isto Castellano tibi sunt apud Sigismundum suffragata. Sed quid ego hos cõmemoro? cùm externi homines ipsi, atq; aliunde orti, tantùm apud illum virtute valerent, vt illis non in regno tantum ipso, sed etiam in Sigismundi senatu locus esset. Adest enim Seuerinus Bonerus, vir Wissemburgo quidem profectus, ita tamen ob virtutem, ingenium, industriamq; Sigismundo regi probatus, vt nihil illi obstaret ad honores huius regni externum genus. Cùm enim fides ac industria ipsius in omnibus officijs ac muneribus regni amplissimis fuisset cognita, illum Sigismundus, & salinatore fecit, & præfecturas mandauit, ac in senatum introduxit, in quo ille maiestatem Reip. vestræ cum his seruaret, qui in hoc regno è vobis sunt orti: & tamen apud Sigismundum caruit inuidia propterea Bonerus, quòd alienigena esset, ac Germanus, non ciues neque Polonus: cum illo enim Sigismundus

ob virtutem ipsius præstantem ac singularem communicauit hoc regnum, in quo nunc ille omnibus opibus fortunæ, ingenii, ac dignitatis summa vestra voluntate floret. Ad hunc modum Sigismundus præmijs in Republica propositis, optimi cuiusque virtutem ad ipsam Rempublicam tuendam excitabat: quæ sanè ratione tantum profecit, ut nullum tempus in hac Republica ferocius fuerit virtutum omnium. Pro se enim quisque tam pace, quàm bello nitebatur, ut sub optimo rege bonus ipse ciuis esset: & ne quis, amplissimis præmijs virtuti propositis, ipse sibi ad laudem deesset. Quare tanto studio ad virtutem, & ad gloriam exarserat omnes, ut summi, medijs ac infimi, ad summa contenderent. Testis enim hic est, Ioannes Tharnouius, qui etsi genere clarissimo sit ortus, tamen ad res maximas, pro salute huius regni gerendas, honoribus amplissimis ab hoc rege inuitatus, tantum virtute profecit, ut non solum nostros Imperatores omnes, sed etiam illos veteres externos Scipiones, Marios, ac Maximos, bellica laude adæquaret. Quid verò hic Nicolaus Sieniauski Belsensis Palatinus? qui præmijs à Sigismundo excitatus cum Alexandro ac Procopio fratribus, sic rem militarem in Russia hoc rege administrabat, ut eorum opera Russia illa afflictæ, ac anniuersario hoste penè deletæ, requiescat nunc, ac nouis colonijs solitudines suas compleat atque instauret: ita ut post hominum memoriam cultior Russia nunquam fuerit, quàm est nunc Sieniauiorum, & aliorum fortium virorum opera, quorum virtute ad hanc rem Russia stetit: quæ cum assidujs hostibus esset exposita, fortissimorum viro-

rum



rum praesidio eam Sigismundus muniendam sibi putabat: eiusque provinciae magistratus his potissimum mandabat, quorum animo ac virtute confidebat: veluti nuper paulò antè quàm esset mortuus Podoliae Palatinatum ad Ioannem Mielecium detulit virum fortem, ac genere, ingenio, opibusque praestantem. Praetereo alios multos fortes ac claros viros, quorum virtutem Sigismundus ad res maximas iustitia sua excitavit, beneficijs auxit, praemijs verò confirmavit. Est haec divina summi illius viri ac iustissimi laus, qui cū amplissimo ac copiosissimo regno potiretur, illius omnes copias atque opes, non suae privatae libidinis, neque compendij sui putavit esse, sed eius Reipublicae, cuius rex fuit. Quare quicquid positum erat, aut in honoribus Reipublicae, aut in vestigalibus ipsius regis, earum rerum omnium dispensatorem ille se esse putabat, non possessorem neque dominum. Quò etiam fiebat, ut haec communicaret omnia cum viris fortibus, ac de Republica bene meritis, ita ut cuiusque dignitas ac meritum postulabat: summas opes regum esse ratus copiam bonorum virorum atque fortium, quorum virtus ibi iaceret semper, ubi nullus ei haberetur honos. Quare cū Sigismundus gratus esset erga optimi cuiusque virtutem, commovit praemijs propositis studia hominum, non solum summorum, sed etiam mediocrium atque infimorum. Pro se enim quisque hoc rege excellere in Polonia studebat: nemo erat, qui aliquid non afferret in medium, quo regi suo operam ac industriam probaret. Artifices ipsi mediustudius, ac omne genus mechanicum commotis studiis, artes suas diligentius hoc rege coluerunt,

cùm viderent operas quoque suas placere regi. Itaque tanta copia optimorum opificum atque artificum hoc rege fuit: vt Phidia illi veteres atque Poly-  
 cleti, & Apelles reuixisse in Polonia viderentur: qui  
 pingendi, fingendi, ac dolandi arte, illorū veterum  
 artificum gloriam adæquarent: quorum cùm mul-  
 ta extent in hoc regno opera pulcra atque visen-  
 da, tamen huius vnus arcis opus vincit, ac superat  
 omnia, quam ille præstantissimorum artificum o-  
 pera à fundamentis extruxit, ac Cracouiam hoc isto  
 præsidio muniuit tanto sumptu ac opere: vt nō ho-  
 minum, sed Deorum immortalium sedes arx ista ef-  
 se videatur. Quid verò Basilica huic templo adiun-  
 cta, paruumne accessione sui, huic ædi Venceslai  
 decorem, dignitatemque attulit? in qua & picto-  
 rum operæ, & sculptorum ac fabrorum singularia,  
 & magnifica visuntur: quam Basilicam ille, & reli-  
 gioni summi Dei cōsecrauit, & omnibus ornamen-  
 tis (vt videtis) illustrauit, corporique suo tabernacu-  
 lum hanc esse voluit: in qua illud, quasi quodam re-  
 gio itinere defessum, non minùs longo, quàm mo-  
 lesto, postremum requiesceret, ac supremam mun-  
 di diem exspectaret. Quanta hæc Sigismundi iusti-  
 tia fuit, quàm potens, quàm magnifica, quàm clara  
 apud Deum, quàm nota, & probata apud homines?  
 qui distribuendis æqualiter præmijs, ac muneribus  
 regni, mutua pace, ac beneuolentia suos tenuit: &  
 ad virtutem bonos viros cupiditate rerum optima-  
 rum incendit, ac in cōtrario genere hominum hoc  
 ipso modo firmabat rationes bonorū. Nihil enim  
 apud illum contemptius, nihil neglectius, nihil vi-  
 lius improbis fuit, vt ex hac ista ratione, boni præ-  
 mia

mia suæ virtuti seruari à bono rége scirent: mali verò nihil præter contemptum ferrent, atq; pœnam. Ita illi honores omnes solis bonis ac fortibus viris debere se putabat: quibus cum improbis etiã communicatis boni in officio dolore redderentur remissiores: improbi verò nihilo illis ipsis honoribus fierent meliores. Quare cùm præmium, & pœnam æquabiliter dispartiret, seseq; ipse sanctissimè gereret: virtutes præmijs, vitia contra pœnis affecit: cuius rei etsi multa extent exempla, tamen haud scio, an aliud sit clarius illo, & ad sanciendum cùm in re militari, tum in omni vita fidem accommodatius, cùm Raduankouium centurionem ob Ornetæ Prussico bello proditiõnẽ infamia publico iudicio notauit: militesq; nostros huius calamitatẽ ac ignominia docuit, vt pugnare potius, quàm fugere: mori, quàm fallere vellent. Hisce artibus Sigismundus cùm suos ciues, bene viuere, ac iuste agere docuisset, facile illam quoq; iustitiæ partem, quæ legibus traditur, absoluit: cuius hæc summa apud Sigismundum fuit, vt conuenienter in hac societate nostra viueremus: ad hunc ille finem omnes leges suas retulit, quibus pax inter nos cum summa beneuolentia constaret: quas leges si inspicias, tanquam in aliquo speculo omnes sensus Sigismundi ac rationes expressas videbis. Nullam in his tyrannicam mentem, nullam vtilitatem ipsius propriam reperiēs. Vestræ libertatis, equites, vestræ dignitatis, vestræ maiestatis sunt illæ leges, quæ in Polonia solẽ regnant, ac ex æquo vobis, & Sigismundo regi vestro imperant. Neque enim solutus est rex legibus apud vos: non quod illi vtile, id iustum vobis: non quod lubet, id il-



lilicet, Romanæ feruitutis sunt ista carmina, quæ  
 laudat nemo, nisi seruus sit, aut Italus: qui quidem,  
 vt certius feruaret, scholas etiam sibi ( si Dijs placet )  
 condidit: Doctoresque legum fecit, à quibus nil ni-  
 si seruire disceret, qui Doctores, inquam, legum  
 istarum feruiliū transcens Alpibus, venerunt et-  
 iam cum talibus præceptis ad vos: quos hîc passim  
 iam vagari videtis, cum hoc isto Dijs irato superci-  
 lio, ac pessimo libertatis vestræ exemplo: quos vos,  
 id quod facitis, contemnere debetis, equites: & tan-  
 quam contagionem quandam hanc istam Nero-  
 nianam scholam fugere, regnoque vestro pellere:  
 ne istæ immundæ pecudēs inficiant puros iustitiæ  
 vestræ fonteis, è quibus Sigismundus hauriebat le-  
 ges vestras, quibus communiter vobiscum viueret,  
 quatum legum ille lingua, non rex: interpres, non  
 author: patronus, non Dominus fuit: quas etiam  
 ferebat, authore senatu, volentibus ac iubentibus  
 vobis. In qua sanè ratione cum summa moderatio-  
 ne æquitate animi fuisset, omnes illos veteres Solo-  
 nas, Licurgos, atque Cretas Legumlatores vicisse  
 mihi videtur: nam illi seorsim à populo leges fere-  
 bant: hic verò nullam absque senatus autoritate,  
 ac scito vestro communi, legem tulit. Illorum leges  
 libidini populari sæpe seruiebant: Sigismundi verò  
 nulli rei seruiunt, nisi vtilitati communi ac vestræ li-  
 bertati. Illorum legum nimia licentia tyrannidem  
 in ciuitatibus pariebat: nostra verò legum disciplina,  
 nulli rei magis, quàm tyrannidi, est aduersa. Quid  
 ita? quia apud leges nostras terū, & criminum, non  
 personarum, neque dignitatum, ratio est. Non que-  
 rebatur in Sigismundi iudicio, Archiepiscopusne, an  
 Pala-

Palatinus: Episcopus, an Castellanus: nobilis, an ignobilis: peregrinus, an ciuis reus esset? sed remota dignitate omni reorum ipsorum, de re ipsa iudicium fiebat: in quo nocentes pœna legitima afficiebantur: innocentes verò ex lege absoluebantur. Iam, quanta ipsius Sigismundi maiestas in iudicijs publicis fuerit, quæ animi æquitas, qui modus, recordamini, equires, & illam personam illius regis in iudicio præsentis vobiscum cogitate: in qua expressa facies Reipublicæ vestræ cernebatur: status erectus, accelsus, lati ac patentes humeri, facies rotunda, rubentes genæ, oculi grandes, ac stabiles: minax supercilium, nasus ipse gryphus ac aquilinus, summo rege dignus: vt non Calimiri regis, sed Iouis filius videretur iudicio præsidere: sic omnia ad imperium erant in illo rege nata, vultus, intuitus, vox, latera, silentiū postremò ipsum. In iudicio nunquam audiebatur, nisi cùm oportebat: minùs etiam nonnunquam, quàm oportebat. Nutu plura, verbis pauca conficiebat: tantàq; moderatione linguæ ac continentiæ sermonis fuit, vt illius, in summo imperio, nemo vnquam verbū vllum asperius audierit. Quare cùm tanta iustitia, ac tanta moderatione in cōtrouersijs dijudicadis fuisset, æquos, placatosq; reos à se dimittebat, nō solūm eos, secundum quos iudicabat, sed etiam eos, quos contra statuebat: & cùm gratiæ causa in iudicio nihil faceret, grata tamen erant omnia, quæ faciebat. Itaque seueritati illius, res maximè distans, miscebatur comitas, sed ita tamē, vt neq; comitas impediretur seueritare, neq; seueritas comitate leuior fieret. Hac fama admirabili virtutū incredibiliū, cūm solus ille rex, solus iustus,

solus sapiens, non domi tantum, sed etiam foris videretur: tanta veneratione propter summam iustitiam apud omnes gentes fuit, ut iustitiæ illius fama impulsæ Bohemi primum: deinde Hungari, Ludouico rege apud Mohacium à Turcis interfecto, huic ultro duo maxima regna offerrent, quæ ille tamen non accepit, cum reprehensione multorum, eorum præsertim, qui non perspiciunt, ac multò etiam minus intelligunt, quantum ipsius regni sit opus. Quod cum alta sapientia Sigismundus cognitum, perspectumq; haberet, regna illa remisit Hungaris, ac Bohemis: ipse Sarmatia còtentus fuit, sufficere sibi hæc materiam ratus, in qua omnem vim ingenij, ac virtutis suæ ostenderet: tanta fuit opinio ipsius excellentis iustitiæ apud omnes, tanta etiam illius moderatio. Quid verò illud, cum Ioannes, & Ferdinandus reges, summis inimicitijs incensi, arbitrum hunc de Hungariæ regno ceperunt? parumne ex eo liquet, quanta existimatione hic rex apud omnes fuerit? quam sanctissimam esse reges illi putabant, ita ut arbitrio illius, non solum regna ipsa, de quibus ambigebant: sed etiam dignitatem suam regiam committerent, id iustissimum fore rati, quod à Sigismundo probatum, decretumq; fuisset. Prætereo alia infinita domi, & foris ipsius excellentis virtutis, atque iustitiæ documenta, quæ ille viuus constituit, ad memoriam regni sui sempiternam. Et quoniã præcipua pars iustitiæ est pietas ipsa, parumne hac quoq; iustitiæ parte excelluit? cum religionem illam patriam atq; auitam, cærimonias item omnes sanctissimas, tanta veneratione coleret, ut nihil illis melius, nihil religiosius esset, ne in monasterijs ipsis quidem, non



in his, quæ nunc sunt, sed in illis, quæ olim fuerunt: fide enim in Deum erat summa, hominem peccatorem se confitebatur esse palam: nusquam spem veniæ, nisi in solo Christo habebat: benignus in omnes, pius, clemēs, ac munificus fuit: in ecclesia verò, ne quid nouaretur, nève ipsius religionis vlla in re fieret commutatio, tanto studio curauit, vt in minimis etiam rebus, quæ vix censeas, diligentissimus fuerit. Vos hoc loco appello sanctissimi sacerdotes, qui mœsti nunc pro illo sacrificium facitis: ecquis vestrum diligentior omnibus religionibus atq; cærimonijs conseruandis hoc rege fuit? Quoties ille vos admonuit, si quid à vobis non ritè factum, aut si quid de statuto sacrificio fuerat à vobis prætermisum? Candelam ipsam ceream mediusfidius, vt maiora prætermittā, non suo loco stantem aduertebat: aut si ea sacro deesset, vos admonebat. Neque verò id ille faciebat curiosus in vestro munere: sed quod minimis hisce rebus, aut sublati, aut intermissis, religionem ipsam intermitti, ac sensim tolli putabat: de qua ne vlla diminutio fieret: non solum præmijs, sed etiam pœnis in seditiosos editis prouidit. Gedanenses enim ciues res nouas atq; perniciosas non in Rempublicam tantum, sed etiam in religionē molientes, supplicio affecit: summa tamen moderatione ac æquitate: paucorum enim pœna cōtentus fuit, ad salutem reliquorum. Ita ille cūm fundamentum omnis Reipublicæ religionem ipsam sciret esse, & cūm sibi multorum exemplis ac literis suaderet, mutata religione, mutari regna: summa religione ipse fuit, & vt cæteri quoque essent, curauit: ad quam colendam ac retinendam, vt expeditior ipse esset, mul-

tis exercitationibus se comparabat : summa enim abſtinentia ieiunabat : dies feſtos celebrabat : nunquam publicè quicquā agebat, priuſquā ſacrificaffet, ſacroque interfuiſſet. Verbum Dei diligenter in concionibus audiebat, ac iuxta illud vinebat : ſobrius in omni vita rex fuit : nunquam ebrius eſt viſus : nunquam vino aut amore inſolens ac intemperans. Ad hunc modum ille cum ſumma moderatione victus fuiſſet, paratus ſemper erat ad regium illud opus atque munus, in quo exercendo carebat furore illo, qui ex intemperantia cibi atque vini ducitur : quo remoto, ſumma fuit humanitate ac incredibili religione ad vltimum uſque ſpiritus, ita vt etiam animam ipſam agens, hunc iſtum Vitum Monachum de Dominici familia, ſacrificantem diligenter audiret, ad ſingula verba paſſionis Chriſti Dei noſtri ſuſpirando, ingemiſcendo, ac flebiliter precando, quò Deus ipſe peccatorum ipſius immemor : beneficio autè Chriſti in illum, & in omnes memor, clemens ac propicius, illum ad illas beatorum ſedes recipe- ret, ad quas Ieſus Chriſtus Dominus, & Deus noſter ante illum præceſſerat : ô fidem veram, & dignam, cui iſti ignes luceant, qui quidem ſigna ſunt atq; notæ illius ignis intimi, quo fides ipſius ardebat in Deū : caritas autem ipſa ſeſe effundebat in proximum. Hoc ergo iſto diuino igne atq; recondito ſemel in baptiſmo ſuſcepto, cum ille arderet in omni vita, nullaq; perfidia illum violaret : rectè hæc iſta lumina atque ignes, incenſæq; faces præferuntur nunc illi mortuo, quòd fidem Deo ſeruaret integram, caritatem autem proximo ad vltimum ſpiritu, quem cum iam reddiderit Deo ex hac turba, & colluuiione tan-  
quam

quam ex hospitio, non tanquam ex domo, in illud  
animorum concilium, cœtumque profectus est, ubi  
nunc cum fideli Abraham, Isaac, atq; Jacob accu-  
bit: colloquitur cum David: vivit cum Iosia iustissi-  
mo atq; religiosissimo rege: auos suos, fratres, ac pa-  
rentes, reges vestros recognoscit: hunc totum iam  
complectitur cælum: hunc obuijs vlnis excipiunt  
omnes beatorum animæ, ac illius conspectu lætan-  
tur, ab Aquilonisque partibus aduenisse gaudent  
regē iustitia ac pietate insignem, socium felicitatis  
suar, atq; immortalitatis participem: quo nemo vir  
melior apud nos natus est, nemo pietate præstan-  
tior: nūc ille vos ex alto intuens, equites, à Deo Opt.  
Max. precatur, vt nos felices ac saluos velit esse, ve-  
strumq; hoc regnum conseruet, quod ille summa  
sapientia, ac singulari iusticia viuus rexit, ac omni-  
bus legibus, præsidijque ornauit, atque instruxit:  
summaque in illo tuendo, conseruandoque animi  
magnitudine, fortitudineque fuit: de qua ego bre-  
uiter dicam: fuit enim hoc tertium, quod in summo  
rege inesse oportere diximus. Neque enim satis est,  
sapientem ac iustum domi esse regem, nisi etiam is  
regnum saluum præstet, & ab omni externa vi de-  
fendat. Qualis utiq; Sigismundus fuerit, constat: qui  
quo die rex à vobis est factus, motus domestici in  
illum, deinde externi cum maximo nouarum re-  
rum metu exceperūt. Recordamini enim, equites,  
qui motus ille in Lituania, qui timor fuerit, cum Mi-  
chael Glinski homo eius gentis potentissimus, atq;  
seditiosissimus, mortuo Alexandro rege, principatū  
Lituanie peteret, ad quam illi rem cum & animus  
non deesset & copia, tamen is Sigismundi primū



nomine, deinde conspectu fractus, debilitatusque arma posuit, pacemque supplex petijt, ad postremò in illius fide fuit. Mansisset autem utinam in sententia: nunquam tantis cladibus, tantoq; hominum interitu Lituaniam cum Moschouia commisisset: cum enim Michael Glinski moliri multa occultè in Lituania nunquam desisset, à Ioanneque Zabresinski Mariscalco Lituaniæ, appetiti principatus reus fieret: non cogitabat, quomodo se regi purgaret, de quo arguebatur, sed quomodo accusatorem suum primo quoq; tempore è vita tolleret. Itaq; oblitus clementiæ regiæ, quamprimò statim Sigismundi in Lituaniam aduentu, incredibilem erat expertus: Iustitiæ etiam huius ipsius regis immemor, in qua etiam nocenti perfugium esse poterat: nullaq; ratione harum rerum omnium habita, multa nocte Ioannem Zabresinskium aggreditur, & quiescètem iam, ac nihil tale cogitantem inuasit, ac domi suæ hominem nobilissimum occidit, magnum crimen, scelus ingens, vis non ferenda, cuius ille magnitudine perterritus, ut scelus scelere cumularet, ad Basilium Moschum profugit, illumque ad inferendum bellum patriæ sollicitare cœpit: facileque sua sponte ad id iam parato Basilio persuasit, ut cum Maximiliano Cæsare fœdus faceret, ab eoq; futuri belli subsidium contra Sigismundum peteret. Nihil propius est factum, quam ut Maximilianus immemortum nominis ac generis sui, omnibus suis copijs ad inferendum bellum Sigismundo Basilium iuaret: quod tanto apparatu rerum omnium à Basilio erat gestum, ut neq; maiori contentione, neq; maioribus copijs inter Lituanos, & Moschos vnquã certatum fuisset:

fuisset: Hic Sigisimundus, & si eodem tempore alijs quoq; bellis Scythicis, Valachicis, atq; Turcicis districtus esset, tanta tū animi magnitudine in bello Moschico suscipiendo fuit, vt nullum aliud bellum gerere videretur: non terruit illum Maximiliani Cæsaris insperatum cum Moscho fœdus, non copiæ ab illo suppeditatæ gerendi belli, non ipsius Basilij exercitus ante hanc diem inuictus. Incredibili enim celeritate exercitu ex Lituania collecto, militibus etiam ex Polonia accersitis, magno animo aduersus hostem contendit, ac Borysthene amne superato, cum hoste acerrimè conflixit, quem memorabili pugna deuicit, non in præsens tantum sed etiam in posterum; nam eo prælio videntur omnes vires concidisse Moschorum, quæ antè hac graues Lituaniæ ac inuictæ videbantur esse: & quæ ante illam cladem tantæ fuerunt, vt Moschi præ se ceteros mortales omnes contemnerent, quibus deuictis, tâta gratulatio omnium est subsequuta, vt etiam Romæ à Leone Decimo supplicatio Sigisimundi nomine decerneretur, singulari genere verborum & numero dierum. Cùm enim in Leonis senatu Nicolaus Wolski legatus, hic Sendomiriensis Castellanus, exposuisset & genus hostium & victoriæ modum, res digna patribus illis est visa, publica ipsius vrbis Romæ gratulatione, ac supplicatione singulari. Supplicatum itaq; fuit, totaq; vrbe dies festi, atq; ludi eius victoriæ nomine fuerant instituti, dolente ac mœrente Maximiliano Cæsare, qui captiuos etiam ipsos, per hunc istum Nicolaum Wolski Leoni missos, intercepit, in Moschouiamq; contra ius gentium remisit. His victorijs atq; triumphis initiare-

gni sui Sigismundus consecrauit, docuitque se eum regem esse, qui & domi regnum legibus tenere & foris armis tueri posset. Neque verò hoc bello tantum illius animi vis extitit incredibilis, sed multis etiam alijs bellis grauib; ac difficilibus. Nam cum vix à Moschico bello respirasset, Scythiam magnis copijs, Russiam prouinciam ferro atq; igne vastantem incredibili virtute ad Wisnio Wiciu superauit: illaq; pugna, primus regum omnium, Scythas docuit, pacem bello meliorem esse. Quid autem Valachia ipsa, Turcicis exercitibus contra Sigismundum munita atq; instructa, cum huic regno periculosissime immineret, nonne ad Obertinum postremo ab hoc rege deuicta, pœnas temeritatis suæ dedit, vestroq; imperio, hoc isto Ioanne Tharnouio duce, parere est coacta? Iam verò Moschouia, cum iterum fractas illas vires suas ac desperatas repeteret, bellumque maximum pararet, non ab hoc Sigismundo iterum deuicta bello maximo funditus corruit? Ad quod bellum gerendum Sigismundus, hunc istum Tarnouium Imperatorem, ad conseruandum hoc regnum natum, miserat: qui capto atq; euerso Statodobo, ingenti hominum strage, Moschos in perpetuum deuicisse iam videtur. Prætereo alia bella varia atque infinita, quæ Sigismundus gessit, non libidine regnandi, neque studio gloriæ incensus, sed amore religionis Christianæ conseruandæ. Cum enim Polonia regnum Aquilonem versus vltimum sit regnorum omnium: gens ista regiones finitimas habet inimicissimas, partim Christiano, partim verò Romano nomini. Quare Sigismundus cum his assidue bellum gessit, nō vt finitimarum rerum potiretur,



tiretur, sed ut religionem Christianam contra Scythas atque Turcas: Romanæ verò sedis nomen contra Moschos atque Walachos tueretur: quod hæ gentes huic sedi, hoc isto dissidio Græcorum cum Latinis, sint omnium inimicissime. Solus ergo Christianorum regum omnium Sigismundus non pro augendo, sed pro retinendo regno: non pro sua libidine, sed pro Christiana religione bellum cum tota Asia gessit, cuius Asiæ opes cum magnis ac insperatis victorijs crescere indies videret, sequæ præ cæteris periculis illis proximum esse sciret, Christianos autem principes mutuis bellis dissidere videret, providendum sibi, regnoque suo putavit. Quapropter summa ope est conatus Christianos principes in mutuum gratiam reducere, illorum concordia ac conspiratione suas opes atque rationes contra Turcarum tyrannum firmare, ut minus potens, minusque formidabilis tyrannus ille vobis esset. Quapropter & Maximilianum Cæsarem reconciliata iam gratia Viennâ adierat: cuius etiam hortatu Vladislaus frater Hungariæ rex, cum Ludouico filio, eò quoque venerat, quo in conuentu summorum regum ille ostendit, docuit, monuit, Turcarum opes tantas esse, ut ab vno Christiano rege superari non possint, in concordia ac mutua pace spem esse, sine qua nihil esset Christianis salui. Itaque Sigismundo auctore atque duce, iacta erant Viennæ fundamenta communis auxilij: quæ tamē sorte quadam rebus nostris aduersa non diu manserunt. Nam & Maximil. & Vladislaus vita functi, ambo spem Sigismundi fefellerunt. Non cessauit tamen Sigismundus agere, & facere omnia, quo potentiæ Turcarum occurreret. Quare auxilia

vndique contraherebat: cum finitimis fœdus & amicitias iungebat, neque verò his solis contentus fuit, sed etiam cum sciret Neapolim atq; omnem illam oram Apuliæ, societate Turcici belli cum Polonia coniungi, amicitiam Italiæ expetiuit, hancq; Bonam reginam ex Sphortia familia clarissima atque totius Italiæ nobilissima, ducem Bari in matrimonium accepit: vt hoc ceu quodam illustri ac sancto pignore, socium se belli ac periculorum omnium Italis profiteretur esse. Verùm cum hac ista spe finitimorum ac externorum auxiliorum frustra pēderet, solusq; sapius cum summo rerum suarum discrimine cum Turcarum ducibus confligeret, de regnoq; suo iam planè dimicaret, fœdus ad extremum cum Solimāno fecit. Quid verò illi aliud faciendum fuit? solus erat: opem ferebat nemo, spes ipsa restabat nusquā: regnum porrò suum videbat omnibus Turcicis bellis ac periculis esse propositum. Quid tandem quæso est, quod quis Sigismundum huius ipsius fœderis nomine reprehendat? cum videat vnum è duobus illi fuisse necesse, vt aut regnū suum in postremum discrimen adduceret, aut fœdus cum Turca faceret, quod tamen ille non fœdus potius, quàm inducias sibi putabat datas esse parandi belli. Nouerat enim ille à Turcarum tyranno non fide, neque religione: sed occasione atq; tempore fœdera pōderari. Quare etsi ille fœdus illud sanctissimum esse ducebat, tamen quod nihil huic hosti crederet, inter fœdus illud, rationes suas summo studio futuro bello parabat, vt si quando illi necessariò cum Turca belligerandum esset, eò paratior, instructiorque in aciem contra illum prodiret. Meminerat, sapius se conflisse

xisse cum hoste summo cum periculo, Ludouicum etiam regem, nepotem ex fratre suum, viderat vitam, & regnum profudisse, cum incertorū auxiliorum spe bellum Turcicum mallet, quàm fœdus: cuius consilia nunquam probabat Sigismundus, summoq; studio à bello illum reuocabat, ostentabat illi Rhodum atq; Coum nobilissimas insulas consimili spe perijisse: docebat Carolum Cæsarem impeditum esse bello Gallico atque Italico, Ferdinadum autem Rusticano: Germaniam etiam totam, religionis cōtrouersia dissidentem, commemorabat: nusquam spem superesse: prestare fœdus facete, quàm bellum incertum gerere, cuius fidelissimis consilijs cum Ludouicus non obediret, vitam simul cum regno amisit. Quam in re Sigismundus, quàm sapiens rex atque fortis fuerit, ostendit, qui Rempublicam tanquam in alto nauim pro ratione tempestatū, & locorum, & temporum dirigendam esse ducebat, vt quid tempus Reipublicæ poscat, aut quid vetet in primis sapienti regi sit prouidendū. Interea tamen Sigismundus quoad vixit, cum bellis mutuis Christianorum arderent res, ille non quieuit, sed assiduis bellis pacem regno suo quesuit. Nunquam quenquam bello lacessiuit, nunquam nisi lacessitus bellum gessit, propterea etiam (credo) victor semper extitit: singularisq; illa huic vni concessa erat gloria, quòd hic solus regum omnium in Polonia nunquā victus fuit, nisi fortè quis illam acceptam calamitatem apud Socalium bello Scythico huic adnumeret: quæ, temeritate ducum, absente rege bello commisso, à Scythis accepta fuit, quam tamen calamitatem ille postea infinita hostium cæde compensauit: sic ille



cùm nihil temerè, nihil abiectè, neq; demissè, sed summo consilio, magno, & inuictò animo cuncta gereret, facilè fuit inuictus. Res etiam nostras, cùm armis vix posset, fœdere à Solimanno vindicauit, quas ille aut perpetua pace cum hoc hoste sanciuir, aut si belligerandum nobis erit, paratiores, instructioresq; aduersus Turcarum opes reddidit.

Reliquum est, vt de clementia ipsius pauca dicamus, sine qua & sapientia nihil prodest regibus, & iustitia etiam obest, & fortitudo ipsa nocentior fit suis, quàm alienis, nisi ipsius clementiæ moderatiōe temperetur. Hæc enim ferocem animum regis, ferum & indomitum contra regni hostes emollit, suis mansuetumq; ac benignum reddit: vt hac ipsa virtute rex hostem ab amico, peregrinum à ciue, innocentem à reo secernat: reis etiam ipsis, fragilitatis ac imprudentiæ in hac eadem virtute apud regem perfugium est, hæc ista virtus in consilijs, in iudicijs, in bellis regū versetur necesse est, si reges non Tyranni illi volunt perhiberi, hic enim regiæ Celsitudinis ornatus est: hæc illorū cōmendatio est summa: hæc sola atq; vnica ad immortalitatem illis restat via, deniq; ex hac ipsa excellenti & planè regia virtute nascitur suauissima regum ipsorū memoria: gratumq; ac iucundum illorum versatur apud suos desiderium. Vnde enim sunt vestra ista lacrymæ? vnde hæc est misericordia, quam nunc vos præstatis mortuo? eblandita credo hæc sunt à vobis spe vlla cōmodorum vestrorum, & non potiùs expressa vestigia mœroris vestri, recordatione illius optimi atq; clemētissimi viri, qui benignus in bonos, mitis in reos, indulgens in omnes fuit? nunquā ille arrisit vitio,

vitio, nunquam detraxit virtuti, nunquā blandiens parti se dedit alicui: sed cū rem ipsam sequeretur, hoc vnū propositū illi fuit, ne quā in re aberraret à vero: tanta æquitate ac clementia, vt rerū ipsarum ac criminum magnitudinem, cum rerum infirmitate conferret: virtutem etiam ipsam atque innocentiam, ne approbatione insoleſceret, aut dissimulatione, aut leui reprehensione, tēperabat. Iam verò ipsas parteis magnis saepe odijs incēſas, summa gravitate ac æquabili erga vtrāq; voluntate audiebat. Possem hoc loco magnas inimicitias clarissimorum virorum commemorare ex Reipublicæ causa susceptas, nisi & vos meminisse scirem, & ipse præterire hanc ignominiam vellem, ne commemorando notare videar authores ipsos. Dabo hoc ergo illorum authoritati; ab hisq; vobiscum vnā petam, vt cōmunis salutis causa remittant animos, æquosque ac placatos retineāt huius istius exemplo regis: qui, cū rex esset, possetq; delinquentem coërcere, æquus tamen vtriq; fuit, monereq; ac hortari, interdum etiam rogare ad pacem suos maluit, quā lege, vi aut minis impellere: ferebat enim æquo animo omnes, in liberaq; Rep. non solum animum, sed etiam odium liberū esse debere duxit. Hæc libertatem ille liberorū populorum cū summā esse sciret, vt videlicet, & amoris, & odij par sit apud ciues ratio, ipse quoq; odia multorum in Rep. pertulit, si tamen odium est dicēda libera expositatio subditi cum rege. Cū enim benignitas ipsius atq; clementia nimia quibusdam, aut etiam nonnullis in rebus remissior videretur: reprehendi, se palām in senatu patiebatur: sententias in se dictas patienter fe-

rebat, & eas æquissimo animo refellebat, aut illis cede-  
 bat, & secundum illas, quod admittebat, corri-  
 gebat. Jam verò in comitijs ipsis, nullius regis in Po-  
 lonia aures vobis ac vestris legatis benignius vn-  
 quam patebant. Attente perorantes vestros lega-  
 tos audiebat: postulata vestra clemēter accipiebat:  
 stultitiam multorum sæpe ac intemperantiam per-  
 ferebat. Nunquā ille asper verbo, aut immodestius  
 \* *Emissio.* \* misso excaudit: nunquā iracundia exiluit: quam  
 ille cum omnib. virtutibus continentia, grauitatis,  
 iustitiæ ac humanitatis, à se remouisset, facilis in re-  
 bus cognoscendis, in hominibus audiendis, admit-  
 tendisq; fuit. Quanto enim motu, quanta conten-  
 tione illa ad Leopolum Valachico bello pro vestra  
 libertate cum hoc rege egistis? cū quædam non  
 legitimè fieri: quædam etiam negligi ab illo vobis  
 videntur: quæ tū granitas, quæ animi æquitas, qui  
 modus, quæ patientia huius regis, quæ vestra liber-  
 tas actionis tum fuit? & tamen cū iustè fortasse  
 nonnullis irasci posset, neminem vestrum ne aspe-  
 riori quidem verbo propterea appellauit, ita, vt et-  
 iam illius ipsius actionis authores atq; duces, maxi-  
 mis affecerit propterea præmijs, veluti hos duos  
 fortissimos ac coniunctissimos fratres, Petrum ac  
 Martinum Sborouios, quorum in Republica sin-  
 gularem fidem, obseruatiam verò erga se summam  
 cū esset expertus, vtrunque honore senatorio af-  
 fecit, quorum exemplo ille ad tuendam Rempu-  
 blicam, causamq; communem agendam, multos  
 fortes viros ac industrios ex ordine vestro excita-  
 uit, veluti hos duos summa spe ac virtute in causa  
 communi cognitos, Petrum Boratinki Ruthenum,  
 & hunc



& hūc Stanislaum Podlodoſki ex Sendomiriēſi municipio equitē, qui cū in comitijs nuper Pitrakouiæ habitis, quæ poſtrema Sigifmundo fuerunt, grauiorem cauſſam Reipublicæ ſuſcepſſent, quàm vt vtriuſque ætas pati videretur: ſic tamen à Sigifmundo auditi ſunt, vt etiam Stanislaum Podlodoſki de libertate veſtra liberius diſſerentem, lacrymans audiret, & cū hic Sigifmundum in Polonia non imperatorem, ſed regem eſſe diceret, legibusque illum certis regnare oportere, ſumma cum libertate orationis diſſereret: annuit ille: ipſoque vultu ac intuitu ſignificauit, ſe quoque non Imperatorem velle eſſe, ſed regem. O virum omnium literis, ſermonibus ac monumentis celebrandum, & dignum, qui non dico homines, ſed Deos ipſos reget, nō illius tum maiestatis auertit illi à dicēte Podlodouio oculos: non aures illi clauſit regiæ poteſtatis conſcientia. Imò verò vidit, audiuit, ac ſummo ſtudio audienda ſibi ea putauit, quæ liberè de Republica à Podlodouio dicebantur. Dixiſſes hæc in Neronis ſenatu Podlodoui? aut alicuius regis Italiae aures hac iſta libertatis voce appetiſſes? Poſtremum illo in loco (mihi crede) conſtituſſes, ac vltima vox tibi illa fuiſſet, quæ tamen ipſa grata Sigifmundo fuit, iucunda nobis, glorioſa verò nunc eſt ipſi tibi. Summa hæc eſt clementiæ laus, equites, Sigifmundi regis, & haud ſcio, an omnium maxima, in libera Republica liberas velle verſari hominum voces, liberas ſententias: denique liberas expoſtulationes, monitiones ac reprehentiones ferre. Quæ qui rex non fert, aut in Republica nō probat, non rex, ſed immanis eſt tyrannus, qui vt homines liberos in ciuitate non fert: ita

neq; linguas liberas ferre potest, nec iniuria. Tyrannus. n. ipse viuit cū omniū inuidia, iniustè ac impiè, sine fide, sine amore, sine vllò beneuolentię vinculo, vt meritò fidat nulli, credat nemini, nulli religioni, nulli legi pareat. At Sigismūdu cōtra, omnium, qui vnquā fuerunt, rex mitissimus atq; clementissimus cū meminisset liberi populi regē se esse, certa religione ac certa fide regnātem vobiscū non vt cum seruis, sed cum liberis, nō cum subditis, sed cū socijs atq; amicis, summa beneuolentia in hac Repub. viuendum sibi esse duxit: vt ex æquo & audiret suos, & audiretur à suis. Quare ita ille vobiscum vixit, vt nō tantū aures illius, sed ipsius etiam vitę priuatę recessus nobis paterent. Aperta stabant illius cubicula, patebant atria, peruia erant nobis illius penetralia, nūquam excluderemur, nisi cū erat necesse. Admittebamur, adstabamus, audiebamur: liberè querimonię de aliorum iniurijs apud eum nobis erant, ac qualibet dere facilis aditus, ac penè assiduus cum illo conuictus nobis fuit, vt nō solum mens, sed oculi etiam nostri liberè in vita ac in omnibus cubiculis ipsius versarētur: in quib. nullos mores tyrannicos, nullas contra libertatem nostram machinationes, nullum regni dedecus, nullam turpitudinē, nullam deniq; intēperantiam cernebamus. Omnia erant in illius integerrima vita, honesta: in cubiculis verò, decora, ac cum summa regia dignitate, atq; vestra libertate coniuncta. Iam verò quoties progrediebatur è thalamo, in publicumque se ac in turbam dabat, quanta tum, Dij immortales, oris illius dignitas? quę maiestas? qui hominis illius habitus? qui incessus? qui comitatus fuit? quām aptus? quām

con-

concinus? quàm grauis? quàm cultus? quàmq; summo rege dignus? quib. rebus cùm in animos hominum fluere, ac mentes omnium hac tanta maiestate occuparet: non timuit venena, non insidias, non conspirationes vllas verebatur, propterea etiam carebat prægustatoribus, quibus tamē ipsis interdum ad speciem utebatur magis, quàm ad aliquā necessitatem. Senatorum turmis ac equitum incedentis latus claudabatur, non doryphoris hisce, neq; seruis mercenarijs: indignum enim bono rege putabat esse, metum, in suo regno præ se ferri armis, ac in cœtu suorum hostem vereri, ac propterea ab armatis seruari. Tyrannorum sunt ista præsidia, equites, & malè cogitantium hominum de rebus communibus. Fide Sigismundus ac beneuolentia vestra satis se munitum putabat esse: neminem etiam è suis metuebat, cùm æqualiter omnes diligeret, omnibusq; ex æquo se amabilem præberet. Tantumque hac ista fiducia vestri profecit, vt quietè primùm ac tranquillè vitam vobiscum degeret: deinde studijs vestris incredibiles huic regno felicitates atq; opes afferret. Qua enim fide ac voluntate erga hunc regem vos fueritis, testantur multa atq; præclara facinora, huic regi virtute vestra parata, qui cùm talem se regem gereret in omni officio suo ac munere, vt ad summam nihil à vobis in eo desideraretur, meritò tales vos quoq; erga illum gessistis, vt ob summa atque amplissima illius in vos ac Rempublicam vestram beneficia, patrē patriæ vna voce hunc appellaretis: qui honos post conditā Poloniam huic soli à vobis est habitus: & cùm eum, quem natura mortalem genuerat, vos immortalem esse cuperetis, hunc



Sigismundum Augustum filium, pignus esse voluistis fidei ac voluntatis vestræ erga Sigismundū sempiternum. Nam cū hic Augustus admodum puer esset, soloque illo omnes patris spes niterentur, & cū id vobis per leges liberum esset, hunc vos honorem patri habuistis, vt hunc alium ipsius, tum autem puerum, nec tum ad imperium ætate maturum, magna tamen spe præditum: regem viuo patre omnibus vestris suffragijs salutaretis, hancque incredibilem voluptatē patri de filio daretis, vt is vestro beneficio filium successorem sibi paratum videret, cui nomen Iagellanæ gentis ac familiæ amplissimæ dignitatem, regnumque patrium atq; auitum traderet. Magna hæc vestra erga Sigismundum voluntas, summum etiam studium vestrū fuit. Hanc mentem vt retineatis, mortuoq; illi conseruetis, vestræ fidei, vestræ constantiæ est, equites: tum verò, vt parem animi voluntatem retineatis in ipsius progeniem totam, quam reliquit, vos ille orat atq; obtestatur. Aspicite, equites, hanc lugubrem turbam, hæc fletu deformata corpora, hic filius ipsius carissimus, rex vester est: hæc verò illius est fidissima ac sanctissima coniunx. illæ autem mœstæ ac dolentes tres filiæ. Hūc cœtum atq; sobolem clarissimam regis vestri colite, equites, ac summa veneratione, summaq; obseruatiā habeadis. Tu etiam, Sigismunde Auguste, suscipe hunc ordinem, cuius virtute pater tuus fuit inuictus. Vides in quæ pericula regnum tuum incidit: quos hostes habeas, quos etiam metuas considera. Circumstant te vndique pericula: aut auxilijs destitutos nos vides esse: nusquam in finitimis, nusquam in alienis præsidijs spes esse, vndique

que circumfusa premit te Asia, hinc ex Hungaria imminet tibi Turcia, hinc Scythia, hinc bellum renouat Moschouia. Germania postremò ipsa referta genere ac sanguine tuo, non satis tuta tibi denunciat. Vides quàm in medio relictus sis solus, vt secundum Deum, spes tibi nusquam restet, nisi in hoc ordine ac in paterno imitationis exemplo: quod si tibi proposueris, & si dies atque noctes in eo recognoscendo fueris, inuenies profectò, quomodo hæc, quæ tibi amplissima pater reliquit conserues. Nihil enim tibi poterit accidere noui, quod in regnando pater tuus non viderit aut non fuerit expertus: tu modò sapientiæ ipsius ingrediare vestigijs, ad exemplumque paternum mentem tuam in rebus optimis exerceas, senatui pareas, iusticiam colas, æquus omnibus, addictus nulli fias, religionem Christi comiter conserues, rem militarem augeas, benignius in omnes: pius ac clemens in tuos fias, & breuiter ijsdem itineribus ad virtutem eas, quibus pater tuus peruenit. Sustines eius rei non mediocrem spem. Est in te præstans vtroque genere natura, est etiam quod adolescentia tua fert, vsus rerum magnarum, omnium ora atq; oculos vides esse in te vnum conuersos, cum te intuemur, tum de Sigismundo patre tuo, tum de maioribus cogitamus. Veniunt enim nobis in mentem, veniunt, te intuentibus, Iagello-nes illi veteres: Vladislai item, Casimiri atque patrui tui, clari viri: quorum virtute, dignitate atq; estimatione, apud omnes gentes fuimus illustres: qui si quis mortuis sensus est, memoriam nominis sui, dignitatem huius regni, ac omnium nostrum salutem tibi commendant: à te petunt, vt suscipias caus-

sam nostram, utque hanc Rempublicam, & pro illorum dignitate, & pro tua gloria, ac pro nostra salute administres. Idem moriens tibi mandat pater, atque hoc in loco iacens à te postulat. Adest enim profecto, adest illa vis hinc, coram qua hoc mortale vigeat corpus, & qua hoc isto corpore ad nostram salutem usa est: hæc inquam vis diuina atque immortalis patris tui, hinc coram adstans, te intuetur, tuam fidem implorat, hæc abs te petit, ut ea omnia, quæ in templis, quæ in foro, quæ in regno hinc decedens reliquit tibi pater, virtute, fide atque constantia tua conserues ac defendas: utque memor sis, te Poloniæ regem esse: in tua persona huius Reipublicæ faciem expressam esse, utque ob id non publica tantum, sed etiam tua priuata (si tamen quid tui priuati hoc in regno est) ut ea, inquam, omnia ad summam ac amplissimam regiam dignitatem tuam referas. Quod si tu qua in re titubaueris, aut ab officio tuo deflexeris, cadet hoc regnum, stare diu non poterit. Tua enim sapientia illud nitatur, tua iustitia stet, tua virtute defendatur, denique tua clementia floreat, necesse est: hoc magnopere abs te flagitat pater, hoc nos speramus, hocque debitum munus abs te expectamus. Vos etiam Patres conscripti, quos diuina sors quædam huic regi fecit superstites, manete in hac custodia Reipublicæ, in qua vos ille viuis collocauit, vigilate, multæ sunt insidiæ nobis, multæ inimicitie, hostes infiniti: pericula verò tanta, quanta post conditum hoc regnum non fuerunt. Nisiquam salutis spes ostenditur, nisi in vestra concordia. Erigite vos, per Deos immortales, ac odia, si quæ nobis insunt, Reipublicæ causâ ponite, ut commune of-



ne officium senatorium, communi animo ac voluntate defendatis. Quid enim salui in hoc regno fore putabitis, distracto in partes senatu, variatis vestris sententijs, equitibus postremò ipsis, vestris inimicis diuisis atque incensis? Iam verò metus externi hostis ac imminenti periculi, vos in mutua pace atque beneuolentia contineat: quæ res semper apud optimos ac præstantissimos ciues plurimum potuit, ut, quo die Magistratum inirent, eodem in gratiam redirent, turpe sibi fore rati, cum in Repub. eadem societate coniungerentur, nō eadem eos fide coniungi: quæ ibi esse nequit, vbi concordia est nulla. Fecerunt hoc illi veteres sine Deo homines Græci, Scipiones, Lepidi, Metelli. Vos qui certo ac vero Deo viuitis, non facietis? præsertim cum finem legis vestræ, caritatem sciatis esse: quam si ex ordine vestro tollitis, & Remp. amittetis, & vos ipsi peribitis. Non est enim, quod quis speret rectis consilijs ibi locum esse, vbi caritas est nulla, & vbi in locum huius successit odium & iracundia. Ira enim viri, Apostolo teste, iusticiam Dei non operatur. Quid dicam odium

*Zacoh. 2.*

ipsum? quod cum inueterauerit, animi lumen extinguit, densasq; menti tenebras offundit. Veniant vobis in mentem, Patres conscripti, quanta odia illa Græcorum, quanta Romanorum, quanta etiam hæc ista recentia Hungarorum fuerunt: quibus odijs potentissimæ nationes ac florentissima imperia corruerunt: senatorū (mihi credite) culpa illa fuit. Dum enim se quisque in Republica ostentat, dum potentiam suam iactat, dum operam venditat, postremò dum se magnum vult videri, calamitate communi, & senatus, & plebs vna perit. Ne hoc sinat Deus

optimus maximus in cuius cura sumus, vt hoc inclytum regnum, hic inuictus populus, vestras discordias publico luat interitu. Quare vincite per Deos *Vestros* immortales animos \*, Patres conscripti, ac illos retinete in officio, plus apud vos valeat malum publicum odio priuato vestro. Date hoc Reipublicæ, Patres conscripti, date nobis, date salutem communi, date vobis ipsis, coniugibus, liberisque vestris, quorum supplicio ac interitu expiabuntur, mihi credite, discordiæ vestræ, nisi prouideritis. Reijcite controuersias priuatarum rerum: sit Respublica seges & materia vestræ gloriæ. Hanc exercete per Deos immortales, Patres conscripti, quæ multis circumsepta hostibus, ac magnis vndiq; cincta periculis, vobis supplices manus tendit, vos orat atq; obtestatur, vt reconciliatis vestris animis, saluam atque incolumem illam velitis esse, & certè talem, qualis Sigismundo regi fuit. Hoc res ipsa publica, hoc etiam Sigismudus à vobis ipse postulat: qui hunc filium suum clarissimum atque optimū respectans, vos ex alto intuetur, à vobisque petit, per Deum ipsum, quem castè, religioseque in Polonia coluit, per Rempublicam, quam amplissimam vobis reliquit, per salutem vestram, quæ illi vita propria carior viuēdi fuit, vt cum hoc Augusto rege, filio autē suo cōiuncti inter vos fidelissima gratia, & religionem Dei Opti. Maxi. & dignitatē Reipublicæ, & salutem omnium conseruetis. Non est, non est tergiuersandi locus: mouent omnia, vrgent omnia atque instant. Quantum tandem huius morte hostium animos creuisse putatis? Num Moschouiam? num Scythiam? num Turciam, atque Valachiam, parum huius morte sperare cœpisse

cœpisse existimatis? Occasionem, mihi credite, huius morte, ad occupandam Poloniam sibi oblatam esse nationes illæ arbitrantur: quæ quidem omnes nullis vobiscum neq; legibus, neq; certo pacis iure sunt coniunctæ. In concordia ergo vestra, ac in mutua beneuolentia spes omnis sita est salutis communis, atque huius Reipublicæ retinendæ. Quæ nunc morte regis sui exanimata, ac propè conuulsa sedibus suis, ad complectendum conseruatorem suum gemens ac mœsta venit: illi gratias agit mortuo, tibiq; in primis, summe Deus, qui hunc hominem ad genus humanum cōseruandum, & ad hoc regnum constituendum in terras miseris: cuius beneficio ad hanc diem stant res nostræ, ac cuius opera hoc regnū floret ingenijs, valet opibus, pace ac ocio fruitur, ac legibus optimis viuit: huius postremò monumenta multa ac præclara æternitate ipsa consecrata assiduè intuetur. Tibi nos, Sigismunde, hæc omnia debemus, tibi hæc accepta ferimus, tua munera sunt ista, tua summa beneficia. Per te nos illustrati sumus, per te exteris gentibus cogniti: te authore atq; duce, Polonum venerabantur nomen omnes gentes, Græcæ, Latinæ, ac Barbaræ: tuis victorijs hostes nostri debilitabantur: tuo fœdere ac societate amici nostri lætabantur. Tu iudex regum, tu pacificator gentium, tu moderator nationum ac conseruator omnium fuisti. Tu hanc Rempublicam affinitatibus primò, deinde cōiugijs cum exteris nationibus coniunxisti: tu author legum nostrarum, tu magister morum ac disciplinæ fuisti: hem nostra lux, nostrum desiderium, Sigismunde iaces. Ad quem nunc confugiemus? à quo opem petemus? quem hosti-



bus nostris opponemus? qua pace, quo bello, quo  
 fœdere nitemur? ô acerbâ mihi, equites memoriam  
 harum rerum omnium: ô flebiles exequias: ô vitam  
 infelicem, quę orbata es hoc isto rege atq; patre. Ti-  
 bi enim morte huius ornamenta sunt detracta, tibi  
 præsidia adempta, tibi solatia sublata: solus hic restat  
 tibi dolor, mœror ac gemitus: in quo tamen ipso lu-  
 ctu ac mœrore nostro, Sigismaunde Auguste rex, ad  
 te venimus: tibi nos penitus tradimus: tu spes no-  
 stras, patris tui morte fractas, restituas: tu salutē con-  
 serues: tu libertatem nostrā legib. atq; armis defen-  
 das. Vos etiam, equites, atq; vos Patres conscripti,  
 memoriam regis vestri piē, inuiolate quę seruabitis.  
 Plura ne dicā tuæ me, Auguste, lacrymæ, impediunt,  
 vestræ quę equites, non solūm meæ: quibus moue-  
 mur, vt à Deo precemur, quō Deus huic mortuo  
 propitius, nobis verò benignus velit esse.

TER TII BELLI DE-  
 SCRIPTIO, QVOD MAGNVS  
 RVTHENORVM IMPERATOR CON-  
 tra Liuones gessit, an. 1558. quo ciuitas & pronincia  
*Torpatensis a principe Moschouitarum ex-*  
*pugnata, victa, & subi-*  
*gata est.*



Trox & memorabile prælium ges-  
 serunt Liuones contra Ruthenos  
 anno Domini 1500. sub ordinis  
 Teuthonici Magistro D. Waltero à  
 Plettemburg, excelsi animi, & ma-  
 gnæ industriæ viro. Nondum vana  
 doctri-

doctrina, aut vlla hæresis eos à Catholicismo transuerfos egerat, sed priscam, auitamque religionem summa pietate & fide colebant. Igitur cum Teuthonicus Magister cum Ruthenis configere statuisset, publica seruitia, & solennes Litanias triduo seruandas indicit paulò post Natalem Virginis matris, vt communibus votis diuinam opem, & prosperum prælij euentum obtinerent. Conscribit deinde Magister Præfectos, & Commendatores vniuersos cum nobilibus totius Prouinciæ, quibus copias, & auxilia sua coniungunt quatuor Liuoniæ episcopi, Rigensis, Torpatensis, Riualiensis, & Habselensis. Rigensis mille Germanos equites adducit. Torpatensis, quingentos. Riualiensis & Habselensis, itidem quingentos simul, ita vt Magister Teuthonicus septem haberet Germanorum equitum millia, & quinque millia Curonum, qui populi sunt Liuoniæ. Hoc exercitu Magister Ruthenorum fines inuadit, arcesq; & oppida quædam expugnat. Inde ipso exaltationis Crucis die ad urbem Plescouiam tendunt. Iuxta hanc sita est planiceis duorum milliariorum amplitudine in quam vbi deuenere, obuiam illis procedit Ruthenorum imperator, cum centenis millibus armatorum, qui in duodecim acies distributi erant. His adiuncta erat ingens Tartarorum manus triginta millia conficiens. Itaq; Teuthonicus Magister, vbi aut turpiter fugiendum, aut ingenti cum animo aduersus tantum exercitum, barbarie & armis formidabilem, procedendum videt, nequicquam de victoriæ spe remittens, fortunâ belli tentare statuit, & paucis suorum animos cõfirmat. Præclaram sanè victoriam, inquit,

ô milites hodie nobis obuenturam de numinis benignitate, & vestra omnium fortitudine facile mihi promitto, In caussa iustissima, Dij non possunt non esse propitij. Vos tantummodo pristinae strenuitatis & cōstantiæ memores, existimate vos, decus, gloriam, patriam, libertatem, & religionem, in dextris vestris portare. Alios fortasse ingens barbaræ gentis multitudo animo deiiceret. Vos verò milites dum cōsidero, & cūm vestra facta æstimo, quibus parentes, patriam, aras, & focos, auitamq; aduersus hæreditarios Catholicæ pietatis hostes, fidem sapenumero tutati estis, eandemque ad extremum vitæ, armis, & sanguine vestro vindicare cupitis, magna me spes victoriæ tenet, animus, ætas, virtus vestra hortantur. Hæc vbi dixit non multò post vtrinq; signa canuntur, Teuthonicus Magister glandes ferreas, & globos tormentarios, velut crebra, cōtinuaque tonitrua in Tartaros contorquet, inde maximo clamore infestis signis vtrique concurrunt, gladijs, lanceis, omniq; telorum genere res geritur. Tartari, & Moschouij arcubus, & sagittis assueti, densissimo, creberrimoque telorum iactu æthera obumbrant, quæ tamen vniuersa penè irrita aërem verberant, donec ultro in terram decidunt. Ingensibi sonitus, ad cælum attollitur, bombardarum fulmina, armorum fragor, vulneratorum gemitus, pereuntium clamor, tympanorum sonitus, equorum hinnitus, omnia & Martem, & mortem referebant. Tartari vbi prælio fusi, fugatiq;, succedunt duodecim Moschouiorum acies, animis, & virtute recentes. Teuthonici cæsis, Tartaris vbi bellum recrudesce sentiunt, quantò maiorem hostium vim prioribus succedere



cedere conspiciunt, tantò maioribus animis in hostes irruere, & velut ab integro noua virtute resumpta, ingenti cum fremitu cæsum, punctimq; confligere, vergente iam ad vesperam die, qui ex Moschoiis supererant, furtim se Plescouiam subducunt. Prælio ita dirempto, compertum est ex Teuthonicorum agmine vnum duntaxat interemptum: Moschouiorum verò & Tartarorum circiter centena millia trucidatos, vt duobus miliaribus cadauera passim dispersa iacerent. Memorabilis hic erat triumphus & singulare virtutis, & fortitudinis exemplum, ac dignum, quod sempiterna memoria donatum, nunquam aboleatur. Moschouiorum Imperator, (qui ipse in aciem non prodierat) cum summo stupore admiratur tantum exercitum, tam exigua manu, tam turpiter cæsum & prostratum, atq; illico pacē quinquaginta annis cum Teuthonibus firmat. Quæ inita, omniq; bellico tumultu cōposito, legatū magnus Moschoiæ dux ad ordinis Magistrū ablegat, rogans, vti vnumquempiam ex ferreis illis militibus. (Rutheni Teuthones ferreos vocabāt) qui tantā Moschouiorum multitudinem fuderant, ad se mitterat, se vnā cum legato obsidem mittere, ferreum illum virum non inhonoratum, in donatumque ad suos reuersurum. Magister Teuthonicus haud inuitē vnum ē militibus cataphractum equitē Moschoiā versus destinat, quem vbi Moschoiæ princeps aduentare accipit, confestim vniuersis ducibus, nobilibus, & Præfectis suis denunciant, vti præscripto die Moschoiā conueniant, nouum, visuque dignum spectaculum eos habituros. Destinato die cataphractus in apertam planiciem iuxta aulam prin-

cipis, numerosa (vt fit) populi corona, circumstante, procedit, & huc, illucq; obequitans, petasum è capite cuiuspiam circumstantis abripit, eumq; in hippodromi centrum projicit. Illico pleno cursu lanceam in petasum dirigit, eumq; dicto citius cuspidè arreptum terra subleuat. Moschouius Imperator eam equitis agilitatem cōspiciens, vrsi in morem (solent id facere Moschouij admirantes) barrit. Rursum cataphractus demissa paululum lancea, in oppositum parietem perniciosissimo cursu fertur. Ac tametsi parietem inuasurus videretur, ille tamen protinus intacto muro hastam reducit, & equum retrahit. Illud spectaculum denuo principis, omniumq; circumstantium admiratio subsequitur. Resumpta iterato lancea plenissimo impetu in parietē fertur, hastāq; circumuolitantibus vñdiq; fragmentis, confringit. Hæc vbi omni dexteritate expedite gessit cataphractus, vocatur ad principem, & accepto insigni munere ad Teutonicum Magistrum remittitur.

Vbi iam quinquagesimus à pace firmata ageretur annus, videlicet anno 1550. vt pactæ induciæ propediem essent expiraturæ. Reuerendissimus princeps D. Iodocus à Reck, episcopus Torpatensis magnæ virtutis, & pietatis vir, magnis impendijs, & sumptibus denuo quinquennales inducias à Ruthenorum Imperatore impetrat, talibus conditionibus, si templa Moschouiorum Rigæ, Riualiæ, & Torpatidivuta, restaurarentur. Præterea si è provincia Torpatensi, tributa, quæ exigebat, penderentur, & alijs, si quæ essent, querelis, satisfieret. Quæ omnia si præstarent, pollicetur, Moschouius quindecim annorum pacem deinde concessurum.

surum. Igitur anno 1555. hac quinquennali pace ito-  
rum expirante, Teuthonicus Magister, & episco-  
pus Torpatensis Hermannus rursus legatos ad  
Moschouia principem ablegant, pacis expetendæ  
caussa. Quibus Moschouius dux respondet, nullam  
se pacem Germanis indulturum, quandoquidem ba-  
silicas suas non reedificassent, nec tributum persol-  
uissent. Cæterum intercedentibus Moschouij ducis  
consiliarijs, triennales inducias promittit, modò  
spondeant, proximo triennio euerfa fana restaura-  
turos, & ex prouincia Torpatensi, singulos homines  
quotannis singulas marcas tributi loco persoluturos  
exceptis Catholicæ religionis sacerdotibus, quos ab  
hac præstatione eximebat. Hæc si facturos se pro-  
mitterent, & sigillo restaurètur, triennalem pacem  
in gratiam consiliariorum ac ducum suorum cōces-  
surum pollicetur. Subsignant legati, maximè quo-  
niam episcopus Torpatensis mandarat, vt saltē quo-  
uis modo pacem referrent. Erat autem consuetudi-  
nis, vt & Moschouia princeps legatū ad episcopum  
mitteret, qui firmandæ & stabiliendæ pacis causa  
crucem quandam osculabatur. Legatus vbi Torpa-  
tum venit, recusat crucis osculum, nisi episcopus &  
ciuitas Torpatensis idem, quod legati Torpatenses  
subsignauerant, suo quoq; sigillo cōmunirent. Ha-  
bebat id temporis episcopus Torpatensis cancella-  
rium Lutheranis dogmatibus impense fauentem,  
qui & postea anno 1558. expugnata ciuitate Torpa-  
tensi, Habseliæ in carcerem cōiectus, tandem vt fa-  
cinorosus ignominiosa morte vitā clausit. Is episco-  
po suadet, vt securè quod petebatur, subsignaret, ac  
postea spem Moschouiorum eluderet, Liuones eius



esse roboris & potentia, vt Moschouius princeps haud facile eos bello esset appetiturus. His ita peractis, Moschouij legatus ad principem suum reuertitur. Interea nihil eorum, quæ postulata & pacta erant, præstant Liouones. Elapso igitur triennio, bellum hunc in modum exoritur, anno 1558. circa Epiphaniam.

Habebat id temporis Teuthonicus Magister sex militum Germanorum vexilla, quos aduersus regem Polonię in aciem produxerat. Igitur anno 1557. circa ferias Michaëlis veredarium ablegat Teuthonicus Magister ad magnum Moschouiæ ducem, sciscitatur, an legatos ad se mittere debeat pacis diuturnioris firmandę causßa, an verò pace recusata bellum eligat. Respondet Moschouius, Magistrum adhuc sex militum habere vexilla, quos si seruare proponat, nihil opus esse legatis, nolle se ad inducias cõpelli: sin eos dimittere paratus sit, mittendos esse legatos, & de pace sancienda tractandum. Hoc responso accepto, omnes Liuonię procures congregantur, & quid faciendum consultant. Quidam atate grandiores suadent retinendum esse militem, facile animaduerti, Moschouium principem bellum meditari, quandoquidem conuentiones initas Liouones non præstitissent: nequaquam igitur dimittendum exercitum, sed totidem signa denuo conscribenda, eaque in finibus Ruthenorum collocanda. Teuthonicus verò Magister cum alijs quibusdam respondent, non esse dandam Moschouio belli occasionem, dimittendos esse milites. Si quid deinde moliatur Moschouius, superesse adhuc viros & vires, quibus illi aduersum iri possit. Hæc sententia præ-

præualuit, & illico exercitu dimisso paulò post Martini ferias Teuthonicus Magister legatos cum centum equitibus, magno cum fastu, splendore & apparatu ad Moschouium mittit, quibus Satrapam suam coniungit episcopus Torpatensis. Vbi ad magnum Moschouix principem ventum, princeps atrium suum auro vndique resplendens ingreditur, aureum solium occupat, corona regia & sceptro insignitus. Apponitur mensa deaurata, seniores consiliarij numero duodecim lateri sinistro assidēt, qui vniuersi ac recepto more, quoties consilium agitari contingit, vestes Leuiticas aureas induti: Magnus verò dux palla choralis seu sacerdotali circumdatus. Assumit præterea magnus dux duos interpretes, qui Germanicam simul & Ruthenicam linguam callebant. Interrogat Moschouius, an pacem expeterēt? Afferunt illud Liouones, simulque scyphos deauratos à Torpatensi episcopo & ordinis Teuthonici Magistro principi Moschouio missos offerunt. Recipit eos Moschouius, & in proximum triclinium deferri iubet. Moschouius principio recenset eorum perfidiam, qui toties pactas conuentiones elusissent, nec quicquam eorum, quæ sponponderant, & sigillis confirmauerant, præstitissent. Maiorum præterea pietatē, fidem & heroicas virtutes refert, à qua ipsos planè degenerasse ait, cultum diuinum à maioribus acceptū abrogasse, basilicas euertisse, sacerdotes & monachos profligasse: denique nullum pristinae pietatis & virtutis vestigium retinuisse, nō illos esse ecclesiasticos principes, sed quouis barbaro magis profanos, qui tam in omne vitiorum, flagitiorumque genus propendeant, eoque pacē nul-

lo pacto illis concedendam. Ad hæc Teutonici respondent: Se ex maiorum dationibus & computu bene subductis, deprehendere nullum tributum Moschouio deberi, quòd autem pacem deneget, id Romano Imperatori se questuros. Respondet Moschouius, quas illi querelas imperatori offerre instituant, qui mandatis eius imperialibus, quibus præceperat, ne templa aut monasteria demolirentur, tam procaciter & obstrepere derogassent? His ita peractis, legati discedunt ad pandochium, equos instruunt, Moschouium principem rogant, ducem itineris concedat, qui in Liuoniam eos reducat. Cæterùm dati à Moschouio duces, per ambages ac deuia legatos fraudulenter circumducunt, ita vt in patriam terram non reuerterentur ante principium Quadragesimæ. Interea magnus Moschouiæ dux missa ad Liuones epistola, bellum indicit, cuius re-  
nor hic erat:

WILHELME LIVONVM MAGISTER, archiepiscopo Rigenfis, episcopo Torpatensis, ceterique episcopi, & vniuersi Liuones. Misistis ad nos legatos vestros, viros bonos, Iuanum Bockhorst, Othonem Grothuis, & Volmarium Wrangel, cum reliquis adiunctis, vt capite coram nobis inclinato, peterent Teuthonico Magistro, archiepiscopo Rigenfi, episcopo Torpatensi, cunctisq; Liuoniæ populis, hanc à nobis gratiam fieri, vt dato ad Præfectos nostros Naugardiæ & Pleskouia mandato, pax cum Liuonibus iuxta veterem morem sanciretur. Nos verò Præfectis nostris mandauimus, nullam vobiscum propter vestrâ iniusticiam vindicare. Cæterùm legati vestri Iuanus Bockhorst cum suis collegis eam  
pacem



pacem à nobis exorarunt, ijs conditionibus: Vt Magister Teuthonicus, archiepiscopus Rigenfis, & episcopus Torpatensis, cunctique Liiones, quicquid iniuste contra nos moliti sunt, id restituant, & resarciant. Præterea illico nostris negociatoribus concedant, cum suis negociari mercatoribus, omnisque mercium generibus, utpote cere, seui, loricarum, & armorum mutationes facere. Item ut episcopus Torpatensis cõquirat tributum omnium præteritorum annorum, & vniuersa debita ex tota diœcesi Torpatensi, de vno quoque capite marcã Germanicam, tertio pacis firmatæ anno mittendam. Atque hoc nostrum tributum deinceps singulis annis dare debeat episcopus sine dilatione omnibus quoque seruitutibus, aut ministerium præstare volentibus, ex quacunque natione veniant, citra vllum impedimentum liberum in nostras regiones accessum & comeatum concedant. Regi quoque Polonia, & magni Duci Lithuania, aut si alius quis in regem Polonia, aut magnum Ducem Lituania surrogetur, nullas suppetias, & auxilia vlla in re ferant. Quicquid præterea literæ super pace firmata confectæ, quæ multoties descriptæ sunt, & quarum nomine crucem coram omnibus vobis osculati sunt, continent, ea omnia ritè, legitimeque præstetis. Insuper & præfecti nostri magnæ Naugardie, & Plescouie has de pace inita literas, ad vos per nuncium suum Melardum Torpico miserunt: Teuthonicus quoque Magister, archiepiscopus Rigenfis, episcopus Torpatensis, ceterique episcopi loco & vice omnium Liouonum super his literis, crucem exosculati sunt, & dexteras porrexerunt: octo etiam sigillis easdem coram Melardo

quam gratum nobis fore spectaculum, si vllius sanguinem innocentem à nobis profundi videamus, siue Christianus ille sit, siue gentilis. Vt autem iniustitiam vestram agnoscatis, decreuimus nunc magnificam & præpotentem nostram virtutem hac epistola, qua bellum vobis indicimus, ad effectum deducere, quam epistolam per hunc nostrum ministrum ad vos destinamus, iubentes, ne inuitum illud detineatis, sed liberum ad nos regressum concedatis. Datum in nostro dominio, aula & vrbe nostra Mosko, anno 1557. Mense Nouembri.

Nec multò post Epiphaniam, anno 1558. trecentena millia militum conscribit, atq; in Liuoniam mittit, vt ferro & incendio vniuersam prouinciam Torpatensem hostiliter vastent.

Moschouius ingentem exercitum longo tempore sustentare potest. Neque enim militibus suis stipendia largitur, sed agros exiguo illis precio elocat, quo beneficio operam ipsorum demeretur. Conscripsi autem milites coram magno principe comparerent, & nummum, quem vocant *eyndenninek*, æstimationis vnus stuferi Brabantici principi numerant. Reuersi ex bello eundem nummum repetunt. Occisorum autem numismata retinet princeps, atque ita cognoscit interfectorum numerum. Hic igitur tam vastus & barbarus exercitus, octauo post Epiphaniam die Torpatensem diocesis inuadit, duorumque milliarium latitudine incedentes omnia vastant, diripiunt, despoliant, deprædantur ædes, & pagos, & cuncta obuia incendio, homines & pecudes gladio sustollere, iugulare, trucidare, euertere, sursum, deorsumque omnia iactare, non ætati, non

sexui parcere, non gemitu, non luctu, non clamore, & vlulatu pereuntium emolliri, omnia ibi cædibus, sanguine & incendio inundare, conflagrare, conflagrare. Pueros infra annum decimum necant, qui intra decimum & vigesimum annum cõstituti, Tartaris velut mancipia venduntur: qui vigesimum superabant, vniuersi nulla miseratione trucidantur. Greges, armenta & iumenta, quæ nec assumi, nec abduci in Moschouiam poterant, vniuersa mactantur: pagos, vicos ac domos priusquam incendio vastant, prædatoria manu despoliant, omniaq; vñs suis accommoda diripiunt, ita vt ingentem frumentorum, pecorum, aliarumq; rerum prædam auerterent. Quadraginta dies hanc tam immanem truculentiam barbarus ille populus exercet, vniuersam Torpatensem prouinciã miserè & crudeliter fœdans, diripiens ac deuastans, paucis arcibus, & vna Torpatensi ciuitate exceptis, in qua quotquot erant vñdique nihil præter flammam & fumum conspiciunt, luctu, clamore, & eiulatu campi, & siluæ reboant. Ac tantum aberat, vt Moschouij Liouones restituros metuerent, vt iuxta ipsam ciuitatem Torpatensem ædificia penè contigua succenderent.

Maximè autem Moschouius exercitus in Germanos sæuiebat, quos vbi deprehendissent miserè & immaniter afflictabant. Viros brachijs truncant: mulieribus vbera abscindunt, alios in frustra disseccant, & membra trementia huc, illucq; disseminant. Crudele profectò, & plusquam belluinum spectaculum. Heu cadit in quenquam tantũ scelus? Igitur Moschouijs tam inhumaniter & supra omnem modum desæuientibus, & cuncta obuia depopulantibus,



ribus, immensa nobilium, & plebeiorum multitudine in ciuitatem Torpatensem cum vxoribus, liberis, & quas habebant facultatulis, veluti ad asylum confugiunt: non è vicinis duntaxat pagis, sed qui ultra decem, & viginti milliaria degebant, quorum omnium numerus exiguo temporis momēto in tantam excreuit multitudinem, vt platee, cœmiteria, & pomœria vndiq; & vbique scaterent. Et cùm ciuitas tam immensam hominum copiā ambitu suo capere non posset, ultra decem millia cum mulieribus, & liberis in fossas ciuitatis confugiunt. Magna ibi calamitas & miseria cōspicitur, in opes, nudi, & inermes sub dio passim sternuntur, cum gelū, glacie, frigore & niuibz omnia horrerēt, asperrima erat hyems, & frigus intensissimum, vt plurimi intoleranda frigoris asperitate, & horrōre stupentes enecarentur. Alij fame, siti & inedia consumpti, vix ossibus hærentes, afflictam animam exhalant: alij frigoris, & inedia paulò patientiores, omni miseria- rum genere cooperti, omnibusq; vitæ adminiculis destituti, quoad possunt, egrè vitam protrahunt: sed nec tantis ærumnis ac doloribus superatis, sperato potiuntur effugio. Superueniens enim Moscho- uiorum exercitus, in ipsas fossas, vbi infelix hæc plebecula duriter, & miserè latitabat, præcipientes ruunt, gladijs, lanceis, sagittis, omniq; armorū genere eos inuadūt, sauciant, iugulant, cōfodiunt, plagis, & vulneribus opplent, ibi noua calamitas, luctus, clamor, vlulatus, miserie miserijs accumulatur. Oppidani tantā hostium vim ac truculētiam cōspicientes, metu, & formidine præsentanei discriminis anxij, nullas ijs, qui foris erant suppetias ferre audent, sed

intra vallum, & in cœnia se continent. Quando igitur prodire, & cominus cum hoste configere formidant, tormentis, & machinis bellicis instructis, glandes, & globos tormentarios in hostes iaculantur, ita vt Moschouij tandem à ciuitate recederent. Igitur prouincia Torpatensi funditus deuastata, in ditionem Teuthonici Magistri per territorium Leidense proficiscuntur, ibidemq; vt antea fecerant, vniuersa depopulantur, vt ne tugurium quidem vnum incolume permaneret. Inde in ditionem Neruiensem, Teuthonici quoq; Magistri dominio subiectam, progrediuntur, itidem omnia depredantes, & euertentes, vt res non belli, sed rapinæ potius, & latrocinij speciem haberet. Ingressus erat exercitus Liuoniam ea parte, qua episcopus Torpatensis arcem habet Nyenhufen, rursusq; circa Quadragesimæ principium per territorium Neruiense ingentibus spolijs in Rutheniam regrediuntur, quæ ab inuicem plusquam quadraginta milliaribus distant. Interea per vniuersam illam Liuoniæ prouinciam grassantes, sedecim milliarium latitudinem, peragrarunt, nihil saluum, & incolume relinquentes. Prima hæc fuit id temporis Moschouiorum in Liuoniam irruptio, in qua nec Teuthonicus Magister, nec episcoporum vllus, hostilibus illorum vastationibus, rapinis, & incendijs quicquam restiterunt.

Tanta clade accepta, vniuersi Liuoniæ proceres circa Dominicam Oculi, in Quadragesima, in ciuitatem Wendensem conueniunt, quid in rebus tam deploratis consilij captandum sit, cōsultant. Eodem tempore Torpati ingens ac terribilis cometa conspicitur, oblongo, & formidabili radio vniuersis suspi-

suspicientibus horrorem incutiens. Proceres dum consilia inter se conferunt, principio discordare, alij conscribendum militem suadent, & post ferias Paschales finitima quæque Moschouiorum, ferro & incendio depopulanda, suorumque innoxium sanguinem pari crudelitate vindicandum, toties barbarum illum tyrannum, fustum, fugatumque à maioribus, non tantum virium, aut roboris illi accessisse, quin & nunc vinci, superarique possit. Alij bellicas impensas, & hostis potentiam considerantes, cōsulant, sexaginta aut septuaginta thalerorum millia ad magnum Moschouiæ ducem mittenda, pacemque redimendam, iniustam, emptamque pacem legitimo bello, hac tempestate præferendam, pecuniam eam haud multis, magnisve stipendijs erogandis sufficere, qua non difficulter pacem sint impetraturi. Qua sententia tandem omnibus suffragijs recepta, Teuthonicus Magister illico circa mediū Quadragesimæ veredarium ad Moschouium principem ablegat, petens quadrimestres inducias, & liberum accessum in Moschouiam pro firmanda pace. Moschouius petitas inducias, cæteraque omnia concedit. Igitur circa octauam Paschæ diem Teuthonicus Magister quosdam deligit, qui legationem ad Moschouiæ principem obeant. Itidem episcopus Torpatensis suos legatos adornat. Et quoniam comperit habebat Moschouium nonnullis, propter cognitam eorum in rebus nouis moliendis audaciam, plus satis infestum, destinat legationi perferendæ D. Wolffgangum Zager, Metropolitanæ ecclesiæ Torpatensis Decanum virum antiqua pietate, doctrina, & virtute præstantem, qui & nouennio, pu-



blico ecclesiastæ munere perfunctus erat, priusquã D. Philippus Olmen huius historiæ spectator adidem munus ascisceretur. Erat strenuus catholicæ religionis vindex, & collegium cui præerat pro sua virili penè 20. annis optimè gubernârat, ita vt nouæ factionis sectatores eum Liuoniæ Papam appellarent. Verùm quinquaginta Ruthenicæ ditionis miliaribus emensis, morbo correptus, vitam morte commutat. Erat præterea duobus à Torpato milliaribus quidam equestris ordinis vir, primæ apud Liuones nobilitatis, qui itidem cum familia & subditis in catholica religione perstabat. Hic Decano in legatione perferenda adiungitur. Legati postquam ad magnum Moschouiæ ducem perueniunt, pecuniam pãci redimendæ destinatam adferentes, perturbatum infestumq; ducis animum comperiunt, nec vllam pacem, vllasve inducias impetrant. Causa hæc fuit. Habebat Teutonicus Magister oppidum in Ruthenorum confinio situm, cui nomen Neruius, atq; ibi arcem. Habebat quoq; Moschouius dux iuxta Neruiam illam oppidum, itidẽ Neruia appellatum, & castro insigni munitum. Hæc duo oppida adeò erant confinia, vt vno tantum fluuiolo interlabente distinguerentur. Magistri ciuitas Germanica Neruia, Moschouij Ruthenica Neruia vocabatur. Ordinis Teutonicus Magister in sua Neruia præter quendam ordinis Commendatorem, qui ciuitatis præfectum agebat, trecentos milites, & centum quinquaginta equites præsidij loco aduersum Ruthenos collocarat. Rebus ecclesiasticis tum in templo, tum in arce Lutheranum cõcionatorẽ præfecerat. Moschouius dux in sua Neruia tria millia

Ruthe-

Ruthenorum constituerat. Vbi quadrimestrium illarum induciarum, de quibus paulò antè dictū est, vnus mensis præterijisset, & legati iam compluribus diebus in itinere fuissent, (distat enim Moschus ciuitas à Torpato centum quinquaginta militaria Germanica) contigit, vt commendatoris ministri è turribus prospicientes, viderent ingentem Ruthenorum turbam in Ruthenica Neruia obambulantem. Illi confestim seu proteruia seu largiore potu stimulante, duos colubros puluere tormentario grauant, in Ruthenos dirigunt, & ferreas glandes in mediam turbam iaculantur. Cæteri Cōmendatoris ministri, & milites qui in vicinis propugnaculis & turribus præsidium agebant, pactas cum Ruthenis inducias expirasse putabant, nec mora grauatis nitro, instructisq; tormētis certatim eosdē Ruthenos creberrimis globis actelis inuadunt, vt plurimi eorum occumberent. Ruthenis religio erat violare inducias, eoq; nullum in hostes telum retorquent, sed cōfestim emissarium ad magnum Moschouic principem ablegant, nuntiantes quàm perfidē, & iniquē Liuones pactas inducias rupissent, plurimosq; Ruthenorum nullo bello legitimè denunciato præter omnium opinionem telis & globis tormentarijs hostiliter inuasissent, & miserè traiecissent. Hoc nuncium eodem tempore quo Liuonū legati Moschum peruenerant, ad magnum ducem perfertur. Legati huius tépestatis ignari ad principē accedunt de pace tractaturi. Princeps recēti suorum clade, & Liuonum scelete nūciato commotus, indignabundus exprobrat legatis, quàm perfidē Neruienses inducias violauerint, Ruthenos contra ius & fas ex

inopinato oppetiuerint, obruerint, interfecerint, impiam esse doctrinam, quam paucis ab annis susceperint, priori religione profligata, omnē illos virtutem, fidem, constantiam, pudorem simul exuisse. Minatur insuper se tam insignem perfidiam ferro & flamma seuerè vindicaturum, frustra cum illis de pace tractari, quorum animus rapinis, libidinibus, omnibusque flagitiorum generibus turpissimè sit delibutus. Ad suos redeant, pecuniam Magistro referant, se paulò post securum.

Legatis in Liuoniam reuersis, magnus Moschovia dux ingentem exercitum cum prae grandibus bombardis & machinis Neruiam Germanicam versus mittit, ciuitatem obsidet, armato milite & tormentis muros inuadit. Octauo obsidionis die, ignem in ciuitatem iaculantur. Ignis nutrimentum nactus, continuò inualescens, totam per urbem grassatur, ipsasque portas comburens, hostibus ingressum patefacit. Rutheni patefacto aditu, in ciuitatem irruunt, omnia depopulantes, Oppidani cum auxiliarijs in arcem confugiunt, sed paulò post com meatu destituti Praefectus, seu Commendator deditionem facit, hac cōditione, vt ipsi cum omnibus Germanis militibus liberū abitum concedant. Hoc impetrato, castrum Ruthenis deditur. Commendator cum suis militibus omnibus, quas auferre sperauerant, facultatibus exuti, dimittuntur. Ciues in ius & imperium magni ducis concedunt, ei que sacramento se obstringunt. Expugnata Neruia, Moschouiorum exercitus arces, pagos, vicos, domos ac villas vndiq; quindecim milliarii in latitudine circumiacentes diripit, & vastat. Noua ibi calamitas,

noua



noua ærumna, & lamentatio exoritur, factumque ita, vt quotquot ibi agricolæ Teuthonico Magistro antea parebant, nunc ab eo desciscientes, in Moschouij ducis iurisdictionem, & imperium cōcederent. Direpto igitur, & vastato Neruiensi territorio, circa natalem Baptistæ Ruthenicus exercitus in prouinciam Torpatensem progreditur, ac tertio, post Baptistæ natalem, die primariam episcopi Torpatensis arcem, cui nomen Nienhusijs, octodecim à Torpato milliaribus distantem, obsidet. Ruthenorum nō pauciores erant octoginta millibus. His adiuncta erant ænea tormenta plurima & maxima. Priusquam huius arcis expugnationem referamus, memorabile facinus, quod olim in ea contigisse ferunt, interponemus, vt animus ab his bellicis tumultibus, cædibus, & incendijs paulisper respiret. Oppugnauit olim hoc castrum magnus Moschouie dux, anno 1381. cui oppugnationi ipse intererat vnā cum trecentenis militum millibus. Ac tandem post diutinam, & pertinacē obsidionem, & crebras irruptiones, mœnia, & propugnacula labefacere incœptant, obfessi cū hostium assultum diu sustinuisent, tandem solis viribus humanis diffisi, diuini numinis clementiam, & auxilium quotidianis, ardentibusque votis exposcunt. Præfectus vt in bellicis rebus reliquis præstabat, ita hoc quoque in negotio cæteris feruentior erat. Igitur quadam nocte Veneris diem proximè antecedente in somnis perui-gilat, ante arā quandā prosternitur, orat, vt in tam deplorato rerū statu Deus apparere dignetur, felicemque tam grauis obsidionis liberationem largiri. Exorto Sole, cū Rutheni certaiam arcis ex-

pugnationem sibi promitterent, exurgit è precibus suis præfectus, acceptoq; arcu, telum ferrea, acuminataq; cuspide in Dei nomine in medium Ruthenorum exercitum è fenestra emittit. Fauent conatibus superi, volat missile ferrum, & ipsius Moschouij principis cor trāsfigit. Concurrunt trepidi comites, dominumque ruentem suscipiunt. Ille manu moriens, telum trahit, ossa sed inter ferreus ad costas alto stat vulnere mucro. Rutheni magno cum vultu principis, & imperatoris sui tam funestum, & luctuosum casum deplorant, arreptumq; funus in Moschouiam perferunt. Liuones hoc mirabili, memorabiliq; modo liberati, arcum perpetui trophæi loco in Basilica, quæ ibidem in castro extructa erat, ad altare suspendunt. Solebat in eo templo cultus diuinus quōdam magna pietate, ac deuotione peragi: nūc verò peruersis dogmatibus receptis, nullum pristinae pietatis vestigium conspiciebatur. Arcum ibidē suspensum, vidit venerandus vir D. P. Olmen, quondā Metropolitanę ecclesię Torpatensis stipendiarius Canonicus, nunc ecclesiastes Resensis.

Teuthonicus Magister cognita arcis Nienhusen obsidione, duo Germanorum equitum millia adducit, & vnā cum episcopo Totpatensi, qui trecentos habebat equites (equester enim ordo Ruthenica depopulatione opibus, fortunisque omnibus exutus erat) obsessis auxilia ferre meditatur. Vbi sex adhuc milliariib. à Ruthenico exercitu abessent, prope castrū episcopi Torpatensis, cui nomē Kieriepe, sua tentoria figunt, ibidemque ad dies viginti quatuor morantes, omne tempus quieti & luxuriæ cōcedūt. Obsessi, quum præter paucos accolae, qui in arcem

con-

confluxerant, & sexaginta præfidiarios milites, nulla haberent auxilia, diutina obsidione fatigati, nullaque suppetiarum spe affulgente, & rebus accisis deditionem faciunt, ea conditione, ut ipsi cum fœmineo comitatu securi abscedant. Cæterum duo miliaria progressi, in aliud Ruthenorum agmen incidunt, qui raptis virginibus, & fœminis, illos nudos, omniq; argento spoliatos dimittunt. Teuthonicus Magister deditionem factam intelligens, ira simul ac dolore exacerbatus, castrum episcopi Torpatensis Kieriepe igne succendit. Præclarum hoc fuisset, & gloria dignum, si facinus istud in hostem designasset. Expugnata igitur arce Nyenhufen, & præsidio munita: dux exercitus Ruthenici cum vniuerso agmine ad Teuthonicum Magistrum pergit, prælium cum eo committere constituens. Magister re intellecta, ocyus fuga arrepta, desertoque episcopo, è Torpatensi prouincia penè ad viginti quinque miliaria secedit.

Rutheni equites numero triginta millia pergunt in Torpatensem prouinciam, obuios quosq; Germanos trucidant, alios plebei ordinis homines, quotquot parati erant, magno Moschouie duci subijci, illi parere, & iureiurando obstringi, hos in gratiam recipiunt. Imperator Ruthenorum, quoniam ipse bello non intererat, præfecerat exercitui ducem quendam Moschouium, cui nomen Petro Sisegaleider, à septem triremibus Galeaceis, quibus in mari præfuerat, & piraticâ exercuerat, ita appellatus. Hic cum vniuerso exercitu, videlicet, quatuor agminibus Ruthenorum, seu Moschouiorum, vno Tartarorum quorum erat triginta millia, & altero tormetariorum, seu



sclopetariorum, qui duodecim millia cōstituebant, machinis quoq; , & tormentis æreis prægrandibus, tanto, inquam, cum exercitu, ad obsidendum Torpatum progreditur. Interea quosdam Germanos deprehendis, viros brachijs truncat, scæminis vbera, & nares abscidit : hos tam miserè & crudeliter deformatos, Torpatum præmittit, denunciat, vt ciuitatē dedant, in Moschouij principis imperium concedant, ni faciant, omnes eadem, & grauiori pœna plectendos. Ruthenicus exercitus sex milliaribus à Torpato castrametatur. Vniuersus militū numerus, vt ferebatur, trecenta millia constituebat. Ciues Torpatēses & reliqui equestris ordinis, cognita obsidione, Cathedralē ecclesiam claudunt, præcipientes ne quisquā Missæ sacrū in ea peragat, præuaricantibus extremum supplicium interminantur. Ingens sanè & horrenda populi cæcitas, dicāme an impietas in tam præsentaneo discrimine, rebus ita nutantibus hostico exercitu muris imminente, nec vlla humana ope vllam salutis spem promittente, diuina præsidia tam prophanè aspernari, ridere & execrari.

Interea dum hostes sex miliarium interuallo castrametantur, quotidie sex aut septē Ruthenorum vexilla ad urbem emicant. Cancellarius Torpatensis, cum quibusdam consiliarijs & nobilibus, episcopum accedunt, simulant se vrbe egressuros, & cominus cum hoste cōflicturos. Illi portis emissi, deserto episcopo, derelicta ciuitate, perfidi & profugi Rigam omni celeritate se recipiunt. Ciuium quoq; bona pars, opes merces suas Rigam & Riualiam miserant, & paulatim ex vrbe secesserant. Morbo etiam

iam à pascha ad Pentecosten grassante, plurimi sublati erant, vt pauci admodum, qui urbem defensitarent, superessent. Hi erant Cathedralis ecclesiæ Canonici & sacerdotes, cum episcopo & paucis nobilibus, & plerisque qui in catholica religione perseuerantes, intra immunitatem (vt vocant) ecclesiæ Cathedralis habitabant: neque enim senatus, aut ciues vllum in ciuitate tolerabant, qui religionem catholicam non abiurabat. Septima mensis Iulij centurio quidam Groningensis cum sexaginta militibus Torpatum venit, ab episcopo in præsidium suscipitur, inde ex opificibus & plebeis adhuc cætum alleguntur. Vndecimo Iulij Ruthenicus exercitus, Torpatum ad obsidendam urbem pergit. Tunc omnium Torpatensium animos ingens metus & formido inuadit, vt quid inceptare, quid moliri deberent, dubij, anxij & trepidi rerum, haud satis definito possent. Canonici assumpto duce Groningensi, & plerisque nobilibus, in ciuitatem ad forum descendunt, hortantur & obsecrant ciues, vt resumptis animis, viriliter hostium impetū sustineant, se, uxores, liberos, & patriam, aduersus hereditarium Christiani nominis hostem fortiter & fideliter tuteantur, facile hostes posse propulsari, si vnanimis, concordibus animis & armis, pro aris & focis dimicent. Ad hæc consul. Si episcopus Hermannus & canonici Romano. Pontifici renuncient, Euangelium amplectantur, velle ipsos ciuitatem seriò & viriliter tueri. Respondent canonici graue hoc & exitiosum tum sibi, tum ipsis futurum, quâdoquidem animaduertant post assumptam illam nouam doctrinam omnia illis aduersa fuisse, nunquam tantam

à Moschoniſ cladem accepisse, quantam post religionis mutationem pertulerint. Tandem Satrapa pronuntiat, vt quilibet sua in fide ac religione permaneat, nunc non de fide, sed pro patria, parentibus, & liberis decertandum. Illud consilium cum omnibus probaretur, sacramentū præstant, nūquam se Ruthenis urbem dedituros, sed ad extremum usque halitum pro communi omnium salute fortiter dimicatu- ros. Confestim tres ciuitatis portas muro obstruunt, & nea tormēta in turribus & propugnaculis collocant, ipsi vndeque in mœnibus & speculis præsidia & excubias agitare. Vndecima Iulij die quæ in feriam secundam incidit, mane ante solis exitum, speculatores vniuersum Moschouiorum & Tartarorum agmen urbem obsidere comperiunt. Castra ante portam S. Andreae ad Orientem fecerant, eaque vallo muniuerant. Densissimæ erant ea nocte tenebræ, actametsi sol tertia hora matutina exoriretur, tamen propter nebulam mirè spissam parum, aut nihil prospici poterant. Torpatenses obsidione cognita, & neas glandes & tormētarios globos ea parte qua strepitum audiebant, eiaculantur, sed neque in quenquam collimare, aut quid proficerent, scire dabatur. Sclopetarij seu sagittarij sexaginta quotidie bis ex urbe emicant, vt leui pugna Ruthenos adorian- tur: sed quoniam rari erant, parum efficiebant. Nebulæ densitas per Lunæ, & Martis, & Mercurij diem cōtinenter durabat, vt vix paucis passibus prospicerent, certoque pateret, obsidionem illam à Deo ex certo vindicandi proposito permissam. Mercurij die equites Torpatenses omnes, hi erūt circiter sexaginta, denuò ad Ruthenos procedunt,



dūr, & leui pralio cōfligūt, multos æneis & plūbeis glandibus traijciunt. Speculatores quoque, & qui in turribus præsidium agebant, tormentarios globos in Ruthenicum agmen iaculantur, tanta vi & copia, vt velut flammis & incendio ciuitas septa videretur. Equites cū ad horas duas acriter cum Ruthenis dimicassent, & hostibus vndiq; accurrentibus nimis essent impares, in vrbem se recipiunt, vno duntaxat suorum amisso, equis verò sagittis ac telis Ruthenicis grauitè vulneratis. Ferebatur tunc in vrbe, aliquot Moschouiorum millia grauioribus tormentis interfecta, conspiciebantur quoq; passim equi deiectis sessoribus circumquaque procurrentes. Fertia quinta Moschouij machinas ac tormenta sua instruunt, non tamen in mœnia ipsa dirigunt, sed in altum leuant, vt globi, (quos vix duo lecti viri eleuassent) in ædium recta prociderent, quorum pondere parietes, recta ac ligna collisa ac diruta, pueros, fœminas, passimq; omnes inquilinos repente præter expectationem opprimebant. Tantus erat ea die ac nocte intus & foris bellicarum machinarum fragor ac sonitus, vt vix alterius sermonem exaudiret.

Rutheni proxima nocte quæ Veneris die antecedebat, ad portam D. Andreæ, fossam ingētem sub mœnibus fodiunt, & sex vasa pulueris tormentarij substituunt, & vi pulueris eam mœniorum partem disrumperent, & subuerterent. Sequenti die circa horam novam matutinam, denuo Rutheni terribili tormentorum fragore oppidanos inuadunt. Fœminarum tum natura, tum præsentaneo discrimine pauidæ, luctu lacrymis & eiulatu omnia complent.

Quam tam miserabilem miseriam, consules vndique cōspicientes, ad Cathedralē ecclesiā ascendunt, deploratum ciuitatis statum episcopo exponunt, deditionem se facturos aiunt, quoniam tantam suorum calamitatem, luctum & ærurnam vltius corā videre ac sustinere nullo modo queant. Episcopus monet, vt meminerint deditionem sempiternæ ipsis turpitudini & ignominiaē futuram, deinde perspectam illos habere Moschouiorum, & barbariem, & tyrannidem, fidemque ac religionem in Deum ac Diuos blasphemam, tum ab vniuersa ecclesia, totoque terrarum orbe dissentaneam. Expendant, ne pecudes quidem à Christianis tam immaniter tractari, vt homines à Moschouijs. Considerent quantam truculentiam & plusquam ferinam barbariem in virgines & fœminas Christianas exercuerint. Eadem & grauiora, fortassis ipsis imminere, si spontè tam crudelis domini iugum intolerabile subeant. In hanc sententiam cum ad persequerantiam hortaretur episcopus, nihilo secius pertinaciter deditionem vrget senatus, quo factum, vt ingens dissensio in vrbe exoriretur. Nec multo post eodem die circa horam duodecimam legatum ad Moschoniū exercitus ducem mittunt, supplices rogant, vt ab obsidione desistat, paratos se fore, si vitam & facultates saluas ipsis promittat, pontifici & imperio Romano renuntiare, & præstito Sacramento in ius & imperium magni Mōlōuici ducis concedere, ac deditionem facere. Exercitus Ruthenici dux accepta legatione, certam pacem illis promittit, si propositas condiciones inire velint. Hoc responso solide gaudius senatus, duos ex senatoribus  
ad

adducem ablegat, qui omnium nomine iusiurandum præstent. Ea fama ubi per urbem diuulgatur, ingens tumultus & seditio exoritur. Militum præfectus cum sua cohorte, & Cathedralibus canonicis, reliquisque catholicis, nullo pacto ad sacramentum Moschouio principi præstandum induci sustinent, sed nec deditionem facere, verum armis, vita & sanguine auitam religionem, libertatem, & patriam vindicare parati sunt, impiamque & nefariam senatus defectionem grauiter redarguunt, salua esse adhuc mœnia, commeatum prælargum ac sufficientem, præsidarios tametsi non ita multos, tot tamen ac tales, qui & urbem protegere ac defensitare possint, eaque fortitudine, animique præstantia præditos, ut vitam prius & spiritum quam urbem & libertatem amittere velint. Senatus nihil à proposito declinans, & fidem, & religionem, cunctaque vitæ posthabenda arbitratur. Atque ut culpæ, ac defectionis socium haberet, Episcopum cuius instatiam exploratam habebat, accedit, ipsumque ad arcis cuiusdam & abbatia Valkena deditionem inducit. Milites, qui centum sexaginta erant, & quadraginta Cathedralis ecclesiæ catores, & canonici, hac defectione nequicquam à pristina constantia dimouentur, sed mutuam fidem ac tutelam inuicem stipulantur & promittunt, sanguinem prius profunderè, quam patriam prodere, auitamque religionem abiacere, statuunt. Hæc feria sexta continebant. Postero die Moschouij exercitus dux, cognita oppidanorum dissentione, ut urbe potiretur & obsidionem conficeret, nuntiat obsessis, neminem se coacturum ut abnegato imperio Romano, in magni Moschouia



ducisius & imperium sese dedat. Vrbe se vel volentibus, vel inuitis oppidanis omnino potiri velle. Qui Moschoſio duci sese dedere ac iurandum præstare detrectent, illis liberum fore, vt per vniuersum Ruthenorum exercitum securè in Germaniam secedât. Qui verò parati sunt in Moschoſij principis imperium concedere, illis vitam & facultates saluas fore. Cæteris qui neutrum horû faciant, extrema minatur. Ad sequentē Lunę diem circa septimā matutinam portas apertas fore, interea deliberent, & quid facturi sint, constituent. Milites præſidarij cum Cathedralibus nihilo secius armati duas subsequentes noctes peruigiles ducunt, quandoquidem & senatum cum ciuibus & Moschoſios aduersos habebant. Interea plerique nobiles, ciues, & fœminæ catholicismi reliquis paulò obseruantiores, ad Cathedrales concedunt, & voluntarium exilium vnâ cum ipsis eligunt, atque ita numerus secedentiû excreuit in 200. armatos, & 200. fœminas ac virgines. Die Lunę portis adaperitis, egrediuntur catholici, quos Ruthenici exercitus dux, per vniuersum agmen iuxta datâ fidem, dimittit. Ingens ibi luctus & eiulatus exoritur, maritus ab vxore diuellitur, fratrem soror deserit, liberi à parentibus, cognati à propinquis secedunt. Alij senio, morbo, aliòve incômodo grauati tam longinquum, ignotum, plenumq; discriminis iter suscipere nequeunt, alij bonorum, facultatumq; appetētiores, pontifici & imperio Romano renunciant, & Moschoſij principis iugum subeunt, catholici vrbe, patria, ac domo profugi, omnibus derelictis, plurimæ etiam matres prolibus onustæ Riualiam contendunt. Dum per  
Ruthe-

Ruthenicum exercitum gradiuntur, Tartari quorum erant triginta millia, Liuones inuadere parant, eos in prædam sibi datos afferentes, arcus instruunt, & nouo eos, insperatoque prælio appetere instituunt. Fœmineus cœtus præsentaneum periculum conspiciens, protinus in clamorem & eiulatum, ut fit, soluitur. Caterum Deus mirificè eos tutatur. Clarum erat & serenum cælum, nec à viginti diebus pluerat, nec octiduo post pluebat. Nihilo secius in tanta serenitate, ingens ac formidabile tonitru in medium Tartarorum agmen quinquies impittitur, tanto fragore ac sonitu, ut terra cômoueretur. Tartari quoq; instar pulueris huc, illucq; dispergebantur. Nec multo post Moschouij exercitus dux lituo quem gerebat, designat, ut liberè dimittant Liuones: indicat præterea per interpretem, deducendos eos securè per media castra & vniuersum exercitū, ingentēq; equitū cohortem ipsis adiungit, quò securius euadāt. In ipso progressu pleriq; ob æstus vehementiam, & pulueris, quem equitatus ille cōcitabat, densitatem, languidi & emortui miserabiliter cōcidebant. Moschouii agminis dux præsens huic ductui cum aliquot equitū millibus intererat, vinctumq; habebat episcopum, quem ad abbatiam Valkenadensem ducebat, ibidemq; carcerari mancipabat. Eò ubi ventum, dimittit Liuones. Illi paululum progressi noui discriminis, triste nuntium accipiunt. Monētur enim ab agricolis, latère à duobus milliaribus octo Tartarorum millia, quibus Liuones vniuersi prædæ ac direptioni dediti sint, vitæ quoq; ac necis potestatem in ipsos habeāt. Idem secreto præmonuerant eos quidam Torpatensium,

qui præstito iureiurando in Moschouij ducis imperium concesserant. Liuones principio conflictum meditantur, postea repenitus considerata, duos agricolas conducunt, qui eos ambitu quodam per nemorosa & palustria loca, quo Tartarorū equitatus penetrare nequibat, triduo circumducunt, inde post quintiduum Riualiam perueniunt, vbi singuli nauibus conscensis, salutem ac prosperitatem sibi inuicem precantes, quo animus, voluntas & consilium ferebat, contendunt.

SIMON SCHARDIVS  
DE VITA ET OBITU SIGI-  
SMVNDI AVGVSTI REGIS POLO-

*nia, qui obiit anno 1572. Kalen-  
dis Iulij.*



NNO 1572. Kalendis Iulij Sigismundus Augustus rex Poloniæ, qui superiore mense agrotare incipiens, medicis de ipsius salute desperantibus, in Lituaniam concesserat, ibidem extremum vitæ diem claudit, ne quicquam eum proceribus regni subsequenteribus, vt in præsentia viui de nouo rege deliberarent, ætatis suæ rex potentissimus, ac in orbe Christiano celebratissimus. Natus anno 1520. Augusti die 2. minutis 38. ante tertiam horam matutinam, patre Sigismundo, & matre Bona Sphortia, Ioannis Geleatij Sphortia Mediolanensium ducis, & Isabel- læ Arragoniæ filia, puer vix decimum annum agens, pater-



terno regno, patris opera, studioq; inauguratus est, cumq; eo annos octodecim regnavit, post iuuenis factus uxorem accepit voluntate patris Elizabetham Ferdinandi Cælaris, & Hungarorum ac Bohemorum regis filiam natu maximam, in qua muliere genus cum forma, forma cū comitate & mansuetudine, hæc cum probitate, probitas deniq; cum pietate cernat, ita ut nescires, quid in ea potissimū admirareris. Ea verò biennio post nuptias celebratas, magno multorum luctu extincta, atque regni habenis post patris octogenarij obitum, anno quadragesimo nono, ad solum Sigismundum deuolutis, Barbaram Radziuilliam Lituanicam inuitis regni proceribus uxorem duxit. Caterum & ea statim post coronationem vita functa, ipse triennio in viduitate transacto, alteram Ferdinandi Cælaris filiam Catharinam, quæ prius Francisco prima Mantuæ duci elocata fuerat, pontifice legibus cum saluente, matrimonio sibi iunxit. Id quod tale fuit, ut plus molestiarum, quàm iucunditatis, vel voluptatis conjugalis habuerit. Cùm autem hucusque tranquillitatis studiosissimus bella à suis auertisset, atq; pacem cum finitimis initam firmiter coluisset, tandem intestina Liunionensium dissensione, ex otio in bellum pertractus, de regni incremento & amplificatione cogitationes suscepit. Nam cum anno 1559. inter archiepiscopum Rigensem Wilhelmum ex Brandenburgica familia natum, & ordinis Teuthonici Magistrum dissensione, cùm ob Euangelij prædicationem in ecclesia Rigensi, tum ius comitiorum indicendorum exorta, res eò deuenisset, ut archiepiscopus utrumque impediturus, post varias velita-

tiones in arce Kokenhusen conclusus, fame atq; penuria rerum omnium coactus, se Magistro vnâ cum commilitonibus dedere cogereetur, & toto penè anno, non vt prouinciâ, ac ciuitatis consors, vel præsul, vel Brandenburgicæ familiæ princeps, victus detineretur, sed veluti barbarus hostis tractaretur. Sigismundus nepotis seruili captiuitate cognita, legatum ad ordinis Magistrum Wendam ablegauit cum mandatis, vt quandoquidem in bello, nepos Wilhelmus captus esset, hic indignissimo carcere liberaretur, & omne dissidium inter archiepiscop. & ordinem Teuthonicum amanter componeretur. Caterùm Teuthonici ordinis Magistro legatum in Poloniam re infecta dimittente, Sigismundus, qui operam suam sperni molestè ferret, ordinis Magistro, omnibusq; eius auxiliarijs bellum denunciat. Cuius exitus is fuit, vt etsi ordinis Magister aliquot vexilla peditũ, & equitũ Germanorum, cum copijs trium episcoporũ, Torpatensis, Riualiensis, & Gapsilensis cõtra Polonos educeret, tamẽ cũ se à Polonis exercitus multitudine superari videret, pacẽ à Sigismundo petendam censuerit, eamq; hisce conditionibus impetrarit, vt ordinis Magister archiepisc. in pristinum statum restitueret, omneq; damnum ac detrimentum eidem illatum rependeret, præterea Polono stipendia in milites erogata refunderet. Videbatur harum conditionum acceptione Liuania pacata, quantumuis Liuonibus clanculum mussitantibus, ab ordinis Magistro omnem prouinciâ thesaurum, & nullo cum fructu, aut ciuium vtilitate cõsumptũ: sed ecce Moschus suæ occasione inuētus, quod & induciarũ antea cũ Liuoniẽsibus pactarum

atarum finis esset, & Liunionenses inter se alienatos sciret, Torpatensem episcopatum Liunioniæ ingenti exercitu, nimirum trecentorū millium hominum, duce Petro Sisegaleider strenuo olim pirata inuadit, eumq; ferro & igni vastat, & per multa miliaria, omnia cede, rapinis, fœdissima barbarie & immanitate complet, pueros infra annum decimum necās, intra decimū & vigesimū cōstitutos, Tartaris hominibus feris vendens, supra viginti trucidans omnes, pecus omne quod in Moschouiam abduci non posset mactans, Germanos mares deprehēsos brachijs truncans, fœminas sectis vberibus diu crucians, plebasq; in frustra discindens, & membra palpitaria hac illac dispergens, in summa nihil crudelitatis prætermittens non tantum in ditione Torpatensi, sed & Neruiensi, quæ Magistro Teuthonico paret, minimè etiam ditioni Rigensis Archiepiscopi parcens. Ideo Liunionici, maximè Rigenses se in tanta necessitate cōstitutos, cōspicientes, & tardis auxilijs imperij, cuius superioritatem, vt vocāt, hætenus coluerāt, diffidentes, à Sigismundo defensionē petiēre, quā ipse potentia, fertilitate, ac cōmoditate vicinæ prouinciæ perpenſa Liunionensibus nō grauatim præstitit, Moschis in Liunioniam à cede sex millium Tartarorum redeuntib. fortiter sese opponēs, & quo Liunioniæ cōcordiæ prospiceret, ordinis Teuthonici autoritate in Liunionia sublata Gothardū Ketlerū ex nobilifamilia in Westphalia natum, ex Magistro Teuthonico, duce in Curlandiæ faciens. Verū enim uero dum Sigismundus Liunionensibus cōtra Moschos succurrere cogitaret, factum est, vt horū arma in suos Lituanos conuerteret. Nam in mensē Februario anni



1563. Moschus defensione Liuoniensium, à Sigis-  
 mundus suscepta irritatus, Lituaniam omnibus  
 nobilibus & præfectis hostiliter intradit, vt sic im-  
 manitatem & plus quàm beluinam crudelitatem  
 toti orbi notio-rem redderet. Ingressus itaque Li-  
 tuaniam maximis copijs, arcem munitissimam Po-  
 loczkovicepit, multis millibus hominum occisis, &  
 alijs in seruitutem abductis. Fuit hæc clades Polonis  
 perquam grauis, cùm ob alia, tum verò arcem Po-  
 lentzko amissam. Quare Sigismundus, neuiquam  
 sibi conquiescendum putauit, quo ad suos barbari-  
 ca Moschi tyrannide liberaret: ideo inducijs sibi à  
 Moscho denegatis anno subsequenti, qui erat 64.  
 Moschos in Lituaniam redeunt, ad Vlium oppi-  
 dum, virtute Nicolai Ratzuiliij profligatos, Litua-  
 nia eijs cit. Interea verò cùm graue ac diuturnum bel-  
 lum inter regem Daniæ, sociosq; Lubecenses, con-  
 tra Ericum SchWedie regem exortum esset, atque  
 hunc id moliri cognouisset, vt toto mari Baltico  
 occupato, & latronibus atque piratis infestato,  
 mare ipsum suæ potestatis faceret, Polonicasque di-  
 tiones oppugnaret, ipse, quo conatus Erici infringe-  
 ret, veteremq; maris & cōmerciōrū libertatē & se-  
 curitatē tueretur, societate cum principib. Prussie,  
 Pomeranie, & Megapolie, dictisq; cōfederatis iniit.  
 Ea q; durate, Christophorū ducē Megalopolensem  
 electum coadiutorem Rigensis Archiepiscopatus,  
 quod in suspitionem venisset, quasi cum hostibus  
 regni Polonici consilia agitasset, cepit, eumq; Wil-  
 dæ clementer exceptum, per aliquot annos in cu-  
 stodia habuit. His rebus ita gestis publico consensu  
 Lituaniam, cæterasque regiones Poloniæ coniun-  
 xit,

xit, actandem inducijs cum Moschouita factis, vt exitiale bellum SchWedi cum inter sororium Ioannem SchWecia & Danię reges adhuc durans, æquis conditionibus componeretur, vnà cum alijs regibus ac principibus intercessit. De alijs eius priuatis virtutibus à nobis hic plura commemorari necesse non esse, id alijs facturis quibus ea notiores sunt quàm nobis. Beneuolentia verò, qua illusterrimam familiam Brandenburgicam ob agnitionem amplexus est, ad omnem posteritatem prædicanda est. Siquidem vt liberationem Wilhelmi archiepiscopi Rigenfis taceamus, & fratrem eius Albertum primum Prussię ducem ab imperatore proscriptum clementissimè protexit, & protectum ad amauit ac coluit: filij præterea adolescentis Alberti Friderici patre defuncto, tutelam clementer suscepit, vtque propensionem erga cognatam familiam Brandenburgicam ad omnem posteritatem declararet, eam totà, casu quo proximiores absq; liberis atque legitimis hæredibus decederent, successionis Borussiae ducatus capacem esse voluit. Decessit nullo ex tribus vxoribus hærede relicto, vltimus regum Polonicorum ex stirpe Jagellonea Lituanica, quæ ab anno 1386. in hunc vsque diem quo Sigismundum mortuum diximus, magna cum laude res Polonicas rexit: Jagello siquidè, siue Jagula magnus Lituaniæ dux, qui cum matrimonio Hedwigis demortui Ludouici regis Vngarorum & Polonorum filia, regnoque, fide Christiana recepta Vladislaus secundus est dictus, quasi qui gloria potens futurus esset, decrepita admodum ætate, ex quarta vxore Sophia Russa Kiouiensium ducis filia, duobus

filijs, Vladislao tertio, & Casimiro, susceptis, post  
 mortem regnum ad Vladislaum filium transmisit,  
 eum, qui Vngarorum quoq; regno suscepto, & pro-  
 fligatis cum gloria aliquot Turcarum exercitibus,  
 cum prius ad Macedonia, deinde ad Thracia fines  
 magis animosiore quàm validiore exercitu pene-  
 trasset, apud Varnam inter cōfortissimos hostes di-  
 micans, certam propemodū victoriam cum vita pa-  
 riter amisit. Post hūc autem sine liberis decedētem,  
 cū Polonis vndecim, Vngaris quinq; annis præfuis-  
 set, Casimirus natu minor frater regnū suscepit, qui  
 Elizabetha filia Alberti Romanorū, Vngarie & Bo-  
 hemie regis, & archiducis Austria, & Ladislai Vnga-  
 rorum & Bohemorum regis, sorore in regni sociam  
 ascita, ex illa filios sex, & filias septem sustulit. Ex his  
 Vladislaum natu maximum viuens Bohemis, Casi-  
 mirum ac deinde Ioānem Albertum Vngaris reges  
 dedit: Sed utroq; hoc dissentione partium deserto  
 Vngariam quoq; cū Bohemia Vladislaus obtinuit.  
 Ex quo & Anna Galla, filia domini de Candalla Va-  
 sconis nati. Ludouicus filius, qui bimulus viuēte pa-  
 tre coronatus, cum ei exacta ætate mortuo in utro-  
 que regno successisset iuuenis admodum Turcico  
 bello, anno 1526. apud Mohatiū miserabiliter periit,  
 & Anna filia, quæ nupta Ferdinando Cæsari eum  
 quindecim liberis beavit: filijs quatuor, Maximilia-  
 no, Ferdinādo, Ioanne & Carolo: filiabus vndecim,  
 Elizabetha, Anna, Maria, Magdalena, Catharina,  
 Leonora, Margareta, Barbara, Ursula, Helena, Iohā-  
 na, de supra memoratis verò duob. filijs Casimiri re-  
 gis, Casimirus qdē iuuenis castissimus & religiosissi-  
 mus, in Lituania immaturā mortē obiit, non sine ce-  
 lebri



Iebri sanctimoniz fama. Ioannes Albertus post patrem octo & amplius, deinde huc secutus Alexander, quinque annos regnarunt: ille quidem maximi animi, sed ante susceptum regnum, quam regnans felicior. Hic à Moschis apud Vedrusios victus eodem apud Opalcam, Tartaros verò Tauricos apud Clescum paucis ante mortem diebus, insignibus praelijs profligauit. Post hos natus est Sigismundus, Sigismundi de quo loquimur pater. Hunc secutus Fridericus sacris initiatus, archiepiscopus Gnesnensis, simulq; episcopus Cracouiensis, & Romanæ ecclesiæ diaconus cardinalis S. Lucie in septem Solijs. Porro filiarum Casimiri duæ immaturè mortuæ, Hedwigis Georgio duci Bauarorum, Sophia Friderico Marchioni Brandenburgensi, Anna Bugislao Pomeranorum, Barbara Georgio Saxonum, Elizabetha verò (patre mortuo) Friderico Legnicensium & Bregensium ducibus matrimonio iunctæ fuere. Cæterum Ioanni Alberto, & Alexandro fratribus sine sobole decedentibus, in regno Poloniæ successit Sigismundus amborum frater, bellis cum potentissimis Moschis, ferocissimis Tartaris, acerrimis Valachis, & fortissimis Germanis, feliciter gestis clarissimus, qui initio in matrimonium ducta Barbara Stephani comitis Scepusiensis, ac Transylvanienſiū Palatini filia, fœmina sanctissima & pientissima, ex ea filiam Hedwigiam suscepit, fœminā lectissimam, iunctam matrimonio Ioachimo Marchioni Brandenburgensi, Electori Romani Imperij. Deinde verò ea defuncta ex altera Bona Sphortia, Ioannis Galeatij Sphortie Mediolanensium ducis, & Isabellæ Arragoniæ filia maximam natu filiam Isabellam

Ioanni regi Vngarorum affini iam prius suo nuptiū tradidit: reliquarum verò trium, post mortem Sophia nupsit Henrico iunior duci Brunsvicensi, Catharina Ioanni duci Finlandiæ, iam Svedorum regi potentissimo, Anna adhuc virgo dignas suo genere nuptias expectat. Ad extremum filius Sigismundus Augustus, cū eo quo diximus modo regnasset, sine liberis decedens, obitu suo non tantum exteris compluribus, regni vacantis ambiendi occasionem præbuit, sed & inter regni proceres diuersa studia, grauesq; contentiones excitauit, quibusdam hunc, alijs alterum regem eligi postulantibus.

FINIS TOMI III. RERVM POLON.



3 4.

FRANCOFVRTI EXCVDEBAT IOANN.  
Wechelus, impensis Sigif. Feyerabendij.





